

LIBERTI FROMONDI

S. TH. L.

Collegii Falconis in Academia  
Lovaniensi Philosophiæ Professoris  
Primarii.

METEOROLOGICORUM

LIBRI SEX.

---

*Cui accessit in hac ultima Editione Thomæ Fieni, &  
Lib. Fromondi Dissertationes de Cometa Anni 1618.  
Et Clarorum Virorum Judicia De Pluvia Purpurea  
Bruxellensi.*

---



---

LONDINI,

Typis & Impensis J. Redmayne, pro Georgio West, apud  
quem prostant Oxonii, 1670.



LIBRARY OF THE

COLLEGE OF THE

UNIVERSITY OF

THE UNIVERSITY OF CHICAGO  
LIBRARY

LONDON

Printed by J. B. Nichols & Co. Ltd.  
10, Abchurch Lane, London, E.C. 4

Com. Res. 10 May 1968



dique ex Angliâ, Galliâ, Germaniâ, ejus rei Scriptori-  
bus, consecravit.

Eâdem fini & mente vetustissimi illi humani generis  
conditores & Patriarchæ, de Naturâ inter oves & agri-  
culturam commentabantur : & cum, *Gen. c. 24* narratur  
Isaac egressus ad meditandum in agro, inclinata jam die, id  
est, ad sidera & pendentia in sublimi contemplandum, &  
hinc gradu facto, erigendum animum in horum Aucto-  
rem : ut Hebræorum, Lyran, Abulensis, & plurimorum  
est interpretamentum. Apud plerumque etiam olim No-  
bilitatem in magno amore & studio hæc scientia fuit.  
Pericles, Dux ille Atheniensium tam multis laudatus, in  
similitudinem aliorum & exemplum sufficiet, cujus ani-  
mi magnitudinem & notam illam celsitatem, grandilo-  
quentiam deinde & genus dicendi sublime, fulgurans &  
tonans, à Meteorologiâ & scientiâ naturali fuisse, con-  
sensu cæterorum Plutarchus adfirmat.

Quidni igitur etiam apud Te, *Illust. & Rever. Domi-  
ne*, Meteorologica nostra sperent gratiam ? & eò insigni-  
riorum, quod Nobilitas Tua inter Belgii Illustrissimas,  
& per sexcentorum amplius annorum circuitus augustis-  
simas Comitum Lovaniensium, Alostanorum, Flandro-  
rum, sanguine aut affinitate Familias complexa, sublimis  
& incolumi claritudine decurrere pergat in posteritatem.

Si retrò etiam supra hæc in Belgio initia memoriam  
mittimus, veterum statim Saxoniarum Regum stemmata  
impingemus ; è quibus propinquâ origine fluxit Wyc-  
mannus ille ab Ottone Cæsare primus Arci Gandaven-  
sis impositus Comes : à quo Villanorum & Gandavorum  
per Belgium sparsum genus.

*Seneca*  
*l. 3. cap.*  
*28. de*  
*Benef.*  
Sed claritudinem, Majorum virtutibus partam non su-  
pra ipsas virtutes æstimas, & maculosam vitii Nobilita-  
tem, *notam magis, quam nobilem*, Romano Zenoni ad-  
sentis. Ut in purpura pannus, ita in Nobilitate defor-  
mitas

mitas vitiorum insignior: veluti contra, lætius latiùsque se diffundit Virtus, ubi circumfusam habet Nobilitatis lucem.

Sociata ergo Illustrissimo generi Virtus, nobilissimæ Ecclesiæ Principatum Tibi fecit; nam genus solum apud illum Principem (*Albertum*, inquam, *Psum*) valere parum potuit, cui in amore tam flagranti Virtus, ut cætera omnia viderentur in frigore; qui in munerum collatione, sic illam & paritatem adspiciebat, ut nullius prætereà videretur sensum habere.

Aliæ præterpropter etiam causæ fuerunt, quæ me propriè circumstant, & nuperi benefici magnitudo præsertim impulit, ut charteâ hac tabellâ nomina saltem mea efferrem, si nihil dare possem in solutum, Tametsi enim alieno, & Nominationum Academiæ nostræ Jure, in cœtum Canonorum Illustris Ecclesiæ Tuæ Tornacensis intraverim; Te propitio tamen & volente factum, imò ultrò eunte Juri nostro obviâ. Utinam cæteri Prælatorum in Belgio, ad istam mentem, & sequantur exemplum! Musæ nostræ in tranquilliori forent: neque lites tot & tam pertinaces bonam sæpè vitæ virorum eruditorum partem, utiliùs inter silentia studiorum ducendam, ad strepitus fori evocarent.

Sed favore isto, & prono, imò effulo in Academiam Lovaniensem affectu, qui Dignitate etiam illâ Episcopali, Tibi prævit olim, *Illustrissimus D. Ferricus*, S.R.E. tit. S. Vitalis Presbyter Cardinalis, & Episcopus Tornacensis: cujus, & *Maximiliani J. Belgarum* tunc Principis sollicitudine, *Sixtus Papa IV.* primum Nominationum privilegium (id est, munificentia sequentium Pontificum unicum exemplar) anno M. CCCC. LXXXIII. Universitati donavit.

Ille ævo quidem longè anterior, Tu beneficio tamen suppar, quo adfirmasti quod Sanctissimus Pontifex suafore

fore ipso & parario nobis contulit. Salve par nobile  
Præsulum: nobis posthac \* *Διοσκουρι*, & benefica duo si-  
\* *Cæsar* *Pol.* *lux.* *Tu Illustr. & Reverendissime Domine*, virtutibus  
subvectus abis: si ante ambitum ætatis impleveris (ô  
mollissimè tamen, & in rem publicam diu decurrat!)  
quem Tibi lex æterna circumscriptit. Sic vive, salve,  
vale ab

*Illustr. & Reverendis, D.T.*

humillimo & devotissimo cliente

LIBERTO FROMONDO.

Expositio Cal. Germanica

4441 C15, L3C, XXV11.



## AD LECTOREM.



**G**ustum Philosophiæ Lovaniensis & promulsdem hilant  
huc & Saculari Iubilæo, quo Academia nostra ducam  
sesimum vixit annum exambis, tibi propinare, Laetor,  
animus fuit; sequenturque reliqua, auc supprimantur,  
perinde ut hæc acceperis. A blandioribus autem aspi-  
cium cepi, ut paulatim ad severiora ite, aspernaturum forsasse statim  
inibo, deducere: quæ etiam literarum condimentis misceri, & Bac-  
chum istum castravi mollioribus Nymphis. Publicum enim palatium  
jam ferè sic est: nisi literaturæ blandimenta salivam moveant, sams  
potius emoriatur, quàm aliquis gustet. Naturam etiam imitatus sum,  
quæ prata camposque floribus spargit, & delicias ubique permiscet ho-  
manis auxiliis. Aristoteles quoque noster, qui alibi serè tetricus, in  
historiolas hic & omnem amantissimam sic lascivit, ut quidam isto argu-  
mento nomen ejus arceant ab istis Meteororum Libris. Sed nã operâ Eu-  
thica, Polissica, Historiarum Animalium ei excusans, quia laxior etiam  
belliorque hic est, & insolenti claritate digestus. Alibi ergo sepe,  
dato studio, suo se aramento infuscat, aut materia hanc dissimilimudi-  
nem facit: non omnis enim Philosophiæ pars æqualem cultum recipit.

Stilum autem sumpsi, non brevem illum, subpinguem, & veteras-  
centem, quod me Genius & amor ducit sed neglectiorem paulisper, ex-  
cusis tamen sordibus scholastici pueris. Nec enim alio parvi Clarissi-  
mâ toto Orbe Plantiniana & Meteororum Officina: exire Liber potuit,  
inde dehonestum nihil & facinorosum solet. Ne tamen à Philosopho  
plane abirem, & eloquentia vulgaris fastum nostri accusarens, verba  
quædam artis deculpata, nec boni aut belli commatu in usu, sed rarissi-  
mo, retinui: cum nulla Philosophia, quàm Meteorologica, minus  
barbaricis auxiliis indigeat.

Moles voluminis non oppidè ampla; sed quantam tamen, quam sci-  
am, nemo hæcenus in ista materia effecit. Fortuna id est, non mer-  
landis. Alii enim omnes in compendia & pagellas aliquot contraxi-  
t, aut unius Aristotelis sensum totidem penè verbis, aut paulo liberali-  
us (quod Vicomercatus fecit) enarrant, nil longe ultra folliciis: ut  
maris magnus Tycho nuper Meteorologiam imperfectissimam quæstus  
sit, & minimæ ejus partem hæcenus consistere.

Nec tamen ita mihi placeo, ut credam rem hanc jam à me confectam  
aut profligatam esse: & Mathematicos nostros providè familiares sibi  
figuras requirere; quibus abstinere tamen malui, ne Libri præsum ac-  
comderem: & quia pleraque omnia mere philosophi, quilingua serè  
antiquum, manuvato in Scholâ legimus, putavi posse expediri. Non  
sensui etiam pudorem, cum videtur Senecam, Gentilem Philosophum,  
in mediis Natura rerum subinde respirantem, & brevi utiique diver-  
siculo

Libro

de nova  
Cassio.



diculo ad mores se ejicere: nos Christianum adhuc, quod audiverim, fuisse, qui sequeretur exemplum. Facio, sparsim sament & rarenter, frigoris & fastidii quorundam metuens; & quia ipsi non ita pietati abundent, ut prolixè aliis, & plenè urnis admeriat. In cetera forsasse Philosophia, si à me perfici contingat, in istam pariem futurus effusor. Cur enim Philosophiam ad Deum nostrum euntem non comitatur, & à nebulonibus quibusdam defendimus, qui infami rapto ad impietatem trahunt, & intestabili prostruunt Atheismo? Nisi facimus, metua ne in reinutili studium posuerimus: similis illi Endymioni, qui, ut est in fabulis, ab amasia Luna in Lasmio monte consopitus, etiamnum hodie obdormit, id est, etatem in contemplatione mortis istius fideri male consumpsit. Divus etiam Augustinus Fratre suo olim, & me nuper perculit. Cùm enim illi quæstissent, an sidera circumducerentur, an terra potius in orbem gyrares immobili calo: Multum subtilibus & laboriosis rationibus ista perquiri ait, ut verè percipiatur, utrum ita, an non ita sit: quibus ineundis atque tractandis nec mihi jam tempus est, nec illis esse debet, quos ad salutem suam, & S. Ecclesie necessariam utilitatem, cupimus informari.

Lucan.  
lib. 10.

Ne nimis magnam eamen studii hujus penitentiam agamus, Augustinus ipse, de Trinitate, de Civitate, & in istis ipsis super Genesin Libris, in Philosophia naturali multus, & ad curiositatem pene, varius fuit. Quid S. Clemensem Alexandrinum, quid S. Aquinatem, quid alios sine fine commemorem quorum sanctitatem Philosophia adfudit, & etiamsi alia desererent, nos tégunt satis?

Scriptura etiam Sacra plurisariam mentionem, & dogmata ejus spargit, laudatque Dei sapientiam, & adsperscit in istis mirabilibus: quod dicens Philosophiæ Sacrae consartinatores.

Qui ducem deinde belli formant, Meteorologia imbui præcipiunt: & Hannibalis, Sertorii, aliorumque exemplo ostendi potest, quantum momenti ad inclinandas acies, aut stragem adversarum partium attulerit: & ecce fulmen illud belli Julius Cæsar, à canâ Cleopatra cum Achore Philosopho Egyptio in multam noctem Meteorologice factus, gloriatur se

— media inter prælia semper

Lib. 2. Stellarum, cœlique plagis, superisque vacasse.

cap. 10.

in Gen.

Agricultioni denique, mercatui, & ceteroque hominum generi, utilitate prope necessaria, amicitia jucundissima universis.

Tibi igitur etiam spero. Lector, eris, aut si mustacea ista, & mollissimum delicias morose & fastidienter adis, sustine paulisper dentem, solidius aliud & in quo exerceas, ego ceterique Professionis hujus consecrationi (qui in Academia ista grex totius & sedecim sumus, omnes juxta aut supra me validi) brevi dabimus. Vale;

LIBERTI

LIBERTI FROMONDI  
**Meteorologicorum**  
 LIBER PRIMUS.

De Meteoris in genere.

CAP. I.

*Quid, & quosuplex Meteorum.*



**METEORUM** Latine significat sublime, aut  
 suspensum. Hinc *μετιωρεος* & *πλεος* dicitur, qui  
 non littus legit, sed navigat in alto. Equus  
*μετιωρεος*, qui pedes primores suspendit,  
*μετιωρεος* & *διν*, *lis* pendens: & inde *μετιωρεος*,  
 supina oblivio & animi stupor: qualem in Claudiano

illo stolone notat Suetonius. *In eo*, inquit, (Claudio  
 Cesare.) *mirasi sunt homines & oblivionem & inconsiderantiam: In Claud.*  
*vel, ut Græcè dicam, μετιωρεος, καὶ ἀβλησιαν.* cap. 19.

Philosophi verò Meteorum suum definiunt, Corpus  
 imperfectè mixtum, ex vapore vel exhalatione ortum  
 in sublimi. Hoc statuitur objectum Meteorologix,  
 quam Aristoteles absolvit quatuor libris.

Corpus imperfectè mixtum, nihil aliud est, quàm Ele-  
 mentum infectum qualitatibus peregrinis. Talis aqua  
 calefacta, glacies, nix, grando, &c. Nec est necesse, ut  
 Elementi nomen amittat. Licet enim in pluribus id  
 eveniat (nec enim nix, aut grando, amplius aqua voca-  
 tur, etiamsi formam aquæ substantialem retineat) aqua  
 tamen calida, nomen aquæ; ignis fatuus, nomen ignis,  
 nondum perdidit.

Mixtio igitur imperfecta hic, est conjunctio qualita-  
 rum peregrinarum cum naturalibus in eorum elemento.  
 Sic enim mixtura quatuor graduum caloris cum toti-  
 dem frigoris, aquam tepidam, imperfectè mixtam facit.  
 Hæc mixtio vocatur imperfecta, quia nondum attingit  
 perfectionem temperiei, quæ formam substantialem  
 elementi expellat, & absolute mixti introducat.

C

Itaque

Itaque lapides, ranæ, & si quæ alia in sublimi perfectè mixta, ex vapore aut exhalatione coagulantur, meteo-  
ra non sunt; quia imperfectè mixta non sunt, cùm  
abjecerint formam elementi.

Iris etiam, halo, parelii, & quæcunque *ἱμφοει*, non  
*ἑσπέρων* habere dicuntur, quæ accidentia tantùm, non  
corpora sunt, meteori rationem recipere nequeunt.

Vapor est spiritus è corpore gravi humido, exhalatio,  
è corpore sicco, resolutus, de quibus infra dicendum  
pluribus.

Sublime, spatium totum à terræ & aquæ globo ad  
ultimam mundi superficiem, vocamus. Hoc ergò cœlis  
partim, partim elementis levibus est plenum. Non tamen  
in toto eo spatio oriri Meteora possunt: sed quatenus  
solum vapores & exhalationes ascendere valeant; id est,  
ad 31 milliaria Italica, ut postea ex Vitellone, & com-  
muni fere Opticorum sententiâ, docemus.

Meteororum quidam in hypostaticum sive verum, &  
emphaticum sive apparens, dividunt. Sed emphaticum,  
quo tamen totum Librum nostrum sextum consumpsim-  
us, reverà meteororum non est.

Meliùs ergò ex materiæ diversitate, in id quod vapo-  
re, quod exhalatione, & quod utroque mixtum constat,  
dividemus. Quæ vapore constant, ut pluvia, nix, grando,  
&c. aquea vocari solent: quia vapores plerique elemento  
aquæ exhalantur, & formam aquæ in compositione  
istorum meteororum retinent. Quæ exhalationem pro  
materiâ habent, partim ignea sunt; ut sidera cadentia,  
fulmen: quia reverà formam ignis inflammatione adep-  
ta sunt, partim non sunt; ut venti & turbines. In quibus  
scilicet exhalatio nondum corrupta est in ignem. Vapore  
& exhalatione simul, nubes & nebulae contextæ sunt.

Ex jam enarratis patet, quædam inter ea quæ exha-  
latione constant, eam pro materiâ transeunte (ut ignea)  
quædam pro permanente (ut ventos) possidere. Inter  
aquea etiam, nubes vaporem, materiam permanentem;  
pluvia, nix, grando, transeuntem habent. Nec enim in  
pluviâ, aut nive, amplius superstes manet vapor, etiam si  
fervent aquæ formam.

## CAP. II.

*De loco generationis Meteororum.*

**A**ristotelis nostri ordinem secuti, prius de loco ubi generantur meteora, deinde de causis eorum dicemus.

Locus ille est tota elementi aeris profunditas: quæ in tres regiones, infimam, mediam, & supremam, solet distingui. Infima, est spatium aeris à terra ad nubes: media ipsas nubes capit: suprema, à convexo nubium ad elementum ignis, aut, si ignis ibi nullus est, ad ipsum cælum expanditur.

## ARTICULUS I.

*De suprema regionis aeris quantitate.*

**D**ico primò: Probabile est, supremam aeris regionem ad sidera fixa, & ipsum Firmamenti fornicem excurrere. Cometarum enim per vias Planetarum trajectiones & motus, satis significant, cælos infra Firmamentum esse fluentes, nec è duro concrevisse. Quod aliis etiam argumentis egregiè ostendit Clariss. Medicus Thomas Fienus, in Cometa anni 1618. Veri ergò simile est, universum hinc usque ad fixarum intervallum, aere (sive partem superiorem æthera vocare mavis) repletum esse. Tycho tamen id quod Planetas interfuit, auram quandam naturæ cœlestis, & diversæ ab his inferioribus, credit: sed nondum mihi persuasit: neque ex refractionibus siderum amplius colligere potuit, quàm partem illam ætheriam, rariorem esse nostræ aere; quod verum erit, etiam si ejusdem speciei constituas. Halitus etiam terreni, effusissimè rarefacti, supra Lunam scandent quandoque, & partem cœlestis illius & Tychonici ætheris in mundum sublunarem depriment miscebunturque mortalia divinis & incorruptilibus: quod non decet.

Dico secundò: Totus tamen aer inter Planetas, quem æthera appellamus, item pars ejus magna infra Lunam, spiritu calido scatet & intervescit, ut meritò Aristoteles eum, ignem (quia, inquit, simplici alio nomine caret) *ἐν τῷ αὐτῷ* fomitem incensionis vocaverit. Scio tamen

à multis id accipi de aere illo, qui statim supra nubes est: ultra quem statuunt aliquod aliud elementum puri ignis. Sed Aristoteles satis, nisi fallor, cap. 7. lib. 1. Meteor. disertè eos refellit. Ait enim. Τὸ κόσμον τὴν περὶ τὴν γῆν, ὅσον ὑπὸ τῇ γῆν κλίον ἐστὶ φορὰν εἶναι τὰ πρῶτοι μέρη ἀναθυμῶσι ξηρὰν καὶ θερμὴν. Αὐτὴ δὲ καὶ συνεχὴς ὑπὸ αὐτῷ αἵρεσι πρὸς πολὺ συμπιέζεται περὶ τὴν γῆν ἀπὸ τῆς φορᾶς, καὶ τῆς κινήσεως τῆς κύκλου. Simili, qui circa terram, quantum sub circulari latione est, primam partem esse exhalationem siccam & calidam, ipsa vero cum magnâ parte continui infra aeris, circa terram unâ circumducitur à latione & motu circulari.

En, ut primam partem sub cœlesti latione, exhalationem vocet, ac ne putares intelligi de aere proximè supra nubes, addit, exhalationem istam rapere secum aerem sibi continuum: id est, illum quem hactenus supremam aeris regionem appellare solemus. Hic ergo est, quem Aristoteles propriè aerem; alterum verò qui superest, & ad Lunam usque, aut veriùs ad ipsum Firmamenti fornicem, pertingit, propter exhalationum ferventium copiam & mixturam, ignem vocavit. Pluribus rationibus alibi ignem hunc quorundam Peripateticorum sublunarem confutabimus.

Dico tertio: Meteora quæ exhalationem terrestrem aut vaporem pro materiâ habent, plerumque non altius à terra quam 32. milliaribus Italicis, id est milliaribus Germanicis 12. Belgicis 17. elewantur. Ratio est, quia materia eorum sublimius non scandit. Summi etenim halitus, & crepusculorum lampades, qui primi manè radium Solis rapiunt, & ultimi vesperi retinent, ac proinde altissimi sunt omnium qui videri à nobis possunt, totidem solùm milliaribus à terra distant, ut post Alhazenum & Vitellonem Tycho approbat multis experimentis. Scio tamen aliquos augere, & alios minuire hanc distantiam: sed mediâ & jam olim recepta mensura magis hic placet: & varietas ista provenit, quia in demonstrationem suam unus terræ ambitum majorem, alius minorem accipit.

Dixi antea, plerumque, quia, ut libro 3. patebit, halitus in tantum aliquando rarefcere possunt, ut ad Lunam & inter



# METEOROLOGICORUM. Lib. I.

inter Planetas perveniānt, viderique fortassis à nobis possint: quia cum raritate aliquam adhuc opacitatem servant, quæ lumine Solis valeat colorari.

Dico quartò: Suprema illa meteororum regio à secundo & quinquagesimo milliaria terra, deorsum infra altissimorum montium cacumina descendit. Id inde intelligitur, quòd montes quidam reperti, qui supra totam nubium stationem surrigunt vertices, penetrantque in regionem supremam.

— Nubes excedit Olympus :

Lib. 2.

Pacem summa tenens, —

magnificè clamat apud Poetam Pompeianum Brutus & quidum ante ipsum, de eodem Homerus :

— Οὐτ' ἀνίσταται τινὰς οὐρανὸν ἢ τὴν γῆν ὁ μῦθος

Διὸς τε —

Neque ventis concussitur, neque imbre rigatur.

Hinc apud eum aliosque Olympus passim pro cælo: quasi omnium montium excelsissimus, & cælo ipsi attiguisse. Sed sua, aut vicinæ, nimis mirantur, & in majus extollunt Græci. Xenagoras enim, ut Plutarchus in Paulo narrat, ex Geometria & vero dimensus, reperit tantum 1170. passus in perpendiculo Olympi. Philadel-  
phus etiam olim veri curiosus ascendit, & verticem ejus intra nubes invenit. Nec Atlas quoque, (quanquam Dion altissimum montium existimet) in supremam regionem venit: quippe

Lib. 75.

— cinctum assidue cui nubibus atris

Piniferum caput, & ventis pulsatur, & imbri.

Æneid. 4.

Et Dion ipse fatetur, juga perpetuâ nive canescere. Intra igitur aut infra mediam regionem sunt: nam in supremâ, nives nullæ. Æmus deinde, mons Thraciæ eminentissimus, verticem in nubibus habet, ascendit enim olim Philippus Macedonum Rex, vulgatæ opinioni credulus, inde mare Ponticum, Adriaticum, & Alpes Italiæ posse conspici. *Ubi autem jugis appropinquabant, ait Livius, adeo omnia confecta nebulâ, ut haud secus, quàm nocturno itinere impedirentur.*

Ecc. 4.

Lib. 10.

Dicæarchus, Plinio teste, curâ Regum montes per-  
mensus, altissimum Pelion prodidit, passuum 1250. rati-  
one perpendiculi. Quæ altitudo tamen minor, quàm c. 65.

Lib. 2.

Xena-



# LIBERTI FROMONDI

Xenagorica illa Olympi; statque etiam sine dubio intra nubium regionem. Plinius tamen ibidem asserit, scire se, quosdam Alpium vertices tractu non breviorē 30. passuum millibus assurgere. Quod si ita est, jam isti ad culmen supremæ regionis adspirabunt. Sed credo Plinium accipiendum de tractu & ascensu Alpium obliquo: nam nimis, puto, manifestè falsum est, ullum esse qui tantum habeat perpendiculi.

Si ergo montium ullus est, qui ultra mediam regionem se attollit, Caucasus in Asia est, Tenariffa in Canariis, Pariacaca in America. De Caucaso Aristoteles lib. 1. cap. 13. Meteor. affirmat, videri à navigantibus in Mæotidem (id est, ex distantia 360 miliarium, ut quidam arbitrantur) & tertiâ parte noctis retinere Solis crepusculum. Similis excelsitas Casii montis apud Plinium (nisi tamen pro Caucaso, Casius eum affinitate nominis fefellit) cuius vertex *quarta vigilia orientem per tenebras Solem aspici brevi temporis circumactu, diem noctemque pariter ostendens.* Huius tamen per directum altitudinem asserit solum esse, 4. miliarium. Tenariffam referunt Hispani esse altitudinis 60. miliarium. In mari enim maximè conspicuus est ex intervallo 4. graduum: unde Snellius in Eratosthene suo colligit, perpendiculum ejus esse 9. mill. Ex quibus tamen aliquid deducendum ob refractionem. Nam res in superficie maris refractè visa, altior justo apparet, & ex distantia longiori. Statuamus igitur audacter in perpendiculo, octo miliaria quantam altissimorum sub toto cælo montium excelsitatem, veterum Sapientum iudicio, affirmat Albazenus lib. de Crepusculis. Errare ergo videntur, qui nullum omnino montium credunt excedere 4. miliaria perpendiculi. De longissima illa catena montium Peruvia; quæ 300. facile lucis à Septentrione in Austrum decurrit, narrat lib. 3. cap. 9. Histor. Indic. Josephus Acosta, tantæ altitudinis esse, ut si in comparationem ducantur Italiane Alpes, casæ humiles, Peruviani palatia excelsa videri possint, Unum horum, nomine Pariacacam, cum pertransieret, aerem in vertice ita subtilem & tenuatum, humanae respirationi sic inidoneum invenit, ut nausea & vomitu ferè animam rústaverit.

Lib. 5.  
cap. 22.

Hi ergo, & si qui alii paris sublimitatis montes, in supremâ regione habere vertices videntur; ubi aer viciniâ cœli, & exhalationibus ferventibus plurimum calet & extenuatur. Frustrâ igitur Bened. Pererius cap. 6. Gen. disp. 9. conatur astruere, nullos in universo montes esse, qui cacumine mediam aeris regionem excedant, imò disp. 10. dubitat, an aquæ diluvii, quæ 15. cubitis, omnibus sub cœlo montibus fuerunt altiores, ad mediæ regionis nubes pertigerint; quia è nubibus, in fine etiam quadraginta dierum, cum altissimæ fuerunt diluvii aquæ, depluit, tanquam ex altiori loco, in montes & diluvium. Verùm Libro 5. rationes ejus dissolvemus, ubi de deluviis agimus.

Dico Quintò; Suprema regio deorsum videtur terminari circa quartum à terra milliario. Ratio est, quia ibi media incipit, ut articulo sequenti patebit. Habet igitur suprema regio 48. milliaria Italica profunditatis. Ex altitudine enim 52. milliarium, quousque scandunt, ut plurimum, summi halitus, detrahenda solum 4. sunt pro media & infima regione, ut jamjam ostendemus.

## ARTICULUS II.

*De quantitate mediæ, & infimæ regionis.*

**C**ardanus lib. 17. Subtil. negat nubes etiam excelsissimas duobus millibus passuum à terra unquam elevari: cum verò pluit, & demississimæ sunt, vix putat 500. passibus abesse. Hinc sequetur, infimam regionem, quæ à terra ad proximas nubes extenditur, solos 500. passus altitudinis habere; mediam verò, 1500. tanta enim erit intercapedo inter imam & summam nubem. Verùm hæc mensura Cardani nimis brevis est, uti Posidonii nimis ampla: nam existimavit non minus 40. stadiorum (id est, quinque milliarium) à terra altitudinem esse, in qua nubila ac venti nubesque proveniunt.

Dico ergo primò, Convexa, sive suprema pars mediæ regionis, quatuor circiter milliariis abesse videtur à superficie terræ. Argumentum meum est, quod montes quidam, altitudinis perpendicularis milliarium quatuor, quandoque cano vertice visantur. Igitur nubes, materia

Plin. lib.  
2. cap. 23.

materia earum nivium, eousque perveniunt. Antecedens probari fortasse exemplo Atlantis in Africa potest, quem Dion altissimum montium (falsò tamen) appellat. Nihilominus excelsissima ejus juga perenni nive albentia, non multò brevius, quàm quatuor milliaribus à plano terræ fortassis attolluntur. Nam Suetonius Paulinus, quem Consulem se vidisse Plinius scribit, decimis solum castris in verticem ejus pervenit, nec tamen per ardua illa & inhospita juga, quæ à mortali nullo, ut testis est Dion, adiri possunt, extraxit exercitum.

Ætne etiam cacumen nivale nec supra mediam regionem est, cum tamen Francis Maurolycus Abbas Messanenensis in Sicilia, & Ætne accola, affirmat, ex eo subjectum mare Mediterraneum ad 200. milliaria adspici. Unde Snellius in Eratosthene colligit 40. circiter stadii aerependiculi, sive milliaria quinque. Detrahāmus ergo novum milliare propter refractionem (nam oculus è vertice montis, per aerem vaporosum mari incubantem, & speciem refractam, longius, & partes aliquas superficiem maris infra horizontem visibilem conspexit) & remanebunt milliaria quatuor. At profectò non multo humiliorem Ætne verticem, inde etiam intelligitur, quod Snellius ab oculatis testibus se cognovisse dicat, fumum & favillam Crateris ejus è portu Melitenfi palam videri, unde conficit altitudinem  $31\frac{1}{2}$  stadiorum esse, id est, iterum milliarium paulominus quatuor.

Dico secundò: Infima superficies mediz regionis, 500 circiter passibus, sive dimidio Italico milliari, à terra distat. Nubes enim proximæ, quales sunt atræ illæ & pluentes, vix longiori intervallo dividuntur à nobis. Liquet experimento subeuntium Italiz Alpès. Deinde notavi aliquando in nube pluviosâ & supra verticem meum tonante, intervallum temporis, inter tonitruum & coruscationem fulminis, par ferme esse cum spatio quod inter flammam tormenti majoris & crepitum intercedit, explosi ex distantia dimidii milliari. Vide plura Libro 2. ubi tormenta nostra cum fulminibus comparamus.

Exinde autem aperte colliges, mediz regionis profunditatem esse milliarium  $3\frac{1}{2}$ .

Dico tertio: Profunditas infimæ regionis dimidii

milliarum

solum est milliarius. Tantulam enim jam ostendimus intercapedinem terræ & propinquissimæ nubis.

Solet autem altitudo hujus regionis definiri resultu radiorum Solis à terra: putantur enim vulgo radii non altiùs quàm ad imam & concavam nubium superficiem resilire. Itaque plerique sic finiunt; Infima regio est pars aeris, quæ à terra versus cœlum porrigitur, quatenus radiorum Solis reflexio pertingit.

Multi tamen hodie censent, eam longè altiùs, & ad ipsam etiam Lunam pervenire. Si enim Luna, & Venus, ceterique Planetæ, qui corpore opaco & terræ simillimo sunt, lucem Solis ad nos usque tam ubertim reflectant, cur terra vicissim usque ad ipsos rejicere non possit? Credo equidem quòd si oculus quispiam in orbe Lunari foret, globum terræ & aquæ, instar ingentis sideris (nam Terra ferè quadragies est Lunâ major) à Sole illustrem conspiceret. Species igitur visibiles splendoris exciperet: quæ aliud non sunt quàm radii luminis; ut in Libris de Anima demonstrabimus.

Itaque propius verum erit si affirmes, infimam regionem sursum finiri, ubi radii Solis à tellure reflexi, ita deficiunt & languent, ut nihil aut parum radii directi calefactionem adjuvare queant. Ibi autem nubes concrelescere, & vapores redire ad naturale frigus incipiunt. Sive potius (ut ex intimo meo sensu dicam) ibi primæ nubes stant, & ascensum vapores finiunt, ubi aerem infimâ regione & se leviolem, aut unius ponderis, inveniunt. Alibi enim ubique natura hanc servat legem, ut leviora tam altè scandant, donec medii in quo moventur partem minoris ponderis, aut æquilíbrem reperiant.

### ARTICULUS III.

#### *De figura regionum aeris.*

**D**ico primò: Concava superficies infimæ regionis est pænè rotunda: & qualis convexa globi terræ & aquæ, quem proximè amplectitur & tangit.

Dico secundò: Convexa verò ejus superficies, est figuræ propemodum ovalis. Nam talis est concava superficies mediæ regionis, cui convexa infimæ se conformat.

**D**

quia

quia undique contingit. Idcirco autem concavitas media estoalis; quia exhalationes & vapores in Zona torrida magis rarefcunt, & altius scandunt, quàm in frigidis & temperatis, & hinc in istis utrimque Mundi verticibus, id est, sub Polis propius terræ incubant nubes, nec ad dimidium totum milliare distant à superficie ejus. Paulatim verò, & molli quodam clivo per temperatas in torridam ascendunt: ubi concavitas altissima est, & veluti gibbus ac media crassities figuræ ovalis. Unde sequitur nubem à Zona torrida per temperatam, sub polum, ventorum flatu expulsam, perpetuò crassescere, & descendere versus terræ superficiem. Quæ omnia primore aspectu, magnâ verisimilitudine blandiuntur, abeuntque non prodita difficultate, quàm tamen bene inspecta, celant.

Nam licet vapores sub polis, utpote calore languidiorè resoluri, densiores sint, aer tamen per quem scandunt crassior etiam & pinguior, quàm sub Zona torrida est: igitur æquè altè ascendent, atque vapor Torridæ tenuior, per aerem rariorem. Ubi enim est æqualis proportio corporis levioris ad medium gravius, æqualis etiam erit ascensus. Ut si statuas totum spatium inter Lunam & terram aquâ plenum, eodem modo in summam aquæ superficiem suber enitetur, atque tenuissima exhalatio per aerem tanto aquâ rariorem. Igitur ratio aliqua necessario reperienda, quæ ostendat vaporem torridæ, raritate longius superare aerem infimæ regionis, ejusdem Zone, per quem in mediam regionem ascendit, quàm Zone frigidæ vapor aerem suum excellat. Causa est in majori æstu torridæ. Quia enim ibi angulis rectis, aut propè, radii terram incidunt, & in se ipsos reflectuntur, multiplicatâ in angusto luce, acerrimi urunt, & exhalationem ac vaporem, antequam adsendant, celerrimè in maximam raritatem dissolvunt. Sic ignis magnus & valens, injectum pabulum in flammam tenuissimam sine fumo statim absorbit; parvus verò aut lentus fumat tantum, & sine flammâ, aut certè malignâ, pigram suscitât exhalationem. Sed quare pariter non tenuatur ab eadem causa infimus Zona torridæ aer, ut eadem sit proportio vaporis hujus Zone ad suum

aerem,  
ad v. 10



aerem, quæ vaporis Zonæ frigida ad suum? Quia, cre-  
 do; corpora densa, ut terra & aqua, calorem densio-  
 rem & magis inculca um, quàm aer Zonæ torridæ, reci-  
 piunt; & hinc ubi calor sic multiplicatus vincere potest  
 subjecti sui densitatem, magno & subito impetu disper-  
 gitur amplissimam raritatem. In subjecto autem fluxo  
 & raro, qualis est aer, minus virium habet; & molliter  
 solum fundit, non dissipat nihil obnitentem materiam.  
 Hæc res tota inclarescere potest per profundissimam, &  
 pæne momentaneam rarefactionem pyrii pulveris in-  
 jecto igne. Longè enim laxius rarefcit & discingitur  
 illa materia, quàm vicinus, & flammæ contiguus aer.  
 Terra verò & aqua frigidarum Zonarum languidè re-  
 pescunt radio solari, nec ferè amplius tenuantur, quàm  
 terræ circumfluit aer, quia & à natura sua, & à Sole  
 etiam aliquantam habet raritatem.

Ex quibus quoque satis intelligitur, infimam reg io-  
 nem, eodem etiam loco, qualitatibus vertentis anni va-  
 rjari, æstate enim altissima est, hieme summissior.  
 Possunt tamen etiam ardentissimo Sole humillimæ esse  
 nubes, quales atræ illæ nimborum æstivorum, aut ful-  
 minum parentes, quæ humore multo gravidæ, & anti-  
 peristasi caloris constipatæ, in infimum aerem fervore  
 anni tenuatum, altè succumbunt.

Dico tertio; Convexa superficies mediæ regionis vi-  
 detur etiam ovalis. Si enim in torrida vapores scandant  
 altius, quàm in frigidis & temperatis: ergo dorsum me-  
 diæ regionis gibbo quodam ibi in supremam regionem  
 assurgit. Talis etiam est concavitas hujus supremæ regio-  
 nis, quæ dorsum illud gibbosum cingit; convexitas verò  
 ejus rotunda est, sive fornicem cœli, sive concavum ali-  
 cujus sublunaris ignis proximè contingat. Concavitas  
 enim ignis etiam existimatur spherica; quia omnes un-  
 dique partes æquis viribus nituntur sursum.

#### ARTICULUS IV.

*Qualitates regionum aeris.*

**Q**ualitates primæ aeris naturales adhuc in incerto  
 sunt. Aristoteles facit naturâ calidum, Stoici &  
 Cardanus frigidum, Turnebus neutrum, sed omnium ex  
 æquo



quo capacem: alibi arbitrabimur, spero hanc litteram. Nunc de qualitatibus regionum ejus, five ex à natura, five foris veniant, dicam.

Dico primò: Suprema regio, ab exhalationibus fervidis, ed se per medias nubes transcribentibus, vel libere coelo sereno & in nubi scandentibus calida est, & sicca. Vicinia deinde coeli & siderum, sine ullo supernè nubium obtentu, calorem ejus auget. Eleganter Jovianus:

*Flamma torrentis semper suis usta calore,*

*Flammarum consuevit vagos involvere tortus.*

Hinc refert Solinius, eos qui in Olympi cacumen ascendeant, solitos sumere spongas plenas aqua, ad suctum, & temperandam aeris ferventis respirationem. Negavi tamen antè verticem Olympi penetrare in supremam regionem. Certius ergò exemplum in altissimis Peruviae montibus habemus, ubi Josephus Acosta cum tenuissimo ibi aere ferè unà expiravit animam. Ex hac supremi aeris qualitate rectè conjectat Scotus in a. d. 17. q. 2. planitiem Paradisi non fuisse excelsiorem mediæ regione, quod quidam contendunt. In Paradiso enim Vesperperuum, & summa aeris temperies fuit. Unde nec cacumen ejus nubes attingit.

Dico secundo: Media regio humida est & frigida, vaporibus ibi pendulis. Patet experientia peregrinorum transeuntium per Alpes & median regionem in Italiam. Conimbricenses tamen frigus illud à Deo olim productum, & jam conservari credunt. Sed Deus in talibus effectibus uti consuevit ministerio causarum secundarum. Itaque potius à vaporibus solùm, ed scandentibus, aer ille frigeratur. Sed quid si coelum sine nubilo sit, inquires, aberitne ab ea regione frigus? Planissime: redibitque tantum postea cum vaporibus, aut è terra subeuntibus, aut adductis ventorum flabris. Existimo enim hic & ibi sparsim mediæ regionis frigus radio solari infringi, & amque dissipatis nubibus quandoq; intepescere; donec aliz argentes succedaneæ in locum pulsarum adveniant. Non assentior tamen Ludovico Coronello (is Philosophus Nominalis est, & Hispanus, quod miretur) qui raro addit Occamistis) qui sentit sub torrida nullum esse frigus mediæ regionis, neque ob intolerantiam

caloris

caloris ulla ibi nubes coagulari. Sed fallitur, quia à centum paulò amplius annis hæc scribebat, quando nondum omnibus satis erant notæ pluviz & diluvia, quæ sub ipso etiam Equatore inundant, quando Sol est in Equinoctiis & capitibus eorum perpendicularis.

Nullibi autem, quàm circa montes, frigus mediæ regionis & nubes sunt pertinaciores. Terræ enim montanæ & tantum rigor, vaporis ibi coagulum adjuvat, & ita continet, ut circa totum annum nubila verticibus incubare, aut ipsos coronare cernantur.

Dico tertio: Infima regio, omnes qualitates primas vicissim recipit. Jovianus rem versu dicat:

*Prima æque patiens est frigoris, atque caloris,*

*Alternasque vices alterna vice rependit,*

*Vere tepens, æstate calens, eadem horrida brumâ.*

Causa huius vicissitudinis penes reflexionis varietatem est, quâ radii Solis obliquiori angulo, hieme, quàm æstate incidunt in terram, & resiliunt in altum. Angulus enim incidentiæ par est angulo reflexionis, ut in speculis experiri licet. Hinc æstate Sol vertici nostro magis ad motus angulo rectiori terram irradiat, & reflexus ab ea radius in directum penè recurrit; eaque utriusque radii propinquitate & eodem calor uberior provenit. Vel si alia imago dicendi magis allubescit: Sol hieme, etsi in *Apyro* & *Wimior* nobis, obliquo tamen radio terram impingit: & quia montes, ædificia, plantæ, & infinita alia sunt, quibus terræ superficies exasperatur, umbras innumeras rejiciunt in latas unum illustrata à Sole. Umbrae verò omnes lumen frangunt aut debilitant, ne tantum valeat in calorem: & hinc etiam partim est, ut vesperi ac mane, quando umbræ adultiores, ætus mollescat & relaxetur. Per æstatem autem, quia Sol nostro Zenitæ propinquior, montes, & quæcunque in superficie terræ eminent, magis à vertice despicit, & undique in orbem ferè illustrat, detersâ circumcirca omni umbrâ. Unde etiam loca quæ hibernum Solem sine umbrâ excipiunt, ut montium latera, & clivi, & parietes ædificiorum, facis incalescunt, nevelque fortè adhaerentes, statim exerente se Sole contabescunt. Ita Cardanus Lib. 4. Subtil. rationem concinnandi horum ostendit, qui totâ etiam hieme

hieme olera & fructus educat: pariete scilicet mobili, & ad elevationem & depressionem Solis sic composito & modulato, ut angulis semper rectis incidentes radii excipiat, & in subiectum horti fundum regerat & disseminet. Nescio an non simili olim artificio Entellus ille apud Martialem, uvas suas hibernis mensibus alebat: Crysallo etiam vites inclusisse videtur, ut iniuriam cœli detenderet, & ad multiplicandum deinde refractione lumen, & incrementa caloris.

*Qui Corcyrae vidit pomaria Regis,*

*Quæ, Entelle, tuæ præferat ille domus.*

*Invida purpureos uvas ne bruma ræemus;*

*Et gelidum Bacchi munera frigus edas;*

*Conditæ perspicuâ vîvis vindemia gemmâ;*

*Et regitur felix; nec iamæn uva latet.*

*Famineum lucet sic per bombycina corpus;*

*Calculus in nitidâ sic numeratur æqua;*

*Quid non ingenio voluit natura licere?*

*Autumnus sterilis ferre jubetur hiemi.*

Breviter igitur, calor æstate, quàm cætero anno, flagrantior: quia à causa calorifica majori, & lumine magis conferto venit. Lumen verò maxime multiplicat reflexiones; quæ æstate plures ad idem aeris punctum, quàm alio tempore, frunt. Hinc enim etiam, ubi Sol vallem aliquam, inter nûdas præsertim cautes, illucet, in immensum quodammodo augetur calor; quia undique ad eadem puncta aeris, à cautiùm & saxorum superficie, radii reflectuntur, focosque ubique constituunt.

## ARTICULUS V.

*Quomodo radius Solis directus non impediat nubium in mediâ regione concretionem.*

**S**COTUS in 2. d. 17. q. 2. duas causas privativas affert à frigoris mediæ regionis, carentiam caloris producti à radio Solis reflexo, qui tam altè non resilit, & carentiam producti à directo. Sed cur radius iste à cœlo directè in nubium tergum dejectus, non eas tepefacit saltem, aut etiam dissolvit? Quia veluti, lumen gemmarum, putrium fungorum, piscium lucernarum, non calefacit, imò Lunæ fragefacit, inquit doctissimus Fortunius Li-

setus l. 2. de Novis astris cap. 65. ita radius Solis directus, vi caloricâ caret: calefacitque solâ reflexione, atterendo aerem, humorémque exprimendo, ut ignescat. Verùm, boni stomachi eum esse oportet, qui tam facile hæc concoquat. Ego certè fateor me infirmiore. Nam radius directus ejusdem cum reflexo speciei est: cur non ergo cale etiam faciat? Nec attritionem illam, & expressionem humoris ex aere intelligo, radii enim corpora non sunt, nec tam dura, quam filix & chalybs, ut mutuo affricu aer medius & deprehensus ignescat, deinde quis eos sic collidit?

Thomistæ quidam se omnibus molestiis defunctos putant; si credant lumen Solis, non secundum gradum ultimum specificum, quo caloricum est, sed secundum gradum tantum generalem qualitatis in nubes recipi, sed gradus genericus & specificus in eodem individuo, in unam omnino essentiam coalescunt, nec divelli queunt. Non potest igitur radius lucis abjicere gradum specificum in nubibus, & eum deinde in aere infimæ regionis resumere. Locutio tamen sic tolerari potest: & ita D. Thomam explico: Lumen non exercet omnem effectum in nubibus, quem alibi potest, non enim calorem ibi fundit, atque ita gradus luminis specificus & caloricus ibi ex parte saltem otiosus est, & veluti non esset, sed otii hujus causam investigamus.

Alii passim huc confugiunt: Unico tantum radio, eoque directo, mediam regionem penetrari; infimam, duplici, directo ac reflexo. Credantne se extra litem? non sunt. Sic enim in rixam possunt retrahi: Radius à cælo ad terram uniformiter difformiter, ut loquimur, remittitur, & languescit: igitur in mediâ regione, quàm infimâ, plenior & intensior erit. Sed rem ad calculum deducamus. Sit in supremâ regione, quæ propinquior cælo, intensus ut 6. in mediâ, ut 5. in infimâ, ut 4. in superficie terræ (unde fit reflexio) ut 3. Quia autem reflexio debilitat lucem, ut demonstrant Optici, non redibit eadem intensione sursum, quâ in longum, sublato terræ obstaculo, propagatus fuisset: decrevisset autem directe protractus, à tertio usque ad secundum gradum: ut ergo debilior sursum reverberetur, oportet solum reflecti

*Virell.  
lib. 3. sh. 3*

flexi ut unum. Ita enim etiam pila lusoria impacta in murum, minore impetu resilire solet, quàm transvolasse muri profunditatem per foramen, si quod ibi fortè incidisset: Compose igitur jam radium directum quatuor graduum infimæ regionis, cum radio à terra reflexo unius gradus, ex utroque simul lumen quinque solum graduum concinnabis; quot sunt scilicet in radio directo mediæ regionis. Ergo lumen in infima regione non est, quàm in media, ad calefaciendum potentius. Sed in infimâ dissolvit vapores, ergo in medio tantundem valebit.

Hoc tamen experientia longè sefellit: quia media regio manifestè frigidior quàm infima est, & in ea sic coeulantur nubes, ut concretio radio solari discingi non possit. Dico tamen primò: Sicuti tota catena & circulus mediæ regionis non ubique est in pari frigore: ita potest hic & ibi sparsim, brevi aut longiori tempore, totum illud insigne frigus, quo sic vaporem eò scandentem adstringit, perdere. Id sæpe viridi, & defæcatissimo ab omni nubilo cælo reor accidere. Cur enim necesse semper vaporem ibi adherere, quia aerem illum frigeret: certè arenosis illis & arentibus Africæ desertis nullæ incubant nubes, nisi aliunde adductæ ventorum flatibus. Si verò ibi catena nubium fracta est, cur densitas aeris remollescere & fundi non potest ista & te rebrata radio directo Solis? cur etiam exhalationum siccarum & per ardentium, quæ illac in superiora trajiciunt, fervorem non sentiat? cur undique complectentis & dorso imminuentis supremæ regionis æstus? Imò si rem ad vivum, & mathematicam præcisionem reseces: radius directus per mediam, sed serenam & innubem regionem trajectus, ibi, ut ante jam diximus, quia vicinior suo fonti, uberior, & magis calorificus, quàm per infimam regionem erit: quanquam f. r. asse discrimen sensui manifestum esse non possit. Nam sat credo, etiam multorum miliarium distantia, radium aliquâ parte intensioris defecisse; intelligi sensu non valet. Pulchrè Seneca:

*Lib. 4. c.*

*31. Nat.*

*Qui dicit alsiorem montem, quia Selen propius excipiat, magis calere debere; idem dicere potest, longiorem hominem citius quàm pusillum debere caleferi, & citius caput ejus quàm pedes: At*

*Qui/qui*



quisquis Mundum mensurâ suâ æstimaverit & terram cogitâverit  
tenere puncti locum, intelliget, nihil in illa posse ita eminere, ut  
caelestia magis sentiat, velut in propinquum illis accesseris. Nimis  
Stoicæ & rigidè tamen hoc. Quid si enim Solem in Em-  
pyræo (cujus comparatione Orbis Lunæ cum incluso  
Mundo elementari, instar etiam est puncti) constituas;  
nonne Luna magis actionem Solis, quàm terra sentiat?

Dico secundo: Nubes mediæ regionis opacitate suâ  
radium Solis sic debilitant, ut in calorem invalidus sit.  
Non enim quodlibet lumen calefacere potest, sed certa  
intensionis mensura necessaria est: aut saltem, licet na-  
turâ suâ calorificum sit, in tali subiecto tamen nihil om-  
nino, aut quod sentiri & æstimari debeat, efficere valet,  
ob repugnantiam insignem frigoris. In infima verò re-  
gione nubes non consistunt, quæ opacitate radium  
strangulens, & veluti extinguant: sed aer ibi totus, si  
extra nebulum est, pellucet: vapore crassiori quidem  
quàm fiat fumus nubium, ut Lib. 5. ostendam, intertextus,  
sed diaphano tamen, quique radium frangat quidem,  
sed non rejiciat. Præcipuus tamen infimæ regionis æstus,  
non à radio directo, sed innumerâ à diversis terræ su-  
perficiebus, & radiorum ferè in omnibus aeris punctis  
intersecantium, reflexione, ut Artic. proximo dixi, pro-  
fluit. Multiplicatis enim per reflexiones varias, & in  
unum foculum concurrentibus radiis, certum ex spe-  
culis incendiariis est, calorem & ignem accendi. Et hinc  
liquet, non rectè à nobis ante positum esse calculum,  
dum tantundem luminis in mediâ regione, quantum in  
infima colligebamus. Nam reflexiones ab infinitis terræ  
asperitatibus radios in eundem locum conjicientibus,  
veluti totidem parvis speculis, in immensum infimi  
aeris lumen augmentum eunt. Ideo enim à sapientissimo  
Opifice terræ superficie sic exasperata: ut, inquam,  
lumen variis repercussionibus ubique in nodos se col-  
ligeret, focusque innumeros accenderet, qui plantis  
alimenta in terra coquerent, & vitali eas calore anima-  
rent.

Sicut in aere infimo foculi sunt, inquires, cur eum ca-  
lore suo non solvunt & rariorem aerem mediæ regionis  
faciunt? Faciunt sine dubio, & veluti in lagena humore  
plena



plenâ partes quasdam, & atomos perpetuò scandentes; aliàs descendentes aspicias: ita in aere qui infra nubes est, pars circa terram, ubi calore laxata fuerit, sursum in nubes, aut quousque aliam ejusdem levitatis invenerit, perpetuò subit, desidente alterâ, quæ plus proni habuerit. Nam subita illa frigora, quæ alii in cœlestibus influentiis ferunt, à me aeri mediæ regionis algito, & in terram subito decumbenti (nullo etiam manifesto statu) dantur: uolub. 4. licebit cernere.

## ARTICULUS VI.

*An superior aeris regio raptim cœli circumducatur.*

**N**ihil vulgatius in Scholis nostris, & omnium fere Libris, quam elementum ignis, & supremam aeris, motu primi mobilis cœli Luna impresso, ab ortu ad Occasum quotidie circumagi. Verum, quid alii faciant nescio; ego certè olim & semper tricas, & quidem intricatissimas repèri in hoc motu. Eas enim tractio, an pulsio, an vectio iste raptus? Non tractus; quia quæ se trahunt, per asperas superficies, vel vinculo aliquo noxa esse debent: colorum verò superficies, ut omnes fatentur, glaberrima est. Non etiam pulsio; quia impellens locum alterius intrare nititur; ideo enim loco compellit cedere, ut superficies cœli in eadem semper circumcisè spatio se gyret, nec aeris aut ignis locum affectat, ut cogat inde cedere. Quæ vehuntur etiam, aut vinculo quopiam, aut pondere suo affigi vehiculo debent. Sic equus currum alligatus vehit, & hominem gravitate suâ in curru defixum. Deinde, ut experiri cum Galilæo liceat, vase rotundo in eodem spatio circumacto, inserta candela flammula non exstinguitur, imò ne vibratur quidem: ergo signum est aerem inclusum, in quo candela flagrat, non rapi in orbem, motu superficie concavæ vasis. Quibusdam sufficit respondisse, ignem, aut aera cœlo subjectum, raptari, ut cœlum inferius à superiori proximè ambiente. Sed in isto etiam par est, aut etiam major difficultas; quam in Libris de Cœlo, Deo favente, extricabimus.

Itaque quispiam neget ærem illum motu cœli sollicitari: quod ab iis longissimè est recedere, qui Oceanum  
etiam

etiam eodem raptu ab Ortū in Occasum volunt abire ; ut Libro 5. referemus. Sed præter auctoritatem Aristotelis, etiam Cometarum infra Lunam motus me trahit, imò ferè evincit, ut aeri sublunari motum illum relinquamus : nimis enim pertinaces simus, si nullum Cometarum, qui quotidianā periodo ab Ortū ad Occasum circumeunt, esse Lunari orbe inferiorem asserere perseveremus. Videntur autem istæ Cometæ, ab aere in quo natant, circumvectari.

Quis ergo motum illum aeri facit, si cælum non imprimit ? Intelligentiam hic alligare, nimis fortasse frigidum ; nec pro Philosopho qui in ultima solū desperatione, in hæc latibula confugere debet. An vim magneticam inferere magis placet ? Sic enim ferrum, etiam sine contactu, magnes trahit. Sed hoc etiam asyllum est solis desperabundis. Deinde vim istam per totum cæli forniciem diffusam esse oportebit : ergo maximè efficax erit, aeremque etiam hunc inferiorem, & quæ in eo pendent nubes, in orbem quotidianum circa terram ager.

Alius ergo modus est ; si aerem supremum fornici cæli tanquam, ut sic dicam, centro innixi levitate suā statuas. Veluti enim lapis gravitate superficiem terræ premens, in qua solū ( non aliter defixus ) jacet, unā circumferretur, si ipsa centrum suum circuiret ; ita fortè ad raptum superficiem cæli incubans, & levitate eam premens inferior aer, ab ipsa in orbem portabitur.

Verū nec hoc valdè allubescit : quia sic premi ab elementis levibus cælum non existimo ; nisi fortè maximā & insolentij aeris aut ignis raritate intumesceret, sine alterius partis condensatione, Mundus elementaris. Sed id non solet. Nam ideo tam obediens & facilis in densitatem est aer, ut statim in vicino se colligat & astringat, ubi in parte alia rarescere, & plus spatii accipere contigerit. Deinde non semper sic aer cælum sequeretur ; sed solū cum raritate dissolvi contingeret. Elementa autem levia non incumbunt naturaliter cælo, ipsumque obnituntur in altum levare, quia iis debitus non est cælorum locus. Lapis verò nisi terræ sustentaculum subiectum haberet, præcipitaret se lubenter ad centrum,

Quo ergo vertimus sententiam? Huc: vel difficultate oppressus, pedem non moveo. Dic, Planetas ocysissimo illo raptu, quo se quotidie per ætheris liquidi curricula torquent, medium quod secant & propellunt, raptare etiam in orbem secum: quod non tam rigide miraberis, si gruum, columbarum, aut sturnorum, gregatim volantium turmas, aerem quoque ante se agere cogites; si deinde, præter septem notissimos ingentis molis Planetas, astra etiam Medicea, Borbonia, & innumera fortassis (imò vix dubito) minora alia, in eodem æthere rûrmatim volare & circumcurrere. Asperitas quoque quorundam Planetarum ad hunc ætheris impulsu valere aliquid potest. Rotunditati enim, qua globos in orbem terit, minus aer resistit. Repugnat verò contumaciùs angulosis magisque vicissim frangitur & propulsatur ab ipsis. Nec necesse est, ætheris raptum ad orbitam Lunæ statim finiri: quia jure & vinculo continuitatis, aer, sive ignis qui infra est, aliquousque sequi valet. Fortasse etiam Lunæ tot montes & verrucæ ab Opifice dati, ut aerem inferiorem, his veluti uncis & retinaculis injectis, secum abriperet, quod Fortunius Licetus nuper credidit. Si aliter autem raptus aeris sublunaris expediri nequit: ecce mihi nova machina ad diffringendam orbium Planetarum soliditatem: cujus antea nunquam in mentem venit.

## CAP. III.

*De causa materiali Meteororum.*

**A**Ristoteles, & universi omnes post eum, excepto uno Paracelfo, materiam omnium Meteororum in duobus halitibus constituit; in vapore calido & humido, qui Græcè ἀτμός; & exhalatione calidâ & siccâ, quæ ἀνὰ θυλάκω. Calidi sunt, à calore externo eos resolvante & contra naturam. Vapor à natura humectus, quia aquâ præsertim, & corporibus mixtis humidis, aut succulentis; Exhalatio sicca, quia terra præcipuè, & mixtis arentibus extrahitur. Unde halitus utrique communis nil est aliud, quàm substantia levis quæ è corporibus

ribus gravibus virtute caloris rarefacientis resolvitur. Talem autem terrâ & aquâ exhalari manifesto experimentoprehenditur, aquam enim lacuum & fluminum, item terram imbre madefactam fumare, agros etiam sitientes & hiulcos, Sole ictos, tenuem quandam & velut igneum halitum expirare, oculis cernimus. Nebula etiam, ubi radio Solari, victo rigore intepuit manifestè in altum resurgit, idque imbrium & humoris est signum. Certum igitur, pluviam, vapore quem nebula fert & succollat, condescere.

Paracellus tamen pluvias, ventos, & omnia Meteora vult siderum fructus esse (sic enim loquitur) ut arborum poma, & statis temporibus effundi. Hinc etiam stellas, phialas & cucurbitas appellat, in quibus sulphur, sal, & Mercurius, quæ universorum Meteororum ei materia sunt, continentur. Sed hæc plusquam Chymica sunt, & ægroti veteris mera somnia. Centum enim etiam annis, talis materia in terram nondum è stella aliqua fixa defluxisset. Nec reddi ratio solida potest, cur non eadem Meteora promiscua sint omnibus anni temporibus. Verùm dubitationem habet, è quibus corporibus vaporetur hæc Meteororum materia.

## ARTICULUS I.

*An ex terræ substantiâ etiam resolvi possunt exhalationes.*

**D**E aqua, & cæteris liquoribus, res omnibus confecta: quia ollas subjectis ignibus fumare, imò vacuari, lacus æstivis Solibus ebibi cernimus. Terræ tamen ullos halitus extrahi negat Plato, Bodinus; & hodie quidam alii.

Et res his rationibus regi potest. Primò, quia terram decrescere non videmus diutissimè expositam Soli; sed solum arescere, extracto humore qui continebatur poris. Unde dissolvitur tantum in pulverem, qui omni humore exsucto semper eadem quantitate perseverat. Sicuti ergo in animali venæ mesenterii succum duraxat utilem ad hepar rapiunt, partibus terrestribus & fœcutinis demissis in sentinam & alvum: ita Sol è terrâ humorem tantum imbrium fœcundum, aut succum aliquem oleosum ad ignearum impressionum generationem

nem, nihil de substantia detrectando, videtur exfugere. Sic etiam plantæ terræ humorem, non terram vellicant: unde siccitatibus videmus exarescere.

Secundò: Ignis cineres consumere, quia humore carent, nunquam potest; ergo nec terram, quæ naturâ sua est siccissima.

Sed hæc nunquam me cogent Aristotelem deserere: Igitur de substantia ipsa etiam terræ Sol aliquid in materiam Meteororum decerpit.

Probo primò: Quia mixta insigni etiam siccitate prædita, ut thus, pulvis pyrius, sulphur,

*Perf.*

*Sugosum piper, & pallens grana cumini,*  
& univèrsa aromata suas expirationes habent: cur non & terra?

Probo secundò: Quia aqua cœlestis, & nix liquata multum sedimenti & terrestris limi habent; eo enim fundum vasis alè satis oblimant: igitur terrena materia cum vapore exhalatur in nubes.

Tertidò: Ventorum aridorum, qui à mediterraneis & sitientibus spirant, materia sicca & terrestris est.

Quartò: Lignorum fumus magna parte siccus & terrenus est; ut patet ex fuligine qua caminos illinit: ergo etiam è substantia terræ similis exhalatio resolvi potest. Quispiam etiam fortasse idem à materia Meteororum ignitorum conficere putabit: hæc enim ex humore aqueo & crudo nequeunt flammari. Verùm, neque etiam ex sicca & merissima terræ substantia: sed humore aliquo potius oleario & pingui: quem Sol tamen è terra in aquam poris conceptam dissolutâ & fatiscente calore permiscet, & ad pinguedinem istam perducit; unde aliqua saltem terræ pars in succum illum corrupta, in altum exspirat.

Sed objecta rejicienda sunt. De primo, fateor humorem intra poros terræ conceptum, obedièntius longè, quàm siccæ terræ partes, dissolvi & rarefcere; nam experimur omnes liquores modico etiam calore statim summare, & in auras diffundi. Ita humor lintei, viso statim igne, exspirat in vaporem. linteo, quod sentire possis, ne hilum diminuto. Causa videtur esse in mollitie, aut infirmitate etiam unionis integralis talium corporum,



aut denique in quadam rarefcenti proprietate, nondum adhuc satis hominibus nota. Nam idem humor, qui cum mollis & fluxus esset, igni vaporanti illico respondebat, postquam in metallum, lapidem, aut crystallum dirigit, contumax est, & difficillimè obedit. Sic igitur etiam terra non facilè se exhalari sinit, nisi humore aliquo mollita & subacta fuerit; tunc enim, ut Lib. 2. Meteor. cap. 1. & alibi sæpe Aristoteles, liberalibus in suas etiam exhalationes, non in solos humoris vapores se resolvit. Nego itaque terram decrefcere: sed pluviâ, spiritu è visceribus ascendente, & summis deinde partibus alligato, & post addensationem continuato, stercoreatione etiam & laraminibus, reparatur. Pulvis etiam diu insolatus & excoctus, sine dubio minor est: ubi verò singula arenulæ, ac atomi, ad minima, ut loquimur, naturalia pervenerunt, difficilior aliquid carpi videtur: aut quia particula metu præsentis corruptionis, dissolutioni pertinacius resistunt: aut quia unio integralis, ut in lapidibus & crystallis usu venit, longâ percoctione facta firmior: in rarefactione autem, fortasse intercedere oportet aliquam dissolutionem integram partium. Exemplum etiam suctis mesaraici retorqueri in contrarium potest. Nam venæ illæ etiam aliquas siccorum alimentorum humore potulento maceratas partes alligant, aliàs enim nihil de cibis solidis facefferet in substantiam animalis, totumque in excrementa abiret. Similiter Plantæ non purum putumque aquarum humorem, sed terrestri sicco fermentatum & incoctum attrahant.

De cineribus, Bodinus incorruptibiles, & omnium corporum naturalium materiam primam esse credit: nam omnia igne tandem destrui, solis exceptis cineribus, apparet. Sed tamen etiam ipsos ignibus diuturnis carpi, & magnitudinem pondusque decrefcere, experientia affirmat. Reliquæ verò partes, quæ in tenuissimam scobem & farinam dissolutæ, pertinacissimè flammis repugnant, atomis, & veluti minimis quibusdam naturalibus constant: in quibus humorem particulas alligantem ignis sic decoxit, ut vix calore diduci valeant. Cineres enim corpus aliquod mixtum ignibus generatum esse videntur;

tur; ut aded mirum non sit, ab eodem, & iisdem qualitatibus non faciliè dissolvi à quibus esse acceperunt.

## ARTICULUS II.

*An vapor & exhalatio specie differant ab elementis gravibus, quibus extrahuntur.*

**T**himon Lib. i. Meteor. q. 9. Tartaritus, alique affirmant. Probatur: quia incredibile est, formas terræ & aquæ remanere sub tanta materiæ raritate & levitate cum naturaliter densitatem & gravitatem appetant. Deinde, spiritus ex animalibus, plantis & cæteris mixtis resoluti, ab ipsis specie dissentiunt. Igitur nec vapor cum aquâ, & exhalatio cum terrâ consentient.

Dico tamen primò: Si elementa sint corpora physice simplicia (id est, nullo materiæ & formæ substantialis cœtu coalita) ut multi Græcorum existimant: probabilius est, vaporem adhuc esse nudam aquæ, & exhalationem terræ, substantiam. In hac enim sententia, elementa naturaliter incorruptibilia sunt: & licet suscipere aliquam corporis mixti formam valeant, videtur tamen sapientius nondum super inducta fuisse, quandoquidem in naturam & proprietates elementorum tanta pronitate relabantur. Id ergo quod vaporem & exhalationem vocamus, mixtum aliquod ex elemento antea gravi, & novitia forma substantiali mixti non est; sed ipsa nuda substantia elementaris, vitata accidentibus peregrinis.

Dico secundò: Etiam si cum Aristotele nostro, & sensu ferè communi, elementa ex materia priori & forma substantiali compingamus; verius est, vaporem aqueum, formam aquæ, & exhalationem terrenam, formam terræ adhuc retinere. De vapore, rescertior; quia fumus vapidus ex olla fervens & operculo adhærens, in aere etiam fervido aut tepenti, in aquam revertitur, nulla ibi manifesta causa secunda præsentè, quæ tam citò ex vapore valeat regenerare aquæ substantiam. Idem etiam ex omnibus distillationibus & sublimationibus Chymicorum potest ostendi, ac facillimo reditu æstivi vaporis in rorem. De exhalatione fluctuo magis; quia raritas illa tam discincta & dissolutissima longissimè abivit à naturali terræ densitate. Sed nihil tamen refert; quia eadem

dem forma maximam aliquando qualitatum repugnantium diversitatem perpetitur in sua materia. Nonne enim aqua natura sua frigidissima, ingenti quandoque calore, incolumi tamen forma substantiali, effervesceat? Nonne eadem naturaliter fluida & liquens, in glaciem alligatur & rigescit? Nonne contra, metallum, durum à natura & consistens, igne solvitur & liquefcit? Minus igitur jam mirare, terram salvâ formâ substantiali sic in fumos diffuere; quidquid te rideat Bodinus. Sed constâtne, terrestres exhalationes aliquando ad terrâ densitatem & naturam redire? Fateor, experientia nebulosior est, quàm in vapore. Tamen in aqua pluvia, & nivali, limus qui subsidit, terræ lutum vide ur, in quod se redeunt refrigeratæ cum vapore exhalationes. Fallitur enim Thimon, qui partes terræ densas etiamnum & graves, in nubes à succollante spiritu rariore subvehit credit. Fallitur Plinius, qui vaporibus in altum, piscium etiam examina, imò lapides bajulari. Tam dispersus enim, & languidè scandens spiritus, tantum virium non habet.

Lib. II.  
c. 1.

Ad primum, Ostendimus jam aliorum exemplo, formam terræ à raritate illa exhalationis non necessariò statim interfici.

Ad alterum, Existimo plurimorum etiam mixtorum vapores & exhalationes, formâ non differre ab ipsis. Sic vapor Mercurii, Mercurius adhuc est; cum à sublimatione se redenset, & ad ingenium revertatur. Thuris, sulphuris, & infinitorum mineralium exhalationes, veterem speciem servant. Difficultas grandior est, si viventibus tumi illi extrahantur. Vapores enim & humores florum & plantarum vivere non videntur post distillationem; cum tamen antea partes plantarum essent, & vitam haberent, Itaque opus aliquo discrimine. Sunt multi plantarum succi, quibus ut sanguine nutriuntur: hi exanimis sunt, & venis earum expressis speciem non mutant: magno argumento, quòd in medicamentis per multos annos eandem vim pugnandi & alterandi corpora retinent, quam in ipsis plantis habuerant: sic spiritus etiam, & sudores tertiz concoctionis in animalibus residui, speciem suam per auras secum differunt, si verò vapor aut exhalatio, partium viventium resolutione generatur,

neratur, in homine & animalibus perfectis illico, & in ipsa dissolutione integrali partis, vita extinguitur: qui anima talis in materia abscissa à toto, & præsertim ramata, non potest durare.

In plantis verò, & animalibus imperfectis, potest; saltem brevi tempore, paulò post tamen funeratur in cadaver.

Ex inanimatorum partibus etiam quandoque ignis halitus differentes specie gignit.

Ita vinum in aquam vitæ sublimatum, amplius vinum non est: quod ex vi illa admirabili calorifica, quam deinde pertinacissimè retinet, ex levitate etiam quàm cæteris omnibus liquoribus superesse nititur, satis intelligi potest.

De causa formali Meteororum, dicemus specietim in pertracatione singulorum, nunc uno verbo, & universè dico, esse aut figuram, aut localem motum, aut aliud accidens quod cum materia coit, illud accidentarium compositum, quod appellamus Meteorum.

## CAP. IV.

### *De causa efficiente Meteororum.*

**C**ausas efficientes proximas quæ formam illam accidentariam inducunt, unde essentia complementum & nomen habet Meteorum, postea dabimus. Nunc remota investigemus, quæ resolvit vaporem & exhalationem, omnium communem materiam.

## ARTICULUS I.

*Georgius Agricola & Lydiatus narrant ignes subterraneos facere principem autorem vaporum & exhalationum.*

**D**uplici ratione, terræ & aquæ exhalari aliquando potest: vel à supposito igne calefaciente, vel à Sole & celo supernè impendente. Utroque modo fieri constat. Quia & multi ignes subterranei sunt; & nihil evidentius, quàm terram madefactam fumum expirare irradiante Sole. Sed controversia est, ab utra causa plus materię in Meteora resolvatur.

Georg. Agricola Lib. de Causis subterraneorum, maximè

ignem & præcipuam halituum copiam à subterraneo igne  
vappari credis: nihil verò, quod ulla ratione aut Me-  
teoricis sufficere possit à Sole. Hunc etiam acriter contra  
Peripatericos defendit Thomas Lydiatus Anglus, in li-  
bello de Origine fontium. Munimenta inspiciamus,  
quibus hæc opinio fidei.

Imprimis suppono, Plurimos & maximos sub terra  
ignes ardere: quos obscuritate callidi plurifariam fontes,  
flumina, Vestivius, Hecla, & tot alibi montium crateres  
& Vulcani flammis in cælum vomentes, evidentius pro-  
dunt. De quibus Aristotelem, siue alius est auctor, in  
Lib. de Mirabil. auscult. & Vitruvium Lib. 2. cap. 6. ali-  
osque potes consulere. Tales etiam plurimi in America  
nuper inventi, ut Lib. 3. cap. 24. Hist. Indic. vidisse  
scribit Josephus Acosta, Montes sunt altissimi, inquit  
in plano vertice, camino ad radices usque per immen-  
sam profunditatem percuss. Aliqui fumum tantum, alii  
flammas, alii per intervalla utrumque, quidam etiam  
cineres, & id ab annis centum, & tempore immemora-  
bili eructant. Alibi etiam in fundo camini, siue flamma  
aut fumo sic ardet ignis, ut avarus quidam, inquit A-  
costa, suspicatus aurum esse, lebetem per ferream cato-  
nam demiserit, quam momento pene temporis conflu-  
vit & absumpsit ignis. Si tot ergo locis ignium emican-  
tium perpenna tot seculis sunt incensa, credibile est  
alios ferè ubique esse subterraneos ignes, qui si non in  
aperas flammæ, subciles saltem exhalationum fumos per  
venas & rimulas in apertum expirent, & materiam Me-  
teororum. Videtur enim terra instar animalis esse, quod  
focum & fontem caloris habet in corde: à quo spiritus  
per arterias hæc illac per totum corpus, in extremam usque  
cutem, & denique foras per poros effunduntur. Ad ve-  
luti in animali, calor naturalis viscerum, tepidior vapo-  
res & exhalationes non tantum per os & nares, manifesta  
spiracula, sed per infinitos alios eorundem meatus, quibus  
totæ cutis cribro creberrimè perforata est, suspirat: ita  
etiam, præter igitur omnes montium crateres, tenuibus  
ubique spiraculis pertusa est, quibus se etiam ignis auræ  
exhalat.

Secundò: Vis calorifica Solis, non altius in terram,  
F x quam



quàm pluvialis aqua, & arborum altissimarum radices, penetrat, id est, ad duos circiter passus, sive decem pedes, ut Lib. 3. E. 6. Art. 1. ostendemus. Ex tantula autem profunditate Sol prout diu noctuque sine cessatione spirantibus ventorum flabris, nascentibusque infinitis aliis Meteoris, materiam, nisi nimis parcamus, elicere non potest.

**Terzio:** Magna pars superficiei terræ silvis, plantis, ædificiis, lapidibus tegitur: ex quâ proinde nihil, aut vix hilum Solis calor decerpere valet: constat enim esse amminuatâ umbrâ Solem frangi, & terram refrigerescere. Ex reliquâ autem parte nudâ funi non eliciuntur suffecturi universis Meteoris.

**Quarto:** Aqua stagnans, & Soli multis diebus exposita, vix tandem tepescit: ergo Sol elevare non potest tot vapores, ut satis sint maximis illis, & torrentissimis pluvias, quæ menses suppetoros, & aliquando annos eductant.

**Quinto:** non resolvitur ex superficiei & summâ cute Belgicæ telluris, exhalatio sulphurea & nitrosa, quæ fulminantius, & pluribus igneis Meteoris, necessaria est. Cum igitur Belgium etiam fulminet, materia à visceribus non superficiei terræ, petenda erit.

**Sexto:** Noctē & hiemē non pauciora, quàm diē & æstatē, Meteora videmus; Igitur materia non attrahitur à Sole, qui nocte nullas, hiemē imbecillas vires habet. Imò qui sub polis habitans, medio anno, quo Sole caret, non caret Meteoris.

**Ultimo:** Idem experientiâ quidam Clarissimi Viri Medici ac Philosophi excellentissimi, Thoma Fieni, hujus Academiæ Archiatri, firmare possumus. Qui è litore Batavico, sereno & amenissimo cœlo quondam Oceanum prospectans, vidit è media maris superficiei subito emicantem vaporem, capite humano vix amplius orem: qui perpetuo tamen affluxu, brevi temporis spacio, serenitate pulsâ, densissimâ nebulâ totum implevit cœlum. Igitur sub terra, & fundo maris ignes aliqui latent, qui sæpè aliâs tales fumos in cœlum expirant.

## ARTICULUS II.

*Discediunt Aristoteles, Agricola & Lydiatus rejiciuntur.*

**A**ristotelis tamen nostri sententia est, Solem esse principalem causam, & maximè universalem vaporum & exhalationum. Ubique enim ejus meminit: ignis subterranei parciſſimè. Libro tamen Meteor. 1. c. 3. ab igne isto saporibus infici fontes, & cap. 4. exhalationem ventorum, in parte gigni affirmat.

Et est imprimis satis certum, multorum ventorum materiam excitari à Sole. Anniversarii enim omnes flatus, qui statis ferè diebus aut mensibus adspirare solent, à Sole manifestè reguntur. Sic namque Prodromi, Etesæ, Ornithiæ quotannis ferè velut ad conductum redeunt, sic vere & æstate flatus antelucani, omni pænè die sub auroram ad nos revolant: primi videlicet tempore crepusculi, surgente, & molliter deinde relabente, et refundente se halitu.

Secundò; Sæpè post imbrem, ut notat Aristoteles, sequi solet ventus; nec alià re, nisi quia terra humecta & mollita, modico tepore superveniente, reddit obediens & facilius mixtos exhalationibus vapores.

Tertiò; Materiaz nimborum, & fulminum, evidenti experimento, levantur à Sole. Nam ideo, vere præsertim & æstate, post magnos calores sæpè fulminat, & effundunt se nimbi; quia, inquam, Sol præcedenti ardore, plures vapores & exhalationes attraxit, quàm possit digerere.

Quartò; oculis etiam ipsis cernimus primo mane nebulas & vapores è mari, paludibus, fluminibus, vallibus subeuntes; & hoc secutura pluviaz non mendax sæpè signum habemus.

Quintò; Si in campos æstate torrida, Sole ferventes, oculos intendamus, subtilissimum ubique fumum exhalari deprehendemus, per quem medium conspectæ agrorum glebæ tremunt & vibrantur, veluti muri & lapides platearum solent, si per exhalationes, quas in publicis supplicationibus expirant nostræ facies, aspiciamus.

Sextò;

Sexto; Confessum etiam est, matutinum rorem  
*Exod. 16.* Sole rosorberi: quod Scriptura quoque de Mannâ He-  
 bræorum faterur, *Cum incaluisse Sol, liquefiebas: & alibi*  
*Sap. 16.* *Stasim ab exiguâ radio Solis calefactum, satefiebat: ac deinde*  
*vanescebat in auras.*

Septimo; qui in America sub Equatore habitant,  
 perpetuos & profundissimos imbres, cum Sol in Equi-  
 noctiis & vertice impendat, habent; Ideoque Incole  
 tempus illud apud sui hiemem appellant. Causa autem  
 non in ignibus subterraneis est, sed haud dubie in Sole:  
 qui infinitos præ se subjecto mari vapores simul haurit,  
 quos perpendiculari etiam & præsentissimo radio nequit  
 dissipare.

Solem etiam esse causam huius effectus magis, quam  
 ignes subterraneos, universalem, sic potest ostendi.  
 Quamlibet partem superficiæ terræ subdyaalem sex  
 menses totos singulis annis illustrat & calefacit: hoc  
 tantum discrimine: quod in Zonâ torridâ, & duabus  
 temperatis, diem noctemque intra 24. horarum spatium  
 alternet; in frigidis verò sub utroque Polo, diem unum  
 perpetuum sex mensium faciat. Igitur ex omni terra  
 & aquæ ambitu halitus evocat: ignis verò subterrane-  
 us, non undique & per totam terræ superficiem in aera  
 se expirat; ut iamjam patebit.

Ad primum ergo libenter damus, ignem à terra &  
 magnæ matris visceribus, pluribus locis in cælum suspi-  
 rare. Nec enim eruditissimo Turnebo, in lib. de Calore,  
 planè acquiescimus, qui: *Omnes*, inquit, *calorem à se*  
*proficisci certum habeo, ejusque perennem & jugem esse sensum in*  
*lem, reliquis tamen stertis in partem conferentibus.* Et deinde:

*A medio terræ centro se promit, & quæque vestigia diffundit frigida*  
*ut cæli à culmine se calor deorsum demittit.* Nam calorem suum  
 aliquem terræ spiraculis imputamus; sed ista tamen spi-  
 racula rara sunt; nec ulla satis manifesta in Belgio, nisi  
 forte circa calidos Aquilgransenfium fontes. Similitudo  
 etiam terræ cum animala, non convenit. Animal enim  
 ubique calet, nec ulla pars ejus interior est aëri frigida,  
 ut Medicorum experientia docet. Terra verò undique  
 ferè sub cute sua (testare præfecim, quando plurimi ta-  
 men halitus expirantur, & infra duos passus, quod ex-  
 lectis

levis calor non pervenit) absolute algeat. Non mirum igitur, calorem animalis undique per poros subire aliquid, cujus odore canes, hirci, sues & feras inter noscunt, exhalare; terram vero pluriferam aut simile pati: alia, ut hominis, ita terræ superficiem, calore & spiritu interaniorum se per eundem transfundente, ardescere, aut intepescere fere semper expernemur.

Deinde, quam alio ubique deserta sunt ignes illi subterranei? Certe enim ex puteis & fossis carbonariis ac metallicis, quæ magis ab aqua frigunt, quam ab igne caleunt, apparet insignem eorum profunditatem. Cautè igitur Jo. Dodonæus, Philosophus olim Patavinus, ad triginta tota miliaria infra terræ superficiem abscondit: ne scilicet metallicas venas conflarent, aut comburerent inquit, arborum radices. Sed quis tam credulus, ut per triginta miliaria efficiens, spiritus illi ubique incolantes possint se in aerem nostrum extricare? sæpius profecto in via tam longa adhærebunt; aut rigore terræ, vel subterranearum aquarum extinguentur.

Denique nives nostræ, quæ tepore minimo tabescunt, manifestè ubique statim, subeuntibus torrens terræ venis spiritibus, liquefiunt. Sic enim in animalium villis, hominum vestibus, circa arborum truncos, celeriter solvantur aut tabescunt, quia etiam arbores teporem quandam & spiritum naturalem exhalant, quem nives diu non ferunt. Scio, reponent, terræ poros frigore ambientis aeris & jacentium nivium confringi, ne spiritus subterranei valeant eluctari. Videmus enim fumare terram, si effodiatur hiberno tempore: & nivem, quæ in agrum recens inaratam cecident, citò diffuere, quia partes terræ infra spiritu multo repentes aratrum invertit in superficiem.

Pareor etiam profecto, terræ poros, & humorem, si quis ipsis merat, gelu sic alligari, ut halitus inclusi non reperiant exitum. Nego tamen id futurum, si isti ignibus subterraneis, ut volunt, exhalantur; ascenderent enim noctibus diebusque agmine perpetuo, & plurimi confestimque circa summam terræ superficiem aggregarentur; quia obstructis aut conniventibus terræ poris libertas evolandæ recunderetur: Unde frequenti appulsu

appulsi ibi conglomerati & restagnantes, terram inflant, & meatus ad exitum subaperiunt; nivesque superjacentes in tabem, & aera totum inferiorem in teporem remolliant. Sic enim pori animalium hiberno frigore contracti, ambulatione & motu spiritibus intus agitati, etiam usque ad sudoris eruptionem relaxantur.

Exhalationes igitur, quibus terra arata fumat, nati sunt circa ejus superficiem à Sole, quando vires ad eousque penetrandum habuit; vel in aere à frigore nocturno aut alio deprehensæ in terræ venas compulsa fuerunt. Quod inde liquet: quia si fodias altius, fumum inde nullum exiturientem percipis. Nec omnis etiam arvus ager æquè halat; sed ille maximè, qui multo fimo & lztamine satur, sæpèque exercetur. Fimeta enim, ut agricolæ sciunt, plurimo spiritu è recrementis animalium turgent, & famant. Terra etiam magis exercitata, fisculosior est, & idonea, hiatque magis recipiendis intra poros halitibus. Spiritus deinde inclusus, aliquatenus se ipse amplificare, quia partes aliquas terræ, aut pinguis humoris intra meatus ejus concreti, tepescere & dissolvere potest. Ita namque spiritus sæni mutuo contactu & confluxu se invicem calefactant, ut faciant quandoque incendium. Non igitur necesse est credere, omnes istas exhalationes, quas terræ expirari aliquando cernimus, aut à suppositis ignibus, aut immediate esse à Sole.

Ad secundum dico, Ex decem illis terræ in profundum pedibus eductas exhalationes, ventis & meteoris omnibus ignitis largiter sufficere: si plusculum illud supplementum adjicias, quod è visceribus terræ afferunt subterranei ignes. Ratio à D. Augustino lib. 3. cap. 4. in Genesim peti potest: quia quodvis continuum partibus infinitis constat, quæ sine fine rarefcere possunt in majus, & spatium amplius occupare. Quid ergo magni miri, si solidæ terræ particula in amplissimam exhalationem, aere inferiori longè rariorem leviolemque, diffundi valeat? Ecce enim granum unum pyrii pulveris (quis credat?) flammatum, in spatium 125000 majus dispergi Willebrordus Snellius se expertum affirmat. Deinde, non habeat sanè continuum, & materia ter-



restris partes infinitas: admittendæ tamen plurimæ erunt, in corpore densiori sese penetrantes, quæ per rarefactionem extra mutuum suum distrahantur in spatium longè diffusus. Sed quare terræ tergum non tandem exinanitur, vellicatis, & in sublime abreptis tot quotidie ejus particulis? Petam vicissim ab agricolistis: Cur terræ viscera non erogantur & absumentur tot intestinis depasta ubique incendiis? Respondeo igitur, facilius quàm ipsi: vapores & exhalationes in terram recidere, rursusque in eam reverti: ut denuo relevari, & perenni circulo iterum repluere, & ad nos valeant relabi. Responsionem ad hoc secundum argumentum implebunt, quæ jam addemus.

De tertio: Verum est, ex terra inumbrata silvis & ædificiis non tantum à Sole extrahi, quantum ex apricis: attramenti radius, aliunde saltem, in umbras repercussus (nisi planè Cimmeriæ sint) modicè eas frangit & tepescit. Verè & eleganter, id est, ut solet Seneca: *Loca hæc aliqua iniquitate naturæ ita clausa sunt, ut Solem accipere non possint, illa quoque nubila & crisi luce calefiunt, & per diem minui, quàm noctibus, rigent.*

Deinde, umbræ frequenter se cum Sole gyraunt, ut lux pleno aliquando radio illustret quicquid superficiæ terræ ab umbrâ, circum arborem fortè aut domum se verrente & fugiente Solem, occupatum fuerit.

Denique ex plantis ipsis aliquid sublimari, inde liquet, quòd nimio Sole flaccescant, ac exsiccantur: ex odore præterea, quem una cum spiritibus exhalant, æremque universum cum salubritate aut noxa animalium implent. Hinc enim horti & silvæ in pestilentia petuntur & olim tali periculo suavæ à Medicis Principi Commode lauræ silvæ, quia halitu suo luem abigerent. Fructus etiam plantarum latissimè & confertissimè spiritum dispergunt: ut jumenta quæ aromata vehunt, sæpè etiam adigantur in insaniam. A lapidibus quoque ipsis aliquid extorqueri satis intelligitur: quia vetustate fatiscunt, & exsucto omni humore dissolvuntur. Greges deinde animalium, & armenta, & homines ipsi, præsertim qui vino, cerevisiâ pingui, aut alio spiritali potu se largiter invitant, non parum fortè in nubes & rem Meteorologicam

rologicam expirant. Camini etiam domorum in frigidis regionibus facile rependunt & pensant obstaculum umbræ, quod ædificia Soli obijciunt.

*Virgil.*

*Es jam summa procul villarum culmina fumant,*  
inquirebat ille. Ita profectò, fumant totam aliquando nubem, aut, si tam altè non statim ascendat, nebulam. Mane & vesperi caminos Leodienses ac Montenses præsertim, adspice, quando novo carbonario igne recalère incipit focus; mentior, nisi mecum dicas, halitu illo tam copioso aliquid posse addi nubibus.

*Sil. lib. 4.*

*Nigranti piceus sensim caligine vertax  
Volvisur, & pingui contorquet nubila fumo.*

Hoc etiam valde æstimandum: maris, lacuum, fluminum superficies ubique ferè sine umbris Soli esse expositas: quæ tamen terræ aquis nudatæ magnitudinem facile adæquant. Hinc enim immensa vaporum, imò etiam exhalationum copia evocari potest. Nam aqua marinæ, & pleræque omnes aliæ, terrestrium halituum miscellâ inquinatissimæ sunt: relabuntur enim in eas supernè plurimæ exhalationes; alibique etiam è fundo veniunt, aut derafus alveo limus humori confunditur. Igitur etiam ex aquis, terreni halitus aliquid à Sole forberi potest in altum. Et hinc à mari, etiam ubi nulla insulæ ejus interpellant unitatem, venti afflant; licet exhalatione molliori, quàm à terra; ut retulerunt nobis Indici nautæ. Nam exhalatio terrenoeducta ferocior est, & magis procellosa.

Nec omittendum, quòd radius Solaris altiùs multo in aquas, quàm terram, penetret. *Sol enim*, ait lib. 2. cap. 43. *Plinius, perspicuus urinansibus est, in quamlibet profundam aquarum altitudinem.* Nimirum tamen, & falsum hoc est. Nam piscatores unionum maris Pacifici juxta Panamam referunt non infra quindecim cubita aspici à se Solem. Idem adserunt urinatores Indiæ Orientalis ad Ormutium, ut Ludovicus Barthema mihi testis. Verùm ex tanta saltetm ferè profunditate, præsertim circa torridam, halitus à Sole resolvi à mari, & educi possunt.

Circa quartum, multi mecum olim decipiuntur, qui ferventes solùm, aut sic tepentes, ut digitus immersus persentiscat, ollas fumantes vidimus. Potest enim reverà tenuis

tenuis vapor, & qui visum omnem effugiat, aquâ expirare, etsi nullus teporem eius valeat percipere. Calorem etenim non sentimus, nisi intensior fuerit illo, qui organum tactûs nostri contemperat. Potest autem aliquis remissior, ad vaporem fundendum & exhalandum sufficere. Et nonne linteum madens, frigido autumnio aut hieme, suspensum etiam extraveni flatus, Sol exugit? tange tamen ipsum, teporem nullum tactus agnoscet. Nonne etiam illos ipsos lacus, quos æstate tepescere vix affirmas, Sol tamen ebibit?

Quintum etiam falsum sumit. Certè enim in Belgia ex omnibus pæne ruderibus, & stabulis animalium, halinitrum, id est, materiam pulveris pyrii educimus. Chymici etiam nostri è rore per distillationes aliquam nitri, & salis ammoniaci partem eliciunt, quam Sol proculdubio summâ tellure unâ cum roscido vapore extrahit. Itaque terra etiam nostra, halinitri ferax est, & materiæ fulminalis. Sulphuris quoque: cujus nuper etiam apud ocellum urbium & orbis, Antuerpiam nostram, venam satis uberem, & beatam, repertam omnes scimus. Si quâ autem in parte halinitrum & sulphur, Sol parcius extrahit, rariùs Jovem fulminantem sentit, aut aliunde materiam advehunt flatus.

Sextò respondeo, noctibus apud nos rorem, pluviam, fulmina, &c. generari ex halitu quem dies antè proximè lapsi vaporaverint. Terra quoque diurno Sole calefacta, teporem etiam in noctem servat, reliquiasque halituum quasdam expirat; ut incendiolorum, postquam desflagaverint, cineres solent. Hi autem nocturni spiritus pestilentiores sæpè diurnis creduntur: ut crassus ille & ater fuliginis, quam candela recens extincta spirat, vapor, nidore suo & noxiâ qualitate magis nares ac cerebrum offendit, quàm si eo se aleret, venenique malignitatem discerneret vivens flamma, quomodo etiam pestiferorum halitus nocentiores sunt, calido adhuc & à vita fumante corpore. Unde minus periculi habet, decem etiam languens invisere, inquit, lib. 2. cap. 4. Cosm. noster Gemma, quàm semel adesse morbo: præsertim ubi recens cadaver exhalat, aut etiam illis adesse propius, qui primum à domo funebri prodierunt: quia postis fomitem in veste circumferunt. Qui etiam in Sphærâ

G 2

stante,

stante, sive sub Polo habitant, medio anno quo Sol infra horizontem est, Meteora, præsertim nives, sentiunt, de materia quam Sol longo & pertinaci dimidii itidem anni die vaporavit. Nec enim halitus in altum sublatus, statim necessario totus & universim relabitur, aut consumitur à Sole; sed multos dies, imò menses potest pendulus in sublimi fluctuare. Venti etiam à Zonis temperatis in frigidas refluantes, vaporem & exhalationem aliunde sublimatam, adducunt. Stellæ deinde, circa polum præcipuè Arcticum, maximè illustres conferre forsatis aliquid insensibilis teporis valent. Luna tamen magis quæ singulis longæ illius noctis mensibus, dies circiter 14. supra eorum horizontem visitur. Ipsa enim, præsertim pleno aut tumidiori orbe, scæmineo & imbecilli radio, lenit tamen, quantum nos etiam experimur, noctis rigorem.

Nimio tamen acumine exerrat eruditiss. Medicum Franciscus Valesius cap. 26. Sacræ Philos. dum regiones sub polis temperatiores circumjacentibus esse contendit. Quia, inquit, regio Arctico polo subjecta *vincis proximis ac reliquis Septentrionalibus plus dierum longitudine, quàm vincatur refluitudine radiorum.*

Verùm cum experientia pugnat: diuturnâ enim illi sex mensium nocte totus diei antecedentis calor extinguitur; imò non sola nox, sed magna etiam diei pars apud ipsos hiemat: nam Hollandi, exitu etiam mensis Junii, mare sex pedum altitudine congelatum invenerunt. Causa, penes longitudinem noctis: & quia soli ibi Aquilones, exulantibus mollioribus & tepentibus ventis regnant. Audi Exercit. 37. Scaligerum: *Hiems, quæ decem sævis menses, quasi pavimento solidata maris superficie, æstase perpetua caligo, quæ pomeridianis horis unâ aut alterâ vix discussa, mox redintegrasur.*

Sed addit Valesius, nunquam ibi veriùs toto anno esse noctem, sed diem solùm, aut crepusculum, cùm enim eorum horizon incidat in Æquinoctialem, Sol nunquam altiùs, quàm 23. paulo amplius gradibus demergitur: quanta scilicet est intercapedo Æquatoris & brumalis Tropici; crepuscula tamen durant, inquit, etiam cùm Sol 30. gradibus depressus est infra horizontem.

Verum

Verum à scammate, & vero hoc abit. Circulus enim crepuscularis 18. solis gradibus describitur infra horizontem: quam distantiam ubi Sol transiliit, lampades omnes crepusculorum extinguuntur. Deinde frigida sunt omnia crepuscula, nisi dies proximè fervidus præcesserit. Experientia denique illa pulchra & rarissima Clariss. Thomæ Fieni, probat solum, quod etiam ultrò damus, ignes aliquos sub fundo maris vivere, & halitum quandoque per totam aquæ profunditatem in aera nostrum se transfundere. Sed recusamus tamen, ignes subterraneos omnibus aut plerisque terræ poris in cœlum respirare. Igniculos etiam, radicibus præsertim montium sparsim & rarè suppositos, non refello. Tales quippe thermas pluriariam nobis tepe faciunt; imò frigidorum etiam fontium soli faciunt, aut saltem adjuvant generationem, ut Lib. 5. ostendemus.

Hoc denique habe, & finio: Non scandunt vapores & exhalationes, attracti virtute aliquâ magneticâ Solis, ut Scaliger credit: sed dissolutâ elementi densitate, sponte suâ movent pedem, sive succollantur à propria levitate.

**LIBER.**



LIBERTI FROMONDI  
 Meteorologicorum  
 LIBER SECUNDUS.

De Meteoris ignitis.

CAP. I.

*Materia & forma ignitorum.*



**C**ausa materialis transiens Meteororum ignitorum est *ἀναδυσίμωσις*; seu *exhalatio idiomæ flammæ*. Hæc enim est, quæ inflammatione corrumpitur in ignem: qui est materia permanens hujus Meteoris. Ut autem *exhalatio flammæ*, saltem visibilem, concipiat, debet esse viscosa, aut pinguis: quæ enim omni humore oleari carent, ut cineres, candelarum fuligines, &c. non recipiunt inflammationem. Hinc sequitur materiam istam non esse puram putam terram in fumos exhalatam: mera enim terra arida est, & omnis pinguedinis expers: macerari ergo eam antè oportet humore aliquo pingui, poris ejus. virtute caloris Solaris, aut alterius, incocto ex aqua pluviali, & partibus terræ in eam fatiscentibus. Deinde bona, & fortasse melior materiæ horum Meteororum pars, ex mixtis, ut sulphure, bitumine, plantis, animalibus resolvitur.

*Forma Meteororum igneorum, ut talium, sunt accidentia quædam, & præsertim situs aut motus materiæ, qui Meteoris tribuit nomen.* A situ enim & figuratione, aliquod lanceæ, aut trabis, &c. à motu ignis fatuus, aut capra saltans, &c. appellatur. Forma eorum substantialis, est forma ignis, si exhalatio sit tota incensa: aliàs enim potest Meteorum majori parte constare exhalatione adhuc crudâ, quæ lumine partis accensæ perfundatur & resplendeat.

Adverte tamen multa sæpè haberi pro ignitis Meteoris;

ris, quæ reverà non sunt : sed vel corpora sunt suapte  
 lucē fulgentia , ut ligna putria, fuogique putres ; vel fir-  
 deris alicujus reflectunt lumen, ut trabes illæ, & lumi-  
 nosi tractus, qui nocte concubia, post extinctas omnes  
 crepusculorum reliquias, ab horizonte occiduo aut Bo-  
 reali, subito evibrantur, aliquando etiam usque ad Me-  
 ridianum: Imò Robert. Fluth Anglus scriptor, affirmat  
 se quondam ignem fatuum noctu secutum & assecutum :  
 & materiam invenisse non igneam, sed viscosam & lu-  
 bricam, compactam in modum spermatis ranarum, di-  
 stinguentibus nigris & exiguis maculis subalbidam, quæ  
 vice speculi redderet stellarum lumen. Causa efficiens  
 proxima, non omnium ignitorum eadem est : diciturq;  
 ea in singulis. Initium autem ab iis, quæ in infima re-  
 gione circa terram generantur, faciemus : deinde per  
 mediam ad supremam ascendemus.

## CAP. II.

*De Meteoris ignitis infima regionis.*

## ARTICULUS I.

*De igne fatuo.*

**H**unc ignem & alios similes Plin. lib. 2. cap. 37. dicit in-  
 naturæ Majestate abditos, & incertâ ratione oriri.  
 Nos eos tamen, quantum Deus & meditatio dederit, è  
 latebris istis extrahemus. Ignis qui vulgò fatuus, erra-  
 ticus etiam, aut ambulo solet appellari. Materia ejus  
 exhalatio pinguis & viscosa : Forma, saltus ille in mo-  
 dum hominis fatui ; Causa exhalationem incendens, in-  
 difficili est & obscuro. Tres possumus imaginari. Prima  
 saltus ipse exhalationem conficiens & attenuans : sic  
 enim eam ad formam ignis ( à causa prima, quando se-  
 cunda deest, producendam ) disponit. Deinde, antepe-  
 ristasis nocturni frigoris : hæc enim exhalationem den-  
 sat, & partes subtiliores, in quibus fortasse est aliqua  
 scintilla ignis, quam interdum Sol accendit, in centrum,  
 aut in angulum cogit : ibique mutuo contactu se cale-  
 faciunt, & ab una reliquæ incendium rapiunt, vel certè  
 etiam

etiam totam exhalationem Sol ante occasum incendere potuit, noctuque demum, extincto majori lumine, apparere cœpit. Sicuti enim astra non minus interdiu, quàm internoctu lucent, etsi non distinguamus: ita omnia ignita Meteora die juxta ac nocte generari valent, licet lumine Solis nimis uberi perfusa, inter diem non conspiciantur. Tertia causa, antiperistasis nubium esse potest, quæ stellas cadentes & fulmina etiam accendit, materia enim fatui in nubibus fortasse fuit, indeque expulsa, in infimo aere tamdiu fluctuat, donec tenacitate digestâ, tota deflagaverit. Hæ causæ etiam accommodari possunt Castoribus, Helenis, & id genus aliis. Causa saltus fatui, sunt rores nocte in eum recedentes, & deprimentes, contra quos levitate suâ resurgit, fluctus etiam & inconstantia aeris: denique, prout dematur frigore, aut calore rarefcit, succumbit, aut in altum resilit.

Locus ubi frequentius apparet, paludes, cloacæ, cœmeteria, patibula sunt: quia ibi copia halituum pinguium, quos loca uliginosa, & mortuorum cadavera expirant. Tempus, æstas maximè, quando Solis efficacior ad solvendas exhalationes potentia; vel autumnus, quando terra incendio æstatis adhuc fumat, & Sol satis validus ad eliciendos, non absumentos, halitus. Hæc enim unica videtur ratio, cur omnia Meteora ignita magis autumnò, quàm aliâ anni tempestate frequententur. Durant autem fatui ignes aliquot etiam horis: quia licet perpetuò partes exhalationis subtiliores exspirentur; aliæ tamen contumaciores adversus flammam pausacim accenduntur, & (ut sit in candela) decedentibus succedunt.

Flammulæ istæ in Germaniâ & Belgiâ rariores, quàm in Hispaniâ, Africâ, & circatorridam, sunt. In montibus Hispaniæ viatores sæpè plurimas simul vident; in Æthiopia campi toti nocte ipsis, seu stellis, nitent.

Quia verò in materiâ lentâ, & tenaci ardent, aliquando signa militaria, aut viatorum hastas apprehendunt. *Vidi, inquit Plinius, nocturnis milisum vigiliis, in hæretis pila pro vallo. Et, Gylippo Syracusas perenti, visa est stella super ipsam*

Lib. 2.

cap. 37.

*lanceam conspiciisse, ait Seneca. Nuper etiam ante decre-*

riam

nam illam Pragensem pugnam, narratur Illustr. & invictissimi Tribuni Legionis illius Walonice verè fulminatricis, D. Guilielmi Verdugi, vexillo ignis talis infedis: idque augurium aliquod insectæ mox ingentis illius victoriæ fuisse.

Lib. 1.  
Nat. 6.1.

Solet sequi fugientes, aut fugit insectantes, quia aer ei pro vehiculo est: aer autem versus tergum inambulans, motu vacui, affluit, ducitque secum suspensam in eo flammulam, unde videtur sequi: fugit verò & quidem evidentiùs, quia aeris fluctus & undatio quam ambulans facit, eam propulsat & abigit, unde magis equitem quàm peditem fugit: ille enim majorem aeris fluctum ante se agit. Ad flumina autem curiosos, aut turbatos, sequentes ducit: quia aqua crispâ, & sæpè fluctuante, superficie attinguum aerem secundo alveo deducit; in cujus locum alius, ignis fatui fortè vector, defluit ad concavitates etiam & alia præcipitia; quia fortasse ventus ab eminentioribus repulsus eò se gyrat & devolvit. Adde certum, & expertum esse, malos Genios in perniciem mortalium aliquando hunc ignem dirigere. Ostendo id manifesto exemplo cujusdam mei affinis, qui mihi sæpè denarravit. Redibat is nocte oppido Visetò Haccuriam, natalem meum locum, æquali inter Leodium & Mosæ-Trajectum distantia; & ecce medio campo circumvolant eum subitò tres quatuorve fatuæ istæ faces, perterritus abiicit se illicò in terram, permanent tamen illæ, & uno aut altero passu ab eo distantes, fixæ & immobiles circumlucent. Cum diutiùs terræ inhæreret, & invocaret Dei opem, abfiliunt inde dimidio amplius milliari. Exurgit tum quasi liber, videtque transvolasse Mosam; sed ecce vix duos aut tres passus confecerat, revolant de repente, & cingunt ut priùs: ibi ipse majori terrore in terram recidere, & pertinaci procubitu tam diù fatigare, donec rursum sine reditu diffugerent. Nihil certiùs, quàm talem motum non casu, sed ab Intelligentia aliqua directum fuisse.

Vulgus etiam fingit, animas Purgatoriū esse, quæ vagantur circumdatæ, & alligatæ, hoc expiatorio igne. Stauger suspicionem, quod aliquando videantur voces quasdam edere; quia forsitan pars materiæ densior, cō-

cepto intus & intento spiritu rumpitur, & cum crepitu diffilit; vel quia nocturnus roscum stridore flammulam incidit; vel quia ipsa secando aera sibilum facit: ipse etiam Genius aliquando rector, fingere voces ad terrorem aut dolum potest.

Id verò quod Robertus ille Fluth in manus nactus, ut in fine cap. præcedentis narravimus, non ignis fatuus, sed gluten fortè aliquod in aere concretum fuit: delapsum enim in terram ante se affirmat, quod ignis ille termè non solet; vel fortassis reliquæ alicujus stellæ cadentis fuerunt, quas ignis in talem substantiam decoxerit; sidus enim aliquando cælo lapsum vidisse se, Clariss. Vir D. Petrus Castellanus, Medicinæ & literarum Græcarum Professor, Vir tam fide dignus, quam Medicinæ, & omni politiori litteratura inter Academicæ nostræ eruditissimos conspicuus, mihi narravit; materiamque ejus non longè abluisse ab ea, quam Fluth in fatuo suo igne deprehendit.

## ARTICULUS II.

*De Castore, Polluce, Helena.*

**T**Res istos ignes, quæ etiam sidera à nautis appellantur, solus loci situs à fatuis distinguit; hi enim terræ, illi mari impendent: unde aliquis è fatuo & ambulone Helena fiet & sexum mutabit, si ventus è terra in mare eum exsibilet. Si duo simul à nautis conspiciantur, *Διόρυγοι*, sive Castor & Pollux; si unicus, Helena vocatur. Hispani & Galli circa mare Mediterraneum, S. Hermi, aut S. Telmi ignes: Itali, S. Petri & Nicolai nominant. Duo, felices, & tranquillitatis indices reputantur; unicus, mali ominis, & tempestatem importare. Temerè, tamen, ut credo: & idè solum quia Castor & Pollux benefici olim navigantibus, profligatis toto mari piratis. Helena verò soror, à Paride rapta, calamitosa, & occasio longæ illius & famosæ Trojanæ obsidionis. Cardanus tamen Lib. 2. Subtil. nititur veram causam reddere: quia inquit, cum duo *parvi sunt, & minima senti*; aliàs enim in unum coissent, Sed frustra. Duo enim parvi possunt æquiparari uni majori: & licet forent lenta ac tenacis materiæ, non ideo statim in unum nodum con-



confluerent; quia fortè vento aut fluctu aeris non permittuntur jungi. Melius ergo Seneca lib. 1. Nat. cap. 1. vim nullam in numero ponit, sed in quiete solùm & motu. *In magna tempestate, inquit, apparent quasi stellæ velo indidentes: adjuvari se tunc periclitantes existimant Pollucis & Castoris numine. Causa autem melioris spei est, quod jam apparet frangi tempestatem & desinere ventos. Quies ergo illa in antennis & velis significat flatus sopiri, & malaciam redire, five unus, five duo, pluresve ignes fuerint, cùm verò jactari & discerpi incipiunt, ventos sentiunt prodromos tempestatis. Multitudo tamen etiam materiæ huc refert aliquid; nam exhalationes plurimas, in flatus mox fortè recasuras, ascendiisse satis indicat; & hinc quò magis urit, & in materia densiore ardet hic ignis, eò majorem & præsentio rem perniciem affert; ut verum illud Cardani esse possit: *Helena sidus circa malum navis, quod cadens etiam antea vasa colligat, certus submersionis nuntius.**

Ceterùm, quia Castor & Pollux nautis salutare, aliquando effigies eorum pro παρασῆμα, seu insigni figebantur in prora navis. Veteres enim, ut notat Jos. Scaliger, præter Tutelam, quæ Deus aut Dea in puppi erat, παρασῆμα (à quo nomen navis accipiebat) ut Centaurum, Taurum, Arietem, Anguem, Castorem & Pollucem, in prora statuebant. Hinc S. Lucas Act. ultimo scribit, navem Alexandrinam, quâ S. Paulus Syracusas navigabat, habuisse pro παρασῆμα, Διοσκύρεω, Castorem & Pollucem.

## ARTICULUS III.

*De Igne lambente.*

Hic ignis est exhalatio tenuis & uncta, ex spiritibus animalium concinnata, & circa crines eorum relucens. Id autem veteres habebant pro rei cujusdam & fortunæ ingentis præfagio; unde ingeniosè capiti Juli, filii Aeneæ, talem circum finxit Poeta:

*Ecce levis summo de vertice visus Iuli,*

*Fundere lumen apex, tactuque innoxia molli*

*Lambere flamma comas, & circum tempora pasci.*

Et Aeneas pater:

*Nunc pauidi trepidare metu crinemque flagrantem*

*Exuere, & sanctos restringere fontibus ignes.*

*Aeneid. 2.*

Sed non erat necesse. Flamma enim illa, innoxia lambere comas solet, ut Poeta antè dixit. Noto etiam, totam panè ignis istius naturam tribus versibus ab eo signatam fuisse. Inprimis *apicem* vocat, quia flamma hæc in conum fastigiari solet; subtilissimâ scilicet ejus parte citius in altum fugiente, & cæteras prævertente, seque in apicem densante, ut sic facilius terebret; & vincat aeris ambientis resistantiam. Deinde *levem* dicit; quia flammula est, texta è tenuissimo spiritu. Tertiò, *tactum* ejus esse *mollem* & *innoxium*; & hoc ob materiæ tenuitatem: similis enim est flammæ vini ardentis, in quâ fluxa raritas vim amburendi planè discinxit, nam linteum eo madefactum nihil ustulat, contenta solum humorem exurgere. Quarto, *circum tempora pasci*, eadem enim flammula non diu perseverat, sed alia & alia, perpetuo agmine, à spiritibus ascendentibus, in supplementum pabuli venit. Denique, tempus quo tales ignes videri tantum solent, nempe nocturnum (nam diè majus Solis lumen eos hebetat, aut prorsus supprimit) egregiè observavit. Factum id enim ipsa ea nocte, quâ equus ille durateus Trojam cepit. Aliquando tamen, ubi halitus densior & pinguis sudore (qualem magnus & improbus labor exprimit) est permixtus, interdum etiam se, è vicino saltem, videntum præbet. Sic Alexandro in ardore pugnae caput scintillavit, sic Tiberii equus quondam flammigeravit: & de L. Martio Scipionum in Hispania ultore, Livius ex Antiatè, *Flammam concionanti suscipere sine ipsius sensu magno cum pavore circumstantium militum*, scribit. Servius Tullo etiam Rom. Regi, puero in regiâ cubanti, caput arsisse visum, creditumque Laris familiaris filium: & ob id Compitalia, & ludos laribus primum instituisse, affirmat Plinius. Sed verisimile id puero in tenebris evenisse, nisi etiam Magicum aliquid intervenierit. Porro irâ aut vino æstuantia capita, facilius hic ignis circumfulget: quia illis pori aperti & dehiantes, & spiritus plures ac magis ignibus idoneos suppeditant in flammam. Hinc Alexander quia vinosus & igneæ complexionis (licet quidam apud Athenæum lib. 12. melancholicum & idèd sanguinarium & crudelem fuisse dicat) aptus & proclivis hisce inflammationibus fuit. Existimo etiam

non raro spiritum sine vera flamma & igne lucere. Patet id in equis & felibus, quos si adverso pilo vehementer frices, scintillas (nec puto ardentes) excuties: pariratione, si saccaro (quod non semel sum expertus) in densis tenebris cultrum affrices flammæ perpetuas, vix irritulo ictu, emicantes videbis: habeo tamen, cur dubitem igneæne flammulæ, an lux & albedo spiritibus saccareis nativæ sint. Certum enim est, multos esse spiritus qui lucem sine igne habent. Putasne Poetam, cum Turnum iratum describit,

Ann. 12.

*His igitur furis, totoque ardentis ab ore*

*Scintillæ absistunt: oculis micat acribus ignis.*

intellexisse ignem, qualis qui focum nostrum accendit? Plus ingenii habuit: scintillæ istæ nitent tantum, ut nitedulæ & lampyrides, non urunt: sunt enim animales aut alii in corpore spiritus, quos ira, pudor, & similis alia perturbatio per nervos opticos in tunicas oculorum expellit. Hinc flagrant illi Tiberii oculi, qui cum primum à somno patuissent, omnia in tenebris, ceu media luce cernebant: tales etiam ferè Dictatori Syllæ, qui etiam rutila coma, & rubea facie instar ochræ fuit: quales, fallor, aut citius phantasticus iste ignis allambit, fulvus enim crinis fulgines aliquas concolores habet, spiritusque ruforum magis splendent; unde & sudor eorum propius quàm cæterorum ad croceum accedit. Tales denique oculi flammigantes C. Mario, quibus, ceu geminis facibus, Cimbrum exterruit, quem ad eum in obscuro carcere trucidandum submiserant Minturnienses, ut in Mario Plutarchus scribit. Ubi advertere licet, tres Principes insigniter crudeles & sanguinantes, C. Marius, Cor. Syllam, & Tiberium Cæsarem, pari oculorum habitu fuisse. Similes etiam canum rabientium in tenebris oculi. Scio deinde, cui à largiori paulò vini Hispanici potu, experrecto, nox visa collucere: & de quâdam Comitissâ lib. 1. Observat. narrat Schenkus, in morbo oculorum, nihil inter diem ac noctem distinxisse; sed omnia per tenebras, ut claro meridie, solitam cernere. Cuidam etiam pestifero nuper Collegium nostrum visum ardere, sed incendium in oculis ejus tantum fuit. Asclepiodorus Philosophus in nocte, lucernâ nihil

nihil adjutus, libros legebat. Imò, ut jam video, duo Scaligeri, & Casaubonus tandem, si Deo placet, affectant Tiberianos oculos: ut vix me teneam, quin etiam clamem in hoc me mustaceo laureolam invenisse. Spiritus autem tales clari & luminantes, oculis & poris capitis confertim erumpentes, ignis lambentis speciem facere possunt. Tales etiam fortasse illius Carmelitz, de quo lib. 8. Variet. cap. 43. Cardanus, cui per annos tredecim, quoties cucullum in occiput reduceret, flammæ erumpebant. Magiam enim fuisse non existimo; quia Religiosus: neque etiam sanctitatem; quia sæpe ad prandia & miraculis curiosis invitabatur, & ibat: magni autem sancti non tam facile vadunt pransum foras. Aliquando tamen Deus luminosas ejusmodi irides capitibus amicorum suorum circumfundit, sicque vulgò eos pingimus: & S. Johannes Apoc. 10. vidit *Angelum amictum nube: & iris in capite ejus, & facies ejus erat ut Sol.* Facies quoque Christi Domini in monte Thabor, resplenduit juxta, aut supra fulgorem Solis: hæc autem coruscatio lucem & puritatem mentis significat.

## CAP. III.

*De Meteoris ignitis media regionis.*

## ARTICULUS I.

*De Dracone, & Stellâ cadente.*

**P**aracelsus ridiculè censet Draconem hunc esse animal igneum, natum in elemento ignis; ut muscas in aere, pisces in aquâ, vermes in terrâ: dicitque brevis vitæ, ut Salamandras; *genitas, inquit, sine semine, ex purificatione sulphuris adurentis.* Sed cineres, & reliquæ ejus in terram decidentis, satis indicant ignem, non animal, fuisse. Repellitur autem, ut quidam existimant, hæc exhalatio à nubibus, in quas magno impetu incurrit. Verùm durities nubium non est tanta, ut retorquere deorsum tam validè possit, ut Lib. 4. circa causam efficientem ventorum dicemus. Itaque refrigeratio, qua exhalatio in media regione aut circa condensatur, & gravior

aere

aere redditur, in quo pependit; vel certè explosio è nubibus more fulminis, est causa volatûs & obliqui de-lapsûs ejus. Hanc secundam causam esse frequentiore, probat color ille Draconum cæruleus: qui haud dubiè nasci videtur ex mixtura lucis exhalationis incensæ cum opaca parte nubis, quam erumpendo sibi implicat & unâ detrahit: unde etiam exhalatio valdè refrigerata, & tantùm non extincta apparet: ut non sit jam mirum, tonitru nullum ab ea edi, cùm languido, frigido, & fra-cto verbete nubem cædat: sic etiam pulvis madens, aut flammæ densioris, fragorem in bombarda surdum facit, glandemque tardè & cunctanter expellit. Sinuoso autem corpore sunt Dracones, eâ ratione, quâ turbines itidem è nubibus explosi: quia scilicet posterior pars exhalationis grandiore impetum quàm prior, accepit: eamque premendo arcu quodam aut gibbo in latus avertit: partes etiam nubis aut exhalationis utrimque appositæ, alarum imaginem, uti scintillæ quædam igneæ circa caput, similitudinem flammæ ore vomentis, facere possunt. Censeo tamen fabulosum, veros dracones ignem (nisi fortè in ira, quod & equi possunt) solitos spirare.

Ex his potest Draco volans, sic finiri: *Exhalatio pinguis & copiosa accensa, quæ deorsum obliquè cadit e nubibus, similitudinem habens veri draconis volantis.* Forma autem veri draconis, oblonga est, tumente alvo, capite & caudâ gracili. Scaliger Exercit. 183. de Atlanticis, *Solo contactu*, inquit, *dracones Atlantis montis interficiunt: capite sunt & caudâ gracilissimi: alvi tanta vařitate, vix ut reptioni sint habiles.* Alati tamen quidam sunt, & volant: quanquam Cardanus lib. 7. cap. 29. Varier. scribat se Luteriæ quinque vidisse, *Bipedes, alii exiguus, ut vix, inquit, volare crediderim: caput parvum, & serpentum capiti simile, color lucidus, plumæ nullæ, nec pili magnitudo ejus, qui alios præcellebat, cuniculi.* Sed hi draconculi tantùm erant. Plinius enim, etiam vicentium pedum, in India nasci affirmat. Miratur tamen idem unde Juba, Rex ille & scriptor egregius, cristatos crediderit, nam *Draconum cristas, ait, qui viderit, non reperitur.*

Dracones signa sunt pestilentie & morborum: quia aerem multis exhalationibus gravem & infectum esse oportet, ut tantæ molis Meteora generentur. Qui devo-lantem



lantem aspexerit, vulgus credit brevi moriturum: sed vanè; scio enim qui dudum vidit, adhuc superstitem.

Stella cadens, inquit Aristoteles, è nubibus, ut nucleus è digitis compressis, excernitur. Generatur ergo ut draco, & fulmen; sed sine crepitu, qui saltem exaudiat à nobis: habetque se ad fulmen, ut glans sclopeti minoris ad majoris tormenti sphæram: ac veluti ex distantia medii milliaris, sclopeti flammulam vides, surdo sonitu; cum flammâ vero tormenti, audis & fragorem: ita lumen fulminis cernis, & audis simul bombum; non autem stellæ exsiliantis strepitum: quia exhalatio minor est, nec latâ & sonanti plagâ rumpit nubem. Ut etiam fulmina & dracones vero motu ad terram usque quandoque decidunt; ita de Stellis cadentibus afferit Aristoteles: atque aliquando in flumina delabi. Poeta r. Georg.

*Sæpe etiam Stellas venso impendente videbis  
Præcipites cælo labi, noctisque per umbram  
Flammarum longos à tergo albescere tractus:*

Et deinde:

*De Cælo lapsa per umbras*

*Stella facem ducens multâ cum luce cucurrit.*

*Illam summa super labentem culmina recti*

*Cernimus Idæâ claram se consistere silvâ,*

*Signantemque vias: cum longo limine sulcus*

*Dat lucem, & late circum loca sulphure fumant.*

Ubi in fine, ad materiam fulminis sulphuream alludit, ex qua etiam Stella cadens.

Magnam porrò hoc Meteorum cum pyrobolis nostris & id genus ignibus artificialibus habet cognationem: nisi quòd hos flamma levet in altum; Stellæ verò cadentes, contra naturam & cum injuria ignis, explodantur deorsum: aliàs sæpè in his, ut illis, materia paulatim in ipsa traiectione incenditur: sed non cum tanto crepitu Stellæ in fine dissiliunt; quia materia loculamentum & claustra rumpenda non habet, ut pulvis chartâ toties replicatâ pressus & constrictus in pyrobolo. Hoc etiam discriminis est, quòd quò magis pyrobolus flammam rapit, hoc magis festinat in cælum: ubi stella contra, incremento ignis tardatur; quia levitas resistit motui deorsum.

Sed cur cœlo sereno plures, quàm nubilo, facies cadunt, cum fulmen in magna solùm nubium densitate generetur? Negare illud possum; quia fortè stellæ, quas in serenitate putamus cadere, discurrentes potius sunt; quarum generatio longè diversa est, cum è nubibus non excruciantur, sed aliam & aliam materiam inflammando, imaginem tantùm discurrentes exprimant, cum reverà locum non mutant. Deinde tamen etiam plures sereno cadunt; quia textura nubium tunc tenuior, & proinde facilius ab imbecilla stellulæ exhalatione dirumpitur: fulmen verò nubem densam & atram postulat, ut plures exhalationis partes in easdem angustias cogantur, & simul accendantur, majorique impetu ac tonante perfringant nubem. Interdium etiam conspicuæ non sunt, ut fulmina; quia lumen tenuius facilius Sole regitur, & nubes deinde illa tenebricosa fulmini umbram & noctem facit, ut videatur. Aliquando tamen vincunt etiam diem. *Nostra cersè ætas, inquit Seneca, non semel vidit diurnas facies, alias ab Oriente in Occidentem versus, alias ab Occasu in Orium.* Ita sidera dies supprimit: nuper tamen in fine mensis Augusti Anni 1625. Venerem Solari & purissimo meridie multis diebus aspeximus; cum aliqua etiam ubique, ut postea audivimus, Plebis trépitatione. Cometam enim iterùm aliquem obscœni ominis existimabant. Primi Antuerpienses viderant, gens ingeniosa; magnanima; altarum & cœlestium cogitationum capax. Scripsit statim ad me, nuper hîc in professione, Collega meus, tunc nobilis Ecclesiæ Cathedralis Brugensis Canonicus, Rev. & Eruditiss. D. Ioan. Vander Gouwén, S. Th. L. Vir pietate & scientiâ Theologiæ, Philosophiæ, aliâque variâ & miscellaneâ planè eximius; suspicatusque quod verum erat: nempe Venerem matutiniam, quæ tunc non ampliùs ferè Signo antecedeat Solem. Circa perigæum etiam erat, & satis admota terris, ut species amphorse oculis ingereret. *Argumentum tempestatis naturæ putant, ait Seneca, cum multæ transvolant stellæ, quia scilicet cœlum plurimis exhalationibus mox restaturis scatere oportet, in tanta ignium multitudine.* Sideribus etiam deciduis, toridem viros illustres tunc extingui, Antiquitas censuit: quasi cum ipsis denascripporteret, quæ nata credabant

credebant iisdem natalibus, & hujus vanitatis adhuc memoria aliqua tenuis manet apud nostrum vulgus.

Cetera quæ de hoc Meteorō possent, communia sunt stellis discurrentibus, aut fulmini, ibique dicuntur. Tantum ergo stellam cadentem definio; *Exhalationem incensam nubis explosam deorsum, quæ imaginem habet, et æ stellæ cadentis.* & ab eo.

## ARTICULUS II.

*Quis modus generationis Fulminis.*

**A**udite quælo Paracellsum cap. 8. Meteor. *In stellis fulminabilibus est sulphur in summo gradu, salpetra in summa pinguedine, Mercurius in summa contrarietate. Ex his tribus Tonitruum, Fulmen, & tempestates sunt; quæ maxime iunius Firmamentis æfflones Meteoricae sunt.*

Putat ergo ipse in stellis quibusdam Firmamenti, instar mortariorum cavis, sulphur, salpetram, argentum vivum permisceri, & inde Fulmen accendi, excussumque ad terram pervenire.

Sed ridiculè: sic enim multis annorum millibus Fulmen ad terram non pertingeret, cum lapis etiam molaris è concavo Firmamenti demissus, vix (si vulgarem Astronomorum de distantia ejus opinionem retinemus) 90. annis ad nos usque decideret. Unde Vulcanus Iliad. 1. malus Geometæ, aut certè, excussa ei, in lapsu tam longinquo, mentè, erravit in tempore; cum die unico artificiali, ab oriente Sole ad occasum, concionatur se è cœlo cecidisse in Lemnum.

Sed exhalatio è terra in nubes sublata, sine dubio est materia Fulminum. Ostendo unicâ ratione; quia noctes, quæ dies fervens, & plurimum in altum exhalans præcessit, maximè fulminales esse solent. Deinde circa montes ignivomos frequentissima sunt Fulmina & Tonitrua; non alia causa, quam quia halitus multos & sulphureos expirant in eorum materiam.

De causa verò efficiente, est quod dubitem amplius. Ea verò duplex est, proxima, & remota: hæc est, quæ exhalationem accendit, illa, quæ accensum deorsum torquet: ipsa enim dat ultimam formam Fulmini, qui est motus ille deorsum obliquus & transversalis. Et qui-

dedem causa halitum inflammante; Empedocles, & post illum Seneca lib. 2. cap. 26. Natural. non existimant ignem in nube generari, sed genitum antè; nubium conflatu deorsum elidi. Unde secundum eos, Sol aut ignis hic in terra flammis illas antequam ascenderent, fecit. Nec magis mirum, inquit, ignem in humore nubium tenui & roscido contineri, quàm sub ipso mari, cuius aqua tantò crassior, longè facilius ignem obruit. Ignem verò subesse mari, probat; quia memoria Maiorum mare Ægeum in fumum & flammam ebullit; quæ tandem etiam Insulam totam congestis pumicibus rupibusque semiustis in altum expulit. Sed ridet hoc Aristoteles: & perinde est, inquit, ac si dicas, aquam, & nivem, & grandinem fuisse ante in nube, non ibi generati cum incipiunt delabi. Deinde sine ulla anietatione & consuetudine nubium sæpè fulminat. Denique ex tonitru & subita ruptura nubis, satis intelligitur, ignem ibi repenti generari, ac in flammis locumque spatiosorem rarefcere. Plinius lib. 2. cap. 20. docet Fulmina esse deciduosrium Planetarum superiorum ignes; & ab iis expui cum crepitu, ut è flagrante ligno carbo. Jovem tamen, qui inter Martem & Saturnum medius, dici præcipue fulminatorem, quia à Saturno (ut interpretor) frigido plurimum excrementi humoris in eum decidit, recipitque à subiecto Marte ardorem quo digerat, & Fulmina conficit. Sed sidera vaporibus pasci, antiquum nimis & iam antiquatum est: & cœlestium lucernarum deciduæ istæ emanationes eodem argumento contemni possunt, quo debetis Paracelsi, quibus salpestram in Firmamento profulmine nobis coquit.

Itaque ignis iste fulmineus intra nubem nascitur, non aliunde, supernè, aut infernè venit. Lucret. lib. 6. à ventis putat accendi: qui ibi tumultuantes.

*Quærentesque viam circum versantur, & ignis,*

*Semina convolvunt è nubibus, atque ita cogunt*

*Multa, rotantque cavis flammam fornacibus insus.*

*Donec devolsa fulserunt nube corusci.*

Sed ventus generare ignem, aut resuscitare mortuum non potest, sed viventem, depulsâ fuligine suffocante pascit.

Dico ergo primò: Antiperistasis frigida nubis exhalationem fervidam, nondum ignitam, ignire per accidens potest. Ratio est, quia nubes se constringens, multas halitus & dispersas particulas in unum locum exprimit, quæ mutuo affricu & discursu se extenuant, & in tantum incalescunt, ut tandem recipiant formam ignis. A qua causa propriè efficiente? inquires. Dic tu mihi ante, quænam scintillas, quas attritu chalybis elicis, producat: si das cœlum, si causam primam in defectu secundæ, eandem hîc reddam tibi.

Dico secundò: Sæpè ignea scintilla aliqua in tam spaciola nube & tam latè disseminata exhalatione, inveniri potest, quæ reliquarum acervum incidens, incendium faciat: ardentibus enim illis diebus, quos sequi Fulmen solet, exhalatio non rarè tota ignea (etsi ob raritatem, flammam nullam videas) in nubes scandit: ibique magna sui parte extinguitur, superstitæ tamen aliqua scintilla in spem resurrectionis.

Dico tertio: Stellæ etiam discurrentes & cætera ignita supremæ regionis, in stationem nubium dejecta exhalationem fortè ibi conglomeratam incendere aliquando in Fulmen possunt.

Dico quarto: Causa efficiens proxima Fulminis, seu exhalationem accensam deorsum torquens, est impulsus quem flamma rarefcendo, & intra angustias compressa ad evadendum accipit. Itaque hic est modus generationis Fulminis. Exhalationes multæ sulphureæ & nitrosæ, nubibus antè confusæ, frigore tandem & condensatione vaporis in unum cœtum conglobatæ flammam rapiunt, & collecto impetu extra nubis angustias se effractis claustris ejiçunt: sicut propemodum pyrius pulvis rarefcent bombardâ erumpit & excutit glandem. Sed non credit Bodinus, nec habet contemnendam rationem.

### ARTICULUS III.

*Dæmones non esse, ut plurimum, causas Fulminum: adversus Io. Bodinum.*

Facile intellexit Bodinus, quomodo è bombardâ, aut tormento ferreo, aut a neo, flamma pulveris tantâ vi exiliret, non quomodo Fulmen è nube rara & fragili



*Cum nihil sit, inquit lib. 2. Theat. vapore mollius, nihil exhalatione levius: cum nullæ sint angustiae, quibus aer quasi carceribus quibusdam concludatur, sed patentissimis regionibus excurrat; quis tam habes, tam cæcus, qui rationes istas sine risu audire possit? Itaque putat ipse à genio aeris & dæmonibus semper Fulmina jacti, & tumultum illum cœli cieri.*

Et reverà, perperam faxea veluti quædam antra & duras ac longissimi tractus cavernarum fornices in nubibus pendulos, quibus illisa & fracta exhalatio sic mugiat, sibi quidam imaginantur, tales enim profectò ibi suspendi ac momento possunt; imò nubes & totus aer mediæ regionis levior est aere infimo in quo spiramus, ut Lib. 3. docebo. Parietes tamen quidam, & veluti claustra in nubibus sunt, etsi non tam dura quàm è metallo: partes enim circumfusæ nubis cingunt stringuntque exhalationis globum, retinentque ne liberè sursum evolet. Quà ratione, inquis, medium tam fluxæ raritatis id potest? Cogor hîc fateri profectò, exhalationem fulminatricem nihil aut vix leviozem esse superiori pariete nubis; aliàs enim (ut ignis noster per aerem inferiorem) perumperet. Si autem paulò levior est; longiori tamen morâ per nubem superiorem transiens, aliquantum (in circumferentia saltem) frigescit & densatur, gravataque in infimam nubem residit; hinc enim fit, ut hæc pars & fundus nubis maximè, & pænè solus fulminet; nam rarissimè excelsos illos vapores jacere ignem videmus, sed nigri illi & vicinissimi nobis id sæpè faciunt; quia halitum ex superioribus nubium ordinibus deorsum expressum aut pondere relabentem excipiunt; comprimunt deinde, consque se densando; ut etiam aquelescant plerumque & constringantur in pluviam; unde ferè solenne & perpetuum est, ut in omni Fulmine, præsertim validiusculo, pluat, & nubes exonerentur. Imò (attende) post singulos majores crepitus, novam habebis & insigniorem aquæ effusionem; quæ post sonitum quidem venit, sed ante tamen, aut simul incepit delabi; simul enim vapor in aquam se restringit, & exhalatio inter eum deprehensa, & premi indignata, erumpit; pluvia tamen tardius ad terram venit; quia tonitru celerius per totam profunditatem infimæ regionis speciem sui ad auditum mittit

mittit quàm celestis gutta eam trajicere possit. Quammodo autem tam tenuem texum nubium lacerando, tantum fragorem edat, postea circa fulminalia nostra tormenta & tonitru, dicemus. Aliàs si genii soli fulminatores sint, cur nubilo tantum fulminat? cur non etiam hieme? Certè enim exhalationes dæmonibus deesse non possunt; cum omni tempore, aliunde saltem, ubi magis fervidi Soles colligere valeant.

*Plin. lib. 2, cap. 3.* Sed in *Cariliniensis* prodigiis, *Pompeiano* ex municipio, *M. Flaccus* Decurio sereno die fulmine ictus est, ait, ex *Plinio*, *Bodinus*. Certè, sed idè insolens, & inter prodigia numerari meruit, ac fortasse genialis manus fulmen istud misit, quandoque enim fulminant, ut liquet ex cap. 1. *Jobi*, ubi oves custodesque Satan celesti igne percussit; sed nego, semper esse passim.

Veruntamen nondum satis intelligimus, quo pacto exhalatio non firmius quam nube levi clausa, cum tanta indignatione & impetu, ad terram usque, contraxensum ignem levitatis, se dejiciat. *Fracastorius* credit, calorem fulminis sic à frigore nubis, repelli actione intentionali, ut loquimur, jaciendo in eum scilicet speciem tangibilem. Sed nimis hoc imbecille est jaculum, species enim frigoris non est immediatè efficiens impetum calorem repellentis; nam aliàs manus v. g. frigida vicinam candelæ flammam à se palam averteret.

Itaque cum omnia circumspicio, non video quàm manus *Bodini* evadam, nisi per fugam penetrationis. Igitur (ut in tormentis nostris) flamma in millecuplum & ultra, momento quasi, rarescens, ne magnitudo ipsius magnitudinem nubis penetret, eam qua promptissimè valet, dirumpit. Quare non summovere, inquires, cum tam flaccidè renitatur, sitque tam mollis? quid opus tanto impetu, ubi minimum impulsæ flammæ se dilatanti aperit? Hic nodus, non dissimulo, me stringit. Sic tamen dissolvo. Exhalatio in angustum à nube se undique stipante contracta, & deinde tota simul inflammata, tam celeri motu rarescit, ut vicinæ & contiguæ partes nubis tantâ festinatione decedere ei & diffugere non valeant, quin flamma momentaneo ferè temporis puncto, tantam expansionem postulans, non sentiat se, vehementer

ter etiam premi. Hoc enim hic pensiculate cogito. Non solas partes vaporis proximè ambièntes, sed etiam longissimè usque ad finem nubis, supernè, infernè, flammæ resistunt: nam proximæ à fulmine impulsæ, sequentes alias etiam trudent: quia verò unaquæque non sine pugna, etsi levi, loco suo cedit; multiplicatæ tamen tot intra velocissimum tempus, per eandem lineam resistentiæ, tantum flammæ se diffundenti obstant, quantum pauciores in corpore duro aut densiori; ut v. g. in tubo anei tormenti. Et hinc ecce videor mihi reperisse veram & legitimam causam, cur fulmina potissimum emicent in terram, & per infimam nubis superficiem. Quia, inquam, in atris illis & humore multo gravidis, terræque proximis nubibus cuduntur fulmina, ut proinde à cavitate in qua flammam concipiunt ad imam nubis superficiem, minor longè sit distantia, & vaporis crassitudo, quam ad convexam & summam quæ supremam aeris regionem tangit: tres enim quatuorve sæpe ordines nubium sunt, superpositi infimæ nubi, in qua est officina Vulcani & Fulminis: quia ergo à parte superiori, & lateribus (ubi etiam omnia plena nubibus) longior & major resistentia est, flamma potius deorsum erumpit. Sed ecce hoc iterum (dum cogito) progressum opinionis meæ tardat. Aer namque infimæ regionis densior est nubibus, ut Lib. 5. probabimus: igitur magis fulmini, quàm nubes supernè impendentes, obstat. Hoc ergo, quod præcipuum est præcedentibus adjiciendum restat. Et signanter confidero, fulmen nunquam deici, nisi pluentibus, aut rorantibus saltem nubibus. Itaque infinitæ pluviales aut roseidæ guttæ, ex superioribus nubibus densissimo & continuo (nec enim in aquam reversæ, vel momento temporis, inter corpora leviora ibi consistere possunt) agmine defluentes, & toto aere inferiori densiores, flammæ in superiora conpanti obstant, & motu etiam suo in terram deducunt. Muginatio mea nihil præterpropter, in quo acquiesceret, valuit excogitare.

Hinc sequetur, vix unquam, nisi depluentibus aut molli gravitate desidentibus supernis nubibus, fulmen in terram jaci: sed quandoque in cælum, aut latus nubis

bis pertundere; ut verissimum existimo, cum nubes non valde atræ & pluviales tonant. Sed etiam me retinebis, injecto hoc unico: Cur aere infimæ regionis pluyente, aut nebula degravato, exhalatio etiam in eo, hic apud nos non fulminat; cum densitas ejus satis magna sit, ut faciat resistentiam flammæ? Breviter me expedio. Quia exhalatio in infimo aere non tam diu hæsit, ut multa & conferta possit in unum conglomerari, quod facit in nube: quo etiam ex variis & diffisis terræ regionibus, tanquam in locum communem, plurimæ ascendunt. Maxima enim affluentia opus est ad generandum fulmen. Deinde nubes guttatim, & intervallo aliquo aeris stillicidia discernente per infimam regionem depuit: tota verò simul & continua (æstare præsertim & in nimbis illis fulminantibus) in media regione ubi fulminis materiam uterò gestat, in aquam se, undique fulmen amplectentem resolvit.

Ex his liquet, non pessimè Socratem, apud Comicum Strepsiadem suum docere, fulmen in nubibus nasci.

*Aristoph  
in Nubi-  
bus.*

Ὅταν ἡς αὐτὰς ἀνέμος ἐνρὸς μεταπέδῃς καταλειδοῖ,  
Ἐπιδείν αὐτὰς ἀπὲρ κούρην φουρὰ. κακὸν ὡς αἰγυγὴν  
Πύλας αὐτὰς ἰδὼ φέρεται τοβὰρὸς.

Cum in eas ventus siccus subvolutus inclusus fuerit;  
Intra eas, tanquam vesicam, inflat: & deinde vi  
Frangens erumpit violentus.

quidquid nugator Aristophanes irrideat. Poeta etiam

*Virgil. 9.  
Æneid.*

— Cum Iupiter horridus Austris  
Torquet aquosam hiemem, & calo cava nubila rumpis.

Cava autem nubila sunt, quia exhalatio in globum & cinnam confluens, cavitatem aliquam & alvum concinnat. In utroque tamen, pro vento, exhalatio reponi debet.

## ARTICULUS IV.

*De Fulgure & Coruscatione.*

**F**ulgura Antiqui fulgetra dicebant, teste Seneca; fulgere, penultimā brevi, pro fulgurare. Fulgur autem accidente tantum à fulmine differt. Pulchrè Seneca: Eodem modo fit fulgur quod tantum splendet, & fulmen

*Lib. 2.*

*cap. 33.*

quod mittitur: sed illi levior vis alimentique est minus, & ut brevius dicam quod sentio: fulmen est fulgur insensum, id est, impetu majori vibratum, unde fulmina perfrangunt nubem, fulgura diducunt & aperiunt imbecilliori ictu. Iterum: Fulguratio (id est, fulgur: sumit enim concretum) est fulmen, non in terras usque perlatum. Alias vero sic finit: Fulguratio est aeris deducens se, corruentisque jactatio, languidum ignem, nec existurum aperiens. Unde intelligitur duplex esse genus fulguris: unum, quod more fulminis nubem terebrat & erumpit, sed ad terram non venit; vel quia impetu non satis valido, vel quia ignis in jactu diffilit, aut in obliquum nimis se detorsit: alterum, ignem tantum in nube rarâ ostendit, non emittit. Sic ergo adæquatè definire fulmen potes: Fulmen est exhalatio multa & subtilis in nube accensa, & deorsum ad terram usque vi erumpens. Hoc vero totum etiam in fulgur cadit, si tantum dicas, ad terram non pervenire. Excluditur stella in nube cadens; quia moles exhalationis non est tanta. Draco vero, non est exhalatio subtilis, sed densa, turbida, & partem nubi defractam secum devolvens: ideoque color impurus, & subviridis, non argenteus aut auratus, qualis solet fulminum.

Coruscatio, Græcè ἀσπασθῆναι, concretim valet quod fulgur, abstractim vero significat jactum tremuli luminis ab exhalatione in nube accensa, hæc autem jactus, non est localis & proprius, sed metaphoricus: est enim revera productio tremuli in speciem luminis per medium; Coruscus enim Latine tremulum significat: unde Virgilius *silvas coruscas*; & quidam apud Plautum, *se frigore coruscum dixit*. Coruscatio igitur latius fulminatione & fulguratione patet: etsi fulminatio sæpè non jactum corusci luminis à fulmine, sed ipsum fulminis ictum signet. Jupiter enim fulminat, quos fulmine icit. Tremere autem lumen coruscatione jaculatum videtur, & tamen non facit: quia momento jacitur & extinguitur; unde radius in nubem retrahit apparet: & si nova flamma, quod solet, fulgurationem iteret, idem videtur rursus exsilire qui se receperat: vibrari ergo dicas, cœu hasta, quam dextera nunc intentat, nunc reducit: hinc Hæcacus cap. 3. fulmen, fulgurans Dei hasta appellatur.

Cap. 316  
Cap. 317



luce sagittarum tuarum ibunt, in splendore fulgurantis haste tuae: Binam similem fulgurationem inter prodigia anni 1564 refert Cor. Gemma lib. 2. cap. 2 Cosmogr. unam 18. die refert mediâ nocte, alteram 7. Octob. *Nube, inquit, illustri quæ Lunæ claritatem vinceret, intra limbum obscurum atque sublividum comprehensâ, alternis excussi radii, alternis flammæ ad singulos ventorum impetui excurrerant. Qui subinde velut in hasta speciem dehiscense calo, cum vastâ ingluvie sorpturi terræ, & mari videbantur.*

Ciliorum etiam & palpebrarum nictus, quas solemus claudere ad ictum coruscationis, auget imaginem tremoris: unde fulgura etiam nictare dicuntur; & eleganter Lucretius de materia Fulguris:

*Semina quæ faciunt nictantia fulgura flammæ.*

## ARTICULUS V.

### *Fulminum divisio.*

**I**ncipiam illam, ex disciplina & superstitione Hæreticorum fulminum divisionem, in monitoria, pestifera, fallacia deprecanda, &c. non attingo: & vide lib. 2. Nat. cap. 49. apud Senecam. Aristoteles magis philosophus, duo tantum genera, ἀπύρνα & ψυρόμενα clarum & fumosum, facit. Primum tenuiore spiritu, alterum crassiore constat: Plinius tamen lib. 2. cap. 51. paulo distinctius, tria constituit: siccum, humidum, clarum. Duo priora non adurunt: sed siccum tenuitate sua dissipat, humidum tantum infuscat: clarum, mira operatur: nam flammâ lucenre & digestâ subtilitatis omnino penetrat, seque per omnes venas infinuat, & acerrimè urit. Teneris tamen & rarioribus parcit; quia non inhaeret, ac ita citius quàm ut possit amburere, se per poros transfundit, mora enim aliqua ad urendum necessaria est: nam hinc manus sæpè ducta & reducta per flammam, vix calorem sentit: mollia etiam & rara sine vulnere transvolat, configitque solum cum duris & pressis quia illa dant, hæc negant facilem transitum.

## ARTICULUS VI.

*De admirandis effectis Fulminum.*

PRIMò, Loculis integris ac illa sis conflatur argentum, id enim Plutarchus lib. 4. Sympos. quæst. 2. narrat suo tempore accidisse militi Romæ excubias agenti. Simile est, quòd incolumi vaginâ gladium fundat. Vetera jam non moror, audite quid M. Antonio Mureto Romæ contigerit. *Fulmen*, inquit, *in palatium Hypulisi Card. Ferrariensis desidens, ad mea usque cubicula pervenit: ibi gladii qui ad lectum unius e famulis meis pendebat, mucronem ita colliquefecit, ut in globulum converteretur, vaginâ prorsus illasâ.* Inviolato etiam ligno, circa pila ferrum omne destillat, ait Seneca. Quorum omnium una causa est in raritate Fulminis, quæ per corpora laxa & fungosa sine injuria momento ferè se transcribat; in densis, ubi compressæ venæ, hæret, vique se insinuat, & spiritu conferto se per omnes meatuum angustias cuneante.

*Lucr. l. 6.*

*Dissolvit nodos omnes, & vincla relaxat,*  
metallaque fundit. Ex hoc effectu rectè probat Aristoteles, fulmen non esse (quod vulgus hodie & olim putat) lapidem, sed spiritum & tenuissimam exhalationem.

Secundò, *dolia fulmine exhauriuntur*, ut Plinius lib. 2. cap. 31. scribit, *intactis operimentis, nulloque alio vestigio relicto.* Et Carus:

*Curat item ut vasis integris, vina repente**Diffugiant: quia nimirum faciliè omnia circum**Lucr. l. 6.**Conlaxat, rareque facit lateramina vasis.**Adveniens calor ejus ut insinuat in ipsum &**Mobiliter solvens, differt primordia vini.*

Per venas ergò ligni, vasi, facili & lubrico transitu, illabitur, & immodico ardore vinum statim in tenuissimos vapores dissolvit, qui per poros vasis, trajectu illo flammæ laxatos, expirant in auras. Simili fulminis potentia Wolfgangus Meurerus in Meteorol. narrat quendam Ministrum, in via qua Lipsia iit Torgam, isa subitò creptum ex hominum oculis, ut postea nusquam apparueris. Putat enim carnes ejus & ossa in cineres & ventos abiisse. Et nescio an longè dispar Romuli exitus, magnæ & immortalis illius

lius Romæ Conditoris. Cum enim ad exercitum recensendum, ait Livius, concionem in campo ad Capræ paludem haberet, subito coorta tempestas cum magno fragore tonitribusque tam denso Regem operuit nimbo; ut conspectum ejus concioni abstulerit: nec deinde in terris Romulus fuit. Fulmine igitur dissipatum, aut procellâ & turbine sublimem raptum oportuit: quod Patres, qui proximi adstiterant, retulerunt ad plebem.

Fulmini fortasse etiam & casui fortuito dabunt Athei nostri, decimationem illam admirandam Anno 1599. perjuri illius Publicani Gerardimontensis in Flandria; cujus miserum cadaver oculis etiam usurpavit Clarissimus Vir, Medicinæ & omnis Literaturæ eruditione excellentissimus, Petrus Castellanus; descripsitque carmine Eruditiss. Vir, Henricus Culens, S. Th. L. Pastor etiamnum Gerardimontensis, qui infelicem illum, funeraavit

Henricus  
Culens in  
suis Stre-  
pis.

*Pulverem humanâ vidi sub mole cadaver;*

*In tanto nusquam corpore corpuserat.*

*Omnia pulvis erant, iterum dico, omnia pulvis;*

*Et versa in cineres, machina tanta fuit.*

*Omnia pulvis erant, cervix, caput, ilia, nervi,*

*Offaque cum pleno ventre, sabarra, nates.*

*Pulvis erant crurum tenus omnia; quæ velut istius*

*Indeclinato caesa fuisse putes.*

Sed nocte S. Andreæ, & tempore frigido ac minimè fulminali, id monstri accidit: & eadem vespertinâ negotium ei fuerat cum quodam alio tricône; adjuraveratque se nil recusare, verti corpus in cinerem; nisi res quæpiam aut factum, quod in rixam venerat, ita haberet. Audite igitur hæc, Athei, & agnoscite vindicem, Numinis manum.

Tertium miraculum, planè oppositum est secundo. Sicut, inquit Seneca, fracto dolio vinum; nec ultra iriduum riget illi durat. Oportet autem materiam hujus fulminis densiorem esse præcedenti; quia ergo crassitiem suam per venas ligni extrahere non valet, diffringit. Sed cur etiam vinum non dispergit? Respondeo; Sæpius, sine dubio, id facit; aliquando tamen, magno miraculo factum, ut membrana quædam ex viscido humore & exhalatione, aut partim vino ipso, subito percocta, vinum seu uter quidam, involveret ac retineret; nec dissiparetur.

quæ

quia omnem ejus impetum retudit & fregit resistentia  
vasis. Fit autem istud verisimile, ex eo quod tradat Al-  
bertus, psyllium frigida & viscosa temperiei, vino in-  
jectum, calore ejus rejici in circumferentiam, ibique  
durari in membranam, quæ sine alio vase contineat vi-  
num. Aliquando etiam non tantum corticem vino ob-  
ducit, sed ad centrum usque, perpetuo rigore conglaci-  
at. *Vinum autem sic gelatum*, ait Seneca, cum ad priorem ha-  
bitum redit, potum aut exanimat, aut dementes facit. Inest enim  
fulmini pestiferum quoddam sulphur, aut aliorum spi-  
rituum noxiorum miscella, ut ex pluribus aliis effectis  
probari potest. Sulphur autem in eo est quod præcipue  
ardet & comburit: nam etiam, si sulphur inflammatum  
ferro apprimas, ferrum in guttas friabiles statim destil-  
lare videbis. Omni vero fulmini permixtum sulphur,  
expulvere nostro sulphureo, qui fulmini planè cognatus,  
satis ostendi potest. Deinde omnibus fulguritis in-  
est odor quidam sulphureus, ut Seneca, Plinius, & ipsa  
experientia dicit. Fulmine aliquo simili gelata, sic ob-  
riguisse videntur octo messorum illorum membra; qui  
in Lemno Insulâ sub quercu cœnantes, & fulmine ibi  
perculsi, eadem imagine quâ discubuerant, exanimati  
inventi sunt; ut unus comedere videretur, alter ori po-  
culum admove, tertius bibere. Cumque omnes nigri  
essent, imagines totidem statuarum representabant, inquit Car-  
danus. Ab halitu etiam pestilente & sulphureo forsitan  
fuit, quod miratur Plinius, *Marsiam principem Romanarum*  
*illam gravidam, partu exanimato, citra ullum aliud incommodum*  
*vixisse.* Spiritus enim sulphureus intactis, admirabili  
eventu, osibus, vitæ etiam partibus matris nobilio-  
ribus, per uteri tantum molliem, & corculum ac vira-  
lia partus in illo jacentis transvolavit; ideoque hunc  
innoxiam matre interemit.

Quartò: Fulmineus ignis nullâ aquâ quandoque ex-  
tingui valet. Sic Dion lib. 78. sub Imp. Macrino tactum  
de cœlo, ipso Vulcanalium die, Theatrum narrat; nec  
aquâ fluminali aut cœlesti profusissimâ, incendium  
comprimi potuisse: fortè bituminosus spiritus sulphuri  
mixtus fuit; bitumen enim flagrare sub aquis, Lib. 5.  
ubi de Thermis, dicemus. Tale fulmen cum pluvia cœlo  
vocatum

Lib. 2.

cap. 57.

Lib. 8. c.

43. Vari.

evocatum à Legione Melitensi Christianâ (quæ ideo fulminatrix appellata) M. Aurelio Imp. in Quados (qui nunc Bohemi putantur, aut circâ) pugnante, & exercitu toto extremâ siti laborante. Vapore enim fulminis torrebantur Quadi, nec ullum in aqua cœlesti remedium erat: alebat enim potiùs flammâs, levabatque tantum Romanorum sitim.

Quintò: Plutarchus lib. 4. Sympof. q. 2. negat dormientes faciliè icipi fulmine: narratque ibi Dorothem, cuidam domi suæ stertenti pecuniam in Crumena confatam, ipso innoxio fuiffe. Philosophumque Pythagoricum fortè obviam, consultum de causa respondisse, contulere deos, se verò nescire. Phæretra etiam Regis Mithridatis, appensa lecto icta, aseruntque in ea sagittæ, nescio ipso, & dormiente: & aliquandiu antè, periles ejus cunæ fulminatæ, perstrictâ solùm infans fronte: ideoque Dionysius appellatus, sive Bacchus, quia hic etiam fulmine semiustulatus in matre Semele. Causam affert Plutarchus; quia in dormientibus pori aperti & hiantes transitum faciliem præbent fulmini. Sed profectò contrà est. Extremæ enim partes corporis in somno potiùs rigent & condensantur, calore in centrum & interiora retracto. Deinde dormientium ossa saltem non se aperiunt & laxantur. Altera igitur ratio ejus melior est; nempe, vigilantes sæpè putari fulminatos, qui tamen tantum afflati, corruunt solo metu vicini fulminis & exanimantur: timor verò iste dormientes non tangit. Hinc pastores, ut tonitruï terrorem pecori depellant, aut minuant, gregem sparsim colligunt, & immisso cane, compellunt in unum; societas enim ista levemetum, qui non rarò trepidum à natura & imbellem pecorè exanimat. Dormientes etiam somno sternuntur, fulmen autem obliquo & transversali ictu faciliùs erectos in pedes ferit.

## ARTICULUS VII.

### *De Lapide fulmineo.*

**L**apis aliquando è nubibus cum fulmine cadit qui dicitur etiam telum, aut cuneus fulminis: numerus



rique inter effectus ejus potest. Generatur autem ex exhalatione terrestri viscosâ, & humore nubis, quos audor fulminis celerrimâ transmutatione, in ipso etiam casu (nam grave ibi suspendi aut hære non potest) permiscet, & in laterem coquit. Talem Cordubæ delapsus, & à se visum, testatus olim Avicenna, ut Averroes lib. 2. Meteor. c. 2. scribit: odoris erat sulphurei, inquit, & naturæ ammoniaci. Leves etiam plerique sunt, & simillimi pumicibus illis adustis, quos interdum eructant flammivomi montes. Aliquando non lapis, sed ferrum, aut aliud metallum, cum fulmine cadit. Id autem fit, cum sulphureæ exhalationi argentum vivum contemperatum fuerit, ut credunt Chymici. Sic in Persia, cælo coruscante, ærea corpora hamatis sagittis similia cecidisse narrat Avicenna; & prope Lurgeam, terri massam 50. librarum, Georg. Agricola: tentatumque ut inde euderentur enses, sed materiam fuisse inobedientem, nec igne molliori, aut malleis duci potuisse. De lapide isto seu telo fulmineo silentium apud Aristotelem est; quia, ut Vicomercatus credit, de re hac, postea compertâ, nondum ei liquebat satis.

## ARTICULUS VIII.

*Quæ res Fulmini obnoxia, aut ab eo tuta.*

**N**ihil celebratius est, quàm alta & eminentia frequentius fulminari.

*Aut Aithon, aut Rhodopen, aut alta Ceraunia telo*

*Dejicit,*

Georg. 14

canit de Jove Poeta. Hinc quia in urbibus nil excelsius Templorum turribus, sapissimè feriuntur: altissimæ etiam arborum, quæque in montanis, ut ilex, æsculus, quercus, ornus fulminibus olim infames,

*Incubuit nunquam cælestis flamma salicis,*

*Nec parvi frutices iram meruere Tonantis:*

C. and.

*Ingentes quercus, annosas fulminat ornos.*

In causa est, obliquitas fulminis: nec enim lineâ perpendiculari, sed transversariâ, ad terram venit; hinc facile incurrit quidquid in superficie ejus eminent, antequam ipsam tangat. Motum autem istum obliquum Aristoteles,

ristoteles, *per diametrum*, vocat: quia similis est motui quo aliquid per diametrum quadrati in superficie horizontis erecti decurrit: unde etiam alibi quadrupedes per diametrum incedere docet: pes enim prior dexter & posterior sinister animalis, est in eadem diametro quadrangularis figura, descriptæ in superficie terræ, sub ventre, inter quatuor pedes ejus; sicuti etiam, pes prior sinister cum posteriore dextro: levato autem primote pede dextro ac in terram defixo, sinistrum posteriorem admovet; & similiter post priorem sinistrum dexter posterior sequi solet: id est, pes posterior priorem ejusdem diametri immediatè consecutur.

Obliquitatis verò fulminis hæc ab Aristotele affertur ratio: quod levitas flammæ per vim explosæ deorsum in cælum resurgat, quantum valet: ideoque in transversum deflectat, motu quasi composito ex descensu & ascensu recto. Siye, ut eleganter Seneca, *quia natura ignis sursum vocat, injuria deorsum premis, incipit obliquus esse.*

Hoc etiam addendum: aerem, quò propius fulmini ad terram accedit, densiorem inveniri, & hinc difficilius secari, ac in latus magis magisque detorqueri: ibi enim aer rarior est, quia altior à terra, nec tam contumaciter transitum præbet, quam alter Fulmini subjectus rectè deorsum.

Tertiò, & principaliter: Quia unica lineæ est, quæ à centro nubis, unde exploditur Fulmen, rectè & perpendiculariter in terram decurrit, infinitæ verò, quæ circumcirca illam, ad angulos obliquos descendunt; hinc longè proclivius est, fulmen angulo obliquo, quam recto, nubem pertundere; ac lineæ aliquâ transversali quàm unicâ illâ perpendiculari, dejici. Trisulcum hinc etiam dicitur, quòd pluribus simul foraminibus, & in sulcos divisa, flamma erumpat.

Veteres autem magno consensu, inter arbores, laurum fulmine tangi negant: quod mirum, quia non tantum plana, sed etiam montes amat: plurima enim olim in Helicone & Parnasso; indeque Apollini sacra & Musis. Fracastorius lib. de Antipat. putat truncum solum lauri non percuti, quia rotundus admodum, & lævis densique corticis; ut proinde exhalatio ei non facile & tenaci-

res inhzrere possit, eadem enim ratione fulmen vix columbas lzdere solet: quia, inquam, rotunditas declinat & eludit ictus. Sic etiam Carbonarii nostri Leodienses, ignem suum Græcum, fulminibus planè cognatissimum, innoxii sæpe evadunt, res à bene firmâ, & à textore, recenti, undique tectum: hæc enim, quia lubrica, & veluti cerata, & minimè laxa est, flammam illam circumvolantem ægrè admittit. Sed amplius putavit antiquitas. Nam Columella folia lauri, gallinæ incubanti, contra fulmen & tonitrua, subijci imperat; & Tiberium Cæsarem, tonante cælo & in fulminum metu, lauro solitum coronari, tradit Plinius; existimabant ergo etiam folia tuta esse à periculo. Mihi opinio hæc invaluisse videtur: quia spiritus quem folia lauri exhalant, contagioni aeris resistit. Unde Commodus Imp. teste Herodiano, consilio Medicorum, tempore pestis, in laureas silvas olim secessit, & in tali periculo etiam lauri ramos affigebant foribus. Cubili ergo etiam gallinæ, in tonitru supponi possunt, ne sulphurei halitus, qui tunc per aera disperguntur, ova inficiant; & hinc quoque doliiis quidam imponebant, ne tonitru liquorem perverteret.

Alias quæ illa tanta vis lauri, quæ fulmen tam validi impetus avertat: nulla profectò & ut absolvam verbo; Vicomercatus, qui initio sæculi lapsi scripsit, à paucis annis, laurum in Italia fulminatam, ait. Eadem, credo, vanitas ficum à periculo immunem fecit. Inter lapides, hyacinthum non sentire fulmina, nec hominem qui eum gestet, asserit Cardanus; sed Scaliger & ego rideamus. Vitulum etiam marinum non percuti inter pisces, referunt multi Antiqui: & explicant quidam, quod raritate suâ pellis ejus, fulmen transmittat, ideoque lzdri non possit. Verùm si nil aliud sit, frustra tabernacula ex pellibus ejus facta contra fulmen, ut narrat Plinius, nisi exhalationem repellant; valde etiam frustra Imp. Augustus fuit, Qui, ut refert Tranquillus, tonitru & fulgura paulò infirmius expavescibat: ut semper & ubique pel-

Lib. I.  
cap. 30.

In Ostræ  
cap. 90.

lem visuli marini circumferret pro remedio; atque ad omnem majoris temporis suspicionem, in abditum & concameratum locum se reciperet. Hunc postea imitatus Imp. Severus lecticam etiam suam tali corio integri præcepit. Aquila etiam non

icitur, ait Plinius, & idè Jovis armiger, & ejus fulmen gerit. Sed omnes Auctores ab aliis accepisse se referunt, nec ullus sibi satis fidit.

## ARTICULUS IX.

*Causa Tonitrui, Anaxagoræ, Senecæ, Paracelsi, Bodini, rejectæ.*

**I**Nter effectus Fulminis Aristoteles Tonitru numerat. Anaxagoras fieri illum sonum putat extinctione flammæ in humore nubis; ut ferrum candens in aqua Ferrariorum stridet. Sed solum etiam judicium aurium, quæ de bombo illo satis advertunt nubem rumpi & crepare potius, quàm extingui, & trucidari (ut loquitur Lucretius) in humido ignem, satis eum refellit. Aliter Seneca libro 2. Nat. c. 27. *Non quemadmodum, ait, illis manus inter se plausum edunt, sic illis arum inter se nubium sonum potest esse magnus, quia magna concurrunt*: Oportet etiam concavitatem concavitati obverti, quia averse inter se manus non plaudunt, sed palma cum palma collata plausum facit. Sed frustra; quia nubes corpora mollia sunt, quæ omni impetui facillimè cedunt & statim confundunt figuram, secus est in manibus; si enim cavitates complodantur, aer deprehensus, soliditate manuum offensus, necessario rumpi debet, & ibi trucidari cum sonitu. Quis etiam in omni tonitru adspicit nubes inter se adversis frontibus arietare & concurrere?

Paracelsus verò hic, ut ubique, miram Philosophiam dat suis Helvetiis. *Strepitus iste, inquit, resonat per totum Firmamentum, non aliter ac si bomba sub testudine laxaretur: calum enim est reflexionis testudo.* Quod risu magis dignum, quàm refutatione; si enim à fornice Firmamenti ad aures nostras tonitru redire oporteret, multis annis, in tanto cœli à terra intervallo, post coruscationem fulminis, sonitum audiremus.

Bodinus, iterùm dæmonas suos tonantes facit, ratione duplici; quia sereno cœlo & innubi quandoque tonat; ergo non ex crepitu ruptæ nubis existit ille sonus. Deinde, fulgurat sæpè, & exiliunt è nubibus flammæ, sine fragore; igitur dæmones & aerii genii multi

multis istos cient, quandoquidem nulla alia causa sit in promptu.

Sed victus difficultate, aut odio Aristotelis ei solenni & inexpiabili, huc confugit. Deinde nihil solidi afferre potest, cur non tamper hiemem ac æstatem frequententur tonitrua; dæmones enim omni tempore frangere aerem, aut exhalationes ad tonandum calefacere & disponere; item, si hîc desint, ex Zona torrida adducere valent. Cur etiam dies fervidos & sudore disfluentes sequi sæpè solet nox tumultuosa & tonans? certè enim aliis etiam noctibus genii turbas istas turbare possunt.

Ad primam rationem respondeo; Sereno cœlo tonat, sed rarè, & invalido impetu: audimus enim tonitru, ut obscuros tormentorum ictus ex longo intervållo deficientes; ex altissimis igitur nubibus veniunt: quæ licet rariores & minus opacæ, quàm aliæ, radios Solis transmittant; frigus tamen & densitatem reliquam habent, quibus ardentem & levio rem exhalationem includant & nonnihil stringant, cogantque erumpere cum sonitu. Si verò pertinaciter affirmes, sine ullo nubilo, tonitru quandoque exaudiri; ausim quidlibet deponere alterutrum horum esse; aut terrestria tonitrua, aut extra visibilem nostrum horizontem in nubibus excitari. Terrestria voco, quæ ab exhalatione per cavernas subterraneas se versante & tumultuante, vel etiam effringente sua claustra, efficiuntur. Talia plerunque audiuntur ante terræ motum. Possunt etiam, defæcatissimo apud nos cœlo, atræ & hiemantes nubes, quas non videmus, in proximo horizonte esse, ibique cum tonitru fulminare. Quàm sæpè in vicinia Hannonia, quàm sæpè Gandavi (urbe in toto Belgio, ut mihi videtur, fulminibus maxime obnoxia) nobis hîc tranquillis, cœlum micat, mugit, & rumpitur? Tonitru igitur inde ad auditum nostrum pervenire, etiamsi non coruscatio fulminis, potest; cum enim nubes fulminans, infra horizontis visibilis terminum & terræ curvaturam sit, lumen ejus, quod speciem lineis tantum rectis jaculatur, videre nequimus: sonus verò etiam per lineas incurvas exaudiri potest, nec distantia semidiametri horizontis visibilis, est nimis magna; quia nautæ Portugaleses asserunt,



ex intervallo 50. miliarium in mari audiri tonitrua excitata in nubibus illis, quæ toto anno coronant verticem montis Serræ Leonis in Africa, qui putatur *Siā, i. x.* Antiquorum. Semediameter verò visibilis horizonti vix 6. leucas Belgicas, sive miliaria Italica 18. ut Lib. 4. cap. 3. a 3. dicam. Deinde in famosa illa Ostendæ Flandriæ obsidione, tormentorum fragor ad 30. amplius leucas horarias, seu Belgicas, se diffudit. Imò (quod magis mireris) strepitus tympani à 12. leucis in mari quando intellectus fuit. Sed fulgurat etiam sine tonitru, inquit Bodinus. ergo exhalatio exsiliens crepitum illum fulminis non facit. Sed nego sequelam. Quia (dicit tu Seneca) *tenuior & infirmior spiritus, quo in flammam valens non valuit in sonum.* Aut certè, si cum strepitu (quod credo) exivit, imbecillior fuit, quàm ut potuerit auribus nostras impellere.

## ARTICULUS X.

*Peripatetica, & vera causa efficiens Tonitru.*

**A**ristoteles tonitru cum Vulcani, aut, ut alii vocabant Vestæ risu comparat; id est, cum crepitu quem ligna in igne, spiritu intus rarefacto, & cutem dirumpente edunt. Hic autem risus in viridi corylo, & foliis juniperi, & lauri est maximè insignis. Lucretius;

*Nec res ulla magis, quàm Phæbi Delphica laurus,  
Terribili sonitu, flammâ crepitante crematur.*

Sed si Aristoteles fulminalium nostrorum bombardarum tonitrua audisset, exilem & puerilem Vulcani risum contempsisset, summâ enim affinitas est inter nubium tormentorum tonitrua, ut postea ostendam.

Itaque verissimum est, nasci tonitru ictu illo quo exhalatio aerem & nubem frangit. Sed ante dividendum est tonitru in *crepans, fridens, & tumultuans* sive *murmurans* non enim omnium eadem omnino sunt causæ.

Dico primò; Tonitru crepans fit, quando spiritus intra nubem accensus, & subito latissimè & celestius impetu rarefactus, simul & semel nubem effringit & dissipat, exemplum ejus rei tenue in castanea, non in cortice, extra ignem cum bombo & crepitu exsiliens habem

habemus, majus autem, in pulvere nostro pyrio, qui flammatus & rarefactus, tanto fragore, tormenti tubo erumpit. Sed non est similitudo, inquit; nam flamma tormenti, duriciem metalli habet, quâ se allidat & frangat; fulmen verò molliſſimam tantum nubem cædit. Fateor, res non est extra difficultatem. Cum tamen omnem lapidem tento & moveo, hoc mihi videtur; Sonitum bombardarum & tormentorum non edi allisione flammæ pulveris ad tubum metallicum, (aliàs enim ferreus & æreus tubus differentes & dissonos efficerent sonitus, contra experientiam,) sed flammâ ex angustis tubi in liberum aera exsiliante, eumque disjiciente ac diserpente: omnis enim sonus videtur ex laceratione aeris vel alius corporis fluidi proximè nasci. Itaque tonitru crepans, ictu illo excitatur, quo & nubem & vicinum aerem exhalatio dissipat & displodit. Quod ex sonitu ignis fodinarum carbonarium, quem Leodienses nostri appellant Græcum, firmari potest, halitus enim ille carbonarius & bituminosus confertim candelam fortè incidens, valido & tormentario planè fragore diserpitur, sine allisione ad aliud durum, quod tam insigniter valeat sonare. Quæ verò sit illa vis propriè & physicè efficiens soni; an impetus, an virtus alia somniculosa, quæ impetu excitatur ad agendum, in Lib. 2. de Anima, Deo dante, dicturi sumus. Allisio enim illa corporum, item fractio intercepti aeris, sine dubio, tantum possunt esse causa sine quâ non talis effectus: etiam si passim causas efficientes appellemus.

Dico Secundo; Tonitru stridens fit, cum nubes non unico ictu dispellitur, sed exhalatio successivè incensa, non universim, sed per partes & agmine quodam erumpit, sic enim contingit longior sonus, & simillimus illi quoquis chartam, aut pannum novum, subito & vehementi impetu diserpit, aer enim celeri motu, in hiatus laceratæ nubis, contra periculum Vacui, se injiciens, sequentibus partibus exhalationis occurrit, discripi-turque in ista rixa cum stridore.

Dico Tertiò; Tonitru tumultuans nascitur, cum exhalatio per nubem rumpit & discurret. Palam enim motum illum ex sonitu mobili & fugace intelligimus, aliquan-do

do namque per totam nubium curvaturam ab Ortu ad Occasum transcurrit. Laborem etiam ejus, ubi in nubem densiorem incidit, & quomodo tardiori gressu obluetur, & vix se expediat, facile sentimus. Fieri tamen quandoque potest, ut una exhalatio alteram inflammet, & sic videatur locum mutare; quod tamen non facit. Hoc tonitru, ut plurimum, sine coruscatione est; quia exhalatio aut non satis flammæ habet, aut clauditur & supprimitur opacitate nubis.

Ex dictis colligitur, cæteris paribus, insignius esse hoc tonitruum murmur, si adversus, quàm si secundum nubium agmen exhalatio nitatur & decurrat, sic navis aut homo adverso flumine vadens, magis in aqua strepit, quàm secundo defluens, ubi enim major conflictus, ibi etiam vocalior sonitus. Ex quibus omnibus sic finietur Tonitru: *Sonitus vehemens ab exhalatione excitatus fractione nubis.* Sed reliqua quædam quæ ad ipsum, etiam addamus,

## ARTICULUS XI.

*Cur demum post coruscationem, Tonitru audiamus.*

FUminis lucem, nisi fractâ jam nube, videre non possumus, unde laceratio ista nubis, & fragor seu tonitru inter eam excitatum, prius est, aut saltem simul cum coruscatione lucis: & tamen auditur semper serius. Causa est, quia species visibilis ex quacunque distantia ab objecto in oculum momento emicat: species vero soni, tempore & per hæitationem quandam ad aurem venit. Primo igitur instanti quo nubes rimam agit, & ostendit flammam, videri potest fulmen, quia tam repente species ejus pervenit ad oculum: nondum sentiri potest sonus, quia per gyros quosdam & fluctus aeris, species ejus descendit ad terram. Ita enim explico jam temporaneam illam & tardam trajectionem soni; ostendamque hæc Lib. 2. de Anima: licet olim cum Conimbricensibus & aliis passim, contempserim vibrationem istam medijsque ad aurem.

Hinc enim est, quod in majore sonitu & impressiore ictu, quia celerius crispatur aer, & cetera: etiam species veniat

veniat ad auditum. Id egregio experimento, Vigiliâ illâ fulminali Sancti Laurentii Anno 1635. compéri. Nubes enim immobilis, atrocissimè fulminans & tonans impendebat Lovanio & meo capiti, idoneaque maximè erat, ut distantiam inter coruscationem & tonitruu dimitteret. Cùm crepitus maximi erant; subito viso fulmine, cum tremore fenestrarum, totiusque ædificii vibratione, sequebatur tam propinquè sonitus, ut vix unicus pulsus arteriæ intercederet. In minori autem fragore, duodecim etiam pulsus sæpè numerabam post coruscationem, antequam prodiret tonitru, pulsus verò unus, est quater millesima, & quater centesima, quinquagesima pars horæ, cùm arteria mea salubriter & moderatè micat, micationes enim 4450. horæ spatio curiosè (parvæ quippe istæ temporum mensuræ usui sæpè veniunt) computavi. Hoc etiam adnotavi: Ubi fulmen sine pluvia erat, tunc ictus languidiores, & tardius tonitru sequebatur coruscationem. Nempe hoc firmat, quod jam antè docui; arctissimè tunc exhalationem stringi, insignioresque esse crepitus, quando nubes se exonerat, & resolvit in aquam.

Hinc deinde etiam, rudi saltem Minervâ, mensurare poteris distantiam terræ à nube fulminantè, comparando coruscationem & tonitru, cum flamma & strepitu tormenti majoris, distiti à te aliquanto intervallo, Ego centè anno 1624. die. 6. Septembris, cùm Serenissimus Princeps Poloniæ Ladislaus venit Lovanium, inter coruscationem & sonitum moschetorum, quæ quadrante circiter Belgici milliaris obviam processerant, interstitium Salutationis Angelicæ, quæ faciliè 10. arteriæ pulsus implet, numerabam. Parvum ergo nubis tonitru, pari expectatione sequens suam flammam, intervallum nubis æquale (milliarii scilicet quadrantis) significabit à terræ superficie. Sed tonitrua vix solent tam tenuiter sonare: & majoribus potiùs tormentis componenda sunt, unde angustior est mora temporis inter coruscationem & tonitru nubis, quadrante milliariis à nobis distantis, quàm inter fulgetrum & crepitum moscheti.

Hoc etiam in considerationem adduci debet. Tonitru in aere rariorè juxta nubes, sonitum verò tormenti in densiore,

denfiore, juxta terræ superficiem excitari. Hinc enim quia medium denfius, tardiùs impellitur & agitur in gyros; posito etiam pari ictu & sono, fragor tormenti motu illo per infimum aerem transversali, pigriùs patulo (si Mathematicè rem examines) ad aurem post coruscationem venit, quàm fragor tonitruui, qui per circulos in aere leviori promptiùs se diffundentes ad terram descendit.

## ARTICULUS XII.

*De Effectibus Tonitruui.*

**T**onitru, quia sonus quidam est, physicè solam sui speciem efficit. Alii tamen quidam effectus ei tribuuntur; quia causa eorum physica tonitru comitatur; sed est magis occulta & insensibilis, ideoque vulgus, qui sensum libenter sequitur, eique faver, tonitruo potius adscribit.

Primò, Tuberæ terræ (quæ instar fungorum, & olim in magnis delictis) gignit. Ita enim lib. 19. cap. 3. Plinius, & Juvenalis de his:

*Et faciunt laetas opata tonitrua cernas.*

Plutarchus lib. 1. q. 2. Sympof. & Scaliger Exercit. 1. putant terram impulsu aeris & undatione illa quæ fit in tonitruo, terram concuti, & superficiem ejus ad proferenda tubera laxari. Sed id parùm juvat, præcipuum & panè unicum est, quòd aqua nube tonante effusa, repens & spirituum plena ac turgida fit, quæ permixta & martata terræ, facile concrefcit in tubera.

Secundò, Tonitru vinum & cerevisiam musteam ac recentem acore inficit. Thimón lib. 2. Meteor. quæst. 9. censet id fieri motu aeris, qui in liquorem adactus, eum turbat, ac sursum deorsum pervertit. Sed frustrà; venti enim validè spirantes, magis aerem movent, quàm tonitru; nec tamen idèd corrumpunt liquores. Thimón tamen lib. 2. cap. 48. de Occult. assentitur noster Lemnius: dicitque se ante tempestatem soleri vasa sua præmunire, superpositâ ferri laminâ cum sale, aut silicibus; quæ tamen videtur solum opponere fulminibus, non aëro tonitruo: Quia, inquit, fulmen cum diversissimis constituitur



ter, in eaque possimè vim suam exerit. Thimo non paulò antiquior, narrat suo tempore fragmina vitrorum vasis solere injici contra tonitruum metus. Verissima nihilominus causa hujus effectus, videntur esse tenues quidam halitus sulphurei, & cæteræ fulguris dissiliantis reliquæ, quæ per aerem dispersæ, se in omnia foramina & rimas insinuant, unde optimum remedium est, spiracula cavearum quàm diligentissimè obstruere, & vasa operculare. Cerevisia verò recens & adhuc ab igne tepens, promptius acorem bibet; quia spiritus quibus tota turgēt, facillè rapiunt aeris sulphur & noxam, eamque vitulant & infundunt toti liquori.

Tertiò; Tonitruum validum aliquando surdastros fecit. Tympanum enim auris, aeris impulsu, rumpit aut laxat. In similem effectum crepitus etiam tormentorum, quandoque valuit: & hinc quoque molitores & tympanistæ, obusti sunt auditus. Pari ratione coruscatio fulminum aut tormentorum, quosdam olim excæcavit. Narrat enim lib. 1. Observat. Schenckius, Præfectum quendam machinarum in obsidione Metensi, frequenti coruscatione, citra ullam pulveris offensionem, lumina amisisse.

Quartò; Terrore animalibus injecto, multa per accidens operatur tonitruum. De conchis margaritarum parentibus lib. 9. cap. 35. Plinius: *Tradunt, inquit, si tonitruum, pavidas ac repente compressas, quæ vocantur physmata efficere, specie modo inani inflata sine corpore: hos esse concharum abortus.* Dicitur etiam tonitruum juvare & incitare cervarum partus, juxta illud Psal. 118. *Vox Domini (id est, tonitruum) præparans cervos, vel, ut in Hebræo, cervas.* Et D. Hieronymus vertit: *Vox Domini obstetricans cervis,* quia scilicet horrore tonitruum concussa effundunt suos partus, aliàs, ob magnitudinem & perfectionem, difficiles, unde Job 39. *Pascuientes cervas observasti? incurvantur ad fetus, & pariunt, & mugitus emittunt, separantur filii earum, & pergunt ad pascuum, egrediuntur, & non revertuntur ad eas.*

Homines etiam valdè fulmina & tonitrua expavescunt. Sic olim Parthi tympanis quibusdam & cymbalis æneis tonitrua mentiti, aciem Romanam exterruerunt, ut narrat Plutarchus in Crasso. Cæsar Caligula, Deorum

*Sueton in  
Caligula  
cap. 51.*

ille aliàs contemptor ad minima tonitrua & fulgura contumeliosè  
caput obstruere; ad verò majora, propere se effratis, sub lectum  
que condere solebat. Quem tamen pavorem ut dissimula-  
ret, machinam excogitavit, inquit Dio, quâ tonitribus  
obstreperet, & cælo tanquam terrestribus quidam Iupiter  
retonaret. Lápides etiam contra fulmina retonarebat,  
Iovemque ad duellum evocabat, inclamans Homericum  
istud Ajacis ad Ul. stem; *ἦ μὲν ἀνδρῶν ἐγὼ σε, Τολλε με,  
αὐτὸς ἐγὼ τε.* Quod etiam narrat & ridet (quis enim tam  
helleborosum caput etiam non decachinnat?) Seneca  
lib. 1. de Ira, Homines enim *ἀεὶ πάντες ἐν πύλῳ*, fulgur  
ex pelvi, ut vetus adagium habet, excitare possunt, &  
inanes in cælum minas mittere. A Domino autem ibum  
emissiones fulgurum, & tanquam à bene curvato arcu nubium ex-  
*Sap. cap. 5* terminabuntur, & ad locum certum insistent. Nubes, est arcus;  
Deus, sagittarius; fulmen, sagitta; scopus, peccator;  
aut quidquid tangere destinaverit. Numquid elevabis in  
nubila vocem tuam, inclamat Jobo, & impetus aquarum opo-  
*Job 38.* riet te? numquid missus fulgura, & ibum? & reverentia dicet  
tibi, *Adsumus.*

*Mat. 25*

Merito igitur veteres illi tenebriones, solum inter do-  
cos Jovem fulmine armaverunt, & nos quoties cælorum  
mugitus audimus, terrorem & reverentiam veri &  
magni Numinis concipiamus: recordemurque extrahi  
illius & decumani fulminis: *Discedite à me maledicti in ignem  
æternum.* O omni horâ vitæ nostræ timendum & horri-  
bile fulmen, & quo nocentius & majus nullum mittere  
posse intelliges, si intelligis quid æternum.

## ARTICULUS XIII.

*Tempus, & signa Fulminum, ac Tonitruum.*

**F**ulmina sine Veris, & initio Autumnii, aut Æstatis ex-  
fuit maxime hic frequentantur. Majus enim (ut  
multis jam annis vidi) cum arbores sunt in flore, &  
Augustus, collectâ partim, sed non totâ messe, vix un-  
quam evadunt sine fulgure & strepitu. Ratio est, quia  
tunc Sol multas, & quæ ad generationem fulminis suffi-  
ficient, exhalationes educit, nec eas tamen digerit, in  
mediâ & flagrantissimâ æstate. Hieme verò, vix quod  
satis

itis ad talem effectum esse possit, extrahere valet, terrâ frigore adstrictâ aut connivente. Hinc in Septentrionalibus regionibus rara admodum fulmina; ob eandem rationem, ut narrat Olaus. In Anglia etiam quoties fulminatum, inter illius anni prodigia recenset Polyd. Virgilus, rerum Anglicarum Scriptor: licet cœli Anglicani temperies nostrâ longè sit tepidior, & ut quidam referunt Italicæ suppar, nubes etiam plurimæ ibi coeunt, ob vapores vicini maris. ut inde fulminum non accidat defectus. Igitur ad inopiam. aut potiùs qualitatem exhalationum, recurrendum est. Terra enim Britannica, candida tota & cretacea est: nec sulphureas & nitrosas exhalationes expirat, quales fulmen flagitat.

Ubi autem hiemes tepent, minusque hiemant, circa etiam totum annum (modò terra sulphure fumet) tonare & fulminare potest. Pulchrè Plinius; *Crebra fulmina in Italia: quia mobilior aer mitiore hieme, & æstate nimborû, Lib. 2. semper quodammodo vernat vel autumnat. Italia quoque paribus cap. 30. his quæ à Septentrione discedunt ad teporem, qualis est Urbis & Campaniæ tractus, juxta hieme & æstate fulgurat; quod non in alijs sit.* In Belgio rarissimum est hiernum fulmen: habetque hoc Lemnius pro certo signo secuturæ mœx ingentis tempestatis.

Signum verò fulgurum & tonitruï instantis nullum colligo probabilius, quàm si dies unus aut plures antecedentes valdè fervidi, & cœlum deinde prætexa nubibus, ut merito intempestivas illas flammæ & tonitrua Anni 1624. die 12. Novem. Lovanii fuerim demeratus; cùm præsertim dies multi antevisissent gelidi & humentes. Sed nesciebam, quid Neptunus & Iupiter in Oceano nostro contra nothum illum Mansfeldium è Hollandia in Britanniam velificantem, molirentur, naufragium enim in illa tempestate passus, suffocatus etiam diu creditus fuit: donec iterum tandem, divinâ providentiâ eum differente, emerfit; ad desaltandam, quam malè inchoavit fabulam.

Æ Fulminibus etiam olim, de variis eventis, latis aut tristibus, conjectabat augurum supersticiosâ Natio, vanitates eorum non opus hic refellere: quibus nec ipsi Romani, quialiquid amplius ingenii & Minæ, vix habere-

Lib. 2.  
cap. 43.

rent, satis fidebant. Hoc solùm è Plinio addam: Quod si ab Oriente iactum fulmen, eodẽ rediisset, summam felicitatem existimabant portendi: taleque ostentum Syllæ Dictatori datum fuit: qui deinde Felicis nomen sibi adoptavit. Sed quare Felix? quia scilicet tot millia civium proscribere, & trucidare impunè potuit. O *pro* *wa* interpretatio, clamat Plinius, & futuro tempore infelix *melioris sortis tunc fuere pereuntes, quorum miseremur hodie, et Syllam nemo non oderis.* Adde jam luem pedicularem, quæ infelix ejus corpus seipsum erosit; & æstima, quàm felix & verax fulmen illud fuit.

#### ARTICULUS XIV.

*Tormentorum nostrorum & Fulminum comparatio.*

**B**ombardas & fulminalia nostra tormenta, Germani Monachus, Bertholdus Schunarsus, vel malus genius in perniciem generis humani reperit: vel fortè ars ex Oriente allata, nam in Iaponia & regno Chinensi, bombardæ jam in usu veteri erant, cùm eo appulerunt Europæi. Quidam etiam nolunt rem hanc esse novitiæ inventionis, sed veteribus cognitam, ex illis versibus *Poetæ 6. Æneidos:*

*Vidi & crudeles dantem Salmoneæ pænas,*

*Dum flammæ Iovis, & sonitus imitatur Olympi.*

Quomodo enim, inquiunt, fulmen Iovis & tonitruum imitatus ille, nisi bombardâ & pulvere pyrio? Sed non est istimo, sequitur enim paulò post:

*Demens, qui nimbos, & non imitabile fulmen*

*Ære, & cornipedum cursu simulabat equorum.*

Videtur enim Salmoneus ille quadrigis vectus, strepitum rotarum, & æratis equorum calcibus, tonitruum imitatus. Fortasse etiam æream machinam & tonaptem, ut Calligula, in curru habuit: quod videtur Suidas insinuare. Ardentes etiam faces, ut par Iovi à suis haberetur (Re enim, an tyrannus, in Thessalia fuit) instar fulminum in obvios quosque è curru per medios volante jaculabatur. Veneti tormenta aliquot ex Germania nacti, Anno 1380. primi ad Fossas Clodias, contra Genuenses erant, ut narrat Guicciard. lib. 1. Histor. & Platina in vita

- Urbani

Urbani VI. Sed usum aut famam pauld vetustiore  
facile ex Petrarcha colligo, qui in Dialogo quodam  
bombardarum meminit. Petrarcha verò Anno 1374. vi-  
vere desit.

Pleraque machinæ majores, teste Cardano lib. 2. Sub-  
til. per quinque millia passuum, 60. ferri libras excuti-  
unt. Res profectò incredibilis, nisi experimentum fidem  
assereret. Imò Rothmannus narrat. Principem suum,  
Wilhelmum Lantgravium Habsiæ, fecisse periculum in  
ictu horizontali duplicis Cartæ, ut vocant; invenitque  
globum vix intra duo horæ minuta, in terram delapsum  
esse. Unoquoque verò minuto, tria circiter millia pas-  
sum talis tormenti globus conficit: igitur in sexto  
tantum milliari Italico, id est, post iter duorum millia-  
rium Belgicorum, defecit. Quod tamen, an credere de-  
beam, paululum subdubito. Ictus enim horizontalis, ut  
omnes fatentur, maximè omnium imbecillissè; uti for-  
tissimus, cum tormentum mediam elevationem habet,  
facitque cum plano horizontis angulum semirectum.  
Qualem situm affabrè satis canis nobis repræsentat, cum  
clunibus insidens, priores pedes, quantum potest, stare  
facit; & iis, ut solet, semirectè in terram defixis susten-  
tat arduum caput, & primam corporis longitudinem.

Pro quo notandum, duodecim plerunque statui tor-  
menti elevationes; sic ut ultima & summa sit, quæ os  
tubi directè respicit in cælum, verum sex solum primæ,  
serviunt explosioni. Septem enim sunt species explosio-  
nis. Prima est horizontalis: in qua scilicet tormentum  
non elevatur; sed jacet parallelum horizonti. Secunda  
fit, in prima elevatione; & ita deinde usque ad sextam  
elevationem. Brevisimè exploditur globus ictu hori-  
zontali, longissimè in sexta elevatione: adeò ut Alex.  
Capobianco sextam elevationem statuatur in viribus duo-  
decuplam ad situm horizontalem: ut si pila 10. stadia ictu  
horizontali periret, antequam in terram cadat, in sexta  
elevatione, 120. conficiet, si eodem tormento & pul-  
vere utaris. Ludovicus tamen Collado, (cui Adrianus  
Romanus noster in sua Polemica magis fudit) experi-  
mento in falconetta pilæ trium librarum à se factò, hanc  
differentiam constituit.



<i>Elevatio.</i>	<i>Ratio virium.</i>	<i>Differentia.</i>
0.	368.	0.
1.	594.	226.
2.	794.	200.
3.	954.	160.
4.	1010.	56.
5.	1040.	30.
6.	1053.	13.

Nicolaus Tartalea elevationes singulas in duas dissectas, & universim 24. ponit, unde duodecimam, quæ aliorum sexta est, validissimam constituit; expertum vero se affirmat. pilam quæ è duodecimo elevationis puncto ad pedes 1972. excussa fuerat, demisso ad decimum punctum tormento, 100. pedes longitudinis perdidisse. Tota hæc inter istos exploratores differentia, à magnitudine vel longitudine tormenti, aut qualitate vel quantitate pulveris venit. Infinitis enim exemplis constare (contra quorundam, inquit, mendacium) asserit Birringuccius, tormentum brevius, eodem pulvere & globonustum, per amplius spatium pilam ejaculari, quam aliud longius; modò totus pulvis inflammetur, & universas vires colligat in tubo.

Pulvis autem sic ex tribus, halinitro, vel potius, salpetrâ (nam hanc à halinitro Veterum distare, probat Exercit. 104. Scaliger) ex sulphure, & carbone. Non idem autem sumitur pro majoribus & minoribus tormentis. Si enim sclopetum pulvere illo crassiore machinarum oneraveris, vix ad decem orgyas glandem excuties, ait Birringuccius: si minuto sclopetorum pulvisculo, machinas franges; immensa etenim flamma, momento ferè temporis, ex eo accenditur; cum unumquodque pulveris granum, flammam (Snellii experimento) 125000. se majorem spargat. Pro majoribus tormentis accipiuntur tres partes halinitri, ut docet Birringuccius, duæ partes carbonis, & una sulphuris. Pro

mediocribus, quinque partes halinitri, una sulphuris, una cum dimidia carbonis. Pro bombardis minoribus, decem partes halinitri, una sulphuris, & una carbonis ex virgis nucis avellanae. Quidam, ut celeriores pulverem faciant, & intendant ictum, singulae cuique librae sulphuris unciam unam Mercurii, seu argenti vivi admiscunt; alii librae halinitri, quartam unciae partem Salis ammoniaci. Quidam etiam, ex Colladi praecepto, pulverem in tubo, hasta transigunt ad accelerandam inflammationem. Porro vis principua pulveris est in halinitro, quod à sulphure promptè accensum, puncto ferè temporis universum deflagrat sine ullo cinere.

Porro; Cardanus pondus pulveris postulat ponderi sphaerae excutiendae aequale + Biringuccius duas tertias partes dicit sufficere. Et hanc proportionem à fusoribus nostris Mechliniensibus servari jam audio, cum de novitio aliquo tormento experimentum sumunt. Si enim sphaera 30. librarum fuerit, tubo 20. libras pulveris infundunt. Sed quid hinc pro fulmine nostro accipimus? Inprimis; materiam sulphuream & nitrosam pulveri pyrio & fulminibus communem esse, omnibus enim fulguritis odor sulphuris inest, spiritus verò nitrosus ad celeritatem inflammationis facit, estque principalis causa, cur exhalatio angustiarum impatiens tam impotente impetu effringat nubem. Quaedam acida etiam vaporis qualitas incitare quandoque fortassis ictum potest; cum acetum pulveri tormentario infusum, vires magnas addat & impetum, ut affirmat Libavius Epist. ad Rulandum.

Præter similitudinem in materia, est alia in modo explosionis; quia utraque fit per subitam rarefactionem materiae, unius intra tormentum, alterius intra nubis cavum. Sed in hoc grande discrimen; quod flamma fulminis (excepto rarissimo eventu, quo lapis fulmineus jacitur) sine alio telo fit; flamma verò pulveris, pilam excutiat; ideoque plerumque magis nocet quam fulmen. Imò nunc subit mirari, quomodo fulmen in terram usque, id est, per 500. amplius passus, quibus nubes quandoque abest, dejici valeat cum tantà noxâ & strage. Flamma enim pulveris densa & conferta, quam interdum  
videre

videre possis, vix longius uno pede (curiosè animadverti) profilit ex ore moscheti, quâ ratione igitur illa flamma cœlestis huc usque venit? Si fulminaret, ut pulvis aureus aut calx Martis, deorsum, facilè intelligeremus: nunc verò sursum aut in obliquum se jacit, ut pulvis noster nitrosus. Ut illud autem de pulvere aureo capias, hoc etiam accipe. Ex purissimi auri ratmentis paratur pulvis, qui radiis maxime Solaribus, aut modico igne accensus, non sursum, ut pulvis tormentarius, sed rectâ deorsum, cum majori etiam boatu, & viribus decuplo potentioribus fulminat. Itaque si in mensa accendatur, eam pertundet. Sed fulmen cœleste, tam pretiosâ exhalatione non constat. Itaque præter hæc, nihil quod afferam habeo. Materia fulminis sæpius viscosa & tenacem aliquam partem permixtam habet, in qua spiritus ille tenuior colligitur & coercetur, ne motu dispergatur & diffuat. Sic etiam è tenaci quadam pulveris fuligine, circulos quosdam è moschetis & majoribus tormentis, se per longissimum aeris tractum conspire & gyrare videmus. Deinde tantus etiam esse impetus potest, ut purus & liquidus flammæ spiritus aerem ad terram usque conglobatus terebrèt. Res enim rara tota, & fluxæ liquiditatis, maximo impetu, etiam cum naturæ renisu, jaci potest. Patet, ubi vapor levis in pile ærea rarefactus vehementi flatu, per angustum foramen se deorsum expirat. Audi etiam Libavium; Dum æs Cyprium in purum excoquitur, antequam perfectum sit, si injeceris aliquid aquæ, prorumpit ex catino motu violentissimo, prosternitque & verberat quidquid attingit. Puerilem etiam historiolum, quæ nudiusquartus, dum hæc commentor, accidit; nisi puerile sit, allinam istis chartis. Tenuis enim quædam sæpè rebus maximis affundunt lucem Philosophiæ in Collegio nostro studiosi quatuor aut quinque, atramentum in poculo satis grandi, & facis 32. unciarum capace, infuso largiter vino ardenti & aceto, apud ignem coquebant, operculato etiam orificio, ut respiraret: cum ecce subito tonitru rarefactæ materia poculum rumpit, per omnes cubiculi parietes valido impetu dispersa, vicinos aliquot Æthiopas fecit & graviter ambussit: Illi repente in fulmine anoniti,

se invicem respectantes, vix diu post spiritum & sanguinem receperunt. Nempe reverà quiddam fulmini affine poculo inerat: vinum enim ardens, sulphuris vicem & halinitri simul implet; cum facillimè accendatur & rarefcat in immensum, additum etiam acetum, tanquam altera halinitri portio: quia pulverem etiam tormentarium incitat, ut antè monuimus ex Libavio.

Dénique, ut semel finiam, quod Plinius de fulmine narrat: *Neminem tangi qui prior viderit fulmen, aut tonitru* Lib. 2.  
*audierit*, de tormentis nostris fulminalibus etiam verum cap. 54.  
est. Hoc enim, credo, tantum voluit Plinius: cum videmus fulmen, posse nos evitare, quia venit è longinquo: quando verò tonitru audimus, serum jam ferè esse de periculo cogitare; quia jactus fulminis, ante aut cum sono pervenit ad destinatum. Si ergo ante sonitum icti non fuimus, eo audito sumus extra periculi aleam. Non ausim tamen universim promittere securitatem, Ocyor enim quandoque est strepitus, quàm telum. In bellis nostris, acies pedestris, ubi coruscationem tormentorum videt, procumbit in faciem. Marchio Vastius cum ab Invictissimo Imperatore suo Carolo V. præmissus esset, ut exploraret è propinquo situm urbis Arelatensis in Provincia, majori globo trajectus esset, nisi absiliisset ubi conspexit flammam. Idem evenit Laurentio Mediceo Juniori, Catharinæ illius Mediceæ, tot Regum in Gallia matris, parenti, in Italia ante Mondolphum.

Hoc etiam ante abitum adjiciam: Si verum est quod Seneca, Plinius, & alii expertum dicunt, fulmen non altius quàm quinque pedes in terram descendere; longè profundiorē noxam esse nostrorum tormentorum, sphaeræ enim terram intrant etiam ad vigesimum pedem. Veruntamen hæc inæqualitas oriri potest ex nimia distantia nubis à terra: viresque fulminum futuræ fortassis aliquando pares aut supra, si locus explosionis non longius abesset, quàm tormentum.

## CAP. IV.

*De Procellis.*

## ARTICULUS I.

*Quæ Causæ Procellarum.*

**C**AUSÆ Procellarum eadem pænè omnes, quæ Fulminum. Materia enim est exhalatio, sed paulò tamen crudior. Forma, explosio illa è nubibus & motus deorsum. Causa efficiens, antiperistasis frigoris nubium, & quas antè dedimus fulmini. Finalis, etiam eadem: metus scilicet & reverentia Creatoris; præter alias quasdam.

Procellas vocat Plinius repentinos flatūs, aut ventos procellosos. Eorum tamen ortus multum abit à generatione communium ventorum, atque à fulminibus propius absunt.

Tres species enumerat Aristoteles, Ecnephiam, Typhonem, & Præstera. *Ecnephias est exhalatio copiosa, tota simul excussa è nubibus magnâ vi deorsum, sine gyro & inflammatione.* Crudam ergo oportet exhalationem esse, & adversus flammam contumacem; calorem tamen magnum habet: quomodo enim aliàs tam subito raresceret, & disploderet nubem? Nam disjicit verius, inquit Plinius, quàm rumpit nubilum.

*Typhon, Latinè Turbo, est exhalatio copiosa, explosa è nubibus sine inflammatione, sed cum gyro deorsum.* Unde Turbo nil est aliud, quàm Ecnephias quidam vertiginosus & gyrans, unde hâc circulatione, partem aliquam nubis, defringit, secumque deorsum rapit & versat, inquit Aristoteles. Hujus porro vertiginis duæ possunt esse causæ. Primò, si duplex sit ordo nubium, & superior extundat, inferior verò retundat exhalationem: sic enim pars exhalationis posterior priori reflexa superveniens cum ea rixatur, quia una abire, altera redire contendit: impetus tamen deorsum fortior est & magis intentus: atque ita pars posterior priorem detrahit, in rixata tamen, & cum aliqua vertigine. Secundò, exhalationem



tionem sine circumgyratione explosam incurrit deinde ventus aliquis transversalis, circumagiturque usque ad terram.

*Præterest Typhon inflammatus.* Longâ enim vertigine, quâ partes inter se confricantur, Turbo concipit flammam, & transiit in Præterem; nam

*Fit quoque, ut interdum venti vi missa sine igne,*

*Ignescas tamen in spatio, longoque meatu.*

Exploditur verò sæpè Præter,

*In mare de Cælo tanquam demissa columna.*

monstrum maximè formidabile nautis.

*Lucret.*

*Lib. 6.*

*Idem.*

## ARTICULUS II.

### *Procellarum effectus.*

Idem ferè sunt qui Fulminis; nisi quod Procellæ, crassiore spiritu, non ita penetrent sicuti Fulmen, sed frangant potiùs, turbent, & disjiciant. Turbo præterea rapidâ vertigine locum ex loco mutans, ait Plinius, navigia contorta frangit; & percussus, correpta secum in cælum refert, & sorbet in excelsum. Compescitur tamen, inquit, facili remedio, infuso in advenientem aceto, cui est frigidissima natura. Nautæ in nostro Oceano potentiori & tutiori utuntur remedio: tormenta enim in adventantem explodunt, ut globo, & aeris impulsu, exhalationem dissipent: torquet autem se & circinat longissimè per superficiem maris, specie aliquot modiorum calcis dissolutæ in fumos. Simpliciores nautæ dæmonem (quod etiam Bodinus, qui dæmones ubique fatigat, credit) fumum illum intus animantem & rotantem existimant. Ædificia quoque & ingentes arbores turbinibus sæpè eradiantur, & animalia in sublimè abripiuntur: quomodo fortè olim abreptus ille vitulus, quem repluisse narrat Avicenna: nimis enim vitulus sim, si putem in nubibus generatum.

## ARTICU-

## ARTICULUS III.

*Præſagia Procellarum, & Tempeſtatum.*

**T**empeſtas, quando in malam partem ſumitur, Ecne-  
 phias, Turbines, Præſteres, ventos etiam omnes va-  
 lidos, aeris inferioris tranquillitatem & ſtatum turbant-  
 res, fulmina & grandinem procelloſam, comprehendit.  
 Plurima autem ſunt tempeſtatum præſagia, quæ apud  
 Virgil. lib. 1. Georg. apud Plin. lib. 18. cap. 31. & Luca-  
 num lib. 3. ubi Amyclas nauta (cujus tuguriolum Cæſar  
 ſolus & ignoratus, intempeſtâ nocte pulſat) trajectum  
 Adriatici; per omnia ſigna tempeſtatum, fruſtrâ diſſua-  
 det. Sed adverte, pleraque omnia non tantum turbines  
 & cætera quæ amplectimur nomine tempeſtatis, ſigni-  
 ficare, ſed ſimplicem etiam pluviâ, aliaque nubium  
 miſſilia. Sunt ergo ſigna ſæpè tatis certa mutationis auræ,  
 & vaporis aut exhalationis ſupernè relapſuræ; ſed non  
 perinde, an id in ſpecie Ecnephiz, an venti communis,  
 an pluviæ, &c. futurum ſit. Ea autem in duas claſſes ſe-  
 parabimus. Alia enim ab inanimatis, alia ab animanti-  
 bus ſumi poſſunt. Hæc ſunt in prima claſſe.

Si Sol in nube oriatur, aut occidat: ſi pareſii eum cin-  
 gant. Hoc ab Arato eſt, illud à Virgilio;

*Ille ubi naſcentem maculis varia veris ortum  
 Cœdiſus in nubem, medioque reſugeris orbe,  
 Suſpecti tibi ſint imbres.*

Georg. 1.

Et Amyclas apud Lucanum;

*Nam Sol non vtilis deduxit in æquora nubes.*

Quod verò Virgilius de Sole, medio orbe reſugiente  
 addit; clariùs Plinius; *Sol concavus oriens pluviâ prædicit.*  
*Si nubes inquit etiam, Solem circumludent, quando minus lumi-*  
*nis relinquent, tantò turbidior tempeſtas erit, ſi verò duplex etiam*  
*orbis fuerit; ea atrocior. Denique, ſi ante ortum radii ſe oſten-*  
*dent, aquam & ventum ſignificabunt. Idem fiet, Si ipſe etiam*  
*orbis Solaris aliquanto maturiùs, quàm proximè diebus,*  
*in conſpectum venerit. Hoc enim, Adagiale iſtud Galli-*  
*cum, fundamentum habet:*

*Femme qui parle Latin,  
 Enſant qui boit du vin;*

*Soleil levé matin,  
Jamais n'auront bonne fin.*

A Luna quoque præfagia quædam sunt. Si in exortu radios in Austrum & Boream dispergat: si cornua crassa & inflata habeat: si insolenter palleat, aut erubescat. Si Planetæ micent: & fixæ supra modum lascivæ sint & scintillantes. Si facies per aera solito densius volent.

*Sæpe etiam stellas, venso impendente, videbis*

*Præcipientes calo labi nodisque per umbram*

*Flammæ longos à tergo albescere tractus;*

Horum omnium una ratio est, quia indicant multos vapores aut exhalationes pendere in aere, quæ materia sunt Meteororum hiemantium, & spargentium tempestates. Sol enim, Luna, & omnia Sidera per medios vapores refractè conspecta, ampliant speciem; per exhalationes verò, purpurant aut irruant, subsiliunt & scintillant, ascensu, descensu eorum, cæteroque discursu & gyratione per aerem.

Dices: Nubes in qua v. g. Sol exorians surgit, ad limbum horizontis, & procul nobis abest: quomodo igitur illa potest in verticem nostram recidere? Respondeo: Quas putas tam longè distitas, vix sæpè distant dimidio Belgico milliari: patet ex vapore qui impressam tenet iridem, cujus cornua horizonti insidere videntur; cum tamen non rarè paululum ultra nos attingant terram. Deinde tota semidiameter horizontis visibilis in superficie terræ non est 6. miliaribus Belgicis longior, ut Lib. 4. ostendemus: nec longè ultra hanc distantiam possumus in cælo videre nubem. Sol etiam exortivus, vapores obsidentes horizontem, rarefacit & dispergit aliquando usque ad axem horizontis, & nostrum verticem. Denique vapor circa Finitorem, significat alium etiam passim fluctuare per totum aerem, à Sole mox exortituro elevandum, & recasurum.

Animalia quoque hæc signa habent. Si gallinæ aut anas frequenter & temerè cantet interdiu: si grues revertantur, aut demissiùs volent: si cygnos, anseres, anates

*Certatim largos humeris insundera rores,*

*Nunc caput obiectare fretis, nunc currere in undas,*

*Et studio incassum videas gestire lavandi.*

*Virgil. 1;  
Georg.*

*Virgil. 4  
Si Georg.*

Si boves cœlum suspicientes olfactent, aut se contra plulum lambant: si porci lascivientes stramen & manipulos ore discerpant: si feles barbas lavent: si pecora indecore exulent. Homines etiam aut callo pedum digitos præter solitum urente, aut podagrâ, aliisque vitiis admoventur tempestatum. Lemnius etiam lib. 3. cap. 3. de Occult. affirmat fatuos, & quibuscunque mens vacillat in Belgio, magis loquaciter & turbulentè per compita discurrere, tribus etiam diebus ante tempestatem, Causam istorum reddere tentavit Virgilius;

Lib. 1.  
Georg.

——— *Vbi Iupiter humidus Austris*

*Densat, erant quæ rara modò; & quæ densa relaxat:*

*Verruntur species animorum, & pectora motus*

*Nunc alios, alios dum nubila ventus agebat,*

*Concipiunt: hinc ille avium concentus in agris,*

*Et lætæ pices, & ovantes gutture corvi.*

Itaque in densitatem & raritatem corporum, quæ ex aeris temperie nascitur, reducit lasciviam illam & motus animalium. Sed hoc latius explicandum, & addendum aliquid est.

Dico igitur ante tempestatem, & cum jam multæ nubes, aut vapor in aere incipiunt cogi, humorem non paucum, deorsum, non quidem guttatim in pluvias, & ut percipi facile possit, sed instar aeris densioris, aut roris continui, perpetuò defluere: id enim necessarium est, simul atque vapor, minimâ gravitatis adjectione, aeris in quo pensilis fluctuabat, superaverit æquilibrium. Hic ergo, quia tenuissimus est, in animalium poros & cutem facile penetrat, & titillando aut morficando ad saltus inconditos, aut voces sollicitat: quædam etiam se latibunt, ut humorem illum titillantem detergant: facilius autem bruta, quàm homines, eum sentiunt, vel quia corpora mutationibus & injuriis cœli magis obnoxia habent, (& hinc etiam non omnia æquè patiuntur, & præfagiunt) vel, ut Beverus noster lib. 1. Meteor. quia instinctu & impetu naturæ in perturbationes & motus abripiuntur, quos in hominibus frænât & componit ratio. Per illam etiam causam expediri potest, quod narrat Plinius, Trifolium inhorrescere & folia subrigere contra tempestatem; affirmatque Jo. Porta, se

expertum lib. 10. Villæ c. 25. Nervi enim quibus folia ejus intenduntur, aut relaxantur, frigore & qualitate humoris contrahi possunt, & folia surrigere. Et sic etiam mirabile illud extrico, quod visum à se asseverat Rondelletius: Corio scilicet vituli marini ventorum mutationes indicari. Austro enim afflante pili emicant & inhorrescunt; Boreâ verò redeunte ita reflaccescunt, & inplanitiem desidunt, ut nullos esse putes. Hic deinde vapor rorulentus, supernè defluus, & tempestatum aut imbrium prodromus, omnium plantarum æstate, post Siccitates, odorem irritat; quod sæpè in Orvala sum expertus, quæ ante imbrem, aut vesperi, quando reflueret incipiunt rores, longiùs multò & incitatiùs odorem spargit.

Hæc eadem causa, cur fores acriùs strideant, ligna in igne crepitent, fungi circa lucernas concrescant ante tempestatem.

Cæterùm in periculo procellarum aut fulminis pulsantur campanæ apud Christianos; quia Benedictione vim quandam acceperunt ad abigendos dæmones, qui sæpè tempestatum auctores. Ventilatio etiam aeris avertere aut hebetare aliquantulum potest impetum fulminis.

## CAP. V.

### *De Meteoris supremæ regionis aeris.*

CUM exhalationes sæpè leviores vaporibus sint, haud dubiè nubes, & in supremam aeris regionem transcendunt, ibique in varias Meteororum imagines accendi possunt: quales capræ, trabes, bolides, faces, dolia, elypei, stellæ discurrentes, &c. Cave tamen existimare, hæc ita supremæ regioni affixa esse, ut similia, in media (ubi raræ in ea nubes, aut nullæ sunt) aut infimâ exoriri nequeant. Fax enim, inquit Plinius, Germanico Cæsare Lib. 2. cap. 26. gladiatorum spectaculum edente, præter ora populi, meridiano transcurrit. Alia etiam incendia non rarò ad terram veniunt: aded ut nuper lintea sub dium expansa Lovanii ustulaverint. Hæc autem quæ flammam usque ad terram ferunt, verisimile est, è propinquo rapuisse. Potest tamen.



tamen, ut è nubibus, aut supremâ etiam regione descenderint: ubi præsertim incendium vastum est, aut materia tenax & ignium tolerans. Ita olim inter acies Mithridatis & Luculli, cælo repente diffisso, ingentis dolus flamma, coloris argenti fusi, ait Plutarchus in Lucullo in terram de cecidit.

Omnia verò hæc Meteora, eâdem imagine & exemplo definiri debent: ut Capra saltans est *Meteorum supremæ regionis, figura & subsultus similitudinem habens veræ capræ saltantis*. Trabs est *Meteorum igneum supremæ regionis, sui materie in longum porrecta & jacens, habens imaginem veræ trabis*. Et ita in cæteris. Causa igitur eorum materialis, est exhalatio flammans: formalis, figura aut motus, qui proximum fundamentum similitudinis sit, cum re alia cujus Meteorum adoptavit nomen: finalis, purgatio aeris, aut Numinis & mortalium terror: efficiens, Sol & astra, aut scintilla aliqua alterius ignis exhalationem fortè incidens: attritus etiam & confricatio halituum; maxime, si suprema regio se & universa in se pendentia, cum cælo gyrat in orbem.

## ARTICULUS I.

*De Capra, Trabe, Pyramide, &c.*

**S**eneca fatetur ignorare se, cur Aristoteles globum squendam igneum, caprum appellavit. Sed ipse non fuit primus nomenclator, & à barbula & floccis circumpendentibus, lascivoque saltu, nomen sine dubio accepit. Flocci autem illi pensiles, partes exhalationis paulò rariores sunt, & in speciem lanarium floccorum intercisæ. Saltus potest esse verus, potest etiam tantum apparere. Verus erit, si spiratus rarior materiam densiorem identidem lever, & subito destituat, expediens se & evanescens. Apparens verò, si flamma corporis densior & uberior, illico se in barbitum, anteventulasque caproneas, & crinientes undique villos, ejiciat; & iis statim deflagrantibus & dissipatis, iterum se (idque sæpius interpolatis vicibus) in corpus exhalationis recipere appareat. Capram Lunari magnitudine visam, Paulo Emilio bellum adversum Perseum Regem Macedonum gerente

gerente. narrat Seneca. Nos quoque, inquit, vidimus non semel flammam ingentis pileæ specie, quæ tamen in ipso cursu suo dissipata est. Vidimus circa D. Augusti excessum simile prodigium: vidimus cum de Sejano actum ( id est, mors ei à Senatu decreta ) nec Germanici mori sine denuntiatione tali suis. Verùm non hæc omnia capris, sed quædam trabibus, aut facibus, cometisve elementaribus adnumeranda. De excessu Augusti, Dion. Sol totus defecerat, magna pars cæli ardere visa, signa ignita de cælo visa cadere, crinise & sanguinolensæ stellæ fulserant.

Trabs oblonga & jacens esse debet: aliàs si steter, columna potius erit. Trabem olim conspectam, cum Lacedæmonii classe victi, Græciæ imperium amiserunt, narrat Plinius. Et à fido teste nuper audiui, autumno Anni 1645, ingentem Trabis molem, intempestâ nocte ab occasu exortam, paulatimque ad cæli culmen evectam, Lunam clarissimè splendentem infusasse. De Trabe etiam admirabili Anni 1560. quæ per duas horas arsit, vide Gemmam lib. 2. cap. 2. Cosmog.

Pyramis ab aliis vocatur ignis perpendicularis, erecta autem hæc flamma apparet, latiorque in basi, sursum in conum & turbinem abit, describit eleganter, & simul causam talis figuræ scribit Jovianus;

Leve in acrium se tollit acumen  
Consurgens graviora suo se pondere ad imum  
Detrudunt, donec cunei sub imagine flammam  
Concipit, & rutilus micat inter sidera conus.

Sic etiam in lignorum & candelarum flamma, partes graviore infra alias fidunt, levioribus in pyramidis conum effugientibus.

Stipulæ ardentes fiunt, cum exhalatio longè latèque sparsa, & subinde relucens, speciem stipularum in agris flagrantium repræsentat.

Clypeus etiam ardens & in orbem scintillans, ab Occasu in ortum, Marianis temporibus, visus transcurrere, Plutarcho teste.

Fax nomen est generale, & in stellas discurrentes, & cadentes cadere potest. Plinius in lampadem, & bolidem dividit. *Lampas vestigia longa facit, priore parte ardente; Bolis* Lib. 2.  
cap. 269  
*vis perpetua ardens, longiorem trahis litem,* inquit: unde etiam

etiam patet, utramque appellationem in stellas discurrerentes & cadentes competere; nunc enim lampadis, nunc bolidis formam adoptant.

Stellæ discurrentes serenâ ferè solùm & sidereâ nocte visuntur. Non exploduntur è nubibus, ut cadentes, sed per materiam in supremo aere in longum expansam discurrere apparent; cùm reverà locum non deserant, sed flamma una alteram continentem accendat & suscitet: sic flamma candelæ ardentis, in lychnum candelæ extinctæ & adhuc fumantis, descendere videtur, ait Aristoteles, si hanc illi ita supponas, ut fumus in flammam incidat: pari modo ignis per stupam, aut pulverem pyrium, invitatus aut abreptus pabulo, imaginem præbet discurfantis. Non est autem planè necesse, totam exhalationem continuam esse; quia una pars aliam non longiter remotam per aerem intervallarem incendere potest; ut in stupa igni ferè attigua cernimus: sed in naphthâ evidentius; in quam undecunque visam transfiliunt protinus ignes, inquit Plinius. Sic Medea pelligem, filiam Regis Creontis, à Jasone superinductam cremavit, corona ejus sacrificantis naphthâ illitâ, & raptâ ignibus. Sed cur stella semper rectâ discurrit, cùm incredibile sit materiam flammæ nunquam in obliquum disponi! Respondeo, sæpius tortuosam esse; sed distantia obliquitatem celat, nec è longinquo apparet, ubi hinc inde semita divertit, & se torquet: vidi etiam hisce oculis non semel, stellas istas, non directo limite, sed hæc illac vagas & palantes, veluti etiam tractum tenuem à tergo relictum, statim se dilatare, & utrinque spargere.

Sed quæres iterùm: Cur semper transversim discurrunt? Nego id esse perpetuum; est tamen solemnius: quia si exhalatio rectâ sursum deorsumve commeat, & vertici nostro imminet, stare eodem loco defixam apparebit: si autem à vertice absit, ascendere aut descendere videbis: sæpius tamen descendere; quia à parte superiori & celestibus propinquiore exhalatio promptius incendium rapit: ibi enim levior, & purior magisque ignea, & vicina flammæ. Si etiam halitus dispositura horizonti parallela fuerit, & pars prima, media, & ultima æquali intervallo à terræ superficie distent; nisi

motus in verticem & zenith nostrum tendat, parebit ferè descendere in finem; quia linea recta altior oculo, parte illà semper depressior & propinquior terræ videtur, quæ propius ad finitorem accedit. Quantæ molis, inquires, oportet stellas istas esse, ut hinc eas conspiciamus? Respondeo, Satis grandis, præsertim si in altissima parte supremæ regionis sit inflammatio, quæ sententiâ Vitellonis, & ferè communi, 52. circiter Italicis milliariibus absistit à terra; quæ distantia est ter ferè longior, quàm semidiameter horizontis visibilis, seu linea quæ ab oculo nostro extenditur ad punctum in superficie terræ remotissimum, quò mitti à nobis visus potest. Nihilominus, quia fax in tenebris, etiam per totam illam horizontis visibilis semidiametrum, ex Pharo aliqua oculos navigantium facillè incurrit; non est necesse, multis partibus faces nostras amplitudine flammæ superari ab illis cœlestibus. Ratio est, quòd faces per tenebras noctis conspectæ, vicinum aera perfundant radiis, cerniantque se denso satis lumine, quod majori Solis jubare non dilutum, simul cum luce facis ad aspectum venit.

Sed alius præterea videtur esse stellæ discurrentis generationis modus; si nempe vero discursu se trajiciat; nec tamen nubes eam, ut stellam cadentem, extundat; quid enim verat, exhalationem, materiâ affluente & in nodum visco fortasse suo se alligante, gravatam pondere suo resuere? de talibus canere mihi jam videtur Virgilius;

— Cælo cœu sæpè refixa

*Aeneid. 53*

*Transcurrunt, crinemque volantis fœdera ducunt.*

Ecce enim affixa cœlo, deinde refigi, & transcurrere dicit, ergo flamma instar sideris veri eodem loco fixa primum conspiciebatur, deinde abiliit: & hinc est, ut puris & sidereis noctibus tam numerosos stellarum populos videre putemus; cum faculæ sparsim interlucens (quas postea refigi & delabi etiam cernimus) pro legitimis astris fallant.

Motus verò earum in fine plerumque tardior, vel (ut in pyrobolis nostris artificialibus) quia materia in fine delagravit, & spiritus ignei molem ferentes, partim exspiraverunt: quod verum est, si exhalatio se in cœlum

rectâ vel obliquè evibraverit, vel (si deorsum est motus) quia aer versus terram perpetuè occurrit densior, densiusque ac per lineas centro viciniore, ideoque propius sibi admotas, halitus aquei & terrestres in contrarium scandunt. Vel tertio, quia materia motu dissilit, aut rarefcit, ut pigrior in fine ad casum sit. Vel denique, si exhalatio à vertice nostro pari celeritate, & lineâ ad superficiem horizontis parallêlâ, abscurrat: ratione tamen opticâ retardari parebit, quo longius abiverit, motus, quia æquales portiones illius lineæ quam decurrit, minores videntur quò longius recedunt à nostro vertice.

Intelliges, quid velim, si magnæ alicujus aulæ tigna intabulato transversaria suspexeris, quæ enim directè supracaput sunt, ampliora lacunaria aperire & magis à se distare, quàm remotiora, apparent.

Quæres tandem, an columnam illam ignis Exod. 1. quæ 40. annos filios Israel traduxit per desertum, Meteoris igneis accenseamus. Franciscus Aguilonius lib. 3. Optic. nubi isti in imaginem columnæ ab Angelo conformatæ, putat ignem divinâ virtute infusum, prohiberi tamen urendi facultate, ut in rubo, & Babylonicâ fornace. Sed nil usustam insolenti miraculo. Exhalationes ergo flagrantes potius erant de materiâ Meteororum, quas Angelus singulis noctibus collecto novo supplemento reparabat.

Denique hoc præcedentibus auctarium adjicio. Stellæ discurrentes, & id genus transversos ignes, in prodigiis & maleficis signis habitos à Veteribus, & juxta cometas fuisse. Ostendere possum infinitis exemplis. Sufficiet unum à Poeta Pompeiano.

*Ignota obscura videntur sidera noctes,*

*Ardentemque polum flammis, caloque volantes*

*Obliquas per inane faces, crinemque tremendâ*

*Sideris, & terris mutantem regna cometam.*

Sed quantam hæc signa merentur fidem, dicemus in Cometis Libro sequenti.

*Lucan.  
lib. 1.*

ARTIO



## ARTICULUS II.

*De Galaxia.*

**A**ristoteles Galaxiam, seu circulum lacteum, permiscet Meteoris ignitis supremæ regionis. Parmenides, partes Firmamenti densiores, & ferè stellantes. Democritus legitimarum stellarum infinitam congeriem existimavit. Tres istæ sententiæ de veritatis principatu certant, cæteræ fabulares palam sunt: ut esse lac Junonis ore Mercurii in cæli pavementum abjecti effusum, aut partem illam ustulatam & signatam incendio Phaethontis; & alia id genus somnia: nec longè probabilior etiam Theophrastus, qui duorum hemisphæricorum compagem & commissuram, ac veluti cicatricem dixit: quasi scilicet Deus integrum Firmamenti orbem, per divisa hemisphæria, ut nostri tornatores solent, excavare, & deinde plumbaturâ ferruminare, debuerit.

Qui verò partes Firmamenti rariores & illac efflorescentem Empyreï lucem crediderunt, non tam inepti, veri tamen non sunt; ut à nobis dicenda satis docebunt.

Dico primò; Via lactea, non est congeries exhalationum in summa aeris regione incensarum. Ita Averroes, & passim omnes Peripatetici, qui deserunt hîc suum Aristotelem. Probatur duplici argumento. Primò, quia incredibile tam immensam exhalationum molem tot annis, circâ totum cæli ambitum, perpetuò eâdem imagine durasse: reliqua enim Meteora constantiam illam non habent, sed figuram infinitis modis evariant: deinde, quæ terra, quæ maria in quotidianum tot ibi deflagrantium exhalationum pabulum tam diu sufficiant? Secundò, omnes qui ubique & ab omni ævo de Galaxia scripserunt, easdem planè & circumcisè Firmamenti stellas intra eam includunt, & per Geminos & Sagittarium deducunt. Hinc colligimus, nullam pati aspectûs diversitatem sive parallaxim; quam tamen satis grandem experiremur, si in regione elementari infra Lunam, & non in altissimo æthere, haberet stationem. Averroes etiam fatetur, se Cordubæ in Hispania, & Marochi in Africa, in eodem prorsus Lactæ margine Aquilæ stellam adspexisse,

spexisse; quod in illa civitatum istarum distantia facere non potuit, si Galaxia intra Mundum Elementarem tam depressa foret, tamque insignem haberet parallaxim.

Sed dum hæc muginor, ecce prodit in lucem præclarum opus Eruditissimi Viri Fortunii Liceti, Philosophi Paravini, de Novis astris: in quo cap. 56. libri 2. contrahæc tela tueri & retinere conatur Aristotelem, animo quidem grandi & à me laudato, sed non pari eventu. Duas ab Aristotele Galaxias, unam coelestem, alteram elementarem, agnitas credit; coelestis est tractus ille cœli, infinitis stellulis, quas Aristoteles Sporades, id est, sparsas, vocat, instratus & luminosus. Præter hunc est, inquit, simillimus ei directè in regione elementari superpositus, è tenuissimorum halituum flamine contextus. Sed cur hic non subit aspectus diversitatem? Quia ait, tam rarus est ignis, ut vix, sine galaxia cœlesti, per eum Sporadum suarum radios trajiciente, sit visibilis. Verùm facile retrahi potest ex hac fuga. Nam quod vix videri potest, reverà videri potest; alias enim quo alio sensu, quàm visu, circulum illum elementarem deprehendimus? Itaque parallaxis sine dubio eum prodet; fierque ut galaxia elementaris nunc ab hac parte, nunc ab altera galaxiæ cœlestis appareat; cùm enim cœlestis galaxiæ margo qui prior oritur, prior etiam occidat; sequitur, alium marginem, post ortum ejus, spectare horizontem orientalem, & alium spectare occiduum, ante ejus occasum; cùm ergo & in ortu & in occasu galaxia elementaris infra cœlestem & horizonti propior, propter aspectus diversitatem, appareat; uno tempore infra illum marginem cœlestis galaxiæ, alio infra alterum erit quod affirmari sine risu non potest. Cur etiam flamma illa elementaris nunquam figuram hîc aut ibi turbat? cur pro copia aut raritate exhalationum ascendentium colorem non incendit aut relaxat? quæ causa materiam sub easdem semper stellas colligit? An vis quædam Sporadum magnetica, & spirituum attrahens? Sed nimis hoc quaesitum & metaphysicum est: ut quid enim pari semper mensurâ, cur non altius & in cœlum usque trahit? Adde, quidquid galaxiæ videmus, moveri, & quidem æquo passu cum sideribus cœlo adhærentibus; superna

verdaeris regio, aut non sequitur, aut tardiùs, cœlestes motus; Galaxia igitur in ea pensilis, relinquetur, parebitque singulis diebus, more Planetarum, aliquousque reciprocas in ortus.

Dico secundò; Nec Galaxia est pars Firmamenti perpetua & densior, quæ tanquam continua Zona cœlum cingat. Et quidem non cerni in ea Solem, ut speculo, scite refellit Aristoteles; quia cum in visione speculâri, angulus reflexionis angulo incidentiæ par esse debeat, non semper eodem modo Sol in galaxia appareret, quandoquidem non unum semper aspectum ad eam retineat, imò aliquando serenissimo & viridi cœlo non videremus; quia species Solaris à speculo ista reflexa, extra oculum nostrum caderet. Verùm nec esse partem cœli, quæ perpetuam sine interpolatione densitatem & lucem habeat, jam patebit.

Dico tertio; Galaxia est instar Zonæ innumerabilibus gemmulis, angustissimis distinguentibus intervallis intertextæ. Totam enim illam Viam ejusmodi sidereis lapillis stratam, nuper nobis arundo Batavica ostendit: Unde alia causa quærenda non est, ubi certam hanc habemus. Facile autem intelligi potest, quare unum & continuum Lac istud appareat, quia videlicet, etsi per singulas stellulas lux illa intercisa sit, & media spatia interpellent unitatem, ex longinquo tamen, nisi Telescopii beneficio, discerni non valet. Ita centum nocturnæ faces vicinæ sibi, sed tamen divisæ, imaginem procul aspectæ mentiuntur unius continui ignis, quippe intervalla breviora sunt, quàm ut distinctè cerni possint; & reguntur insuper aspergine vicinæ undique lucis.

Sed objicit doctiss. Licet; In capite Orionis, Præsepi, Pleiadibus, acervos stellarum, arundine illâ suâ faberrimâ, detexit nuper Galilæus; & tamen nullam ibi galaxiam representant. Igitur pars cœli continua est, non discreta stellatim. Sed hoc Galilæi inventum potius galaxiam nostram asserit. Nam nebulosa illa in capite Orionis, imaginem núbeculæ albensis habet, quæ non longè à Galaxiæ Lacte abludit. Est autem (quod antiquitas nesciit) unius & viginti stellarum nodus. Præsepiam, seu nebulosa inter duos asellos in imagine Cancr,

subal-

subalbida nubecula est, quàm concinnat 40. amplius minutissimarum stellarum cinnus. Veluti ergo hic unum confusum & nubilo quasi implicitum lumen, non intervalla siderum, cernimus: ita in galaxia usu venit. Ubi verò stellæ plures in uno grege, majusculæ sunt, ut in Pleiadibus, aliarum minuscularum interjectarum luculas offuscant; ut manifestè spatia media inalbare non valeant: sicque in Pleiadum coetu 6. aut 7. stellæ singulares & seorsum apparent, viridi aut cæruleo, non apertè lactescente, inter eas intervallo. Ita etiam Luna cum satis est illustris, & Cancro aut Sagittario admota, galaxiam infuscat, candoremque ejus, ut sæpè vidi, evanescere facit. Fieri etiam potest, ut minuta quædam siderum, ut sic dicam, puncta, sparsim per totum cœli fornicem collucentia, etsi plura fortè in gregem coe-rint, lucem tamen tam validam confundere non possint. quæ ad oculum sub imagine nebulosæ, aut galaxiæ, veniat, nisi juvante & rapiente speciem ejus tubo.

Sed petet curiosior aliquis, In quo præcisè & adæquate subiecto, est candor iste quem cernimus in Galaxia? Respondeo, In stellulis partim, partim citra ipsas in propinquo medio, ubi radios satis densos & uberes tri-cant & confundunt; hoc enim etiam modo, majorum siderum luces cerni, alibi docebo. Ego etiam in libello, quem de Cometa Anni 1618. cum Clar. Medico & Mathematico D. Thomâ Fieno, scripsi, huc illuc conjecturam meam versans & mittens, divinabam fortè galaxiam cingulum quoddam solutile esse, pluresque ejus gemmulas, quandoque in unam grandiore & novum aliquod sidus (quale famosum illud Cassiopææ, Cygni, &c.) confluere: quod etiamnum probabile existimo, cum fluctu tamen nunc majori, ut facile colliges ex libro sequenti.

Cæterum, Galaxiæ circulus perfectus non est, sed multis partibus dessectis & torquet, veluti semitz in agris alibi etiam duplex triplexve excurrit; ut juxta Olorem ubi latissimus. Verum etiam est, quod Aristoteles asserit intra quam extra Tropicos esse angustior: sed non firmiter inde collegit, ex halitibus contextam esse; quæ scilicet Sol inter Tropicos nimio ardore spiritus extenuat & absorbit, ut proinde galaxia ibi jejune & maligne

alatur. Verum hac ratione, autumno & aliis partibus Anni, quando densius ascendunt exhalationes, oporteret galaxiam ampliore & uberiore fieri: sicuti tum etiam cætera ignita pleniora sunt, & magis frequentantur.

Si verò me interroges, Cur extra Tropicos galaxia amplior? Dic tu mihi antè, Cur in hac quàm illa cœli parte plura aut illustriora sidera defixerit Deus? Prior demissis capite abibis, ego deinde sequar: Quam multorum enim fines nos latent! Posidonius tamen, ne hic obmutesceret, Extra Tropicos, inquit, galaxia major, & densiores stellarum greges sunt, ut regionum illarum frigus & rigor sideribus minoribus molliretur, quando Sole non satis possunt. Quod non perinde ridendum, ac istud Plinii lib. 18. c. 29. *Circuli Lactei defluvio, velut ex ubere aliquo, sata cuncta lactescere, duorum siderum observatione, Aquilæ in Septentrionali parte, & in Austrina, Caniculæ.* Quæ tamen verba ad probabilitatem aliquam etiam reduci possunt, si vicinæ galaxiæ sideribus, similem Aquilæ & Caniculæ influentiam tribuamus.

Hoc denique bellum satis nec insuper habendum, quod Josephus Acosta lib. 1. Hist. Ind. 2. sæpè aspexisse & admiratum se dicit: Circa polum Australem, galaxiam mirificè splendescere, multisque locis, maculis ferrugineis, instar Lunæ deficientis, distinctam esse; fixasque & immobiles eas perseverare. Quid autem ex sunt? Dic, partes cœli sine sideribus transparentes, aut plurimas fuscæ vel subrufi luminis stellas colligatas in unum nodum.

Finio, si id etiam accipis. Alia præterea, veluti circuli Lactei segmenta, dispersa esse aliis quibusdam cœli regionibus, extra famosam istam, quæ totum ambitum suum implet, galaxiam: hinc quidam tres aut quatuor galaxias memorant: definiri verò illa potest: *Circulus luminosus, ex minutissimis Firmamenti sideribus concinnatus, ipsumque per Geminos & Sagittarium in duo hemisphæria dividens.*

Igneis supremæ regionis Meteoris Aristoteles etiam Cometas permiscuit: sed tractatio eorum plenior est, quàm ut hujus Libri modus eam capiat. Itaque in totum Librum tertium diffundemus,



LIBERTI FROMONDI  
 Meteorologicorum  
 LIBER TERTIUS.  
 De Cometis.

**P**AUCA de Cometis à Veteribus cum magnâ cura scripta habemus. Serò & serò magis hanc rem aggressi Regiomontanus in Cometa Anni 1475. Vogelinius in altero Anni 1532. Gemma Phrygius, & filius ejus Corn. Gemma. Sed parum adhuc effecerunt, si cum sequentibus componantur, & præsertim cum Tychone Braheo, de Nova stella Cassiop. & in Cometa Anni 1577. Post & cum ipso infiniti alii prope modum turmatim concurrerunt, ut ex hoc mustaceo etiam ipsi laureolam peterent. Sed plurimos excitavit Cometa ista nuperus Anni 1618. de quo Keplerus, Snellius, Cysatus, Clariss. & Ampliss. Vir D. Eryceus Puteanus, Clariss. Vir & Academiæ nostræ Archiater D. Thomas Fienus, cujus onerariæ ego cymbam meam alligavi, & sine fere numero alii; Sed novissimè, & satis ampliter Eruditiss. Vir & Clar. Philosophus Patavinus, D. Fortunius Licetus, & Doctiss. ac Clar. ejusdem Academiæ Mathematicus D. Jo. Camillus Gloriosus; & ante eos paulò, Clar. Viri, & præillustres Equitis, Scipionis Claramontii Antitycho. Qui tamen omnes in varias sententias abièrunt, & litem adhuc in plerisque sub Judice reliquerunt. Nos, quod verissimilius post tot illustria ingenia, & fortissimas rationes, subterhabitis (ne Liber hic supra aliorum molem monstròse se inflect) levioribus, in synopsis & aspectum dabimus.

Primo autem de causa Cometarum materiali ac formali, deinde efficiente & finali, denique de affectibus & præstigiis agemus. Quia verò definiri materia Cometarum, sine loco generationis eorum, non potest; ideo de isto in antecessum aliquid.

## CAPUT I.

*De loco generationis Cometarum.*

## ARTICULUS I.

*Cometæ quidam caleſces ſunt, ex minima quorundam  
parallaxi.*

**H**Oc enim à Mathematicis, & præſertim Tycho, & Keplero, nuper ſic probatum; ut pudeat non credere. Multis verò argumentis id conficiunt; ſed unum validiſſimum eſt, & ſine quo fortasſe alia contemni aut eludi poſſunt. Id verò eſt parallaxis, ſive diverſitas aſpectûs; quâ colligunt, ſidus, aut quodvis aliud in aërè pendulum, eò altius à terræ centro elevatum eſſe, quo minorem habet parallaxin. De parallaxi autem tota in Libris de Cœlo, Deo dante, plenius dicemus: nunc, ut ſine figura Mathematica (cujus exemplum tantisper à Tycho, aut Clavio in cap. i. Sphæræ) ſumere, ſi lubet potes, Minervâ ſaltem pingui, quantum ferè jam ſatis eſt, capias.

Nota, duplici viſu invenire poſſe Cometæ parallaxin.

Primò, ex eodem loco terræ, conſiderando Cometam in duplici ſitu; uno elevatori, & altero depreſſiori. Cometa enim qui circa Meridianum, v. g. alicui Stellæ fixæ junctus apparet, divergendo cum ipſa verſus Occaſum, paulatim magis magisque ab ea elongatur, ſi longè infra eam in aërè pendeat, adeò ut linea viſus, Cometam tranſfigens in partem Firmamenti infra Stellam fixam caſura ſit, cui tamen circa Meridianum propinquiſſimus Cometa apparebat: unde Cometam viciniorem horizonti, quàm Stellam judicabis. Axioma enim perſpectivum eſt, Cometam eum ſidus ſemper à parallaxi deprimi. Quod ut oſtendant expreſſius, præter lineam loci viſi (quæ à centro oculi per cometam, in octavam ſphæræ tendi debet) aliam loci veri imaginantur; quæ à centro terræ iterum per cometam in ſphæræ octavam tranſit, ſi cometa citra aut ultra Meridianum fuerit, duæ iſtæ lineæ ſe interſecabunt in centro ejus, modò tamen etiam cometa humilior Stellis fixis ſit. Angulus autem interſectionis eò obtuſior & major erit,

magisque locus visus à loco vero distabit, quò cometa terra vicinior erit.

Secundò, è duobus locis distantibus, ut v. g. Lovanio & Pragâ, eodem temporis articulo, aspiciendo Cometam. Si enim dependeat in aere longè infra Lunam, radii visus aspicientium, qui se in Cometæ centro decussabunt, per valdè sensibilem distantiam divaricabuntur, & à se abibunt, antequam ad fixarum orbem perveniet, unde ipsi eundem Cometam sub diversis Firmamenti partibus conspicient. Facile me intelliges, si pilam è fornice templi paulò profundius in aere pensilem cogites: & à duobus simul conspici ex oppositis templi angulis. Pila enim ista uni aliam forniciis partem tegere videbitur, quàm alteri.

Hæc facula tibi sic leviter accensa, sublustriora quæ jam ostendam, faciet.

Dico Primò: Multi Cometæ minorem quàm Luna parallaxin habent; ergo altiùs à terra elevantur, & inter cœlestes Planetas curricula habent. Sequela est evidens intelligenti parallaxin. De antecedente est totum dubium. Sed probatur in Cometis Annorum 1577. 1580. 1585. 1590. 1593. qui in Tychonem observatorem, rerum cœlestium, quotquot à Ptolomæo huc usque vixerunt, consultissimum, insiderunt. Nec Rothmannus etiam, Wilhelmi Lantgraviz Hassiæ, & insignis etiam Mathematici, Mathematicus, Mæsslinus Mathematicus Tubigenfis, alique plures, qui, omnes à se ad examen parallaxeos vocatos, reppererunt, quàm Lunam, habuisse minorem. Idem fortiter & impressè in Cometa Anni 1607. & 1618. asserit Jo. Keplerus, Mathematicus Cæsarius, & discipulus Tychonis idem Clarissimi & Præstantissimi Viri, Thomas Fienus, Erycius Puteanus, Cysatus, Snellius, Piso, Rhodius, &c. tunc judicaverunt. Pauci tamen, in veteri de Cometis tantum ignitis opinione defixi, nihil se moverunt; quorum aliquos videbitis articulo sequenti.

Dico secundò: Nova sidera sine cauda, sine barba, sine ullo crine, omni ævo, in cœlo inter sidera etiam fixa nata sunt: quidni caudata etiam, barbata, crinita possint? Antecedens per varias historias deduci potest. Septima Pleiadum tempore Homeri, aut belli Trojani, nulla fuisse putatur, cum sex solæ, Iliad. 2. in poculo Nestoris insculptæ fuerint.

fuerint. Postea tamen Simonides apud Athenarum lib. 11. M. Varro, Plinius, & omnes passim septem effecerunt; septima tamen iterum jam excidit: nam Telescopium Galilæi nuper eam cernere non valuit. Verum non existimo Pleiadum gregem unquam senis astris fuisse numerosiorem. Fabula verò de septima, nata ex errore & allucinatione oculorum; cum enim lubrici admodum & lascivi sint luminis, angustissimisque discernantur intervallis, oculis in earum distinctionem intentus, & aciem brevissimo trajectu ab una in aliam versans & commutans, facile speciem alterius, in medium inter duas proximas spatium, secum defert, putatque septimam, aut quandoque etiam octavam cernere. Id ita habere, experimento cujusque (certè tamen meo) constare potest: nam aliquando septem, & paulò post sex, & iterum septem aspicio: minora etiam quædam sidera, quæ numero 40. vicinissima Pleiadibus numerat Galilæus, aliquid fortasse adferre possunt (sed vix credo facere) ad illius septimæ speciem.

Certiora novorum siderum exempla, inter omnia quæ celebrantur, sunt, illud quod Hipparchus suo temporeprehendit, ut lib. 1. cap. 25. narrat Plinius: deinde famosum Cassiopæe Anni 1572. de quo tam multa Corn. Gemma noster, & Tycho Braheus: tertio, quod Anno 1604. in Sagittario fulsit: quartum Anno 1600. pectori Cygni enatum, etiamnum aspicimus. Hæ omnes stellæ sine parallaxi, & orbi fixarum insertæ & inoculatæ fuerunt; quandoquidem pari cum ipsis passu, eodemque loco defixæ inaccesserint ab Ortui in Occasum. De quibus plura admetiri, in Libros de Cælo differimus. Sed vide ut argumentum illud à parallaxi infringere, aut eludere quidam conati.

## ARTICULUS II.

*Argumentum Parallaxeos frustra eludunt Scaliger, Clavius, Ramontius, Galilæus.*

Scaliger Exercit. 79. confitetur, Cometas quosdam minorem subire parallaxin, quàm Lunam, etiam si illi longè infra ipsam in aere pendeant; quia Cometa, ait, sequitur naturam & motum sideris, quod exhalationem attraxit, & suspensam tenet. Sed vide, quomodo Rothmannus in Cometa

Cometa Anni 1555. eum tractet. Verum enimvero, inquit, me Scaliger, hac sua subtilitas (quo honore aliquoties Cardani subtilitatis dignatus) scitica digna est. Homerum, optimum & ab omnibus probatum poetam; consummioris Græculum appellas; hic quo nomen appellamus? Sed idem contra ignorantem principia non sit disputandum, ut prius Mathematicis corripendum & erudiendum tradam; ut ab iis discas, quid parallaxis sis, & unde. Hæc si didiceris, facili mihi tacum contentis eris, quantum ipse errarem tuam pudorem usque agnoscas, nec Cometas supra Lunam, in sphaeris Planetarum, barere negabis. Nimis tamen severè hæc & acri dente. Mirum tamen est in tanto Vico, nescivisse, quid parallaxis. Alicubi, recordor, Erasmi nostrum, totius nature ignarum facit; certe ipse Mathematicarum (quæ tamen necessariæ Philosopho) parum gnarus fuit. Videre enim, quoties A, B, C, D, & mathema aliquod in Cardano occurrit, ab eo, ut à vivis carbonibus, abstinere manu. Neque tamen per hæc summi viri magnitudinem detrectare est animus: sed Philosophos monere, quàm sine Mathematicarum rudis saltem fidei merito, facilis sit in errores inexcusabiles prolapsus. Dialogus etiam, Problema, qui de gravium ac levium motu; Puerpera, qui de anima, non significat tantam in Erasmo nature ignorantiam, quantam ei Scaliger offundit.

Sed ad diverticulum, & demus (quod non ex animo tamen facio) Scaligeno, astrum aliquod vi magneticæ Cometæ in aere suspensam gubernare poterit certe, ne à recto tramite aberret, corrigere, non eripere parallaxin, ut intelligenti definitionem parallaxis liquet. Fac enim à fidibus fixis ad Lunam unicum continuum & rigidum orbem esse, cui universa omnium cælorum astra infixæ sint; non ideo Lunam minorem, quàm nunc, sentiet parallaxin. Si enim à Meridiano cum aliqua stella octavi orbis directè superposita, in Occasum declinaverit; statim diduci ab ea apparebit, & aperire parallaxin: si ergo cometa infra Lunam est, regatur, non regatur ab aliquo astro duce, quod excelsius sit quàm Luna; fieri tamen omnino nequit, ut parallaxis ejus sit Lunari minor: in quo deceptus est Scaliger. Verum majus negotium facessit Scipio Claramontius qui duobus libris Antirychonis sui, cometam Anni 1577. quem Tycho tot rationibus in ætheria regione supra Lunam firmaverat, in aërem retrahit. Parallaxin enim

Lunari



Lunari ampliorem habuisse, ostendere conatur, Tycho-  
nemque nunc calculum malè ponere, nunc refractionem,  
quæ parallaxin turbabat, non satis considerasse, & id genus  
alia: quibus non pauci credituri fortassis erant, nisi Ke-  
pleri Hyperaspistes Claramontio maturè abrogasset fidem.  
Innumeros ejus numeros & computus, infinitum sit, nec  
pro modo hujus Libri, conari refellere, melius quàm equi-  
dem possum, & egregiè id egit Keplerus: quem adi, si lu-  
bet, in Hyperaspiste. Hoc solùm addo: Nisi Tycho-  
nis organis & faberrimo illi Sextanti credimus, omnium fides  
abjicienda erit. Nemo enim à Ptolomæi temporibus, aut  
fortè nunquam, fuit, qui majore curâ rem istam machina-  
lem curaverit. Ex ære etenim solidissimo, & ingentis  
magnitudinis, ut omnibus etiam minutis sat ampla & justa  
spatia aperiret, machinas fabricavit. In Geometria etiam  
& Astronomia, sui temporis facilè Princeps fuit; & eâ re  
à Diyo & Augustissimo Imp. Rudolpho ex Dania in Bohe-  
micam aulam advocatus. Nec fuit etiam tam infans Tycho,  
ut nesciverit refractiones attollere sidera, quæ parallaxis  
deprimit; vel eas in observationibus suis, ubi fortè paral-  
laxin aliquid interturbarent, non attenderit. Itaque, sicuti  
in constituendis distantis, & ordine Planetarum, quem  
deinde adfirmavere Eclipses, parallaxis valuit; non video  
cur eadem etiam cometas cum Planetis componere & or-  
dine eorum statuere non possit.

Unde nec nobis contemptus Bodini satisfacit, quo hac  
solum ratione ætherios cometas abjicit, quia doctrina pa-  
rallaxium incerta est, inquit, nec ulla earum differentia re-  
peritur supra Venerem. Non enim tam incerta & fallax est,  
modò à Viris eruditis, & concinnis organis administrata  
fuerit. Nec verum etiam illud, quod de Venere adjicit.  
In Sole namque & Marte manifestum est discerniculum  
parallaxis.

Sed istos dimittamus. Guiduecius ex Magistri sui Galilæi  
sententia aliter eludere hoc argumentum parallaxeos niti-  
tur: sed nititur tantùm, non facit. Ut parelii, halones,  
aut irides, inquit, sub cœlo sunt & ferè apud nos; tamen  
nullam in iis observamus parallaxin: quidni idem esse po-  
terit in cometis sublunaribus? Aliquid & multum diceret,  
si cometa (quemadmodum halones) lumen Solis essent,

per totam nubem vel ætherem sparsum, quod aliud aliudve in distinctis partibus nubis è disitis terræ locis appareret; nam quod halo parallaxin non videatur pati, sed semper eodem ambitu sidus medium coronare, sive sidus altum, sive depressum sit, causa est, quia non idemque halo est, qui à Meridiano, cum sidere versus occasum descendit; alias, si idem perpetuò foret, juxta horizontem occiduum maxima parallaxi sidus non jam amplius in ejus centro, sed supra ipsum totum, aut longè vicinius segmento superiori appareret. Cometa verò non est talis *μφορις*, seu Meteorum apparens; sed *ωδρασις*, & corpus lucidum, quod sine comite sidere, idem transfertur de loco in locum, cum motus ei sæpè sit à Meridie in Septentrionem, aut retro; quò sidus cœleste nullum motum dirigit.

Eodem modo se expedit, & aberrat (ut jam recordor) Eruditiss. P. Dominicus Bannes 1. par., quæst. 66. Art. 1. in difficultate novæ stellæ Cassiopææ: quam in aere sublunari (ne cœlos fateretur corruptibiles) pependisse, nec parallaxin, ut in halone, notari valuisse, satis diffuse, propositâ etiam imagine, docet.

### ARTICULUS III.

*Cometæ quidam cælestes etiam esse colliguntur, ex motu proprio sub eodem circulo maximo.*

Ita colligit Tycho, aliique post eum, Quis enim existimet flammeum cometam aeri supremo, ut infimo solent ignes fatui, innatantem, tam composito proprio motu incedere, ut vix latum, ut sic dicam, unguem abeat à tramite circuli maximi, totum cœli fornicem in duas partes æquales dividente? Tot namque halitus jugiter summam aeris regionem incurrentes, vix potest, ut non frequenter eribrent, & fluctu etiam aliquo jactent, cometasque aeris circulo incepto depellant. Sed accurrit Claramontius, & primò negat motum proprium Cometarum per circulum maximum circuire. Verùm facile repellitur, si sidera fixa observentur, sub quibus cometa Anni 1618. per Libram, Bootem, & Ursam erepravit in circulum Arcticum; semita enim illa, ut hic Lovanii tunc notavimus, vix, nisi paululum fortè in fine, exerravit, à segmento circuli majoris. Idem

Lineis

Lincii in Austria Keplerus, Ingolstadii in Bavaria observavit Cysatius : & cum etiam sub eadem astra singulo quoque die direxisse cursum, ab universis tantâ locorum intercapedine distitis, visus sit, non potuit, nisi exiguam admodum, subiisse parallaxin Similem in circulo maximo, contra raptum primi mobilis, reciprocationem habuit Anni 1577. Cometes, singulorum enim dierum segmenta, protracta eandem per mediam cœli curvaturam, ad Eclipticam habuerant inclinationem, ut olim ostendit Tycho : reclamante tamen postea Claramontio, sed compressit eum Keplerus. Secundò tamen, ne nimis sit pertinax, dat Claramontius, motum ivisse sub circulo majori ; nec propterea tamen cometam inter Planetas in æthere fuisse, & rationem affert, quæ plurimum ingenii habet, sed parum veritatis. Omne grave, aut leve, inquit, circulariter motum, necessariò per circulum maximum movetur : quia grave directè semper aspicit & nititur in centrum, leve directè surrigit se à centro in mediam sphæræ curvaturam. Ita enim verba ejus, pauca & perplexa, explico. Itaque Cometa in summo aere pendulus, aliquantulâ, quam adhuc retinet, gravitate, terram lineâ despicit, quæ rectà tendit in centrum ; unde si circulariter impellatur, in circulum majorem ibit, qui totum terræ globum, & ( quod inde consequariûm est ) cœlum ipsum videatur secare in duo hemisphæria. Sed quàm id non sit necesse, ex omnibus cometis patet, qui raptu primi mobilis, nunc Æquinoctialem, id est, circulum maximum ; nunc parallelos ad alterum Tropicatorum declinantes, id est, circulos minores, describunt : quæ autem ratio est, cur gravitas potius motum eorum proprium per circulum maximum dirigat, quàm motum raptûs, ab aere ( ut patet ) cui inequitat, communicatum ? quando cometa Anni 1618. à Tropico Capricorni ad Æquatorem motu proprio venit, cur ibi non adhæsit, circulumque illum eundem maximum identidem repetiit, non interfecando eum, & pedem ultra promovendo versus Cancrum, usque ad ipsum etiam Arcticum polum ? Sic enim Jo. Baptista Benedictus Epist. ad Andr. Provanam docet, Navim in mari versus Æquatorem semper declinare & remotis terræ impedimentis eò delapsuram, perpetuè ibi circuituram globum : Quamq. iam nondum in-

intelligam quomodo id futurum sit; etiam si terra tota obruta sit aquis, & aquæ elementum raptum primi mobilis sequeretur ab Ortum ad Occasum. Quæ enim causa moveret navem ad Æquinoctialem & mediam illam globi aquæ curvaturam adduceret? Aqua enim à Tropico Cancris, v. g. eò, naturali gravitatis impetu, non deflueret, cum nulla ibi lacuna, neque aqua centro, quàm sub Tropico, vicinior futura sit. Itaque unda navem sub Tropicum circumducit; neque inde, nisi vento aut aliâ vi expulsa discedet. Sed *impetus naturales corporum motorum, semper in superficiebus circularum majorum sunt*, ait Benedictus. Sit ita sane, verum motus ille navis sub Tropico ab aqua vehente, naturalis non est, non enim est descensus quidam; cum toto tempore periodi retineat parem distantiam à gravitatis centro. Fateor aliàs, motus naturales gravium & levium, fieri per circuli majoris diametrum, si recti sint, (lapis enim directè in centrum cadens, ab uno puncto cœli recedit, tenditque in aliud directè oppositum) si verò ab impedimenti obliquitatem aliquam contrahant (ut cum lapis per recti planitiem, vel æquabilem montis devexitatem prolabitur) diriguntur necessariò sub ejusdem majoris circuli circumferentiam. Sit enim mons, qui à Septentrione devertat in Meridiem, grave è vertice demissum, sub Meridiano (qui circulus major est) decurret, eique motu suo subtendet veluti figuræ ovalis segmentum. Ratio est, quia nititur, quàm rectissimè potest, ad centrum.

Sed hæc neque Benedictum, neque Claramontium vel hilum juvant; nisi ille ostendat Oceanum sub Æquatore esse depressiorem, (quod quidem tamen affirmant, quia plures ibi vapores Sol servidus & torrens attrahit) quàm sub Tropici: hic verò, aerem supremæ regionis, in quo natat cometa vel ipsam cometam densiorem gravioremque esse aere ad quem motu proprio fluit, aut leviolem: sed tunc motus proprius non erit circularis (qualem tamen Claramontius statuit) verum rectus sursum aut deorsum, vel trajectorius & transversalis. Itaque sicuti motu raptu cometa sub polo Arctico brevem circellum circa axem Mundi, cum eodem semper ad centrum terræ respectu circumcurrere potest; ita quantum est ex parte gravitatis aut levitatis ejus, nil vetat quin motu proprio ab Occasu

v.g. ad Ortum eundem circulum conficere valeat. Finio igitur, & statuo prob. biliter, Cometas illos tam composito nec fluctuanti sub eodem circulo maximo, motu proprio labentes, in regione ætherea, non tam turbidâ & vacillante quàm est illa sublunaris, circumagi: aut si ibi etiam exhalationes sunt, quæ ætherem quandoque fluctuant, non potest ex tanto intervallo error, quo cometa à circulo maximo excidit, notari.

Adverte etiam, si cometæ proprius motus (ut plerique hactenus existimaverunt) apparens tantum sit, & instat stellæ discurrentis; parte scilicet unâ exhalationis alteram invitante, & rapiente ejus flammam; vix probabili colore defendi posse, motum istum leges circuli majoris observare, nam exhalatio & novus cometa inflammandus à veteri, non solum antè, sub eodem circulo majori disponi, sed etiam ad latus utrimque, & undique potest materia illa circumfundi. Igitur verum potius in cometa, etiam sublunari, morum agnoscere oportet. A qua verò causa fiat, & an circularis sit, infrà dispungemus. Si autem ab Intelligentia aliqua esse (& huc etiam satis inclinat Tycho) quis affirmet, facile sic per circulum maximum ibit; sed versari eum in elementari regione, statim parallaxis prodit. Vides ergo, parallaxin unicum pænè fulcrum esse, quod Tychonis & recentiorum de cometis cœlestibus opinionem sustentat. Nam etiam sine ulla Intelligentia Cometæ elementaris morrice, defendi posse ejus apparentem sub circulo maximo progressionem (modò trajectory, non circularis sit) postea ostendemus.

Quid ergo hoc toto Articuli circuitu effecimus? Hoc. Si motus Cometarum proprius, circularis est, quod Claramontius, cum Tychone, & aliis statuit; non iturum sub eodem circulo maximo, si in elemento aeris turbido & vacillante pender, nisi Angelus eum ducat & gubernet. Si verò motus ille transversalis sursum est, & trajectory, magis tamen etiam obnoxius turbationi erit, proniusque à circulo maximo decurrere apparebit, si in aere, quàm si in æthere sit.

ARTIC.



## ARTICULUS IV.

*Ex Ortū & Occasu Cometarum colligi, quosdam saltem supremam  
aeris regionem longè excedere.*

**L**ibro primo, ex Vitell. & aliis, altissimos terræ halitus qui videri à nobis possunt, 5000. passuum, id est, 13 ferè mill. Germanica non excedere diximus. Verum statuamus, inquit doctissimus Cysatus lib. de Cometa Anni 1618. cap. 3. ad 20. milliaria Germanica illam altitudinem extendi, & cometam elementarem tantâ intercapedine à nobis abesse, fac deinde oriri: totum arcum visibilem, quem supra horizontem nostrum describit, duarum horarum spatio percurrit, nec cum amplius illo die videbimus, quod de Cometa Anni 1618. & plerisque aliis ridiculum, & contra sensum communem est: cum pluribus longè horis conspici fuerint instar legitimorum siderum, & adhuc sine occasu ex oculis evanuerint, suppressi abundiori luce orientis Solis. Tam brevi autem tempore occasurum, ostenditur ex eo quod vix ad 6. milliaria Belgica visus noster in superficie terræ se extendat. Et licet nubes, & supremam aeris regionem, finemque altissimarum terræ exhalationum aliquantum ultra illam distantiam cernere valeamus; arcus tamen nobis conspicuus circuli, distantia 20. milliarium Germanicorum à terra, descripti, tantus non est, quin duabus solum horis percurri poterit: nam 24. graduum, & 24. minutorum est; unde unâ horâ & 48. minutis absolvetur: quandoquidem integrum circulum 160. graduum tempore 24. horarum exambiat. Itaque duabus & viginti amplius horis, ex illis 24. reliquis, conditus infra horizontem visibilem, abditos circuli sui arcus decurret: transvolabitque per apertam nobis cæli faciem, ut nubes propulsa ventorum flabris solent, unius alteriusve horæ spatio. Quod autem astra inter ortum occasumque tam diu supra horizontem, & in oculis nostris iter agant, causa est penes ingentem eorum à terra distantiam, quod enim longiori intervallo circuli circa terram describuntur, eò majores arcus visibiles nobis ostendunt. Deinde linea etiam, ut vocant, visualis, ab oculo emicans, à puncto terræ longissime dissito quem videmus, infra istam terræ curvaturam perpetua

perpetuò descendit; quia origo ejus ( id est, noster oculus ) elevata est supra terræ superficiem, altiorque est puncto illo remotissimo quem destringit. Et hinc quò longius versus Mundi circumferentiam educitur, eò prolixius infra horizontem, quem in terra nobis circumscribimus, decurrit.

Unde quia multi cometæ parem cum astris supra horizontem moram traxerunt, probantur etiam non inferiorem habuisse altitudinem.

Hinc etiam patet, quàm meritiò posteriores Astronomi, ut Regiomontanus, Vogelinius, & alii, qui cum Aristotele nostro omnes cometas sublunares existimabant, tot tamen eos milliaribus à terra removerint. Nam Regiomontanus Cometam Anni 1475. novem terræ semidiametris, sive, ejus computatione, 8200. milliaribus German. Vogelinius Cometam Anni 1532. millibus passuum 686. Germanicis verò milliaribus ( quorum singulum quodque 4000. passuum habet ) 1771 attollit. Hæc autem excelsitas omnes halitus illos solemnes & crepusculorum lampades longè infra se relinquit.

## ARTICULUS V.

*An Aristoteles Cometas caelestes, & novissia in Cælo astra, quandoque gigni existimaveris.*

Ita putat Eruditiss. Licetus lib. 1. de Novis astris, c. 41. ex lib. 2. de Cælo cap. 7. ubi Philosophus ait, *Stellæ esse ex eo corpore, in quo lationem habent*; Ergo fiunt quandoque novæ ex materia ætheris, vel orbium in quibus moventur. Nam stellæ illæ veteres, coævæ sunt suis orbibus, non factæ ex aliqua eorum parte. Secundò & clariùs cap. 8. *Astra esse spherica consentaneum est mihi*, inquit, *generanti ea ex ali corpore, id est, cœlesti*. Vides ergo, ait Licetus, astra quædam generabilia esse: non autem æterna illa, sed alia ex materia cœli subinde concinnata. Vellem hæc esse vera, & Aristotelem trahi posse in consensum, sed vereor, frustrà tentari. Quis enim non videat, hæc ingeniosè quidem, sed anxie acquisita ad illinendum ori Philosophi hunc colorem? Sine dubio enim loquitur de omnibus Astris, etiam illis antiquissimis, quæ semper in cælo suspicimus; hxc

hæc autem constare dicit materiâ suorum orbium, quorum sunt partes, sequæ ea generare, id est, genita docere, ex corpore, siue materiâ cœlesti, non tamen sic ut pars aliqua cœli rarior densata fuerit in astrum: sed astra cum cæteris orbium partibus genita sunt ab æterno (Aristotelis, & falsi mente) actione eductivâ, ut loquimur; quam sæpè generationem vocamus, licet per eam nulla materia præexistens, à privatione ad formam transeat: quod accidit, quando materia nullo reali momento temporis formam suam antecedit. Hæc ergo loca non sufficiunt ad infuscanda clarissima testimonia Aristotelis, ubi toties cœlum clamat quintam essentiam, ingenerabilem & incorruptibilem esse: probatque, quia tot jam annorum circuitibus nulla generatio, nulla corruptio, nulla accretio, nulla detractio animadversa in sideribus.

Nec alia loca quæ Licetus affert pro Cometeris cœlestibus premunt acrius.

Primò, Lib. 1. Meteor. cap. 1. affirmat Cometas oriri in loco lationi siderum maximè vicino: igitur non in suprema aeris regione, inter quam & cœlum interjecta est ingens profunditas Elementi ignis, inquit Licetus.

Sed id palàm à mente Philosophi abit. Cometeris enim Galaxi in & cæteris partibus, ignitas imagines jungit, quas pariter in eodem loco sideribus maximè propinquo nasci fecit, nec tamen eas, sine dubio, supra totum aeris Elementum extollit. Itaque summum aeris fastigium, ad motum proximè sideribus dixit, aut quia nondum determinaverit, an aliquod ignis Elementum interjectum esset, ut putat Vicomercatus; aut quia inter regiones Meteororum feraces, illa est maximè contermina sideribus; aut denique, quia nullum aliud sub orbe Lunæ, Elementum ignis credidit, quàm aerem fumosis & ardentibus telluris expirationibus scatentem ut Lib. 2. docuimus.

Secundò, Lib. 1. Meteor. cap. 7. Quando, inquit, in inferiori loco principium consistentiæ fueris, per se apparet Cometes: quando autem sub astrorum aliquo errante vel inerrante confliseris exhalatio, tunc Cometes sit horum aliquod. Ubi duplicem Cometam videtur distinguere, unum solitarium, procul à sideribus, in regione elementari infra Lunam; alterum supra Lunam, immediatè circa aliquod sidus, quod exhalatio crinit. Sed hoc

hoc intemperamentum evertitur proximè sequentibus. Non enim, inquit, apud ipsa astra coma fit: sed quemadmodum area circa Solem & Lunam, &c. Sicuti ergo area, siue halo, non in cælo, sed in nubibus vel aere est: ita coma illa & crines qui astris fixis, aut errantibus quandoque sparguntur. Discriminat tamen hanc comam ab area: quod hæc per *ἀντανάλωσιν*, siue reflectionem, à nube aliquantum distans, cum speculo, coma verò non sit lux astri visa reflexa in nube, sed color ipsius vaporis aut exhalationis mixtum cum radio sideris quem incorporat & bibit. Cum autem Aristoteles ait: *Tunc comeses sit horum* (siderum fixorum aut errantium) *aliquid*: significat ipsum astrum induere cometæ similitudinem, quia à supposita, in aere longè inferiori exhalatione videtur criniri. Sed quid ergo postea addit? *Quando juxta stellam facta fueris talis coneratio, eadem latiore necesse est apparere movere cometem, quàm stellam*: cum autem, per se seorsum conspiceris, tunc videtur relinqui: talis enim est latio Mundi circa terram. Putat Doctiss. Licetus clarissimè indicari genus unum cometarum juxta & inter sidera in ipso cælo, quod careat parallaxi, ideoque pari passu videatur incedere cum vicino astro; alterum verò, quod in aere profundissimè infra cælum versetur, relinquaturque motu siderum, & latam ac evidentem patiatur parallaxin. Vicomercatus autem, & alii plures hanc formant sententiam: Cometæ, cum juxta sidus, id est, altissimè à terra elevatus, & intra ipsam ignis sphaeram, videtur motum sideris assequi, propter celerem Elementi ignis conversionem: cum autem per se, id est, longè à cælo & sideribus, in aere scilicet, statim supra nubes conspicerit, tunc ab astris ocylus prælatis relinquitur; quia aer in quo fluctuat, pigre cæli raptum consequatur. Et favent profectò quæ deinde subjiciuntur: *Talis enim est latio Mundi circa terram*: id est, latio Mundi ignei & aerei, est velocior in altissima sui parte, quæ est ignis.

Verum omnes isti Interpretes videntur mihi extra oleas abire. Agit enim disertè Aristoteles de distinctione cometarum, qui vera quidem sidera, sed comantia aliquo halitu sublunari, ab iis qui per se seorsum à sideribus proprio igne ardent: quàm enim violentum est, *ὅταν δι' οὐρανὸν αὐτὸν ἀντὶ τοῦ*, quando concreveris per se, interpretari, quando procut à cælo: planus autem & verissimus sensus est, quando separasim ab astro

concre-

concreveris: de astro namque aliquo singulari, non de toto  
 cœlo, loquitur. Itaque hæc mens Philosophi quando cometa  
 ex radiis in vapore vel exhalatione subjecta, circa verum  
 sidus apparuerit (quo modo Aristoteles olim coxam Canis  
 nos Anno 1618. Venerem, & nuper Anno 1624. Arcturum  
 comantem aspeximus) non videtur deferi, nec pati paral-  
 laxin; non quia sit in cœlo, & circumliget proximè re-  
 sunditatem ipsius sideris, sed quia cum ipso, ut halo (cujus  
 etiam similitudinem adducit) solet, æquo passu incedit, ac  
 potius sic apparet, & reverà tamen non facit; veluti enim  
 non idem est halo, sed alius aliisque perpetuà serie in di-  
 versis vaporis superficiebus depingitur: ita non una cometa  
 cum sidere circumambulat, sed diversi halitus oculum &  
 sidus interfusi, diversam rapiunt; quando verò crines illi  
 radii siderum in vapore aut exhalatione tumentes non sunt  
 sed ignea lampas scorsim ab omnibus sideribus, in summo  
 aere supra nubes visitur, relinquitur ab astris, & mani-  
 festam subit parallaxin: quia talis est latitudo Mundi circa terram,  
 ut superiora rapidius ferantur, præferrique videantur in  
 quæ oculo propinquiora: quod tamen, si fatendum est,  
 non ubique habet veritatem. Nam Cometa ærius cum  
 sidere aliquo exoriens, infra ipsum (quia parallaxis de-  
 primeret) apparebit, paulatimque ascensu ad Meridianum  
 se illi propius admovebit: in descensu verò ad Occasum  
 etiam prævertet; quia iterum, parallaxi se diducens,  
 locus visus infra verum manifestè cadet. Quid ergo? An  
 Aristoteles hinc parum Opticus? nolim fateri. Est enim  
 ubi etiam cometa inferior à sidere relinqui appareat: ut  
 si ante occasum prius, & deinde post exortum, utrumque  
 aspicias: sic enim cometa primò occidentalior, & ante so-  
 lus, qui postea tamen, quasi prælato sidere, in utriusque  
 ortu, retrò & orientalis erit. Ratio est, quia & in ortu  
 in occasu; parallaxis cometam oculo propinquiorem de-  
 jicit, & horizonti magis admovet. Itaque verius longe  
 Aristotelem cometas aut novitias stellas, excelsiores Lu-  
 nari orbe nunquam agnovisse. Incredibile enim est aliam  
 tam parvè de iis locutum, & unico solum ac obscuro ver-  
 bulo obiter tetigisse. Deinde sidera, & cœlum totum  
 duro concretum (quidquid Bruditiss. Licetus conerà re-  
 sponduerit) ac τὰ ἄστρον ἰδὲ τὸ μέγα τῶν πύλων φησὶ Δαμ., ἀστρά τῶν



*orbibus ferri*, lib. 2. de Cælo c. 8. non per liquentes aliquos inheris campos, affirmat: quod tamen fieri, pænè necessarium est, si cometas & nova sidera in cælum attollimus.

## ARTICULUS VI.

*Cometas aliquos esse sublunares.*

**H**Oc enim saltem reddamus Aristoteli nostro, qui universos omnes docuit sub Luna nasci sed nondum novum in cælo sidus Hipparchus, nondum cometam supra Jovem Proclus, nondum supra Venerem Albumazar, nondum Tycho, Rothmannus, aliique hoc & elapso sæculo, pænè infiniti, variis sparsim cæli regionibus, viderant; nondum altitudines eorum ad exactas parallaxis leges vocatæ, aut satis examinatæ erant.

Nolim tamen pertinaciam Tychonis, qui nullam, nisi cælestem, cometam unquam fuisse pertendit, sectari, neque tot eruditissimis Viris, Aristoteli, Ptolomæo, Regiomontano, Vogelino, aliisque sine fine, glaucomam objicere: quanquam de Cometa illo Anni 1475. Regiomontanum hallucinatum contendat Tycho, & mendosâ demonstratione 6. gradus parallaxeos collegisse: & certè sic factum vehementer addubito. *In motu enim ejus proprio quiddam fuit divinum, Geometricum, ætherium, & cælesti corpori consensu aptum, id præque fortiter penitus elementarem: ut lib. 1. cap. 3. Cosmocræ noster Gemma.*

Alii tamen Cometa quidam per varia tempora & historias sparsi videntur fuisse elementares, ut ille imprimis, qui teste Aristotele, sub Aristæi imperio, saltus quosdam fecit, & tertiam cæli partem occupavit, propeque Orionis zonam est dissolurus. Audi etiam lib. 5. Dionem de Cometa Agrippæ, generi Augusti, mortis prænuntia. *Cometas inquit, cùm multos dies Vrbis imminens apparuisset, in facies abiit. Et Seneca de eo qui Attilæ regnante, initio apparuit modicus, deinde suffulsi se, diffudisque, & usque in Aequinoctialem circulum venit: hanc illam plagam cæli, cui Lætea nomen est, in immensum extensus æquavit.* Quidam etiam, ut narrat Sozomenus, olim supra Constantinopolim, ad terram usque pependit. Et Plinius lib. 2. cap. 35. Licinium Syllanum cum suo comitatu vidisse, scintillam cælo cadentem crevisse paulatim in Lunæ

amplitudinem; in Cœlum deinde iterum receptam, statamque Lampadem, id est, ut planè apparer, Cometam Lampadium. Jovianus Pontanus, de alio à se viso circa Booten;

*Nam memini quondam Icario de sidere lapsum,  
Squallentem præferre comam, sardoque meatu  
Flectere sub gelidum Boriæ penarabilis orbem.  
Hinc rursus præferre caput, cursuque secundo  
Versare in occasum, ac laxis insistere habenis,  
Donec Agenoræi sensu fera cornua Tauri.*

Hic igitur initio, comâ præeunte in Boream ibat, deinde in occasum iter, sequente crine, convertit, juxtaque Taurum contabit, cur autem hunc aliosque existimem elementarios statim edicam. Quid plura? Anno 1470. Cometa, quasi nubes, longissimis capillis, totum Zodiacum Idib. Jan. decurrit, ait lib. 2. Theat. Bodinus, & paulò ante, Anno 1450. alius romphææ similis, plenum & tumentem Lunæ orbem subiens infuscavit. Cometa etiam Anni 1503 cauda evolavit, & rivum, in quem delapsa, exhaustit, ut narrat Sênertus: & Scaliger Exercit. 79. affirmat Cometam sui temporis visum delabi: & Claudianus,

Derap-  
in.

*Præcepit sanguine delabitur igne Cometes  
Prodigiale rubens.*

E simili Cometa deciduo, natam Phaethontis fabulam putat Vicomercatus; quanquam ad Sodomæ & Gomorrhæ incendium referat Tertullianus.

Lb. 2.  
Epum  
c. 3. nu.  
9.

E Cometarum denique sublunarium materiâ, formata videtur crux illa, olim à Thoma Cantipratano conspecta. Ego, inquit, fidelium novissimus, antequam pñissimus Ludovicus Francorum Rex, Anno ab incarnat. 1246. crucem transmarinam susciperes, crucem in cælo ex clarissimo & sidereo lumine vidi: nec recolo me decensidus & operosius formata crucem unquam sub aliqua materia vel figura vidisse: ceteros habere cubitos in longitudine mihi planissimum visum est: serenum cælum erat valdè, & sine aliqua nube.

Sed cur omnes illos cometas elementares decernimus? Respondeo; partim, quia motu turbido & incondito, partim subito incendio, & latissima diffusionem, aut lapsu etiam in terram, vel offuscatione Lunæ satis naturam igneam, aut aliter elementarem ostendunt: atque ita nobiscum Keplerus (qui his à Tycho Magistro, in parte abivit)

Mæstlinus.

Mœstlinus, Thaddæus, Rothmannus, Licetus, alique sentiunt.

Signum etiam ferè manifestarium Cometæ sublunaris est, ejus immobilitas. Si enim summus æther, ab ortu in occasum Cœlo obsecundat, aut in sequelam invitus trahitur (ut non paucirentur) necesse est inter nubes, aut proximè eas, Cometam illum defixum esse, qui tam est pertinax, ut nullo sollicitetur motu. Talis fortasse Xiphias sive Gladius ille, quem tam diu, ante excidium Hierosolymis inhæsisse narrat Josephus. Et profectò, si in summa aeris regione, aut etiam infra, capras saltare, stellas discurrere, faces aut dracones volare facimus; cur non etiam igneos cometas, quos sola incendii pertinacia, aut figuræ discerniculum ab illis dividit, damus? cur non deinde fieri potest, ut exhalatio à Sole, aut alio astro perfusa, cri-nem sine incendio ducat, aut spargat comam?

Itaque, si me audieris, hoc statuam: In toto inter nubes & primum cœli fornicem intervallo, coiri posse cometas; nulla verò cœli cameratio citrà fixarum orbem occurrit, ut bellis validisque argumentis impressè mihi Vir Magnus, Thomas Fienus, in Cometa Anni 1618. asseruit. Unde nulla eccentricorum soliditas & durities obstrigillare & officere valet Cometarum, per Planetarum curricula, tra-jectionibus. Cometa igitur aliquis circa nubes & in vicino stat: alius sublimior est, & in spacia etiam elementi ignis (id est, aeris, à cœli vicinia, & adustis terræ halitibus, æstuantis) ut ille Anni 1471. quem celebravit Regiomontanus, se penetrat: tertius Luna excelsior, circa Mercurium aut Venerem expirat: est, qui ad Solem, Martem, Jovem, aut etiam Saturnum, & culmen ætheris adspirat: qui Lunam & nos interjecti (quia in loco proprio elementorum) elementares, qui Lunarem orbitam & fixas intercurrunt, ætherios, aut cœlestes nuncupamus. Inter Mercurium & Venerem, Cometam Anni 144. Albumazar; inter Venerem & Martem (Systema enim Tychonicum jam placet, quod Venere Solem includit, & illam proximè infra Martem locat) Cometam Anni 1577. Tycho; in nostrum Anni 1618. Cysatus, inter Martem & Jovem: Cometam Anni 1580. iterum Tycho & Mœstlinus; inter Jovem & Saturnum; Cometam Anni 1585. Rothmannus immittit.

In fine enim, inquit, omnem imaginem parallaxis amisit, quàm aliàs, etiam dimidii minuti, emendatissimo Sextante, facile deprehendisset.

## CAP. II.

*De materia Cometarum.*

## ARTICULUS I.

*Materiam sublunarium Cometarum esse terræ & aquæ halitus.*

**Q**Uæ enim promptior & probabilior afferri potest, quàm ea, quæ cæterorum ignitorum, & tot alias sublimi pendentium imagines subit? Sed discrimen aliquod interjiciendum est. Nam Cometæ sublunares, alii criniunt sidus, alii seorsim liberi palantur, aut stant eodem loco defixi. Priorum materia est, sine dubio, exhalatio aut vapor, in quo sideris radius se multiplicat, & in comam tricat & confundit. Verùm ejusmodi Cometæ non tota sed coma duntaxat, sublunaris est: melior enim pars, sidus nempe ipsum cincinnatum, est in cælo: Posteriorum etiam materia, saltem transiens, est exhalatio ignibus idonea, si Cometa vero igne ardeat: si autem non ardet, sed nodus quidam illustris, & radiorum trica sunt, iterùm halitus pensilem pro materia subjecta habent. Exuditiss. Licet enim partem etiam Elementi ignis censeret quandoque densari in Cometam: & hanc esse causam, cur Autumno frequentissimi Cometæ, quia tunc exhalationibus Elementum istud incrementa rapit; seque densat potius, quàm deorsum, depresso aere, proruberet. Sed vix assentior, tantâ densitate cogi à se ignem, ne descendat, cum raritatem tantopere amet, videamusque pulveris flammam undique in orbem, & deorsum etiam, ac cum descensu ignis, rarefcere. Deinde sic omnibus parè Autumnis, nec solum particulam unam (ut sic dicam) ignis, sed quantum inter Tropicum Cancræ & circulum Arcticum est, oporteret in Cometam concrefcere. Scaliger verò Exercit. 79. negat ullum Cometam igne constare, sed omnium materiam, halituum erudum esse, & à Sole tantum, an alio sidere, perfundî Causam dat Bodinus lib. 2. Theat. quia nullæ silvæ sanæ esse possunt diu alendo tanto corpori. Verùm, si exhalatio

tionem, instar Trojæ & Civitatis ardentis, non raro in nubibus visuntur. (qualia prodigia, initio Belgicorum tumultuum, sæpe à se conspecta narrat in Cosmocriteæ Hæc Gemma) nescio cur ita metuat, ne pabulum Cometæ deficiat. Bodinus. Talia enim incendia Trojana, parca & malignè dispensata, diu sustentare Cometam, præsertim non alè elevatum, nec amplum, valent. Cogita etiam, moluum vaporis admixtum oleo exhalationis, quam tenuiter è venis sorbet, & allambit ignis, nec quidquid in Cometa cernis, flammam esse, sed vaporem, & partem exhalationis adhuc crudam & incendii contumacem, ignem solum luce inclusæ flammulæ colorari, & desines fortasse alimentorum sumptus vereri. Deinde, sicuti cum flammâ facis per caliginem noctis visâ, multum luminis simul in æræ vicinam protuberantis, radiosque ignem coronantes cernis, ita non solum Cometæ lampadem, sed circumfusum unâ lumen vides, tumidioremque conjectas, quàm reverà sit.

Si verò omnes Cometæ sublunares lucent tantum, ceterari radio Solari, nulli ardent, ut Scaliger credit, extinguerentur illapsi in umbram terræ, ut in nocturnis nubibus usu venit: oportet igitur aut ultra umbræ conum, in altissimo æthere esse, aut ad latus, aut in umbra propria ignea an alia luce, fulgere. Licetus etiam lib. 4. cap. 23. contendit Cometæ quandoque eclipsin pati; quia erubescunt, ut Luna in eclipsi: item à Venere & Mercurio qui semper circa Solem, sic totâ nocte illustrari possunt, ut deliquium & Solis absentiam non sentiant. Sed hæc una opera nubes totâ nocte illustres nobis efficerent. Itaque Cometarum rubor, à materiæ opacitate, non eclipsi, est: unde non soli rubent, qui ex adverso Solis, in umbra terræ consistunt. Venus etiam & Mercurius non in eo semper aspectu sunt, ut videre, & lutula aliqua aspergere Cometam à terra inumbratum possint. Versum deinde Homeri producit Licetus; sed non amplius affirmat, quàm Cometam nunc nubibus condî, nunc rursus emergere; nihil de eclipsi. Sed quis tamen nobis satis edicet, an Cometæ elementares quidam in umbra terræ nunquam passi deliquium? Nemo, credo, poterit, in tanto hætenus scientiæ hujus & observationis neglectu. Et profectò, cum ratio affirmet,



affigmet, aliquos, sine materiæ conflagratione, rapere possit radium Solis; etiam tales haud dubiè obtenebrescent & extinguuntur, si in umbram impegerint, venerintque in oppositionem Solis.

Si qui verò id non patientur, aut supra umbræ conam & coelestes sunt; aut, si infra, lucent propriis ignibus.

Verum, qui potest, inelamant, ut exhalatio tanta ex terra aquavo resolvatur, quæ ex tam immani à nobis intervallo cernatur, & in confinia etiam Lunaris orbitæ subeat, quæ Copernici calculo à terra abest 31. terræ semidiametris. Hac aliquando aeris profunditas, fateor, despectaurbationem mihi fecit, ut negarem halitus è terra in vicina Lunæ posse scandere. Sed reputanti postea, quàm blenni ergo & stupidi illi Veteres, Plinius etiam, Seneca, & alii, qui sidera vaporibus tam certò putaverunt pasci si usque eò nullâ ratione pertinere valuerint; quàm exiguus deinde risio, amplum exhalet fumum, & pulvisculi tormentarii granum in flammam intumescat 125000. se majorem; subiit altius in hanc rem me demittere, & introspicere, si qua via reliqua esse, reducendi Aristotelem in aliquam saltem hujus scenæ partem, toties jam à recentioribus explosum.

Demus itaque, Aristoteli Cometarum coelestium nunquam venisse in mentem: hoc tamen etiam ei reddamus, sublunares fumosis terræ halitibus aliquando concreescere, sive ardeant, sive splendeant tantum, perfusi ab astris, & præsertim Sole in toto spatio quod hinc expanditur ad Lunam. Exhalationem, inquires iterum, ad tot terræ semidiametros ascendere? Ita dico; & cogita, quæso, mecum, quàm multæ quotidie nubes, sine sensibili aquarum dispendio, in akum vaporentur; quàm longi & continui ventorum flatus, sine terræ detrimento. Profectò, si nubilum ille circulus Orbem terræ undique præcingens, extollatur in Lunæ altitudinem, speciem explicabit lunari longi ampliorem; cum terra nubibus tamen illis inclusa toties sit Lunâ major. Adde, jam non opus esse tot fumis, ut imaginem crinitæ stellæ tam angustî ambitûs exprimant: cum præsertim exhalationes in immensum ferè rarescere & discingi oporteat, ut tam altè subeant: nisi enim tota aere sublunari rariores & leviores sint, nunquam ascensu

cum

eum transmitterent. Et hinc existimo, nubem circumferentia oppidi Lovaniensis parem, in tantam raritatem posse diffuere, ut adaequet amplitudine totam Brabantiam, imò Belgium: imò (quid dico) si vera est Peripateticorum textura continui ex infinitis, potest sine termino & sine in majus diffundi. Audi D. August. lib. 2. cap. 4. de Genesi, probantem, supra caelos sidereos, quos fluxos & liquentes putavit, suspendi posse aqueum vaporem. *Super illud calum, inquit, potest minoribus guttis levibus halitus humoris extendi, qui pondere cadere non cogatur: ipsi quippe (Philosophi) subtilissimam ratione persuadens, nullum esse quamlibet exiguum corpusculum, in quo diviso finiatur, sed infinitè omnia dividi.*

Sed ascendant sanè ad Lunam terreni halitus, minimè pertinax aliquis dicet, nemo tamen tam Argus, qui eos hinc videbit; uti nec Elementum ignis aut aeris ibi propter fluxam raritatem, nullus unquam aspexit, extenuatio enim illa partium, & dissolutissima raritudo visus aciem transmittit, non tenet infixam. Hoc telum olim etiam timui, nunc parè contemno. Nam eludi potest, distinctione raritatis ab opacitate. Fieri enim potest; ut corpus altero rarius, plus tamen opacitatis obtineat, videaturque ubi alterum lateat, sic nubes aere infimo rariores levioresque, ut lib. 5. ostendam, in media regione conspicuæ, quia magis opacæ sunt, lumenque reflectunt, nec tamen graviores densioremque inter nos & ipsas aera cernere, ob perspicuitatem, valemus. Ita ergo exhalatio in aeris fastigium evecta, retinere opacitatem nonnullam potest, qua visendam se praebeat. Cui rei profunditas ipsius etiam plurimum conferet: nam sæpè, ubi duo, tres, decem, aut centum palmi ejusdem profunditatis, opacitatem notabilem concinnare nequeunt, aliquot tamen centeni aut milleni faciunt aspectu per eandem lineam: distantia etiam auget tenebras illas & opacitatem; manifesto exemplo nebulæ in quam acies nostra è propinquo figi non potest, potest è remotiori. Hoc denique magnitudini Cometarum adjiciendum: Non tantum, ut antè etiam monitum, lumen opacitati exhalationis incorporatum cerni, sed simul quod circa per aliquod spatium in orbem ubertim refusum. Hoc est, quod in hanc rem adnexus valui; da tu, si plus potes, & reddemus gratiam.

## ARTICULUS II.

*Cometes celestes, sidera non sunt ex illis mundo coarvis. Ad  
versus Chaldaeos, Senecam, Cardanum, Fracastorium.*

**H**oc tamen non valde longe reijcio, quia Viri eruditissimi etiam hodie ab ipsis sentiunt, & rerum celestium, atque plurimum scientia Clariss. Vir Thomas Finnius, in Cometa Anni 1618. novam eis & egregiam (licet lidenti nec pertinaciter inhaerenti calamo) probabilitatem speciem fecit. Illi autem censent, Cometas celestes, aliquid per aethera inter Planetas palantia esse: quos vel ingentibus epicyclis se in aspectum nostrum demittant, revocentque (quomodo Cor. Gemma sidus Cassiopeae Anni 1573. ex altissimo aethere descendisse putat) vel vadit Solaribus & die plerumque (ut Mercurius) totis & superflis, aliquando tamen longius in noctem & oculos nostros excurrunt. Igitur certas effluere haecenus ignoras, siderum istorum leges, & ad constitutum ire redire existimant. *Venies autem tempus, auguratur Seneca, quo illa quae nunc latens, in lucem dies extrahat, et longioris aevi diligentius videri tempus quo posteris nostri tam aperte non nosse mirantur. Sed vix est, ut credam, Magne Sapiens.*

Cardanus lib. Sybri. 4. Globos sidereos per aethere campos vagos & errantes credit, quos non semper facies illustrem (quod in Luna etiam cernimus) obvertant nobis, caudaeque euciant trajecti radio Solis. Vel, inquit, minora quaedam astra sunt, quae, nisi de facatissima coelestis, latent. Fracastorius amplius audent, & coelum novum Cometarum infra Lunarem orbem nobis fabricat. Multa adversus istos dici possunt: hoc uno tamen videtur manifestum, quod Cometae etiam celestes figuram & colorem sine ita variant, ut manifeste cernas pallefcere, & in cinerem dissolvi, non abire incolumes a nobis: expirant enim quicquid habent vitae, lucis, luridi tandem & informes manebantque veluti cineres & clavae reliquiae praecedentis cuiusdam ignis, aut digestae exhalationis. Hoc etiam adversus Senecam est, quod sensim in descensu Cometae speciem ampliari oporteret, si ex culmine aetheris paulatim defluant in Planetarum regiones. Aliter tamen omnia

res habet: nam plerunque statim maximi sunt, & deinde carpuntur, detrectantque, non ampliunt suam molem. Deinde, post mortem Demetrii Syriæ Regis, ante bellum Achaicum ( Seneca ipse est testis ) magnitudine etiam Solari Cometes fulsit: talis verò, non nisi longissimo tempore, & per omnium stellarum magnitudines, decrescendo, semper interim coruscus & rotundi capitis ( quod paulo minus scio non factum ) ex oculis se subducere potuit. Id verò deinde Cardano obstat, quod si Cometæ fungosi capitis, transmittent omni tempore radium Solis, caudatumque aut barbatum plurifariam æthera toto anno videbimus. Quod etiam addit de stellulis, sereno apparentibus, latentibus núbilo, non potest æstimari; quia & Cometæ satis ampli, & pluviis etiam noctibus sæpè conspiciuntur. Sed lib. I. Variet. cap. 1, mutat Cardanus; & docet, Cometam, nodum quendam luminis esse, & multis stellarum in unam cœli particulam confusis & intersecantibus se radiis, transfluxum deinde ( ut candelæ flammam ) radio Solis. Sed motus Cometæ hanc causam respuit: cur enim noster Annus 1618. ad polum Arcticum ascendere visus? Certè nullis tunc aut unquam astris in illam cœli plagam iter fuit: deinde plurimæ, ubique ætheris, radiorum conspirationes & intersectiones sunt sine Cometis.

Fractosior etiam frustrà est, cum suis novorum orbium infra Lunam machinationibus, quia multi Cometæ Lunâ excelsiores: & infinitos fabricari oporteat, cum alii Cometæ in Austrum, alii in Boream, Ortum, Occasum, & quodvis horizonis punctum, motu proprio discedere valeant: singulis autem qui in diversam abeunt cœli regionem, singuli & distincti dandi erunt orbes.

Sed ante hujus Articuli clausulam, etiã accipite quid Bodinus de Cometis. *Democriti*, inquit, *sensentia in mentem* Lib. 2.  
mibi venit, ut existimem Cometæ esse illustrium virorum mentes, quæ Theat.  
postquam innumerabilibus sæculis viguerunt in terris, tandem obitura, ( vide Politici stultitiam ) ut omnia quæ oriuntur, occasum minuentur, extremos peragunt triumphos aut in cælum stellatum quasi splendida fœdera revocantur: ac propterea sequuntur famas, morbi populares, civilia bella; quasi civitates ac populi ducibus illis optimis & gubernatoribus, qui divinos furorés placabant, deferrentur. Noli irasci, ride mecum Lector, hunc Philosophum Rabbinitum & Peripateticomastigem.

## ARTICULUS III.

*Nec Cometas esse plurimum Stellarum se in anum conglomerantium  
casus.*

**V**eterum quidam, ut Anaxagoras, Zeno, Democritus, quos Aristoteles refellit, Cometas multarum Stellarum glomeramina esse contendebant; & in partem hodie Cysatus Ingolstadiensis Mathematicus, & Licetus Philosophus Patavinus sequuntur. Plurima enim sidera frequentem agmine per aethere errare & palari, Medici circa Jovem, Borbonia circa Solem, satis evincunt. Medica autem, quaterna novitia astra circumludentia Jovem, in Familia Medicae decus. Galilaus Florentinus appellavit: maculas illas vagam & errantem Eclipsi Solis sublabentes, Regis Borboniorum genti, Joannes Tardus Gallus dedit. Hispani, quasi scientiae Siderali minime dediti, & curarum ab illo Magno suo Alphonso longè diversum nihil dum pro suo Rege in caelo repererunt. Insulas fortasse in Oceano malunt: & profecto, nemo, credo, paulo indigentior est, qui simplicem in bulga Ducatum, quam Sidera centum in aethere volantia, habere non praefert.

Sed intra oleas: Astra igitur talia, inquit, errabunda quandoque in caetum eundem & consortium incidunt, apparentque jam universa & conglobata, quae singula dispersa ob parvitatem latebant: ubi etiam contigua opes & compressae stellulae istae fuerint. Cometa calvus imberbis, & finitus erit, si verò malè cohaesit, & per intervalla radius Solaris transitum inveniat, caudae symmetria barba insignis, vel aliter acersecomes & intonsus apparebit. Atque ita rem habere, duplici experimento conficere, ut videtur, potest. Primò, quia Nicephorus lib. 1. cap. 17. Cometam quandam, ex plurimis stellulis circa unum grandiozem, ut apes circa Regem, confluentibus, coaluisse scribit. Deinde, ne hic fortè tergiversemur, ecce ipse Cysatus, caput & nucleum Cometae Anni 1618. in plurimas stellulas & scintillas coelestis lucis, quale cingulum Orionis, & Medicae comites Jovis, discessisse, per tubum Opticum, diu & multis aliis testibus, aspexit: dubitantesque Anaxagoras & Nicephorus illum stellarum confluentium

Deinde



Democritus digressum & dissolutionem simili etiam tubo olim non viderint. Fuisse enim, inquit, usum tubi Optici antiquis etiam Astronomis familiarum, testatur Liber vetustissimus, in Bibliotheca Monasterii Schenvensis, scriptus ante 400. annos: quo in Libro inter cetera Schemata, etiam Astronomus per tubum Opticum incensum, sidera contemplan visitur.

Nihilominus Aristoteles olim, & Seneca hanc opinionem acriter oppugnavit, duorum Cometarum (præter alia) exemplo; quorum unus ante bellum Achaicum Solari disco æqualis, alter Attalo regnante, totum cælum, instar Lactæ, ambitu suo cinxit: quantâ ergo stellarum illarum confluge, ad tantum orbem concinnandum opus erit? Si autem tot vagi greges per æthera palantur, singulorum momentis alix in alias incurrent, numerosumque comitatum facient: sicque frequentissimi, qui tamen tam rari, Cometæ erunt. Scio tamen reponi posse, Cometæ illos ex elementaribus fortassis fuisse; & posteriorem, syrmas suo & caudâ, non ipso corpore, cæli ambitum circum ligasse. Verum sine dubio est, ingentes etiam Cometarum orbes in cælis quandoque effulgere: neque tam levi declinatione vim & ictum hujus Argumenti posse vitari. Sed quid ais, Seneca, de famoso illo, & omnium mortalium oculis custodito Cometâ, qui ortu suo Helicæ & Borim mersit? certè enim in duas stellas abiisse Ephorus commemorat. Non magnâ molitione, inquit, detrahenda est Lib. 7. auctoritas Ephoro; Historicus est. Quidam incredibilem relatu cap. 16. commendationem parant & Lectorem aliud acturum, si per quotidiana daretur, miraculo excitans; & deinde, Ephorus non religiosissime sed, sapè decipitur, (sapè decipit. Siccine tamen per conculatam non fortassis Viri auctoritatem transis? retrahi certè potes, exemplo Cometæ prodromi mortis Agrippæ sub Augusto, quem Dion (nisi hic iterum tamen Græcam fidem accuses) in faces (& quid, nisi stellas?) discessisse scribit: potes certius, oculorum Nicephori & Cysari fide.

Rationem tamen Senecæ contemnere non possum; nec istam Aristotelis, quod non aliquando tantum, sed semper oportere: Cometæ cœlestes, in stellas spargi & dissipari. Hæc etiam me ab illa sententia valde avertit; quod videmus Cometæ ferè semper totam plenitudinem initio statim habere, non sensim & particularim incrementa atrahere:

id tamen non fiat, si stellatim & minutatim tota moles coeat; ut enim duæ resve primùm apiculæ circa Regem suum convolant, & aliæ deinde plures, pluresve conglomerantur, donec impleant totum globum; ita Cometa multis diebus & mensibus (tardi enim ferè siderum proprii motus esse solent) magnitudinem suam colligunt, multi deinde parvi Cometarum globuli passim in toto æthere, & longè facilius quàm unus aliquis amplior, acervabuntur: quia proclivius erit, stellas sex aut septem hîc, decem aut duodecim ibi, quàm universas in numerosum unum gregem confluere. Adde, insolens esse, vera sidera iter in Septentrionem vel Austrum etiam usque ad polos, quod quidam Cometæ faciunt, intendere; & denique color ille rubidus & flagrans, & in senio luridus etiam & nigrescens, satis significare videtur, non argenteo aut celesti stellarum lumine coivisse, quali albicat & lactescit galaxia; sed insinceriori aliâ, & interrestribus veluti fumis laborante, & semisuffocato. Scio tamen mihi reponendum; sidera quædam ibi intervolare maculosa, quorum concretio aliquid quodammodò rapuit terrenæ sordis; quæque radium Solis malignè bibant, & opacitate nimia declinent in ruborem, aut pænè etiam in nigrorem infuscent; tales enim tenebriones illi, & maculosi histriones, qui Pyrrhichæa ducunt circa Solem.

Sed Argumenta, quæ adversus illam Cometarum structuram attulimus, fallor, aut satis ostendunt conjecturæ hujus debilitatem, & deinde licet Planetæ omnes, Planetarumque satellites, in parte à Sole aversâ caligent; in adversâ tamen egregiè, & luce magis digestâ & amceniori, quàm vulgus Cometarum, splendant; quod in Iovis comitibus & faculis macularum Solis (sic facies satellitum Solis illustres, & ad Principem suum respectantes, quas circa extremum ejus marginem molli laterum inclinatione ostendunt jam vocamus) manifestè apparet; rident enim lætâ specie non lugubri & funestâ terrent.

Ad quid ergo oculis Nicephori & Cysari facimus? nec executivisse, & collyrium damus? Non est opus. Ab illis incipiamus.

Nego igitur Cysato, Nicephorum vidisse per tubum, aut aliter Cometam illum examine parvarum stellarum co-

uisse; non quia cæcus, sed quia sine oculis & vita, tunc fuit. Nicephorus enim iste trecentis vix annis à temporibus nostris abest, Cometa mille ferè & recentis; igitur hic mille propemodum annis illo senior fuit. Nam circa Annum Christi 190. & tempora cædis illius famosæ Thessalonicensium, sub Theodosio Imp. exortum scribit; Scriptor verò ipse vix est, ut Annum Christi 1300. dudum antecesserit, ut ex Epistola Historiæ Dedicatæria liquet. Ab alio ergo, fortasse etiam simili Græculo, & fluxæ fidei (vidi enim Annales Cardinalis Baronii, & neminem, per totam Tomorum seriem, sæpius vapulantem Nicephoro) Cometæ illius Theodosiani historiam accepit.

Sed demus esse veram: recuso tamen, scintillas illas quæ Cometam majorem circumfluxerunt, sidera fuisse; quod patet vel ex solo motu, qui perturbatus & inconditus fuit, non compositus & cœlestis, nam undique, ut testatur, ad Cometam advolabant. ut apes ad suum ducem. Unde in Aristotelis favorem obedientius Cometa iste trahi potest, quàm Democriti & Cysati: flammulæ enim elementares, & veluti fatui ignes, aut exhalationes solâ luce persusæ, fuisse videntur. Quod verò fortasse etiam dioptrico tubo usum Democritum & Nicephorum addubitat Cysatus; ne faciat: nam id non silerent, & res ista plus famæ habuisset, si olim passim cognita eruditis. Potest tamen (& ita etiam sentio) ut fuerit duobus aut tribus; quod ex lib. Portæ ferè constat, & nuper in Haannonia, inter veterem cujusdam Castellî supellectilem, dioptricus tubus repertus narratur, æruginosus & multæ antiquitatis. Hollandum tamen, aut Genium Hollandi specie (fratrem tamen suum Jacobum Merium fuisse, contendit Adrianus Metius, Franckerensis Mathematicus) qui à Joanne Lippersein, Middelburgensis opifice, cavum & convexum specillum fieri curaverat, repertorem scribit Hieronymus Sirturus, Anno 1609. Opifex autem, cum vidisset Hollandum adducentem & reducentem ab oculo vitra, ut inveniret punctum concursus, statim pro se similia concinnavit: & primo pulcherrimæ artis experimento obstupefactus, & vitra tubo condenda suspicatus, munus hoc Principi Mauritio desert. *Inde tanta rei Pars, 22* novissar, inquit Sirturus, per totum effunditur Orbem: & plura c. 1. Te-  
alia finguntur specilla; sed nullum consigis melius & aptius priore telescop.  
(190

(ego vidi & pressavi) adeo ut dicas non armis sed ipsum Nam  
 omnia confare, ut magnis Principibus inserviant.

Verum, quid jam Eruditiss. Cysati Telescopio respon-  
 demus? Nolim plane offundere caligines. Nec do tamen  
 etiam congeriem Planetarum vidisse: licet fortasse quod-  
 dam celestis exhalationis radiantes nodos, solutiles, & in  
 ceteri aetheris raritatem postea dissolutos: de quibus plura  
 statim Articulo VI.

#### ARTICULUS IV.

*Non omnium celestium Cometarum materiam, esse terrestres  
 halitus.*

**A**ffirmant tamen Rothmannus, Galilæus, Guiduccius,  
 & quidam alii. Probant, quia *terreni* & exhalati-  
 ones videmus sæpe altâ & concubâ nocte, à Sole profun-  
 dius infra horizontem demerso illustrari: igitur in al-  
 tius aethere, supra umbræ terræ conum, aut circa latera,  
 prope verticem pendunt; lumen enim non raperent, si  
 caderent intra umbram: si verò halitus terreni in coelum  
 usque scandunt, cur non hinc omnium Cometarum mate-  
 riam sumimus? Et nocturnos illos splendores extra noctem  
 & umbram esse, hoc etiam indicio conjectamus: quia  
 state præsertim se ostendant, & in Septentrione: cum scilicet  
 Sol versatur in signis Borealibus, & umbra terræ in  
 Austrum declinat, & majus aetheris spatium versus Sep-  
 tentrionem, denudat, datque sub radii Solaris ictum. De-  
 inde, nos antè terræ halitus ad Lunæ regionem admisimus,  
 cur non (si etiam atque etiam rarefiant) altius, & in Pla-  
 netarum superiorum circos evehimus? nullum enim in  
 orbibus eccentricis obstaculum esse potest, quos ante  
 liquefcere fluereque iussimus. Aut certè si à propria raritate  
 & levitate ed usque eniti non valent, dicamus, cum  
 Rothmanno, humeris Angelorum subvehi, ad terrorem  
 mortalium, & ostentum.

Verum id non satis Philosophum est; & Deus causa  
 magis naturalibus uti amat, etiam ubi homines ad reve-  
 rentiam sui, aut scelerum poenitudinem permovere talibus  
 portentosis effectibus solet. Quod tamen me à sententia  
 Galilæi valde abstinere, est novorum astrorum in altissimo  
 aethere

æthere & sub ipso Firmamenti fornice generatio. Videntur enim cœlestes Comete ex eadem, aut proximè affini materia esse, astra verò illa, vix attrahi possunt ut credam, con-  
tinuata ex halitu elementari; nam excitatissimus ille, & argentea radorum coma lascivient; sideris Cassiopææ fulgor, clamat se in materia mobiliori, & se fortasse lucidè & radiante, flagrare. Ut enim exhalatio terrestris ad Firmamentum, aut orbitam Saturni ascendat, infinitum paret rarefcere oportet; unde si lumine perfundatur, non tam acriter id reflectet, quam nubes, albicans in mediâ aeris regione. Si dicas, halitum accensum esse, & flammâ suâ vibrare, non tamen sic evadis; quia ignem illum sine soltariorem esse altero, qui Lunam allambit, necesse erit; & proinde non satis conspicuum: quanto minùs, tam pe-  
tulanter flammigantem? quæ terrestrium exhalationum etiam supplementa sufficere potuerunt, ad ignem toties Orbis terræ ampliorem, anno toto & silente, alendum? Si namque quævis stella primæ magnitudinis centies ampli-  
us terra & aquæ globum mole superet, quid dices de nova illa Cassiopææ, quæ amplitudine omnes primæ magnitudi-  
nis longè vicit? Stet ergo fixum, aliam materiam quæren-  
dam pro astris novitiis, quàm elementarem.

Igitur & hæc Cometis cœlestibus, præsertim illis excel-  
sissimis, & ætœmoriæ ac Venereæ aut Joviali luce fulgen-  
tibus idonea, maximeque probabilis erit. Video negati  
posse, nova sidera reverà nova, sed vetera esse, quæ ali-  
quando in conspectum se demittunt, & deinde reciprocant  
de-refugiunt in ætherem. Sed ratio, cur antè negavimus  
Cometas id facere, etiam in astris novis hoc refellit. Pau-  
latim enim descensu isto incrementa funderent, nec sic co-  
lorem mutarent; ut in mortem pallefcere, infuscari, &  
finis manifestè expirare appareret, quod tamen in Cassi-  
opææano factum, Gemma notavit.

Deinde, vide quousque exhalationes terrestres fuisse illet,  
& abjiciat Wellebrordus Snellius, Pingamus, inquit, uni-  
versam hanc aeris regionem, quæ undique circa hunc terre globum (ad  
us Italicorum; seu 13. Germanicorum milliariûm altitu-  
dinem) circumfunditur, totam, inquam, illam atmosphæram (id  
est, vaporum sive halituum terræ expirantium spheram)  
integram aliquam spheram contrahi & conglobari, ex tamen Cometâ

In Co-  
meta  
Anni  
1618.  
cap. 6.



*corpus nequaquam sua mole exaquaret.* Computat enim globi terreni diametrum triplam esse, ad diametrum globi qui ex toto illo aere trium regionum, sine rarefactione ullâ aut condensatione, compingeretur, & proinde globum Terræ ad Aerium, proportionem habere, qualem 27<sup>a</sup> ad 1. Multi autem Cometæ propius accedunt ad terræ magnitudinem, præsertim excelssissimi illi qui circa orbitam Martis aut Jovis suspiciuntur. Cauda etiam Cometæ 1518, eam longitudo 30. graduum, & latitudo trium aut quatuor fuit, si rotundetur in globum, aliquoties millies terræ sphaeram vincet: quàm ergo improbabile, imò insanum, imputare tantam molem terræ exhalationibus. Hi Eruditiſſ. Snelli clamores, fateor, me nonnihil feriunt; sed non perinde, ac ratio prior, deducta è novis astris. Facile enim contra reclamet Galilæus; non opus esse, ut exhalationem in globum unum contrahas, sed posse complanari, ut nubes, sicque visibilem diametrum multò longius, quàm si exhalatio sphaerica fortè extendi. Deinde halitus sub eadem densitate, quàm in sua atmosphæra obtinent, ad sidera non ascendunt, sed largiter expandi & rareſcere debent, unde Cometæ inter Planetas versantes, cum amplitudine exhalationum circa terram hærentium & quidem in unum globum restrictarum, malè comparat. Si namque tota atmosphæra in illam raritatem, quàm halitus in æthere summo pendulus habet, diffunderetur, sine comparatione amplior, quàm nunc esset; & si in vias Planetarum scanderet, maximæ coeli parti subtenderetur, non tantùm parva Stellæ aut Cometæ imaginem ostenderet. Caudæ deinde molem de halitibus concinnatam negabis, sed radorum Solarium fascem per caput Cometæ tractum dicet.

Ad rationem & experientiam Rothmanni & Galilei, nego, splendores illos intempeſtâ nocte, circa horizonem Septentrionalem, subitò rolucentes, in halitibus terrestribus, qui in vias Planetarum ascenderint, plerumque hærrere, sed vel in cœlestibus, quos fortè expirant Planetæ, vel esse trabes aut stipulas longè infra Lunam ardentes, vel aſtrorum nocturnorum lumen in vaporibus densioribus incorporatum. Ita enim aer Ponti, Aristotele teste, quæ suâ crassitie nocturnum Stellarum splendorem combibit, aurore æmulatur. Vel denique (quod super omnibus proba-

probo) radius Solis vaporibus infra horizontem condito insertus, in vaporem alium aut exhalationem nobis conspicuam, intra umbram terræ refringitur. Maxima enim & insolentes circa horizontis limbum refractiones aliquando eveniunt. Sic Hollandi Anno 1596. cum circa Zemblam novam, & ultimam Thulen, in perpetua mediis ferè Anni nocte navigarent, Solem 17. totis diebus, ante legitimum, quo supra horizontem emergere debuerat, tempus, conspexerunt: consulti verò doctissimi quique Mathematici, in multitudinem & crassamentum vaporum illarum regionum, imaginem Solis refringentium retulerunt. Rothmannus etiam ipse, Epistolâ ad Tychonem, scribit se Venerem quondam, toto pænè horæ quadrante, vidisse quasi stationariam, nec motu primi mobilis se promoventem, duobus etiam gradibus supra horizontem apparuisse elevatam, cum exacto calculo, totidem esset infra, quod sine dubio refractionis opus fuit; unde dissoluto aut abacto vapore, dicit momento imaginem ejus infra horizontem suppressam evanuisse.

Ad alterum, dico, ascensum terrenorum, fumorum ad Lunæ orbitam, imò altius, si fortè supra ætherem rareseat, utcumque tolerari posse; sed nego, ad omnium Cometarum coelestium, præsertim altissimorum illorum, & sic radiantium, materiam eos sufficere. De minutis autem quibusdam, fuscis aut pallidis. nec longè excelsioribus Lunari semitâ, nolim pertinaciter pugnare.

## ARTICULUS V.

*Naque caelestium Cometarum materiam, esse partem fluidi ætheris in nodum contractam & addensatam.*

**E**Ruditissimus Licetus, infinitis pænè sententiis laboriosè & doctè refutatis, tandem in illam Tychonis, aut in partem ejus, discedit, quæ mihi etiam, septimo abhinc retro Anno, lib. de Cometa Anni 1618. ferè allubescbat, nunc satis displicet. Volunt, partem ætheris fluidam & raram, in nodum densiorem alligari, qui radio Solari tractus barbam promittat, aut trahat caudam. Probari potest: quia ut aer apud nos ita quandoque densatur, ut lumen Solis sorbeat & coloretur, cur non etiam vertex &

T

nodus

nodus fluxæ illius substantiæ, in qua Planetæ circumgyrantur. Si quæras de causa condensante; respondi Anno illo 1618. esse frigus, nullam quippe aliam promptiorem videbam. Rejicit tamen id Licetus, quia nullum inter fides potest esse frigus, cum omne à terra & aqua proveniat.

Duplicem ergo aliam causam excogitavit. Prima est, motus Planetarum, qui rapidissimâ vertigine ab Angelis rotati, æthera ante se propulsum densant, ut aves, inquit, volantes, aerem; & naves velificantes, undam. Altera est, natura & forma substantialis ætheris, quæ materiam suam radiis Solaribus rarefactam, ad densitatem, ubi potest, reducit; apperit enim, ut putat, æther densitatem, & impetu naturæ in eam se contrahit, ubi radiis siderum se extricare contigerit.

Sed utraque hæc causa non magno opere videtur posse refelli. Prima, quia motus localis rei duræ per medium fluidum volantis, non potest ita condensare; ut de causa motus projectorum, adversus Dandinum, & alios alibi ostendimus. Avis enim aerem propellens, non valet ita addensare, ut ille qui per syringem in folle lusorio eum consipiat & intendit; quia habet quod diffugiat, & se recipiat; sine insigni suâ vel alterius condensatione, nam unus loco pulsus, alium deinde submovet, & hic etiam alium catenatum. Ne tamen minimo impulsu totum Elementum aeris vacillare oporteat, aliqua in singulis partibus accidit condensatio; sed tam tenuis & dispersa, ut in unaquaque sit insensibilis. Similiter navis potius in spumâ rarefacit, quàm vel ferè hilum condenset aquam. Hanc enim condensationi valdè contumacem esse, patet, quod ne frigore quidem intensissimo & durissimè glaciantem, vix ac ne vix contractior fiat; cum glacies neque densior, neque gravior aquâ fluente sit, cui innatat. Scio tamen, quod Licetus lib. 2. cap. 14. doceat, rem videlicet aliquam densiorem non esse graviorem seipsâ rarefactâ, assertque exemplum in metallis quæ liquata tantundem ponderis quantum dura & consistentia, habent. Verùm mollities largiter à raritate, & durities à densitate distinguenda est; plumbum igitur liquefactum mollius, non rarius est consistens; ideoque nullum reperire est in pondere discrimen. Non esse rarius, liquet, vel ex forma illa, qua infuso plumbum

sunt glandes jaculatoriæ; quæ enim liquato implet, eandem plenissima manet, ubi induruit à refrigeratione; signum igitur est, frigore intra formam non contrahi & ad densari. Deinde, licet daremus Liceto, ætherem, Planetarum trajectione, colligi in nodos & densari; densitas tamen ista non esset tam pertinax, ut aliquot menses educere posset, & quamdiu vivunt Cometa; aer enim hæc motu condensatus, statim, ubi solido nullo stringitur & tenetur, in raritatem suam resilit. Sed fortasse hanc primam causam à se imbecilem, secunda juvabit. Non facit tamen. Si enim ab intrinseco & naturæ impetu æther ad densitatem redit, & in ea, quantum valet, se firmat & continet: ergo circa Mundi polos, ubi radius Solaris invalidus concretionem impedire non potest, perpetua nubes, & Cometa circulo Arctico æqualis apparebit.

Secundò, singulis noctibus æther nobis impendens ad densitatem suam redibit; quia Sol longissimè abest: imò, ut alibi affirmat Licetus, extremus radiorum ejus mucro ad oppositam eclipticæ semitam non pertingit, alia autem sidera sæpè non tantum habent lucis, ut dissolvere ætherem possint, & distingere ne condensatione se recolligat. Hoc quippe solum accidere potest in plurimorum astorum cœtu, & magnis Planetarum conjunctionibus, quod significat etiam ipse Licetus, nam ideo magnis conjunctionibus Cometas plerumque nasci docet; quia æther aliquot Planetarum in unum conspirantibus radiis fusus & rarefactus, cœtu dissoluto acrius se densat, & in Cometam alligat; ut aqua post calefactionem facilius & durius in glaciem rigescit.

Tertiò, non capio, quomodo radii siderum substantiam ætheris rarefaciant, si æther (quod credit Licetus) est incapax coloris. Nam quidquid dicat; radius proximè non videtur efficiens raritatis, sed calorem producit; qui deinde subjectum suum disrarat & fundit: ideo enim glacies, pellucens & plena Solaris luminis, non statim, sed pedetentim, calore crescente tabescit. Igitur nihil dum, quod stringat ætherem in Cometas, video, præter frigus illud à me disputatum Anno 1618. nisi Angeli condensantis manum implores, aut ad occultam, quæ sine frigore condenseret, influentiam fugias, teque in hoc ignorantia alylo abscondas.

Cur tamen etiam frigore & condensatione ætheris fieri Cometas, minùs jam placeat, hoc est; Quia quidquid addensatur, in eodem medio succumbit, & descendit profundius. Cometæ ergo, increbescente paulatim condensatione, molliter subsiderent, cum tamen contrà sit, & primo ortu demissimi sint, & deinde perpetuò in altum scandant.

Deinde stellæ, si quæ sint, frigorificæ, ætherem è regione Soli oppositum semper conducent & densabunt; quia Sol ab eo longissimè abest, & satis diu. Moveretur enim illa ætheris pars ab Ortù in Occasum ex adverso Solis, donec hic se illi admoveat, proprio & tardo regressu, ab Occasu in Ortum.

Adde, promptius in umbris Planetarum, quos altrinsecus Sol illucet, & circa Senem & frigidum Saturnum, ac præsertim acronyctum & Soli oppositum: exorituos sic Cometas, quæ omnia experientia refellit.

## ARTICULUS VI.

*Cometarum cælestium materiam è sideribus forè exhalari.*

**Q**uid enim aliud jam eligam? cæterum nihil mihi reliquum feci. Scio tamen hîc mihi clamores paratos ab iis præsertim qui cœlestia corrumpi, crementa aut decrementa sumere, negant. Sed per Deum immortalem, probabilius aliud nobis reponant, & beabunt: ego enim jam Cometas in maximis & abditissimis Naturæ miraculis pono.

Inter autem varias meas conjecturas in Libello Cometæ Anni 1618. una erat, halitus fortasse quosdam vi præsertim Solis, Planetarum corporibus expirari (quod Copernicanis videram non omninò displicere) & inde materiam esse cœlestibus Cometis. Ipsa enim similitudo materiaralis cum exhalationibus terrestribus, quibus formantur Cometæ sublunares, colorem aliquem veritatis statim facit. Secutus deinde nuper Camillus Gloriosus, qui cap. 4. lib. 5. de Cometis, egregiè hanc opinionem confirmat nisi quòd Solem, cum Snellio, se in illos macularum fumos præstat nocte dieque expirare; cum enim astra ista Borbonia sive maculæ, latissimæ & numerosæ sint, si Solis visceribus



ritur eructentur; metuo profectò ne brevi se evisceret, & totus erogetur. Solem itaque inter Planetas, ab hac exspirandi lege excipio, quia magis immortalis hæc publica Mundi lampas esse debuit; ne ea extincta, esset sine lumine.

Itaque, ut perveniam quò tendo, hoc præstruendum, & in eam sententiam abeundum, quæ cœlos & sidera è materia sublunari compingit, ut corrumpi aut decrescere, generari aut accrescere, quandoque valeant. Nec difficilis veniæ futurus, hîc est noster Aristoteles, qui lib. 2. cap. 5. de Cœlo, ait, Ταῖς μὲν ἀπεριβίβηταις ἀνάγκαις ὅταν τις ἰππύχη, τὴν χάριν ἔχουσα τοῖς εὐείσχυσι. Si quis certiores necessitates assecutus fueris, gratias agere oportet invenientibus. Et cap. 3. se excusât, quòd πῶρρῶθεν, ἢ τῷ τὸ τέπε πολλὸν δὲ μάλλον τῷ ἔσσυμβηκότων αὐτοῖς πρὸ πάμπαν ὀλίγων ἔχει ἀσθενειν, *eminus vobis ut ipso loco: multo verò magis, eo quòd eorum, quæ calis accidunt, per paucorum sensum habeamus, incertam & vacillantem cœlestium inquisitionem faciat.* Non vult igitur hîc in sua verba pestinaciter jurari, paratus etiam ipse melioribus acquiescere. Nos verò Christiani, quid propius rectiorem Sacrarum Literarum interpretationem accedat, curiosè circumspicere, quàm in unum Aristotelem oculum defixum tenere, debemus. Et quidem plurimi Genesis Interpretes, ac inter eos, Beda, S. Hyeronimus, S. Cyrillus. S. Clemens lib. 2. Recognitionum, existimant, initio Mundi totum spatium inter terram & Empyreum, impletum fuisse aquis, & partem earum duratam in Firmamentum, sidera, & orbes, & si qui alii, cœlestes. Unde Vir longè Eruditissimus, Ludovicus Molina, in Opere 6. dierum, disput. 5. *Ex Scriptura Sacra aperte colligi arbitramur, inquit, materiam calorum (scilicet Empyreum excipias: de quo contrarium probabiliter defendi posset) convenire in specie cum materia rerum sublunarium, docetque etiam concretos ex aqua.* Serrarius in 2. Petri 3. contendit, adversus Franciscum Suarez, cœlos siderios extremo die solvendos: nec esse cur Scripturam non tam propriè accipiamus, nisi anticipatam tantùm Aristotelicarum quarundam, quæ facillè solvi possunt, rationum opinionem. Et Doctiss. noster (sic conterraneum appello) Cornelius à Lapide, in cap. 1. Genesis, ostendit Sacræ Scripturæ esse magis conformem. Hoc statuto, cùm materia siderum, jam qualitatatum elementarium sit capax, cur adversus eorum expirationes, tam

contu-

contumaces simus? Certè dum cogito, omnes Planetas corpora opaca, & in parte à Sole aversà terræ simillima esse, dum montes, & valles, tot jugesque cæsuras, verrucas, & tubercula in Luna, per Arundinem nostratam aspicio, minùs mirari eos incipio, qui coelestem quandam terram esse dixerunt: & quidni etiam addam, fumare ietam radio Solari, & in vicinum ætherem se expirare.

Verùm aliqua sunt, quæ me non leviter conturbant. Primò, cur non jam tot annis cernimus figuram siderum depravatam, & molem decrevisse, continuà illâ expiratione? Deinde, mollia sic, non dura & adamantina esse oportebit; aliàs enim non carperentur actione Solis, sed cur ergo non diffiliunt tam rapido circa Mundum rotatu? Tertiò, venti & pluvix etiam ex eadem materia, in Orbe illo sidereo nascentur: quod invisum, inauditum, incredendum. Hæc, ut verum fatear, me acriter urunt.

De primo tamen Clariss. Virum, Thomam Fienum, in eruditissimo Cometa Anni 1618. audiamus. *Possunt, inquit, maxime generationes & corruptiones, maximæque permutationes in cælo fieri, etiamsi à nobis non conspiciantur; hoc visus nostri debilitas, & immensa cæli distantia faciunt: nec magis permutationes aut generationes ullas in hoc Mundo inferiore videremus, si in cælo Lunæ essent constituti (in quo tamen nunc, propter viciniam & propinquitatem, admirabiles, quotidie fieri animadvertimus) quàm modo videmus in cælo.*

Et Ampliss. ac Clar. Vir Erycius Puteanus in elegantissimo & bello de eodem Cometa Libello: *Homines, arbores & stirpes, urbes & ades oriuntur & pereunt; imo, perant. Sed quantilla hæc, si tanquam membra Orbis censeantur? Mænent interim regiones & maria, montes & flumina, passimque, tanquam non mutetur, moles hæret. In cælo quidni ad eundem modum variat? cogita minuta multa, & pænè infinita, parim generari, parim corrumpi quotidie, sed humanis oculis nequaquam comprehendendi. Minuta? imo, & magna quedam, variis tamen, quia magna sunt. Quid igitur? non ideo aut cælum esse cælum desinit, aut astrum, astrum. Omnino licet mutetur terra, Mundus tamen, Mundus est: Mundi enim pars quedam à Deo constituta. Sic mutetur cælum, permanens tamen Mundus potest: pars enim Mundi & cælum est. Breviter ergo, Planetarum orbis detrimentum, aut mutulationem aliquam pati possunt, & patiuntur, etiamsi ex tanto intervallo id oculis non sentiamus.*

Ad alterum, assero Planetas corpora dura, sed non aded, ut nihil inde radius Solis carpere valeat, aut exfugere, & lapides enim hic ac metalla detrectantur, & aliquid abjiciunt de pondere, si diu insolentur, nec tamen Planetas duritiei tam contumacis existimo. Neque mirum, raptu illo non dissilire; quia ne Cometæ quidem tam rari & fungosi dissolvuntur, imò spumarum globos, incolumes portari ac desuere videmus, secundo & satis rapido flumine, nec nisi serò dispergi. Ratio igitur est, quia Planetæ, Cometæ, & æther vehens, fluunt in eandem Mundi partem, ab Ortus scilicet in Occasum; de motu altero, Planetis & Cometis proprio, dicemus, quod satis erit, postea.

De tertio, negare malim pluvias unquam è halitibus Planetarum ibi concrescere; nisi cum Keplero, & quibusdam aliis, affirmares, in Luna ingentia, quæ vaporari possint, maria esse. Verùm fumos tantum sicciores, non insigniter ad pluviam humidos, extrahi autumo; quia Planetæ sicci & rigentes sunt, non humentes & fluxi. Sed an in ventos possint halitus eorum relabi? Dico, in regione illa tot siderum luminibus fervida, difficulter fortasse ita posse frigore densari, ut magno, & in flatum valente impetu, queant desuere. Itaque sæpius erit, ut molliter residant, quàm præcipientes & torrentes devolvantur. Verùm, quò tunc recidunt? ad terramne, an ad Planetam suum singuli, unde extracti sunt? Si hoc postremum fiat, hoc commodum nacti erimus, quod habeamus, unde sarcire detrimentum, quod passi fuerant Planetæ per illam expirationem; ut enim terra se reparat per vapores & exhalationes, quæ in eam relabuntur; ita Planetæ facient. Sed tot centra gravitatis, quot Planetæ, sic statvenda erunt; ut cuiusque scilicet undiq; partes in suum, non in alienum nitantur, quâ ratione longè promptius fuerit intelligere, quomodo ingentia illa corpora naturali libramento, in summo illo æthere dependeant sine lapsu. In quo sensu, aut prope, magnum Copernicum jam video: *Equidem existimo, ait lib. I. cap. 9. Revolut. gravitatem non aliud esse, quàm appetentiam quâdam naturalem partibus inditam à divina providentia Opificis universorum, ut in unitatem integritatemque suam sese conferant, in formam globi coeuntes: quam affectionem credibile est etiam Sili, Lunæ, cæterisque errantiis fulgoribus inesse: ut ejus efficaciam*

in ea, quæ se representant, rotunditate permaneant; quæ nihilominus multis modis suos efficiunt circuitus.

Vel si pertinaciter contendis siderum gravitatem ejusdem esse rationis cum elementari, omniaque in terram niti; do tibi fidereas quandoque exhalationes eousque defluere, donec ætherem aut aerem se graviorem inveniant: quomodo validè satis rejicies?

Historiz etiam quædam in cœlestium exhalationum probationem attrahuntur.

Septem continuis noctibus post cæsum in Curia Dictatorem Cæsarem, resplenduit Cometes, & circa totum illum annum Sol lugubri & pallidâ facie semper fuit: adeo ut malignâ, nec satis calorificâ luce, vix ullos terræ fructus perducere valuerit ad maturitatem, ut in Cæsare scribit Plutarchus & Poeta Princeps:

Georg.  
Lib. 1.

*Sol tibi signa dabis. Solem quis dicere falsum  
Audeat? ille etiam cæcos instare tumultus  
Sapè mones, fraudemque & opera tumescere bella,  
Ille etiam extincto miseratus Cæsare Romam,  
Cum caput obscurâ nitidum ferrugine texit,  
Impiaque æternam timuerunt sæcula noctem.*

Et lib. 15. Metamorph. ille ingeniosus, de eadem cæde;

*Arma, ferunt, inter nigras crepitantia nubes,  
Terribilesque iugas auditaque cornua calo,  
Præmonuisse nefas. Solis quoque tristis imago,  
Lurida sollicitis præbebat lumina terris.*

Anno etiam Christiano 1547. quatrinduo, à 24. ad 21. Aprilis, Sol ubique mœstâ & ferrugineâ specie illuxit, ut narrat Keplerus, quod, ut jam in mentem venit, Galli trahere possint in funestum Apollini (in quo Poetæ Solem intelligunt) & omnibus Literatis, fatum Francisci primi qui pridie Kal. Aprilis eodem anno, in Arce Rambuletana excessit.

Hebetatio autem ista radiorum Solis, per totam Europam, & latius fortasse visa, videtur in altissimos, & Soli propè admotos, halitus rejicienda, qui enim infra Lunam eum subtexunt, nisi immensam latitudinem occupent, non possunt, propter aspectûs diversitatem, in toto uno hemisphærio se illi obtendere. Video tamen hic maculas Solares, siue astra Borbonia, culpari posse, quæ insolenti con-

cursu & multitudine se Soli objecerint. Aliquando enim 10. simul visuntur; quidni potest, ut ( licet eventu raro ) etiam 50. aut plures? Nec statim etiam transvolant; sed quædam decimo, quædam undecimo, aliæ duo decimo, aut decimo tertio die diametrum Solis trajiciunt.

Sed antequam discedam, non dissimulabo quid etiam me habet sollicitum. Dixi initio, Solem verius nil exhalare, aut certè minimum; quomodo autem, cum materia ejus caloris capax sit, & in tanta abundantia affluentissimæ lucis, oporteat etiam esse ferventissimum? si verò sic ardet, cur non etiam se in ætherem exspirat? Dic tamen, aut habere temperiem calori repugnantem, aut si calet, duritiem tam obstinatam esse, ut nil sinat detrectari. Nec id in cælo mirum. Audi Plinium de terreno adamante. *Inviola vis Lib. 37. (adamantis) violentissimæ naturæ rerum, ferri ignisque contemptrix, cap. 4. hircino rumpitur sanguine.* De ferro tamen negat rei gemmarum peritissimus Scriptor, Anselmus Boetius Belga, quippe malleo frangi affirmat; sed ignis tamen injurias ita perferre, ut vividior & præstantior, nil diminuto pondere, eximatur. Item, ex amianto lapide molli & friabili texuntur mappæ ignibus inviolabiles, olimque Regum inde tunice funebres fiebant, ut cremata cadavera à rogi cinere separentur. *Ardentes in focis conviviorum ex eo vidimus mappas, inquit Plinius, sordibus exustis splendescentes igni magis, quam possunt aquis.* Vidit & Baptista Porta Venetiis. Quidni ergo simili corpore, & minus etiam ignibus obnoxio, Universi illa lampas esse possit; *vas, inquam, illud admirabile, opus Ex- Eccl. 43. cels.*

## ARTICULUS VII.

*Quomodo à halitibus cælestibus concinnandi ætherei Cometa.*

**H**Oc est quod palleo, quòd quis non prandeat, hoc est. res Pers. enim perplexissima, & omnem ferè conatum eludit; sed cum aciem undique verso, nil probabiliùs video, quàm si Cometæ cælestes generatione minimum à sublunaribus distent. Ascendunt igitur propria levitate per vastissima illa ætheris spatia halitus Planetarii, & in lucidam nubem coeunt, quem vocamus Cometam. Rarissimi ergo sunt, cum tam altè, & ad fornicem ipsum Firmamenti quan-  
doque



doque effugiant. quid tum? videri tamen & reflectere lucem possunt: quia cum opacitatis aliqua mixtura sunt. Innumera ergo halituum istorum superficies, per longam & multorum milliarium profunditatem, sibi invicem utro citroque lumen reddentes, & sic multiplicatum deorsum reſicientes, speciem illam stellæ fragrantis, aut conſcantis faciunt. Ingentis enim latitudinis & profunditatis nubes animo deformanda est, per quam radius Solaris hæc illac errabundus, & cum modica saltem ubique reflexione se contorquens, tandem in caudam aut barbam plerumque evadit: ita tamen, ut in profunditate tanta, sat lucis amittat & relinquat, ut ipsa se eo tingat, & reflectat ad speciem. Cur igitur non magis frequentantur, inquit, Cometae, cum verisimile sit, ætherias ibi nubes, ut aerias circa nos & terram, toto anno pendere? Negare tamen id possum; quia terrâ & aquâ molliores sunt, ideoque Soli halituum evocanti magis obediunt, quàm sidera, dura & contumacia habitus. Deinde exhalationem amplissimam esse necesse est, ut hinc à nobis tam distitis conspiciatur, quod æstimare ex superioribus Planetis licet, qui terrâ majores, tam angustos tamen in speciem orbiculos explicant. Itaque si in sphaeris Planetarum degeremus, plurima forte cœlestium nebularum vellera, toto æthere passim dispersa videremus, quorum jam species evanescit nimia spatii intercapedine.

Sed quid de novis fixis, & Firmamento velut inhaerentibus sideribus censemus? in genere ne Cometarum, an seorsim ea habemus? Plenius id in Libris de Cœlo tractabimur. Obiter jam dicto, è materia cœlestium Cometarum videri. Ratio est, quia carpuntur, relanguescunt, & finiuntur, ut Cometae. Fiunt ergo, cum halitus extra omnem parallaxin, ad Saturnum & ultra ascendit, ut jam appareat à solo primo Mobili, sine alio proprio motu, rapit. Ita verò fulget, quia materia cœlestis avidè lucem bibit, & sidera fixa è propinquo certatim in eam radios conjiciunt. sæpius etiam in Galaxia, aut juxta, visuntur; quia in finibus ibi Sporades, quæ confusis radiis viam illam lacte imbebant, suâ etiam aspergine ubertim halituum inebriant. Scintillant autem, & ardere videntur, ab eadem causa, quæ fixæ; propter distantiam, & alia, quæ alibi enarrabuntur. Dubito etiam, an ex ipsis fixis, nihil ad novarum materiam exhaletur.

Non est etiam perpetuum, novas fixas Lactæ adferi. Nam Simon Marius Anno 1612. unam in cingulo Andromedæ, Justus Pyrgius Lantgravii Hassiæ Automatopœus, alteram in Antinoo, Keplerus Anno 1602. aliam in Pisce David Fabricius Anno 1596. in Ceto, sat procul à Galaxia, nisi caligo aut lippitudines eos sefellerint, sunt conspicati.

## CAP. III.

*De Causa formali, efficientie, finali Cometarum.*

**H**Æc universa breviter, & in fasce dici possunt. Forma Cometæ tam cœlestis, quàm sublunaris, est figura stellaris, & lumen: hæc enim universim fundant similitudinem Cometæ, mobilis, sive immobilis, comantis, sive calvi, cum vero fidere. Species deinde singulæ Cometarum, aliquod aliud accidens, ut motum, aut quietem; vel etiam partem integram, ut comam, caudam, barbam adjiciunt. Figura autem capitis, licet è longinquo sphærica appareat, quia distantia inæqualitates suppressit, & rotundat (quadratum enim, aut triangulare, & omne angulosum, imaginem rotundi procul ostendit) sæpius tamen verè non est talis.

Causa efficiens proxima est Sol, aut aliud astrum quod radio suo materiam Cometæ trajicit & colorat. Causa verò sitûs, quem in aere sive æthere habet, est impetus qui halitum in altum abstulit, & in figuram talem concinnavit. Impetus verò iste est à levitate spiritus: ut statim, cùm de motu Cometæ proprio, dicemus. Finis Cometarum sublunarium, est purgatio aeris à noxiis exhalationibus; omnium verò, comminatio divinæ manûs & flagelli imminuentis. Quæri tamen potest, & meretur.

## ARTICULUS UNICUS.

*An Cometa aliquid præfagiant, & quomodo?*

**N**ihil vulgò magis persuasum est, quàm Cometas malorum prænuntios esse.

Οὐδὲν κομήτης, ὅστις ἢ κακὸν φέρη,  
Nullus Cometes, qui malum nullum ferat,

canebant illi Antiqui. Plinius lib. 2. cap 25. Cometes terribilium cum magnâ ex parte fidus, ac non leviter piatum: ut ciuili mori Octauio Consule, iterumque Pompeii & Cæsaris bello; deinde ante pugnam Philippensensem, post cæsum Cæsarem, Virgilius:

*Geor. 1.* Non aliâs cælo ceciderunt plura sereno  
Fulgura, nec diris toties arsere Comete.  
Silius lib. 8.

————— Non unus crine cornuco  
*Manil.* Regnorum eversor, rubuis lethale Cometes.  
*Claud.* Nunquam fustilibus excanduis ignibus æther,  
Et nunquam cælo spectatum impune Cometem.

Tria autem publicè illa mala, bellum, famem, pestem, & privatim Principum mortem præfagire existimatur. Unde cum sub Nerone Cometes effulisset, vulgus passim, inquit *Annal.* Tacitus, quasi eo jam depulso, quisnam diligeretur inquit *14.* rebat: sed cum multi toto ejus Principatu exorirentur, ut cladem à capite suo depelleret, sanguine illustri solitum erat expiare; doctus id à Babilo Astrologo, ut narrat Suetonius. Infinitum autem sit consarcinare omnes calamitates, omnium Principum exitus, cum hac denuntiatione. Alios antè aut post, Romanos Cæsares omitto, Claudium, Vitellium, \*Vespasianum, Didium Julianum, Severum, Macrinum, sic excessisse noto in Dione. Aut si recentiora magis allubescunt: Anno 1558. Augusto mense, Inuidiss. Imp. Caroli V. Et Anno 1618. Decembri & Januario sequenti, Augustissimi Cæsaris Matthiæ mortem Cometes antecessit; extinctus enim hic Anno 1619. in Martio.

Quidam tamen etiam fausti putantur Cometæ, ut ille qui post necem Julii Cæsaris, ludos Veneri Genetrici celebrante Augusto, horâ diei undecimâ emerfit; eum enim tanquam sibi faustum coli in Templo publicè edixit Augustus. Et Seneca, alterum initio Neroniani Principatus *Lib 7.* *Nat.* ep. 17. (quem latissimum vocat) exorientem, Cometis cæteris detraxisse infamiam affirmat. Quid ita? quia, credo, mors Neronis non respondit. Sed profectò vel idè infautissimus, quod pestem illam humani generis non sustulerit, & tot illustrium virorum, & in iis Senecæ ipsius, cadem non præverterit. Inter faustos etiam numerari potest ille Anni 1607. qui Belgis duodecim annorum inducias tulit: sed ecce tamen tunc statim arma in Clivia & Juliaco suscitata,

suscitata, exitu, sine hærede relicto, defuncti Principis. Ita sit profectò; si Orbem terrarum universim circumspicias, læta semper alicubi cernes permixta tristibus: nec ullum credo tam nocentem Cometam fuisse, qui nulli regioni parceret; imò qui multis etiam non potuerit videri nova gaudia attulisse.

Sed non in istum tamen, puto, finem, sed ad tristiora, mittitur. Solet enim benignissimum Numen, ubi mensura flagitiorum nostrorum ad plenitudinem venit, & vindictam his potius temporariam quam æternam parat, naturalium istorum effectuum occasione uti, & terrore illo ad poenitentiam & sui respectum convertere. Itaque cum Clariss. & Eruditissimo nostro Thomâ Fieno, in Cometa Anni 1618. nego Cometam, maximè coelestem, calamitatum physicam causam (quomodo enim exhalatio illa, siue Sole tantum perfusa, siue ignis etiam est, ex illo intervallo tantum valeat?) non nego tamen, signum ex institutione divina esse; quam omnium temporum historia affirmat. Igitur Cometa res quædam naturalis est, ut Iris; utraque tamen supernaturalem, à Deo significationem habet. Et hæc verba D. Damasceni lib. 2. Fidei Orthod. cap. 7. ducere potes, *Cometæ Dei imperio, certis temporibus constantur, rursusque dilabuntur.* Dicitur enim specialiter effectum illum, etsi naturalem, producere Deus, quem ex mero arbitrio ad finem planè extrinsecum, quò causæ talis effectus creatæ, nullâ ratione aspirare dici possunt, mittit & destinat: ut etiam Genes. c. 9. *Arcum meum ponam in nubibus, & erit signum fœderis inter me & inter terram.* Arcum tamen istum non solus, & digito suo depingit, siue penicillo radii Solaris, qui causa ejus est, & quidem purè naturalis. Aristoteles tamen signum naturale ventorum & siccitatis Cometas autumat; non quia efficiant, sed quia exhalationes aliæ plurimæ & confertæ, quæ junà è terra (quam arentem idèd & exsiccant destituunt) in aera scandunt, & miscelâ inquinant. Inde mors imbecillium, inquit Cardanus, qui non exercentur, qui curis multis distrabuntur, qui cibis delicatioribus usuntur, qui Veneri indulgent, quique faciliè egrotant, & ad senium inclinant, & parum dormiunt. Tales igitur cum sint multi Principes, mori aliquem eorum, in quem omnia hæc magis convenerint, plerumque contingit. Adde, opinione illâ, quasi noxii & in mortem missi, si deris, perturbari

Lib. 1.  
cap. 1.  
Variis.

bari aliquando fortè Principes cum iactura valetudinis. Sed imbecillæ hæ causæ sunt; & siquid in sublunariis fortasse valent, in cœlestibus Cometis, qui terræ filii non sunt, nihil possunt. Igitur, aut non potius, quàm turba vilis, occidunt tunc Reges, videnturque tantum, quia sublimium casus est insignior; aut certè tali ostento nuntiat Deus mortem ab aliis causis, jam jamque paratis, inferendam.

Porro ad præsagium & terrorem, Cometæ cœlestes magis idonei sunt elementaribus: cùm enim altissimi & in omnium oculis circulos suos decircinent, latius & ad plures Numinis metum spargunt. Colorem etiam huc referre aliquid putant. Atrati enim aut sanguinantes, Saturnini aut Martiales existimantur, & argenteis illis ac Veneris nocentiores. Fixæ deinde quibus subrepat, aspectus Planetarum mutuus, & Signum ubi ortum & incunabula habuit, non negliguntur: barba denique censetur mucronem intendere in eam Provinciam; cui dirissimè minatur. Verùm hæc incerto fundo concepta, nimisquam vacillant: barbam enim casu in illud cœli punctum dirigit, quod contigerit opponi Soli. Sol quippe, caput, & barba Cometæ in eadem linea circuli maximi sunt; neque dum satis expertum, an Deus cuspide illâ barbæ, in quam maximè partem desevitura sit ira, velit ostendere. Sed ad quon, ergo pertinere debet metas? inquires. Dico, ad omnes & universos; quia omnes peccamus: est tamen, cur iis crebrius arteria micet, corque palpitet, qui pluribus aut gravioribus sceleribus sunt cooperti.

Hoc etiam festinanti exciderat: reprehendo in manum: & accipe, priusquam me hinc amolior. Doctissimus Keplerus in libro Cometarum Anni 1607. & 1618. Cometæ causam turbarum sublunarium censet per sympathiam, quam elementaria cum Cometis & cœlo, habent: & Sebastianum Lusitaniz Regem à Cometa Anni 1577. stimulat, ut in Africam trajiceret, & suam perniciem. *Facultas mundi sublunaris*, inquit, *Cometam persensiscit & obstupescit, unaque facultates cetera omnium rerum sublunarium.* Et deinde, *Facultas telluris* insolenti Cometæ apparitione consternata, uno vestris superficiei loco multum exsudat vaporum, pro qualitate illius partis sui corporis: hinc diurnæ pluvie & eluviones. Quæ ridenda paulominus hic scio; quia ad istam sympathiam, oportet



reæ unam & eandem cœli, & rerum elementarium esse animam : item, quod terram ingens quoddam, & siderum etiam ac Cometarum intelligens, animal faciat ; non dubio palam à modestissimis etiam decachinnandum : & reverà Vir ille in Mathesi tantus, tam pertinaci tot jam annorum quibus in eo durat, de Telluris animatione & motu, paradoxo, magnam cæteræ scientiæ suæ aspergit labem.

## CAP. IV.

*De proprietatibus Cometarum.*

PRæcipuæ, & quæ in difficultate insigni, sunt color, figura, magnitudo, motus. De colore tamen, uno verbo absolvo, tota diversitas enim venit à materiæ opacitate aut transparentia : hæc nempe radium Solis resolvit, digeritque in clarum & argenteum colorem ; illa astringit declinatque in ruborem, aut etiam propè infuscat in atrum. A figura sumuntur omnes species Cometarum. Aristoteles duastantum recenset, Crinitum (qui propriè Cometes, sparsis in orbem comis) & Pogoniam, sive barbaturum : ad quas reduci possunt omnes, quas Plinius ad decem multiplicat : quicunque enim pæne rotundi, proprii Cometæ, alii Pogoniæ quidam vocari possunt.

Ad Cometem ergo pertinent *Αστὴρ*, qui colore electri, & figurâ disci, raras crines è margine mittit. *Παράσπαστος*, dolari figurâ, in concavo, fumidæ lucis, inquit Plinius. *Αυράδιος*, facis ardentis æmulus. *Ἰσώδης*, qui equinas jubas celerissimi motus, atque in orbem circa se euntes imitatur. *Ἀργυροκόμος*, Argenteo crine ita resurgens, ait Plin. *ut vix contueri liceat, speciemque humanâ Dei effigiem in se ostendens.* Quæ verba nebulosa sunt ; & nescio an ad Cometem, sive stellam, quæ Magorum ad Christi incunabula dux fuit, referri non possint. Fortasse enim fama, & res, fuit, sub Augusti Principatu, Cometam in Oriente & Judæa visum, in quo imago pueruli expressa, quem Christiani dicerent hominem Deum. Certè, dum cætera cœlestis huius Nativitatis admiranda cogito, hoc non pro maximo, sed in minimis, ducere non vereor.

Hi verò ad Pogoniarum classem spectant : *Ζήφιος*, brevi &

& in mucronem gladii fastigiato crine: hic autem omnium pallidissimus est, ait Plinius, & quodam gladii nitore, sine radiis. *Axovrias*, jaculi modo vibratus, occisimo signis-  
ficatu. De tali Titus Imp. in quinto suo Consulatu, pra-  
claro carmine scripsit: nec alius Cometa post hunc visus  
Plinio, qui cinere Vesuvii suffocatus, brevi illo Titi Prin-  
cipatu. *Keyrias*, cornu speciem habens: qualis fuit, cum  
Græcia apud Salamina depugnavit. *Δοxxίτης*, hastæ effigie:  
qualis Anno U. C. cccēiic. Caudatum autem vulgò à  
Pogonia ipso, sive barbato, non distinguunt. Solus enim  
aspectus ad Solem facit hanc differentiam. Nam si raptu  
primi mobilis manè prævertat Solis ortum, barbarus est:  
quia cincinnus prior supra horizontem assurgit, & spectat  
in Occasum, ut novissimus ille Anni 1618. Si verò vespere  
in hæmisphærio nostro relinquatur ob occaso Sole, cau-  
datus erit, & syrma trahet à tergo: ut alter Anni 1577, de  
quo tam multa Tycho. Causa est, quòd cauda, sive barba  
semper jaciatur in partem Mundi contrariam Soli. Sed hæc  
crinium & barbarum materia abire debet in longiorem  
disputationem.

## ARTICULUS I.

### *Causa barbarum & villorum in Cometis.*

**R**othmannus, & plerique vetustiores existimarunt,  
barbas Pogoniarum, esse tenues & villosos capitis  
floccos, huic aut illi parti, temporibus scilicet, occi-  
piti, aut sinicipiti, casu adhærescentes. Keplerus, & Snellius,  
affluviū quoddam, quo materia capitis se exonerat in  
partem à Sole adversam.

Dico Primò: Negari non potest, quin in Cometis, tam  
sublunaribus quàm cœlestibus, tam ardentibus quàm solis  
siderum luce conspicuis, flocci quidam rariores dependere,  
& eripire capita valeant. Patet exemplo Caprarum: &  
quia Cometæ omnes in circumferentia magis fungosità  
lanares, quàm circa centrum capitis apparent.

Dico Secundò: Caudæ pleræque omnes illæ longæ,  
barbæ, jacula, hastæ, sive quo alio nomine censeantur, radii  
Solares sunt per cerebrum (ut sic dicam) capitis Cometæ  
transverberati. Ita Appianus, uterque Gemma, Tycho, &  
plerique jam universi: probatur, quia in omnibus Cometis,  
qui

qui à centum jam amplius annis effulserunt, observatum est, caudas à Sole avertisse: igitur signum pænè evidens, radios per medium transdigi, & averfa parte extundi. Primus autem qui hujus rei publicum indicium fecit, cæterisque oculos aperuit, fuit Petrus Appianus, ut Tycho & Gemma Phrysius restantur. Hic deinde in octo continenter idem observavit. *Hoc enim, ait in Radio Astron. jam inde ab Anno 1532. à nobis jugiter observatum est, quod cauda sive coma semper rectissima projiciatur in contrariam Soli partem: quod etiam diligenter à Petro Appiano est primò in lucem emissum.* Cornelius Gemma filius ejus, in Cometa Anni 1536. & aliquot aliis, id est, omnibus à se visis, experientiam patris adfirmat; & universi quotquot huc usque secuti sunt: imò talem etiam fuisse caudam illius, Anni 1475. ex historia ejus apud Regiomontanum intelligi potest. *Conspicebas, inquit, ut statim post Solis occasum, cauda Orientem respiceret: appropinquante medio noctis, respiciebat Ateridiem; post medium noctis respiciebat Occidentem.* Similis denique caudæ fuisse videtur iste in principatu Macrini apud Dionem, *Sidus, inquit, ab Occasu versus Ortum multis noctibus caudam porrigens, gravem nobis perurbationem assulit.* Sol enim ante ipsum occidens caudam ei in Ortum intendebat. Quod verò non in pluribus id Cometis animadversum, oscitantia spectatorum factum est, quide ingenio, caudæ & totâ naturâ Cometarum parum solliciti, vix hilum posterorum solertiam adjuverunt. Nostra demum & proxima ætas cum magna cura rem istam habuit, & ad secururam adminicula transmittet, quibus fortè perveniet ad hoc arcanum.

Verùm experimenta quædam regeri in nos possunt. Lantgravius enim Hassiæ, inquit Rothmannus, notavit caudam Cometæ Anni 1558. decem etiam gradibus deflexisse ab opposito Solis: & Tycho caudam famosi, Anni 1577. Veneri non Soli, directè respondisse: quod Snellius etiam in Cometa Anni 1618. initio saltem, factum affirmat; postea tamen ad Solis oppositum se correxisse. Ita denique Michael Mœstlinus advertit in altero Anni 1580. qui primò devians, deinde in eundem circulum maximum reduxit se cum capite suo & Sole. Sed pauca istæ exceptiones legem generalem frangere non possunt, quæ se cauda sollemniter & serè constanter avertit à Sole; causa igitur

alia potius quærenda hujus varietatis: sicut erit Sole lucente, acerrimè quandoque gelet; non statim idèd dicimus glaciem à lumine (quod plerumque aliàs calorificum experimur) stringi; sed aliam hujus causam solemus investigare. Itaque axis caudæ, sive linea ducta per mediam longitudinem, aberrat paulisper in latus, à linea quæ è centro Solis per centrum capitis Cometæ, in oppositum circuli maximi punctum tenditur; quia radius propter materiæ capitis profunditatem, & variam opacitatem, avertitur ne exeat directè in oppositum: unde initio statim id evenire solet, quando scilicet cerebrum Cometæ maximè opacum est, crudum, & indigestum; ubi autem opacitas se paulisper deduxerit, & laxaverit exitum, radius tunc emicat in directum. Hæc eadem videtur causa, cur cauda sub principium ortus Cometæ, non effundatur statim prolixissimè, quia, inquam, radii Solares cunctanter, difficulter, & malignè per obstantia, & nimis adstrictam capitis opacitatem in adversum eluctantur: postea verò, digesta nonnihil materiâ longius se ejaculatur; donec halitu rarefcente, & vanescente, accidatur paulatim, & tandem unum cum capite exspiret.

Quòd autem axis ejus aliquando in oppositum Veneris exeat, idèd fortè est; quia Venus argentea & satis uberi luce, propinqui Solis radium juvat, unaque se per Cometæ caput transfundit. Non fuit etiam verum, Cometam Anni 1558. tot gradibus à Solis opposito divertisse. Nam Cornelius Gemma Lovanii eodem tempore, quo Lantgravius Cassellis eum observavit, caudamque paulominus oppositum Solis spectasse dicit: & Tycho Gemmæ potius credit; suspectatque Lantgravii observationem, quia Torquetum, quo usus, vidisse se & vitiosum deprehendisse asseverat.

Ex superiori etiam doctrina, non difficulter intelligi potest, cur aliquando cauda discindatur, & in ramos plures se spargat, quod in illo Anni 1577. Cornelius Gemma tradit: aliquando etiam subito in caput retrahatur, & iterum se explodat; ut in novissimo Anni 1618. semel factum Cysatus affirmat: hæc enim omnia dispositio partium cerebri in capite, item agitatio & motus, quo nunc viam radiis obstruit, nunc rursus aperit, efficere valet. Similis causa

causa Pogoniam in proprium Cometen, aut retrò, transformare potest. Ita Olympiade c viii. jubæ effigies mutata est in hastam, ait Plinius. Generatur enim undique in orbem crinitus Cometes, quando radii confertim, & universi caput pertundere non possunt, sed hac illac disperguntur: & rebulliunt in superficiem, eamque coronant; Evenit autem aliquando, ut qui initio materiam non peruperint, postea halitu se dissolvente, viam reperiunt.

Alio etiam modo è crinito Pogonias, aut contrà, fieri potest per accessum videlicet, aut recessum à Sole. Si enim Cometes Soli oppositus secundum Zodiaci longitudinem fuerit, sine syrmate aut barba, capite tantùm comanti apparet; qui motu proprio ad Solem paulatim barbam promittere incipit, aut extendere caudam: sicuti retrò, fit ut barba sensim attondeatur, quò propius ad oppositum Solis accedit: id enim Tycho in Cometa Anni 1580. & Rothmannus in Anni 1581. notavit: hic enim ubi ad oppositionem pervenit, perfectus Cometes factus, cano capite, dependentibus undique villis. Ratio esse debet, quòd & radii Solis per tantum intervallum trajecti, debiliores, & si quis est, cincinnus per capitis verticem directà in cœlum è regione Solis exeat; ut non facilè à nobis hinc cerni valeat, præsertim si fuerit valdè excelsus; caput enim tum cirro & comæ in altum surrectæ obstat, tegitque, ne longitudo ejus videatur: quod etiam situs ille stans & in cœlum erectus facit: nam columna etiam longissima, si oculo multò altior, brevissima tamen, aut etiam in globum contracta apparet: quia rectitudo ejus non satis longitudinem explicat, & omnia superficiei puncta sub acutissimis angulis conspiciuntur. Et hinc etiam fiet, ut talis Cometæ caput, cauda, seu orbiculari & undique cingente comâ involutum esse videatur.

Hoc etiam Argumentum ferè mihi effugerat, quo olim in Cometa Anni 1618. ostendi barbam radiorum Solarium fasce figurari. Die enim duodecimâ Decemb. mirabar horâ nonâ, decimâ, & porro ad mediam noctem, ne pilum barbæ sub rotis Plautri à me videri, ubi tamen manè prolixissimam conspexeram; tandem verò post mediam noctem cum Sol, & Cometa, qui Solem paululum antecedebar, re-verti ad horizontem nostrum ortivum inciperent, barba



juxta Plaustrum paulatim redire & formari cœpit, tenuissimo primùm & albente tractu, ut, planè matutina crepuscula solent; qui tamen sensim sumebat incrementum, & incendebatur, quod propius Cometæ caput & Sol ad horizontem & ortum accederent. Dixi tunc, & jam repeto; hoc Argumentum nullâ specie eludi posse, quin conficiat barbam illam radios Solis fuisse per Cometæ cerebrum cuneatos. Nulla enim alia vel apparenter causa fingi potest. Ideo autem albentes illi barbæ tractus tanto tempore auroram prævertēbant, quia Cometæ caput longè altius omnibus vaporibus erat, qui prima manè crepuscula rapiunt; & proinde barbam, quæ tali capite per altissimi ætheris spatia profundebatur, necesse erat maturius apparere: quod enim aliquid excelsius est, eò citius exoritur, atque in oculos venit.

## ARTICULUS II.

*In qua materia lux illa caudæ Cometarum sustentetur.*

**E**Tiam hoc difficulter extricamus. Keplerus existimat, Effluvium quoddam exhalationum ex capite, per radios Solis in plagam oppositam expelli; idque Cometæ caudam, & subjectum illius lucis esse. Verùm cum radii, corpora non sint, quæ instar cuneorum adacta, materiam partem ante se extendant, sed accidentia, quæ rarefaciendo solum, tenuiore & levioze spiritu sponte; quâ potest, diffugiente, caput exonerent; non est facile intellectu, cur non undique, & maxime per partem capitis, Soli vicinissimam, quæ acrius in ingressu radiorum uri videtur, halitus illi expirent. Deinde, quomodo caput non statim excerebratur & evanescit tam largo, profuso, & perpetuo multorum dierum effluvio? Certè enim Cysatus barbam Pogoniæ Anni 1618, aliquando spatium 44, terræ semidiamentrorum, id est, 382700. mill. Germanicorum occupasse putat; aded ut totum terrarum Orbem septuagies potuerit circumligare: cum tamen caput, unde flumen illud effundendum erat, non supra 53. mill. Germanica habuerit in circuitu. Denique, cur cauda toties capite unde expellitur, levior, non resupinat se semper & surrigit in celum.

Alii ergo malunt, inter exhalationes & strigmenta ætheris latissimè, circum diffusa, caput Cometæ incedere, iisque velut innatare: hæc autem licet rariora sint, & magis transparentia ipso Cometâ; reliquum tamen æthera densitate & opacitate vincunt, ideoque lumine Solis colorantur. Sed quare igitur, inquires, color iste non undique in orbem circa Cometam sparsus apparet, cum tota illa exhalatio lumine perfundatur? Respondet ingeniosè Licetus; Quia à fronte, quâ Cometâ respicit Solem, & lateribus, nimia luce opacitas exhalationis diluitur, ut reliquo ætheri similis videatur: non ita trans Cometæ caput, ubi umbra capitis, opacitatem quodammodò adjuvat, & lumen inumbratum irrufat, ut nigriori, & à circumfluo æthere discolori specie appareat. Indignor profecò, tam pulchram rationem falsitatis mixturæ esse deformatam. Nam, quantum hic cernimus, nec remissius in umbra lumen, specie rufi se oculis obijcit: & deinde, cum Cometæ plerique omnes, orbe Solari longè sint minores, umbras jacent pyramidatas, latissimas statim à capite Cometæ consumentesque se deinde paulatim, & finientes in conum: quod tamen minimè responderet figuris caudarum; quæ imagine potius scoparum plerumque visuntur, in exitu capitis angustissimæ, & thyrsus satis gracilem habent, in fine dispersæ in muscarium. Itaque in oppositam tota diametro sententiam (pedetentim tamen & morosè, ut in re anxia) discedimus; nempe, plurimam & uberrimam lucem, à radiis Solis intra cerebrum capitis aggregatis caudæ infundidicimus. Imaginem hujus refractionis putant quidam habere globo vitreo solido, aut aquâ pleno, ita radio Solari, per angustissimum foramen in conclave obscuratum illabenti, exposito, ut pars radiorum in parietem album indicat, pars margine vitrei globi excipiat: sic enim speciem syrmatidis non longè à comis illis Cometarum abluentem videbis. Verùm non constat undique similitudo: Nam caput Cometæ, solidum quoddam, densum & continuum non est (ut antè satis, ni fallor, ostendimus) quod ita lumen aggreget, ad id perpendicularem refringat; condensantur tamen, & in nodum quasi unum contricantur radii, propter qualitatem fortasse materiæ cœlestis, quæ tenuissima veluti scoebe & ramenti, infinitisque superfici-

ebus constat, quæ lumen sibi invicem dant redduntque. Radii tamen Solis non toti in illa capitæ materia consistuntur, sed longius in caudam trahuntur, adjecti insuper & intensi à luce quæ in capite adhæsit. Cauda verò è capite, æquali circiter cum ipso latitudine, emicat, deinde radius se dissecantibus rarefcit & dispergitur: eo ferè modo, quo cælo guttante & substillò, Sol per quædam nubium foramina, radios & virgarum veluti falces jaculatur, in exitu strictos & compressos, sed paulatim se deducentes & spargentes usque ad terræ contactum. Sed quomodo in raro & liquido æthere apparere potest lumen caudæ? quia minima densitas sufficit ad reflectendum: color enim ille cæruleus, quem putamus hæere in fornice cæli, lumen ab altissimo aere, sive æthere, ad nos reverberatum est; quia licet unaquæque pars illius aeris profunditatis, paucum, nec satis sensibile lumen reflectat; universæ tamen simul in summam unam, quod facile cerni potest, conferunt: quia verò etiam plurimæ minutæ umbræ, & minima infinitarum partium aeris opacitas in unum confunditur; idè lucem, quæ aliàs candida est, inclinant in colorem cæruleum. Si autem contingat tractum aliquem ætheris uberiori & veluti inculcato lumine perfundi, tunc illicò discrimen se prodet, & interlucebit ille, candoremque ostendit in cæruleo aut virenti utrinque ætheris campo.

Sic ergo colorari imaginor caudam illam Cometæ. Adde, jam non ambiri Cometam purissimo æthere; sed multos exhalationis rarioris floccos, aut tenuem pulvisculum, qui capite expiratur, comitari: hic autem extra caudam Cometæ, lumen Solis non ita plene, ut insigniter luceat, bibit; sed siccius & dilutius quàm cauda, quæ & à capite & à Sole abundantius perfunditur. Hæc tamen non omnino mihi mentem implent: sed abundum tamen jam est vel semifamelicò.

### ARTICULUS III.

*Causa curvaturæ caudæ in Cometis.*

**C**Um ex Optica doceamur, ait Keplerus, radios luminosos, arcus non esse, sed lineas rectas: curvatura symmetris Cometarum in motum materiæ è capite in caudam ebullientis referenda videtur. Sed non mihi, quia veluti funi

fumi & spiritus incendio exhalantes non uno & constanti modo sinuosi sunt, sed in varias spiras & figuras se torquent: ita caudæ illæ non eodem Schemate curvæ aut directæ tot diebus permanerent. Cauda Cometæ Anni 1618. initio Decemb. cum primum vidimus, in Austrum falcata erat, direxit se deinde, postremò concavum obvertit Septentrioni, & sic porro perseveravit in finem. Similis ferè mutatio accidit in cauda Cometæ Anni 1596. & 1580. & 1577. Imò Keplerus lib. Astron. Opticæ cap. 6. num 13. nec sine ratione existimat, curvaturam & gibbum caudæ, constanti lege ad eam Mundi plagam extuberare, in quam tota cauda ab opposito Solis deflectit. *Aded, inquit, ut depressus caudæ à Solis diametro, nihil aliud quàm pars curvaturæ sit:* hæc ergo caudæ sinuatio tribuenda non videtur turbido, & incondito effluvio materiæ e capite Cometæ.

Guiduccijs refractioni potiùs imputat: quomodo etiam remus in aqua incurvus apparet. Sed aliud reperire oportet; nam sic juxta horizontem, ubi major & plenior vaporum abundantia, maximè curvam & arcuatam esse oporteret: non est tamen; imò non alibi, quàm circa horizontem, caudam Cometæ Anni 1618. Cysatus & ego directiorem aspeximus; rectissimo enim radiorum tractu surgebat, qui paulatim in ascensu versus Meridianum se falcabat. Nec in hoc tantùm, sed solemne etiam fuit in cæteris Pogoniis.

Tycho ergo & Cysatus censent, reverà caudas omnes rectas & inflectas esse; arcuatas tamen videri, quia pars una oculo vicinior, obtusiori angulo, altera remotior, acutiori cernitur. Ita enim in tabulato aliquo quod oculus suspicit, pars capiti imminens, altior, quàm alia remotior, apparet; nam oculus in tota tabulati longitudine duo puncta æquè distantia non reperit; sed remotiora acutiori angulo, ultimum verò acutissimo omnium conspicit: quod proinde pavimento propinquissimum apparet, licet totum tabulatum rectum & horizonti ac pavimento parallelum sit, ut ex Vitell. lib. 4. Theor. 31. sumi potest. Sed hoc difficultatem non exhaurit, imò integram & plenam relinquit. Explicat enim solum, quomodo pars caudæ horizonti vicinior, depressior & terræ magis admota appareat, curvaturam in Austrum aut Septentrionem deflectam non expedit. Nec causa ista adhiberi potest curvitatæ illi, tamen  
maximæ,

maximæ, quam per verticem transiens, dum in Meridiano ipso jacit, ostendit. Denique sunt, quibus satis est, curvaturam hanc, similitudine candelæ celeriter per aerem raptæ, depinxisse: motus enim iste, flammulæ pyramidem sinuat, & conum retrò reflectit. Sed frustra; sic enim semper curvatura caudæ à linea motus se averteret; cum tamen caput Cometæ, & caudæ cusps, arcum aliquando faciant circa nervum per quem Cometa incedit; ut in illo Anni 1618. vidimus. Item si cauda, radii Solis sunt, defendi ista opinio non potest. Quid ergo dicemus? ignorantiam hic fatebimur (quod ingenue faciunt Tycho & Keplerus) & latere etiamnum causam in Naturæ arcanis. Aliquid tamen etiam, ne obmutisse videamur, coniectemus. Quid si quispiam quandoque, è cœlesti aut alia exhalatione, lenis ventus barbas illas afflando sinuet? Quod tamen non omnino placet; quia etiam Cometæ caput fluctuaret, & barba in unam eandemque curvaturam tam pertinax non esset. Quid si igitur (ut in caudis avium, & præsertim picarum cernere est) quædam radiorum, ut sic dicam, in latere uno pennæ, mediis breviores, citra finem caudæ deficiant? ibi enim latior, & gibbo quodam inqumescere apparebit. Sed cur in altera parte sinum facit, & se cavat? Accipe hoc, & abi, neque pluribus interroges. Quia radii ibi nulli, aut rariores quàm ut expressè, ut cæteri densiores, cerni possint: cavitas ergo apparet quia luce tenui & semiplena pars illa oculos effugit: hinc enim non statim à capite, ubi radii magis compressi & uberiores, sed aliquanto post, & circa medium sinus & curvatura insignior se aperit.

Sed quàm neque hoc, neque quidquid aliud prospicio mihi intellectum in tranquillo ponit! Ite nunc Mortales, & acie illâ divinâ rimamini & penetrare, quam unius etiam Cometæ barba vobis hebetat & obtundit. Verè *mirabilia opera Altissimi, & gloriosa, & absconsa!* Hic fructus Philosophiæ nostræ, & studii quod in omnem Mundi partem mittimus; & confessio imbecillitatis, & spontanea intellectus nostri, in tenebras Fidei divinæ, abjectio, quem alibi ferè ubique sic etiam caligantem experimur. Quid in arcanis illis abditissimis divinæ Triadis, Incarnationis, Eucharistiæ, Predestinationis, recessibus evidentiam à me ex-



igis, quam in uno Cometæ, imò tuo crine, mihi præstare non potes? Dic enim, quâ materiâ è mento suspendas illam barbam? dic, quæ causa, ubi statim emicuit, ei duritiem istam faciat, & colorem? De hac enim lana caprinâ animosè rixantur Galenus & Argenterius, cæteraque columnina Medicorum. Quam substantialem formam in barba tua locasti? fateberis, scio ignorantiam, sed audi, quid Magni Medici te fecisse autument. Plurimi inaniam, multi vegetativam, Clar. Fienus rationalem etiam animam putant. I jam noctua, & isto oculo cælum & Solem postula inspicere. Nec tamen ideo statim effodiendus est, quod faciunt scelerati quidam: humanæ, inquam, mentis imbecillitatem in mortalitatem ejus ducunt; & quasi gratias agere metuant, divini muneris præstantiam adulterant aut corrumpunt. Ingratæ creaturæ in suum Creatorem! Scilicet, quia Angelis pares non sumus, supbares manere non possumus; sed ad porcos statim, cum sociis Ulyssis, descendere oporteat, & intrare haram: Audiamus veracem potiùs & cœlestem linguam. *Minuisti eum paulo minùs ab Angelis, gloriâ & honore coronasti eum, & constituisti eum super opera manuum tuarum.* Ita est, non tam acutum quàm Aquilæ illæ cœlestes, quàm Angeli, inquam, cernimus: noctuæ tamen plurima in tenebris nostris videmus; ad quæ non adspirant oculis, & omni cœlesti luce capti isti talpæ. Cogita quàm multa de Cœlo & Mundo, Deo & Angelis, præteritis, præsentibus, futuris, æternitate ipsâ, virtutibus & vitiis, philosophemur; & infinitum inter nos & brutorum genus intervallum despicias, inspuetque impurissimo istorum Epicureorum ori. Sed eos in Libros de Anima differamus, ubi pluribus vapulabunt; maneatque ipsi tantisper, nisi redire malint, inter pecudes & jumenta, digni medius fidius qui cum Nabuchodonosore comedere fœnum, aut cum Asino Apuleiano sarcinas dorso gestare cogantur: nos, homines esse perseveremus.

## ARTICULUS IV.

*De Motu Cometarum.*

**C**ometarum Motus potest esse verus vel apparens. Apparere enim moveri Cometæ elementares & ignei possunt,

possunt, licet reverà non faciant, si exhalatio una aliam accendat; ut in stellis discurrentibus est explicatum. Ita fortasse aliquando Cometæ visi ad terram decurrere, aut subito & diffuso incendio comprehendisse magnam Cœli partem; nisi hoc factum tamen, evibratâ, derepente & dispersâ comâ.

Veros motus plerique Cometarum duos habent: primum ab Ortum in Occasum, secundum primi Mobilis, & aeris sive ætheris in quo natant, raptum; alterum, proprium ab Occasu in Ortum, aut à Septentrione in Austrum; aut retro, ab Austro in Septentrionem.

Ab Occasu in Ortum Cometa Vogelini Anno 1532. & Tychois Anno 1577. reciprocant. A Septentrione in Austrum, duo à Seneca, unus sub Claudio, alter sub Nerone, conspecti; eodem enim Septentrionis loco enati, Claudianus per Occasum Neronianus per Ortum deflexit ad Meridiem.

Sed plurimj iter intendunt in Septentrionem. Fecit hoc magnus ille sub Theodosio, de quo lib 12. cap. 37. Nicephorus; alter item Anno 1474. à Regiomontano celebratus, & alius Anno 1533. de quo Gemma Pater, in Radio Astron. *Vidimus, inquit, Cometam Anno 1533. in Julio, ab Hirci sidus secundum viâ Lactæ ductum, motum per Cassiopie sidus, hoc est, simul in præcedentia Signorum, & longè in Boream.* Talis etiam ille initio sæculi elapsi visus à Vicomercato, (annum non designavit) qui juxta Virginis Vindemiatricem natus, inde in Septentriones elapsus, voluminibus Draconis implicitus expiravit. Talis denique nuperus & famosissimus noster Anni 1618. Et simul observo plerosque affectare iter per Booten & Ursam majorem. Aliqui etiam juxta Polum ex-orti, per medium ipsum transgressi in partem alteram; ut ille apud Claudianum, de Bello Getico;

*Qui primum roseo Phæbi prolatus ab Ortu,  
Quâ micat astrigera senior cum conjuge Cephens;  
Inde Lytaonia paulatim expulsus ab Arcto,  
Crine vago, Getici sædavit sidera plaustris,  
Donec in exiguum moriens vaneſceret ignem.*

Sed quæ causa hujus proprii motus? Res iterum in abdito & nebulosa. Vicomercatus tam simplex est ut puret, ignem Cometæ prioris, quasi per stupam venâ | abuli invi-

tatum,

tatam, longius serpere, generarique novum perpetuâ serie Cometen, non eundem ex uno in alium locum transgredi. Sed si universim ita est, nunquam diu sub eodem circulo maximo Cometa incedere parebit; sed incerto & fluctuanti motu huc illuc, quo materia vocabit, discurrere, ut volantia sidera solent, videbis.

Rothmahnus, nec displicet Tychoni, Angelo hanc curam adscribit, & unico ictu expedit se omnibus molestiis. Et profectò si Cometæ motu proprio, circulum circa Solem (ut Planetæ, Tychonico, & valdè omnibus pænè jam probabili systemate, faciunt) aut circa aliud quodcunque centrum, decircinent, vix post longam fatigationem, aliam causam reperiarn: nisiingas à propria forma abire in hanc aut istam Mundi partem. Sed incredibile est, omnes Cometæ formâ substantiali differre, qui carpunt diversum iter. Et quidni ergo Angeli qui Planetas regunt, etiam Cometarum (quî temporanei quidam Planetæ) habenas accipiant? Quo fine? inquies. Incerto nobis, & quàm multi alii nos latent? vel certè isto: ad mortalium terrorem, & impendentium malorum metum. Verùm in effectibus istis tam naturalibus, ultimum effugium ad Angelos & occultas causas esse oportet, & ubi nullæ viæ, nullæ semitæ aliorum perrumpi possunt.

Galilæus & Guiduccius verò hâc conantur. Cometam rectâ lineâ à centro terræ in cœlum à propria levitate portari existimant; nec ullo alio motu circulari, quàm raptu primi Mobilis, circumferri. Motus autem ille rectus proprius, ha et imaginem circularis: quia quod Cometa terræ vicinior, & majorem parallaxin subit, eò depressior apparet: cùm verò ascensu parallaxin diminuerit, versus Zenith & Verticem nostrum se admovisse judicamus. Imaginem huius rei tenuem, sed facilem intellectu, in alaunda ave habemus: quæ se rectâ in cœlum levans, speciem tamen sub circulo maximo volantis præbet. Ubi enim primum terram deserit, segmento circuli horizontem tangenti respondet; deinde paulatim ascendendo, reliquis ejusdem circuli superioribus segmentis subvolare apparet. Idem fit in sagittâ rectâ sursum emissa, ac per axem ipsum horizontis.

Hæc sententia prope verum est, sed neque dum attingit.

Nam, ut optimè advertit Camillus Gloriosus, nullus unquam Cometa per verticem nostrum transire parèret; quod tamen novissimus iste Anni 1618. fecit. Sequere enim oculo, aut imaginatione alaudæ aut sagittæ illum volatum, & ad ipsum etiam Firmamenti fornicem producas, nunquam trans Zenith & caput tuum ire videbis. Deinde Cometa supra Lunam nati, vix uno aut altero gradu sic gressum promovebunt motu proprio, toto tempore durationis.

Itaque veriùs est, quod Keplero & Cysato nuper visum: Motum Cometarum proprium, trajectorium & transversalem esse, non circularem aut rectà sursum. Similis, inquam, est trajectionibus illis ignitorum, quæ non linea ad terram perpendiculari, sed obliqua, & ut Aristoteles loquitur, per diametrum quadrati deferuntur. Probat, quia hac una ratione, & causa efficiens illius motus, & incessus sub eodem circulo maximo, & quidquid aliud est, quod tam impensè omnes admirantur, utcunque sic expediri poterit. Nam aufertur sursum à proprio, & eum quodammodò animante, spiritu Cometa; obliquè autem, à simili causa, qua traiectiones aliæ, ut fulmen & stellæ cadentes, transversum devolant in terram; id est, gravitas in capite Cometæ, residua, rixam aliquam bajulo & succollata n' i spiritui facit, itaque linea transversaria per ætherem, in altum trajicit, si perpendiculari, & à centro terræeducta non valet, medium etiam secandum, & non nihil fortè, resistens, obliquitatem aliquam creare potest.

Eidem etiam circulo maximo subrepere apparet; quia linea illa trajectoria, recta est, quantum saltem hinc ex tanto intervallo cernere licet, & subtensa segmento circuli majoris. Imaginare g' obum tormenti obliquè è cælo Lunæ (ut statue in angulo semirecto, & sexto puncto elevationis si vis) in polum Arcticum explodi, omniumque Planetarum vias trajicere; sub circulo maximo & mediâ semper Firmamenti cameratione volantem hinc aspiceres, nisi tam parvus esset, existima jam sic trajici à propria levitate Cometam; & quo te deducere volebam tenes. Interea tamen etiam motu ætheris ab Ortum in Occasum fluit; nec dissolvitur, quia æther tenuissimus, & facilè se dividi patitur, accedit: ita alvo magnæ navis, à prora ad puppim, inambulans, nullum aeris ibi conclusi renisum experitur, etiam

amfi hic cum navi contrariam ambulanti partem tendat.

Initio autem celerrimi sunt Cometæ; quia spiritibus tunc magis turgent, & viribus integris sunt; quæ paulatim deinde hac illac, rarefcente à calore & radio Solari halitu, se expirant. Quia verò quandoque circa medium plurimi spiritus simul & subito in raritatem dissolvuntur, qui antea pigri & densiores erant, idèd in saltus quosdam aliquando visus se concitasse Cometa. Deinde in principio, cum videlicet terræ propinquior est, æquales partes lineæ trajectory ejus, majoribus circuli in cœlo maximi segmentis subtendi videntur, ideoque Cometæ caput ocyùs moveri; ut à paullisper etiam in Optica exercitato facillè intelligitur.

Sed quare plures Cometarum Septentrionem motu proprio nituntur? Hic hæreo, nec scio quæ extricem, nisi hoc sit: Raptus ætheris à Planetis eum secantibus, aut si mavis, à primo mobili, ab Ortus ad Occasum, circa Equinoctialem & Cœli medium, quàm circa polos Mundi, rapidior est; & hinc Cometa in æthere Zonæ torridæ natus, & eum trajicere sursum obnitens, in latus, ubi clementior raptus, & æther veluti stagnans, sensim deducitur: sicque levitate Cometæ molliorem transitum veluti quæritante, ad polos Mundi, Austrinum aut Boream submovetur: nisi hic iterum ploras, & imploras opem Angelorum.

## ARTICULUS V.

### *De Magnitudine, & Duratione Cometarum.*

Cometæ primo exortu plerique omnes maximâ mole apparent; & quia terræ propinquissimi, & quia carpuntur deinde, ac rarefcente capient crebrum & spiritum vitamque postremò erogant.

Si autem veræ sunt Hypotheses Astronomorum de amplitudine Planetarum, & inter eorum orbis Cometæ penetrant, non potest, quin hi etiam ingenti mole sint, cum ex tam alta distantia, & diametro satis amplâ & insigni à nobis conspiciantur. Hinc Cometam Anni 1577. die 13. Novemb. cum primum ab eo visus, eratque apparens diameter 7. minutorum, distantia verò ab oculo, 210. terræ semidiametrorum, statuit Tycho bis ferè Lunâ minorem, habuisseque in vera diametro, milliaria Germanica 368. Novissimum



visissimum autem istum Anni 1618. Cysatus 550. miliaribus Germanicis per ambitum circumscribit, quem proinde duobus vix mensibus quis circumcurrisset quotidiano decem miliarium Germ. itinere; diametro autem ejus miliarj Germ. 175. donat. Regiomontanus verò diametrum Cometæ Anni 1475. ad 16. miliaria Germ. Vogelinus alterius, Anni 1532. ad unicum milliare & quadrantem, restringit. Sed Tychoni, & pluribus videntur aberrasse in metiendis distantia à terra, ideoque capitella istorum Cometarum nimium circumcidisse.

Longitudo Comæ etiam est inconstans & incerta. Tycho in cauda sui Cometæ Anno 1577. sex & nonaginta Terræ semidiametros ( quarum quælibet 860. miliaria Germ. continet ) Cysatus in barba Anni 1618. cum prolixissima fuit, quadringentas quadringentaquinque, id est miliaria Germ. 382700. invenit; unde septuagies totum terrarum Orbem circumligare per circulum maximum potuit. Suffecit tamen Vogelino, syrmati Cometæ Anni 1532. miliaria Germ. 182. dedisse.

De duratione Cometarum, lib. 2. cap. 25. sic decernit Plinius: *Brevissimum quo cernuntur spatium, septem dierum annotatum est; longissimum, octoginta.* Mendum tamen hîc subesse, & litteram C. numero excidisse putat Muretus, & Plinium scripsisse *longissimum, C. octoginta.* Consentienter scilicet magno Senecæ, qui lib. 7. Nat. cap. 21. *Sex mensibus hic, inquit, quem nos Neronis Principatu latissimo vidimus, spectandum præbuit.* Reverà enim hunc ignorare non potuit Plinius, qui tunc etiam vixit, & omnia scivit; dies autem 180. sex mensium æquant ambitum. Josephus tamen Xiphiam quendam toto anno supra Jerosolymam pependisse narrat, ante ejus excidium. Sed tam pertinax duratio est insolens in Cometis. Astra verò quæ novitia, & attonso capite sine coma effulgent, vitaliora sunt; nam Cassiopæanum Anni 1572. solidum annum & trientem; alterum in pectore Cygni annos jam 26. eduravit, apparetque non valdè festinare ad interitum. Tota diversitas durationis in materia contumacia & propinquitate, viribusque Solis reponi debet: tam diu enim Cometes vivit, quàm materia contra digerentes se dissipantesque radios continere valet. Novitia autem sidera facilius fortasse ætatem ferunt; quia altissima

lima, & ipsi Firmamenti concamerationi fermè adhærent, adeoque non pleno illo ( uti Cometæ ) & torrenti radio Solis, è vicino perfunduntur ; sed extremo solùm & morienti mucrone, ac blando mollique Fixarum lacte inalbantur. Porro ætas Cometarum magis solemnis, est trium aut duorum mensium, aut sex hebdomadarum ; tanta enim ferè Cometæ Anni 1475. 1577. 1618. & aliorum passim.

## ARTICULUS VI.

*Quo tempore anni plures Cometæ.*

**O**Mnibus anni mensibus Cometæ quandoque exoriri, sed plurimos tamen Autumno & Hieme, historiarum fide ostendi potest. Causa obscura ; & quæ sine dubio Aristotelem pertraxit, ut Cometæ omnes, terrestres decerneret, trabium scilicet & caprarum igneos fratres : qui ut cætera Meteora ignita, idè Autumno præcipuè visantur, quia multæ tunc æstivorum halituum reliquiæ in aere etiamnum pendent, quas Sol imbecillus & ad Capricornum recedens, absumere non valet, aut dissipare ne in vorticem coeant, & Cometæ nodum. Et profectò Argumentum validum apparet, ac quod terreat primâ specie. Sed benè inspectum, non facit. Cùm enim Cometæ quidam, etiam circa altissimos Planetas, & ad ipsum pænè Firmamenti fornicem consistant, non possunt tam brevi aliquot mensium spatio, imò neque multis annis, à terra, etiam ocyssimo ascensu, ad illam altitudinem pervenire, globus enim tormenti rectissimâ lineâ, & per axem horizontis in cælum explosus, vix annis nonaginta ad Firmamenti contactum pertineret, etiam si horis singulis milliaria ducenta pervolarer, cùm tamen centum solùm & octoginta faciat ; expertum enim est, singulo quoque horæ minuto, tria circiter ab eo percurri. Vide ergo, quot annos exhalationem terræ tantò sæpè lentiolem, & transversario, non recto, motu expulsam, impendere oporteat, ut ad istam excelsitatem, vel dimidiam, aut quarum ejus partem ascendat. Non igitur ea quæ initio Autumni, aut Æstate antecedenti adhuc in terra fuit, potest in fine illius, aut hieme, tam alta suspici ;

Deinde Cometæ quos Autumno hic adspicimus, non nostri plerumque & terrigenæ sunt ; sed è Zonator-

rida

rida, ut nuperus Anni 1618. aut aliunde ad Septentrionem veniunt. Igitur si exhalatione terrestri constant, non è climate nostro, aut Zonâ hâc temperatâ, sed ex alia, ubi Autumnus fortè non erat, in cœlum ascenderunt.

Dico ergo Primò. Autumno plures apud nos Cometæ terrestres & sublunares, eadem de causa, qua frequentiora Meteora alia ignita, sunt.

Dico Secundò. Etiam Cometæ cœlestes tunc facilius concresecunt; quia Sol à Signis Septentrionibus discedens, halitus Planetarum corporibus extractos, in nubem & Cometæ globum finit coire.

Dico Tertiò. Aliquando à Sole circa Æquinoctium autumnale, & ultra in brumam se versante, evadunt in Septentrionem Cometæ, quia materia ibi resoluta, vires radiorum citius effugit (Sole præsertim in contrariam partem tendente) quàm dispergi valeat, aut digeri.

Dico Quartò. Magnis Planetarum Conjunctionibus enascuntur non rarò Cometæ; quia cœtu illo, & mutua è vicino irradiatione spiritum fortè eliciunt, & materiam Cometarum.

Dico Quintò. Non solum raptus Cometarum ab Oru ad Occasum rapidissimus est, quia 24. horis circumcurrit circulum, orbitæ alicujus Planetæ parem; sed etiam motus proprius, quo è Zona torrida v. g. paucis diebus in Septentrionem elabitur, & nostrum Autumnum. Quod facile æstimabis, si perpendas, unum aut alterum gradum, quem quotidie conficit, in cœlis sive circulis Planetarum, milliorum milliarium esse spatium.

Finieram, nisi hæc etiam clausula venisset in mentem. Cur motus proprius quorundam Cometarum, in fine, cochleæ instar, se torquet, & paulisper à circuli maximi segmento deflectit? hoc enim Doctiss. Cysatus, hoc Eruditiss. noster Godefridus Wendelinus, Vir ampliore fortuna dignissimus, in Cometa Anni 1618. notavit. Non existimo, quia plures stellulæ, ex quibus Cometa compactus sit, in unam Mundi partem, quàm alteram discedant; ut putat Cysatus (hanc enim Cometæ, è sideribus quæ nunc gregatim incedant, nunc se iterum dispergant, concretionem jam antè rejecimus:) sed quia Cometa extremis admotus, evanidus, & vacui ferè capitis, tenui & imbecillo spiritali

vestus,

vectus, facile se motu raptus, aut ab alia causa, in latus depelli solet, vel certe, quia circa finem reliquæ spiritus se hanc illac displodunt, aut effundunt, & turbatione agitantur velut ebrium caput. Imago hujus in pyrobolis nostris est, pulvis enim initio multus & accensus rectè sursum aufert: in fine verò rectitudinem torquet & depravat.

LIBERTI FROMONDI  
**Meteorologicorum**  
 LIBER QUARTUS.  
 De Ventis.

**V**entorum scientiam in difficili & abdito esse significat Regius Psalter: *Qui producit Ventos de thesauris suis*, id est, potentiâ Dei secretissimâ & ditissimâ, quæ nunquam exauriri potest; & interpretatur Illust. Card. Bellarminus. Et Ecclesiastes: *Quomodo ignoras quæ sis via spiritui*, id est, venti, & quâ ratione compingantur ossa in venire prægnantis; sic nescis opera Dei, qui fabricator est omnium. Et Veritas: *Spiritus ubi vult spirat, & vocem ejus audis, sed nescis unde veniat, & quo vadat*. Nos tamen quod meditatio & longa observatio docere potuit, enarrabimus. Psalm. 134. Eccl. 11. Ican. 3.

Ac in primis, quod solemus, doctrinam Aristotelis, & causas ventorum in compendium dabimus: omniaque deinde in disputationem longiorem mittemus.

Causa ventorum materialis Aristotelij, est exhalatio sicca & truda. Formalis, motus illæ transversalis per terram; unde quia ventus, compositum quoddam accidentarium est ex halitu & motu illo locali, immobilis (quod mireris) est; quia forma & motus quo constat, transferri idem numero nequit de loco in locum; sola ergo exhalatio, quæ materia ventis est, mutat locum. Causa efficiens proxima est illa

quæ in halitu producit immediatè venti formam sive motum. Est ergo *impetus quidam* si verum est, impetum distinguendi à motu, & esse instrumentum generale omnis alterius causæ moventis, ad efficiendum localem motum. Ille verò impulsus, vel ex repulso nubium, vel à propria exhalationis refrigeratæ gravitate nascitur; ut docebimus statim. Causa finalis est: *evenilatio aeris, & utilitas animantium*; præter ceteros effectus, ad quos, ut fines, adhiberi possunt venti, ut cernere erit infra.

## CAPUT I.

*De Causa materiali Ventorum.*

## ARTICULUS I.

*Materiam Venti non esse aerem.*

**P**Lurimi Veterum, ut apud Aristotelem & Plutarchum videre est, aerem in materiam ventorum traxerunt: quos postea nuper secuti Cardanus lib. 1. cap. Variet. Copemicus lib. 1. cap. 1. Revolut. Bodinus lib. 2. Theatri. Benedictus Epistolâ ad Pancrat. Mellanum. His omnibus placet vetusta Hippocratis Definitio, Ventum nil aliud esse, quàm *aeris fluctum*. Et disertè dudum ante ipsos Seneca lib. 3. Nat. affirmat, aera tranquillum hoc à vento distare, quod à flumine lacum.

Ut ergo aqua lacustris, si per alveum effluere incipiat, fluminis accipit nomen: ita aer silens & stagnans, ventus fiet, si in unam aliquam partem impetum ceperit, & spirat. Et profectò ventum aut ventulum sæpe sumi pro fluctu aeris flabellati, non est dubium. Terentius;

*Cape hoc flabellum, & ventulum huic sic facito.*

quod Græci *πύρρος* dicebant, ut ad Varronem notat Jos. Scaliger. Imò Aristoteles ipse Sect. 23. Problem. consensienter Veteribus, quos tamen in Meteor. refellit. Ventum definit, *αἰὲρ ὁ κινούμενος, aeris impulsus*. Et facillimè omnium hanc sententiam defendere possunt, qui ventos omnes etiam ordinarios ab Angelis cieri docent, quis enim tam habes, ut non facillè intelligat quomodo cælestes illi *Moti*  
aerem



aerem huc illuc propulsare, & in ventum exspirare possint?

Aristoteles tamen lib. 2. Meteor. cap. 4. materiam venti exhalationem & vaporem statuit, non aerem Elementarem; cum verò in Problem. ventum, aeris impulsu dicit, aerem, ut sæpè etiam in Meteoris, pro spiritu & exhalatione capit; ut rectè in Theoria ventorum notat Eruditiss. Romanus noster.

Refelluntur ergo Veteres, & eorum hodie consecranei, quia fluxus ille aeris transversalis, vel naturalis est; vel contra, aut præter naturam. Non naturalis; quia aer animal non est, ut somniant Stoici, quod sponte se in omnes differentias situs impellit; sed corpus inanimatum, quod in medio graviori, levitate suâ sursum, in leviori, gravitate deorsum, rectâ tendit.

Si autem motus ille contra aut præter naturam est, ergo ab aliquo extrinsecus impellente fit. Quod autem erit illud? Certiquidam Planetarum aspectus, & ventosæ influentiæ, inquierent Astrologi. Et lib. 4. cap. 31. de Angelis, consentit Eruditiss. Franciscus Suarez; si enim Luna mare ab Ortum in Occasum, Sol tot flores & heliotropia circumducit; cur etiam ipsi, aut certè alia sidera, non valeant aerem in ventum trahere aut propellere? Sed profectò sideribus non inesse vim aeris attractricem aut expultricem, inde patet, quòd aliàs omnes venti semper aut diutissimè in unam Mundi partem inclinarent; si enim attraherentur, semper sequerentur Sidera exorientia, ab Ortum ad Occasum; ut mare Lunam, & heliotropia Solem: si repellerentur, Sidus quod vim extimulandi aerem in Septentriones haberet, illorsum omni die, exoriens propelleret. Hoc autem experientia longè respuit; sæpè enim sub omnibus iisdem sideribus aer contrariis ventis jactatur, ut hodie fiat Austri, cras eodem horæ puncto Boreas, ut sæpè observavi, nullâ in ullo siderum aspectu factâ insigni mutatione.

Theologi quidam malunt ab Angelis concitari & ventiliari aerem. Sed eos ab hoc ministerio removebimus, ubi causam efficientem ventorum disputabimus. Alii rarefactione aut condensatione huc illuc affluere, & sic in ventos & fluctus abire: quos etiam ibidem refellemus. Itaque præter aerem spiritus alius, qui per ipsum fluat & terebret, necessarius est, ut proximo Articulo ostendemus.

## ARTICULUS II.

*Halitum, Venti materiam esse.*

**N**ULLA enim alia statui potest, si aer elementaris, quem jam antè rejecimus, non est, Deinde, venti procellosi, ut Lib. 2. docuimus, exhalatione calidâ & siccâ, instar fulminis, generantur; igitur verisimile est, eandem esse materiam cæterorum. Tertio, nautæ vehementissimos & turbulentissimos ventorum circa Promontoria & littora experiuntur, ut Jos. Acosta lib. 3. histor. Indic. cap. 3. fateatur; quia scilicet halitus è vicina terra resolutio constant, qui initio & integris viribus validissimus est, lassatus verò spatio, & debilitatus pervenit in altum mare. Unde Christoph. Columbus Indiarum ille reperor, coniecit teriam ultra Oceanum Atlanticum esse, quia inde venti satis validi & feroces affluerent. Quarto, nisi exhalatio materia ventorum sit, nulla causa est, cur Etesix & alii venti solempes, certis anni temporibus adspirent. Item, cur post pluviam plerumque sequi soleat ventus. Terra enim mollita & tabefacta, facilius Soli obedit, & dissolvitur in exhalationes, quæ deinde ventis cedunt in materiam. Exhalatio tamen terrestris mera nunquam est tota materia venti. Multos enim unâ vapores perplexos & permixtos trahit; aeris etiam aliquam partem ante se agit; sequiturque deinde alia à tergo, ut repleat vacuum. Breviter, cogit flumen aliquod rapidum aut torrentem in mare incurrere, aquas ejus canali per eas factio longè terebrantem, & undam ante se propulsantem: & venti per aerem fluentis habebis imaginem. Denique, rubedo cæli, & omnia signa ventorum, indicant spiritus aliquos in sublimi hære, qui brevi in flatu defluent.

CAPUT

## CAPUT II.

*De Causa efficiente Ventorum.*

## ARTICULUS I.

*Rarefactionem, aut condensationem, causam efficientem Ventorum omnium non esse. Adversus Vitruvium, & Io. Baptist. Benedictum.*

**C**Ausam Efficientem Ventorum remotam hic non querimus, illa enim eadem est, quæ omnium Meteororum: Sol nempe, aut alia causa resolvens exhalationem. Proximam ergo investigamus, quæ motum illum obliquum imprimit, qui est ultima forma venti. Et quidem si impetus est qualitas secundæ speciei, & potentia naturalis immediatè efficiens omnem motum localem, ut plerique Lovanienses hodie censent: etiam motus ventorum erit proximè efficiens, sed alibi ostendam, impulsus illum non esse qualitatem, sed ipsum localem motum. Volumus ergo nunc scire causam, quæ det vento transversalem illum impulsus.

Vitruvius lib. 1. cap. 6. putat eum à calore aerem rarefaciente excitari, & probat hoc exemplo. *Fiunt, inquit, Aëlipila ærea, cava, hæc habent punctum angustissimum, quo aqua infunduntur, collocanturque ad ignem, & antequam incalascant, non habens ullum spiritum: simulac autem fervere ceperint, efficiunt vehementem flatum. Ita scire & judicare licet è parvulo brevissimoque spectaculo, de magnis & immanibus celi ventorumque natura rationibus.* Existimat ergo, ut aqua in pila seu sphaera illa ærea rarefacta, per angustias foraminis se expirat: ita aerem subito rarefactione diffuere in ventum: ideoque ventum definit, *Aëris fluentem undam.* Idem ferè Benedictus: *Nec Aristoteles, ait, nec alius ex ejus fautoribus animadvertit, vatum mediante calore, & densum mediante frigore, esse causam ventorum.* Et probat, quia si nubes Solem lucentem subeat & obscurer, statim aliqua aura perstringi nos & afflari sentimus: non quia aliqua tunc exhalatio magis adspiret, quam ante Sole extra nubulum splendente: sed quia aer circa nos subito à nube inumbratus, se frigore colligit & condensat, quique remotior erat, ad nos convolat & circumfluit. Et

in parte saltem accedit Seneca lib. 5. Nat. cap. 6. *Aliquando per se ipse Sol, inquit, causa venti est, fundens rigentem aera, & denso coactoque explicans, ostenditque in flatibus antelucanis, qui moveri & existimari solent sub auroram, quia etiam antequam Sol appareat, lumine ipso valet, inquit, & nondum quidem aera radiis impellit, jam tamen laceffit & irrisat, luce promissa.* Orto autem Sole, vis eorum relanguescit: quia spiritus nimis tenuatur, & tepore diffunditur, unde nunquam usque ad meridiem tales auræ producuntur.

Verum licet Sol, aut etiam Aurora exorients, aera nocturnum, frigore rigentem & densatum, item vapores & exhalationes infimâ regione hærentes, in blandam & levem auram tepore suo relaxet: hæc tamen validissimorum illorum flatuum causa esse non potest.

Probatur Primò: Quia pleno sæpè meridie, v.g. quando aer plenam & totam raritatem habet, quam illo die à Sole accipere potest, repente existunt venti: nec tamen à rarefactione aeris, quæ nulla est: neque à condensatione, quia suppono etiam nullum ei accedere novum frigus, quod condenset.

Secundò: Incredibile est, ventos autumnales validos & feroces, qui tantas sæpè edunt strages, solâ aeris rarefactione aut densatione commoveri. Recordor tamen etiam (ne oblitum putes) quantis viribus, fulmina & procellæ e nubibus, flamma pulveris accensa, è tormento, ob subitam rarefactionem, erumpant: sed maxima & ignea, ac repentina rarefactio, item angustia loci, in quo exhalatio vel flamma constringitur, vehementiam illam faciunt aut intendunt. Aer verò quem in ventos rarefcere volunt, liber & solutus per totam infimam regionem expanditur, nec tantâ celeritate & impetu rarefcit, quantâ flammæ fulminum, aut exhalatio turbinum fumida, fervida, & panè flammans: sed molliter & sine angustiarum ulla resistentia funditur.

Tertiò: Æstate, quando calore maximè rarefcit, aut hieme, quando frigore densatur aer, plurimi & acerrimi venti eum exercerent, contrâ tamen est, & plures ac acriorres per ver & autumnum discurrunt.

Quartò: In omnem differentiam positionis, sursum, deorsum, antrorsum, retrorsum, & undique in orbem rarefcit

rarefcit aer: ergo quando Lovanii rarefcet, Thenenſes, qui nobis ſiti ad Orientem, ab Occaſu Zephyrum, Bruxel- lenſes, ab Ortū Subſolanum, Mechlienſes, à Meridie Au- ſtrum, Namurcenſes, à Septentrione Boream, Lovanio tanquam omnium ventorum iſtorum centro, ſpirare ſen- tient, quod tamen palàm falſum. Tam vicinæ enim Civi- tates unum eundemque, ut plurimum, vento uno tempore habent.

Si verò aeris condenſatione venti oriantur: ſit ergo iterum Lovaniienſis iſte aer qui condenſatur, huc igitur ab Ortū, Occaſu, Meridie, Septentrione, rarior aer confluet, veluti in centrum circa quod ſit condenſatio: atque ita ab omni parte cœli undique ſimul venti nos incurrent, quod etiam refutat experientia. Si dicas nunquam contingere, ut Lovanii tantum, & non in aliis circa regionibus ſic condenſetur: demus hoc, tantundem enim conſiciemus. Itaque totius Brabantix, aut etiam Belgii, aer gelu con- ſtringatur, venti ab omni Mundi cardine in Belgium con- current: cùm tamen unicum tunc plerumque ventum, ut Boream, aut alium frigidum, regnare experiamur.

Quintò: Venti gelidi & hiemales ut plurimum, frigus & denſitatem illam in aere producant: ergo prius eſt, ventum hiemantem ſpirare, quàm aerem addenſari, ac proinde condenſatio cauſa venti non eſt, ſed effectus.

Denique: Quando aer condenſatione colligitur in minus ſpatium, ille qui circumcercà eſt, aliquantum quidem ſe promover, meta vacui, ut impleat locum, ab eo qui con- denſatur, relictum; ſed non inſtar torrentis ſe per aerem illum denſiorem effundit: nec, ut venti ſolent, tranſcur- rit integram regionem; ſed in vicino conſiſtit, quia peri- culum vacui non ſtagitat motum ulteriorem.

## ARTICULUS II.

*Motum Venti non propriè fieri repulſu exhalationis à nubibus, ne plerique exiſtimant.*

**P**Er ipſa etiam omnes Ventum à nubibus, aut frigore mediæ regionis, deorſum repelli docent: ideoque mo- tum obliquum eſſe, quia exhalationis levitas ſuſum nititur contra repercuſſionis ictum, qui rectà deorſum tendit;

ex



ex qua rixa motus in latus deflectit, & sic transversalis.

Dico Primò; Nubes non repellit deorsum exhalationem venti, ut paries pilam lusoriam solet. Probatur: quia licet exhalatio maximo impetu sursum ferretur; nubes tamen, quia mollis est & rara, non ita se ei objicit, ut transitu arceat; vapor enim nubium, quamdiu non depluit, rarior est aere infimæ regionis, ut lib. 5. ostendemus. Itaque ventus potius nubes pertundet, & se transcribrabit, quam deorsum, impetu præsertim tam valido, resiliet: Deinde, primo statim exhalationis ictu turbabitur & confunderetur figura nubis; unde secunda exhalatio in aliam figuram impacta, in aliam partem quàm prima reflectetur; fietque ut nunquam diu ab eodem cœli puncto & per eandem lineam spiraret ventus.

Dico Secundò; Nec frigus mediæ regionis habet propriam vim repellendi exhalationem calidam. Probatur, quia inter qualitates primas non est talis antipathia, quæ se virtute aliquâ loco-motivâ abigant & repellant; ut magnetes aliqui ferrum: aliàs enim calor ignis aquam frigidam statim repelleret, & aqua ignem, ante qualitatum primarum actionem & reactionem; quod non experimur: calor ergo non aliter abigit frigus, quàm calefaciendo & rarefaciendo subiectum ejus, dandoque ei levitatem, quâ fugiat & mutet locum; frigus contrà, refrigerando, densando, & aggravando caloris subiectum. Sententiam tamen quam jam oppugnamus, quidam credunt esse Aristotelis in libro de Mundo; sed liber iste, sine dubio, Aristotelis non est, ut docti præne omnes fatentur. Libro autem 2. Meteor. cap. 4. hanc causam reddit obliquitatis motus Ventorum: *Ὅτι πᾶς ὁ κύκλος ἀπὸ συνίπταται τῇ φαρᾷ.* Quia omnis, qui in circuitu est aer, lationem consequitur. Id est, licet exhalatio rectà sursum, ut ibidem ait, feratur; deorsum tamen obliquè retorquetur ab aere supremæ regionis, qui raptum cœli sequitur ab Ortum in Occasum. Sed Alexandro Aphrodisio, summo Peripatetico, displicuit hæc ratio Aristotelis, & egregiè oppugnat: Sic enim, inquit, omnes venti, ab Oriente spirarent; quia à motu illo supremi aeris detorquerentur ad Occasum, cum suprema regio motu cœli rapiatur in illam partem. Adde punct, in altissimorum montium vertices flatus vix pervenire, ut Sect. 26. Probem.

blēm, fatetur ipse Aristoteles: quomodo ergo ab aere, qui  
 ibi incipit in orbem cum cœlo verti, deorsum repelli pos-  
 sunt ventorum exhalationes? Deinde, aer supremæ regi-  
 onis qui sub polis est, languidiùs retorqueret flatus, quia  
 tardiùs circuit motu cœli; cùm tamen à Septentrione ir-  
 ruant ferocissimi venti. Denique, probabilius fortassis est,  
 ut Lib. 1. docuimus, vicinum cœlo aerem, ne hilum, aut  
 non tam longè saltem à cœlo trahi, ut motus descendat  
 usque ad aerem, qui circumfunditur cacuminibus excelsis-  
 simorum montium. Itaque Sect. 26. Problem. aliam causam  
 affert Aristoteles, quæ deinde placuit discipulo eius The-  
 ophrasto; multisque recentioribus, cum Doctiss. nostro  
 Adr. Romano lib. de Theoria Ventor. Affirmat, exhalati-  
 onem partibus heterogeneis, una calida, subtili ac levi,  
 altera frigida, densiori & gravi, constare. Cùm autem, inquit  
 Aristoteles, *alterum sursum, alterum deorsum versus nitatur, &  
 neutrum alterum superet, nec fieri possit ut ubi pendulum hæreat, obli-*  
*què ferri necesse est.* Igitur ex rixa partium elevantium &  
 deprimentium oritur motus ille transversarius ventosæ ex-  
 halationis. Quia enim levitas non sat virium habet, ut  
 rectà sursum gravitatem renitentem auferat, nec gravitas,  
 ut levitatem lineà perpendiculari ad terram deducat; sine  
 utraque junctis & permixtis viribus, motum lateralem, ex  
 rectis sursum & deorsum quasi compositum facit. Verùm  
 si tantoperè levitas gravitati resistit, ut tantam curvitatē  
 in motu venti efficiat; quī potest, ut vehementia illa, quā  
 domos sæpè & arbores evertit, ad terram se allidat? De-  
 inde, si gravitas absolūtè levitatem superat, (quod necesse  
 est, ut ad terram veniat) cur non rectà deorsum potiùs,  
 licet tardiori motu, exhalationem detrahāt? Dices: Rari-  
 ores spiritus materiæ graviori permixti, & eam rectà à cen-  
 tro terræ sursum sublevantes, impediunt ne recidere possint  
 contra directum eorum nixum, ideoque defluit obliquè,  
 in latūs. Verùm, licet id intelligi queat, si materia illa  
 venti densior & gravior, solida sit, & impediat, ne libere  
 transierint inclusi spiritus, cùm tamen tota fluxa sit, &  
 motu illo, quo discerpitur & diffluit, laxissimum exitum  
 det omnibus partibus levioribus; non satis capio, quomo-  
 do contra partium graviorum propensionem sic renitan-  
 tur, ut necesse sit motum obliquare. Conimbricenses igitur

tur Tract. 6. Meteor. c. 3. cū viderent hæc non planè satisfacere, ad influentias siderum recurrunt: Sed apte id rejicimus, Artic. 1. c. 1. hujus Libri. Nec etiam Eruditiss. illis Viris usquequaque placuit: addunt enim; *Verū, ut ingenue fateamur, hoc unum (motus ventorum) est ex iis, quæ in naturæ contemplatione, magna ex parte latens.* Ideoque aliquis fortè inveniatur, qui in Deum immediatè referat; quia dicuntur venti Psal. 134. produci de thesauris ejus. Item Amos cap. 4. *Formans montes, & creans ventum, faciens marinam nebulam.*

Sed tales & tam ordinarios effectus non solet operari causa illa prima. sine ministerio secundarum; licet ei passim tribuantur: ut Psal. 73. *Tuus est dies, & tua est nox, tu fabricatus es auroram & Solem: tu fecisti terminos terræ, æstatem & ver, tu plasmasi ea.* Diem tamen, & auroram, æstatem, & ver, non facit nisi per Solem & Sidera. Alii ergo paulò mollius & probabilius onus movendi ventos in Angelos reclinant.

### ARTICULUS III.

*Angeli non sunt ventorum ordinariorum Aeoli. Adversus Berdinum, & quosdam alios.*

**D**Ubiū non est, quin Deus operâ Angelorum utatur quandoque in excitandis tempestatibus, & insolente motu Ventorum; ut Jonæ cap. 1. *Dominus misit ventum magnum in mare, & facta est tempestas magna in mari.* Et Exod. 10. *Dominus induxit ventum arenæ totâ illâ die & nocte; & mane facto ventus urens levavit locustas.* Quæ sine dubio patrata sunt ministerio Angelorum, quos in talibus adhibere solet. Psal. etiam 77. *Plagæ illæ Egypti vocantur, immisiones per Angelos malos, Dæmones etiam permissione, etsi non jussu divino, sæpè ventos & procellas movent, ut Jobi cap. 1. Repente ventus vehemens irruit à regione deserti, & convulsit quatuor angulos domus, &c.* Magi quoque Septentrionales ventos secundos navigantibus vendunt: & Rex Sueciæ Erricus undecunque collibuisse, flatus adspirantes pileo evocabat unde & ipse, *Pilei ventosi* cognomentum accepit. Aristæus deinde in Cæa maris Egæi insulâ, deficientes aliquot annis Etesias, sacrificio Jovi peracto, revocavit, ut auctor Theo-

Theophrastus libro de Ventis. Plutarchus etiam in Lucullo illustre exemplum habet. Cum Mithridates Rex Ponti validâ classe urbem Cyzicum premeret, laboraretque eum depellere Lucullus, Proserpina, cui fortè dies tunc festus erat, Aristogoræ, Magistratui urbis à secretis, nocto apparuit; & in Cras, inquit, *sibicinem Lybicum cum rubicine Pontico commissam.* Enigma non intelligebatur, donec luce insequente, Auster ferox & truculentus à Libya adspirans, tempestate commotâ Ponticam classem & omnes machinas Mathematici Niconidis collisit, & diffregit.

Tales ergo extraordinarii flatus, sine dubio Angelorum bonorum aut malorum effectus sunt. Sed de omnibus aliis etiam, qui ordinaria lege fluunt, idem existimat lib. 2. Theatri Bodinus, & hîc Lovanii Philosophi quidam, à quibus aliquando propius, quàm nunc, absui.

Sed tamen ostendi potest, primò, ex Scriptura sacra, Psal. 17. dicitur *Deus ascendere super Cherubim, & volare super pennas ventorum.* Et Psal. 103. *Qui ponis nubem ascensum tuum, qui ambulas super pennas ventorum.* Currus ergo & quadrigæ divinæ, sunt nubes; equi vectores, venti; aurigæ, quos Cherubim vocat; sagittæ, fulmina quæ à nubibus jaciuntur, ut Illustris Card. Bellarminus commentatur. Velut ergo equi ab aurigis insidentibus; ita Pegasi illi ventorum ab intelligentiis rectoribus incitantur. Idem etiam fortasse significatur Psal. 134. *Qui producit ventos de thesauris suis,* Thesauri enim Dei, Angeli dici possunt, in quibus ipse tot divitias recondidit. Denique, Apoc. 7. S. Johannes vidit *quatuor Angelos stantes super quatuor angulos terræ, tenentes quatuor ventos, ne flarent super terram, &c.* Ergo penes eos est ventorum arbitrium.

Secundò; Angeli, opinione Aristotelis & D. Augustini, movent cœlos; quidni etiam idem faciant ventis? certè enim utilitas quæ animantibus provenit à ventis, flagitare videtur, ut res tanta non committatur nisi causis intelligentibus.

Tertio; Huc trahi potest, quod narrant quidam: in toto littore Peruano, seu illâ Americæ longitudine quæ mari Pacifico adjacet, duos tantum ventos, Australem & Occidentum, regnare. Item regiones multæ ventos quosdam peculiare & provinciales habent, ut Gallia Narbonensis

Circium, Apulia Japigem, &c. quorum causa penes Angelos esse videtur, quia aëra vel exhalationem in hanc vel illam partem, pro libitu, flabellant; cur enim alias non omnes regiones, omnes ventos promiscuè sentirent?

Sed hæc sententia displicet. Primò, quia non satis Philosophicum, & imbecillitatis signum est, tam sapè ad invisibilium causarum opem, quando aliter potest, confugere. Deinde, nullà certà lege flant venti, sed eodem aliquando die ter, quater, & sapiùs variant: modò etiam aëriùs, modò languidiùs veniunt ab eodem horizontis puncto; quæ irregularitas satis significat, non regi immediatè ab aliqua substantia intellectuali, in cujus operationibus constantia major & lex certior animadverti solet. Tertid cum in omni terræ puncto incipiat aliquis horizon, ubique dispònendi erunt Angeli, aut nullibi; cum nulla sit major ratio unius horizontis, quàm alterius. Quartò, aliqui venti tantùm die, alii nocte, sunt qui vere, aut autumnò, vel alià parte anni flare amant; quorum ratio reddi non potest: si Angeli ventos arbitrio frænant aut laxant; potest verò, si statuatur alia causa movens.

Ad primum ergo fateor cum D. Damasceno; *Angelos curare terra certas partes, præfectosque gentibus & locis.* Et cum D. Hieronimo cap. 28. in Ezech. *Traditas esse Angelis ad regendum Provincias, quasi Indicibus, ab Imperatore.* Et cum D. Aug. lib. 84. q. 74. *Vnamquamque rem visibilem in hoc mundo habere Angelicam potestatem sibi præpositam;* quod plerique omnes de speciebus rerum visibilium, non individuis interpretantur. Apoc. cap. 14. fit mentio Angeli ignium, & cap. 16. Angeli aquarum. Addamus Angelum aeris & terræ; nego tamen, naturales elementorum operationes plerumque per Angelorum ministerium exerceri; ignis calefacit; aqua frigefacit; aut per alveum fluminum delabitur, sine opera Angelorum. Præsumt ergo solùm elementis ad operationes extraordinarias per eas exercendas, ut 1. p. q. 110. art. 1. ad 2. docet D. Thomas, & secundùm modos quibus in corpore subsunt divine regule in ordine ad finem prædestinationis ut ibi Cajetanus.

Ventorum autem flatus tam naturalis est, quàm lapsus fluminum, ut postea videbis. Ex illis igitur Psalmis nihil aliud solidè colliges, quàm Deum Cherubinis, velut equis velocis



velocissimis, vectum, subito Davidi & amicis suis contra hostes opem tulisse, id est, per Angelos extraordinariam fugam aut cædem fecisse; aut excitatis undique ventis, & motâ tempestate, præsentiam suam ostendisse, ut pukhrè Psal. illum 17. Jansenius noster interpretatur. Non vult ergo Psaltes, à Cherubinis esse ordinarios & quotidianos flatus ventorum. Adde, ascensum super Cherubim, à D. Hieronymo intelligi de ascensu corporeo Christi super omnes choros Angelorum: & à D. Augustino, de ascensu super plenitudinem scientiæ (hanc enim significat vox Hebraica, Cherubim) quia Christus charitatem omnem, quæ est plenitudo scientiæ, superavit, dum pro nobis posuit animam. Thesauri etiam de quibus Deus ventos producit, non Angeli, sed potentia Dei addita sunt, ut initio hujus Libri diximus; aut certè loca subterranea & ignorata nobis; hæc enim propriè significat vox thesaurus, Patet ex vetusto Epitaphio Poetæ Nævii,

*Itaque postquam est Orcivo traditus thesauro,*  
id est, Orco subterraneo;

*Obliti sunt Romæ linguâ Latinâ loquere;*

Et Tertul. cap. 46. Apolog. Si gehennam, inquit, comminemur, quæ est arcani ignis subterraneus ad pœnam thesaurus, decachinnamur, Sic etiam sumpsit versor Psalmorum, Ponens in thesauris abyssi, id est, aquæ mosem quæ initio totam terram operiebat, in subterraneis antris & cavernis. Locus etiam Apoc. tantum ostendit, Angelos extraordinario Dei jussu frœnare posse, aut incitare ventos.

Secundum argumentum retorqueri potest in Auctores. Angeli enim movent (si tamen etiam faciant) cœlos maxime regulari & compositissimo motu: nihil verò inconstantius vento: signum ergo est, huc illuc à causa fortuita, non ab Angelis impelli. Nec premit, quod additur, de utilitate ventorum: quia causæ naturales sunt sic ab Auctore naturæ dispositæ, ut necesse sit ventum aliquando in hanc, aliquando in istam partem inclinare; sicque unaquæque Regio valeat perfari, nisi montes aut alia obstantia flatibus obijciantur.

De tertio audiendus Josephus Acoſta Americæ scientissimus, & incola: ait enim lib. 3. Histor. cap. 21. littus Peruanum ab Ortu cingi duobus catenis altissimorum mon-

tium

tium (priores Sierras, alios Andes vocant) qui ventos Orientales & Septentrionales arcunt. Trans verò illos, in Orientali America parte, perpetuò Subsolanus flat ab Ortù. Non ergo Angeli hanc ventorum diversitatem faciunt, sed lorica illa montium. Imò mihi ecce hinc in Æolos istos cœlestes novum nascitur argumentum. Si enim locorum Genii ventos faciunt, cur nullus in montibus illis positus est, qui Peruanis ab Ortù spiret? utilis certè fuerit is ventus; cùm, ut idem Auctor ostendit, ejus defectu nunquam toto anno circa illud littus pluatur. Venti etiam Provinciales in altitudinem aut humilitatem regionum, obstacula montium, aut plana camporum, in aliam causam, rejiciendi, non in operam Angelorum.

## ARTICULUS IV.

*Causam efficientem motus Ventorum, non esse terræ pulmones.  
Adversus Keplerum.*

**E**Ruditiss. Vir, Jo. Keplerus, Mathematicus Cæsarius, lib. 4. Harmonicæ cap. 7. terram ingens quoddam animal esse, multis argumentis & serio affirmat, quæ per montium crateres & caminos, ceu os aut nares, ventos nobis expiret. Itaque veluti nos aerem, & interaneorum fuligines, ore, ministerio pulmonum, in obliquum effundimus; ita putat ventos à terra efflari, vitali actione, quâ pulmones, quos in visceribus ingentes habet, identidem dilatat & contrahit. Quod autem certis Planetarum aspectibus venti aut tempestates commoventur, inde, inquit, est, quia Terra sympathiam cum Cœlo habet, & naturali instinctu Siderum posituram cognoscit.

Verùm Terræ animationem Lib. sequenti, circa ædum maris, & longius in Libris de Anima refellemus. Deinde, sæpè venti ab alto mari, aut partibus etiam mediterraneis advolant, ubi terra nullos caminos aut insignia spiracula habet. Tertiò, plerumque crateres & spiracula montium & terræ, non in latus, sed sursum in cœlum spectant: quid ergo spiritus in cœlum directè euntes, in latus reflectit? hæc enim proxima causa motus ventorum, quam tandem quærimus.

## ARTICULUS V.

*Ventos gravitate suâ in terram destuere, ut torrentes & flumina  
per aluos.*

**C**Ausam enim aliam post longam meditationem, reperire nullam valui. Probatur Primò, quia pluvia, grando, nivis, & alia ferè cœli missilia, gravitate suâ delabuntur: cur non & venti possint? Certum enim est, exhalationes non minùs in nubibus & media regione retrigescere & condensari, quàm vapores: sive à natura terræ, quam nondum amiserunt, sive à frigore vaporum & illius regionis. Ergo sublato æquilibrio exhalationes tunc recident; cum in medio liquido & fluente, id quod propensius & gravius est, cadat semper infra levius aut minus grave.

Secundò: Non in alia causa facilè acquiescam, cur autumnus plerumque ventosus; nisi quia exhalationes plurimæ æstate collectæ, tunc refrigerant, & refluent deorsum.

Tertiò; Rubedo nubium & Lunæ ventos significat, quia per confertas exhalationes aspiciuntur, quæ paulatim frigore densantur in ventos.

Quartò; Dic quare colore suo comprimant ventos, & meridie non rarè sopiantur diurni status? quia, credo, insignis frigus & densitas necessaria est ad ventorum fluxum, quam nimius calor impedit.

Quintò; Ideò à polis & frigidis cœli cardinibus & ferocioribus venti. Aristotele & Theophrasto testibus; quia ibi plus frigoris spiritum condensans. Hinc etiam fluctus ab Aquilone excitati simul ac ventus posuit, sternuntur & confaccescunt, ut ex Homero & experientia notat Agellius lib. 2. cap. ult. cum tamen post flatum Austri mare diu permaneat undabundum; causa est, Aquilonis, frigidioris & gravioris, lapsus in mare magis rectus & præceps: ubi contra Auster, quia levior & obliquior, propellit directè in latus undam, ideoque diutius impetum & vacillationem retinet, quàm si fracta esset supernè. Fallor, aut idem significavit naturæ consultissimus Poeta:

*Incubère mari, totumque à sedibus imis,  
Vna Eurysque Notusque ruunt, cæterque procellis*

*Virgil.*

*Æne. 1*

*Africus*

*Africus, & vastos volvunt ad litora fluctus.*

Nam eruere mare à sedibus imis, & volvere ad littora fluctus, est ventorum obliquè magis incidentium: quales Eurus, Notus, & Africus, qui in Europam non veniunt à frigido cardine.

Sextò; Matutinæ auræ, quæ à fluminibus aut lacubus molliter aspirant, planè videntur esse vapores antè sublatis, & leni frigeratione contracti, pondere suo relabentes: ergo simile erit in ventis illis grandioribus & legitimis.

**Iob 28.** Septimò; s. Jobum deduco in hunc sensum. *Qui fecit ventis pondus, & aquas appendit in mensura.* Veluti enim Deus per causas secundas aquis gravibus levitatem dat, & in nubibus suspendit: ita levissimæ exhalationi gravitatem & pondus reddit, ut delabatur.

Denique, videtur id sensisse Aristoteles lib. 1. Meteor. cap. 3. negat enim in suprema aeris tegione nasci ventos, quia nimius ibi calor, coagulum & condensationem exhalationis impedit. Deinde lib. 2. cap. . docet, Austrum à Tropico Cancri & Zona torrida facilius ad Septentrionem & polum Arcticum, quàm Boream ad Meridiem & eandem Zonam pervenire: cujus una videtur ratio, quòd Boreas à polo, rectiori lineâ & breviori in terram, utpote gravior, decidat; Auster verò calidior & levior per lineam obliquiorem & longiorem in Septentriones effluat. Et Sect. Problem. 26. comparat ventum cum aqua fluminum: ut sicuti in Atho & excelsissimis illis montium, nullæ aut parvis aquæ fluunt; ita venti ibi rarissimi; causa utriusque eadem; quia insigne frigus abest, quod & vapores in aquam, & exhalationem in ventum cogat: unde non pessimè lib. de Mundo Apuleius ventum definit, *Nihilum & vehementi in unum coacti aeris* (melius tamen, exhalationis) *flumen.* Venti enim reverà flumina quædam aeria sunt; quæ tamen non certo alveo feruntur, sed per vastum cali spaciolum impetu, ut eleganter Seneca.

Video tamen, his aut similibus telis oppugnari posse nostram sententiam.

Primò: cur tam obliquè, & non, ut pluvia aut grandis ad perpendicularum, venti in terram cadunt? Deinde, Cur tam procul per superficiem terræ se evolvunt, ut patet in turbinibus illis, quibus pulvis per ingentes aliquan-

do & planos campos æstare contorquetur?

Geor. 1.

*Ille volat, simul arva fugat, simul æquora verrent.*

certe aqua pluvialis delapsa eodem loco adharet, nisi eam torrens aliquis per declive pervolvat.

Tertio: Cui impetu tanto exhalatio aerem secat, cum aqua gravitate longè eam superet?

Quarto: Cur ab eodem cœli cardine tot aliquando diebus aut septimanis cadunt & effunduntur?

Ultimo: Venti passim omnibus dicuntur leves.

Ovid.

*———— Fugis ocyor aurâ*

Met. 1.

*Ille levi. ———*

Hæc aliquando visa mihi difficilia; sed non ob quæ veritatem deseramus.

De primo respondeo, obliquitatem illam venti effici ab exhalationibus aut vaporibus, aut partibus aeris levioribus, quæ perpetuò in sublime scandunt, ut statuatur æquilibrium inter partes Mundi Elementaris: cum enim ventus exhalatio, propter ipsas sibi obvias, non possit statim rectà deorsum præcipitari, moræ impatiens, motum obliquat in latus. Quò etiam conferunt quædam exhalationis partes, leves & nondum satis refrigeratæ, quæ permixtæ & intricatæ vento graviori, deorsum vi detrahuntur. Denique aer multâ & latâ exhalatione decedente percussus & resistens, eam declinat & excutit potius in latus, quam sinat rectà deorsum ferri: unde etiam quia aer juxta terram est densior, motum venti magis obliquat, quàm in sublimi: grando verò, aut guttæ pluviales exiguitate & rotunditate sua obstantia faciliè secant: etiamsi tamen ob easdem causas, ut equidem existimo, earum casus paulisper abeat à rectitudine perpendiculi.

Ad secundum; Ventus post casum non statim quiescit; quia mobilitate suâ à terra resilit, & alia exhalatio à tergo præcedentem delapsam in obliquum urget ac propellit. Juvat etiam, quòd exhalatio fugientem ante se aerem prosequatur, ut vacuum repleat: potissima tamen causa consistit in impulsione sequentis exhalationis: quæ si frequentetur plaga plagæ superveniens, in longissimum spatium urgere & extundere spiritum potest.

Ad tertium respondeo, Ventos, qui tantas vires ostendunt, & arbores ac ædificia sternunt, sæpè non ordinarios



esse, sed procellosos: qui ab iisdem causis moventur quibus fulmina, ut Libro 2. enarravimus. Deinde, ordinarii etiam, qui à refrigerio exhalationis nascuntur, maximum impetum colligere possunt, & ab insigni gravitate, & à multitudine materiæ cujus una pars alteri superveniens impulsus addit, & intendit motus celeritatem: ut enim illa acies maximo impetu ruit, & hostem facile rumpit, in qua posteriores præcedentium tergum urgent & propulsant: ita in vento fit; unde ubi exhalatio prior exitum non reperit, aliâ à tergo premente, sæpe per obstantium stragem viam effringit. Sic Paschate illo ventoso Anni 1606. & morte Iusti Lipsii nostri famoso, ventus Occidentalis aræ & porticibus illustris Monasterii S. Gertrudis Lovanii inclusus, nec ab Oriente exitum inveniens, magnam & novam ædificii molem arietavit, & tandem impulsus in plateam. Aquâ tamen ( fateor ) gravior est vento; sed etiam majori impetu cælo decideret, si conferta, & non guttatim dispersa, proueret. Aspice vires torrentium, qui non tantum domos, sed integros aliquando pagos, aut regiones proluunt, & mecum dices.

Quarti ratio est, quia quod principium exhalationis incubuit, & viam secuit, eò cæteræ partes sequuntur. Durat verò pertinaciter tanto tempore unus ventus, vel quia exhalatio ibi simul refrigerata, multa est, vel quia alia & alia è terra aut aqua eodem jugiter ascendit, statimque frigore correpta & condensata, eadem semitâ defluit, quâ præcedens, & aer in illam partem incitatus, ducit. Priori modo, ventus velut è lacu: posteriori, velut aqua fontana è cavitate subterranea aerem aut vaporem in aquam perpetuo densante, fluit.

Ex dictis etiam sequitur, quod notat Theophrastus, ventos initio, & ubi origini propinquiore, magis densos & confertos esse, & frigidiores: ut enim halitus efflatus ore animalis, aut fons in rivum aut flumen se exonerans, in principio compressior est, deinde dispergitur: ita est in vento: frigus autem augetur densitate & vicinitate frigidarum partium exhalationis: nisi forte ardentes aliquos spiritus contineat, qui motu excutiantur, & ita ventus refrigescat in cursu.

De ultimo, nulla difficultas. Aura & venti dicuntur les

ven, sicuti aves, quia celeres: unde etiam finguntur pennarum. Silius lib. 1. de Borea:

*Nunc ipsas alis frangit stridentibus Alpes.*

Et Iuvenalis Sat. 5.

*Dum se continet Austro,*

*Dum sedes, & seccas madidas in carcere pennas.*

Hinc Aelius Verus Cæsar, teste Spartiano, cursoribus suis alas apponebat, & unum Boream, alium Notum, & ceteris nominibus ventorum appellabat. Quidam tamen ventiles leviores aere inferiori sunt, ideoque ad terram non perveniunt, sed per mediam regionem aeris, vel supremam partem infimæ discurrent. Testantur id mihi nubes, quæ quandoque ventis agitantur, nullo tamen apud nos flante. Item duplex sæpè earum in contrarium, ab oppositis ventis, agmen est; cum tamen unicum hic statum experiamur.

*Nonne vides etiam diversis nubila ventis*

*Diversas ire in partes, inferna supernis?*

*Lucræ,*

*Lib 5.*

Alter ergo illorum ad terram non descendit.

Scio tamen multis incredibile fore, tantam in vento gravitatem esse, quæ tam validum impetum deorsum faciat. Sed talibus corrigenda est imaginatio, quæ sola corpora opaca insigniter gravia reputant. Hi nunquam credant, truncum arboris aquâ fluidâ & pellucidissimâ leviolem esse, nisi vidissent supernatantem: aut aquam marinam, quoniam fontanâ pellucidiolem, & tamen longè propensiolem, nisi vocassent ad examen: neque hodie etiam adduci possunt, ut mecum affirment, aera infimæ regionis transparentem & invisibilem, plus ponderis quàm opacas mediæ regionis nubes habere. Vitrorum etiam ac crysallorum perspicuitatem, & una gravitatem cogitent; & minis utramque junctam mirabuntur in vento, fluiditas enim non repugnat cum pondere, ut aqua, & metalla fusa faciunt eodem.

### CAPUT III.

#### *De Causa formali Ventorum.*

**D**E Causa formali nihil ferè præcedentibus addo. Forma enim ventis substantialis eadem est quæ exhalationis, & vaporis, si quis vapor permixtus est exhalationi:

unde quia vix aut nunquam ventus purâ exhalatione constat, multiplex est forma eius substantialis: prout scilicet, terræ, & aliquorum mixtorum exhalatio, vapor & aer, confusè in uno agmine venti fluxerint. Forma venti ut Meteorum est, statuitur vulgò, cûrsus circa terram ille transversalis: hic enim compositum accidentarium, quod ventum vocamus, constituit & consummat; unde ventus non movetur nec currit accidentaliter & tanquam subiectum cûrsus; sed prædicatione essentiali: quomodo sedes v. g. figurata dici potest; quia figuram essentialiter includit. Cum ergo ventus exhalatio appellatur, prædicatione causalis est, huic (sedes est lignum) similis. Nisi tamen quis malit ventum in recto significare exhalationem, & in obliquo connotare solum motum illum transversalem. Verum sic motus non erit propriè forma constituens venti ut Meteorum est; quia non componet id quod in recto denominatur ventus: quod à recepta loquendi formula abit: Hinc non ineptè prorsus & ἀφίλοσοφῶς versus illius Virgilii admordet Seneca:

— Hic vasto Rex Æolus anτρο

*Lucifantes ventos, tempestateque sonoras*

*Imperio premit, & vinculis & carcere frænât.*

*Non intellexit, inquit, nec id quod clausum est, esse adhuc ventum; nec id quod ventus est, posse jam claudî. Nam quod in clausula, quiescit, & aeris stasio est. Omnis in fuga ventus est; Sic ergo nec Ulysses habuit unquam ventum in utre.*

## CAPUT IV.

*De Causa finali Ventorum.*

**F**inis Ventorum, eorum utilitas est, quæ multiplex. Primum, aerem contra situm & putredinem exercent & hinc causas morborum, & pestem discutiunt, cui regiones stagnantes, obnoxie sunt, nec perflatae ventis. Notum etiam olim, è cista diu clausa, & aperta, pestilentiam latè sparsam Babylone. Et Cardanus lib. 1. Varietat. cap. 9. narrat, omnes in Vico quodam juxta Mediolahum intra triduum expirasse, qui adsuerant, dum duæ cistæ, 30. annis metu bellorum reconditæ, referarentur, quique res inclusas etiam dudum post, connectavissent. Tantam pestem & noxam

noxam contahit silens nec ullis auris exercitatus aer.

Nubes deinde è mari, lacubus, fluminibus elevata, & supra pendula, ad partes mediterraneas flatu adducuntur, ut repluant & terram irrigent; unde si absque ventis foret, necesse esset maximam terræ partem sterilescere. Respirationem etiam animalium refrigerant, & iactatione suâ, plantarum radices, ut altius defigantur, & liberiùs ac laxiùs eliciant alimentum, juvant. Ut enim Aristoteles lib. 7. Polit. c. ult. suadet, pueris permittere ploratum, quia id meatus corporis diducit, & facit ad incrementum: ita arbores ventis agitatae patentioribus venis, & avidius terræ succum bibunt, spatiosiusque adolescunt. Breviter, nihil certius, quàm cœli terrarumque temperiem maximè regi per ventos, hocque unicum ferè esse serenitatis, aut hiematuri mox aeris, signum: Commercia etiam humana permiscunt, Oceanumque & totum terrarum orbem pervium venti faciunt. Molas, deinde, quas Veteres olim tanto bractorum labore, circumagunt. Præterire, ait Cardanus lib. 1. Variet. cap. 10. non possum, quod adeò est admirabile, ut antiquam viderem, credere nec posuerim. In Italia multis regionibus, & in Gallia passim molendina sunt, quæ ventorum flatibus circumvolvuntur, atque adeò vehementi impetu, ut unus equos cum equitibus circumagere possent: adeoque præsentì utilitate, ut modios 8. Mediolanenses in singulas horas, id est, libras circiter mille frumenti molere possint. Rationem deinde conficiendi ex Hieronymo Girava Hispano docet; quam longum & nimis mechanicum, hic attexere.

In tanta tamen ventorum utilitate, noxæ quædam & tam graves sunt, ut Seneca dicere veritus non fuerit: Quod de Casare olim majore vulgò dictitatum est, & à T. Livio possum, in incerto esse, utrum illum magis nasci Reip. profuerit, an non nasci; dici etiam de veni possit. O bellè! sed veluti seditiones toties repetitæ Tribunorum Plebis, & factiones Optimatum facis significabant utilio rem Romanis futuram Monarchiam, ita veni plus commodi, quàm noxæ habent.

## CAP. V.

## De numero Ventorum.

## ARTICULUS I.

Quot & quibus nominibus recensiti Venti.

**S**criptura Sacra sæpe quatuor Ventorum meminit. Dan. 7. *Quatuor venti pugnabunt in mari.* Zachar. 2. *In quatuor ventos cali disperse van, dicit Dominus.* Et Veritas, Matth. 24. *Congregabunt electos a jure quatuor ventis.* Hi autem quatuor Venti cardinales sunt, à quatuor Mundi cardinibus (utroque scilicet Polo, Ortu & Occasu) flantes: præter quos, alii collaterales interjiciuntur. Et quidem, quia innotuit linea à circumferentia horizonis, ad centrum, in quo possumus, trahi possunt, infiniti etiam venti Mathematici diversi, per alios & alios spirationes axes, spirare ad nos valent: ad disciplinam tamen & distinctionem in certum numerum redigi debuerunt. Athenienses olim inter utrumque cardinalem, unicum lateronem immiserunt; ut facerent octo universim ventos. In turri etiam marmorea octangulari Tritonem æreum versatilem collocarunt, dextrâ manu virgam porrigentem; qui contra flatum consistens, supra imaginem flantis venti, lateri turris insculptam, indicem virgam teneret; fuitque hoc Andronici inventum, ut lib. 1. c. 6. narrat Vitruvius. Numerus deinde ad duodecimum auctus est; quem recipit Aristoteles, & passim Philosophi: alii tamen valde concinnè sedecim statuunt; ita ut inter quoslibet duos cardinales, tres alii laterales interlocentur: qui numerus abundè sufficit ad observationes & usus ventorum in terra. Nec tamen etiam serò minor esse potest; quia inter duos cardinales, manifestè fiat aliquis, qui pari intervallo ab utroque est distans; quem tamen Aristoteles neglexit, contentus duobus lateralibus. Nautæ verò, quorum valde interest, quo præcisè statu impleant sua vela, in plura segmenta horizontem dissecant, & in pyxide sua duos & triginta ventos notant, & observant. Inter enim duos quosque cardinales, septem collaterales interponunt. Nomina putantur à Carolo magno inventa;



inventæ; & Belgica sunt: utunturque omnes pænè Europæ nationes, Germani, Angli, Hispani, Galli (etsi parum in pronuntiationem suam frangant) præter Italos.

Nomina eorum apud Latinos varia, & perturbatè leguntur, dum alii Cæciam alii Boream vocant Aquilonem: quidam Eurum cum Subsolano, quidam cum Vulturno confundunt. Nos nomenclaturam Phavorini apud Agellium lib. 2. cap. 22. Plinii lib. 2. cap. 47. & Senecæ lib. 2. cap. 16. ferè sequimur.

Itaque Aristoteli à polo Arctico fiat Boreas sive Aquilo, ab Antartico Auster sive Notus, ab Ortus æquinoctiali Eurum sive Subsolanus, ab Occasu æquinoctiali Zephyrus sive Favonius: Atque hi quatuor vocantur principales & cardinales, quia à principibus Mundi Cardinibus spirant. Duobus versibus sic eos complectitur Jovianus:

*A summo Boreas, Notus imo spinas Olympo,*

*Occasum insedit Zephyrus, venit Eurum ab Ortus.*

Qui Boreæ à dextris, Thrascias, à sinistris Mefes, dexter Austri Phœnicias, sinister Libonotus, qui ad dextram Subsolani Cœcias, qui ad sinistram Vulturnus, Zephyri dexter Africus, sinister Caurus, appellatur. Aristoteles tamen Libonoti non meminit, Austrumque sine laterone sinistro reliquit. In obseuro causa est; quia forè, ut quidam credunt, non insigniter in Græciam spirabat. Sic Belgæ Vulturnum negligere possumus, quia hîc imbecillis, & rarissimus. Verùm inter duos quoslibet laterales, tertius, ut antè monui, inferendus est, pari distantia ab utroque cardinali. Itaque inter Boream & Eurum medius erit Boreapeliotes (ut Guil. Casanates vocat, qui 32. ventis nomina Latina fecit) voce ex Borea & Apeliote, sive Subsolano composita: Flandris *Nord-Oost*, Italis *Græco* dictus. Inter Boream & Zephyrum Boreolibycus, Belgicè *Nord-West*, Italicè *Masfro*. Inter Eurum & Austrum Notapeliotes, quem Belgæ *Zuyd-Oost*, Itali *Syrocco*. Inter Zephyrum & Austrum Notolibycus, apud Belgas *Zuyd-West*, Italos *Leberchio* aut *Garbino*.

**ARTI-**

## ARTICULUS II.

*Quomodo Indices Ventorum describendi.*

**I**N descriptione Ventorum, primò inveniendà est linea Meridiana, decurrens directè à polo Arctico versus Antarcticum; cuius inventio facilis est ex Vitruvio lib. 1. cap. 6. per observationem umbræ gnominis Solaris aliquanto ante, & post Meridiem. Vel certè potes sic eruditer, Observa longitudinem umbræ tuæ, cum datur signum horæ meridianæ, quæ apud nos est duodecima, vel certè umbram stili alicujus tenuioris; ac per eam mediam, ducto lineam à radice stili versus Septentrionem, hæc enim meridiana erit, nisi horæ perperam regebantur. Aut noctu adspice stellam polarem per cuspides duarum, si vis, hastarum, aut baculorum in terram intervallo aliquo defixorum. Linea enim iterum in utrumque protracta, erit Meridiana. Alia deinde per hanc mediam, ad angulos rectos, ab Ortum ad Occasum ducenda, & habes iam quatuor puncta istarum duarum linearum extrema, à quibus fiant versus centrum seu punctum intersectionis: quatuor venti cardinales. Deinde, pro ventis collateralibus aliæ linæ, quæ priores ad angulos obliquos in eodem puncto interfecent, protrahendæ, ut una à puncto medio inter Boream & Eurum, quæ à Boreapeliote, inter Zephyrum & Austrum cadat, id est, in Notolybicum. Et ita in cæteris, sic ut pro quoque pari oppositorum ventorum una tantum linea ducatur, quæ sit axis spirationis ipsorum, & à cuius extremis punctis fient in ora mutua, & resient. Hæ autem omnes linæ circulo uno circumscribendæ sunt, qui imaginem horizontis habeat, & cuius centrum sit punctum illud in quo omnes ventorum linæ se decussant.

Talem circulum in Villis suis ab agricolis deformari, suadent Scriptores rei rusticæ. Vel potius, Andronici illius Atheniensis imitatione, duodecim, aut magis sedecim angulorum turriculam concinnet, angulo quoque, prospectante in suum ventum; Tritonemque, aut gallinaceum in cūlmine, qui rostro angulum ostendat, & inde flantem ventum. Vel si id nimium habet operæ, curent saltem operum publicorum præfecti; ut cruces Templorum ita collo-

collocentur, ut una pars transversalis subjaceat loci Meridiano, cornuaque protendantur versus utrumque polum. sic enim altera necessariò monstrabit Ortum & Occalum: habebuntque ab extremis illarum linearum punctis quatuor ventos cardinales, quorum supersedens gallinaceus index erit. Collaterales etiam inter cornuum intervalla, mente designare, difficile non fuerit.

ARTICULUS III.

*A quo horizonte sumendum initium Ventorum.*

Vitruvius lib. 1. cap. 6. horizontem, unde Ventos rectà lineà ad nos spirare imaginamur, facit maximum terre circulum: sive est ei horizon naturalis, qui terram in duo hemisphæria æqualia secat; unde, qui octo tantum ventos statuit, dat unicuique in circulo horizontis amplissimum spatium, scilicet octavam circuli terrestris partem, quæ secundum ipsum & Eratosthenem est, inquit, *ter millia mille & noningentes trigentes septies mille, & quingenti passus*. Venum necesse non est tot milliarum uni vento tribuere; præsertim cum nunquam, puto, eveniat, ut aliquis idem ventus à linea horizontis naturalis, id est, per totum terræ quadrantem, ad nos usque fluat. Alii ergo meliùs, lineam visibilis horizontis in terra sumunt, & inde lineas & axes spirationis ventorum, ad nos, id est, ad centrum horizontis adducunt. Quanta autem sit semidiameter horizontis visibilis in terra sive lineam ab oculo nostro ad punctum terræ remotissimum, quod ablatis omnibus montium, & edificiorum, impedimentis videre possumus, est adhuc incertum. Proclus existimat esse 1000. stadiorum, id est, 125. miliarium Italicorum, sive ferè 42. Belgicorum; sed hæc longitudo est quintuplo major iusto, si oculum non è monte, sed è superficie terræ spectantem accipiamus, ut statim patebit. Unde etiam Daniel Barbarus Vitruvii lib. 3. cap. 3. nimis liberalis est, cum ad 500. stadia extendit. Longè parcior lib. 2. Theat. Rodinus, qui 14. tantum milliarum donat: quosque (putat ipse) apes, cum longissimè ab alveari ad florilegia & labores evolant. Macrobius lib. 1. in Somnium Scipionis 180. stadia statuit, id est, milliarum Italica 22. & Belgica plus 7. satis consentienter Alhazeno

lib. de Crepusc. qui, cum videns, inquit, est super equalitatem terræ, non pervenit visus ejus, nisi quasi ad 23. milliaria ab omni parte. Nautæ tamen nostri parum minuunt, & intra sextum milliare Belgicum, demum emergere summa vela navium in mari referunt; hos ergo, ut duces certiores, sequamur. Itaque tota diameter horizontis visibilis erit 12. milliarium Belgicorum, sive 36. Italicorum, quæ longitudo triplicata efficiet circiter circumferentiæ ambitum, 36. Belgicarum leucarum. In quo si 12. Aristotelis venti ordine disponantur, quisque tres spatii leucas; si sedecim, duas & amplius; si triginta duo (quot solent à nautis) unam, & quod abundat, obtinebit.

Quæ tamen non sic accipe, quasi omnis ventus à circumferentia horizontis illius visibilis inceperit, flare & versus nos recedere. Multi enim è longinquiori veniunt, alii etiam juxta nos orti sunt, citra illum terminum: omnium tamen flatus in aliquam lineam & axem spirationis, qui ab illa 16. leucarum circumferentia ad nos rectè protenditur, incidunt, & indidem venire censentur. Idem etiam ventus de una linea in alteram transilire potest, ut qui initio secundum axem Boreæ, directè à Septentrione spirabat, in via, & antequam ad nos perveniat, in axem Thrasciæ vel alterius collateralis deflectere. Montes enim objecti, & difformitas aeris secandi, exhalationem hæc illac detorquet, & motum ejus, instar torrentis, turbidum facit & inconditum.

Sed è quanto intervallo, inquires, potest exhalatio eadem ad nos pervenire? Macrobius lib. 1. cap. 1. Somnii Scip. putat, Austrum gelidum, & Boreæ nostro simillimum, esse in suo ortu, fervorem autem contrahere longo per Zonam torridam trajectu; unde censet, eundem ventum ab uno polo ad alterum per 180. gradus posse transvolare. Sed hic campus est nimis magnus: probabilior Aristoteles, qui Austrum Græciæ suæ, circa Tropicum Cancræ credidit exoriri. Cum enim ex ipso ante docuerim, ventos instar fluminum & torrentium per aerem gravitate suâ delabi; consequens videtur, ut non ex quantolibet intervallo in nos possint recidere. Duplici autem de causa fieri potest, ut alius alio longius feratur: vel quia gravitas exhalationis minor est, vel quia locus originis est altior. Prima enim

causa facit, ut linea spirationis sit obliquior, & tardius tangat terram; major autem gravitas per lineam brevior, & perpendiculari vicinior, detrahit halitum. Sic lib. 2. Meteor. cap. 4. dicit Aristoteles Austrum longius fluere, quàm Boream. Si etiam exhalatio è loco eminentiori decidat; plus spatii (cæteris paribus) conficere debet, antequam pertingat ad terram. Ex utraque causa venti Australes prolixius quàm Boreales, spirant; gravitas enim eorum minor, quia calidiores & rariores sunt; & quia exhalatio rarior altiùs scandit, idèd excelsiori mediæ regionis parte cadunt: nisi tamen vapores multi permixti spiritum suppriment & prægravent; unde venti Occidentales, qui ab Oceano Flandrico nobis spirant, majori pondere Brabantiam premunt, quàm Subsolanii, qui à vastissimis illis & mediterraneis Germaniæ regionibus veniunt. Postquam autem exhalatio in terram cecidit, non statim componitur & quiescit, sed per multas adhuc leucas aliquando ab alia superveniente propelli potest. In vento enim valido, & per totam aliquam Provinciam generali, imaginari oportet, unam partem exhalationis in unam urbem, aliam in alteram sequentem oblique incidere: ut si pars venti Occidentalis cadat in Brugas, altera in Gandavum, fortè ruet tertia in Bruxellam, quarta in Lovanium, ita tamen, ut exhalatio illa primà Brugenfis, ab iis quæ per totam spatium medium decidunt, protrudi valeat usque Lovanium: quæ enim inter Brugas & Gandavum, verticem Brugensem radendo, cadit, eam ante se, aut secum agit usque Gandavum; Gandavensis deindè utramque fortè excipit, & rapit versus Bruxellam. Dices, hinc sequi, ventum semper in remoto quàm in propinquo esse longè ampliorem & validiorem. Respondeo, plerumque saltem id esse verum, & ab Aristotele lib. 2. Meteor. cap. 4. assertum; ubi docet, flatus initio invalidos, supplementa & vires, ut flumina influentibus rivis, colligere in progressu. Bona tamen pars exhalationis deciduæ hæc illac diffuit, aut montibus, ædificiis, arboribus, aliisve obstantibus hebetata, alterius cadentis impulsu non sequitur; unde accidit, ut aliquando longitudine viæ non fiat ei magna accessio. Ibi autem expirat & immoritur ventus, ubi ultima exhalatio delapsa aliquamdiu voluta fuit per terræ superficiem.



Ex his patet, non posse certò definiri distantiam terræ, è cuius vertice in nos decedit, aut quousque prolapsa evolvatur exhalatio, quod significatur Esdræ lib. 4. cap. 4. *Pondera mihi ignis pondus, aut mensura mihi flatum venti, aut troica mihi diem que præterit.* Mensura enim longitudinis axis per quem spirat, reverà non potest à nobis sciri; unde Salvator Ioan. 3. 3. *Nescis unde veniat, aut quò vadat.* Quia tamen *Ætnæ cineres.* Plinio teste, ad 150. millia pass. inde recedunt: & apud Dionem lib. 66. Vesuvius Campaniæ mons, sub Tito, cinerem Romam usque, imò trans mare in Ægyptum & Syriam ructavit; nec videtur cinis vento adjutus ad hæc omnia loca, quæ contraria sunt, pervenisse: ventus è suprema mediæ regionis parte (ubi *Ætna* verticem habet) tam procul etiam recidere potest, quia sæpè non est gravior cinere; unde cum 150000. pass. colligant 50. leucas Belgicas, patet, ventos sæpiùs oriri ultra horizontem nostrum visibilem, cuius semidiametrum antè tantum fecimus 6. leucarum; & hinc venti & nubes videntur nobis supra horizontem ascendere: cum tamen neutri reverà scandant; sed nubes circulariter agantur, & venti porius cadant. Imò origo & fons eorum longè ultra 30. leucas Belgicas abesse potest: quod hinc licet æstimare. Ad fluxum enim facilem & satis proum fluvialis aquæ, sufficit alveum intra mille passus uno passu devertere, & ad terræ centrum inclinare, ut docebimus Libro sequenti. Pone ergo fontem venti in suprema parte mediæ regionis aeris, quam Libro primo diximus 4. circiter mill. passuum à terra distare: hinc si pari cum aqua illa fluviali inclinatione in terram defluat, necessariò 4. millia milliarium in aere conficiat antequam attingat terræ superficiem. Sed tamen ventus sæpè est magis præceps, maxime qui fiat à gelido aut humenti cardine; horum enim, ut sic dicam alveus rectior & magis præruptè decurrit in terram: adde, vix unquam tam altam esse ventorum originem; cum summas illas nubium plerumque aspiciamus tranquillas à ventis, uti & vertices illorum montium, qui attingunt circiter mediæ regionis finem. Itaque è media statione nubium, aut etiam proxima, quæ dimidio tantum milliari abest à terra, ut plurimum venti decidunt; quod maxime verum, si à nubibus deorsum repelli deberent. Si autem à dimidio

Lib. 2.  
t. 103.

mill. defluat, divergendo per singula miliaria tantum uno passu, post decursum transversalem 500. miliarium in aere, tandem veniet ad terram: quia sunt 500. passus in dimidio milliari. Quidquid sit, vix mihi dubium, quin humidi illi & frequentes Zephyri & Africi nobis ex Oceano Flandrico. & Gallico surgant, id enim & qualitas indicat, & assiduitas: quia facilius Sol è mari & humentibus spiritum, quàm è sicco, resolvit. De Austro etiam probabile est, aliquando è mari Mediterraneo huc usque pervenire, nistamen (quod, puto, sæpè accidit) è Provincia & viciniore Gallia, imbris propinqui utriusque maris, Oceani scilicet & Mediterranei, humecta, spiritus ille pluvius surrexerit.

## ARTICULUS IV.

*An eodem vento navis totum Orbem circumnavigare possit.*

**R**esolutio negativa clara est ex jam dictis, si de eadem numero venti exhalatione res sit, unus enim & idem spiritus sæpè lassatus concideret, & exspirabit, priusquam Orbis totius ambitum decurreret. Sed difficultas est de vento eodem, id est, qui ab uno eodemque horizontis puncto venit. Petrus Medina lib. 3. cap. 6. Mundi sui, de omni vento, sine discrimine, affirmat: Jo. Bapt. Benedictus Epist. ad Andream Provanam, de solis cardinalibus. Ait enim, *Fieri non posse, ut navis ab aliquo loco ad alium, brevissimo intervallo, ire possit, per gyrum circuli majoris sphaerae, uno tantummodo vento eam impellente, præterquam in Æquatore, vel in aliqua quavis Meridianorum.* Itaque venti qui per Azimutha navem ducunt, quales sunt collaterales, non poterunt idem navem circa totum aquæ Orbem circumvehere; sed unus per unum Azimuthi segmentum, alius per aliud impelleret. Sed id non videtur verum. Si enim Boreas per eundem Meridianum subvehere navem potest, & Subolanus aut Zephyrus Zonæ torridæ, per Æquatorem; cur non etiam Cæcias per Azimuthum suum, quod per Africum, sive ab Ortum æstivo per Occasum hibernum transit? Quod sic ostendo. Cæcias & Africus tam sunt oppositi, quàm Boreas & Auster: ergo sicut illi ideò navem sub eodem perpetuo Meridiano propellunt, quia per eandem lineam rectam

Rectam Meridiano subtransam spirant & respirant, ita Cæcias & Africus sub eodem Azimutho propellent, quia linea spirationis eorum est similiter subtransa Azimutho. Deinde, Meridianus ipse inter Azimutha, seu circulos verticales qui transeunt per Zenith & Nadir polos horizontis, numerari debet: imò Azimuthum quod jam ducitur per Cæciam & Africum, Meridianus fieri potest, si terrâ & aqua immobili manente, Deus cælum sic transferat, ut poli statuatur in punctis imaginariis unde jam stant Cæcias & Africus. Sicuti ergo tunc venti isti navem circa totum Orbem, sub uno eodemque Meridiano per polos Mundi transeunt, impellere possunt; ita nunc sub eodem Azimutho poterunt, qui non est Meridianus idè tantum, quia per polos Mundi non transit. Quid enim ad hoc refert, quòd Boreas ab illo puncto imaginario, ubi polus Mundi realis est, spiret, non autem Cæcias, aut alius collateralis? nihil profectò (quantulum videre valeo) cùm terræ & aquæ globus undique pariter sit rotundus. Demonstratio Benedicti longa est: & eadem operâ conficeret, navem eodem vento nunquam sub eodem Azimutho, valere propelli ab uno Meridiano ad alterum etiam vicinissimum; quod palam, credo, est falsum. Assentior tamen, non posse id fieri sub parallelo qui non sit æquinoctialis, quia venti per circulos maiores, qui Orbem terræ in duas partes æquas dividunt, spirare describuntur: omnes autem paralleli; circuli minores sunt, excepto Æquinoctiali: Igitur nullus idem ventus ab Orruaut Occasu veniens, unquam circumcurrit totum ejusmodi minorem parallelum: sed omnes, excepto Subsolano & Zephyro, interfecant Æquinoctialem. An ergo, inquires, omnium ventorum exhalatio relabitur per circulum majorem? Respondeo: Omnino faceret, nisi medium quod ipsa sulcat, inæquale & non uniformis resistentiæ, eam detorqueret: grave enim etiamsi obliquè cadens, brevissimâ tamen quàm potest lineâ, centrum gravitatis quærit; quòd agendo, sub aliquo segmento circuli majoris motum suum dirigit: unde etiam flumina sic fluunt, nisi obliquitas alvei, per circulum minorem, cursum depraveret & abducat. Igitur eadem exhalatio de-rorta, & à circulo majori aberrans, navem sub parallelo minori ducere valebit, inquires. Respondeo: Verum est; sed

sed una eademque exhalatio huc illuc se torquens & palas; a diversis horizontis punctis recta adspirare videtur, ideoque variorum ventorum rationem induit.

## CAPUT VI.

### *De Ventis Anniversariis.*

**V**entus generaliter in procellosum, & non procellosum, dividi potest. De procelloso Lib. 2. circa materiam fulminum diximus. Non procellosus est, qui vulgari ter appellatur ventus, & ab Aristotele definitur, *Exhalationis siccae copia per terram currens*: hic vel anniversarius est, vel non talis. Anniversarius, à Græcis Etesias dictus, flar statim quibusdam & solemnibus anni temporibus. In Græcia quidem & pleræque Europæ regione, æstate à Septentrione. Unde Aristoteli, Plinio, & aliis Etesia passim dicuntur venti Septentrionales. Non ubivis tamen indidem spirant. Scaligerum Exerct. 47. audi. *Hic in Gasconia, inquit, eos (Etesias Aquilonares) nunquam sensimus, sed Austros, tum crebros, tum perniciosos. Quin etiam in ora Carnorum ad Adriaticum, eorum nullum sensum cepi, sed potius Subsolanos, qui secundo Sole flant, ut loquitur Nigidius, id est, ut observavimus, Solem comitantur.* Ubi paulisper etiam resisto super ipso Nigidianæ phrasæ interpretatione: verba ejus sunt ex lib. 2. de Ventis, apud Agellium lib. 2. Noctium cap. 22. *Et Austri anniversariis secundo Sole flant; ubi considerandum (ait Agellius, nec resolvit) quid sit, secundo Sole.* Non ergo de Subsolanis, sed Austris, loquitur Nigidius: qui flant secundo Sole, id est, ut existimo, Solem comitantur, ad nos motu proprio à Brumali Tropico revertentem. Etesia enim Australes & Ornithia spirant, ut statim dicam, post hiemale Solstitium; Sic dicimur secundo flumine navigare, id est, aquâ obsecundante, & comitante navem.

## ARTICULUS I.

### *Tempus Etesiarum.*

**E**tesia Septentrionales flare occipiunt, inquit Aristoteles, post Solstitium Æstivum, circa exortum Canis. De Cane verò minore sive Canicula intellexit lib. 2. cap. 47. Plinius.

Plinius. Dicit enim: *Ardenissimo aestatis tempore exortus Caniculae sidus, Sole primam partem Leonis ingrediente: qui dies duodevigesimus ante Augustas Kalend. est. Hujus exortum diebus octo ferme Aquilones antecedunt, quos Pro-dromos appellant. Post biduum autem exortus, iidem Aquilones constantius perflant diebus 40. quos Etesias vocant. Ubi tamen non nihil memoriâ lapsus est; Anno enim veteri Juliano, Sol, non 15. Kal. Augustas, sed 18. ingrediebatur primam Leonis partem, die scilicet 4. Julii, quando ipse Plinius lib. 18. cap. 28. dicit in Aegypto Pro-dromos incipere; quos tamen, ex sententia Caesaris, decimo demum Kalend. Augusti sentiat Italia. Itaque opinione Caesaris, in Italia non antecedunt, ut antè dixerat Plinius, Pro-dromi diebus octo exortum Caniculæ, sed sequuntur. Verum, ut est ventorum inconstancia, præcedere aliquando, & alias sequi possunt. Sed stemus, si placet contra Caesarem à Plinio, & octo diebus ante ortum Caniculæ Pro-dromorum flatus statuamus incipere. Cum ergo Lovanii in Elevatione Poli ferme grad. 51. Caniculæ circa 5. Leonis gradum mane ascendat cum Sole, Pro-dromos juxta hanc legem sentiemus primum circa diem 21. Julii, quando Sol est in fine Cancræ. Quod verò addit, post biduum exortus, spirare constantius Etesias, non intelligit, credo, post exortum Pro-dromorum (quod putat in sua Isag. Maginus) sed ipsius Caniculæ; ut videlicet decem totos dies Pro-dromi suos Etesias præcurrant, Etesiaque 31. Julii, id est, ultimo ipso mensis die, nobis affent. Quod quàm sit affine vero, ex hac Tabella Anemologica à me olim concinnata discite. Etiamne ita tam vacuus, inquietus, ut potueris in hac ventorum perpetua cura esse? Tacete. Tam citò hoc potuit subnotari, quàm vos nasum emungere.*

*Tabella Anemologica Etesiarum Anni 1614.*

**A** Prima Julii ad undecimam, venti Occidentales flarunt sereni.

Undecima, lenis & torans Aquilo.

A duodecima ad 17 Auster pluvius.

A 17 ad 30 molles Aquilonares Etesia, sive mavis Pro-dromi, qui vix valuerunt reddere serenitatem.



A 21 ad 24 Notolibycus, inter scilicet Africum & Libonotum, serenus, intercurrente tamen frequenti Nubilo.

A 2, ad 27 Favonius coepit, & deinde Caurus, Thrafcias, Boreas, Meles, in orbem flatus sibi tradiderunt.

A 27 ad 1 Augusti Etesiae affluerunt, cum effuso in fine nimbo, fulmine & tonitru, praesertim nocturno.

Die 2 Augusti, Favonii cum pluvia diurna & pomeridiana.

A 3 ad 8 Africus pluvius, & subinde tonans.

A 9 ad 11 Etesiae roantes.

A 12 ad 1, Zephyri primum, deinde statim Libonotus acrior, & effusus pluens.

Dubitarunt hic Etesiae, an redire vellent; sed se compresserunt.

A 14 ad 15 humentes Zephyri.

A 16 ad 19 Austri sereni ac ridentes, & verè Leuconoti.

A 20 ad 29 Notolibyci, qui inter Austrum & Zephyrum, & in Belgio frequentissimi omnium validissimi.

Die 30 Etesiae respirarunt.

A 31 ad 8 Septembris regnavit Auster.

Dies notavi nox, quia dormiendum erat, sine observatione suis: sed non puto eam longè abluisse à die.

Ex illa autem Anemologia patet, à 21 Julii, quando, legè Plinianà, aspirare deberent Prodrumi ad 8. Septembris quando expirat Etesiarum tempus (post enim 10. dies Prodrorum, dixit Etesias constantius perflare 10. diebus) Etesias non fuisse valdè pertinaces, sed variè interpolatos, & raros: imò Zephyros, & qui quadrantem horisontis ab Aequinoctiali ad polum Austrinum tenent, saepius flatus frequentasse: longissimumque Etesiarum tempus, sex dierum perpetuorum, 27. Julii ad 1. Augusti fuisse.

Sed ut similitudinem aut discordiam annorum intelligamus, juvat, nisi tibi qui leges molestum est, aliam experiri.

*Tabella Anemologica Etesiarum Anni 1625.*

**D**ie 1. & 2. Julii Caurus nebulosus & subinde pluens.

Die 3. Zephyrus Cauro similis.

4. Boreas & Meles, stillantes & hamecti.

5, 6, 7. Africus cum pluvia intervallari.

8. Caurus.

D d

9. Zephyrus

9. Zephyrus.
10. Caurus.
11. Thrascias effusè pluens.
12. & 13. Dies primi æstivales, cum Boreapeliote, inter Cæciam & Mesen, sicco & fervente.
14. Euris urens.
15. Zephyrus stillans & tonans.
- 16, 17, 18. idem, sed serenatus.
19. Aquilo Etesias, clemens, fervidus, & nocte tonans.
20. Zephyrus in nubilo.
21. idem siccior & fervens.
- 22, 23, 24, 25, 26. Thrascias, Boreas, Meses, Etesias, calidi.
27. Zephyrus ejusdem temperiei.
28. & 29. idem, sed pluvius & fulgurans.
30. Africus pluens, tonans, & multâ grandine delapidans.
31. & 1. Augusti. Zephyrus amœnus & ridens.
2. Augusti, Etesias pluens, & statim siccans.
3. Euris serenus, & subito Zephyrus pluens.
- 4, 5, 6. Zephyrus similis præcedenti.
- 7, 8. Thrascias Etesias, serenans.
9. Boreas & Meses Etesias, pluvii & tonantes.
- 10, 11, & 12. Zephyrus serenus, aut nubilus, & quandoque destillans.
13. Caurus serenus, sed intervalle nubilo.
- 14, 15, 16, 17. Africus siccus, aut subinde guttans.
- 18, 19, 20. Zephyrus ei non dissimilis.
- 21, 22, 23, 24, 25. Zephyrus & Africus ferè alternis, & qualitate prioribus affines.
26. Caurus.
- 27, 28, 29. Zephyrus per lucida intervalla nebulosus.

A 30. Augusti ad 24. Septembris, pertinaces, & vix alio brevi subinde statu interpellati Etesias, qui etiam Lovanii 7. Septembris incendium latissimè sparserunt. Cum enim celebri illo Encæniorum die, imprudens aliquis igne bombardario stramineum rectum incendisset, Etesias Aquilonares in adversam & Australem plateæ regionem scintillas diffuserunt, & integram duarum & triginta circiter ædium insulam, cum horreis multis plenis, funditus & sine remedio absumperunt. Nos enim hic, ut scias, velut in viridi illa & suburbana Platonis Academia habitamus.

& (ut Lipsius noster in suo Lovanio) *Rus in urbe habemus.*

Ex hac porro hujus, in quo scribo, Anni 1623. ventosa Tabella colliges, Julio & Augusto iterum Zephyros, & qui inde ad Austrum devergunt, constantiores fuisse Etesias. Prodromos tamen statuta fere die affuisse, sed tantum diebus tenuisse, à 22. Julii ad 16. Etesias verò tentasse non semel subsequi, sed invalido conatu, donec tandem toto mense Augusto à Zephyris pulsi, Septembrem longè invaserunt. Causam ejus facti, Articulo sequenti reddere conabimur.

Præter Etesias Aquilonares, sunt alii Australes, quos Aristoteles *νότοί*, id est, albos Austros, alii *σπιρίδες*, seu Aviculares vocant. Leuconotas quidem, quia sereni & innubes, inquit Theophrastus. Auster enim tenuis & invalidus, quales verni illi Etesia, solet serenare. Aviculares autem, quia procreandis avibus maximè faciant, ita ut aves solo eorum afflatu ova concipiant, ut Vicomerctus (non ego) credidit: vel potius ab adventu avium, ut Plinius: aut etiam, quia venti Australes circa initium veris, aves imbecilli & brevis volatus (quales coturnices, philomelæ, aliæque è peregrinis) ex Africa & locis Zone torridæ vicinis, restant in Europam: unde quia lato Maris Mediterranei trajectu, multæ viribus defectæ, & in mare deciduæ, aquis suffocantur, atque quotannis piscationem coturnicium instituunt, si credimus Bodino. Hinc à me observatum, Anno 1619. rarissimas apud nos fuisse coturnices, quia toto Vere Aquilones in Africam respiraverunt. Ornithiæ post Solstitium brumale, ut Etesia post æstivum incipiunt flare; sed tardius, & septuagesimo cæsum die, inquit Aristoteles: statu etiam invalidiori, & sæpius interpolato. Circa ergo initium Martii nobis redibunt.

## ARTICULUS II.

*Causa efficiens Etesiarum.*

**A**ristoteles & Theophrastus doceant, Etesias Aquilonares esse à liquatione nivium & glaciæ sub ultimo Septentrione. Toto enim medio anno suæ noctis plurimum nivis decidit, & mare sic glaciatur, ut Hollandi, dum

super viam illac in Sinas quærent, in ipso Solstitiali die glaciem totam marinam 6. pedes altam reppererint. Non statim autem à Solstitio Etesiarum adspirant; quia longâ morâ Solis. (præsertim quia radius ibi eius valde obliquus est & inefficax) tanta concretio debet dissolvi: ideoque non primo statim accessu sideris, sed paulo postquam incepit abire. Canis, & Canicula etiam, quibus tunc jungitur, fortasse aliquid in commune conferunt ad illam nivium & glaciei tabem. Ex spiritu ergo nivali in altum sublato, & deinde post refrigerationem relabente, est illa materia Etesiarum. Notavi tamen non uno anno, & præsertim proximis istis 1624. & 1625. Etesias istos Aquilonis, non semel tantum, sed bis, velut ad constitutum redire, & pertinaciter satis edurare. Primum, mense Maio, deinde Augusto aut initio Septembris, ut antè vidimus. Causa videtur esse, prima tabes & liquatio summarum aut rarissimarum partium nivis, quæ diu tolerare nequeunt Solis repperem: aliæ verò densiores & compactæ, tardius obediunt, & aliquantò post Solstitium. nec enim verum est, quod lib. 1. cap. 11. Seneca, mense Julio dispoliata esse omnia, aut pauca adhuc jacere ibi sub nive, Hollandi enim dissentiunt: cum præsertim plurimi etiam alibi montes secundo anno vix exuant. Et sunt etiam sanè omnia dispoliata nivis ex aqua saltem illa multa & nivali, quâ terra illa computruit, resolvi possunt Etesiae. Causa verò inconstanter eorum, rejicienda, ut facit Theophrastus, in liquationis & resolutionis dissimilitudinem, aut quia certè exhalatio aliorum avertitur: ipsa enim in sublimi pendula, distillare in orbem potest, & in quamlibet Mundi partem: promissa tamen à Septentrione versus torridam recidit; quia aer hic rarior & solutior, & exhalationi se dividere conanti, facile obediens: dubia ergo exhalatio quamvis destituta, potius inclinat, ubi inventura resistantiam minorem; undique enim exire & se exponere tentat, impellique partem infirmiore.

Delicati autem & somniculosi à nautis Etesiarum vocantur, ut ait apud Senecam Gallio, quod mane nesciunt surgere, ut enim lib. 1. cap. 47 Plinius, noctu desinunt sorere, & à serena hora oritur. Somniculosi ergo sunt, quos tribus integris horis prævertit Sol exorians. Sed cur potissimum interea spirant?

spirant? Quia, inquit noster Aristoteles, internoctu aquæ concretæ non liqueſcunt, nec exhalationes funduntur, ſed aliquot horis (quando etiam ſiccantur & diſſugiunt rores) poſt Solis ortum. Sed ecce mihi ſcrupulus, & lapis totus, ubi omnia plana rebar. Sol enim ſub polo, toto illo medio anno nunquam occidit; cur ergo etiam nocte noſtrâ, quæ ibi dies eſt, non exſpirantur à nivibus illis, & in nos recidunt Eteſiæ? Dic ergo; eos qui die tantum ſpirant ex vicina, v. g. Hollandia, non ab ultimo polo nobis advolare. Cum enim venti Aquilonares, ut Ariſtoteles etiam & Theophrastus nos docuerunt, gravioreſ & propenſioreſ ſint cæteris, non longè cadunt: unde ſæpiùs in terram decidere oportet exhalationes ſub polo elevatas, & denudò reſurgere, ut tandem in nos recidant. Venti enim poſtquam in terram delapſi, in ſuperficiem ejus effunduntur iuſta inviſibilis aquæ, ibique hærent; aut certè ſi paulò leviores, in aere tamen inſimo penduli oberrant & fluctuant: hinc autem radio ſurgentis Solis iſti, denudò in ſublime retrahi, & in nubibus refrigerati, longius recidere poſſunt. Aliàs enim fieri non poteſt, ut à polo Arctico, ſpatio trium aut quatuor horarum per gradus ſerè 40. pervenire ad nos Eteſiæ, languidi præſertim, ut ſolent, & remiſſi, valeant. Dupliciter autem Sol exoriens ventorum affluxum adjuvat; aut excitando materiam, quæ ſtatim in ſublimi denſetur & deſluat; aut aerem nocturnum tenuando, ut faciliùs in illam partem exhalationi delabenti cedat. Tam citò autem, inquires, exhalatio ſcandens refrigerat & denſatur, ut ſtatim recidat? Ita. Et ne mireris; vide halitum hieme in aerem frigidum exſpiratum ore animalis, ſubiçò ſic addenſari, ut palàm ſit viſibilis, & lumen refleſcat; cum tamen æſtate propter raritatem nemo eum videat. Cæterum Ornithiæ Australes tardius & interpellati ſpirant, inquit Ariſtoteles; quia circa Solſtitium hiemale Sol nimis à nobis abeſt, nec per hiemis rigorem, ſat multas exhalationes ex locis circa & citra Tropicum Cancri jacentibus, ad ventum ſaltem conſtantem, excitare valet. Itaque Ornithiæ differuntur ad initium ſermè veris.



## CAPUT VII.

*De Ventis Provincialibus, Apogeiis, & Auris.*

**V**entus Provincialis est, qui Provinciam aliquam specialiter, non alias vicinas, perflat. Talis Japix live Atabulus in Apulia, Circius in Narbonensi Gallia, Olympias in Eubœa, Sciron Athenis. Phavorinus apud Agell. lib. 2. cap. 22. Japiga, pulchro argumento, existimat esse Caurum; quia Virgilius Cleopatram è navali ad Actium prælio in Ægyptum Japige vento fugientem facit. Fallitur ergo noster Lemnius lib. 3. de Occult. Miracul. qui *West Zuyd-West*, inter Zephyrum scilicet & Austrum, medium putat. Cicio autem, etiam ædificia quassanti, gratias tamen agunt Narbonenses, ait Seneca, tanquam salubritatem cœli sui ei debeant. Templumque illi, ut beneficio, Cæsar Augustus, cum in Gallia moraretur, & vovit & fecit. Hodie etiam & nomen & vehementiam retinet, ut in Notis ad Senecam testatur M. Ant. Muræus. Hic quoque Caurus aut prope ipsum est: qui in Occidentalibus etiam Norwegia & Islandia littoribus omnia evertit, ut scribit Olaus. Galli Picardi, teste Bodino, excoriatorem vitulorum appellant: nomenque idem, ut jam intelligo, apud rusticos nostros habet; quia per Martium aliquando debacchans, vitulis frigore necem affert, & corium detrahit. In Hannonia & Arctesia passim ventum Scotum nominant; quia à Sotia pene hinc venit.

Subsolanus etiam toti Zonæ torridæ dici potest quodammodo Provinciali: circa enim totum anni circulum molliter spirat: adeo ut Ios. Acosta, diligens rerum Americarum Scriptor, censeat non esse exhalationem, sed aerem motu primi Mobilis in orbem circumventum, sed raptus cœli, ut Libro primo docui usque ad terram non descendit.

Causa ventorum Provincialium, imprimis sunt montes, qui à vicinis Provinciis avertunt flatus. Ita Circium arces modicum jugum, ut lib. 2. cap. 47. ait Plinius, ne in proximam Viennam penetret: sic etiam ab Olympo & Ossa Aquilo ita reflectitur, ut sibi ipsi reflect, & nubes inferiores agat in Septentrionem contra seipsum directum, ut docet

Theo.

Theophrastus. Venti autem sic in se reflexi; Tropæi, aut Versorii appellantur.

Angustia deinde regionis quam perflat ventus, facere eum possunt magis insignitum & Provinciale. Inter enim montes v. g. spiritus densior & torrentior est, ut fluxus aquæ in angusto. Pari modo, ventus per rimulam fenestræ in cubiculum inspiratus, apposita manu, densius & frigidius sentitur, quam si toto ostio admittas. Denique, vicina terræ fungosæ, aut perpetuò humentis, item maris, aut insignis alicujus lacûs, ventum inde perinatiorē & ferociorē, in illam Provinciam expellit.

Apogæi, quos Plinius Altanos, Apuleius Terrigenas vocat, sunt venti à certa Provincia nati, & in eam recedentes.

Auræ verò, molles quidam & humentes ventuli, à mari, lacubus, aut fluminibus vaporati, & in vicinũ resurgentes.

Manè autem potissimum exoriuntur, humore in altum, tepore primi Solis, exsucto, & deinde frigore superioris aeris leniter densato, & sic per aera leviorē relabente, ut Theophrastus & Aristoteles verissimè. Si verò spiritus è sinu aliquo profiliat, Encolipas, quasi Sinualis, vocatur; ut docet Auctor Libri de Mundo.

## CAPUT VIII.

### *De Proprietatibus Ventorum.*

**V**aria, perplexa, & confusanea pleraque ab Auctoribus de Proprietatibus & Qualitatibus Ventorum. Ratio mihi esse videtur; quia quisque patriam suam aspicit, eam quæ non ubique experitur eodem temperamento ventum ab uno eodemque cardine venientem. Fabr. Paduanus Philosophus Forolivienſis affirmat, Eurum in Italia esse calidum & humentem, & Austro nostro similem: Fracastorius, Vulturum & vicinos Syroccos, effusè pluviosos, qui hic sæpius aridissimi sunt: & Plinius; *Auster Africa juvenus, Aquilo nubilis est.* Iosephus Acosta narrat, inter Equatorem & Tropicum Capricorni, Austrum esse Hispanico Boreæ, frigore cognatum. Itaque, ut omni confusione & perplexitatibus me expediam.

Dico primò: Naturales qualitates omnium Ventorum, quæ exhalatione constant, frigus & siccitas; quæ vapore, frigus

frigus & humiditas sunt. Ratio est, quia probabile est, exhalationem adhuc retinere formam terræ, & vaporem aquæ; illæ verò qualitates, terræ & aquæ naturales sunt.

Dico secundò: A terra tamen & aqua aut aliis corporibus, unde resolvuntur, item ab aere, & locis per quos traiciunt, varias alias peregrinas qualitates contrahere possunt. Pater, quia hæc omnia contagione suâ alterare & inficere valent exhalationem.

Dico tertio: Omnis ventus simpliciter frigidus est. Testor experientiam, & causam efficientem; quam antè docui, esse frigus mediæ regionis aeris, condensans & prægravans, ut decidat in terram.

Dico quarto: Alii tamen aliis frigidiores; vel quia per loca algentia, ut Aquilonares, transeunt; vel quia è mari sublatis, & insuper nubes inde vehunt, ut Occidentales: horum comparatione, Orientales & Austrini, calidi dici possunt, & Aristotelem volentem in hanc mentem adduco, cum Aquilonibus frigus & siccitatem, Austris calorem & humiditatem, Subsolanis calorem & siccitatem, Zephyris frigus & humiditatem, id est, singulis alicujus Elementi naturales qualitates distribuit. Aquilo enim terreus, Austris aerius, Subsolanus igneus, Zephyrus aqueus sic erit.

Dico quinto: Venti omnes qui exhalatione constant, reverà sicci; qui vaporem trahunt humecti sunt; unde qui à mari vel aquosis, multum humoris, qui à mediterraneis & arenis affluunt, multum sicci habent. Sed de singulis manifestius aliquid autumemus.

## ARTICULUS I.

### *Ventorum Septentrionalium Qualitates.*

**A**quilones ubique, ferè in Europa celebrantur algentes & sicci: quia frigida loca permeant, & ex subtilissima & aridissima nivium frigida Zonæ parte resolvuntur: hinc etiam sereni, & corporibus humanis salubres existimantur. Homerus Odyss. E.

*Kay Boreas ἀσθρηνίτης μέγα κῆμα πολὺν δαίει :*

*Et Boreas serenator ingentem fluctum volutus.*

Experientes in Belgio Architecti eum in cæde lignorum observant, & magis eos qui paulisper declinant in Occidentem.

Non

Non minus enim contra temerem, venti siccitatem quam  
Luna: putant referre. Serenatur autem, ut equidem existi-  
mo, & quia frigore aerem densat, ne facile coire, & in u-  
nam guttam majusculam, quæ sit ponderis ad relapsum ha-  
beat, confluere vaporis minimæ particulae valeant: &  
quia nubes è longinquo, multas & confertas adducit. cum  
enim præcipiti casu, tanquam gelidior & densior, in terram  
se exoneret, nec in longum, ut Auster, spiret; in latum  
etiam nubium non incurrit: sed vel origo ejus infra ipsas  
& prope terram est, vel si est supra, perpendiculari pro-  
pmodum lapsu eas incidit, nec inde aspellit procul. Hinc  
in regionibus à Polo remotis, & ferocia & frigore longè  
ibi dissimilis est: & Plutarch. in Sertorio causam tempe-  
rii Fortunatarum Insularum potissimum in Aquilonem  
retrahit; qui ed fractus & elumbis, & rigore per spatia ca-  
lentiora mollito, pervenit: hincque Sertorium sumpsisse  
impetum, ut relicta Romanis Hispaniâ, in beatas illas In-  
sulas emigraret, molliorem fortunatamque extra bellicos  
tumultus, interque blandimenta regionis exacturus vitam.

In Belgio tamen Aquilo cardinalis, non semper serenita-  
tem, imo sæpissimè nubes adducit & humorem; uti docuit  
me longa & certa experientia. Ratio, sine dubio, est,  
quia à mari Deucalionæo, & Hollandico nos hic afflat, unde  
nubes è vaporibus illis Oceani concretas, in verticem no-  
strum propellit. Manifestius tamen id Thracias & alii  
ad Occasum inclinantes faciunt; quia ab ingentibus Oce-  
ani Scotici spatiis, ubi Sol etiam præsentior plures nubes  
evaporat, adspirant. His ventis Boreolibycis annus nuperus  
1624. & præsens 1625. aliosus & perpetuo per multos dies  
profuse pluens fuit, circa æstivum solstitium; aded ut  
solstitiali ipso die frigore pænè diriguerim, dum inter  
Duseum & Valencenas curru fortè vehor.

Longè verò sicciore, & unici ferè serenatores nostri  
sunt, Mesès, Boreapeliotes, Cæcias; qui scilicet arcum il-  
lum obsident inter Boream & Subsolanum; quia nobis à  
sacro semè & terreno flant.

Salubres etiam Aquilones, ubi frigidi & sicci, sunt; quia  
pauca sine nebula aerem vehunt, & impuros Auleros a-  
biungunt: frigore deinde cutem animalium stringunt, & ca-  
lorem naturalem in interaneis & partibus vitalibus, quæ  
E c coquunt

coquunt alimentum, continent. Et abhinc Septentrionalis populi salubriori corpore & vivaciori sunt: aded ut vegeti & robusti ad Ann. 30. ait Asclepiades, facile perveniant: ubi Æthiopes An. 30. senescere incipiunt; quia carne rariori, & calor regionis aperit poros, effunditque spiritum & calorem naturalem. Nec enim quod Hispani, Itali, & Meridionales salaciores Belgis, majoris caloris est argumentum. Lepores enim longè prouiores in Venerem, quàm leones sunt, & tamen multò minùs feruent: humor ergo melancholicus magis, quàm calor acrimoniâ suâ videtur acueri & sollicitare Venerem. Abundantiam autem melancholiam in Meridionalibus afficit: tanta furiosorum in Africa multitudo, quibus ubique publice domus constitutæ sunt, ut ex Leone Afro ostendit c. 5. Methodi Bodinus: & Antuerpiæ profectò plures in furiosa illa domo, Hispanos, Italos, hypochondriacos & furere videas, quàm Belgas, qui mollior potius dementiunt, quàm furis, agitentur. Irascuntur enim faciliè Meridionales, sed non ab excessu caloris, ac frigore magis, id est, calore modico, ut feminæ; quæ Hippocrati *ἰσχυροὶ* non *δυνατοὶ*; feroces, non *αἰμόνες*, appellantur, ut lib. 8. cap. 2. pulchrè docet Laurentius, vel cent à frigore & siccitate in unam complexionem melancholicam colligatis. Salubritatem Aquilonis etiam egregio exemplo M. Varro ille rei Rusticæ Scriptor ostendit. Cum enim Corcyræ per classem, & exercitum grassaretur mirum in modum pestis, immisso fenestris novis Aquilone, & obstructis pestilentibus, januaque permutata, suos comites & familiam incolumes reduxit. Magnus etiam Hippocrates pestilentia illi famosæ, quæ totam partem Asiam ab humano cultu vastam fecit, plurima mortalium millia, simili arte eripuit. Unde Varro l. 1. c. 56. de re Rustica. *Triticum, inquit, condi oportet in granaria sublimia, quæ persistentur vento aëtherio, ac Septentrionum regione, ad quæ nulla aura humida ex propinquis locis adspiret.*

Vitruvius quoque lib. 1. c. 6. dispositionem urbis Mitylenes damnat. *In insula Lesbo, ait, oppidum Mitylene magnificenter est adificatum & eleganter, sed positum non prudenter. In qua ciuitas, Ausser cùm fiat, homines egrotant: cùm Corus, iustiani; cùm Septentrio, restituntur in salubritatem: sed in angustis & platcis non possunt consistere propter vehementiam frigoris.* Similem

errorum



enorem in ædificatione Hordei novi (oppidum est Venetorum) castigat Dan. Barbarus: quia studiosè sic factum, ut singulæ plateæ ad singulos dirigantur ventos, excipiantque omnes. Præcipit ergo Vitruvius, *Directiones vicorum ita contrahendas à regionibus ventorum, ut advenientes ad angulos insulam frangantur, repulsque dissipentur.* Maximè tamen omnium admittendi Aquilones (atque in Belgio, qui inter Aquilonem & Æquinoctialem sunt) & Subsolanii. Quod prudentissimè & affabrè servatum in dispositione fori urbis Tornacensis nuper vidi: ubi malignis Austris alta & perpetua edificia objecta sunt, admissis permagnam platearum amplitudinem Aquilonibus & Subsolanis.

Sed nihil etiam Aquilo nocet? *Tassim movet, ait lib. 2. cap. 1. Celsus, fauces exasperas, ventrem astringis, urinam suppressis, humores excitas, item dolores lateris & pectoris.* Addit tamen, *Sæpius tamen corpus spissat, & mobilitateque expeditius reddit.* Noxas tamen illas per accidens solum & in corpore humoribus nimido creat, ut ad Celsum Rossæus docet. Dum enim per poros se insinuat, & humores siccare nititur, ac sollicitus ad expulsionem, nec tamen valet expellere, corpus frigore suo adstringit, & humorem à capite in fauces & thoracem exprimit: vesica quoque facile frigore læditur & contrahitur, quia exsanguis: alvum etiam suâ siccitate indurât; aliquando tamen etiam exprimendo humores in fecinam illam corporis, citat & præcipitat: unde Plinius lib. 12. cap. 13. gregem contra Aquilonis flatum pascere vetat. *Clodius enim, ait, stippiusque ab afflatu, & alvo cito pereunt.*

Licet etiam sapiùs leniat aut extinguat; aliquando tamen etiam incendit pestis ardorem. Miratur enim lib. 2. cap. 3. Cosmoes. Cornelius Gemma in acerrima illa Anno 1566. Aquiloniâ hieme (quâ etiam *pæssim, inquit, pauperiorum pedes, manusque decidebant*) pestilentiam Bruxellæ aliisque Belgii locis nil remississe, sed sæviisse atrocissimè; quia, ut existimat, nimia frigoris adstrictio impedivit sanguinis humorumque transpirationem. In Britannia etiam Scal. Exer. 200. negat esse vinum vernaculum; quia egressum à Leone Solem excipiunt frigidiusculæ Etesiarum autem, quæ non sinunt uvæ perducì ad maturitatem. Et hoc Anno 1625. omnem vini spem, aliosque illi circa Solstitium

Aquilones, & Etesiae deinde per totum panem Septembrem secuti, exinixerunt.

Certum quoque est, & à Columella notatum, cortices arborum Septentrioni obversos, duriores esse, ideoque in transplantatione, rubricâ signari, & Poeta lib. 2. Georg.

*Quin etiam calis regionem in cortice signant:*

*Vi quoque modo fletis, quâ parte caloris,*

*Austrini pulcrit, quâ terga obuerit axi.*

*Resistant: adeo in senectis consuescere multum est.*

Sed quâ vi Aquilo omnia sic adurit, & congelat? Non frigore & siccitate, ut vulgus Philosophorum existimat, aiunt Chymici, sed vi quâdam aliâ opiatâ & frigorificâ, quâ non sit formale frigus. Et Quercetanus: *Non quia siccus & frigidus glaciatur, sed quia ejus proprietates viriolatae, aculeae & berberizatae sunt.* Ut res, sic verba mira.

Verum, stultum est, inquit alicubi Aristoteles, sensu relicto, sectari velle rationem: hoc enim est erueri sibi oculos, quod olim fecit Democritus, ut sola imaginatione utari in tenebris: quare ergo volumus Boream, ut opium & cicutam, frigefacere, & non magis, ut aquam vel hivem? frigore ergo, quod in eo sentimus, refrigerat & addensat, perinde, ut ignes calore dissipat ac rarefacit: indurat etiam & glaciæ incrustat, si siccitas insignis frigori adsit. Indicat hoc Sapiens ille Eliud Iobi 17. *Ab interioribus* (id est, Austro: sic enim mihi interpretatur ipse Iob cap. 9.) *aperiuntur tempestates: & ab Arcturo* (id est, Septentrione, ubi sidus Arcturi) *frigus: & volens significare effectum frigoris Aquilonis, subiungit: Flante Deo concrevit gelu, & rursum lapsimè funduntur aquae.* Idem innuitur Psal. 147. *Minui dyssallum* (id est, glaciem) *suam, sicut buccellas: quia faciem frigoris ejus* (à quo scilicet aqua molles & fluens in lapideam glaciem sic duratur) *quis sustinebit?* Quod etiam satis aperte experientia probatur; quia expulso per calorem ignis frigore, glaciæ, nix, metalla etiam utraque tabescunt & liquantur. Igitur frigore tenebantur antè, & fugebantur in isto rigore, ne diffunderent partes. Doctiss. nihilominus Valesius lib. de Sac. Philos. cap. 50. perseverat negare, Boream abragere aquam frigore, sed efflando ex aqua ignem, quem putat tenuissimo spiritu permixtum omnibus corporibus illumque esse, qui liquores omnes fluxos efficiat. Itaque haec

concrefcit aqua, inquit, quia Aquilo ignem è poris expellit, qui partes ejus fundebat. Sed difficulter perfuadebit. Sic enim alii venti, etfi minus frigidi, paffim etiam gelabunt, quia & ipfi fe infinuare intrameatus, & flabellare ignem illum spiritalem valent; Deinde, fubftantia Venti non tam altè in aquam, quàm congelatio, defcendit; & glaciès fapè aquam infra profluentem fibi frigore alligat, vento ultra fummam ejus fuperficiem non penetrante. Denique, cur ignis ille levior, aqua non expirat; aut cur in eum non collabuntur, & extinguunt partes illæ aquæ fluentes?

Sed ne longitudo ifta frigore me pereutiat, & extinguat gratiam, vento alio me calefacio ferventiori. Pulfo igitur Aquilone, Auftrum induco.

## ARTICULUS II.

*Ventorum Meridionalium Qualitates,*

**A**uster, & qui circa eum proxime, vulgò calidi audiunt & humentes. Calidi, id est, ut autumo, minus frigidi; quia ex locis Zonæ torridæ propinrioribus recta ferè & breviffimâ lineâ spirant; ideoque exhalatio & vapor quem vehunt tepidior, tanquam potentiore Solis calore refoluti; & deinde aliquid etiam frigoris pofuerint, longo fapè per calidas regiones & obliquo tranfcurfu. Cum enim obliquiores cæteris fiant, necesse etiam est, ut diutius per infimam & tepentem aeris regionem moveantur, antequam ad terram veniant. Et hinc etiam *Auftrum*, inquit Plinius lib. 2. cap. 47. *majoris fluctus edundat, quàm Aquilone: quoniam ille infernus ex imo maris spirat, hic fœvus.* Humidi verò funt, quia & multo vapore è mari Mediterraneo & aliis aquolis elevato constant, & maxime, quia plurimas nubes, longo illo tranfverfali volatu, imbrium fœcundas colligunt, quæ in capita noftra repluentes, ventum aliàs fortè ficcum, seu nimis, madentem infamant. Ventum enim humidum appellamus non folùm qui in fe humectus, fed etiam qui aridus humorem fecum affert: fic pincernam, humidum dicere possumus, qui portat humoris amphoram. Unde eleganter D. Hieronymus Auftrum vocat. *Pincernam pluviarum*; Plautus *Imbricum*; Ennius, *Imbriciorem*; omnes

omnes passim, *Imbriferam*. Nec satis habet, advehere ipsas  
nubes, sed convectas ab Aquilone, vel allis, molli suo te-  
pore regelat, & resolvit in pluviam: sic nubes quæ à Boreæ  
fortasse exussata, sicca pertransivit nostrum verticem,  
dum redit, & ab Austro resatur in Septentrionem, recidit  
& exonerat humorem. Ratio est, quia, ut aliàs dixisse me-  
mini, parvulo illo quem habet tepore relaxat mediæ regi-  
onis aerem, ut minutissimi vaporum atomi in grandiores  
guttas confluere possint: deinde etiam aerem infimæ regi-  
onis fundit & diducit, redditque istâ rarefactione, humore  
nubium leviores: ut proinde, juxta æquilibrîi leges, ne-  
cesse sit decidere. Omnia contraria facit Aquilo: frigore  
suo aerem infimum stringit & gravat, & eum qui inter par-  
ticulas & guttulas pænè indivisibiles vaporis mediæ regi-  
onis interjectus est, sic densat, ut guttulae leves & invalide  
jungi, & perumpere ad mutuum contactum non possint.  
Hinc in Belgio, ubi Boreas non rarè pluvius, stillicidia  
ramen ejus plerumque maligna & minima sunt. *Austro* verd  
*flans videri improbius, & guttæ pleniores sunt*, inquit Seneca. Et  
ut intelligatis hanc causam esse: *Auster* hiemalis longè  
minoribus, quàm æstivus, guttis depluit: insignes enim  
illæ plenissimarum guttarum & pænè ovalium nimbi, celo  
tantum calidiore, & ferè tonante, id est, aere prorsus in-  
raritatem dissoluto, fiunt.

Tepor etiam *Austri* manifestè se prodit, cum hiematum  
& glaciatarum Aquilonibus aquam, tam citò & subito refun-  
dit. Quod inexcusata Dei opera admiratur Psalter Psal.  
147. *Ante faciem frigus ejus quis sustinebit? Emissi verbum suum,  
& liquos faciet: stabit spiritus ejus, & fluens aqua.* *Auster* verd  
specialitèr dici solet, spiritus Dei, & Meridies sæpè in  
Scriptura, sedes Dei, ut Aquilo & Septentrio. Diaboli  
quia Dei spiritus similis est Austro: corda enim hominum  
calefacit, & igne Charitatis accendit, quæ diabolus Aquilo-  
nis sui frigore stringit & indurat: unde meritò sponsus  
Cant. 4. abigit Aquilonem, & invirat Austrum: *Surge A-  
quilo, clamat, & veni Auster: perfla hortum meum, & fluant ara-  
mata illius.* D. August. Epist. 120. ad Honoratum, *Spiritus,  
ait, invocat gratie, flantem de Meridie, velut à patris ferida & lu-  
minosa, ut fluant aromata.* Adspiret etiam nobis blândus iste  
& gratiolus Spiritus tuus, Domine Deus meus.

rorantibus. alis aridum mentis nostræ hortum, ut fragrantia virtutum germinet aromata, quæ tibi molliter spargant odorem suavitatis. Hic etiam ille Charitatis Auster est, quo in portum salutis navigatur. Spiritu enim amoris ad te itur, Domine pandamus, obliquemus & hac, & istac, & illac, & undique vela, mortales, ut spiritum istum tam secundum & leniter ferentem colligamus. Ex omnibus, inquam, sotoribus creaturis, Patris nostri communis & benignissimi materiam admirationis & amoris colligamus. Nullam propter se, sed in universis Auctorum disuaviemur. Ab omnibus, & undique in cælum exiliamus: undè humana, & terrarum Orbem, quem velut ingentem hîc suspicimus, tanquam punctum Lunæ cælisque, uti brevi pyxide, inclusum, despiciamus: in qua longa illa, ut putamus, ventorum flabra, angustissimo & indivisibili pæne ambitu circumcurrunt. Non hoc punctum, neque quidquam in Mundo hoc inferiori, pro magno, præter vanitatem, admiremur: clamemusque istud tantum;

— *Quantum est in rebus inane?* —

Sed à cœlo deulemus rursus in terram. Et de Austri nostri noxis, loquere tu Hippocrates Latine, *Auster aures hebetas, sensus, caritas, capitis dolores movet, alvum solvit, totum corpus efficit hebes, humidum, languidum.* Hinc à Græcis Auster *æquæperans caput gravans* dictus: gravedinem autem istam, & distillationes humore partim, vel calore facit, quo corporum sanguinem, pituitam, bilem, & omnes humores regelat, fundit, & incendit. Unde homines passim tristiores & morosiores eo flante cernimus. Magna enim omnino vis venti in corporum temperiem est, cum per minimos poros in secretissimas latebras se penetrent, qualitatēque suam invehant: & Auster hoc magis, quod calore suo meatus laxiores faciat, sibi que aperiat viam. Lepidum est, quod incola quidam Flandicarum Insularum, quæ vulgò Azores, mihi narravit. Ibi Austro spirante homines manifestè morosissimos ambulare; pueros tristes & lugubres domi desidere, nec solemnes amplius eorum lusus aut cœtus apparere in plateis: qui Boreâ resstante statim in alacritatem redeunt, & in publicum læti refunduntur. Hinc etiam fuso & rarefacto humore podagrici alius clamant, phrenetici magis frendent; præsertim si una accesserit Lunæ plenitudo,



tudo. Lemnius noster lib. 2. cap. 3. de Occult. Mirac. munditudinem in Belgio epilepticorum, qui passim in compliis, inquit, ac triviiis miseranda spectacula hominum oculis exhibent, frequentibus Austris tribuit. Cornelius Gemma tamen lib. 2. cap. 2. Cosmoeclit. asserit, propter humoris assuetudinem, vel quandam sympathiam, inter pluvias hic commodum degi: nisi quod tunc faminae & pueri, tanquam humidiores, vermibus sunt obnoxii; sibi que, ait, sæpe expertum, ita esse. In diurnis tamen, addit, squaloribus, præsertim si forte vehemens calor, aut frigus, tum demum Medicorum mæstis aberrant. Paræus quoque lib. 10. negat, Narbonenses cæteris Galli alacritate, agilitate, & sanitate corporum esse similes, ob Austrinas ibi tempestates, quæ vigorem & motus corporum tardent, auditum gravent, verrigines faciant, oculos heberent.

In res quoque inanimas exiit se vis Austri malefica. Granaria putri mucore, & curculionibus implet: lineam ædibus, locis etiam secretissimis, lodices, chartæ, flaccescunt, carnes marcescunt in putredinem; ferrum etiam ipsum, teste Theophrasto, limæ facilius obedit: hinc hiemes Australes pessimæ; quia indulgentiâ coeli fruges & arbores citò nimis in germen evocantur; sequiturque deinde alia florescendi exinanitio, ut inquit Plinius: quasi per plures annos continuetur, exhaurit & enecat arbores. Sic Anno 1427. hiems nulla in Belgio fuit, passimque Novembri mense arbores floruerunt. Denique sub finem mollis hiemis, sæpè irruunt repentina frigora, quæ adurunt germinationem nimis festinatam. Sic factum profectò hoc Anno 1625. post enim desperatam ferè hiemem, Favonii mense Februario profussissimam nivem sparsit; secuta deinde gelidissima aliquot levi Borea spirante dies, & præsertim ultima ipsa Februarii, quæ totius Anni hyematisissima, & intolerabili panè frigore fuit; plurimarumque arborum, & maxime juglandum nimis properantes ramos, ad ipsam usque truncum fideravit, annonamque totam in eas, partim saltem (nam aliæ etiam postea causæ accesserunt) angustias adduxit, in quibus eam videmus.

Hoc etiam de Austro observant venatores; à canibus eo flante, melius & certius vestigari feras; quia spiritus illi odoriferi quos spargunt, calore sunt fragrantiores, liberiorisque

hæcque commeant per repentem & laxatum aera: ubi contra, Boreas frigore odorem hebetat, expirationes alligat, aut pigras reddit.

Sed qui potest, inquires, ut aer calorem Austri tam facile sentiat, cum frigidum potius experiamur, & ante docuerimus frigore densatum in terram delabi? Respondeo, calorem aliquem secum vehere, sed non satis ad absolutam denominationem calidi (ut Philosophi loquimur) quia minus frigoris habet: calorem vero ejus vix sentimus, quia sensus exuberantias solum percipit, & qualitates intensiores similibus quas in organo habet: calor autem organi & cutis, plerumque major & intensior est illo, quem affert ventus. Aer tamen gelidus statim eum sentit, & de rigore multum remittit, quia frigus exhalationis in aerem sibi similem non agit, sed calor solus: qualitas scilicet efficax & actiuosa, præsertim in subjecto satis denso, qualis est ventus: vel si densum negas, dico, calidum etsi rarum, posse valere in insignem etiam calefactionem, si multum & amplum sit, ut ventus. Causa est, quod licet singulæ venti partes, aliquod patibile adlambentes & prætervolantes, parum in eo suæ qualitatæ relinquant: multæ tamen sibi locenturiatæ, plurimum valent. Hæc etiam mihi causa esse videtur, cur Aquilones, aliquot etiam horarum spatio, terram sic & aquam quandoque incrustent; quia, inquam, exhalatione satis densa (etsi perspicua & transparente) consistant, ideoque frigus in ea acriter agit: & maxime, quia venti partes sese catenatim subsequentes, singulæ aquæ superficiem spississimo agmine distringunt, & brevi, modo ad certam summam frigoris cumulo, congelant. Quod autem, aliquando, nullo vento spirante, gelet fieri existimo (ut firmabo alibi) ab aere mediæ regionis refrigerato, & pondere suo molliter, & sine sensu nostro, ad terram subsidente, ut videmus in nebula: hoc enim mihi certius, quam ad Saturninas quasdam siderum influentias confugere.

Ceterum quam cito calore, etiam pusillo, aer tangatur, egregie ostendit fistula illa vitrea psychologica, index incrementi & decrementi frigoris: si enim vel minimo digito fistulam extrinsecus attingas, statim aer qui intus est conditur & rarefcit, aquamque deorsum præmit. Hoc at-

tende, & mirari minues, aerem sic leni Austro liquefcere. Hoc etiam in mantissam accipe. Cur olim in proverbium abiit :

*Ὀφωρεὶ νυκτερινὸς βορρῆς ῥεῖται ἔκτρο φέγγος :*

*Tertia lux nunquam nocturno Aquilone laborat :*

Contra verò, Auster nocturnus pertinaciùs spirat; fatentur & hodie nostri nautæ. Et celebris ille Andreas Auria, classis olim Genuensium Præfæctus, Carolum V. Cæsarem, paratum jam nocturno Boreâ repenti exorto, prospero & ferente, in Africam classem trajicere, monuit, brevi & intra triduum destituendum à vento. Aristoteles Sect. 16. Problem. has rationes tentat; quod Aquilo nocturnus imbecillis, quia ab imbecilli calore ortus: venti autem omnes, inquit, imbecilli intra tridui tempus expirant & finiuntur. Ided etiam fortasse, ait, quia tertius dies est decretorius, aut denique, quoddam more ecnephia & procella universim, non particulatim, è nube prorumpit. Nolo Magistrum refellere. Quid sit tamen fortassis hoc etiam sit? Exhalatio aere nocturno & densato, in sublimi, tanquam vallo quodam circumdata, dubitat quâ potissimum cœli regione se exoneret: & quia aer ille pari ferè densitate undique in orbem resistit, exhalatio pluribus simul locis se hac illac effundit, adeoque in unam partem parcius & interruptè fluit. Imaginem hujus rei in lacu aliquo tumente & inflato habes; cujus aqua, si canalem certum non reperit, undique se superfundit. Boreas verò diurnus, quia aerem versus Meridiem ratiorem calore Solis invenit, illac se statim ejicit, diutiusque durat, quia totus exhalationis, ut sic dicam, lacus, per illam unam partem longo agmine se profundit. Austri est alia causa. Solenim die exhalationem ejus sæpè nimis rarefacit, reliquoque aeri refundit & permiscet; quæ nocte demum refrigerata, densitatem & pondus ad labem accipit. Stet ergo firma satis regula nostri Aristotelis: unâ etiam hæc Plinii: *Æflu Austrum, interdum Aquilonem esse vehementiorem.* Ego ad Ortum me convertito.

## ARTICULUS III.

*Ventorum Orientalium Qualitates.*

**V**entos ab Ortū calidos & ficos adspirare, vulgò existimant: sed lex ista perpetua non est. Blondus enim & Jovianus, Campaniæ Subsolanum, humentem faciunt, & Austro nostro cognatissimum; quia scilicet à vicino mari status ejus in Italiam sunt. In Asia tamen, & nobis omnes Orientis venti siccissimi; quia ex aridis & speciosis Germaniæ regionibus ori, per nullum etiam mare aut insignes lacus ad nos spirant. Semper ergò ferè toto anno sicci, æstate calidi, hieme gelidissimi apud nos sunt. Nalli enim omnium magis gesant & acrius stringunt; præsertim Cæcias, qui deflectit ad frigidum Septentrionis axem; sic enim cum siccitate insigne frigus conjungit in unam crasin. Hinc liquet, calorem qui ventis Orientalibus tribuitur, non tam eorum esse, quàm aeris; quia flant per æstatem; habent tamen etiam ipsi aliquid ab æstivis & ardentibus Solibus, qui exhalationem resolvunt; refrigerantur tamen in media aeris regione, ut cætera; licet tantum frigoris & ponderis non postulent, ut per aerem æstate tenuem & rarum decendant, quantum per densum & hibernum. Quod autem affirmat Plinius, Ventos Orriuos diuturniores esse Occiduis; Nescio quid viderit in Italia; cerè in Belgio, omnium pertinacissimè flant ab Occasu, ut ubique solent à mari.

Flumina quæ in Ortum cursus habent, salubrioris aquæ putantur; quia Subsolani sicci, & æstate ferventes, adversi & resantes, eam discutiunt, coquunt, & perducunt ad habitilem tenuitatem. In istos etiam ventos, Villarum oïia & fenestras dirigunt, Rei rusticæ Scriptores, imò Plutarchus narrat; Famam esse, urbem suam natalem Cheroneam, quæ olim occidentem Solem spectaverat, à Cherone jussam transferri in ortivum. Sed quid est, quod Lib. 7. Plinius scribit, *Observatum à meridianis parvis, ad Occasum Solis cap. 50.* Philentiam semper ire: nec unquam fieri aliter nisi hieme, nec nisi serenis mensis; Et licet legem istam tam generaliter & affirmare nolim recipere; alii tamen, & experientia ipsa testantur, plerumque ab Ortū versus Occasum, aut ab

Austro versus Septentrionem luem incedere, & in illas partes latissimè & atrocissimè se spargere. Famosas illas duas sub Antoninis Principibus, & veteres alias non memoro, adspice truculentissimam istam Anni 1450. quæ in Asia exorta, per Dalmatiam & Illyricum, in Italiam, Germaniam, Galliam, Hispaniam se effudit, sicque grassata, tertia vix mortalium pars ei superstes fuerit. Causa fortasse alia reperiri poterunt: hæ mihi obviæ, & inventu faciliores, Longiores sunt; quia obliquiores ob calorem & levitatem, Subsolanæ & Austri flatus, ideoque longinqua aera pestilentem eventillant. Calore deinde suo, humorem ante à diuturnis fortè imbribus putrefaciunt, & auferunt in Occasum aut Septentrionem, quo spirant. Subsolanæ à dextris, id est, ab Ortu Solstitiali, spirat Caciæ, quæ Aristoteli & Theophrasto, hoc est, in Græcia, dicius reflexæ & per lineam arcuatam flare, cujus concavum spectet in cælum; quia scilicet exhalatio iugo montis fortasse offensa, & in proximas nubes resiliens, eas versus Occidentem & in venti originem reducit: & hinc Græcis adagium, inquit Aristoteles.

*Κακὰ ἰπὶ καυρὸν ἐὰν ἀπὸ Καιρίας ἵπῃ,*

*Mala ad se trahit, ut Caciæ nubes.*

Hic, ut antè monui, in Belgio aridissimus, & hieme gelatissimus est; vehementiam tamen non habet, nec confusim venit, sed dissolutus, & laciniatim in plures quasi vires dispersa exhalatione; sic enim ferè solent, qui è sicco vapor implet, & intendit præcipuè pondus ventorum. Odoratiorem fieri putat Democritus arboris fructum, si propendeat in hunc flatum. In hunc etiam opiliones progem pascunt, cum concipi mares volunt; nam parvus mulinus calore & siccitate creditur adjuvare. Simili de causa Aristoteles in Politicis jubet, Boream aut alio sicco spirante nuptias celebrari; & Bonum factum si Luna etiam sicca sit in Interlunio, & Solis cœtu, humor enim abundanter calorem heberat, & femellarum est pater.

Ad Subsolanæ sinistram, & ab Ortu hiberno, Vulturus est. In istam apiaria, & vineas Italiæ, Galliæ, spectare debet Plinius. Ipsi etiam Cannensem & famosam illam dedecus imputant Romani; nam secundum eum tunc fortè Hannibalem direxerat Hannibal, verteratque in ora Romanorum.



*Post Livium & Senecam, audire Silium querentem :*

*Lib. 9.*

*Serminant saltare & miles, & arma, subaque,*

*Aequa omnis retro flatus occurrente refertur*

*Lancea, & interdum Rutilis cadit irrisus ictus,*

*Aequa idem flatus Penorum tela secundas*

*Et velut amens contraxit basidia turba*

*Adjutus, ac Tyrios impellit stridulus hastas.*

*Ipse caput flavum caligine conditus atrâ*

*Ulcernus, multaue comam persusis arena,*

*Nunc versos agitat tergo stridentibus alas,*

*Nunc mediam in frontem veniens clamante procedit.*

*Obruius arma quatit, patuloque insibilas ore,*

## ARTICULUS IV.

*Ventorum Occidentalium Proprietates.*

**Z**ephyri nomen, omnium post nata nomina, molli-  
simum, & blandissimum existimat Cardanus; talis est  
ipse ventus, ubi per æstatem aut ver, & procul à mari Occi-  
duo spirat: nam nobis nimis vicinus & feroculus est, in  
quos primum impetum statim, ab Oceano frangitur he-  
betat. Frigidus, ut plurimum, & humectus est, utrumque  
potissimum à marino vapore, quem multum secum trahit.  
Frigus ejus mollius longè Aquilonari: mitigatur enim  
repe occidui Solis; calor tamen ei remissior, quàm Sub-  
solanis, quia copiâ vaporis suffocatur. Favonius autem à  
lovendo appellatus, putatur. Vere enim novo flare con-  
suevit, subindeque pluens primum Solis fervorem tempe-  
rat, & humori aprissime ad generationem miscet. Poeta  
Georg. 3.

*Ruribus almus ager, Zephyrique sepe nitidus auris*

*Lænet arva sinus; superis tener omnibus humor.*

Hanc causam Alcæmon habuit, cur Zephyrum faceret pa-  
trem Cupidinis. Zephyri vesperti, aut horis pomeridianis,  
frequentius spirant, exhalatione & vapore relabi jam in-  
cipiente propter abscissum Solis: Subsolani verò sub au-  
roram aut manè, quia vapor nocturnus, pondere suo circa  
terram desidens, resurgit ictus radio Solis, & paulò post  
refrigeratus, defluit deorsum versus Occasum, ut Sect. 27.  
Problem. docet Aristoteles.

*Zephy-*

Zephyrus humore suo appetentiam cibi comprimit; & magis Auster, qui præterea calore suo dissolvit ventriculum, unde Plinius: *Mindis æstivæ eo spirante creduntur accrescere.*

Ova etiam quædam hypenemia & Zephyria vocantur, quæ à gallinis, columbis, &c. generari putantur solo Zephyri inflatu, sine alio mare; unde irrita sunt, & sine pullagine: quia etiam equas, juxta Olyssiponem in Lusitania, à Favonio vitalem spiritum accipere, & inde partum gigni perniciosissimum, sed triennium vitæ non excedere, lib. 8. cap. 42. constare scribit Plinius. Et Virgil. lib. 3. Georg.

*Ore omnes verso ad Zephyrum flant rupibus ætatis,*

*Exceptantque levas auras: & sæpè sine ullis*

*Conjugiis, venio gravida, mirabile dictu,*

*Sæpe per & scopulos & depressas convallæ*

*Diffugiunt.*

Verè mirabile dictu: sed verum hodie negant Lusitani, quia tam perfecta animantia gigni non valent, sine mixtura feminum utriusque sexus. Ova etiam illa hypenemia probabilis imaginatione maris formari existimabis, ova enim pullosum tantum semina sunt: imaginatio autem seminare potest.

Zephyro à dextris & ab Occasu hiberno flat Africus, creber procellis, ut ait Virgilius, & hic egregiè experimur nullus enim turbulentior & majori strage Belgium incurrit. Nam ut singulorum pænè annorum damna fileam. Anno 1558. & iterum nostrâ memoriâ 1606. arbores, domos, templa passim dissipavit aut evertit. Nullum etiam Lovanii esse frequentiore flatum, vel ex famosa turri *Perloren-coff*, quam Nonnius noster *Frugiperdam* vertit, intelliges; ab Africo enim fatiscere & solvi incipit: deinde arbores omnes in aperto in oppositum Czeciam inclinant, omnesque agrorum nostrorum ariste; nisi Etetiz antea mollem quandoque in Austrum avertant.

Porro venti Occidentales hieme nivales sæpè sunt: & quia nubilosi ac molliti frigore, floccos ingentes ac decurmanos (ut etiam Australes solent) & verè nivem sicut lanam, nobis spargunt. Boreas verò, Subsolanus, & quicumque cum frigore acri & urente siccitatem habent, minutioni farinæ urbem cribriant.

Præter

Præter autem qualitates istas generales ventorum, aliæ sunt quibusdam in tractibus propriæ & peculiares, quas afferunt exhalationes ex elemento aut mixtis, unde extrahuntur. Quidam enim in America, mordaci qualitate ferum etiam, ut testis Jos. Acosta, exedunt, ferreosque fenestrarum clathros brevi tempore decinerant: alii pulices insidiosos per mare, per continentem spargunt. Quædam præterea sunt, quæ dici de ventis possint: ut oppositos invicem à se sterni, nisi unus depressior, alter sublimior in contrarium fluant: meridie aut pluviam sopiri; dissolutam videlicet nimio æstu, aut impeditam, ne latissimum guttarum pluvialium agmen perrumpat, exhalatione. Sed hæc, & id genus, facilia sunt, intelligique, nisi fallor, ex principis nostris possunt. Aliqua etiam vana: ut istud Eudoxi; *Eisdem ventorum vices exacto quolibet quadriennio redire.* Cætera fluxa & incerta, nec in unam legem & disciplinam (quidquid Veteres conati) alligari possunt. Itaque ab eo, si tamen etiam ventis istam laciniam adtexam, quæ de Terræ Motu.

## CAPUT ULTIMUM.

*De Terræ Motu.*

**T**ERRÆ Motum omnes ventis subjiciunt, tanquam eorum effectum, aut exhalationis, simillimæ illi quæ est maris ventorum. Olim tamen causa ejus tam in abdito fuit; ut Romani, ubi terram movisse senserunt, & ferias supplicationesque edicto imperabant; nomen Dei, uti solent, cui ferre servanda, non exprimerent; *ne alium pro alio nominando, falsâ religione populum alligarent,* inquit Agellius lib. 2. cap. 24. Noct.

## ARTICULUS I.

*Quæ Causa efficiens Terræ Motus.*

**N**ULLA nobis jam quæstio de motu, quo terra, opinione Pythagoræ & Copernicanorum, quotidie circa centrum, & quorannis circa Solem revolvitur; neque de libratione, quâ fortasse perpetuò titubat, ut gravitatis suæ centrum, accedente hinc aut inde novo pondere, restituat

in meditullium Universi. Depulsa ergo, aut tremore illi agimus, quo concutitur, ut homo in febris.

Antiquissimi Græcorum, hunc motum à fluctibus aquarum in terræ cavis undantium esse, opinati sunt: ideoque Neptunum *Ιερειαν* terræ quassatorem, & *οὐρανίου* terræ motorum, appellaverunt. Sed frustra; aquæ enim subterraneæ fluctuatio par esse non potest tantæ concussioni quæ urbes aut montes evertat, vel novos erigat in plano. Deinde, maximè post ingentes pluviarum eluviones, quando aquæ subterraneæ redundant auctæ coelestibus, existeret Terræ Motus; quod non videmus. Denique, ignis potius quàm aqua ex hiatu emicat, cum terra tremore discelsit, unde facile etiam rejicitur Thales, qui terram instar navigii putavit in aquis natare, & nutare cum unda fortasse eam inclinasset in latus. Fundamentum præterea ejus falsum est, cum gravius non supernaret leviori, & deinde terra semper tota moveret; ut navis non parum, sed integrâ agitatur aut impellitur à fluctu.

Alii malunt, specus subterraneos, & totos aliquando montes incidere; & terræ tremores inde existere.

*Et merito, quoniam plaustris concussa tremiscunt*

*Testis, viam propter, non magno pondere, tota:*

Inquit Lucretius. Sed hæc etiam causa nimis imbecillis est & angusta, ut terram tam latè concutiat, sæpè enim tota Germania, imò tota pænè Europa simul tremuit. Nec pondera plaustrorum valde juvant Lucretium. Si enim via terrena, nec silice strata sit, ut in pagis; plaustrum pertransiens, tremorem nullo vicino ædificio incutit, nisi fortasse cameratio plateæ subsit, quæ usque ad ædificii fundamentum pertineat. In oppidis verò tremunt aliquando propinque domus, quia strata platearum perpetuo silice contigua sunt ædificiis; rota ergo unum aliquem lapidem prement, & in alium vicinum & attriguum protrudens, omnes deinde cærenatim in ædificii murum propellit. Postremo, domus malè nixa, & in aere pendula, facile vibratur; quod in terra, præsertim tam latæ & vastæ molis, locum non habet.

Bodinus, ut breviter omnibus universim molestis defungatur, & Aristoreli, suo more, calcem impingat, recurrit ad demonias *ιννοδαίμους*. Ratio unica est, quia aliâ nulla causa est probabilis.

Dico tamen Primò; Sententia Aristotelis, & verissima est, spiritum subterraneum causam esse terræ motus effectricem. Probatur; quia quoties terra pulsu pertunditur, aut dehiscit, evolant halitus aliqui, sæpe pestilentes; ignis etiam aliquando, & cineres: ergo ille fuit, qui terram rupit, & eam suffodiendo concussit. Idem patebit pòst ex omnibus terræ motus effectibus. Sed accurrit Bodinus: Von posse sic valere tenuem spiritum, ut urbes totas quandoque & montes in altum excutiat. Deinde, in locis planis, aquosis & irriguis, qualis Ferrara in Italia, accidere aliquando maximos terræ motus. Tertio, Hieme, quando terræ pori gelu constricti, futuros præcipue, cum tamen Aristoteles asserat plures Vere & Autumno.

De Postremo respondebimus, ubi tempus terræ motus examinabimus.

Ad Primum: Certum est, potentissimas vires esse spiritui; probatque Aristoteles exemplo febricitantium, qui extra morbi accessionem debiles & invalidi; ubi tamen spiritus per corpus & nervos diffusi, vix ullis vinculis possunt coerceri. Huc etiam flamma pyrii pulveris in cuniculis & tormentis, fulminis in nube, vires & imperus admirabiles possunt asferri; ubi enim halitus intra angustias inculcatus rarefcere, & se ultra non capere, coepit, metu penetrationis proxima quæque remolitur & jactat, & quando aliter non valet, effractâ viâ per vulnus exit.

Pro Secundo, fateor, Ferrariam, quæ Anni 1570. tremore ita vexata & lacerata fuit, innumeris pænè rivis & luminibus irriguam: sed non ided solo ejus subesse non possunt plurimi frequentes & conferti spiritus; imò verò tot rivi per abdita subterlabentes, aut aqua plurifariam alveo excidens, & cæcis cuniculis se condens, terram illam potius fistulosam faciunt, & capacem spirituum. Sed à qua causa spiritus illi resolvuntur?

Dico Secundò: Magna sæpe eorum pars ab ignibus subterraneis est. Probatur; quia montes & loca ignivoma maxime tremoribus obnoxia sunt: ut Sicilia, Lipara, Campania, item loca thermis naturalibus repentia; quales in tota Italia sunt, Bodino teste, facile eo, ut proinde non tam impensè mirari debuerit, movisse Ferrariam à subterraneo spiritu; præsertim cum præter Campaniam in agro



etiam Florentino, Mutinensi, Bononiensi, Ferrariæ con-  
termino, crateres quidam ignivomi sint, ut lib. de Thermis  
cap. 5. fatetur Fallopius. Igitur vero simillimum est, spiri-  
tus illos quassatores latentibus istis ignibus exhalare: unde  
Aristoteles, qui parcissimè aliàs eorum meminit, disertè  
asserit, halitum terræ motorem esse *ἡ δὲ τῆς ἑλίου καὶ τοῦ πυρὸς  
κρούει*, à Sole, & in eo, qui in ipso est igne. Hujus etiam rei  
evidens signum est, quòd vix unquam montes rupto verti-  
ce eructent ignes, nisi præcedente terræ motu. Patuit in  
conflagratione famosa illa. Vesuvii sub Tito, quæ Plinio  
Majori fatalis fuit: patet in plurimis Americæ montibus  
flamivomis, de quibus Acosta scribit. Et Auctores sa-  
tentur, Siciliam olim, ante effractum Ætnæ carcerem sa-  
pius tremuisse, quàm nunc, ubi viam laxatam habent, qui  
se exonerent subterranei ignes & spiritus.

Dico Tertio: Sol etiam halitibus à se resolutis aliquid  
confert ad terræ motus. Ita Aristoteles plurimis locis. Re-  
clamat tamen Georg. Agricola lib. 2. de Ortu subter. Sol  
enim, inquit, exhalationes è terræ superficie extrahit; non  
resolvit in ejus visceribus. Contrà, lib. 2. de Terræ motu  
Anni 1601. Keckermannus, vultque vim Solis altius in ipsas  
venas metallicas, penetrare. Saturnum etiam, spiritum  
multo intra magnæ matris viscera generato, plurimum  
motum intendere. Verùm hæc mihi in incerto & flutu-  
sunt; & influentias illas occultas stellarum differimus in  
Libros de Cælo. Demus ergo Agricola, Solem è dorso  
solum terræ, & quatenus vis radiorum ejus calorifica in-  
greditur, exhalationes resolvere; nego tamen, omnes ex-  
trahi & in aerem venire: multæ enim non satis leves, aut  
poris non satis hiantibus præpediuntur, vel ventis aut  
aqua superveniente in abscondita repelluntur. Deinde,  
per me licebit, in aerem & sublime attrahantur, abeanique  
in ventos, modo postremo redeant, & terræ poris, aut  
meatibus grandioribus sese infundant, atque in viscera  
redeant.

Certè enim Aristoteles non uno loco ventos terræ mo-  
tores facit, ut cum Boream auctorem excidii duarum  
Achaïæ civitatum, Helices & Buris affirmat: Pugnabit  
enim, inquit, cum Austro, paulò antequam terra moveatur,  
& victus intra cavernas terræ se abstruserat: quarens  
deinde

deinde regressum; nec reperiens, duas clarissimas urbes effracto chasmate oborspsit. Non prius ergo vana Boreæ instantia apud ingeniosum Poetam lib. 6. Metamorph.

*Idem ego cum /u.ii convexa foramina terra,*

*Suppositusque ferox imis mea terga cavernis,*

*Sollicito manes totumque tremoribus Orbem.*

Eadem sententia Callisthenis nobis Philosophi, quem Alexander Magnus, æterno crimine, inquit Seneca, quod nulla virtus, nulla bellorum felicitas redimet, occidit; qui etiam addit, terram aliquando spiritu extrinsecus accedente quassari; sicuti nos vento frigido subito perstricti, quatimur & inhorrescimus. Verum terra animal non est, ut spiritu alido in poros penetrante, horrore se contrahat. Sed quâ viâ exhalatio terram ambiens, eam intrat? Seneca lib. 3. Nat. cap. 25. negat id per poros & tenuia illa foramina posse fieri. *Nam in nostris quoque corporibus,* inquit, *cuius spiritum respuit: nec est illi introitus, nisi per quem trahitur.* Agricola amplius audet: & ne quidem per laxos illos fossarum metallicarum hilatus, ingressum concedit; quia scilicet Metallici in Germania ingentes folles & spiritalia organa fabricare coguntur, ut supernum & recentem aerem venis subterraneis ad valetudinem inspirent. Sed fallor, aut uterque fallitur. Seneca quidem, quia etiam per invisibiles curis nostræ meatus aer intrat: ut cum vacuata vesicâ, spiritus externus, propter periculum vacui, se insinuat, & horrore membra concutit; pori etiam terræ, æstate præstitim, satis aperti & hiantes sunt, ut aerem admittant: corpora enim ista fluida, & tenuia per minimas etiam rimulas & mazandros, timore vacui, in omnes recessus penetrant. Do etiam Agricola, organis pneumaticis sæpe invocandum in fossas metallicas recentem aerem: non de tamen, nunquam eoque decidere venti exhalationem, aut aerem infimæ regionis graviolem; hic tamen citò corruptitur, & a spiritu metallico aut alio subterraneo, pigro & silenti, noxam contrahit, ut meliora pejoribus facile vincuntur; unde novum & purum identidem inspirare oportet, ut multitudine sincerioris supprimatur inquinatio. Non raro tamen, fateor, subterraneus aer nostratus crassior & ponderosior est, quo eventu noster cadere sponte in fossas & cavernas non potest, sed viribus reluctanter oportet indigere.

Sed spiritus retro edet itinere quo incessit, inclamans, non erumpet foras cum tanta strage obstantium: si enim per fossā v. g. metallicā patentem hiatus infusus est, ubi premi se senserit, illac redibit in libertatem. Minima enim rimā, pulvis in cuniculis nostris bellicis perdit, aut relaxat impetum. Hoc argumentum me vincit, ut asseram, principalem causam terræ moventem, esse spiritum sulphureum & igneum ē terræ visceribus resolutum, non ventum aut aerem supernè per meatum infusum: Probarique potest ex profunditate sæpè ingenti causæ illius morticis, quæ sub fundo maris & radicibus Insularum, imò tam altè aliquando defossa est, ut fornicem alicujus subterranei spectu arrieto, subsilire faciat integram regionem. Aqua etiam puteana sulphur respere solent ante terræ motum, permixtione, scilicet spiritus, qui ignibus illis evaporatus, scandit sursum.

An ergo retrahamus quod ante Aristoteli concessum? Minimè verò. Juvant enim venti & exhalationes à Sole excitatæ terræ motum, & aliquando etiam fortasse, etsi rariis, solæ faciunt: ideo enim vere & autumnō, & sopitis conditisque flatibus, ut postea ostendetur, crebrior. Nam exhalatio quæ supernè terram ingreditur, alteri confusa & permixta quæ ex ignibus subterraneis ascendit, ubi calefacta & rixando & fervore ejus fuerit, vires in unum confert, & impetum ad effringendum intendit. Non ingreditur autem & recipiocat per viam quā se intrusit vel quā casus aliquis (ut v. g. terræ labes) apertos antea meatus sepsit, vel quia per longos, angustos & sinuosos tractus, spiritus se in alveum quendam & locum capaciorē expressit: ubi multā luctā & conflictu rarefactus, capi amplius tam brevi spatio nequit, nec regredi tamen id quod abundat, per tortuosos illos & angustos amfractus, non celeritèr valet, quin totus ante spiritus, inflatus ibi & intentus, ac moræ impatiens, viam laxiorem facere tentet, & vicina concuniat. Unde falsum etiam est, pulverem cariturum effectū, si similis alicubi cuniculus dehiscat: nam alias flammæ bombardæ hærentem glandem nunquam excuteret; quia spiraculum pervium, quā ignis injectus habet, illacque se tota refunderet potius, quàm ejectetur per tubi orificium.

## ARTICULUS II.

*Species terra motus.*

Auctor Libri de Mundo, & ex eo D. Damascenus, septem species accidentarias terræ motus fecit. Primus est Epiclinres, sive Inclinator: qui ad angulos acutos latera cavernarum tundit, & superposita more navigii in unam partem inclinat. Secundus, Brastes, seu effervescentes; dictus à similitudine aquæ bullientis; hic terram angulis rectis in altum identidem attollit & deponit. Tertius, Chalmatias, hiatum aperit. Quartus, Rhectes, vi viam eringit. Quintus, Ostes, uno impulsu evenit id quod incubuit. Sextus, Palmatias, vibrat. Ultimus, Mycetias, cum ingitu venit. Aristoteles tamen duabus speciebus, Pulsu & Tremore, contentus fuit; sed tertiam, Inclinationem, optime Seneca adiecit. Pulsus est motus, quo terra, instar arteriæ animalis, diastole & systole, vicissim erigitur & subsidit: vel generalius, est qui terram succutit; unde à Seneca vocatur Succussio. Tremor enim concutit & vibrat: Inclinatione verò in unam solum partem totum onus suspendit. Sufficientia divisionis hinc facile probatur. Qui spiritus intra claustra fremens, vel recta sursum se erigendo, fornitem cavernæ pulsant & succussionem ac pulsam habet; vel latus utrumque alternis & celeriter tundit & re-tundit; sicque vibratio & tremor erit; vel denique in unum latus arietat, ut ad alterum usque non resiliat, & inclinationem habemus: exhalatio autem (quod resistat) solo tantum modo cavernæ illius, vix terram, sicut ad sensum nostrum perveniat, movere potest. Septem autem species, à diversitate effectuum sumptæ sunt, & ad tres ita possunt revocari.

Ceterum pulsus Rhectes & effractor, omnium sine dubio est perniciosissimus; deinde, longa & undans inclinatio, quæ parietes & fastigia ædificiorum extra fundamenti perpendiculum suspendit. Brevis autem & crispans tremor partem inclinatam statim contrario motu in sedem restituit, prævenitque lapsum: unde Plinius lib. 2, cap. 8, ætatis-  
sima ædificia censet; in quibus fornices, anguli, parietes  
alternò pulsu resistunt. Latere etiam facti parietes, minoræ  
gasimentis

quasiuntur, inquit : quia, credo duriores lapides, quales nostri Namureenses, prementibus nihil cedunt : ideoque unus aliquis facilius ædificii jactatione eliditur, trahitur cætera in ruinam. Docet etiam fornices tremoribus resistere : quod abnuñt tamen Reckermannus, exemplo terræ motus Anni 1601 : quæ omnium pænè templorum in Helvetiæ camerationes rimis affirmat dehiasse. Sed nec ignovit Plinius fornicum commissuras tremore, præterea tam valido, posse laxari : ut tamen homo varicus horizonti insistens, difficillius in hoc aut illud latus, quàm si compressus esset feminibus, impellitur : ita divaricatio illa parietum, impossitâ fornice benè colligata, firmior est adversus lapsum ; pars enim una curvaturæ alteri obnititur, partemque oneris ejus sustinet, aliamque rejicit in adversi parietis perpendicularum.

## ARTICULUS III.

*Quæ loca obnoxia terræ motibus.*

**A** Ristoteles, Seneca, & plures alii consentiunt, terram littoralem esse maxime obnoxiam tremoribus. Causa hæc in meatibus & venis subterraneis, quas aquas ubique pervasat : sicque spiritui viam quâ se insinuet, concavitateque spatiosas, quod multus in unum confluat, facit. Hæc tamen venæ & cavitates non nimis laxæ & hiantes esse debent, quia per eas itum reditumque liberum & innoxiam spiritus haberet : hæc enim causa esse putatur, cur media Cycladum, templo Apollinis & mercatu olim celebrata Delos, sola terræ motum non sentiat ; cavis enim rupibus imposita est, si Callistheni credimus, quæ exhalationi depressæ facilem dent exitum : quanquam tamen, cum Darius exercitum in Græciam duxit, & semel alias concussam, prodidit Mucianus. Audi lib. 2. cap. 82. Plinium, oppida nonnulla quædamque crebris ad eluviam cuniculis cavata, multaque sunt motibus in istis illis quæ pendens : sicut Neapoli in Italia, quædamque, præterea quæ solida est, ad tales casus obnoxia. Obnoxia enim omnia cuniculis & aquæ ductibus perforata sunt, latius lacus discurre, nec exitum difficilem & perplexum habet : unde in bellis nostris consuli agi ab hoste contra cuniculos solgebant via aperiatur, quæ flamma pulveris, per



istos canales innoxia se evolvat. Itaque breviter, concavitas quidem exhalationis capiens ad terræ motum, sed tamen sine exitu facili, esse debet; obstruuntur autem meatus, vestigio, vel ruina terræ quam aqua labefactat.

Non omnes tamen maris oræ, aut insulæ aquæ tremunt: quia non ubique idoneæ subsunt cavitates. Deinde, quæ ignes solo subjectos habent, in majori & præsentiori sunt periculo; igneus enim spiritus præcipue, & maximo impetu movet: sic in Campania, ubi Vesuvius & tota natura tepidi fontes, in Peruvia, in Sicilia, in Æoliis, Moluccis, & Flandricis Insulis, frequentes motus. Hoc verò mirum, quod audiui de Flandricis istis seu Terceris: solemniter ferè quotannis agitari, & universas tremere: quod signum est, spiritum motorem fundo eidem solido subesse, cui omnes impositæ. Aer tunc etiam ruber & veluti flagrans, satis significat ignem periculi auctorem esse. Keckermannus nullas in tota Europa urbes magis quam Constantinopolim & Basileam, existimat obnoxias. Hanc, quia ad ripam Rheni sita, & fundo lapideo inædificata, ignesque sub terra absconditi non procul inde: quandoquidem juxta Badenam Helvetiorum Thermæ ebulliant, quæ Basilea absunt unius diei itinere. Ægyptus omnium regionum missima creditur; quia Nilus, ut putant, se superfundentissimo limo, fluido primum, deinde in solidum se densante, & sic inarescente, sine venis & cavitatibus crevit. Argumento, quod apud Homerum *Odyss.* 4. Menelaus Telemacho narret Pharum tantum à continenti Ægypti abesse, cui jam adhereret, quantum navis diurno cursu plenis velis metiri potest: quod Plutarchus etiam de tempore quo Homerus, tunc scilicet post bellum Trojanum & Menelaum annis, vixit, intelligit. Nisi ergo Homerus vanus, facit 16. nostratum leucarum distantia ista fuit, etiam si duodecim tantum horarum navigationem accipias; singula enim quaque hora navis tumente velo ternas leucas emetiri valet; ut ego ab Oceani nostri nautis accepi, consentitque Brodæus, qui fide in mari supero interoque navigantium 8. milliaria Italica una hora decurri secundo flatu affirmat. Ignat. Ægyptus terræ motus non sentit, non quia nimis potentes, ut Delos, meatus, sed quia nullos, habet. Agathias tamen de bello Gothico, Alexandriam, cum ibi Iuri ope-

ram

daret, tremuisse narrat, rem tamen pro prodigio fuisse, quia nemo tam senex erat qui alterius exempli meminisset.

Simili de causa Belgium nostrum, & præcipue quod in Septentrionem & Hollandiam spectat, rarissime movetur aggeratione namque Oceani surrexisse putatur, olimque vulgata traditio habet, mare aliquando Tongros alluisse: atque id profecto, præter alia, verisimile humilitate locorum, quæ non saxea & montosa, qualia Natura fluctibus objicere solet, sed mollia, terrena, aut glareosa, & plerumque facta manu, ad submovendum, aliàs inundaturum, pelagus.

Sæculo tamen elapso, ut terribilium nihil deesset, Belgium etiam non semel agitatum fuit. Rerum est, inquit nos-  
*lib. 2.* *Cosm.* *ap. c. 1.* ter Gemma, regionibus nostris terrarum motus persensiscere, nam ab annis pluribus quidquam de his majorum industria designavi. Verum tamen concussio fuit Anno 1554. primum Martii hora 12. noctis: ut multis locis vasa in sublimi consistuta deciderint; erat, ut recte memini, cum tremore mugitus ingens, ac velut atheniens clamor muldorum currum, qui concitato agmine præterirent. Alter successit 22. Martii, hora quarta post meridiem, bis valide subsiliens sol, multis metu ferè sanguis obriguit. Quamquam fortius iterum 30. Aprilis, hora quinta pomeridiana usque ad tres vices continuum. Iterum ad Annum 1569. post acre gelu, Securus est, inquit, & vestigiis terræ motus 14. Martii, circa 12. noctis, cum tamco murmure. Itaque loca aliàs minimè fistulosa quati etiam quandoque possunt, à spiritu præsertim in altissimis cavernis deprehensio: quo modo etiam ipsum mare ebullit aliquando & fluctuatur. exhalatione succutiente ejus fundum. Licet enim fortasse terra Belgica, perinde ut Ægyptus, ad aliquantam altitudinem, quam superfluis quotidie & oblimans æstus fecit, satis firma sit, & exhalationum respuens, aliis tamen fundo, lapideo scilicet & cavernoso, inædificata est, qui spiritum capere, & tremere possit. Leodium verò in Belgio nostro raro vacillat, ea ratione qua Delos, quia ex discurrentibus venis carbonariis nimis laxè cuniculosum, libero ferè ubique exhalationis meatu. Itaque propriè fortassis est alteri, id est, suffossionis, periculo. Sic enim M. Varro narrat oppidum quoddam in Hispania à cuniculis, alterum in Thessalia à talpis suffossum; cur non idem modo à suis carbonariis metuat Leodium?

Ex antè dictis, facilis est intellectus Aristotelis, ubi docet, terras fungosas, ut Hellespontum, Achaiam, Siciliam, frequentius sentire motus: non enim capiendus est de nimis laxè fungosis. Ubi etiam mare longè exæstuat, inquit, facilis tremor esse solet; quia videlicet exiturientem per oræ littoralis venas & poros spiritum æstus in viscera terre repellit.

## ARTICULUS IV.

*De magnitudine, & duratione Terræ motus.*

Sed per quanta terrarum spatia unus idemque motus decurrit; Seneca lib. 6. Nat. cap. 23. definit. *Nunquam*, inquit, *per ducenta milliaria*, id est, ferè 67. leucas Belgicas, *motus extenditur*. Ecce hic qui implevit fabulis urbem non transcendis Campaniam; quid dicam, cum Chalcistremis, Thebas stetisse & eam liberavit Ægium; tam propinquas illi Patrias de motu nihil audivisse? illa vasta concussio, quæ duas suppressit urbes, Helicem & Byrin, circa Ægium consistit. Similiter Dion lib. 66. narrans horribilem illam alteram Campaniæ quassationem sub Tito, quæ Herculanium & Pompeios evertit, Vesuviumque incendit, affirmat aliquot antè diebus, fumum & cineres ardentis montis Romani, quàm tremoris & tantæ cladis famam, implevisse. Spatium tamen à Seneca circumscriptum nimis angustum est, ut possit omnibus exemplis sufficere. Nam lib. 3. cap. 26. Histor. Indic. Josephus Acoſta scribit, in regno Peruano motus frequenter ad 160. leucas, imò ad 300. à Meridie in Septentrionem excurrere. Item circa annum 369. sub Valentiniano Cæsare, & Anno 1116. totus pene terrarum Orbis, denique Anno 1601. Asia, Hungaria, Germania, Italia, Gallia, uno ferè momento feruntur tremuisse: unde nec perpetuò verum est, quod quidam asseverant, terræ motus objectu magnorum fluviorum terminari & stare. Igitur nihil certò & affirmatè hic dici potest; sed multitudo, vires, profunditas exhalationis moventis, firmitas etiam terræ superstantis, inspiciendæ. Spiritus enim multis locis dispositi latius movent: etsi difficulter possint simul & eodem temporis articulo; nisi aut concavitas continua sit, vel per angustias aliquas detur spiritui accenso & ignito meatus ab una in aliam; sic enim

Hæ

alter

alter ab altero flammam & impetum accipiet. Halitus etiam crudus non tam valide & late ferit, quam incensus & rarior; profunditas deinde cavernæ facit, ut idem spiritus uno ictu maiorem partem subsilire faciat superficiei terræ. Cum enim lineæ à circumferentia ad centrum terræ deductæ, parallelæ non sint, sed magis magisque appropinquent, quò altius descendunt; necesse est partem terræ inter utramque interceptam, perpetuò cuneari & abire in arcum, latissimamque esse in terræ superficie; unde caverna, cuius latitudo quadrantem milliariis non excedat, modò non procul à centro & regione Inferorum sit, sustinere potest totam Europam; verum vires & energiam spiritus propè incredibilem esse oportet, ut emoveat, aut sollicitet tantam molem. Itaque cum tota v. g. Europa contremescit, sæpius fit ut non una, sed plurifariam dispositæ exhalationes sint, nec unico ictu, sed pluribus variis ejus partes concutiant, flammâ unius cuniculi, ut statim antè imaginabar, in vicinum per aliquam rimam se effundente. Vel, ex mugitu illo huc illuc discurrente, quis existimet eundem spiritum, seu fulmen quoddam subterraneum, per longissimas terræ cavitates diffugere; sicque minimo temporis intervallo dissitissima loca tentare? Ne autem tam longas & perpetuas sub terra venarum decursiones mireris, cogita tot ibi aquarum receptacula esse, & infinitos fluminum per abdita labentium alveos.

Durities denique & soliditas terræ incubantis multum adjuvat, ut vicina, quæ spiritus non suffodit, tamen etiam contremiscant. Molle enim solum si succutitur, dividit se, nec impellit quæ circumstant. Hinc etiam fit, ut subterraneum fulmen hæc illac cuniculari oberrans, & exitum quærens, alicubi quatiat tantum, aut surrigat vapo contritus; alibi, quia mollior & infirmior, effringat impositam molem.

Non de nihilo etiam quidam terræ motus dicuntur fieri occurssu fluminum; nempe illi, quorum spiritus proximiores alveis fluviorum non sunt: ripa enim una agitata, alteram aquâ interfusente divisam concutere non valet.

Keckermannus denique probabile existimat (sed nullo argumento probat) terræ motus, ut Plinius dixit de pelle diffundi ab Ortù in Occasum, aut à Meridie in Septentrionem.

nem. Tentavi an venti, aut Marinus æstus, qualitasve regionum, firmam mihi aliquam rationem asserre possent: sed nihil pro voto effecerunt. Hoc saltem est verum, per Marinas oras, quæ sententiâ Aristorelis, & satis expertâ, facillimè tremunt, longissimè excurrere terræ motus. Oræ autem istæ, vel ab Ortui in Occasum (ut in utroque maris Mediterranei littore vides) vel à Meridie in Septentrionem (ut in Hellesponti, Euxino, Mæotide, Oceano etiam nostro, Africano item & Americano) extenduntur. Sed an à Meridie coeperit aliquis motus, & in Septentriones se sparserit, an retrò, quis nobis satis dicet? præsertim ubi eodem pænè temporis articulo littus universum concutitur. Possemus tamen ex mugitu exhalationis, in quam partem se convolvat, aliquid discere: perinde ut è tonitru, quo se per nubes agat fulmen, solemus intelligere. Sed sicuti fulmen nullâ certâ lege in omnes cœli regiones discurrit, ita de spiritu terræ motore, est prònum suspicari.

Duratio terræ motus incerta etiam est & inconstans. Aliquando enim momento pænè absolvitur, aliàs per menses totos, aut annos edurat. Maximus ille Anni 1601. qui ab Asia ad Oceanum Gallicum, id est, per totam Europæ longitudinem se effudit, ultra quadrantis horæ spatium non ivit: nisi quòd trigesimo post diè Helvetia reliquias ejus aliquas sensit. Pugnantè & vincente apud Trasymenum lacum Hannibale, Italia tota cum multis passim ruinis quassata est; sed intra pugnæ breve tempus concussio stetit: unde neutra acies ejus motus sensum accepit. Anno 1538. Italia iterùm, 13. diebus, Fallopio teste; Anno 1570 duobus integris annis, Fabrico Paduano, agitata fuit. Averroes Hispaniam suo tempore totos tres annos vacillasse dicet. Aristoteles & experientia affirmat, 40. dies sæpè solennes fuisse. Ubi tamen tam diu durat, motus non continui, sed ut plurimum interpolati sunt, ut solent in nube fulmina. Ratio est, quia non statim & unico ictu exhalatio tota erumpere, aut ita dispergi, ut non iterùm reliquæ coeant & vires resumant, potest. Secundi tamen ictus debiliores ferè sunt: nisi aut parùm spiritus primo impetu defluerit, aut rarior longè & intentior agitatione factus fuerit: aliàs enim terra primis ictibus quassata plerumque se laxat, & venis ac meatibus de spiritu largiter bibit: hæc



enim causa est, cui sæpè citra ullum manifestum chasma aut  
hiarum celsit terræ motus; quia, inquam, terra poris cau-  
sam ejus efficientem accipit & consumit.

## ARTICULUS V.

*Quæ Anni tempora maximè sentiunt Terræ Motus.*

**O**Mnia sine ullo discrimine, inquit, lib. 4. de Ortu sub-  
ter. Georgius Agricola. Ratio ejus, quia à solis ig-  
nibus subterraneis ( quidquid Aristoteles ad Solem re-  
ferat ) effici putat terræ motus: ignes enim isti toto anno  
evaporant motores spiritus. Ita etiam Bodinus, qui dæmo-  
nas *ενοχρύμους* facit. Nec reverà destituuntur exemplis. De  
vere & autumno res controversiam non habet. Sed Sene-  
*Lib. 2.* cam audiamus. Pompeios in Campania terræ motu delē-  
*Nat.* disse ubi affirmavit: *& quidem diebus hibernis*, (inquit, nempe  
*Cap. 1.* Nonis Februarii ) *quo, vacare à tali periculo majores nostri solebant*  
*promittere*. Famosus etiam ille Olyssiponenlis motus, Anni  
1531. quando Rex & totus populus desertâ civitate, octo  
diebus, quibus duravit, in campis egit sub pellibus, in  
Februarium incidit: & tempore Alberti Magni Longo-  
bardia concussa est ipso brumæ die. Nec æstas etiam caret  
tremoribus. Anno 1586, in regno Peruano terræ motus  
nonâ die Julii per ora maris Pacifici 160. leucarum lon-  
gitudinem cucurrit: & hoc Anno, inquit Agricola, qui  
vigésimus Imperii Caroli Quinti est ipso Solstitio Misina  
contremuit.

Sed nequidquam in Aristotelem & veritatem pugnat A-  
gricola. Infinitis enim exemplis certissimum est, terram  
sæpissimè movere autumno aut vere, Belgium sæculo elap-  
so, ut ex Gemma nostro Articulo 3. retuli, ter movit; bis  
Martio, semel Aprili. Sed plurimi tamen in omni memo-  
ria facti Autumno. Quo tempore Augustus Antonium ad  
Actium vicit, Palæstina tremuit: pugnatum autem est 4.  
Nonas Septemb. ut ex lib. 51. Dionis patet. Vesuvius arsit,  
& Campania titubavit sub Tito, quando curiositas visendi  
miraculi Plinium perdidit ( à fumo enim & cinere incocti  
suffocatus est vir ille maximus ) extremo autumno, restitit  
eodem Dione. Constantinopolim sæpissimè conquassam  
sed dirissimè Anno 1509, legi, & semper mense Septembri.

Italia

Italia Anno 1538. spatio 15. dierum tota vacillavit, inquit Fallopius, & Septembri. Motus ille Anni 1601. tam celebratus, Europam pænè totam, die 7. Septembris inter primam & secundam nocturnam, agitavit. Clariss. Academiae nostræ, & famâ scriptisque celeberrimus Medicus, Thomas Fienus, mihi de eo aliquando hæc narravit. Sereniss. Ducem Bavarix Maximilianum, à cuius tunc cubiculis Medicus erat, motu exterritum, cum putaret vim Palatio fieri, aut omnia corruiere, gladio stricto exsiluisse, familiamque inclamasse. Fieno interim altissimo somno sepulcro: & cum manè negasset se quidquam sensisse, plures dies deriso decachinnatoque à suo Principe. Sed & istud extra oleas è Keckermanno, linguæ Hebraicæ in Academia Heydelbergenfi tunc professore, adjiciamus. *Natus*, inquit, *paulo ante hunc terræ motum potentissimo Galliarum Regi filius primus Delphinus*: *natus item potentissimo Electori Palatino, sub ipsam terræ motus horam, terra adhuc velut tremente, filius tertius. Vtinam cum terræ motu ad Ecclesia & Reipublica quietem uterque Europæ Deus donatus aliquando intelligatur! Vtinam posteritas experiatur, contremuisse coram utroque Principe Gallix ac Germania hostes! Vtinam de utroque veram illam vocem ac præconium possis usurpare: Heroicorum animorum magnos esse, facilesque motus!*

De Christianissimo Rege Ludovico XIII. iudicium non interpono, & posteritas videbit. De tertio illo Palatino vanissimum Keckermanni vaticinium erit, nisi publicæ quieti magis quàm frater litaverit; qui illo suo Bohemico ambitu, Germaniarum, & totius pænè Europæ, Statum conturbavit.

Admirandus denique ille Ferrariensis motus, Anni 1570. primos assultus, dedit mense Novembri, ipso festo die D. Martini. Et ne infinitus sim, animadverte tu cum historias leges, & intelliges, quod dixi, exempla plura autumnum aut ver incidere. Et hinc facile conjectamus, Solem aliquid afferre ad terræ vibrationem. Si enim penes solos subterraneos ignes causa, ut Agricola & Lydiatus volumi, esset: hieme sæpius, quando frigore omnes pori & ignium spiracula clausa & adstricta, spiritu scilicet deprehenso & circum sua claustra fremente, terra tremere. Autumnus autem & ver, quia modico & tepenti Sole fruuntur, exhalationes reddunt, quibus algidæ hiemes carent; nec fervore

nimio consumunt, quod æstas solet, pigra ergo illa extralationes circa terram sapè hærent; & facile relabuntur in ejus meatus, miscenſurque ignium subterraneorum halitibus. Pluvia etiam regredi in terrâ penetralia compellit, & dehinc post largos imbres, inquit Aristoteles, non raro terræ motus. Plures deinde & majores nocturni, quàm diurni sunt; & antelucani, quàm vespertini: quidquid iterum Aristoteli resistat Agricola. Ratio est, quia veluti extremum hiemis gelidius est initio, & hiemat acrius: ita quod noctis circa dimidium est, magis reperit à reliquiis nondum extinctis diurni caloris; quod verò ultra ad Aurora decurrit, magis alget à vaporibus in naturam aquæ perfectè restitutis, & causis aliis refrigerantibus in longiori absentia Solis. Nocturnum autem frigus spiritum interdiu resolutum intra terram adigit & continet; qui si satis altè descendat, cæteroque spiritui subterraneo misceatur, implere mensuram causæ potest, quæ movendæ terræ sufficiat.

Hinc etiam facile intelligitur, Lunæ aliquid impotari posse in terræ motibus. Plena enim & tumens, spiritus calore suo multiplicat; sed tamen etiam terræ poros non nihil diducit: sicca verò & illunis, meatus non laxat, cum in facie ad nos spectante, lumine indigeat; sed neque spiritus resolvit. Dignum etiam notatu duxit Aristoteles, in Solis & Lunæ deliquiis aliquando exortos terræ tremores, spiritu scilicet subito calore destituto, & condito in subterraneos specus. Imò motum Anni 1601. geminæ eclipsi, Lunæ 6. Solis 19. die Julii Septembriem illum præcedentis, in parte Keckermannus tribuit.

## ARTICULUS VI.

*Quæ Signa antecedentia Terra Motus.*

**P**rimum est, si aquæ puteorum aut fontanæ subito turbentur, & tingantur sapore sulphureo: hinc enim est halituum à terræ secretariis in libertatem suspirantium, & in transitu aquas inficientium, effectus. Sic Phereſides Præceptor Pythagoræ haustu aquæ putealis terræ motum instantem denuntiavit.

Secundum est, si mare sine flatu & fluctu derepenſè attollatur & intumescat. Ita Posidonius, ut Strabo lib. 6. narrat, æſtivo Solſitio, sub Auroræ crepusculum, vidit mare

mare Mediterraneum inter Æolias insulas ( quæ & ignibus flagrant, & sæpè tremunt ) subito in immensum surrexisse, desedissequè paulatim, spiritu evanescente.

Tertium, si volucres præter morem sedent impavidæ. Signum enim est, ventos & omnes auras sopitas esse: libentius quippe volant aves levi aliquo flatu adspirante. Malaciam autem & aeris insolitam tranquillitatem solere terræ motum antecedere, omnes fatentur. Quia, inquit Seneca ex Aristotele, *vis spiritus, quæ concitare ventos solet, in inferna sedes descendit. Nunc quoque cum hic motus in Campania fuit, quamvis interno tempore & inquieto, per superiores dies aer fletis.* Potest tamen, ut vento uno spirante, alter sub terra tumultuetur: quia aliquando duos simul etiam in aere, conspirare, ex agminibus nubium in diversa tendentibus, intelligimus, inquit Aristoteles. Sed hæc causa tam statæ ferè tranquillitatis ante terræ motus, mihi mentem non implet; venti enim non semper ( imò fortasse rarò ) sunt terræ motores: deinde plerumquè qui in nos recidunt, Apogæi non sunt, & apud nos nati; sed ex longinquiori, ubi frequentius nullus est terræ motus, veniunt. Existimo igitur, status eorum sustineri, aut aliò averti ab exhalatione, quæ multa & conferta per terræ meatus, ante tremores, in altum transpirat: unde aves etiam nonnunquam exterritæ volant & fugiunt terræ motus: quia halitus ille præcursor eas abigit.

Quartum signum ex Aristotele est, linea nubis in longum & directum porrecta: hoc tamen, uti & accedens, immediatius tranquillitatem & statum aeris, quam terræ motum significat. Et ego centies ejusmodi lineares nubium tractus vidi sine terræ motu. Ut enim tranquillo mari fluctus longi & recti ad litus veniunt, ait Aristoteles, quos in tempestate contorquet ventus: ita inturbatione aeris, magis sinuosa sunt nubium volumina, tot impellentibus hac illac flabris. Hoc igitur signum tenue est & remotum: quod tamen etiam Gemma noster, Anno 1562. respondente eventui, æstimavit. Vidi, inquit lib. 2. Cosmocrit. cap. 2. ipso die Nativitatis Domini, horâ tertiâ pomeridianâ sub Sole lineam tenuem, nigram, quæ in raram longitudinem exporrecta diu permansit. Sol autem in nube equali, densa, radios nigerrimos spargens, interitum velut subflire videbatur, credo ex vaporibus interjectis, Secu-

Lib. 63  
cap. 12

ius est, uti tum praesagieram, terra motus 17. Ianuarii Anni 1903. fulminibus, quae post ventos atrocissimos, tandem in maximas ac diuturnas pluvias eruperunt.

Ultimum, & omnibus facile anteferendum, est Mugitus subterraneus: ut enim vix unquam fulmen sine tumultu ante ante tonitru emicat; ita rarissime terra movet, quin ante mugiat: compertumque id est per omnes historias Exemplum unicum, sed insigne, ex Dione, in concussione illa Campaniae, & Vesuvii conflagratione sub Tiro, sumamus § 6. Sonitus, inquit, tum subterranei tanquam tonitruae, tum super terram mugitibus similes fuerunt: dein mare simul fremere, talium una sonare, ingensque & repentinus fragor quasi montes simul corruerent, exaudire. Tum exsilire primum immensi lapides, &c. Mugitus autem & ululatus iste, exhalationis per cava aut aspera cavernarum se versantis & frangentis, effectus est; similis-que est tonitruui in nube: nisi quod allisio ad dura & concava (quae exhalatio non reperit in nubibus) sonituum illam ad ululatum canum propius, quam ad bombum illam tonitruorum, saepe deflectit.

## ARTICULUS VII.

*Effectus terrae motus.*

**Q**ui terrae motui vulgò tribuuntur effectus, potius exhalationis sunt; imputantur tamen illi, quia per terrae motum exhalatio eos producit.

Primus est, aedificia succussatione sternere: ubi enim superiorum pondus extra fundamentorum perpendicularum aut inclinatum est, tandem procumbit. Sic tremor Campaniae sub Tiro duas urbes, Herculanium & Pompeios populo sedente in theatro, penitus obruit. Sic diu ante, circa initia Principatus Tiberii, duodecim Asiae urbes simul collapsae nocturno motu: quò improvisior graviorque pestis fuit, inquit Tacitus, neque solisum in tali casu effugium subveniebatur, aperia prorumpendi, quia diductis terris hauriebantur. Securus deinde alter miraculo plenissimus, Christo patiente, Anno circiter decimo octavo Imperii ejusdem Principis, ut ex Scriptura constat meminitque Phlegon Adriani Caesaris libertus; & Didymus: Mei Christi tempore, inquit, non prius aliquis terrae motus, sed tota terra conquassata & centro convulsa fuit. Divinam ergo aut Angelicam virtutem, causam habuit:

*Lib. 2.*

*Annal.*



Bois: nec dubium, strages multis locis ediras esse, qualem in Nyssena urbe, ex Phlegonte narrat Eusebius; aut fortasse vibratio brevis, non inclinatio longa fuit, quæ statim omniaprona in ruinam, in libramenta sua restituit. Miserrabilis etiam facies terræ motus Antiochiæ, Trajan-Princeps; ubi omnes pænè domus in pulverem comminutæ; & ipse Princeps, qui tum fortè ibi hiemabat, per fenestram vix evasit incolumis. Anno 1900. tredecim hominum millia Constantinopoli obruta, Anno 1511. Olyssipone 1500. eversæ ædes, Anno 1570. Ferraria miserrimè tota dilacerata fuit.

Secundus effectus est, montium in plano excitatio: hæc tunc fit motu qui Brastes sive Bulliens dicitur, estque similis illi effossiioni, quâ talpa terræ metam in altum erigit: vel

*cen spiritus oris*

*Psidere Vesicam solet, aut direpta bicornis*

*Terga capri.*

Ovid,  
13. Met.

Tumor ille postea permanet, & ævo indurescit. Tali motu, Anno 1338. in agro Puteolano, è cineribus & pumicibus montis altitudinis integri milliaris, qui idèd Novus appellatur, excitatus fuit: pari modo plurimæ insulæ è mari emerferunt: ut Delos, Rhodos, Anaphe, Nea, Alone, inter Cycladas Thera, Therassia. De hac Seneca: *Therassiam infra Ætasis insulam, spectantibus navitis, in Ægeomari enasam*, Lib. 6. *quis dubitat, quin in lucem spiritus vixerit?* Denique Plinii ævo, Thia.

Tertius est, montium suppressio: motu enim Rheete, sive effractore, in abruptum aliquando hiatum montes, urbes totæ cum populis, aut insulæ etiam hauriuntur. Ita perierunt famosæ illæ Achaiæ civitates Helice & Buris, de quibus Aristoteli aliisque tam frequentata mentio, quarum illa 13. stadis, hæc 40. à mari aberat; & tamen Seneca dicit suo tempore super eas navigari; Plinius, quædam adhuc earum vestigia apparere in alto: cum terræ enim & hiatu qui eas condiderat, à mari statim absorptæ sunt. Similis exitus magnæ illius Atlantidis insulæ, de quâ Plato in Critia & Timæo; unicâ enim, ut narrat, nocte terræ motu plurisariam discissa, & Oceano Atlantico hausta evanuit superstitibus tantùm velut naufragii hinc inde disper-

sis tabulis, Fortunatis & aliis aliquot illius maris insulis,  
 Tertullianus Apolog. cap. 40. *Memoras, inquit, Plato, majorem Africam & Africam terram Atlanticam mari creptam. Vacillat tamen libro de Pallio. Inter insulas, ait, nulla jam Delos, arena Samos; & (si Plato non mendax) Aeon in Atlantico, Libyam aut Africam ad equans, queritur nunc.* Mendacem tamen Platonem censet Keckeromannus lib. de Terræ Motu Anni 1601. Et Josephus Acosta lib. 1. Histor. Indic. cap. 12. Primo, qui in Oceano illo inter Africam & Americam nauta vix ulli bolide reperiunt fundum; igitur nulla ibi sub mari reliquæ insularum. Deinde, fateretur Plato, inquit Acosta, se à Critia puero id accepisse, qui inter pueriles cantuunculas, hanc etiam de Atlantide solitus minurire. Lipsius tamen noster lib. 2. Physiol. cap. 19. rem factam, non fabulam existimat. Pamelius etiam in cap. 40. Apolog. Tertulliani, narrationem Platonis partim fabularem, partim compertæ veritatis affirmat. Christophorus enim Columbus, inquit Anno 1492. 3. Nonas Augusti ex Hispania solvens, per Oceanum herbidum, & veluti in pratis, multos dies navigavit; sed nullos scopulos, qui submersæ insulæ darent indicium, reperit; undecimo tamen post die, insulas illas alias, Cubam scilicet, Hispaniolam, Jamaicam; per quas Plato transitum in continentem (Americam) esse dicit, invenit. Sed profectò nescio, cur soli scopuli, & non etiam herbe ille mari enatae, suspicionem facere possint: videntur alicujus insulæ proluxa fluctibus; quia enim molli terreno, nec bene hærenti compage fuit, idèd tam facile unico terræ motu dissoluta in cœnum aut arenam diffluxit. Sed Oceanus ibi altissimus est, inquis. Nego, ubique, quis eam tam curiosè scrutatus fuit? Verùm & istud demus. Fortasse, inquam, insulæ hiatum non implevit, qui eam forbuit: vel potius, insulæ lutum æstu & fluctibus aliò evectum est, & fundo maris ubique refusum, aut gurgitibus opplevit. Nec id etiam tantùm à puero aliquo somniantem, aut dementientem, acceptum; aliàs enim divinus ille Plato nimisquam puer sit (& quis etiam puer tali ingenio, ut hæc tam ingeniosa fingat?) sed ab Ægypti sacerdotibus Philosophiâ & omne genus scientia canis, audierat, eum apud eos peregrinaretur, Solon; à Solone Critias major à quo tandem Critias nepos, ut patet ex Timæo.

Fr anciscus

Franciscus denique Gomez Parte 2. Histor. Indic. asserit, memoriam adhuc aliquam demersæ cujusdam ingentis illic insulæ apud Indos superesse. Sed super omnia me, ut in hanc Platonis sententiam labar, movet, quod sine miraculo & transportatione Angelorum, nesciam quâ viâ lupi, ursi, tigres, leones, & cætera animalia humano generi noxia, ex Arca Noe in Americam pervenerint; nisi hæc aut perpetuo continenti, aut per insulam saltem aliquam, similem Atlantidi, cum Africa serè cohæserit. Imò nec etiam est, ut ipsi homines ( nisi fortè tempestate ejecti ) sine acûs nauticæ usu, qui non ita pridem repertus, ex Africa per illam Oceani, quæ nunc est, vastitatem trajiciant in Americam. Aliqui tamen per mare glaciale Septentrionis, & nives Polo subjectas, homines & bruta huc sponte transgressa credunt; sed cogita horridam illius cœli faciem, multa animalia albosia, & intolerantia frigoris, non accedas. Sed sat procul à scammate abivi.

Quartus terræ motus effectus est, terrarum cohærentium discidium. Sic Britannia à Gallia, Africa ab Hispaniæ contextu avulsa putatur. Sicilia ab Italia rejecta, Ossa ab Olympo recessit, &c.

Quintus, montis, ædificii, arborum, &c. in alienum locum translatio. Id autem accidit, quando spiritus molem in altum ejaculari non valet; elevat tamen, & exitum per latera quærens, asperitates aliquas resistentes invenit, quarum impulsu onus quodammodò succollat & vehit; unde Albertus hunc motum, Vectiorem appellat. Ita supremo Neronis Anno prata & olæ Vectii Marcelli, Procuratoris Neronis, in agro Marracino, in contrarias viæ publicæ sedes transgressæ, ita dudum antè, in agro Mutinensi, duo montes, ait lib. 2. cap. 83. Plinius, inter se maximo crepitu concurrerunt, assultantes recedentesque. Sic etiam Anno 1773. collis in Anglia ( quæ tamen rarissimè sentit terræ motus ) cum vicina planitie permutavit locum, & Anno 1786. mense Aprili in Hibernia juxta fluvium Barum, arboris cum spinetis, ut cap. 6. Apocal. narrat Franciscus Ribera.

Sextus est, fontium aut fluviorum insolentibus locis per apertas terræ venas eruptio: siccantur etiam, aut alveum mutant aliquando vel in scaturigines suas refunduntur.

**Lib. 2.** *Annus retrò fluere, inquit Plinius, & nostra aetas vidit, Neronis*  
**cap. 103** *Principis supremis sicut in rebus ejus retulimus. Nec dubium,*  
 quin aliquo terræ motu; & fortasse eodem illo, qui oleas  
 Procuratoris Neronis, supremo etiam vitæ ejus Anno  
 transtulit. Idem factum sæculo nuper elapso in America  
 Josephus Acosta lib. 3. cap. 26. affirmat, Conimbr. Tract.  
 11. Meteor. cap. 8. terræ motu illo admirabili sub Emanu-  
 ele Lusitanæ Rege, *Tagus, inquit, diffugiens in mari-*  
*que ripam undi, sicca in media vada ostendit, omnibus qui spectant,*  
*terrore & stupore percussis. Nec opus in re certa & comesta*  
*pluribus exemplis.*

Septimus, & omnium pessimus, est pestilentia, solennis  
 enim hæc est, post omnes ferè terræ motus; idque per  
 infinita exempla doceri potest. *Nec id mirum est, inquit Se-*  
*neca, multa enim mortifera in alto latent. Exhalationes ergo*  
**Lib. 6.** *terræ moventes, sulphure suo, aliisque qualitatibus, sæpè*  
**cap. 27.** *letales sunt, vel ipse saltem aer in cavernis illis pigritia*  
*æternæ noctis, aut culpâ terrarum, corruptus, quem difficil-*  
*lo hiatu, vel per laxatos ut minimum poros, exhalatio se-*  
*cum in auras nostras expellit. Hinc Campano illo motu,*  
*griegem sexcentarum ovium, peste statim infectâ, in regi-*  
*one Pompeiana exanimatum, narrat Seneca; redditque*  
*pulchram rationem, cur bruta facilius hanc à terræ motu*  
*lucem, quam homines, sorbeant; quia videlicet, prono*  
*capite, & in terram respirante sunt: homines verò è cælo,*  
*aut parallelum ferè horizonti spiritum ducunt. Simili-*  
*am halitu Avernus, Charoniæ scrobes, & plurima alia*  
*loca avibus supervolantibus pestem afflant: qualem se Hi-*  
*erapoli vidisse, & periculum in quadam avicula fecisse, lib.*  
*68. narrat Dion. Is spiritus, ait, omnibus animantibus pestilenti*  
*præterquam castratis hominibus. Cujus causam equidem afferri neque*  
*ea tantum ut vidi audiri que refero. Rogavi Clarissim. Medicum*  
*& Philosophum Thomam Fienum, ut vellet Dioni subve-*  
*nire; sed negavit statim se fabulis respondere. Si aliqua*  
*tamen causa est, in frigore castratorum debet inveniri:*  
*spiritus enim illi pestilentes, sæpè fervidi sunt, & multitu-*  
*dine ac calore suffocant; cui fortasse potentius resistit ca-*  
*stratorum frigus: sed id genus miracula non raro vanitatis*  
*quàm fidei pleniora sunt. Vel certè Galli illi matris Deum,*  
*antidoto præmuniti, aut spiritum tantisper contingentes,*

innoxii antrum illud inspectabant, quod fama deinde sparsit ad omnes castratos: quod indicat Strabo. Cardanus etiam lib. 1. Variet. cap. 9. quatuor ordine opifices, qui in caveam subterraneam, ubi ipse intererat, descenderant, exanimatos scribit, nec tamen ideo credo, quia nimis erant viri. Non omnibus tamen, aut omni tempore æque nocent. Chætonia scrobs Plinio, hodie Antrum canum, in agro Puteolano, hominem confestim necat, bruta sopie tantum: excitanturque mersione vicini lacus. Pighius nihilominus in eo innoxius ambulavit, ultra æstum, nihil expertus. Turcæ tamen quidam aliàs immissi statim extincti sunt.

Ultimus, & utilissimus omnium effectus, est timor Numinis: qui simul etiam est finis ejus principalis.

## ARTICULUS VIII.

*Timor Numinis, Causa finalis Terræ Motus.*

**I**Ta dico. Nam licet omnia opera sua feceris Deus, ut timeatur: *Eccl. 3.* nullo tamen ferè majori terrore id assequi potest, quàm terræ motu: unde Aristoteles lib. 3. Ethic. cap. 10. dicit Celtas intrepiditate excedere, vocatque *μυνοπύους, insanos*: quia non timeant terræ motus: *Quam enim latebram prospici-* *Senec.* *mus, ait egregie Romanus Sapiens, quod auxilium si Orbis ipsa* *1.6.c.1.* *ruinas ageret? si hoc quod nos tuetur ac sustinet supra quod urbes sitæ sunt, quod fundamentum quidam Orbis esse dixerunt, descendit ac situ-* *bat? quid sibi esse non dico auxilii, sed solatii potest, ubi timor fugam perdidit?* Non perdidit tamen: & Deum habemus, quo confugiamus; ideo enim hæc & paria terriculamenta ostendit, ut perituris inhærentes ad sui respectum converterat: ut quàm instabili vestigio humana omnia, in quibus pendemus, nitantur, intelligamus: quandoquidem etiam terra, quæ firmissima & in æternum stare dicitur, pedibus mortaliū se subducit. Heu, quod anchoram jaciemus, si ubique tam lapsans & infidelis fundus? In te, Domine Deus meus, Tu enim solus immortalis & immobilis es, *habitu æternitatis æternitatem.* Tibi ergo soli insigamur, qui firmare nos *Isa. 57.* potes. Mortalia omnia circa nos diffuunt aut cadunt, nosque pariter cum ipsis, quia miserrima particula eorum sumus. Cui igitur manus injiciam? quid arripiam, ubi omnia



nia mecum labuntur, & eodem agmine tendunt in mor-  
*Psal. 21* tem? In Te me rejiciam, in quem projectus sum ex utero; qui  
 da ventre matris meae Deus meus es! Per Fidem, Spem, & Amo-  
 rem Tibi inhærebo: imò pleno me saltu in pelagus illud in-  
 transabile mittam; ubi tamen nihil de me reperiam, nisi nihil;  
*Kemp. 2.3.c.14* & nihil, & ex tota nihil. Sed nihilum tamen meum adhærebit  
 dulci Toti meo: una in ipsum, ut gustula voris in mare magnum, dis-  
 solvetur, erisque aliud in ipso, aetatemque sic ferēs, imò aeternitatem.

Sed quid ego frigido pectore, tam ferventes & alienos  
 non meos, sensus effutio? Representa tamen hoc votum  
 Domine Deus meus!

Terra motibus etiam excitare vult nobis Deus memo-  
 riam illius magni terræ motus, & calamitatum quæ super-  
*Isa. 24* veniet universo Orbi, de quibus Luc. 21. Quando concu-  
 tientur fundamenta terræ: quando confractioe confringetur terra,  
 contritione conteretur terra, commotione commovebitur terra, agitatione  
 agitabitur terra, sicut ebrius; quando deflagrante Orbis incen-  
 dio, chasmate ingenti dehiscet terra, & cineribus permix-  
*Isa. 3* tas hauriet victimas illas divinæ Justitiæ piaculares: quando  
 infernus dilatabas animam suam, & aperiet os suum absque ullo termi-  
 na, & descendens fortes ejus & populus ejus & sublimis gloriosusque ejus  
*Sap. 3* ad eum: quando dicemus, Quid nobis profuit superbia? aut divitia-  
 rum jactantia quid contulit nobis? Transferunt omnia illa tanquam um-  
 bra, & tanquam nuntius præcutrens, & tanquam navis quæ pertransit  
 fluctuantem aquam; cujus, cum præterierit, non est vestigium inveniri,  
*Apoc. 20* neque semitam carinæ ejus in fluctibus: quando miserabile corpus  
 cum infelici anima missetur in stagnum ignis, & in profundum lac;  
*Isa. 14* unde sumus tormentorum ascendes in sacula seculorum. Quis poterit  
*Apoc. 14* habitare de nobis cum igne devorante? quis habitabis ex nobis cum ar-  
 doribus sempiternis? O æternitas! O abyssus temporum im-  
*Isa. 33* penetrabilis! O breve verbum, sed longæ significationis,  
 non ardentibus sempiternis! quanta, quàm infinita debet esse  
 illa Majestas, in quam momentaneus, nec satis expressus  
 contemptus, suppliciiis tam diris vindicator & semper-


## ARTICULUS IX.

*Comparatio Cuniculorum nostrorum militarium cum terra matu.*

**M**agna omnino affinitas est Cuniculorum istorum cum terra motu, qui Rhectes seu Effractor appellatur, ut ars hunc videatur traxisse in exemplum. Ut enim tormentis nostris Jovem fulminantem, ita Neptunum, aut Plutonium terræ quassatorem pulvere cuniculario imitamar. Hujus tam atrocis inventi auctor fuit, inquit Cardanus lib. 2. Subtil. Franciscus Georgius Senensis: docuit hic Hispanos arcem Lucullialem juxta Neapolim, quàm Galli tuebantur, nunc Ovi vocatam, evertere: ade ejus sacra cum Gallis qui insus grant, etiam in mare ex monte translata. Guicciardinus tamen lib. 6. inventionem tribuit Petro Navarro Cantabro: & Jovius de Navarra sibi familiariter cognito affirmat famam toto Orbe (cum antè miles tantum esset gregarius) consecutum, in excavandis cuniculis, per quos immisit tormentari pulveris fomentis, adèd terribiles insus flammæ excitare didicisset, ut obstructis spiramentis, violentia oblucentis insus flammæ, non modica modò, sed impositæ etiam rupes excinderentur. Et deinde: Expugnata apud Neapolim Ovi arce stupendo sup artificio usque adèd miris exitiis, ut Galli ejus portentose machinationis metu, reliquis præsidiiis facile excederent, cum abripi in sublime propugnacula Megaris insule scopulis imposita, & furentibus flammis cuncta tremere, hiscereque & perfringi cum ruina multorum mortalium prospexissent. Manuc. Biringuccius Senenses, qui etiam sæculi lapsi initio vexit, conterraneum suum, Franciscum Georgium repertorem, sed Navarrum in arce Ovi sumpsisse primum experimentum affirmat, supposito in tribus partibus pulveris, negatque ullum postea cuniculum saltasse feliciter.

Receptaculum pulveris, quod in capite seu fine cuniculi est quatuor orgyarum, sive quatuor & viginti pedum altitudinis, duodecim verò pedum latitudinis, fieri suadet Biringuccius. Cuniculi vena, sive via quâ ad pulveris cavum pervenitur, tortuosa & aliquot amfractibus sinuata esse debet, ne lapides & cæmentum, quibus obstruitur, flamma pulveris excutiat; atque ita se per cuniculum, non per verticem & molem superstantem, exoneret. Illac enim sine dubio se ejicit, quâ facillimè potest, Itaque viæ omnes aliz

aliæ cum cura sepiendæ & firmandæ sunt, ut per incumbentem molem erumpere cogas. Funicus autem ignarius sulphure illitus, à loco pulveris ad orificium cuniculi inter camentum deducitur, per quem ignis serpat usque ad pulverem: pulvis verò sumitur tenuissimus; ut totus sepe simul flammam rapiat. Sic enim violentior est, & maiorem stragem dabit. Sed rudem ejus speciem, si placet, subjicis oculis.



A est concavitas capax pulveris, cui moles excutienda superstat; ubi ignis ad finem funiculi in G pervenerit, pulvis in flammam momento præne rarefactus, claustra sua ad exitum molitur & tentat igitur lapides & camentum obstructi cuniculi, à G in B angulo recto repelluntur, sed terra inter B & E interjecta impetum retundit. Itaque pars ejus in C declinat: ubi iterum heberatus, & tertio in D tandem in E planè frangitur & expirat: unde flamma angustiarum & moræ impatiens, per H quando alioffum non potest, viam effringit. Sicuti autem spiritus terræ motor molem aliquando valido primùm conatu attollit, deinde fatiscens incolumem deponit: ita sæpe in cuniculis usu venit. Exemplum iterum à Petro Navarro petemus. Is cum Bononiam à Gallis defensam oppugnare, acto sub mœnibus cuniculo, magnam eorum partem, cum imposito etiam Sacello sic elevavit, ut plateæ urbis per hiatum obidentibus conspicuæ essent: sed flammâ nîs ultra valens, ingens

ingens illa moles aliquamdiu pendula, molli relapsu tandem in vestigia sua & apertum foramen ita recidit, ut nunquam emota videri posset; unde res divino miraculo tributa fuit. Similis pland effectus terra motus anni riuo in flumine Pado; hæc enim Chronicon Hirsang. in Notis Reverendi & Amplissimi Divi Johanni Chapeavilli Canonici & Vicarii Leodienfis, ad caput 18. Egidii Antee Vallis. Horrendus, inquit, terre motus per totam panem Orbem terrarum factus est; quo civitates, castella, villa, cum hominibus absumptæ sunt, montes scissi, flumina deglaciens terra exsiccata. Padus, unus de quatuor Europæ majoribus fluvii, à terra elevatus in medium feruic, ut inter terram & aquam via pascere transmittitur; unde citare extremus dies credebatur. Et de Mosa etiam nostro, ad Chronicon Sigeberti Robertus narrat, eodem tempore iuxta Abbatiam, quæ Sustula dicitur, quasi penderet in ære, fundum deseruisse.

Verum in concavitate pari, pulveris cunicularii vires longè majores, & plura moliuntur magisque ferociunt, quam spiritus terre motor unde ars hîc non tantum Naturam imitata est, sed etiam superavit. Ratio est, quod spiritus cavitatem influens & replens, multis partibus sit rarior pulvere: ideoque licet motu, vel ab alia causa, in igneam etiam raritatem intumescat, pauciores sunt partes ejus quæ talibus angustis capi nequeunt, quam pulveris in flammam tantò se majorem dissoluti. Cape id paulò enucleatius.

Pulvis ejusdem ferè densitatis est cum terra. spiritus terræ movens raritatis fortasse paris cum aere. Terra, Aristotelis opinione, decuplo quàm aqua densior est, hæc decuplo quàm aer, aer decuplo quàm ignis. Hinc sequitur, terram sive pulverem pyrium millecuplâ densitate superare ignem & flammam; cum tamen aer & spiritus motor decuplâ tantum excedant. Igitur quando spiritus ignescet, in decuplo ampliorem tantum locum se spargere tentabit; pulvis verò latius & ad millecuplam inde claustra sua magis indigabitur, tundetque fortius. Adde jam, proportionem illam pulveris ad flammam nimis magnam esse. Snellius enim affirmat se comperisse, granum unum pulveris reddere flammam centies vices quiniis millies se ampliorem.

Cæterum tamen terre motor, aut quia spiritus profundior

dior est, aut pluribus locis suppositus; latius, quàm cuniculi, terrorem spargit: estque ( licet fortè non erumpat ) succussatione illa nocentior, qua plurimorum ædificiorum compages laxat, aut impellit etiam in ruinam. Hoc autem in cuniculis est imprimis sævum. Homines qui cum superposita mole in altum volant, citius ferè quàm terram illam aut lapideam molem, quæ majorem cepit impetum, deferri, antequè relabi; sic enim fit, ut qui fortè incolumes recidunt, à superveniente terra vivi sepeliantur. Ita nuper, dum moenia Civitatis Mosæ-Trajectinæ à Vigilantissimo Governatore, & armis inclyto illo Heroe, illustrissimo D. Claudio de Lanoy, Domino de la Mostry, in meliorem belli usum reformantur, effossus est aliquis Centurio an Tribunus, cataphractus, clypeo sinistro inserto, cæterisque armis munitus, pedibus insistens, ac veluti in præliarem statum compositus, torque denique aureo & fulgente insignis, qui annos 46. ab illo scilicet 1579. quando civitas ab Excellentiss. Principe Parmensi Alexandro Farnesio expugnata, sic cuniculo conditus & sepultus steterat.

Verùm non in terra jam solùm, sed in mari etiam ( tam in sui perniciem ingeniosa est mortalitas ) repertus quodammodo cuniculorum usus: nec ut hostem, sed se interimant, ne veniant in ejus potestatem, in quos proinde regeri potest, quod olim in Fannium Martialis;

*Hostem cum fugeres, se Fannius ipse peremit.*

*Hoc peto: Non furor est, ne moriari, mori?*

Hoc tamen mortis paulominus quàm Saguntinæ gentis in Oceano nostro jam frequens; ubi ingentes navium moles, ardentium urbium imagine, se in nubes ejaculari ( utinam quos vehunt in cælum ejiciant! ) videbis.

Simili ferè artificio igniariæ naves ab obsessis Antuerpiensibus fabricatæ, quarum fulmine admirabilem illum Principis Parmensis supra Scaldim pontem disjicerent. Naves enim ingentibus & sepulchralibus lapidibus inædificabant, pulvere deinde implebant, & nullo gubernante demittebant secundo Scaldis æstu, ubi ad pontem defluxissent, ignis per fomitem serpens pulverem incidebat; ibique tanto impetu naves, lapides, cæteraque missilia disseminat, ut ingentem illam pontis machinationem tot trabibus, pontonibus, catenisque decumanis deynctam firma-

tamque



tamque unica navicula dissiparet, plurimosque in utraque  
 ripa mortales sterneret, contereretque. Innumeri enim  
 novitatis ignari ad ripas confluerant, studio videndi ri-  
 dendique naves marino æstu, nullo alio rectore delaben-  
 tes. Mirabilem etiam stragem à pulvere passa urbs Mechli-  
 niensis Anno 1566. profesto D. Laurentii; fulmen enim  
 altissimam quandam turrim, in quâ 700. circiter erant  
 cadi tormentarii pulveris, percussit; ubi turris mo-  
 mento temporis radicitus abrepta, partem murorum op-  
 pidi, & totum pænè ipsum dilaceravit, plurimosque mor-  
 tales exanimavit: fluvium ipsum, qui juxta fluebat, ebibit,  
 piscesque tostos aut ustulatos per agros dispersit. *Portæ dis-*  
*filientes*, (ait Corn. Gemma, qui tunc adolescens in Ludo  
 ibi litterario agebat) tanta fuit eruptio, ut stragem latissimam de-  
 derit, disjectis ædificiis pluribus 300. oppressis hominibus supra 300.

Lib. 2.

Cosmo-

cris. c. 2.

Granatorum etiam artificium propius ad cuniculos,  
 quam tormenta nostra ænea, venit: dissiliunt enim instar  
 ferè cuniculorum: Pilæ metalicæ sunt, palmaris diametri,  
 inquit à Porta (nostræ jam tamen majores, & pedalis, aut  
 amplius sunt:) quæ clavo ferreo transfiguntur, ut ipse de-  
 scribit, alliganturque ferreâ filâ, quæ singula 300. taxillos  
 ferreos insertos habent, ideoque Granata vocantur; qui  
 scilicet, missilibus, quibus inferciuntur, malorum Grana-  
 torum similitudinem exprimunt. Hæ pilæ optimo pulvere  
 tormentario replentur, quæ ubi per canaliculum immissum  
 ignem acceperint, in mille dissiliunt partes, omniaque  
 ventris missilia tam valido ictu jaculantur, ut in tabulas &  
 muros palmum subintrent, & ducentos sæpè simul saucient,  
 Audivimus nuper narrantem urbis Bredonæ incolam; vi-  
 disse se cum horrore, hac obsidione Anni 1625. unicum  
 Granatum à nostris in urbem conjectum, talibus furis agi-  
 tatum, ut ferè sit incredibile dictu. Tanto enim impetu  
 ruptum aiebat, ut integram domum funditus cum parte-  
 tibus, trabibus, tabulatis, tecto disregerit, comminuerit,  
 dissipaveritque.

Ante *Ostendam* denique ratio reperta, pulveris Granato-  
 rum sic medicandi, ut eo afflati in vertiginem darentur aut  
 epilepsiam.

LIBERTI FROMONDI

## Meteorologicorum

## LIBER QUINTUS.

De Meteoris Aqueis.

CAPUT I.

De Mari.

**Q**uia vapor, aqueorum Meteorum materia est, & à Mari cæterisque aquarum confluctibus hauritur; de his antè, Aristotelis exemplo, dicam prius tamen de Mari, ut parente minorum aquarum.

Aquæ verò generaliter, aut sub terra latent, aut in superficie ejus sunt. Illæ aut per occultas venas discunt, vel in abyſſo magna (ut S. Scriptura Genes. 7. & 49. vocat, Plato verò in Phædonè Barathrum, Poetæ Tartarum appellant) defident & stagnant. Similiter quæ in terræ superficie, in fluentes & stagnantes dividuntur. Fluentes sunt, quæ canali suo totæ & continenti agmine elabuntur; ut flumina, rivi. Stagnantes, quæ sic alveo se continent, ut non ita totæ effuant, hæc vel fontes, vel putei, vel lacus, vel paludes, vel mare sunt. Fons à puteo, solâ profunditate & distantia à superficie terræ differt: aqua enim puteana

*Libr. 4. ex profundiori hauri debet. Lacus, inquit M. Varron, est de linea lacuna magna, ubi aqua contineri potest. Sed hæc definitio est*

*qua Lacus continentis; pro contento verò, est aqua magna stagnans, quæ cæterarum origo non est. Hoc addo, ad arcendum mare à definitione, alias enim mare pro ingenti quodam lacu potest haberi; nisi locutionis insolentia prohiberet. Palus, eodem Varrone auctore, est paululum aquæ in altitudine, & palam latius diffusa. Major ergo laci, quam paludis profunditas esse debet.*

Mare finiri solet, communis aquarum congregatio, ori-

go cæterarum; quæ definitio est integri & unici maris in toto Mundo. Nam mare Mediterraneum, v. g. quæ pars est illius totius integralis, non est cæterarum aquarum origo. Mare Galileæ, & Caspium, lacus potius, quàm maria sunt; nisi Hebræo more, qui majusculam quamcunque aquam Mare appellitent.

Sed nonne igitur, inquires, mare aliud Adriaticum est, aliud Tyrrenicum? &c. Ita, sed per Synecdochen, quæ totum usurpatur pro parte. Sic Poeta etiam hiemem, frigidum annum vocat. Sophista hîc nuper quidam flagitabat excludi pisces à definitione maris; urgebatque non oportere excludi; quia continerentur definito. Sed aliud est, contineri ut in loco; aliud, ut in eo, quod ipsi per prædicationem tribui potest. Fretum est mare coeuntibus litto- rum quibusdam cervicibus compressum. Tale Britannicum, Herculeum, Magellanicum.

## ARTICULUS I.

*Quæ origo, & quanta magnitudo Maris.*

Pythagorici mare Saturni lachrymas, alii terræ urinam, Anaxagoras & Empedocles sudorem, ideoque salum; dixerunt. Nec longè id hodie spernit Jo. Keplerus, qui terram magnum quoddam animal ab ignibus subterraneis æstuans credit, & marino sudore diffuens. Sed nugæ istæ fabulares sunt.

Mare igitur, cum cætera omni aqua & Mundo nascente, terræ undique circumfusus, creatum est. Tertio verò Mundi diæ, ad vitam & commoditatem animalium, pars terræ erecta, suusque mari, quo se reciperet, cavatus alveo, catari, fluminum canales, rumulis, collibus, montibusque plurimarum excitatis.

De magnitudine superficiei Maris, nondum satis liquet. Quidam, inquit lib. 2. q. 1. Thimon putant, ut in parvo Mundo homine, facies solam & manus nudatas sunt, cæteris partibus, abditis intra vestem: ita in magno Mundo, ampliorem longè lateque tractum aquis conregi, emicantibus hinc inde sparsim terrarum insularum aut continen- tium particulis. Sed falluntur, fallitur & Scaliger Exercit. 13. qui unicam tertiam telluris partem nudam, reliquas duas

duas docet obrutas aquis. Propius veritatem est, quod eu-  
riosè dimensus Piccolomenus, plus aliquanto terræ nuda-  
tum, quàm suppressum mari, lacubus, fluminibus. Nimis  
tamen exerat Auctor ille Apocryphus libri 4. Esdræ, cap. 6.  
*Tertio die, inquit Creatori, imperasti aquis congregari in septima  
parte terre: sex verò partes siccasti, & conservasti, ut ex his sint coram  
te ministrantia seminata à Deo & culta.* Itaque verisimillimum  
est, quod affirmat Bodinus, tantam ferè maris, quantam  
terræ esse superficiem. De Orbe noto loquimur: nam  
aquane an terra sub utroque Polo lateat, nondum compe-  
rimus.

De profunditate Maris, antiquorum Geometrarum sen-  
tentia fuit, teste Plutarcho, parem esse altitudini montium.  
Idèd fortasse, quia existimarunt montes à Deo exagge-  
ratos ex parte illa terræ, quam effodit excavando maris  
alveo. Sed difficulter hoc esse potest, quia, ut Libro primo  
ostendi, montes non pauci 4. milliaria Italica habent per-  
pendiculi; cum tamen maxima Oceani profunditas ad  
dimidium milliare non perveniat, *ut mihi asseruerunt, inquit*  
*Baptista Benedictus Epistolâ ad Horatium Mutum, Hispani*  
*quinti, & Lusitani præstantissimi nautæ, tum Venetiis, tum Parmæ in*  
*Aula Serenissima quondam Principis; inter quos Venetiis suis Illu-*  
*stri, Rodericus Garzmannus, D. Franciscus Lopez, D. Garzias de Se-*  
*vilia, multiq; alii* In gurgitibus tamen quibusdam altitudo  
ad totum milliare, & ultra decurrit; alibi etiam nullâ bo-  
lide reperiri valet fundus: quod nuperâ navigatione In-  
dicâ, circa plerasque insulas maris Pacifici, experti sunt  
Hollandi. Imò lib. 1. Olaus tantam circa pleraque Nort-  
wegiæ montosa littora altitudinem Oceani esse scribit, ut  
funibus, quantis maxima navis impleri valet, non attinga-  
tur fundus; unde etiam certum non est, an profundissimi  
gurgites, altissimorum montium non adæquent perpen-  
diculum. Montes tamen universi derasi, & in mare abjecti,  
non replerent totum alveum, cum superficies alvei æqualis  
propemodum sit superficiei terræ montosæ simul & non  
montosæ.

Concludo igitur, terram longè videri majorem aquâ;  
quod ita potest ostendi: Pone; quidquid aquarum vides  
in superficie, habere profunditatem parem cum terra, &  
ad centrum usque decurrere: tunc solum æquâ mole u-  
trumque

trumque Elementum erit, cū in superficiebus eorum statumamus paritatem; quoties ergo jam aqua minor est, quæ comparatione semidiametri terræ est tam brevis & vadosa? Nihilominus incomperta est vastitas & altitudo subterraneæ abyssi. Nam quidam putei metallici in Germania (ut in Bermanno Agricola docet) ad 500. orgyas (mensura est sex pedum) sicci perveniunt; alii immensum alibi, in pari altitudine, aquarum Barathrum inveniunt. Deinde omnes lapides & metalla, imò etiam inferorum & Plutonis regnum, in terræ molem compingimus. Hoc tamen cavum igne & sulphure, notæ terræ, est oppletum: diametrumque ejus, unius Belgici milliaris, Eruditissimus Lessius lib. 13. de Moribus Divinis cap. 24. statuit: longè tamen ampliorem Franciscus Ribera cap. 1. Apocal. ubi his verbis, *Et exiit sanguis de lacu* (iræ Dei, id est, inferno) usque ad frenos equorum, per stadia mille sexcenta, putat significari longitudinem diametri concavitatis inferorum circa centrum terræ: quæ sit 1600. stadiorum, id est, 200. milliariarum Italicorum. Sed nimis improba tamen est, inquit Lessius, hæc vastitas: nam diameter unius leucæ cubicè multiplicata, sphaeram efficiet, quæ capiendis octingentis millibus millionum corporum damnatorum (dando cuique sex pedes in quadro) abundissimè sufficiat; Cū tamen, inquit, certum videatur, factâ subductione, non futuros centies mille millones damnandorum. Sed tamen imaginemur, quidquid aquarum in terræ visceribus est, retrahi in mare, & obruere undique terram; ascendet fortasse aliquantò altius, quàm in diluvio illo generali; quando 15. cubitis superfudit se verticibus altissimorum montium. Infletur itaque ad 10. imò 100. imò 500. milliaria supra terram; complanentur deinde omnes montes, repleanturque terræ omnes alvei & cavitates subterraneæ abyssi, reddaturque terræ facies quam habuit ante tertium Mundi diem; tota semidiameter globi aquei & terrei simul erit circiter 500 mill. Italicorum; cū igitur aquæ profunditati 500. milliaria dederimus, in terrestri semidiametro 3000. remanebunt, unde terra erit adhuc quàm aqua duplo ferè major: habebitque se ad eam ut 12. ad 7. ut ex proportionem semidiametrorum & sphaerarum Benedictus ostendit. Si autem veram aquæ quantitatem, quæ in toto Universo esse putatur,



putatur, æstimemus, credit quinque millesimo facile  
à terra superari. Detrahenda terræ tamen cavitas interna-  
lis, quæ modica est ad spectu cæteræ molis, lapides verò  
& metalla, terræ relinquenda sunt; ut ossa suo corpori

## ARTICULUS II.

*An Terra & Mari idem sit Centrum.*

**N**Egare videtur D. Thomas 1. part. quart. 69. art. 1. ad  
2. Ambrosius Catharinus, Paulus Burgenfis, Bodinus,  
& alii. Docent enim, mare altius esse terræ, & efficiere  
quendam in dorso ejus veluti gibbum. Si quæras, cur gib-  
bus iste seu tumor aquarum in subjecta littora non seef-  
fundat, obruatque terram: aiunt retineri divina manu.  
Hoc enim significari videtur Jerem. cap. 5. *Posui arenam in-*  
*minum mari, præceptum sempiternum, quod non præteribit; & con-*  
*movebuntur, & non poterunt: & intumescunt fluctus ejus, & non*  
*transibunt illud.* Et Proverb. cap. 8. *Legem ponebas aquis, ut*  
*transirent fines suos.* Jobi cap. 38. *Et dixi (mari) usquehuc ve-*  
*nies, & non procedes amplius, & hic confringes tumentes fluctus tuos.*

Deinde, Rex Ægypti Ptolomæus, maris Rubri alveum  
in Nilum deducere aggressus, deterritus est à Mathemati-  
cis foundationis metu, excelsiore tribus cubitis Rubro  
mari comperto, quàm terra Ægypti. Simili terrore Deme-  
trius Rex, Julius, Caligula, Nero Cæsares, Corinthiacum  
Isthmum destiterunt velle perfodere. Ad quam altitudi-  
nem Ægei & Ionii maris alludere mihi videtur Poeta Cel-  
sus:

*Ssat.*

*I heb. 4*

— *quaque objaces alto*

*Isthmos, & à terris maria inclinata repellis.*

Nuper etiam Hispani cogitaverunt de incidendo Isthmo  
Americano inter Panamam & Nombre de Dios. Distantia  
enim illa 7. leucarum inter Oceanum nostrum & mare Pa-  
cificum, plus negotii, transportandis mercibus per circui-  
tum 18 leucarum inter montes, facessit, quàm reliquum  
maritimum iter, quo 2300. leucarum navigatione, perve-  
nitur in Peru. Sed Ptolomæi & Demetrii, cæterorumque  
exemplo, & periculo inundationis totius America, con-  
grium abjecerunt.

Tertio: Aqua effusa in pulverem, item nocturni rores

in guttarum globulos se colligunt, quorum peculiare centrum est, & diversum à terræ centro. Igitur & mare tale centrum affectat: cum eadem natura sit totius & partibus.

Quartò: Nunquam fontes per altissimorum etiam montium vertices emicarent, inquit Bodinus, nisi terra immissa esset aquæ altiori, qui locus unde fons exsilit, non potest excelsior esse prima origine aquæ.

Quintò: Ideò montes ubique ferè littorum, mari obiecti sunt, ut ipsum defenderent; ne obtineret terram depressiorem.

Planè tamen verum est, terram eminere supra mare, & utrumque elementum corrotundari in unum & singularem globum. Ideò enim mari excavatus est alveus; ut veluti in utre cavo; & depressiore terra littorali contineretur. Deinde, flumina palàm humiliora sunt ripis; igitur & mare à littoribus. Tertio, quò longius mare à terra recederet, eò profundius foret; quia ibi altissimum punctum aquei gibbi esset, quod tamen est compertæ vanitatis. Quartò, non par esset elevatio Poli sub eodem Parallèlo, in littore maris, & alto mari. Major enim cerneretur elevatio è vertice illo aquei tumoris in medio mari. Quintò, Mare flumina intra suos alveos repelleret. Sextò, venti gibbum illum maris flatu effunderent & complanarent. Septimò, naves solventes è portu, contra clivum aquæ oblectari oporteret, & magno molimine ascendere: in portum verò, nullo flatu & æstu secundo, lapsu promissum defluerent, quod ridet natūra.

Denique demonstrat pulchrè utrumque elementum in eandem sphaeram & centrum conspirare, Archimedes & Petrus Aliacus Cardinalis, & Dominus Cameracensis cap. 1. Sphaeræ, quæst. 5. quia experimur guttas pluviae decidere in terram ad angulos rectos: ergo petunt directè & affectant terræ centrum. Item, aquam in loca decliviora & terræ centro propinquiore naturaliter defluere cernimus: igitur cacumen tumoris illius marini, gravitate suâ etiam à se effundet, lateraque suppresset, ut diffundant se in globosam & undique æquali intervallo à centro terræ distantem superficiem. Pulcherrimè itaque & verissimè Pli-  
*Lib. 2.*  
 nius ait: *Totæ omnique ex parte aquas vergere in centrum; ideoque cap. 68.*  
*non*

*non decidere, quoniam in interiora nitantur. Quod ita formasse artifex Natura credi debes: ut cum terra arida & sicca constare per se ac suo humore non posset, nec rursus stare aqua, nisi sustentante terra mutuo implexu jungerentur: hac sinus pandente, illa verò permeante totam, intra, extra, supra, venis ut vinculis discurrentibus, atque etiam in suis iugis erumpente.*

Jam ergo videndum, quid adversæ opinioni reponamus. Atque inprimis Scriptura Sacra planè est à nobis, quæ Psal. 2. ait, Deum formasse terram superaquas. Et Psal. 106. qui descendunt, inquit, in mare in navibus. Igitur altior est terra, è quâ in mare descendimus. Scripturæ etiam initio productæ, pro nobis loquuntur. nam significant Deum excavasse mari alveum, & terram circumjecisse undique eminentiorem; ne si aqua altior foret, terræ se superfunderet. De illis qui ob altitudinem maris, non ausi perferre Isthmos, dic à Geometris fuisse deceptos: vel certè, cur cæpto desisterent, aliam habuisse rationem. Ægyptii enim metuerunt aquam Nili (ajunt quidam apud Plinium) infuso mari corrumpere. Hispanos verò deterruerunt maximi, durissimi, & omni ferro impenetrabiles illi montes, quos Deus fluctibus utriusque maris opposuit, ut Jos. Acosta narrat oculatus testis. Esse etiam potest, ut partes aliquæ Regionum mediterraneæ, reverà mari depressiores sint, & periclitentur admissio longiùs Neptuno, præsertim Ægyptus, Hollandia, Zelandia, quæ marino limo putantur primum increvisse, & postea induruisse: unde etiam manu, & aggere artificiali oportet ibi fluctus submovere; quia Deus olim ibi littus non constituerat; sed quod sub aquis erat, assurrexit paulatim cumulante limo, & mari depulso, in libertatem se vindicavit. Indicant id marinæ conchæ, quæ ex mediterraneis Ægypti effodiuntur.

Ad tertium, Fracastorius cap. 9. de Antipat. & alii passim, docent guttas colligi in globos, quia metuent inimicam siccitatem, seque rotundando, unicum quasi punctum ferendum ei obijciunt. Deinde partes sic plures melius & æqualiter ab aliis adjuvantur in agendo: cum extrema omnes pariter recedant à centro; quæ enim in angulos excurrunt, minus opem centralium sentire possunt. Sed tamen mirum est, cur venter guttæ utrimque pendulus non effluat, cumque sua gravitas non exoneret. Respon-

debit

dehit forrè Poeta vetus & amœnissimus in Pervigilio Veneris ;

*Gutta præceps orbe parvo sustinet casus suos.*

Ita est, quia orbis parvus, idè casum sustinet ; hoc est, gravitas ventriculi modicè protuberantis, non sat virium habet, ut partium mediarum unionem rumpat ; hinc quò guttula minor, èò rotundior est, & si plenitudinem ei addas, tandem eo usque inflabis, donec se disrumpat ; aquæ enim majusculæ non ita se erigunt, ut globentur : tumidior namque ventris aqualiculis facillè prolabitur, & viscera ipsis effundit. Itaque argumentum à gutta ad situlam aquæ, nihil concludit : quomodo igitur mare totum hinc corrundare contendis ?

Ad quartum Bodini, infrà de origine fontium respondimus. Major quippe maris altitudo fontes in juga montium non exprimit ; aliàs omnium, unde fontes scaturiunt, montium cavitates oporteret aquis redundare.

Quintum solùm ostendit, Deum scopulos, promontoria, montes objecisse fluctibus, qui ventis & tempestate propulsi assiliunt, & terram molliorem, etsi altiore, proluerent, aut deterrent paulatim ; aliqua tamen etiam maritima sunt sine littoralibus scopulis, ut totum Belgii latus à freto Britannico ad Daniam, & ultrà ; quod Oceanum æstuariis accipit, aut arcet aggeribus. Nec diffiteor, etiam valles multas, & loca quædam humiliora in Mediterraneis, superficiem centro terræ propinquiorem habere, quàm mare. Idè enim Hollandi quandoque Principi suo minantur, ultimâ desperatione, perfossis aggeribus Neptunum dominum accipere, & incensis navibus, cum aris & focus ad Garamantas & Indos, extra Solis cœlique vias, enavigare. Nec planè fallitur antiquus ille Thomas Bricot lib. 2. Meteor. *Recitat Buridanus, inquit, se audivisse à pluribus Scholaribus de Zelandia, quòd maxima pars patriæ eorum est multò bassior mari : & idè operiet continuè artificialiter laborare contra mare ad expensas patriæ, faciendo ripam obstantem mari.* Hinc merito Belgium *Neder-lands*, & *Pays bas*, appellatum. Paucae tamen regiones tales, & tam suppressæ ; & ecce campi Venetorum, & Ferrarienses, & ora Apuliæ, montibus & aggeribus contra Adriam carent, ut testis mihi Scaliger, & tamen inundationum securi sunt.

Sed cur ergo, inquires, nautæ à mari littora se videre depressiora, imò facilius in portum relabi, quàm in altum provehi, affirmant? Conimbricenses, & passim, respondent, littorà è longinquo apparere nigriora, quàm undæ maris virides aut albidæ: nigra verò deprimi & recessisse videntur. sed quid facimus Angliæ littoribus, cretatis & candicantibus, quæ *Caeso*, per 50. millia passuum, cernimus tam humilia, ut quis judicet lintea esse suspensa ad sepe? Addendum igitur, distantiam inprimis minuere excelsitatem montium littoralium; deinde tumor maris interjectus vel totos celat, vel eorum partem. Ob similem telluris curvaturam, nubes ventis infra horizontem propulsas, descendere existimamus, cùm tamen agantur in circulum; ex propinquo autem littus manifestâ & verâ specie superficie maris altius est; etsi sæpè non ipâ navi, idèoque dicimus descendere, aut exscendere (verbo *T. Livio* familiari) in littus è navi.

Verùm nonne igitur navis è portu vehens, scandere perpetuò, leni saltem clivo, per aquæ tumorem videtur? Ita nautæ & ratio Optica affirmant; & sic etiam appareret, licet maris superficies esset complanata. In Templorum enim pavementis, & amœna ista via *Heverlensi* prope nostrum hoc *Lovanium*, ita à magno *Lipso* deprædicata, extrema semper planities altior, & paulatim assurgere apparet molli clivo; quia remotiora altioribus radiis, & coelo vicinioribus cernuntur. Sic ergo majori ratione, summum & ultimum punctum aquei tumoris in mari, excelsissimum judicamus; & eâ re fortè mare longè à littore recedens vocamus altum. Igitur (instabis) littus quoque elevatus, & per lineam altiore è longinquo, in oculos se ingeret. Dico futurum verum, nisi terra littoralis & mediterraneæ attriora sint mari; pars tamen littoris quæ è superficie maris emicat (causas jam antè dixi) necessariò demissiore, & magis suppressam habet speciem.

Navis verò in portu onustior apparet, gressumque difficiliorem molitur in altum; quia aqua circa portus minus profunda est, inquit *Problem. Sect. 23. Aristoteles*; idèoque onere oppressa magis cedit: major autem in alto profunditas pondus facilius sustinet levatque, ut ventis, æstu, remis expedite huc illuc agi possit; & ab hac profunditate verosimilius



ærosimilius mare illud *alti*, ut & *profundi*, nomen accepit. Imperum ergo primum in aqua vadosa difficulter & moroso initio navis capit; concitato vero & per profundum collecto, celerius in portam resluit. Jam qualitates Maris explicemus.

## ARTICULUS III.

*De Salsedine Maris.*

**M**ARE à Salsedine, salum; & ab amarore, mare appellatum putatur: saporem enim ex falso & amaro, ut Aristoteles Problem. Sect. 23. notat, permixtum habet. Non omne porro mare perinde salum aut amarum est: *Lib. 6; cap. 17.* Haustum Caspii dulcem esse Alexander Magnus, teste Plinio, prodidit; & M. Varro talem perlatum Pompeio juxta rem gerenti Mithridatico bello, magnitudine ac multitudine haud dubie influentium annuum victo sale. Ab eadem causa Pontus Euxinus mutescit, eoque animalia adaquantur, stringiturque, gelu: aded ut Anno 756. sub Imperio Copronymi, centum miliarium glacies plaustra tulerit, altitudine (quod pæne incredibile) triginta cubitorum aqua congelata ad ipsum alvei fundum. Gylius etiam semel & iterum, dum Byzantium geret, Bosphorum Thracium infrustatum vidit. Id autem dulcedinis signum est; cum salissimum illud mare sit incongerabile. Oceanitamen ultimi Septentrionalis glaciem ætate etiam Solstitiali, sex pedum crassitudine, nuper invenerunt Hollandi. Sed Zonarum frigentium Oceanus minus salis habet, crescitque lentum amaritudo, quod propius ad torridam accedis; deinde immensum illud & pertinax Polorum frigus, in aquam, cogi alias contumacem, valere potest.

Sed de causa marinæ salsedinis magno dissensu rixantur Philosophi.

Empedocles mare salsum dixit, quia terræ sudor sit; sed licet pro Poeta (rem enim Naturæ carmine Græco scripsit, ut Latino Lucretius) id fortè satis sit, inquit Aristoteles; non pro Philosopho, qui Metaphoras veritatem infuscantes devitare debet, reverà enim mare sudor non est.

Itaque Aristoteles pensiculans animalium urinas & sudores, item aquam per cineres aut calcem colatam, spiritu multo

multo fervente & adusto, humori cuido se permiscente, falsugine infici, argumentum ad mare traxit. Item humor operculis adhærescens, per quem sæpè fumus transit, salem resipere solet, inquit Mourerus.

Mare igitur falsum est, mente Aristotelis, duabus de causis, Et quia terrestres adustæque exhalationes in ipsum recidunt, seque illi confundunt, & quia Sol summam ejus superficiem continuè populans, tenuissimum & dulcissimum in vapores, relicto crassiori & amarulento, extrahit. Unde Ægyptios olim tam Philosophos fuisse, scribit in Sympol. Plutarchus, ut noctè semper, antequam Sol exoriens levissimum & optimum vaporaret, aquam è Nilo ad totius diei potum soliti essent haurire. Hinc autem duo sequuntur. Primò, mare autumno, quando scilicet plurimæ exhalationes in mare recidunt ( æstate enim fervidâ absumuntur à Sole, hieme non educuntur ) salissimum esse. Secundò, summum aquæ marinæ tergum amariùs esse fundo. Primum Aristotele, & ex eo Plinius, asserit: Lemnius tamen, doctus ille & experiens Zelandus ab æstate maxime saliri mare dicit. Nec, credo Aristoteles negaret posse id evenire; quando Sol exhalationes non satis dispergere valet, vel earum major adustio copiam autumnalium ampliore compensat; quod enim halitus torridior, & magis ambustus est, eò falsedinem insigniorem facit. Nam idèò sub torridâ mare salius.

De secundo, ingentem video inter expertos etiam ( ut volunt ) rixam. Pro comperto utroque habetur, inquit Exercit. §1. Scaliger, in fundo maris aquas esse dulces, superficiem non dulcem: quia dulce est in levi, leve autem à Sole absumitur; asseritque deinde, urinatores vitreis vasculis aquam è fundo extulisse. Sed vide, ut eludit Patricius. Scaliger, inquit, vir suis suis acutus; sed qui pro Aristotele contra manifestam veritatem etiam perjerare lubens sustinuerit: additque id eum ex Aristotele potius, quam ullo experimento didicisse. Ipse verò contrariâ experientia, mare Creticum in fundo pari falsugine cum superficie ( demisso per summam malaciam vase, cujus operculum fune in aquis aperiretur ) præsentè Philippo Mocenico, invenisse, se tradit. Et profectò si maris fundus dulcis, cur aliquando siti emoriuntur in Oceano ( ut Tantalus in mediis aquis dulcibus ) nautæ? Jam enim modum hauriendi

hauriendi didicimus à Parricio. Deinde, aqua salsa gravior est, sine dubio, dulci; igitur leges æquilibrîi sequitur, defluitque, altera superascendente: sic enim Aristoteles Problem. Sect. 25. aquam Ponti summam dulcem affirmat, falso fundo. Idem in Ascanio lacu videre licet, & Achilleo, fonte Miletensi, apud Athenæum lib. 2. Sal enim, teste Bodino, propensior est quàm terra, pondusque ejus ad ipsam se habet, ut 106. ad 92. unde partem aquæ permixtam sale necesse est in fundum subsidere: atque hanc etiam causam reddit Aristoteles, cur mare juxta littora vadosum, minus salsedinis habeat: quia aqua salsa, tanquam gravi-  
or, in gurgites & profunditates à littoribus defluit.

Dum hæc ergo aliaque Aristotelis loca expendo, hic videtur ejus intimus sensus: Summum mare, quia insolatum & percoctum magis, esse salius, quamdiu aqua illa in superficie manet; verum gravitate propensiori, statim eam in fundum delabi; ideoque plurimum ibi futurum salis, nisi perpetua maris agitatio omnia sursum deorsum permisceret: sicque D. Thomam in 2. d. 14. q. 2. art. 1. interpretor, ubi desertè mari asserit dulcedinem in fundo. Et profectò confessa est satis potentia Solis in gignendo sale, infuso in salinas mari, aquæque in eum excocta, duratæque, ut in Africa, Hispania, Gallia, factitari solet. Burdigalenses verò & Burgundi fontes salios igne ad salem perducunt: & de vicinis nostris lib. 13. Annal. Tacitus, *Indulgentiâ Numinum, inquit, illo in amne (Hermunduros Cattoque interfluente) illisque silvis saltē provenire, non ut alias apud gentes eluvie maris arescente undâ, sed super ardentem arborum struem fuso, contrariis inter se elementis, igne atque aquis concretum.*

Sol igitur terga maris inurens, salire etiam ipsa potest. Sed quam materiam incoquit? non enim simplicem aquam coagulare in salem valet. Terrestrem exhalationem putat Aristoteles: sed unde illa in mare venit? certè enim Solis radius ad fundum maris non penetrat, ut inde per mediam aqua profunditatem in superficiem, eam extrahat. Itaque ex insularum terreno, locisque mediterraneis educi oportet, ac deinde frigore aeris redensatam defluere molliter, aut cum impetu & vento præcipitari in mare. Verum sic non nisi post multorum annorum tempus potuit mare saliri, cum tamen plurimi piscium marinorum durare non valeant extra salinam.

Dico

Dico igitur primò: Tertio Mundi die, cum Deus mundum nudavit, mareque alveo suo infudit, addita ei falsedo: ad piscium vitam, & contra aquæ, aliàs stagnantis, putredinem; factum autem id mixtura infinitarum panè exhalationum, quas Deus è terra, alumine, nitro, bitumine, subito elicit, & in aquas sparsit. Probatur; quia veluti nudatio terræ animantibus terrestribus; ita illud Salacia debebatur, & filiis ejus, marinis piscibus, quibus vita in vita, aut nulla est, extra salem.

Dico secundò: Exhalationes quas Sol è terrestribus resolvit, sufficere non videntur ad conservandam diu, & in pari semper gradu, contra tot fluviorum diluentium incursum, vaporumque repluentium infusionem, maris falsedinem. Probatur; quia magnam partem dulcium vaporum, qui eo extrahuntur, recipit, & plurimas exhalationes tam calefactione Solis, quàm exoneratione aquarum & fundi sui falsissimi in apertas & hiantes venas, quæ emittunt ipsum & educunt in subterraneam abyssum, amittit: exhalationes verò aliæ, quæ cum ventis aut aliter in ipsum relabuntur, non videntur esse copiosæ, cum terra majorem earum partem recipiat: deinde, quod caput est, ventosæ exhalationes non sunt tam adustæ, quàm cineres, quibus comparari solent, ut tam insigniter insicere aquas marinas valeant: cur enim aliàs tot perennes lacus, quos pro magnitudine sua & proportionè, tot quot in mare, venti & halitus incidunt, falsedinem non sentirent? cur Oceanus Septentrionalis medio anno quo nox ei perpetua incubat, perseverat in sapore, cum tot nives & flumina in ipsum liquecant, frigeantque tam longâ Solis absentia terrestres omnes exhalationes? Dices quia flumina incurrentia sale suo vincit, tanquam fortior, non vincitur. Bellè enim Seneca lib. de Providentia cap. 2. *Quemadmodum tot annes, tantum supernè dejectorum imbrum, tanta medicamentorum vis fontium, non mutant saporem maris, nec remittunt quidem: ita adversarum impetuum viri fortis non vertit animum. Manet in statu; & quidquid evenit in suum colorem trahit.* Magnificè hæc quidem: sed falsum utrumque, & de Sapiente, & de Mari. Nullus enim, ne ipse quidem Zeno, tam firmus & defixus, quem incurrentia mala non inclinent; & si non evertant, conturbant tamen statum: veluti meracissimum etiam vinum diluunt tandem

tandem & castrant sæpius infusæ lymphæ: ita tam abundi & undique influentes in mare amnes, saporem ejus remittunt, nisi largitèr aliunde dispendium sarcitur. Licet etenim salugo evincat dulcedinem; non tamen sine pugna, in qua vulnus etiam accipit, & detrimentum. Sic etiam calor in nobis naturalis alimentum domat & conficit; sed ita ut hebetetur etiam ipse paulatim, & debilitetur in senectutem.

Quidam ergo cernentes, exhalationes superne in mare relabentes non satis salsamenti habere, ad flumina recurrunt: dicuntque limum mari injectum, partem salsedinis facere. Sed frustra; si enim limus saliret, lutum etiam apud nos esset salsum: aliud foret, si fundum aut ripas salas flumina abluerent: quod pleraque non faciunt; nam aliàs ipsa salem etiam resperent.

Hoc etiam meritò Aristotelem turbare potest: quod exhalationes è terra elevatæ & vaporibus nubium confusæ, aut per eos in supremam regionem se transcribantes, pluvias, nives, aut grandines nullà salsedine inficiant. Rarissimum enim est; & in miraculis à Plinio positum, *Tes accidisse in Bosphoro, ut imbres salsi desiderant, necarentque frumenta: tales & Nili signa pluvias amara facisse, magnà pestilentia Egypti.* Neque hilum proficit Scaiger; *A nimbis, inquit, subsalsæ aquas aliquando fuisse demissas, non solum auditione accipimus, sed etiam tum lectione, tum sensus capiti compertum habemus.* Id enim insolens; cum nunquam non tamen terreni halitus nubibus permisceantur: & id haud dubiè, non simplicis terræ, sed sulphureæ, aluminosæ, aut bituminosæ, exhalationis miscelâ factum; quod etiam Scaliger non diffitetur. Si igitur ordinariæ exhalationes, quæ in vapore nubium extinguuntur, & deinde in mare recidunt, imbres passim non tingunt ullo sapore; vix scio, quomodo tantum in marinas aquas valeant.

Dico ergo tertio: Aut sub maris fundo font: s vel montes salis sunt, ut lib. 2. Subtil. credit Cardanus; aut (quod magis cenfeo) ignes in sulphure, nitro, alumine, bitumine ibi ardentes (quos ex insulis flammivomis, & aliter lib. 1. c. 4. asseruimus.) hunc saporem, ex salso & amarulento mixtum, continnant: halitus enim per mare transpirant, qui in ipso extincti amarore perfundunt. Probat, quia



mare in salitudine sua retineri, ad finem Mundi, debuit: nulla verò alia causa centior & plenior potest assignari. Deinde, fontes & lacus salii, similem salitudinis causam habent, v. g. Mare mortuum, quod Scriptura Sacra Numer. 34. Josue 12. & 15. vocat salissimum, à bitumine ibi copiosissimo saporem illum contraxit; veluti etiam densitatem, similem & majorem marinâ, quâ pleraque injecta sustentat, & in superficiem expuit. Galenus enim affirmat, aquam lacus Asphalti, seu Mortui maris, tanto ob inculcatam copiam bituminis, marinâ vulgari spissiorē esse, quanto hæc superat fluvialē. Et licet flos bituminis supernaret, non tamen gravior ejus & limosa pars, ut docet experientissimus Agricola; nam aliâs aquæ Asphalti circa fundum densitatem tam concretam non haberent. Deinde, alumen & nitrum merguntur, non natant: hæc autem sub mari & in gurgitibus esse videntur, saporemque suum una cum bitumine aquis marinis vulgant. Nam nitrum ad eodē subsalsum est, ut Ægyptii, qui Nilum in nitrarias immisissim Sole in nitrum decoquunt, eo vice salis utantur. Aqua deinde marina pinguis & viscida est, mixturamque bituminis palam refert: uti etiam pleraque purgamenta maris, ut halcyonium & succinum, quod Agricola ostendit ex candido bitumine concrevisse.

In summâ igitur statuamus, bitumen, nitrum, alumen mari subesse: & hinc etiam causam promamus tam variæ colorationis aquarum: Oceanus enim Flandricus subviridis, Hispanicus caeruleus, & paulò ultra subrufus est; bitumen autem, omnis præterea coloris reperitur.

Sed in quo prævisè subjecto ponimus salitudinem? In ipso halitu maximè, aquis confuso & humectato; sapor enim ex mixtura calidi, humidī, & sicci resultat, in harum qualitatū subjecto. Jam verò aqua non tam illas qualitates habet, quàm ipsa exhalatio. Hinc lana è navi in mare dependens, exclusâ densiori & salsa exhalatione, dulcem & sincerum succum bibit, exque ea ad potum exprimitur. Similiter per tennes vasis cerei meatus aqua potui idonea transudat, non secuto, per angustias nimis arctas & conviventes, sale substantia tamen etiam aqua, etsi remissius, simili sapore tingitur; recipit enim ab exhalatione, & à se partim, salē primarum qualitatū temperiem, unde re-

sultat illa amaritudo; temperies tamen citò evanescit absente exhalatione, & unà sapor.

Verùm jam danda aliqua ratio, quæ non in expedito videtur, cur æstate & sub Torrida mare salsius, si salura à fundo venit. Dic, Solem aliquid etiam calore suo huc asserre, tergoque maris bituminosos spiritus aliosque incoquendo, salsedinem intendere; hoc enim, ut minimum, vincunt, quæ antè præduximus pro Aristotele. At enim contineturne etiam formaliter, ut loquimur, sal in marina? Ita putat Bodinus; quia Sole vaporante levissimam ejus partem, in salinis sal reliquum manet. Sed facile defendi potest, materiam solam salis in marina esse; & inde ipsum, tam coctura Solis, quàm suppositi fundo ignis, conformari. Materia ista, spiritus ardenti bitumine, nitro, alumine, & id genus, exhalantes sunt, & aquâ commixti. Cadavera etiam piscium infinita, aut eorum excrementa, aliquid (vel fallor) in salituram conferunt.

#### ARTICULUS IV.

*Cætera aquæ marinæ Qualitates, & Eff. Snt.*

**M**Are pinguem à bitumine, aliisque succis, ac densam habet aquam; unde ardet quodammodo in igne, minusque extinguendis incendiis idonea est, inquit Aristoteles. Illustre nuper hujus rei exemplum legere memini in Dione; dum in famosa illa pugna navali Actiaca, milites Antoniani situlis parvis, & ut in trepidatione, semiplenis, ignem navium à Cæsarianis injectum, marina restinguere conantur; magis enim flammabant, & pabulo hoc irritabant incendium. Docet idem Plinius, marinas aquas tardius gelari, celerius accendi. Cur verò tam contumaciter mare congelescat non est promptum dicere. Movit hanc quæstionem apud Agel. lib. 17. c. 8. Noct. Taurus Philo-  
sophus, sed non dissolvit. Fortè, quia bituminis, & alii calorigici spiritus è fundo per mare diffusi, hiemæ magis fervent; & in eo, ab antiperistali frigoris superioris aeris, continentur. Aristoteles enim, Plinius, & experientia asserunt, mare hiberno tempore, quàm æstivo, magis effervere. Vel certè, vim occultam glaciationi (ut acetum quod maximè frigidum est, & tamen incongelabile) resistentem habet.

M m 2

Dens.

Densitatem marinæ probant onera navium, quæ majora & facilius à mari sustentantur, nec immerguntur tam altè. Hinc navis quæ sine periculo enavigavit mare, in flumine succumbit aliquando, & submergitur. De densitate maris Adriatici juxta Venetias, lib. 2. de Ortu subter. Agricola. *Cum essem Venetis, inquit, foris scapha in irremem impetit, & Adorachum excussit: mare, quia mistum, ut cætera salsa, hominem non recepit; sed erusque fluctuavit dum proximâ scaphâ ex iperetur.*

Scribit etiam Volaterranus, Hieronymum, Florentinum quendam decoctorem, à creditore, colligatis manibus, ex Antiatum turri in mare præcipitatum; & tota nocte aquis sustentatum manè in litus evasisse; ac deinde contracreditorem facti habuisse quæstionem.

Si autem marina densior est tonzanâ ac fluminali, gravitatem etiam esse necesse est: gravitas enim, densitatis est perpetua comes.

Sed mirum est quomodo corpus tot diversissimarum rerum miscela corruptum, tam claram & digestam servet perspicuitatem; ad maximam enim profunditatem sæpe sese in oculos effert fundus maris, decipitque ignaros nantes, dum ob refractionem, superficiei valde admotum credunt: sed se immergentes ut aliquid ex fundo rapiant, frustantur tantam altitudinem esse, cogunturque non raro reverti, quia animam tam diu continere, donec eum attingant, non possunt. Ob hanc densitatem & unâ tralucentem perspicuitatem, pulchre Poetæ mare vitreum marpor appellant. Et Bodinus lib. 2. Theat. Cum procul à littore, inquit, navigamus, navis videtur vitreum lapidem sulcare. Curtius etiam lib. 3. vitreas undas Maris repræsentans, *Color ejus, ait, placido mari similis.* Et hinc ecce novum argumentum mihi succurrit, ut credam, non ab exhalationibus terrestribus adustis, limosis & opacis, existere ejus falsedinem; sed à bituminosis & nitrosis, probè digestis, quilibet etiam glaciatur & coalescit succinum.

Mireris etiam, aquam marinam in vase servatam adeo citò putrescere, cum mare totum non sentiat putredinem. Argenterius in Artem Galeni cap. 8.9. id refert in continuam agitationem, quâ se purgat ab excrementis; ut proinde aer & spiritus inclusus facilius inveniat exitum: hylus etiam semper recentes & novi è fundo suspirantes multum

multum arcere valent putredinem.

Aerem porro marinum, & deinde Belgicum totum, maximè insalubrem & noxium lib. 17. c. 96. de Variet. existimat Cardanus. Ubi enim se per Belgium peregrinatum dicit, & vidisse mœnibus ædibusque formosissimas Brugas; fluminibus, hortis, spatio viarum, cæteroque omni cultu speciosissimum Gandavum; famosum studiis, amœnumque hortis & rure nostrum Lovanium; patriam Vesalii sui; sed ædibusque jucundam Bruxellam; platearum amplitudine munditięque ac ædificiorum elegantia hilem Mechliniam, & super omnia, miraculum Orbis, in quo, quidquid opum, inquit, uterque mundus ultra citraque Æquinoctialem habet, Antuerpiam: tamen omnibus his in civitatibus, ait, tria cum sint tantum elementa, omnia desunt: propinquitas enim maris, & montium distantia facit, ut nullibi gentium aqua sis deterior; aer insalubris; ratione satis aperta, cum dulcibus aquis salse immisceantur: locus verò humilis & Occidenti expositus; cælum quoque frigidum, aque nebulosum; terra cœnum; neque enim aliter tot alendis hominibus sufficeret. Terra quò minus nullum deesse possit elementum non facit: cùm mare ea in parte supra illam tantum extollatur, ut nisi per aggeres, quin efflueret, obstaretur, jam tota sub undis perisset. Quò rertum devenimus miseri Belgæ qui etiam extra elementa jam vivimus? Terra nostra, non terra, sed cœnum; aqua, non aqua, sed maria & salsamentum; aer, non aer, sed nebula & vapor; ignis, minimè ignis, sed glacies & frigus merum: hoc enim, credo, elementum est, quod palam deesse nobis affirmat. Verùm nescio quid avorum nostrorum ævo hic videris Cardane; certè hoc solum nostrum tale jam est, in quo Germani, Poloni, Galli, Hispani, & Itali etiam tui salubritatem & delicias inveniunt. Terra à se & industria colonorum tam ferax, ut gravissimas bellorum civilium impensas diutiùs toleraverit, quàm ulla Gallia, ulla possit Italia. Ridiculum est de aquis omnium Nationum deterrimas esse: non vidit, credo, tot fontibus irriguam Bruxellam; non Spadanos, & toto illo Ducatu Limburgenfi, ubique ferè rupium colliumque emicantes saluberrimi haustus, quò etiam ex Italia & omni ferè Europa affluunt, latices. Verum tamen est communem aquam durior, nec aded Sole percoctam, ut in Italia; sed ideo nec crudam bibimus, sed ignibus remollitam in cereviam.

nam. De aere etiam non valde conquerimur; hieme asperior, quam in Italia est, sed æstate longè tolerantior; circa littora Oceani solum pronus (& id tantum nobis mediterraneis, & in affuetis) in noxam; nam vapore multo crassescit, & etiam aspergine salis inficitur: nam ut Lucretius.

*Denique in os salis venit humer sæpè saporis,*

*Cum mare versamur propter.*

De igne nostro; ad Soles æstivos, silvas, cespites, & carbones Montenses, Leodienses, appello. Sed mittamus Candanum.

Inter effectus Maris insignis est illa nausea, quã insolentes navigationis vomunt, & in ventriculum demissa remittuntur. Id autem partim à marino halitu repente venit (unde etiam aqua tepida hausta, provocat vomitum) partim agitatione; & hinc omnes etiam nautæ, in magna & jactabunda tempestate stomachum non continent. Bodinus tamen tam durum se fuisse scribit, ut nihil unquam se moverit, etiam si septies in Oceano, & mediis turbinibus, ubi alii sanguinem etiam vomebant, navigaverit credo, cum in Angliam procatum, pro Principe suo, Hercule, Duce Alenconio, ad Reginam Elizabetham itabat, quando pro Bodino solebat eum Regina Magistrum Joannem Badinum appellare. Jactationem etiam ad vomitum conferre inde potest ostendi, quod debiliores ventriculî, agitatione etiam currus, non raro se exonerent.

Ob halituum etiam marinorum calorem siccitatemque evenit, inquit Aristoteles, ut in mari navigantes edaciores fiant, tam enim vomitu, quam propria illa sua qualitate, cibi appetentiam exacuunt.

Aqua marina contra morsum rabidi canis, ait Lemnius, bibitur; item, ad purganda corpora, bilemque atram, aut sanguinem concretum, ab alterutra parte reddendum, ut lib. 3. l. c. 6. docet Plinius: quidam etiam in quartanis dederunt. Ut autem sine injuria stomachi sumi possit, asservari, donec vetustate deponat virus, præcipiunt. Aliqui tepesactam clysteribus infundunt, torminaque & choleram sic sedant. Difficilius etiam refrigerant marinâ calefacti lendes & tetra capitis animalia, pecorumque scabies, hac curantur, liventia ad colorem reducuntur, ferroque

celer-



celerime rubigo exteritur. Et ne tam amplo & salutari remedio mediterranea destituerentur, inventa est ratio, ait Plinius, lib. 31. cap. 6. quâ sibi quisque aquam maris faceret. Sextarius enim salis cum quatuor aquæ sextariis, salissimi maris vim & naturam implet. Scio etiam, qui in periculo & accessione pestis, hujus marinæ artificialis haustu malum depulerint. Inter effectus etiam maris, halcyonem, è spumis, aut sanguine quadam marina concretum, item absinthium, quod aliqui seriphium vocant, aliaque infinita ejus excrementa, numerari debent.

Mari etiam passim tribuitur vis quadam se purgandi, quâ cadavera, & res naufragas in littus eructat: hinc Exodus 14. Israelitæ statim à submersione Egyptiorum, cadavera eorum viderunt in littore maris Rubri. An autem in mari virtus expultrix sit, ut in magnete quodam qui ferrum non trahit, sed respuit, dubitari potest. Non videtur tamen; quia sine ullo discrimine omnia non nimis gravia, ut tabulas etiam navium, & merces demersas, expuit. Astus igitur tantum, fluctusque, naufraga versando propulsandoque, tandem ad littus appellit, ibique destitit: quia majori impetu unda in littus venit, quàm redeat; ideoque sæpè revêhere non valet quod deposuit: hinc etiam altissimo mari, longissimeque à littoribus, depressa revomi non facile quisquam videt. Eadem est causa, cur flumen aut mare exundans littora & vicina oblimet; quia, inquam, impetu limum eructat, quem refluxus imbecillior abluere & reducere in alveum non potest. Ventus enim, aut vis alia externa, valida & vincens renisum gravitatis, fluctum expèrgit, ac superfundit; qui deinde solo & spontaneo gravitatis relapsu, aut resultu à littore, qui actu directo tardior semper & fractior esse solet, redit.

Mare denique herbas innatantes, exhalatione aquis temperata, alicubi alit, vagâ ac fluctuante, nec ullo fundo conceptâ radice. A qualitatibus maris, pedem amolior ad ejus motus. Varii sunt, sed primò,

## ARTICULUS V.

*De motu æquationis Maris.*

**M**aris motus, alius spontaneus & à natura est, alius à vi externa impellente, aut trahente. A natura est motus deorsum, quo propriâ gravitate ad loca humiliora & viciniora centro defluit; talis est motus, quo secundum Aristotelem; & omnes panè etiam recentiores ( præter unum Valesium, c. 50. Philosophiæ sacræ ) mare prorsus alveo à Septentrione ad Meridiem delabitur: vocaturque hic motus, æquationis; quia eo sine fit, ut superficies aquæ undique coarctetur, & pari intervallò distet à centro gravitatis.

Motu ab externo movente tres solent enumerari. Motus raptus ab Ortu in Occasum, libratio à littore uno ad adversum littus, & ætus, sive reciprocatio illa quotidiana, congruens periodis Lunæ. Fluctuatio etiam quâ hæc illac ventis sine lege impellitur, insuper haberi & negligi solet.

De æquatione etiam, est lis & controversia. Valesius putat, mare non defluere in Austrum; sed idèò pronius in illam partem à Septentrione navigari, quia venti Boreales, frigidi & densi, facilius in aerem fervidum & tenuem Zonæ torridæ inclinant, illacque effluunt, quàm Austri aëra Septentrionis spissum & resistentem perterebrant. Hinc ergo fiet, ut flaves à Flandria secundo maris defluxu in Hispanias delabi videantur; quia Boream frequentius à puppi adspirantem habent.

Sed non longè evadit Valesius; reprehendi statim potest, & retrahi in mediam difficultatem. Nam non tantum secundo flatu, sed etiam adverso, mare in Meridiem inclinat, ætusque in illam partem faciliores sunt & concitiores. Ratio est, quia fundus maris in Septentrione alior est, ut ego Aristotelem lib. 2. Meteor. c. 3. interpretor, quidquid Vicomercatus rehlatur. Strato enim apud Strabonem lib. 1. & alii testantur, plurimum arenæ in Mæotum & Pontum Euxinum à fluminibus invehì: ideoque fundum vadosum, nec aquam capere quæ influit, sed deorsum in Propontidem & Ægæum refundere. Hinc Aristoteles Mediterræneum affirmat profundius Ægæo & Ponto, imò Oceano;

Oceano, qui extra Herculis columnas, quasi limus per fretum Herculeum ei in vectus fundum ejus elevet, gurgitesque omnes repleat. Verum tamen res non ita habet. Oceanus enim Atlanticus, & circa insulas Flandricas, altissimus, ac fundi plurifariam inexplorati est. Incertum etiam est, quod Strato contendit: Meteorum fluminibus tumentem effregisse Bosphorum Cimmerium, & miscuisse se Ponto; Pontum deinde, viâ vi etiam factâ, per Bosphorum Thracium in Propontidem, ac tandem effractus Hellesponti angustis, Ægæum irrupisse. Lapidei enim illi & rupibus incisi canales, satis affirmant, se artifice Dei manu, & cum Mundo ipso factos esse; vel & de freto Herculeo verisimile: nec enim auscultandum Eratostheni, qui Trojano bello Hispaniam ab Africa divulsam fuisse negat: eum autem Hercules illac ad Hesperidum, in Oceano Atlantico, insulas enavigaverit; & probabile sit, Menelaum longa illa octo annorum peregrinatione, eductâ Mediterraneo in Oceano classe, Africam circum navigasse.

Creduunt autem quidam fundum maris Septentrionalem fluminum se invehentium limo & arenis attolli. Scribit enim Polybius ab hac causa in Mæoti suo tempore septem solas aquæ ulnas superfuisse. Sed causa dubia est; quia Petrus Gyllius, diligens littorum illorum inspector & scriptor, eandem hodie profunditatem perseverare ait: nisi affirmemus, arenas, quas flumina exonerant, in Euxinum & Propontidem defluere.

Si autem nolis fundum Septentrionis paulo elatiorem, & clementi devexitate in Meridiem & Zonam torridam declinare, causa defluxus in Meridiem erit multitudo fluminum, & nivium, cæterarumque aquarum, quæ uberius in Zonis frigidis proveniunt coactæ rigore cœli. Addunt aliqui, Solem sub torrida Oceanum sic depopulari, ut lacunam in eo faciat, aquis ab utroque Polo defluentibus supplendam, ut æqualiter centro Mundi circumfundatur superficies maris.

Admirationem etiam mereatur, quod in Enchirid. lib. 4. cap. 1. narrat Bartholinus Philosophus & Medicus Danus, mare Balticum, cui Oceanus inter Daniam & Norvegiam se infundit, non solum à Septentrione in Austrum, sed vice versa aliquando ab Austro in Septentrionem defluere.

unde nautæ nostrates, inquit, tempus unum *Nordenwasser*, alterum *Sudenwasser* appellant. Id autem fieri idem existimat, quia nunc Oceanus à Septentrione in Meridiem fluminibus Norvegiæ, Finmarchiæ, Islandiæ, Gronlandiæ, &c. maximis & rapidissimis incitatus, Balthicum influit, nunc contra Balthicum infinitis à Germania, Livonia, Lithuania, Oslia, Churlandia, Finlandia, &c. aquis auctum & intumescens, postquam aliquamdiu in æquilibrio sustentato Oceani fluxu, dubium pendit, tandem se superfundit, & tota mole victor Oceanum in alveum suum retrò agit. Quo tempore etiam necesse est, totum Oceanum Deucalionem, & Flandricum (etsi in tanta vastitate id forte non sentiat) paulò incitatiùs delabi in Meridiem. Aquæ enim Balthicæ Oceano confusæ, molem exaggerant, quam succumbere oportet, & defluere à Septentrione.

Itaque hic vides, non tantum à Mæotide in Mediterraneum mare à Septentrione devolvi, sed etiam Oceanum Deucalionem abire simili motu in Torridam: causamque unam eandemque præcipuam esse, incursus fluminum à Septentrione, alveique ab eo Mundi axe devexitatem: hanc enim etiam inter causas retulit Bartholinus illarum Regionum incolæ: ridetque Telesium, qui odio Aristotelis affirmat, Terram Borealem nusquam excelsam, nullis distinctis montibus, universamque humilem.

## ARTICULUS VI.

### *De Libratione, & Raptu Maris.*

**L**ibrationem vocant motum, quo Mare perpetuò à litore uno in oppositum alternis vacillat. Est ergo velut oscillatio quædam, similis ferè illi, qua lances æquo pondere se attollunt deprimuntque. Causa ejus, incurrentia utrimque flumina sunt, venti, & repulsus ab uno litore in adversum: unde tantum in fretis & angustiis hæc libratioprehenditur. Omnes etiam qui in insulis & maritimis habitant, fatentur, in summa etiam malacia, nulloque vel tenuissimo statu, mare tamen perpetuò noctu diuque afflire & flagellare littora. Causa non videtur in promptu. An fortasse, quia una parte maris mota cæteras omnes, etiam in longinquo, vibrari & sollicitari necesse est? Ita enim docet

docet Philosophus Problem. Sect. 11. Non enim est aqua similis aeri, qui minimo ferè impulsu contrahi & densari potest: ipsa enim quia crassior & densior, magis etiam contumax; unde pars una fluctu impulsæ, aliam deinde loco summoveat, & hæc iterum consequentem, & ita catenatim: ut una parte baculi mota & cedente loco, alteram etiam exire est necesse. Itaque motus in dissitis, & ubi venti aliquid turbarum cient, procul inde & in tranquillum referri ac pervenire potest, nisi motus alius ei veniat obviam, qui hebetet aut repellat in contrarium.

De motu raptus ab Ortum in Occasum, licet Card. Contarenus, & plerique eum fortiter asserant, est tamen quod dubitem, siquidem de Oceani motu sit quaestio. Nam palam est, Mediterraneum ab Ortum versus Fretum Herculeum in Occasum ferri. Colligunt id nautæ celeriori navigatione. Ocyus enim secundo & æquè valente flatu. Alexandria in Hispaniam reditur, quam ex Hispania eodem navigatur. Causa est continuus, & instar fluminis agminis, Mæotidis, Euxini, Propontidis, in Ægæum & Mediterraneum defluxus, ut Gyllius testis oculatus scribit: moles igitur ista aquarum in littora Africæ decumbit; & inde repulsæ, quia directæ sursum & adversus fluxum redire non valent, oblique versus Adriaticum, Siciliam, Sardiniam, Italiam, Gallias, & Hispanias se in Occasum retorquet. Unde etiam necesse fuit dari mari Mediterraneo exitum in Oceanum per Herculei angustias, ne aquæ à Septentrione affluentes, Africam, aut Europæ littus submergerent. Pars tamen aquarum freto non evolvitur; sed à littoribus Hispaniæ iterum ad Africam reflectitur: atque ita magna Mediterranei pars quasi circulatim ab Ortum per Septentrionem in Occasum, & deinde in Meridiem contorquetur: similemque in Adria circulum est cernere; ascendit enim per littora Illyrici & Dalmatiæ Venetias usque, ac deinde in Italiam recumbit, & secundum Apuliæ littora refluit in Ortum.

Simili motu credunt plurimi, Oceanum Indicum raptari continuo ab Ortum ad Occasum: putantque raptu primi Mobilis id fieri; id est etiam motum raptus appellavi. Sed unde hic motus intelligitur? Quia, inquiunt, ex Hispania in Occidentem & Americam navigantes, intra singularem



mensum cursum absolvunt, cum tribus aut quatuor, contra renisum aquatum, vix redire valeant. Sic Lusitani, superato Bonæ Spei Promontorio, difficulter & morosè in Moluccas & Ortum eluctantur; cum tamen facili & precipiti lapsu revertantur in Occidentem. Unde Exercit. 31. Scaliger, *Sub octavo parallelo*, inquit, *Australi jaces insula Madagascar, cum ingens, tum opulenta; ad quam 20. diebus circum Mosabar Indiæ perveniunt mercatores: atque ii equali ventorum vi radicum comparare nequeunt celeriores, quam qui tribus mensibus perficiatur.* Igitur Oceanus ab Ortum in Occasum, in Zona torrida usque ad Tropicos, ubi raptus primi Mobilis est concitior, circuire terram cum cælo videtur.

Verum neque effectum admitto, neque si faciam placeo talis causa: cælum enim tantam aquarum molem permovere non potest, licet totum aerem à Luna ad superficiem maris raptaret secum in orbem; mollis enim & fluxus aer aquarum superficiem molli & lubrico lapsu destringeret, non ei injiceret manus, & traheret in sequelam. Adde jam, raptum primi Mobilis non pervenire (quod lib. 1. ostendimus) ad nubes & mediam aeris regionem. Itaque ad influentiam occultam cæli aut siderum Torridæ impendentium, quæ Oceanum proxime, non sollicitato aere intermedio, in orbem deducat, id est, ad nugas, erit recurrendum. Tolerabile namque id esset, si aliqua certa cæli pars, aut stella ducem se illi motui præberet veluti Luna manifestè æstus gubernat. Sed nihil simile apparet. Igitur vel totum cæli inter duos Tropicos spatium, influentiam istam possidet, vel ipsa in cerebro tantum imaginantium est; quod existimamus.

Sed nec etiam Oceani perpetuum ab Ortum in Occasum sub Torrida, aut alibi, fluxum damus: facilioris enim ab Ortum quàm Occasum, navigationis causa, non est, quam Columbus & primi illi Indiarum repertoires confinxerunt, Oceani in Occidentem raptus; sed Subsolanorum ibi toto anno molles, & vix unquam interpolati status. Hoc enim à posterioribus nautis, curæ hujus & veritatis diligentioribus, didicimus: idem disertè affirmat Jos. Acolta lib. 4. Histor. Indic. colligique manifestè ex Diario nautico Hollandorum, navigationis in Javas & Orientem Anno

Hinc igitur classis Indica, cum ex Hispaniis in Americam navigat, rectissimo cursu ad Insulas Canariarum sive Fortunatas, ut brevissimam lineam Tropicum Cancris & Torridam intret, contendit: quia statim in limine excipiunt eam ab Ortu adspirantes Subsolanii, qui continuo & lenissimo flatu in Occasum & Americam exhibilant. Unde ab ea revulsiſſimum illud Oceani inter Canarias & Insulam S. Dominici æquor, à placiditate *Golfo de las Damas, Mare Dominellarum*, appellant. Cum verò eadem classis repetit Hispaniam, viam init planè contrariam; nam quamdiu potest, in Occidentem versus Novam Hispaniam, ut tantisper saltem fruatur beneficio Subsolanorum, vela obliquat, exitque demum Torridam & Tropicum Cancris juxta Havanam. Ibi statim à 27. gradu elevationis Poli ad 37. regnant & afflant ab Occasu Favonii, qui vela in Hispaniam implent: circa verò quadragesimum elevationis gradum, omnes venti suis vicibus spirant, tantà inconstantia in mari, quàm in terra, ut docet lib. 3. cap. 7. Historic. Indic. Josephus Acoſta.

Verùm quæ causa esse potest, quæ Subsolanos in Oceano intra Torridam adeò pertinaces facit? Josephus Acoſta credit flatus istos non exhalationes ventosas, sed aerem infimo regionis raptu cœli circumvectarum. Probari potest; quia natura ventorum instabilis est, nec tam diu (saltem non circa totum annum) contumax in eandem partem. Deinde Auctor idem narrat, in locis mediterraneis Torridæ variare flatus, nec eandem esse Subsolanorum constantiam, quæ est in mari; quod accidit, inquit, propter montes, quibus aer infimæ regionis circumactus occurrit: repellitur enim ab iis versus Ortum, aut hæc illæ dispergitur; quod in patenti Oceano non usu venit, ubi montes nulli.

Assentiri tamen nequeo, raptum cœli ad terram usque pervenire. Aer enim infimæ regionis, etiam extra Tropicos, etsi paulò fortasse segnius, sentiret hunc motum; nubesque (nullo saltem insigni vento flante) semper raptu illo agi cerneremus in Occasum. Deinde, cum eorum confusione, similes auræ tenuis & molliter adspirantis sine Subsolanii Torridæ; causa investiganda erit, cur exhalationibus ventosis non aliquando retrò in Ortum agantur,

cum tam facili obnifu vinci & repelli possint. In cuius inventione perinde erit laborandum, atque in reperienda alia causa, diversa à cœlesti motu, quæ Subsolanorum exhalationes tantâ pertinaciâ effundat ab Ortu.

Atque Subsolani isti, legitimi venti, non aer infimæ regionis actus in orbem, sunt. Causa eorum obscura est, eiusque inventio à situ & qualitate earum Regionum pendet, veluti etiam causa Favoniorum, qui toto ferè etiam anno (ceti paulò frequentius, quàm Subsolani Torridæ, interpellentur) à 27. elevationis Poli gradu, ad 37. perflant. Ut tamen aliquid etiam dicam, antequam tu vel ego abeamus, ad scientiam locorum & causæ, tam longè extra Europam peregrinatum, venit in mentem rationis quàm Problem. Sect. 26. reddit Aristoteles, cur Subsolani sub auroram & manè soleant adspirare. Quia videlicet aerem infimum nocturno rore gravidum primis radiis rarefacere, & ante se extimulare versus Occasum consuevit. Deinde, terra etiam torrida, & recenti Sole icta, vaporem & exhalationem mixtim in altum respirat; quæ in media regione statim refrigerens, in ventos versus Occidentem defluit, quia aer infimæ regionis ante Solem fugiens, in illam etiam partem, dubiam & pendulam exhalationem deducit.

Eandem causam solennibus illis Torridæ Subsolanis reddamus. Inprimis enim, quia noctes ibi parestoto anno aut suppare diebus, largissimo rore diffiunt, ut inter omnes Scriptores constat: nam sat longum tempus, quo refrigerant reciduntque, habent; plurimamque eorum materiam è terra marique Sol diurnus tam præsentis potentique radio elicit. Igitur manè aer in Occidentem, Solis rarefactione fusus, teneros & torantes Subsolanos, exhalatione & rore, terræ aut aeri circa terram & mare incubanti, natos, & ex alto resistentes, in Occasum secum deffert, & abducit. Deinde, status in eandem partem toto die continuantur, circumducunturque quodammodò à Sole ab Ortu ad Occasum; quia una exhalatio alteri prætereamque ductat. Sol præterea aerem versus Occidentem rarefaciendo pergit, facitque maxima dissolutione, quæ cum continuo laxat, ut faciliorem & magis præcipitem illac delapsam exhalatio reperiat. Huc etiam valde iuvat, quod raro turbines (nisi in mediterraneis, aut circa Occ-

abhi littora) & magnæ tempestates Zonam torridam incur-  
rant, quæ Subsolanos illos lenes in Ortum refundant, aut  
ad Polos declinent. Ratio videtur, quod, & à Sole magna  
pars terrestris exhalationis nimis, ut in flatus recidere pos-  
sit, attenuetur; & id quod reliquum est, circa insulas &  
terram, unde extractum, persilet, aut saltem non magnis sed  
lassatis viribus in altum mare perveniat. Hinc præcipua  
materia Subsolanorum Torridæ, tenuis & marina exha-  
tio est, mixta marino itidem vaporibus, partim etiam ipsæ æt  
calore Solis sparsus & effusus abactusque ante eum in Oc-  
cidentem. Hæ verò causæ omnes simul & universæ, extra  
illam Zonam locum (si perpendas) non reperient, uti nec  
in mediterraneis ipsius Torridæ, ubi & montes flatibus ob-  
stant, & turbidæ, è terrestribus exhalationes aerem in-  
festant.

Sed ecce hoc etiam retrahit abeuntem, dum cogito. Non  
diurni tantum, sed etiam nocturni sunt flatus isti Subsola-  
norum. Scribit enim Jos. Acoſta lib. 3. cap. 4. & 8. navem  
limensem Anno 1580. spatio duorum mensium, Febru-  
arii & Martii, quando Sol pænè imminabat vertici (Lima  
namque urbs capitalis Peruvix 12. gradibus in Austrum  
declinat ab Æquatore), confecisse sub eodem semper pa-  
rallelo leucas bis mille septingentas in Occidentem, eodem  
semper clementi & gelido, die nocteque Subsolano à puppi  
adspirante: nec ullam in toto illo vastissimo maris Pacifici  
trajectu sensisse tempestatem aut procellam. Pari felicitate,  
& vento Alvarus Mandana ex Peru etiam ad Insulas Salo-  
monis, sub uno paralelo, spatium mille circiter leucarum  
decucurrit. Quomodo ergo Subsolani, quos Sol per diem  
ab Ortum ad Occasum circumducit, etiam noctem perspi-  
rant? Nescio, aut hoc est: Quia nocturni flatus diurno-  
rum viam sequuntur: versus Occasum enim æt vesperi  
ob propinquitatem cadentis Solis rarior est, quàm retrò  
ad Orientem; igitur halitus in regione superiori refri-  
geratus, & ab aere occiduo laxiori & facile cedenti ad de-  
clinandum illac invitatur, & ab aere ortivo, frigidior, &  
à Sole longius remoto, seque continuè addensante, eodem  
etiam exprimitur.

Sed contrahio vela, & in nodum colligo quod jam diu  
sparsi. Nullum scilicet esse Oceani raptum ab Ortum in Oc-  
casum;

casum; & in ventis subsolanis, non in ipsa aqua esse fluxum, & navigandi facilitatem à Sole ortivo in occidentum, Sed nonne tamen Scaliger antè mihi citatus disertè affirmat, *æquali ventorum vi* reditum in Orientem esse difficiliorem & tardiores? Facit; sed deponere quidlibet audeam, id non ab ulla nautarum experientia, sed à se accepisse, quia necesse id videbat, ad concinnandum Oceano illum raptum: nam aliàs venti, nunc adversi & resistentes, nunc secundi & ferentes, efficere poterant (& res, ut jam antè vidimus, ita habet) illam diversitatem.

## ARTICULUS VII.

*Historia marini Ætus.*

**H**OC unum ex abditissimis Naturæ arcanum est: & quod Aristotelem ita obstupescit, ut in tot de mari Problematis, & Meteororum libris, ne quidem ejus facere sustinuerit mentionem. Tadio enim difficultatis abstinuisse, Vicomercatus & Auctores passim credunt. Nam nescivisse (quod quidam autumant) ad mare ætus ille recte proci sollicitaret, cras, cum M. Varrone, fortasse credam; hodie nihil. Nimis curiosus & omniscius fuit, ut hoc prope modum unum, & quidem tam insigne, eum lateret. Non aded procul mari Illyrico Athenæ fuerunt: & classem Alexandri Oceani Indici ætu periclitatam audivit, ex illis castris, unde ei pleraque scribebantur, quæ in historiam animalium consarcinavit. Deinde Plutarchus, eum in Solem retulisse ætum scribit. Primum autem historiam ætus, quàm verissimè poterit, ut inde nobis certior sit conjectura causæ, dabimus. Sed hunc tamen antè tibi scrupulum fortè eximo; Quomodo non compugnent, seque in eadem aqua compatiantur, tot differentes, & in diversa eam distrahentes motus. Dic, veluti in eodem Planeta, raptus primi Mobilis; & motus in Zodiaco, corrantur inter se, nec se tamen jugulant; ita fieri in Mari. Juvant ergo concitantque se mutuo, cum fortè tendunt in eandem partem; retardant verò, cum obliquantur in adversum. Sed ad ætuationis historiam.

Inprimis, Mæotis, Pontus Euxinus, Propontis, Egeum, Caspium, nullo, qui ferri possit, ætu recipiunt.

Hæc



Hæc olim confessa, hodierno experimento comprobantur. Mæotis enim in Pontum, manifestò, Caspium occulto, ut putant, meatu, Pontus in Propontidem, & Ægeum, more fluminum delabuntur, nunquam sursum refluxo mari: Mediterraneum tamen æstuat: didicique olim à Plinio, ubi ait, multas tranquillo mari nullo velorum impulsu i tertio die ex Italia Uticam in Africa provèhi, fervente æstu. Fretum etiam Siculum bis singulo quoque die naturali, alternat æstum, ait lib. 1. Strabò, ad Oceanum & Lunæ legem. In ora tamen Italica, Gallica, Hispanica, inquit Scaliger, aliique, vix nisi obscurè intelligi potest, evidenti tamen ad littus Africæ clemente decrementoque. Sui etiam curâ aliquid elevationis depressionisque in Massiliensi portu deprehensum ait Scaliger: & de Hispanica ora, est quod aliquid amplius suspicer. Nam ex obsidione Carthaginis novæ in Hispania, libro 6. dec. 3. apud Livium intelligo, Mediterraneum moenia urbis inaccessa facere effluente æstu, nudarique recedente, & id perquam opportunum fuisse, oppugnanti Scipioni. Adriaticum verò Venerias usque, satis manifestò, & ad duas orgyas etiam, ut quidam referunt, attollitur, supprimiturque. Jam mari interiori in Oceanum exeamus. Hic quacunque latissime in Ostium, Occasum, Boream, Austrum patet, rarissima exceptione, tumescit, detumescit, etsi non in eandem altitudinem ubique. In toto Septentrione nostro, Norvegia, Dania, Hollandia, Flandria, Anglia, æstus est cum maxime insignis; aded ut supra Britanniam ostrogenis cubitis intumescere, auctor sit Pythias Massiliensis, inquit Plinius. Unde hoc merito & valdè mirum, mare Balticum, cui se inter Norvegiam & Daniam infundit Oceanus, ne quidem tantillum æstu, ut scribit Bartholinus. Dantes se mo-

Estris 1

Lib. 2.

cap. 97.

In littore etiam Africæ, à freto Herculeo ad Canerî Tropicum, exiguis, ut referunt nautæ, est fluxus: ultra verò, juxta Nigrum fluvium, vulgò *No grande*, satis notabilis, & quantus in Lusitania: ad Insulam S. Thomæ, sub ipso æquatore, qualis Venetiis. In littore Mexicano, Cuba, & vicinarum insularum, vix se erigit; cum Oceanus Pacificus ad Patnam, ad duas etiam leucas excurrat. Circa Teieras aliquantulus est, sed inferior Hispanico. In freto

Magellanicò sat altus: in quo etiam utriusque Oceani flus sibi obviam veniunt, ut à nautis accepisse se narrat Jos. Acoſta. Denique Oceanus occidentalis majori æſtu ſe inflat, quàm orientalis; adeò, ut regem illum fluviorum Maragron, ſive Amazonum, in America, cujus oſtium latitudinem maris Mediterranei ſuperat, ad 100. leucas ſupinet, & ſurſum refleſcat. In Indiis orientalibus tamen ad Patalam, quæ nunc Cambaiæ in ipſis faucibus Indramnis, maximus eſt & inſolens æſtus; qui flumen ad 30. etiam leucas retrò agit, in modum rapidiſſimi torrentis: quæ res ignara olim Alexandro, ſubitam & magnam trepidationem claſſis ejus inſepit: deſcribit graphice lib. 9. Curtius. *jam aſſat, inquit, tota circa flumens campos inundaverat, tumuli duntaxat tantis montibus, quæbat inſulis parvis: in quos plerique trepidi omiſſis navibus in mare impetunt.*

Alibi etiam multis locis flumina retrocedunt verſus fontes ſuos cum marino æſtu: ut plurima in Luſitania, Scaldis in Belgio, Bætis in Hiſpania, Garumna in Aquitania: Tamifis in Anglia etiam ad 50. miliaſſa repellitur.

Quantum verò ad tempus & legem, quam ſervant plerique omnes æſtus, notat Plinius, alique prænè à calvo ad calvum omnes, reſque in Oceano noſtro Flandrico eſt pro compertiſſimâ: attollente ſe ſupra horizontem Lunari ſedere, mare paulatim intumeſcere, donec perveniat ad Meridianum coeli faſtigium: tunc verò toto ad horizontem uſque occidentum deſcenſu relidit: ubi ſtatim iterum inflari incipit, nec ceſſat, niſi cùm Luna Meridianum & punctum mediæ noctis attigerit, ibi ſecundò ſorbetur & detumeſcit, quouſque ſcdus ad Ortum ſe reduxerit. Itaque bis die uno naturali, & quod excurret, aſſumpunt maria, & refluunt. Luna enim intra 14. horas ad horizontem, unde exorta, ſe revehere non poteſt, cùm interea temporis circiter gradibus motu proprio in Ortum reciprocaverit, quia adjiçendi 14. iſtis horis ſex igitur paulò amplius horæ turgescunt, deſiduntque totidem. Hæc regula communis, quam pauciſſimæ infringunt exceptiones. Tres tamen ſunt. Primò, Scaliger Exercit. 32. aſſeverat, Garumnæ Oceano Aquitanico ſeptem horis intumeſcere, cùm quique tantum detumeſcat.

Secundò, Oceanus juxta fluvium Nigrum in Guinea & Africa,

ficit, medio inter Aequatorem & Tropicum Cancrī spatio, quatuor horis instar rapidi torrentis affluit, octo refluit, Aloysio Cadamusto fido mihi teste.

Tertio famosus ille inter Aulidem & insulam Euboeam Euripus dicitur septies die naturali reciprocare. Livius tamen lib. 8. dec. 3. *Fretum Euripi*, inquit, non septies die, sicut fama fert, temporibus stasis reciprocatur: sed semel in modum venti nunc huc nunc illuc verso mari, velut monte praecipiti devolutus torrentis, rapiunt.

Sed contra audiamus etiam de eodem Pet. Gyllium in illis locis non ita pridem peregrinum. Equidem in Chalcidem cum venissem, ait, Livii sententiam probare non poteram cum nullo flante vento certis temporibus contemplerer modò ferri ab Ortū Solis, modò ab Occasu, tanto impetu, ut ventos contrarios & plena navigia contra navigantia secum asportares: molasque multas ab eo versari vidi aliquot horas ab Ortū ad Occasum Solis. Cum autem ipse à molestis naviis, qui ex molarum motu accessum & recessum omnium maximè animadvertere habent necesse, percunctatus essem: quoties & quot horas nunc huc nunc illuc converterentur molae, responderunt communiter, intra 24. horas cursum quater mutari solitum esse; sex horis ab una parte accedere, totidem ab altera recedere. Cum autem adungere inciperent, esse quaedam tempora, cum has certas vias non observaret, & ipse nimium assensu vulgi & animo excipiens illorum sermonem, & rei veritatem scire cupiens, quenam essent illa tempora, inquirere aggressus, deprehensus à quibusdam Corycaeis, & repente correptus, ut explorator, aliquandiu in custodia retentus sum. Male sit illis Corycaeis nebulonibus; ego jam scientiam istam devoraveram, quam è faucibus eripuerunt.

Molitorum tamen istorum in Euripo testimonio liquet, quater solùm die naturali, non septies, (nisi fortè quandoque, quod Gyllius ex ipsis, nimis avidè, & exento collo, addire cupiebat), redire motus: ideoque bis fluere, totiesque refluire, secundum Oceani leges. Aristotelem in Euripo periisse, Justinus Martyr, S. Gregor. Nazianzenus, Procopius affirmant; cum Chalcidem, quae Euripo alluitur, Athenis clam profugisset, impietatis ab Eurymedone Hierophanta acceritus, ut inquit Laetius. Ibi enim Euripi reciprocationem admirans, nec causam ejus satis sapiens, inulit post haec verba, inquit *Ἐπὶ δὲ Ἀγρι-  
νιάδῃ, ἢ τῷ Ἐυρίπῳ, Ἐυρίπῳ ἢ Ἰχίτῳ τῷ Ἀγρινιάδῳ. Quan-*  
doquidem

doquidem Aristoteles non cepit Euripum, Euripus capiat Aristotelem, Sed non credo Principem nostrum tam fuisse vesanum, uti nec Hermippo, qui scripsit, anno ætatis septuagesimo Chalcide bibisse aconitum: magis Apollodoro, qui anno tertio & sexagesimo, climactere, ac naturali morbo, & ut alii, debilitate (à studiis & meditatione, ut opinor) Demochi defecisse: quo etiam tempore Demosthenes in Calabris discessit.

Aliquando etiam à causis naturalibus, aut divinis, accidunt insolentes ætus, ut inter prodigia Anni 1550. sub Edovardo Angliæ Rege puero, refert lib. 2. de Schismate Anglicano Sanderus, ad xvi. Cal. Januarias, Tamesim juxta Londinum ter intra novem horas fluxisse ac refluxisse. Hoc etiam in risum accipe. In mari Erythreo, ait Exer. 52. Scaliger, sanus est ætus, ut naves Sacrarum litterarum temerè mensuris suis, Moysen in secro transmisisset, nectum resurrectionis occasionem. Quod tamen, inquit, fieri non potuit: præterea quod ad Sueti nomen (est oppidum) quod intimo in recessu jacet, mare operis latus illud, neque unquam regrediens ita nudat, ut inferiores partes, quæ transiunt Hebrei, suâ decensione aperiat. Locus enim tractus, miliaribus Italicis ferè 5. à summo littore distat, ut ex Adriachomio nostro colligi potest. Deinde Exodi 14. expressè asseritur, undam pro muro transeuntibus fuisse à dextris & sinistris, ubi miraculum divinum, sine effugio, apparuit.

## ARTICULUS VIII.

*Septemque aliquot belliores, de causa efficiente marini ætus, rejicte.*

Quod ubique clamare soleo, nos nihil scire: maxime convenit huic disquisitioni, quæ vastas maris morum, clamat Exer. 52. Jul. Scaliger. Et reverà in abditissimo Democriti puteo hæc veritas, si quæ alia, latet. Quam tamen Philosophi omni ævo variè conati extrahere, & belliores aliquot probabilioreque deducemus in pompam. Plato & Stoici hodieque Jo. Keplerus Mathematicus Cæsarius lib. 4. cap. 7. Harmonicæ, terram ingens animal esse credit, quod immanibus pulmonum foliis marinas aquas per intervalla visceribus inspiret respiretque. Additque præter alia quibus terræ animam adstruit (& quæ in libris de Anima, Deo dante, resellemus) Scaldim nostrum apud Antuer-

piam, antequam, air, frequentia illa mercatorum Urbem desereret, uno toto die æstum stetit, quia scilicet animus eam deliquio & spiritus defecisset. Forè etiam Anno illo 1159. tuliverat, cum Oceanus Britannicus ad Tamesim, novem horarum spatio, ter reciprocavit. Et miraculum illud Scaldis, inquit Keplerus, non mediocriter Antuerpiani innotuit.

Verum, terram fabulosum tantum esse animal, alibi ostendemus. De deliquio Scaldis, olim in oculo illo Urbium, & compendio Orbis, Antuerpiæ habitavi, Annis 1607. 1608. 1609. in Illustri, Religiosissimo juxta ac Eruditissimo S. Michaelis, Canonicorum Præmonstratensium Monasterio, Philosophiam professus; nec ego, aut alius, credo, tando aliquid similis monstri unquam accepit. Clarissimo etiam Medico Thomæ Fiemo, mirabilium omnium qui sub cælo sunt, curiosissimo Antuerpiano civi, rem proposui, qui nil, præter risum, reposuit. Exundationes tamen Scaldis & Oceani atroces, Flandri, Zelandi, Hollandi, Brabantii sæpe experti sumus: ut Anno 1521. Sanctorum omnium festo; Anno 1564. 1582. & novissimè 1624 circa festum Epiphaniæ, liquatis subitâ & ingenti eluvione nubibus. *Nostri, & patrum memoriâ*, ait lib. 2. Theat. Bodinus, *Hæcvis Oceanus centum amplius millia jugerum dissipavit aggeribus eripuit.* Nam 70. circiter pagos obruit, quorum adhuc aliqua turres emicant ex undis. Et Lemnius lib. 2. cap. 41. de Occult. dicit suâ, id est, avorum nostrorum memoriâ, Oceanum minimo temporis intervallo quantum hibernis mensibus, in immensam altitudinem extumuisse, misserandâ Belgii clade. Vides ergo, ut animal illud Keplerianum, spiritum non sustinere, sed nimis liberaliter in nos effundere soleat.

Altera sententia eruditissimi cujusdam Mathematici, noli per hic Lovanii, nunc verò Romæ, est, qui æstare mare existimat, quia Angelus aliquis terræ motor (dubitat sub quo zenith) globum terræ attollit supra centrum aliquot subitis, totidemque infra deprimit, certis & modulatis intervallis, cum terra in altum levatur, siccantur aliquotique vada; quia aqua in oppositum hemisphærium, tantquam ad loca jam depressiora, & centro gravitatis propinquiora, defluit: cum verò deprimitur, mare hic ru-

met,



met, quia ex altero hemisphærio ad nos affluit.

Verum hæc imaginatio aliquantò plus ingenii habet, quam probabilitatis.

Primò, Quia nulla sic ratio solida reddi potest, cur non semper æstus sint æquales; cùm tamen constet plenilunio & novilunio abundiores esse, sicciores in quadraturis.

Secundò, Cur cum Luna sex horis pleraque maria surgunt, totidemque resorbentur? An quia Angelus vocando & relaxando aquas cum Luna consentit? nugæ.

Tertiò, pone, si placet, Angelum istum aquarium Amstelrodami in media Hollandia, cùm terram elevabit, non tantùm Oceanus Deucalionæus in Galliam & Lusitaniam defluet; sed Scaldis etiam totus Cameracum usque & ultra, item Mosa relabetur versus suos fontes, aut saltem, si elevatio non sit tanta ut alveum in fontes pronom efficiat, cursum tamen frænabit, aut retardabit. Scio effugium esse in loco & horizonte, per cuius axem Angelus iste centrum terræ adducendo reducendoque librat. Statuamus igitur eum in Palestina Ierosolymis (huc enim doctissimus ille Vir inclinat: ) sed tunc ecce in Jordane, Nilo, Tigri, Euphrate, Mæotide etiam & Euxino, æstum advertere licebit: & universim omnes aquæ etiam dulces, lacubus solùm, qui alveo non egrediuntur, excipuis, reciprocationem & æstum persentiscent. Alia congeri possunt, quæ jam longitudinis verens subterhabeo.

Tertia sententia etiam in Angelos causam æstus rejicit: qui tamen non terram librando sed ipsum immediatè aquæ elementum fundendo revocandoque, reciprocationem faciat. Sic nuper hic centebat Eruditissimus P. Leonardus Lessius, multosque hodie pronos video, quibus non vacat diu in hanc rem speculari, & cerebrum impendere. Probant tamen, quia Apoc. 16. Angelus quidam nominatur aquarum; idèò, vero simili conjecturâ, quia ei à Deo data provincia est æstu reciprocandi mare, cur enim non tam mari assignati spirituales motores, quàm coelis?

Sed Argumentum nimis imbecille est, ut rem tantam sustinere possit. Legenti enim cogitatè locum Apocalypsis, Angelus aquarum statim intelligitur ille, qui effudit phialam suam super flumina, & super fontes aquarum. Unde à cura illa inficiendi aquas extremo illo tempore, non ab officio mo-

vendi

vendi & regendi, videtur nomen accepisse; quod etiam inde adfirmatur, quia de Angelo singulari loquitur: cum tamen unicus non sit, qui universa flumina, fontesque gubernet. Imò Angelus iste aquarius distinguitur ab alio Angelo maris (hic enim secundus est, ille tertius) *qui effudit phialam suam in mare.* Huic ergo potius incumbet munus movendi maris. Sed iterum, cum unicus sit, maris Angelus appellatur, non quia mare æstu ducit ex officio ac reducit (tot enim, & tam distita Oceani membra unus Angelus reciprocare simul non potest) sed quia cura penes ipsum erit, corumpendi aquas maris. Non renuo tamen, Angelos quosdam fluminibus & mari esse præfides: verum hi non efficiunt naturales eorum per alveos motus; sed insolentes quasdam, ad stragem mortalium, inundationes, admirabilesque alios præter ordinem Naturæ effectus, ut *Joan. 5.* motum aquæ Probatice piscinæ &c. ut Lib. 4. circa causam ventorum efficientem diximus.

Si enim Angelis aurigantibus regitur æstus maris, cur aquæ etiam dulces non sollicitantur? cur Rhænus & Mosæ ad scaturigines suas perinde ac quidam alii, non refunduntur? certe enim manifestam hic utilitatem prospicio; & magnis laboribus defungantur homines, ac miseri illi cabilli, qui naves ex Hollandia Mosæ Traiectum & Leodium, adverso & oblucente flumine pertrahunt. Cur deinde Angeli aquarii secundum Lunæ periodos urnas suas effundunt? Ut nautæ ex cælo signum æstus & navigationis haberent, respondebam olim. Sed cur potius non aspiciunt Solem, vidus omnium notissimum? sic enim utilitas signi ad plures spargeretur. Denique nemo non statim videt, alylum hoc ignorantie esse: quo sine ratione, ac cum injuria Dei & Naturæ confugiunt. Imò verò cum magna in Deum, inquit, pietate, qui Angelicam etiam hucusque manum demittit. Nego tamen, quia dum effectus istos in tam confessæ potentie causas rejiciunt, detrahant admirationem; & non paulò profundius in Sapiëntia divina Potentiaque obstupescam, quæ causis etiam istis corporeis dare potuerit tam admirabilis effectus virtutem.

De motu cælorum diversa longè ratio est, ut Lib. 4. circa causam motricem ventorum est explicatum; nec ibi indicia alius causæ habemus, quæ hic palam se ostendant.

Et hinc etiam satis refelluntur, qui solum Deum sine ullo  
causæ secundæ cōitu, æstus creare existimant.

Quarta opinio Philosophorum Saracenorum est, nec  
aspernatur Mirandulæ Princeps lib. adversus Astrolog. 3. cap.  
15. Putant mare unum in littus excurrere, ut alteri se na-  
turali appetitu conjungat: melius enim & tutius adversus  
contraria se protegent, si confluerint, viresque confunde-  
rint in unum. Verum, si tantus foret in aquis conjunctio-  
nis amor, & duo vicini lacus intumescerent, & medio quo  
interpolantur terræ spatio se superfundere cōarentur.  
Et cætera quæ jam diximus, hanc opinionem satis respu-  
unt.

Quintus exeat Rogerius Bacon, qui in Epistola ad Cle-  
mentem V. gloriatur, se causa marini æstus unicum & pri-  
mum repertorem. Luna, inquit, præcipue & partim Sole  
rarefcit, & spiritu multo inflatur mare; quo expirante &  
consumpto denuo conflagrescit. Consumitur autem maris  
spiritus, cum Luna ad Meridianum venit, qui radio perpen-  
diculari, & angulis rectis, qui fortissimi sunt, superficiem  
aquæ pertundit. In ascensu vero, cum radius oblique in-  
cideret, ad resolvendas & commovendas non obsumendas  
exhalationes, valebat.

Sed quantumcunque placeat sibi Bacon, mihi satis dis-  
plicet. Cum enim Luna a fastigio cœli ad Occasum defluit,  
pari angulo & obliquatione mare despicit, atque dum in  
primo cœli quadrante cliyum inter Ortum & Meridianum  
ascendit, cur ergo etiam tunc spiritus insistentes non re-  
solvit? Deinde, quis credat, meridianæ Lunæ radiū, qui  
non altè infra aquæ superficiem penetrat (Solis quippe  
radius, tantò fortior, vix ad 15. cubitos pervenit) tot &  
tam celeriter spiritus absorbere, cum extra plenilunium  
vix ac ne vix calorem, aut vim aliam rarefacientem expe-  
riamur, quæ insigniter tactum afficit: & denique, quo  
modo spiritus illos hic dispellit, ubi oppositum cœli ver-  
ticem & antipodum Meridianum tenet?

Sextus igitur amplius non paulo ingenii habet, Thomas  
Lydiatus, Anglus, & Baconis conterraneus. Is nobis sub  
fundo maris, ut olla quadam ingenti, vastos bituminis ar-  
dentis ignes accendit, quorum exhalatione mare subinde  
appollaeur & tumescit. Ita enim facilis erit causa, cur solis  
falsa

salta exæstuent; quia nempe idem bituminis spiritus, qui falsedinem (ut nos quoque antè censuimus) etiam æstum facit. Dissolvetur deinde sic non difficulter Gordius & inexplicabilis ille nodus; qua ratione Luna ex altero hemisphærio mare nostrum æstu attollit, quia scilicet altissimi quidam in mari gurgites sunt pleni ardenti bitumine, qui terram totam (licet non per medium & diametrum) ad antipodes usque perforant; per quos unda de hemisphærio in hemisphærium perpetuò comseat & rebullit. Nec fabulosos esse tales sine fundo gurgites, ex lib. 1. Rerum Septemtr. Olai ostendi potest, ubi plurima loca Oceani Norvegici, circa cautes præsertim & scopulos, fundi, per infinitas propemodum funium spiras inexplorandi esse scribit & de quâdam ibi voragine; quam *Moslastrom* appellat, *Mare*, inquit, *ibi intra cavernas accedente fluxu inflatur, & effluxu reflatur, quanto maximo impetu deferuntur torrentes vel rapidi fluitus. Navigatur hæc mare periculosissimo eventu, quia iniquo tempore navigantes subito rapiuntur in voragines circulares. Verosimile igitur hanc, aliasque multas Charybdes terram in adversum hemisphærium pertundere.*

Sed licet vultu admodum probabili hæc sententia statim occurrat, inspecta tamen non est similis suæ fronti.

Primò, Quia valdè effervescente aquam oporteat, & tactum pænè adurere, si ardente spiritu ita rarefiat & turgescat; olla enim, nisi longè ultra teporem incalescat, non altè inflatur & ebullit; nemo tamen insigniorem marinæ calorem æstu tumente, quàm siccò, percipit: nec fluxus ille, idcirco æstus appellatur, quasi mare in eo reverà æstuet & ferveat; sed metaphoricè solum, & quia surgit & ebullit, ut olla suppositis ignibus, solet.

Secundò, Naves pleno & inflatissimo æstu altius, pari onere, deprimeretur; quia in aqua rariori æqualis gravitas magis succumbit: inde enim est, ut navis in mari, quod est aquæ densioris, non tam profundè, quàm in flumine descendat.

Tertiò, Torum Oceanum, in orbem circumquaque perforatum usque in adversam terræ partem, non in Septentrione tantum & raris quibusdam gurgitibus, esse oportet. Nam in quocumque paralleli sui puncto centrum Lunæ consistat, mare semper in opposito hemisphærio ebullit & æstuat.

æstuat. Neque foramen unum in Norvegico, v. g. sufficit ad implendum æstu totum Oceanum nostrum usque ad Hispanias, dum Luna ab Occasu ad punctum mediæ noctis scandit; si namque tota aqua ab inferiori hemisphærio per foramen illud mari nostro infundi debet, prius in Norvegia, quàm Hollandia, Flandria, Britannia, intumescer æstus, paulatimque tumor, & sat longo pòst tempore ad littora nostra perveniet: quod tamen compertissimum vanitatis; quia Norvegicus, Hollandicus, Britannicus Oceanus sub eadem longitudine & Meridiano simul assurgit.

Denique, Periodica ista constantia æstus satis impressè asserit, se non in incendio aliquo incerto, & sibi sapè, quàm magnitudine quàm fervore, dissimili, causam habere. Ignes enim quicunque sub montibus aut mari, pro affluxu aut penuriâ materiæ ac pabuli, plenius aut malignius aluntur: apparebitque, sine dubio, similis inconstantia in æstu. Ut quid etiam surgente Lunâ reviviscere incipiunt illi ignes, & spiritum spargere quo undas attollant, ac deinde consopiri statim, ubi sidus à Meridiano in Occasum descendit, idque certâ semper & immobili lege? Quia Luna, reponit Lydiatus, incendia calore suo exfuscat. Nam licet bitumen flagret in aquis, ab externa tamen causa accendi oportet, aut mole aquarum semisopitum recreari. Sed perfectò magis id à Sole, quàm Lunâ, *ὡς δὲ ἔστιν*, Sole quodam *ἄμβρα*, ut vocat Theophrastes, fiet; & deinde radii Lunæ aut Solis non trajiciuntur ad fundum usque maris: nedum est, ut calorem tantum importent, qui bitumen, etiam altissimorum gurgitum fundo parietibus illitum, flammet.

Ex his denique non valdè æstimari potest lib. 2. q. 1. Meteor. Thimon, qui Solem aquarum rarefactione evocare æstus credit. Sol enim nec tantum valet, ac sub Torrida magis abundaret æstus, nec cum Luna, sed Sole maxime congrueret ejus periodus, quæ omnia experimentum longè respuit.

Andreas Cæsalpinus tandem, veteri Seluci Mathematici paradoxo agmen claudat. Maris æstum, terræ motus Pythagorici & Copernicani effectum sentit. Sed non potest licet Solem stare, & terræ motum istum diurnum in orbem, & fabulosum, pro vero demus. Nam, vel mare æquo passu, ab Occasu in Ortum, cum terra, spatio 24. horarum



rarum, circulum circa terræ centrum absolvit ( & ita ab hac causa nullus æstus apparebit ; ) vel si assequi terræ motum non valeat ( quia fortè lubricus & instabilis liquor parem cum teria imperum capere non potest ) in occasum tantum refluet, perpetuusque in illam partem inclinabit ; quia scilicet motus terræ circa centrum, ab occasu in ortum semper incedit. Deinde non solum mare, sed universa flumina & lacus, in occidentem retrò fluent ; quia à motu terræ relinquentur, qui celerior in orientem eos prævertet.

## ARTICULUS IX.

*Luna, princeps causa marini Æstus. Sol tamen etiam in partem aliquam venit.*

SI ex effectu, de causa conjectatio valere potest, tam scompertum videtur, æstus effici & gubernari à Lunari sidere, quàm calorem ab ignibus effundi, aut lumen à Sole. Unde enim Solis illuminationem intelligimus ? quia, haud dubie, quoties surgit, lumine omnia perfundi oculis cernimus ; ita quoque, cum Luna ascendente mare in fermento esse & intumescere sensim incipit ; eaque lex constans est, & inviolabilis, ut omnium nautarum & curiosorum fide constat. Idèò etiam est, ut singulis diebus una ferè hora seriùs assurgat æstus ; quia Luna motu proprio reciprocatur in ortus, & una etiam ferè hora tardiùs, quàm præcedenti die, ad horizontem venit. Nec valdè refert, quod rarissimis quibusdam exemplis, & fortasse vanis, quidam nitantur adversus hanc legem ; sufficit enim ut pleraque maria, & totus noster Oceanus, eam sequantur ; & exceptiones quæ in fretis quibusdam, & alibi evenire possunt, in locorum iniquitatem, & impedimenta cætera, rejicere debemus. Nec etiam, quamvis altè, contra infinitos alios clamantem, Picum Mirandulæ Principem, lib. 3. cap. 15. adversus Astrol. audimus. *Non respondent, quæ respondere sit necesse : ut cum aucta lumine Luna, cum velocior cursu, cum propinquior terræ, cum declinans ad Aquilonem à via Solis, cum signis Aquilonaribus posita, tunc uberiores fiant maris accessus: contra tenuiores, cum se aliter habet.* Hæc enim partim falsa sunt ; aliorum, cur non ita accidunt, rationem postea ostendemus.

Verissimè etenim de Provid. cap. 1. Zeno Romanus: *Vnde ad horam ac diem subeunt, ampliores minoresque, prout illas Lunæ fides elicitis, ad cuius arbitrium Oceanus exynavit.*

Alios sine numero & sine subterhabeo. D. Thomæ sententia est, 1. p. q. 105. a. 6. alibique: D. Ambrosii lib. 4. Hexaemer. cap. 7. D. Basilii Hexaemer. Homil. 6. quæ Diariis & Ephemeridibus omnibus nauticis satis affirmatur. Ut enim ex Thesaurο marino Luca Aurigarii Hollandi, Claudio Dureto, aliisque, & experientiâ ipsâ liquet; præterquam quodd singulis diebus, ut antè monui ferè una hora, sive 48, minutis, æstus tardius, ob recessum proprium Lunæ in Zodiaco, inflare se incipit; ab interlunio etiam, sive Lunæ cum Sole conjunctione, paulatim minuitur ad primam quadraturam, sive semilunii tempus, septimo, circiter ab interlunio, die; quando siccissimus aut nullus est fluxus: ideoque nautæ mare mortuum, Veneti *acqua stanca*, tunc appellant. Ab hac quadratura ad plenilunium, sensim increbescunt rursus & implentur æstus, aded ut plenissimus incidat in decimum quartum, & ipsum diem oppositionis. Hinc iterum ad ultimam quadraturam quotidie perpetuo relanguescunt. Ubi iterum inanes, & præne nulli sunt: quod circa 21. à conjunctione diem evenit. Unde natum proverbium Venetis:

*D'a vent uno à venti due,*

*L'acqua non vâ ne su ne giù.*

A quo tempore pedetentim denud se promovent, usque ad interlunium & conjunctionem. Ex qua lege & periodo discimus, interlunio & plenilunio altissimos fieri æstus: cum hoc tamen discrimine, quodd, omnium nautarum testimonio, plenâ Lunâ sint aliquantò pleniores, quàm sicca & silente, id est, in conjunctione. Unde meritò plenilunio & interlunio, mare vivum; in utraque quadratura mortuum vocare solent.

Qui hujus etiam rei diligentiores fuerunt, totum cœli ambitum ab Ortū ad Occasum in octo puncta diviserunt, quatuor scilicet fluxus, & totidem refluxus: quorum bina fortia, alia duo, debilia appellant. Quodd ut capias, totum cœlum; & parallelum quem Luna motu primi Mobilis spatio 24. horarum & 48. circiter minorum circumcursu in quatuor quadrantes secare oportet. Primus arcus ab horizon-

horizonte Ortivo ad Meridianum & cœli culmen tendi debet; alter à Meridiano ad horizontem Occiduum decurrit; tertius, hinc ad punctum mediæ noctis; quartus, inde ad Ortum redit. Singuli autem arcus continent 90. gradus; cum sint 4. segmenta æqualia totius ambitus cœli, qui gradus 360, habet. Cum autem Luna per primum arcum ab horizonte ad Meridianum ascendit, intumescit æstus, & initio quidem parum se movet, deinde medio inter horizontem & Meridianum spatio, ac in puncto quod 45. gradibus ab utroque circulo distat, vehementius; usque dum Luna ad Meridiani culmen enisa fuerit, ubi stat fluxus. Hinc igitur punctum in quo parallelus Lunæ horizontem interfecat, vocant punctum debile fluxus; alterum verò, fortè, quod 45. gradibus ab horizonte, & culmine nostri hemisphærii distat: quia scilicet cum Luna eò pervenit, robustior longè & incitator sit æstus. Luna deinde à Meridiano paulatim in Occasum, per secundum cœli quadrantem, delabente, detumescit, molliter in principio æstus (ideoque hoc meridiæi punctum, vocant punctum debile refluxus:) sed celeritate manifestâ torrentior fit, ubi Luna ad medium inter Meridianum & Horizontem punctum descenderit: quod eâ re appellant punctum forte refluxus. Ubi autem Luna Occasum attigit, cessat refluxus; rursusque mare secundo æstu erigere se incipit, duratque incrementum, donec tertium cœli quadrantem, usque ad Antipodum Meridianum, sidus decurrerit: & inde ad ortum nostrum, toto scilicet ultimo quadrante, secundò supprimitur & tumorem ponit. Et puncta fortia ac debilia in nocturno illo paralleli arcu statuenda sunt similia diurnis.

Unde puncta fluxus debilia sunt, ortus & occasus: fortia verò, punctum medium inter Ortum & Meridiem, & medium inter Occasum & punctum mediæ noctis: id est puncta media duorum illorum cœli quadrantum, in quibus mare fluit. Puncta debiliare refluxus sunt, punctum Meridiæi, & mediæ noctis: fortia, punctum medium inter Occasum & Meridiem, & inter Ortum & punctum mediæ noctis, id est, puncta media duorum quadrantum quos cum Luna pererrat, æstus detumescit, præter autem varietatem illam duplicem fluxus & refluxus, quotidianam scilicet, & mensuram, quam jam enarravimus; est & tertia, annua, quam

quam Posidonius lib. 3. apud Strabonem à Gaditanis se accepisse dicit. Non enim circa totum annum sunt pares æstus. Verum quippe illud Taciti Annal. lib. 1. *Sidere æquinoctii maxime Oceanum tumescere*: id est, cum Sol initio Autumni & Veris Æquinoctialem ambit: circa Tropicos verò mitescunt æstus, sive potius, circa æstivum Solstitium; nam hieme totâ, & quoties abundant aquæ, æstus quoque tunc nobis abundiores. Quanquam Plinius lib. 2. c. 97. affirmatè dicat, *Æquinoctiis maxime inmentes, & autumnali amplius, quam verno; inanes verò brumâ, & magis solstitio*: de Solstitio facile dederim; de Bruma, propior sum abnuenti. Luna Aquilonia, etiam inquit, & à terris longius recedente, *mitiores sunt æstus quam cum in Austros digressa, propiore nisu vim suam exerceat*. Cui pronius non paulo credo quam Gemmæ nostro, in Astrolabio suo, c. 91. docenti, Lunam in Apogæo, vel etiam in superiori Eccentrici portione plus facere ad concitandos maris impetus, ob motus triplices minime differentes: scilicet Epicycli, Apogæi medii, atque orbium qui augem Eccentrici deferunt, omnes enim moventur contra Signorum seriem; id est, ab ortu in occasum. Addit tamen deinde, cum vultu propiore terras perlustrat, in infima videlicet parte Eccentrici & Epicycli, ad exaugendam aquarum molem, potentiores esse, licet in moventis fluxibus non nihil juris amittat. Sed reverà, si propior, & ad mota terris, in aquarum incrementa valet, etiam in fluxum & æstus validior tunc erit; cum præsertim aquarum molem magis inflando, quàm novâ partium aliquarum generatione, augere videatur.

Ex quibus refellitur, quod initio objecit nobis Princeps Mirandulanus. Nam Luna propinquior terris (nisi quid aliud vim ejus eludat) æstus abundiores facit; quod differtè paulò antè confitebatur Plinius; licet tamen fortasse incrementum non tam evidenti discerniculo in oculos incurrat. Transgressa etiam Eclipticam, ad partes Zodiaci Aquilonares, et si radio directiore maria nostra feriat, non intendit tamen insigniter æstus; quia tunc circa Eccentrici Apogæum longius refugit à terris, limes enim ejus Boreas elevatior est Austrino. Deinde, vis illa magnetica, quàm Luna in mare jaculatur, non est fortè instar luminis, quod retrunditur & reflectitur à corpore opaco, & reflectitur ad angulos rectiores se magis multiplicat; (quomodo

sol in Signis Borealibus, cum à vertice nostro propius abest, affluentiùs nos illuminat & calefacit) sed opaca juxta ac transparentia, rara, densa, sine discrimine penetrabilis & irretorta permeat; ut latius statim diducemus. Quod etiam in semiluniis magis, quàm noviluniis, langueant æstus, cum tamen illo tempore Luna auctior sit lumine in facie imminente terris; non idè ostenditur ab ea non moveri æstus, sed Solem in conjunctione influentiam ejus adjuvare; quod etiam pro comperto habemus; quandoquidem pro vario Solis aspectu intendat aut relaxet vehementiam fluxûs; item interlunio, cum in eodem cœtu est utrumque sidus, tumidissimus (si plenilunium tamen excipias, quando paulò adhuc altiùs turget) est æstus. Sed omnia hæc explicatiora fient sequentibus.

## ARTICULUS X.

*Quæ virtute Luna æstus moveat.*

**L**umine, inquiunt aliqui; omnem, præter lumen, influentiam astrorum occultam respuentes. Sed defendi id vix potest; quia interlunio, cum Luna in parte obversa terris, sicca est & illunis, grandes tamen æstus attollit.

Dico tamen primò; Lumen æstus stimulat, & in majus extollit. Patet, quia plenilunio abundantissimi sunt, quando facies sideris terræ impendens lumine turget; item interlunio, cum lux Solaris, Lunæ adest, & summam saltem aquæ cutem diducit, inflat, & ad æstum præparat. Nihil etiam compertius est, quam medullas animalium & omnium plantarum, plenitudine Lunæ turgescere. Unde etiam qui capite inoperto ad Lunam ambulant, humores cerebri commoveri sentiunt, & meninges cum dolore intendi. Sed esse tamen in lumine principem vim motricem, & ex æstu tempore interlunii jam probavi, & ex Oceano Torridæ ostendi potest, qui & à Sole & à Luna maximè luminatur & calefcit, & tamen infra Deucalionem & Hollandicum nostrum æstuat. Deinde, Sole, Lunâ, & omnibus sideribus nubilo conditis, pares, atque sereno, fiunt æstus; igitur non siderum lumine, quod tunc tenuiter & malignè per nubium obstacula in mare se transfundit.

Dico secundò; Vis ista Lunar, per rarefactionem,  
mare



mare non attollit. Ita videtur, contra Laurentianōs Colb-  
nienses Albertistas, in Commentariis Anno 1491. editis,  
Valesium lib. Sacræ Philof. c. 32. Baconem, Contarenum,  
& sine fine alios. Probatur tamen, quia, inprimis, æstu fer-  
vente naves altius in aquam rarefactam deprimerentur,  
submergerenturque plurimæ; ubi præsertim ad duas tresve  
orgyas æstus intumescit. Sic enim Anno 1531. in magnō  
illo Lusitanæ terræ motu, mare ibi multo & fervente spi-  
ritu tumidum & rarescens, multarum navium oneri succu-  
buit, hausitque in profundum. Nam ut onus in aqua nare,  
oportet levius esse aquâ paris cum eo dimensionis, ut de  
humido vehentibus docet Archimedes. Aqua verò antè  
densior & gravior pondere navis, rarefactione discerpta &  
explicata, levior efficitur; & id eò magis, quò raritas est  
amplior & dissolutior: amplam autem satis esse oportet,  
ubi ad duas orgyas, id est, duodecim pedes, aut altius æstu  
pleno mare ascendit. Secundò, raritas, vel motu locali  
violento corpus densum dissipante, vel caloricâ alterati-  
one (nec enim aliam causam experimur hîc) efficitur.  
Priori modo Luna mare non rarefacit, igitur posteriori;  
sed hic etiam refellitur: quia Sole, magis calórico, quàm  
Lunâ, regerentur & tumerent æstus. Deinde, ratio nulla  
solida esset, cur aqua marina salinis infusa, vel vase hausta,  
& radiis Lunaribus exposita, non æstuarer, calefieri enim  
aut intepescere facilius longè, quàm totum mare, potest.  
Æstate etiam, quàm hieme, altius ebullirent æstus.

Dico tertio; Nec etiam mare subiectum, tumore quo-  
dam, vi magnetica, Luna suspendit. Sentire tamen id lib. 2.  
c. 97. cùm Lunare sidus vocat, *ancillam trahensque avido hausu  
maria*, videtur Plinius; consentiuntque, præter alios innu-  
meros, Ludov. Coronellus lib. 7. Physic. Lemnius lib. 2.  
c. 21. de Occult. Tartaretus lib. 2. Meteor. Scaliger Exer-  
cit. 52. & in 2. d. 14. q. 3. ex Albumazare optimè explicat  
Scotus. Hæc olim opinio mihi etiam displicita non est,  
nunc non valdè placet. Sunt enim quædam quæ me aver-  
tunt.

Primò, si altissimè sub Lunæ centro mare tumet, & in  
circuitum istum aquarum undique, ab Ortui, Occasu, Aquilone,  
Austro contrahuntur undæ, ergo Oceanus noster  
omni æstu versum Zonam torridam, & mare Lunæ directè  
subiectum,

subjectum, confluet, quia illuc à sidere illo ancillante seu trahente advocatur, nec unquam littora septem subjecta trioni implebit.

Secundò, In torrida & locis vicinis quos superneat Lunare sidus, inflatissimi erunt æstus; cùm ibi sit vertex montis illius aquei, qui pari cum Luna passu orbem circumambulat. Secus tamen est; & Flandricus noster Oceanus non paulò humidius, quàm Americanus, exæstuat.

Tertiò, Vix nautas in Oceano navigantes fallere poterit hic aquarum tam altus tumor & gibbus.

Quartò, Cardinalis Contarenius, universos ejusdem maris portus, ad quos simul Luna spectare potest, uno tempore compleri affirmat: & Josephus Acosta à fido nautæ accepisse dicit, maris Pacifici & Oceani orientalis æstus sibi in freto Megallanico occurrere: quod manifestè vincit utrumque pelagus eodem momento intumescere. Nam si Luna exoriente Oceanum v. g. Moluccarum, aut Madagascar, in tumorem aqueum contraheret, undas ex freto Magellanico & mari Pacifico versus ortum alliceret, & utriusque maris æstus in eandem Mundi partem, id est, in ortum, inclinaret, nec unus alteri obviam procederet.

Quid ergo nos amplectimur, postquam alios omnes rejecimus? Decrevi panè nihil, & complicare manus. Arcanum enim naturæ magnum est marinus æstus: de quo faciliùs quàm causam respuat, non quam admittat, videre possis.

Diu tamen fluctuatus, in hanc imaginationem ferè delabor.

Primò, Vim illam Lunæ, citrà insignem rarefactionem, spiritus in fundo maris demersos evocare in superficiem; hi enim sunt qui aquam inflant, & hac illac diffugientes discerpunt. Prob. quia hac via incommoda rarefactionis evitantur, nec difficulter intelligitur, quomodo duo ejusdem maris portus, quorum unus ad ortum, alter ad occasum, uno eodemque fluxu compleantur. Deinde, Contarenius Adriatici æstum è fundo ebullantem dicit se deprehendisse; quia medium mare jam intumescere incipit, sicco adhuc Venetorum portus; & inde tumor in littora & portus decumbit. Signum igitur est, non totam aquam una inflari; sed illam primam, quæ spiritibus fundum gravi-

tate suâ & madore, quo onerantur, obsidentibus, superest & incumbit. Nam si universa alvei aqua simul turgesceret, illa quæ littora allambit, non seriùs quàm quæ medium alvei tenet, insurgeret. Sic etiam utcumque fluctum illum tranquillo, qui me semper jactavit: cur aqua è mari hausta vim etiam Lunæ non perinde sentiret, atque refusa in alveum; quia (jam inquam) spiritu illo multo ac conferto qui è fundo sursum ebullit, non sustentatur, & tollitur in altum, cum in vase eam tenemus.

Hinc conspectaneum est, non aquam maris præcipuè, sed spiritum illum (ita voco, quia substantia quædam natura sua fortasse aridior est, etsi humore nequaquam levior, & aquam quodammodò animat) à Luna sollicitari, & in ærem attrahi, aut expelli. Et inde rationem sumo cur flumina & insulsi lacus, aut maria quædam non æfluent; quia scilicet spiritu isto motore copioso destituuntur: aut certe fluminum & aquæ dulcis affluentia virtus aut qualitas illa heberatur vel extinguitur, quâ se in obsequium Lunæ spiritus movet, aut ab ea movetur. Et hinc multitudine fluminum diluta maria, ut Caspium, Euxinum, Balthicum, sunt sine fluxu.

\* Quod deinde Oceanus Aquitanicus septem horarum æstu Garumnæ influit, recipique se quinque solis horis in alveum, causa penes copiam spirituum, aut tarditatem qua se difficulter & serò aquis expediunt & in aeris libertatem veniunt, haberi debet: aquarum etiam inter scopulos huc illuc, ex illusione, reciprocatio, devexitas, & inæqualitas fundi, denique venti quibusdam locis solennes & serè perpetui, ac flumina incurrentia; hanc & similem aliam, ut in Euripo, Guinea Africana, irregularitatem facere, aut adjuvare possunt. De ventis, Flandri nostri suo sæpè malo experiuntur, quantum Circii & Canri incitent Oceani fluxum, & in continentem urgeant ac propellant.

Sed cujus substantiæ sunt, inquiet qui omnia volet scire; spiritus illi motores maris? Aliquis putet è bitumine esse: quia marinum bitumen, nuper decernebamus præcipuam causam salsedinis, maria autem nulla, nisi insigniter salia, æfluant: & huc etiam me nonnihil impellit, quod legere his diebus memini apud Andream Libavium, magnæcæm  
allicere

allicere ad se ferrum spiritu quodam bituminoso, cuius aliqua vena tam magneti quam ferro contemperata est. Videtur ergo spiritus bituminis appetitum aliquem & pronitatem habere ad sequendum vim illam ancillantem & tractoriam. Hoc tamen me retinet quoddam Asphaltites sive mare mortuum bitumine stans & plenissimum, æstum tamen non sentit. Oportet ergo aliter temperatum esse bitumen, ut ad Lunam se moveat: nam alias sincerum omne bitumen æstuarer. Nec, si quæ in magnere & ferro bitumineæ venæ sunt, reverà retinent adhuc substantiam & formam substantialem bituminis: sed materiam tantum & aliquas ejus qualitates, quibus superinducta est forma ferri aut magnetis. Hoc etiam fortasse aliquid nos adjuvabit. Scribit alicubi Swingerus oleum quoddam vitreoli esse quod tumescit cum Luna, & detumescit: quid si igitur similis substantiæ, aut qualitatibus, id est vitriolatæ, ut loquuntur nostri Chymici, spiritum marini alvei fundus obtineat?

Quidquid sit, spiritum tamen esse, vix jam ampliùs mihi in dubio; eumque esse, qui à Lunari sidere præcipuè sollicitur. Sol tamen calore suo, quo aquam molliter fundit, & halitum illum marinum irritat, in parte adjuvat rarior enim paulò & mobilior reditur isto tempore. Et inde est, ut interluniis, quando Sol in eodem cum Luna coetu est, incrementa sumant æstus: uti etiam pleniluniis quando sidus integro & tumente orbe maria despicit; ex aliis enim effectibus certum est, lumen tunc potentissimum esse, quandoquidem arborum & animalium medullas, conchylia, & infinita alia humore turgescere faciat. Vis enim ejus in aliquantulum humoris, & præsertim spirituum raritatem, non dissipationem, valet. In quadraturis autem siccissimi sunt æstus; quia nec Sol Lunam satis juvat, cum ab ea distet 90. gradibus (tunc enim oriente Luna Sol meridianus est; aut contra, ortivo Sole jam medium cœli culmen attingit, æstumque primi quadrantis finivit) nec adhuc sat luminis adepta est ut totos impleat æstus.

## ARTICULUS XI.

*Qua virtus occidente Luna æstus apud nos faciat.*

Scot. in  
2. d. 14.  
4. 2.

**H**Æc una ex quæstionibus est, quibus maximum Indubium debet humanus intellectus. Vicomercatus & universi ferè agmine huc eunt, ut dicant radios Lunæ ab opposito cœli fornice reverberari in nostrum mare: & hætenus etiam tota Scoti subtilitas steterit. *Videtur, inquit, quod radii Lunæ non possint penetrare terram, & idè videtur quod eundem effectum, quem causavit per radios incidentes dum esset in quarta Orientali supra terram eundem causas tunc per radios suos reflexos à Firmamento, dum est in quarta Occidentali sub terra.*

A Firmamento autem? Spatium est nimis immane & immensum. Deinde, cum Luna toties globo terrestri minor sit, non totum ejus hemisphærium illustrat. Unde quo radii terram distringentes longius protrahuntur, eò latius à se abeunt & divaricantur: & proinde si à cœlo, ut speculo quodam, reflectantur, non in mare nostrum recident sed retrò in Antipodes nostros, ubi tunc lucet Luna. Terriò, cum cœlorum Orbes diaphani sint, difficulter radium, præsertim per tantum intervalli retorquere valent. Quartiò, retorqueant sanè, imbecilli tamen erunt & ferè nulli æstus à radio longissima illa reflexione debilitato & evanescentes quod non experimur. Itaque olim, cum sólidos Planetarum Orbes, & Eccentricos Ptolemæi retinerem, sic me expediebam: punctum Antiselenæ, sive partem Eccentrici Lunæ, quæ ei per diametrum semper opponitur, simili virtute, spirituum marinorum motrice imbutam credebam; neque dum fidem istam abjicerem, nisi Cometarum motus mihi fregissent quidquid ibi fuit Eccentricorum. Sic enim occidenti Lunæ vicaria ista Antilene surgebat ab ortu, & mare virtute sua attollebat; ipsi verò Occidente, sedibat ad Ortum Luna, excipebatque mare jam relapsum & destitutum ab Antiselenæ; sicque in oppositis quartis se semper gyrando, movendi ac inflandi marinos æstus sibi invicem lampada tradebant. Sed quid facimus jam, si nulli sunt in cœlis Orbes Eccentrici? Fingimusne Antiselenen & Planetam aliquem invisibilem, qui ex adverso semper, licet Orbe nullo terram ambiente devinatus, adspiciat Lunam?



nam? Tot sunt enim jam in æthere palantes novitii Planeta Medici, Borbonii; cur non & quasdam, fortassis Austriacos, adjicimus, qui cum Luna mare, aut fortè etiam cum Sole regant Orbem terrarum? Quare igitur inquires, non lucent? Quia forsitan materiam opacitate respuentem, aut pellucido transmittentem sine reflexione radium Solis, habent. Aut si id displicet; quantulum peccabimus, si annulum solum aliquem circa totum Orbem terræ concinnemus, in cujus parte, Luna opposita, fixa sit illa Antifelene? Talis enim Cometarum supra Lunam ascensum non impedit, cum annulus unus totum hunc Mundum undique concludere non possit, relinquatque intervalla per quæ detur in superiora transitus.

Duo igitur astræ (& quis scit, an etiam plura?) ceu totidem gemmas, Lunam in Antilunam, sive Antifilenen, gestabit iste annulus. Sed hæc à somnio tuo & imaginatione sunt inquires. Et nonne etiam Eccentricos & Epicyclos, ex ascensu & descensu Planetarum, Ptolemæus somniavit? quam sæpè & ferè ubique, ex effectibus causas somniamus? Si alter æstus marinus expediri, nisi per talia somnia non potest, cui \* Atlantem esse jubes, & vetas somniare? Et ecce \* *Alsid-* tibi aliud argumentum, quod satis ferè impressè Antifelenen istam affirmat. In plenilunio non tantum primus *nei A-* æstus, quem Luna oriens vi magnetica & Lumine suo præsentis inflat, est abundantissimus & maximè insignis; sed *frica* etiam secundus, qui assurgere incipit Lunâ plenâ Occidente, Antifelene verò cum Sole exoriente. Quam autem *populi* causam abundantia ista habet. Non Lunæ plenitudinem, *ngan-* qui lux post occasum, influentiam tractoriam Lunæ hinc juvari non potest; cum radius luminosus per terræ opacitatem transadigi usque ad maris fundum infernè nequeat. Ergo Soli cum Antifelene surgenti tribuere oportet: sic enim etiam Sol interlunio, Lunæ silenti, & lumine in facie terris obversa detectæ conjunctus, æstum plenum & abundantem facit. Verùm, sine ulla etiam Antifelene, *sur som-* alium huic nodo unguem admoveamus.

Quid si influentiam Lunæ occidentis per totam terræ diametrum penetrare affirmemus? Nam lumen quidem per opacum trajici non potest; sed magnetica vis potest: cum si magnetem sub mensa moveas & agites, cultri qui in superficie

superficie jacent, sequantur & subsiliant. Similis ergo Lunæ virtus, nullo terræ obstaculo offensa & hebetata, ex altero hemisphærio ad maris fundum pervenire quidni potest?

Sed vide quàm multa turbent hanc sententiam, quæ à nobis utcunque componenda erunt.

Primò, Æstus nocturni quadrantis, sive quæ à Luna statim occasu incipit, imbecillior & ficior semper erit; quia tota terræ diametro Luna à mari longius distat, quàm quando per quadrantem diurnum ad Meridianum nostrum scandit; agens verò quò longius à patiente distitum est, eò languidiùs in ipsum agit. Respondeo tamèn diametrum terræ, in tanta Lunæ & terræ intercapedine, non esse tam insignis longitudinis, ut evidens discrimen inter unum & alterum æstum faciat. Quod similitudine hac ostendi potest. Luna cum perigæa est, seu proxima terris, una & quinquaginta terræ semidiametris, ex sententia Copernici, à superficie maris distat: Apogæa verò, sive cum longissimè à terra refugit, septem & sexaginta semidiametris; id est, sublimior est, quàm aliàs, octo terræ diametris. Nec tamen ista distantia varietas evidenter se in æstu ostendit; Mathematicè tamen rem æstimando, discrimen aliquod esse oportet. Deinde, spiritus fortasse illi æstum motores, ex altissimis gurgitibus & ipsa abyssio subterranea evocantur; nec tota terræ diametro longius absunt à Luna Antipodes, quàm mare nostrum, illuciente.

Hanc profunditatem principii marini æstus admirabili comparatione significat Illuminatissimus ille Thaulerus Serm. 2. de S. Joanne, ubi cum fundo animæ, in quo Deum nostrum delitescere dicit, & reperiri componit. *Ad hunc fundum, inquit, vel mille miliarium vires attingere nequeunt. Quæ verò latitudo in hoc sese fundo manifestet, imaginis, & formæ, & modi experti est: & neque hic, neque illic habet; sed immensa quedam abyssus est, quæ fertur in semetipsa absque fundo: velut fluxus maris, qui modo in ima merguntur, ita ut nulla quasi illic aqua fuisse videatur; post horulam verò magno cum impetu prorumpunt, quasi omnia sorbere velint. Sic & hic fundus in quandam tendit abyssum in ipsoque propriè est habitatio Dei multo verius, quàm vel in celo, vel in omnibus creaturis.*

Secundò, Vis illa Lunæ magnetica trahit, non repellit motores

motores spiritus; igitur post occasum in gurgites & abyssum potius eos revocabit, inflabitque subiectum sibi apud Antipodas mare, nostrum verò resorbebit nudatis vadibus aut suppressâ ubique aquarum altitudine. Argumentum hoc, fateor, me acriter urit. Et video rarefactionem aquæ & spirituum futuram hic commodissimam: raritas enim rem aliquam quoquo versus in orbem laxat & dispergit. Verum nullam insignem rarefactionem, nisi à calore hîc experimur; calor verò Lunæ aut Solis ad quindecim cubitorum profunditatem intra superficiem maris non penetrat. In hac enim altitudine, piscatores unionum juxta Panamam, mare illud, maximè tamen æstuosum, gelidissimum se experiri affirmant; & alia jam antè contra istam rarefactionem ostendimus. Quid igitur facimus? Scio quosdam esse magnetos qui ferrum non alliciant, sed respuant: quid si talem virtutem Lunæ adseramus? sic enim spiritus maris nostri, cum ipsa apud Antipodes est, revomet & in altum rejiciet. Sed ecce dum de æstu illo nocturni quadrantis sollicitus sum, diurnum omni jam causa destituo. Nam si repellit spiritus & mare Luna, igitur assurgens supra horizontem non inflabit, sed siccat æstum compulso intra gurgites & abyssum spiritui.

Itaque, si vis Lunæ ancillans, ut loquitur eleganter Plinius, sive tractoria est, censeo retinendam esse Antiselenen, ex rationibus jam antè adductis. Vel si quadrantis nocturni æstum etiam à Luna jam occidente & dimersa esse mavis, dicito virtutem ejus non esse propriè tractoriam, sed instigantem & impellentem spirituum, ac humoris qui eorum qualitatem bibit. Luna igitur exoriente, fundo maris & parietibus gurgitum & cavernarum illiduntur magna vi motores spiritus, resiliuntque in altum, & quoquo versus disperguntur usque ad maris superficiem.

Et hujus ecce rei insignem imaginem in Lucretio, dum fortè librum ejus sextum aperio. Loquitur de magnete ferri inimico & abactore, qui ramenta seu scobem ferri in æneo vase suppositus exagitat, & in furorem ac æstum agit.

*Fis quoque, ut à lapide hoc ferri natura recedas*

*Interdum, fugere atque sequi consueta vicissim.*

*Exultare etiam Samothraciæ ferrea vidi;*

*Et ramenta simul ferri fervere intus æneis*

*In scaphis, scpi hic, magnus cum subditus esset.*

Hanc porro ramentorum turbationem & ebullitionem *æstum* appellat; bellè, & pro *æstu* nostro maris.

Sed cur, Luna à culmine cœli per secundum quadrantem delabente, recidunt maria, quandoquidem sidus non longius absit; nec alio radiorum coniectu adspiciat, quàm ubi scanderet primi quadrantis clivum? præter hoc nihil habeo: Quia plurimi spiritus agitatione illa in aerem expulsi sunt, qui mare antea attollebant, aut certe laxius per aquam & sparsim vagantur. Deinde, tumor ubi ad summum venit, suppressi debet, quando causa quæ eum inflabat, aut suspendebat, debilior efficitur. Directus autem radiorum Lunæ, siye influentiæ illius marinx, coniectus robustior est, ubi superficiem maris angulis rectis fodit; & spiritus fortasse tunc directe fundo impacti, confertius & altius in superficiem rebulliunt.

Non est etiam insigne & evidens discerniculum tumoris inter *æstum* diurni & nocturni quadrantis, in plenilunio: quia etsi lumen sideris infra horizonem depressi illuminare mare nostrum nequeat; aqua tamen ex lumine & tepore; quem jam antè immediatè à præsentia Lunæ accepit, mobilitatem aliquam & raritatem; quâ spiritui impulsori magis obediât, reinuit.

Verùm, cur non *æstum* nocturni quadrantis, inquires, in marini alvei devexitatem, an aliam figurationem, cum Contareno rejicis? Quia, inquam, nullus video, quâ ratione mare, quod defluente in occasum Lunæ se sorbuit, iterum à figura alvei revomi & retumescere possit. Nam clivus aut pronitas fundi, tardare, aut celerare ac precipitare *æstus* valet; alia tamen debet esse causa principalis, quæ ipsos faciat.

Sed hoc etiam Contarenum valdè perplexum habuit: Unde *æstus* aquas illas reperirent, quibus se ad tantam alvei plenitudinem instant, idèd enim confugit ipse ad rarefactionem. Sed non fuit necesse. Nam ex abyssu subterranea partim, aut ex cuniculî occultis veniunt, quibus maria inter se aquas communicant: Sic multi Oceanum Deucalionæum in Adriam latentibus venis influere credunt: cetera quæ de *æstu* difficilia, in occultam (& nonne centies alibi faciendum est? influentiæ istius Lunaris indolem conficienda

scienda sunt fatendum; *Mirabilia opera Altissimi, & gloriosa  
& absensa, & pio illi Regi acclamandum; Quam magnificas  
sunt opera tua Domine, omnia in sapientia facisti.* Eccl. 12  
P/a. 129

CAPUT II.

De Fontibus.

**D**istinguenda hæc vocabula & res, Fons, Flumen, Flu-  
vius, Amnis, Rivus, Forrens. Fons est aqua jugi fluxu  
terra manans: aut certè si fontes etiam comprehende-  
re voles, qui in rivos non effugiunt, sed instar puteorum,  
aqua suas resorbent; fons est aqua è superficie terræ jugè  
ebullans. Flumen & fluviu synonyma sunt, & à fluxu nomen  
habent. Flumen enim est aqua majuscula, perenniter alveo  
defluens. Amnis, inquit M. Varro, est flumen quod aliquid  
circuit. Nam ab ambitu dicitur Amnis; Amnes igitur sunt  
omnes mandri, qui

*in mare deducunt, fessas erroribus undas.*

Ovid.

Met. 13

Flumen à rivo magnitudo discernit, ait Ulpianus, aut  
circumcolentium æstimatio. Re enim vera definita mag-  
nitude statui non potest, quam flumen flagitet: & apud  
quosdam rivi appellantur; quia alibi, ubi aquæ penuria  
major, nomen ferre possent fluminis. Nulla verò aqua  
mihi dignitatem istam mereri videtur, quam homo passim  
sæpe, nullo baculi adminiculo, transmutare valeat.

Rivus ergo est aqua tenuior è fonte in alveum infusa, &  
jugiter decurrens. Pro alveo igitur rivum continente ac-  
cepit rivum Ulpianus, cum fuit, *Locum per longitudinem de-  
pressum, quo aqua decurrit.* Similiter M. Varro fontem pro  
loco scaturiginis, ubi inquit, *Fontem esse, unde funditur terra  
aqua viva.* Ubi aqua viva, dicitur talis à motu continuo, ut  
Mercurius argentum vivum.

Cæterum multi rivi in unum corrivati mensuram im-  
plent iusti fluminis.

*Flumina magna vides parvi de fontibus orta;*

Ovid.

de Remo

*Plurima collectis multiplicantur aquis.*

Rarum enim est, ut fons in totum statim flumen erumpat.

Ovid.

de Remo

Flumen & rivum à torrente separat perennitas.

*Flumine perpetuo torrens solet altius ire;*

R. r

Sed



*Sed tamen haec brevis est, illa perennis aqua.*

Torrentem definit Festus, *Pluvium* subditis imbribus concitatum, qui siccitatibus exarscit. Torrent enim à torrendo deductum, quod proprie significat, siccare: unde Veteres aridum, torium, & torridum vocabant, & nos etiamnum æstatem siccam, torridam. Quia verò torrentes ex aqua coelesti, aut nivibus, Stadius vocat

*Nubigenas à montibus amnes.*

Græci verò *χειμαρίσι* vocant, hiberna flumina: quia hieme maxime liquatis nivibus, aut pluvius, quæ tunc plures & pertinaciores, colliguntur.

Ex dictis intelligi potest, fontem, flumen, &c. constare aqua, ut materia; eruptione verò è vena subterranea, aut lapsu per alveum tanquam forma.

## ARTICULUS I.

*Vnde materia Fontium.*

**F**lumina & rivi salàm fontibus eliquantur: occultior, & in abdito est fontium materia. Quidam sub terra civitates amplissimas, quibus pluviales & nivales aquæ toto anno colligantur, constituunt: & inde haurire fontes exhibent. Sed refellit Aristoteles, quia tantum aquæ circa totum annum, terræ venis effunditur, quantus est torus terræ globus: igitur terram ad summam usque cutem excavatam, & aquis plenam esse oporteat, ut tot fontium & fluminum perennitati sufficere possit. Verum, quia vis argumenti hujus evitari potest, si statuas, aquam quæ toto anno effluit, non simul contingere venis subterraneis; sed parte una in scaturigines fontium effusa, supplementum à pluviiis novis aut nivibus venire: addi potest & Seneca altera ratio; Quod aqua coelestis intra primam terræ crustam consumatur, nec in inferiora descendat. Nam ego, inquit, tibi vinearum diligens fossor affirmo, nullam esse pluviam tam magnam, quæ terram ultra decem pedes in altitudinem madefaciat. Deinde, quædam flumina erumpunt saxis & montibus, quibus parum conferre valent pluvix, quæ per nudas rupes deseruntur, nec terræ molitiem, aut rimas inveniunt, in quas se insinuant. Et tales nihilominus toto anno aliqui, pleni & abundantes ire solent; ut de Langia Ne-

*Lib. 3.*

*Nat.*

*c. 7.*

*6. 1.*

inæ sylvæ fluvio, lib. 4. Starius;

Langia perennes

Servat aquas, soles & rapidi sub limine Cancrī  
Semper, & l'cārī quavis juda fulgeres aſtrī,  
Ire tamen.

Non videtur tamen hæc æſtimaffe P. Leon. Leſſius lib. 1. de providentia. *Flumina*, inquit, *ex nive & imbris, qui in mediterraneis & montosis locis decidunt, colliguntur & perpetuantur* addinque, per saxorum commissuras ad radices montium, & in scaturigines fontium pervenire. Unde, ait si quibus vel tribus annis nihil vel pluvia vel nivis caderet, necesse eſſet omnia flumina, & omnes pene fontes inopia materia deficere. Ego profecto ſiccitatibus perpetuis torridæ illius ætatis Anni 1619. plurimos fontes adverti exaruisse, aut tenuissimo & ſiccanti latice profluxiſſe.

Sed rem hanc dubiam facit Georg. Agricola, rei metallicæ diligentissimus ut Scriptor. Nam rimæ saxorum montanorum, plerumque vix octavam, inquit, digiti partem lata sunt; raræ etiam commissuræ sunt, venulæque rariorēs, quæ centum sæpe pedibus à se distant; Quomodo ergo tantum aquæ illac montium alvis infundi potest? Deinde, major pars vaporum in mare repluit, antequam venti in terram abduxerint; & quæ in terram cadit, ab ea, bona etiam in parte, sorbetur in alituram plantarum, tantumque in cavitates subterraneas effundit, quod supra desiderium cecidit, nec poris combibere valet. Denique Eccles.

cap. 1. diſertè, *Omnia flumina intrant in mare, & mare non re-*

*dundat: ad locum unde exiunt flumina revertuntur, ut iterum fluant,*

si autem flumina ex mari, igitur & fontes inde hauriunt; quia per fontium scatebras, flumina in alveos se evolvunt.

Scio respondendum: fontes ac flumina mari exire, quia vapores & aquæ nivales, ac coelestes e mari calore Solis extrahuntur, quæ postea in fontium & fluminum materiam reſcunt & reliquantur.

At tamen Scriptura magis indicat quendam aquarum per venas subterraneas circuitum, quo e mari in fontium scaturigines veniant, & inde revolvantur in mare, ut eodem iterum redeant. Genesis etiam cap.

2. Jacob benedixit filio Joseph benedictionibus celi de super, (ſciliçet temporibus suis pluviam) benedictionibus

terre deorsum, id est, fontibus fluminibusque subministrantibus

Lib. 4.  
Esdra.  
c. 4.

nistrantis materiam, ad irrigandam terram. quod reperitur Deuteron. cap. 13. distinguiturque manifestè duplex irrigatio, quarum una supernè è nubibus, altera infernè ex subterranea abyssu venit. Innuit etiam ille Apocryphus rogans, *quanta sunt habitationes in corde maris, aut quanta vene sunt in principio abyssi, aut quanta vine sunt super firmamentum?* Homerus quoque Iliad. 9. expressè in Oceano omnium fontium fluminumque originem ponit. Quod Plato in hunc sensum explicat; Oceanum venis quibusdam in Barythron, seu Tartarum, & abyssum subterraneam combibitis quæ deinde agitatione quadam aut reciproco tumore se in fontium scaturigines superfundat.

Aristoteli nihil horum placuit, sed aquam fontium ex aere subterraneo, frigido, stagnante, & suffocato immediate gigni. quem tamen deserunt plerique Peripatetici, imò Jul. Scaliger etiam, qui rarissimè, aut nunquam alibi solet. His præstructis,

Dico Primò; Pluviz & nivales aquæ plurimum conferunt fontium abundantiz & perennitati. Satis id evincunt, quæ antè ostendimus. Et hæc etiam ratio est, cur arboribus vestiti montes pluribus venis scaturiant, aut uberioribus, quàm investes illæ & nudæ cautes; quia scilicet arbores umbris suis defendunt aquam imbrium & nivem, ne sole vaporata (quod in locis campestribus & apertis evenit) in altum rehalentur, antequam in cava montium per poros & venas distillent: ut scire lib. 8. c. 1. notavit Vitruvius.

Dico Secundò; Subterranea abyssus sola multos Fontes alit, & plerisque omnibus aliis suppeditat aliquam materiz partem. Id antè ferè satis firmavimus, & inde fit probabile, quòd ubique sub terra venæ uberes siccissimis etiam locis inveniantur, in altitudine non decem tantùm aut centum pedum, quò sortè cœlestis & collecticius humor pervenit; sed etiam orgyarum quingentarum, ut in Bermano testatur Agricola.

Ex hac ergo aquarum ibi abundantia parabilem fontium materiam habemus: & unà optimam rationem, cur illa abyssus, aut mare non redundet; quia videlicet, mare venis transcolatur in abyssum, abyssus verò in fontes se partim exonerat. Unde eleganter Rupertus lib. 2. de

Trinitate

Trinit. cap. 24. & 29 Abyssum hepatis animalium comparat, unde per venas & tubulos se sanguis per totum corpus dispergit, imò affirmat hunc esse fontem, ex quo fluxerunt quatuor flumina Paradisi, qui etiam matrix est, & mamma, *Gen. 4. 2.* inquit, cæterorum omnium. Ostendam quoque Articulo sequenti, Aristotelem ab hac mente vix latum unguem abesse. Sed ingens difficultas & rixa est.

ARTICULUS II.

*Quæ causa aquam fontium in scaturigines pellat. Male à Bodino, Conimbricensibus, Scaligero, Valesio assignatam.*

Suppono, omnem aquam naturâ gravem, & sponte suâ sursum per aerem se rariorem non scandere. Hinc sequitur quod Aristoteles, & experientia aquilegum docet; fontes nunquam altius è terra spontali impetu emicare, quàm sit origo, unde aqua primum caput defluere; ut si in verticem montis deducere aquam velis, montem alterum paris aut excelsioris altitudinis, & in cacumine ejus fontem reperire oportet, quem deinde tubo demisso, & in verticem alterius montis reflexo, infundas; sic enim tubus totus implebitur, & aqua per mediam vallem eoque ascendet (modò tubum tam longum habear) donec superficiem suam in eodem circulo terræ centrum ambiente, cum superficie scaturiginis, componat; quia, ut Epist. ad Paulum Capram docet Bapt. Benedictus, aqua una premit alteram, & tantum sursum elevar quantum ipsa est elevata. Hinc vanitatis mihi suspectus stasiciates ille Alexandri *Plutar. in Alexand.* Mathematicus, qui gloriabatur se ex monte Atho statuum deformaturum, quæ sinistra oppidum decem millium hominum sustentaret, dextrâ fluvium ingentem in mare effunderet; difficulter enim flumen istud in altitudinem illam attraxisset.

Hoc igitur dari volo: aquam ex subterranea abyssu, non nisi à vi externa in ora fontium attolli; aliàs enim fieret quod in Proverbio est, & Aristoteles, Platoni objicit, *in terrâ sursum flumina.* Sed quænam illa vis est? Poetæ Nymphas urnis haurire, & effundere in scatebras fabulantur;

*Ceruleæ per stagna agitant liquentia Nymphae,*

*Jovian.*

*Alerni quæ*

*Universæque implent undantes rotas. p. 111.*

*Universæque simul effundunt.*

Revideo, quibus Angeli forte haustores, abactis Nymphis substitui non displicebit. Sed quæso, humanius paulo philosophemur.

Jo. Bodinus lib. 2. Theatri, putat terram intra mare, ut navem vi depiimi; fontesque emicare, ut aqua per rimas è fundo navis, aut per cribrum vi adactum, sursum ebullit. Sed fundus hujus opinionis falsus est; nempe mare gibbo altiori, esse quam terram. Item, non tantum in montibus & vallibus, sed è plano etiam sapissime, aqua vi terræ tergum dirumpente, exsiliunt fontes. Denique, omnes terræ specus redundarent aqua, & tota terra undique scatebris diffunderet; veluti sanguine corpus, abruptis & apertis undique venit.

Contabricses Traæt. 9. cap. 5. Meteor. credunt aquam corporum coelestium influxu in scaturigines attrahi; & adjuvari insuper vi quadam tractoria ipsius terræ, quæ more spongiæ humorem sursum prolecat. Idem Philosophi Parmenses in Thesisibus quas nuper legebam, & accedit Lud. Molina in opere 6. dierum disput. 11. ad 8. asseritque similitudinem panni, qui aquæ partim immersus, humorem altius evocat extra aquæ superficiem.

De astris illis aquariis, in primis non placent; quia hoc est imbecillitatem fateri, statim tam procul & usque in cælum fugere. Deinde, cum eadem astra per totum eundem terræ parallelum circumferantur, ubique in illo tractu vim illam attractricem ostendent; quod est falsum. Cur etiam aquæ situlam sub dium expositam stellæ illæ aquariolæ non exhauriant?

Vis etiam magnetica aquam emulgens & sursum invitant; per fugam difficultatis, & sine magno (apud me equidem) colore, asseritur aut allinitur orificiis fontium.

Primo, quia sic nunquam venæ in cælum exsiliunt, sed aqua ubi ad summum labrum pervenisset, aut ibi vi illa magnetica adhereret, veluti fixa & gelata, aut in venam suam resorberetur.

Secundo, cum ubique montium, collium, & terrarum nasci possint fontes, vel ubique sine delectu, vel nusquam statuenda sunt vires illæ aquarum antilantes & magnetica.

Tertio,



Tertiò, manifesto experimento deprehendi possent. Nec enim tantum ex alvo suo & cavitatibus cacumen montis attraheret aquam; sed foris etiam per superficiem eius, & subiecto humine aut lacu subiret humor.

Quartò, ubi semel tota semita, qua humor ab abyso subterranea ad scaturigines ascendit, immaduisset, non amplius attraheretur illa aqua; ita enim in calce, pane, panno, (ad quorum experientiam nos vocant) videmus humorem non ultra scandere, ubi porus saturari, & siccitas expulsa fuerit.

Sed tamen, nec vim magneticam in calce, & id genus siccis & porosis (quidquid alii donent) concedimus. Vixinti amplius sententiæ inter se rixantur (quas alibi diffundemus) quæ vi aqua per pannum, calcem, panem, partim immersum, subeat in partem siccam, & suspensam extra humorem: ut videas quàm in minutis etiam istis, ne superbia nos inflet, ingenia humana inveniant ludibrium. Quidquid sit, non placet tamen à siccitate per vim tractoriam humorem, id est, hostem, sursum evocari, in propriam necem. Obiter verò & in transcurso hoc, censeo tenuiores partes humoris suapte levitate insinuare se in poros. Unde evidentior est ascensus: ubi aqua calida est & fumans; item in vino, & humoribus vaporulentis, quàm in aqua. In pannum enim frigidum, aquam alidam, expertus sum nihil quidem per totum diem subisse. In panem verò nostrum biscoctum, quo secundis mensis utimur, raptim satis aliquotque scandit vinum: sed spiritus vini præsertim id faciunt; nam spiritali aliquo humore statim & facile panem istum resolvi patet, quia illico staccescere solet stante Austro. Spiritus autem illi partim sponte vino exhalantur, partim modico tepore, quo panis in vinum agit, resolvuntur: constat enim, vinum etiam gelidissimum, postquam à pane, etiam à furno aut ab igne non recenti, combibitum est, intepescere. Sed unde vires illæ panis? Dic, sicca ista & porosa, spiritus quosdam caloris, ubi plures confluxerint ab humore compulsi, continere; quod in viva calce evidentissimum; in cæteris & paucitate & virum imbecillitate non ita se produnt.

Iul. Scaliger Exerc. 46. viam aliam est muginatus. Ut aqua putei, à lapide aut rotunda tabula, quæ æqualis sit cum putei

putei latitudine diametri, compressa, in altum per tubos exsilit: ita, putat, aqua subterranea ab aqua maris aut alio pondere supernè pressa, eliditur & emicat in ora fontium. Miror ingenium Scaligeri potuisse hinc acquiescere. Aqua enim illa putealis exsilit per tubos ei immerfos, quia maxima vi supernè à ponderosissimo lapide in puteum demisso premitur, nec alius, nisi per tubos apertos, exitus ei datur. Quid autem perperuò sic lacus subterraneos premit? Si enim saxum fortè aliquod ingens in gurgitem cadat, aquam simul & semel in altum elidet; sed quis iterum elevabit, ut denudò recidat, ut aquam sæpius & toto anno in scaturigine expellat? Mare verò, si humilior orificiis plurimorum fontium est, ut nobiscum Scaliger supponit, nunquam tam gravi pondere in abyssum subterraneam decumbit, ut in altiore, quàm ejus superficies est, locum exprimat, maxime cum non tota mole ei proximè incumbat, sed per longos sæpè & tortuosos meatus tantum se infundat.

Hinc Valesius cap. 63. Philos. sacræ, ad æstus & fluctus maris recurrendum existimat. Fontes igitur ei scatent aqua abyssi, quam æstus quotidiani, & fluctus tempestatum, qui sidera tangere & extinguere pænè videntur, consueque attollunt. Sed iterum frustrà. Nam æstus ad decem solos aut quindecim pedes non ad altitudinem montium, ubi scaturiunt fontes, intumescit; tempestates autem & decemani illi fluctus non sunt tam solennes, ut fluxum diu pari semper abundantia continuare valeant. Itaque ubi tempestas & turbatio erit in mari, fontes statim uberius profluent, staccescent verò cum fluctu & venam tenuabunt, si non siccent. Deinde, ubi mare minimè tempestuosum, quale Pacificum, nulli in Regionibus circa, excelsis locis latitantes exsiliunt.

In re igitur tam perplexa, & ubi tot & tanti Philosophi perdiderunt acumen, non mirum, Lipsium etiam nostrum lib. 2. cap. 16. Physiol. aberrasse. Censet enim, superficiem maris juga montium, unde se expergunt fontes, adæquare.

Finiamus hunc Artic. cum Plinio & Vitruvio. Volunt (& cum iis D. Basil. Homil. 4. in Hexaemetrum, ut jam video) aquam abyssi, spiritu in juga montium adigi. Et patère inde existimat Vitruvius; quia si latius circa venam fodiatur, aqua residit, & refluit deorsum in naturale libramētum;

mentum; ut aqua in olla tumorem ponit, sublato operculo, & diffugiente qui tam instabat spiritu. Verum, spiritum istum confertum & vehementem esse oporteat, qui tam altè aquam succollet, & tam ubertim impleat fontium venas: ut proinde, afflatum ejus facile percipere sit, si quis scaturiginibus apponat manum; quod tamen vanitas est compertissimum. Deinde, ut spiritus tanto impetu aquam sursum afflaret, necesse foret, subterraneam venam esse tubum aliquem undique clausum, & aqua plenum; ut scilicet ventus infernè inspiratus, non aliorsum effugere posset, quàm aquam ante se agendo, & expuendo sursum. Tales autem subterraneæ venæ nullæ sunt, aut rarissimæ.

Tertiò, quæ causa spiritum illum elevat, & tantà vi in venas adigit? Et (quod caput est) unde illi tanta constantia, ut toto etiam anno per eandem semper venam sine interpolatione spiret? status enim tam pertinaces esse non solent, & sæpissimè interpellantur. Respondere oportebit, lebetes quosdam & lacus supra scaturigines fontium esse, in quos per intervalla inspirentur & attollantur aquæ, quarum defluxu perpetuentur fontes, etiam cùm cessat spiritus ille, haustor ex abyssò. Verum, tales nullos lebetes, altiores fontium orificiis, inveniunt metallarii, ut testis mihi Agricola. Cur autem effossa latius humo, resorbeat se vena, facile ex sequenti Artic. intelligetur.

Sed hoc panè omiseram. Fortasse quis existimet aquam ex abyssò in venas subire metu vacui. Sed cave hoc etiam credas. Non enim potest esse vacui periculum, ubi tanta venarum laxitas est, nec ita plenæ, quin plurimum ubique aeris admittant: ipse etiam aer per omnes terræ poros, velut in spongiam insinuatus, & in omnem vacui occasionem paratus, libera tanquam ab illa se movendi, ad depellendum vacuum, sollicitudine. Unde licet arte creari possit tale periculum vacui, ut aqua per tubum undique conclusum ascendat, exsucto aere; id tamen exemplum in venis subterraneis locum invenire vix & ne vix potest; quia nec est qui exfugat aerem: &, si sit, alius per varietes venarum facile ei succedet, qui rimosi sunt, & ubi respirant.

ARTI-

## ARTICULUS III.

*Vera causa, quæ aquam fontanam deducit ad scaturiginem.*

**D**ico Primò; Aquæ pluviales plerumque gravitate sua in ora fontium influunt. Supr enim altiores, quia supernè in hiantes saxorum rimas insinuata, visceribus montium colliguntur, & inde pondere suo ad radices descendunt ubi frequentius scaturigines ebulliunt. Idem est in aquis nivium, quæ tanis montium capitibus in viscera liquantur & distillant.

Dico Secundò; Aquæ altera portio, quæ non è cælo sed ex abyssò & humili in ora fontium venit, subit per vaporisationem. Prob. quia nullam aliam viam fecimus reliquam. Secundò, experimento metallariorum, qui supra rapina fontium, nil nisi rosidos lapides, & terram vapore humectam reperiunt.

Tertiò; Aquileges signum venæ sublatentis habent, si manè vaporem tenuem è terra scandentem viderint, quem lib. 8. cap. 1. deprehendi docet Vitruvius, mento ante ortum Solis æstate (Augustum mensem cæteris præfert Paladius) in terram procumbente, oculisque ad Orientem versis & superficiem terræ aspectu radentibus, ubi vapores tremulos & colludentes aspexerint, ibi fodiunt. Similiter russi lago, & aliæ quædam herbæ quarum radices vaporem illum avidè bibunt, indicium latentium aquarum præbent. Cùm igitur fumos istos vaporulentos jugiter ex aquis subterraneis scandentes habeamus, quidni juxta terræ superficiem, & in capitibus montium, statim frigore redensuri resuere in origines fontium? Et hinc ecce optima se mihi suggerit ratio, quare hieme nec nivali, nec imbriferâ, fontes aquam tamen sagius, quàm æstate (nisi valde pluvia sit) vomant. Plures enim à spiritibus repentibus, & inclusis terræ per hibernum frigus, vapores ex abyssò, & altis aquis subterraneis, gignuntur; qui venas proinde fontium ubiores faciunt.

Quartò; Thermarum, & fontium repentium aquæ à subterraneis ignibus vaporantur, ut Artic. proximo ostendat: igitur verisimile est ex hisdem fumis refrigeratis, & excusso longis per venarum anfractus erroribus fervore

cæteros

ceteros fontes lymph. & suas colligere. Et hæc intima causa videtur, cur montes præcipue sint scaturiginosi; quia inquam, sæpissime ignes suppositos habent, etiam si ob profunditatem, vel exiguitatem à nobis non intelligatur. Mons igitur instar capitis Alembici in distillationibus Chymicorum est, in quo vapores à lento supposito igne in altum expulsi, refrigerantur, & tam ab interna forma aquæ, quam rigore ambientium saxorum, ad naturalem densitatem se reducant: guttatim quidem primo sed plures per modum imbris in unum torrentem confluentes, & prolixiore circuitu incrementa colligentes, plenâ tandem venâ ebulliant. Ex quo liquet, fontium generationem imbribus planè esse asinem, ut non immeritò (huc nisi mentior, alludens) dixerit Poeta ille animosus,

*summis cognatos nubibus amnes.*

*Stat.  
Theb. 1.*

Vel etiam si hæc imago allubescit: quod in homine lachrymæ & catarrhi, frigore cerebri, in cranio densati & replentes sunt, id in montibus fontana aquæ caput ergo mons est oculique, fontium scaturigines & orificia: juxta illud Jeremæ cap. 9. *Quis dabis capiti meo aquam, & oculis meis fontem lachrymarum?* Lachrymæ tamen salæ, fontes plerique dulces sunt; quia illæ per loca argentia & angustissimos terræ poros non transcolantur, nec longis ambagibus in oculos & capite desiliunt, ut fontes in scaturiginem solent. Hæc enim causa aquis fontanis salsedinem ponit, si quam forte initio (quod tamen rarum) habuerunt; eadem etiam longa agitatione spiritus excutit, qui faciebant ei teporem. Quandoque tamen evenit, ut statim, & recentes adhuc ab ignibus, gelidæ tamen aquæ ebulliant, ut in Aquitania & Pyrenæis, ubi tenui discernente intervallo frigidæ juxta calidas emicant, teste lib. 11. cap. 2. Plinio. Verosimile est utrasque ab eodem vicino subterraneo igne vaporari: sed calidæ laxiorem forasse venam invenerunt, frigidæ arctiorem, & earum fervor per adstrictos & conniventes poros colatus, strangulatur antequam in lucem erumpant, & extinguitur.

Ex his etiam sumitur ratio, quare fontes quandoque exarescant. Vel scilicet, quia vena collabente terra obstruitur, avertiturque, aut retrò agitur humor, vel quia siccat, sine novo supplemento, aqua, unde ascendit vapor.



aut igniculus vaporans suffocatur. Hinc enim, quia calidi fontes ignem in materia multa ardentem habent, nec subterranei lacus in quos agit, facile deficiunt, magis perennes & quodammodo æterni sunt. Rarissime quippe, ait lib. de Thermis cap. 2. Fallopius, fontium calidi siccantur; extatque, inquit, à 2000. annis memoria Aponitanæ aquæ de illis certè à 1600. paulominus annis, lib. 7. Lucanus;

*Aponis terris ubi fumifer exiit,  
Aque Ausoniorum dispergitur undæ Tivoli.*

Fateatur etiam Goebelius, Thermas Annabergenſes in Miſſia pari ſemper ubertate venæ æſtate, hieme, à tot jam annis profluere.

In hanc etiam de origine fontium opinionem facile deduci poteſt Ariſtoteles, cum ſubterraneum aerà in fontium latices cogi aſſumat. Vaporem enim ſæpe aerem vocat; & reverà totus hic circa & intra terram aer, continuus ſortè quidam vapor eſt, cum totius elementi aeris ſit quoddam ſedimentum, & in ipſum omnes ſuperiorum regionum humores pauliſper gravitati decambant. Ac quàm minimo penè frigore ſtatim aqueſcat, patet ex ſuperficie exteriori vitrorum, quæ infuſo vino aut aquâ gelidâ, ſubito rorat, & veluti pinguedine quadam illinitur, aere ſcilicet ambiente, frigore liquoris infuſi, in rorem coacto. Non enim doctiſſimo Mercuriali accredo, qui liquorem tranſudare credit, cum multis experimentis mihi conſtet, vitra miniſſimè poroſa eſſe, aut non tam laxè, ut momento tranſmittant tam deuſum humorem.

*Eccle. 1.*

Non tamen exiſtimo, ſolum aerem ſubterraneum ſufficere perennitati tot fontium & fluminum; quia brevi tempore totum penè elementum aeris oporteret in cavernas ſubterraneas deſuere, ut perpetuò convertatur in aquam toties aere denſiorem. Deinde, Scriptura Sacra, è mari, non ex aere, generari fontes & flumina ſignificat; quia ſcilicet mare venis terræ illapſum, ignibus deinde & ſpiritibus illis viſcera magnæ Matris calefactantibus, & quaſſantibus quandoque, in capita montium vaporatur. Certè enim vaporationem hanc neceſſariò interponendam, jam antè, aut fallor, oſtendi; nec aliſus modi mihi in mentem venit, dum altitudinem locorum, unde emicant vivi latices, contemplor. Ecce, ut alia inſinuat inſuper habeam, ſens Marſy

*syntaxis ex summo montis cacumine excurrit, ait lib. 3. Cuestus.*  
 In Oceano juxta Scotiam summum excelsissimi scopuli  
 culmen aquam dulcem largissime vomit, magno inquit,  
 Naturæ miraculo. In suprema etiam altissimorum montium  
 Peruvianorum planitie frequentissimi lacus sunt, non ex  
 nivibus collectitii, Joseph. Acosta lib. 2. cap. 16. ostendit,  
 sed naturali, & toto anno æquali abundantia, infernæ eis  
 ælente venâ, & ut intelligas, ignium ( qui sub illis montibus  
 satis ceteri, cum crateribus plurifariam se in auras expu-  
 unt ) effectus esse, quidam eorum sunt calidi.

Quispiam tamen pertinax, qui in aere subterraneo sat  
 esse materię in fontes, sine aquarum vaporazione, desen-  
 dere perseveraret, exemplo hoc, quod nuper in Cardano  
 tum voluprate & admiratione legebam, iuvare potest. An-  
 no 1481. quidam æger in Italia, urinæ libris singulo quo-  
 que die 36. reddebat, cum in cibum potumque simul non  
 plus 7. libris infunderet. Unde urina 49. libris superabat,  
 utque sic factum spatio 60. dierum; quo tempore colli-  
 guntur libræ urinæ 1740, ultra cibi potusque substantiam,  
 cum tamen totum agri corpus vix 150. libras pondere  
 æquaret. *Quæsitum fuit à Jo. Marliano, inquit, unde id contin-  
 gere posset? Respondit, aerem qui in arteriis ubique continetur, in  
 substantiam aqueam converti; atque ita multiplicari. Veruntamen  
 licet similis conversio subterranei aeris juvare possit ge-  
 nerationem fontium, non tamen implere; ut ante satis  
 probatum.*

## ARTICULUS IV.

*Unde calidi fontes qualitatem illam habent.*

Fontes aut piri sunt, & nullo sapore infecti, aut medi-  
 cati; qui scilicet peregrinâ aliquâ qualitate, & sapore  
 præferti, adulterantur. Inter medicatos, calidi maxime  
 insignesunt. Vocantur etiam à plerisque, metallici; quia  
 metallum aliquod, ut plurimum, ait Fallopius, resipiunt;  
 quidam tamen columbini frigidorum, aut nullo sapore  
 sunt, ut Thermæ in agro Lucensi & Pisano; quidam etiam  
 tingaro, ut quis præiis, ait lib. 8. cap. 3. Vitruvius, non  
 desideret fontem Capenarum extra portam Capenam vel  
 Maximam via Prænestina, quem Plinius clarissimum vocat  
 totius orbe fontem.

quidam

Lib.  
 Variet!  
 8. c. 44

Quidam credunt, radiis Solaribus aquam subterraneam fervesceri; sed illi ad istam profunditatem non perveniunt: nec aquas quidem Soli expositas sic calefaciunt.

Alii agitatione ventorum sub terra stantium malunt. Sed major longe tempestas qua venti marinas exercent & jactant, non creat tantum fervorem. Deinde, ubi sub terra silentium erit à ventis, thermæ egelidæ statim aut frigidae profluent.

Bodinus allisione qua se ad rupes & angulos subterranearum cavernarum frangunt, sic enim equisonæ putealem aquam agitatione, contra equorum tormina, rumpunt & tepesaciunt. Sed isti nil juvant Bodinum; rarescere quippe aliquantum ista diverberatione potest aqua & spumare non ita accendi. Metallarii etiam ingentibus præcipitiis frangi aquas subterraneas, frigidas tamen, inquit Agricola, experiuntur. Denique sapor & odor satis plerumque indicant materiam ignium quibus incaluerunt.

Dico igitur Primò; Nulla alia causa probabilior fontes fervescit, quam ignis subterraneus. Prob. quia plerique omnes nitrum, bitumen, sulphur olent, & resipiunt, id est, ignium pabulum. Deinde maxime in Regionibus ubi montes & alia loca flammivoma sunt, ut in Campania, & novo Orbe, calidi fontes manant. In Peru, ait Jos. Acosta, ita quidem fervent, ut nemo etiam ex certamine, spatio Salutationis Angelicæ, valuerit in iis continere manum.

Sed ubi ignes isti ardent? sub fundo, & circa canales extrinsecus, an in ipsis aquis, quæ per canales labuntur? Agricola timet lapideos etiam canales brevi corrumpendos igne, si hic iis supponatur: itaque ignes aquis ipsis intra tuborum & meatorum cavitatem permiscet.

Dico tamen Secundò; Thermæ nullo exotico sapore corruptæ, circumjecto canalibus igne, ut in lebert, aut elatone, videntur calefieri. Veteres enim, ut testis mihi Seneca lib. 3. Nat. cap. 24. arcos dracones pluribus spirarum voluminibus tortuosos conficiebant, quibus aqua superne infusa, & circumcurrens, sapiusque & identidem suppositum ignem per multas spiras ambiens, tepore extremum in summis voluminibus concepto collectoque deinde in cæteris fervore, calidæ vomebatur. Canales autem illi subterranei non tam citò ignibus violantur, aut quæ

materia

materia contra ignes contumax est, aut quia hi repentes tantum, nec flamma vorace ardent aqua etiam ipsa intra tubos eos in parte tutatur. Si autem aquæ bituminis aut sulphuris ignes lavarent, spiritu ipsorum, ac sapore tingentur.

Dico Tertid; Frequentius tamen ignis in ipsis aquis flagrat, & adheret parietibus canalium. Ita Agricola, Fallopius & alii qui materiam ejus solum bitumen esse sciscunt quod tantum abest ut ab aquis extinguatur, quin etiam acrius diutius in ipsis alat flammam. Unde etiam aqua Thermanum in agro Parmensi, ait Fallopius, statim ad se rapit visum ignem, nec potest, nisi vento aut panno extinguui, idque ob bituminis & naphæ copiam.

Bartholinus tamen & alii quidam, præcipuam materiam in sulphure, non bitumine esse constituunt, quia thermæ pleræque omnes sulphur, rariores bitumen, sapiunt. Bitumen etiam solum aquarum, quibus innatat, superficiem flamma sua lambit; non ardet intra aquam.

Falsum etiam videtur quod sumit Agricola, solum bitumen in aquis servare flammam. Nam ignes artificiales è sulphure passim concinnantur, qui sub aquis vivunt; & Livius Dec. 4. lib. 9. *Matronas, inquit, Baccharum habitu crinibus passis, cum ardentibus facibus decurrisse ad Tiberim, demissasque in aquam facies, quia vivam sulphur cum calce inesses, integra flamma exmissæ.* Et licet aquis extingueretur, ardere tamen in fornicibus cuniculorum quibus allinitur, extra aquæ contrarium, posset, & inde eam præterlabentem vaporare.

Seneca verò non tantum ardere sulphur in aquis, sed aqua affusa accendi ut calcem, existimat; quem tamen experientiâ suâ refellit Fallopius. *Sulphur, ait, in aquam* L<sup>22</sup>  
*jectum, siue aqua sit calida siue frigida, non effervesceat; hoc exper-*  
*sum sæpius in vena sulphureis in agro Volaterrano. & alibi in quo-*  
*cunque sulphure, vivo & non vivo.*

Anselmus Boetius tamen lib. 2. cap. 293. de Gemmis, affirmat, oleum sulphuris verum si aqua misceatur frigida, tam calidum in vitro reddi ut id manu mixtæ teneri possit. Unde oleum istud nonnihil à natura sulphuris oportet abivisse.

Verum, unde tantum subterranei sulphuris & bituminis, quod alendis uno loco per tot annos ignibus sufficiat? Respondet Fallopius, sulphur & bitumen perpetuo regenerati

nerari, nam constat, ait. quatuor annorum spatio, locum sulphure effosso, terra repletum, iterum ad naturam sulphuriam reverti: idque satis expertum esse in agro Mutinensi. Carbones etiam Leodiensium, & metalla etiam, licet tardius, regenerantur. De ferro certe in Ilva sive Aetholia, maris Mediterranei inter Corsicam & Italiae continentem insula, lib. 5. auctor est Strabo; & etiamnum hodie effoditur ibi copiosum, magno Ducum Florentiae proventu: credunt autem Metallarii, mille tantum annorum circuitu terram in ferrum reduari. Salem etiam fossilem apud Indos regigni dixit olim Clitarchus, & Agricola Parum marmor. Plin. lib. 36. cap. 13. *Inter plurima alia Italia miracula, ipsa marmora in lapicidinjs crescere auctor est Papyrius Fabianus, Natura rerum peritissimus. Exemptores quoque affirmant compleri sponte illa montibus ulcera. Qua si vera sunt, spes est, nunquam desinuram luxuriam.* Diu autem in eodem loco aut propinquo adhærent thermarum ignes; quia absumpto aut liquato sulphure vel bitumine, aliud affluit in locum praecodehnt, sequiturque, ut in lampade, alimentum flammam. Ignis etiam illi malignè (ut inter aquas & contraria debilitantia) ardent, ideoque pabulum suum non citò & voraciter absumunt, & hinc pluribus Regionibus fontes calent, ubi nulli tamen crateres ignivomi sunt. Veruntamen alio etiam modo, sine igne Sennertus fontes nobis calefacit. Spiritus enim vitrioli & oleum vel sal tartari, item aqua fontis & tartarum, denique butyrum aneimonii & spiritus nitri, etsi frigida, confusa tamen ad fervorem se adducunt. Quid si ergo in venis aquarum permisceantur?

## ARTICULUS V.

*Unde frigidi medicati qualitatem illam traxerunt?*

**C**onsentiant omnes, fontium istorum aquas, venasque stalticas, aut salem, alumen, niterum, sulphur, bitumen, & id genus fossilia perlabi: id enim ex colore, odore, sapore intelligi satis potest. Dupliciter autem aqua ab iis quae praevehitur infici & tingi solet: spiritualiter, aut corporaliter, ut loquuntur Chymici: spirituales tantum tincturam rapit, quando spiritus metalli aut minerae sic ei se permiscet, ut ramenta aut succum nullum deradat, & secum devolvat.



deolvat : corporalis verò tinctura erit, si mineræ substantiam secum trahat.

Inter fontes medicatos famosissimi sunt aciduli illi, quales Spadani nostri, quos natura in calculi & omnium obstructionum remedia fluere iussit, aliaque beneficia, quæ apud Clarissimum Medicum Henricum ab Heer Tongrensem legere in Spadanis ejus potes. Talis olim fons ille Tongrorum, de quo lib. 31. c. 2. Plinius; *Tongri civitas Galie fontem habet insignem plurimis bullis stillantem, ferruginei saporis, quod ipsum non nisi in fine potus intelligitur: purgat hic corpora, tertianas febres discutit, calculorumque vitia.* Hic autem aut exaruit, aut trahi ad Spadam nostram potest, quam fortè olim ager aut ditio Tongrorum complexa fuit. Acidulas autem istas chalcanto sive vitriolo abundare censet Bartholinus. Veruntamen non unicam venam, sed plurimum confluentem plerumque continent, ut ostendit noster Henricus ab Heer: & Spadani Geronster præter alia, sulphur odore, & alvi (quod etiam experti sumus) citatione evidenti prodit.

Multi etiam medicatorum, etsi frigidi scaturiant, initio tamen caluerunt, & longo meatu fervorem ac spiritum exhalaverunt. Hinc Fallopius existimat Aquirianam, quæ ex Italia in Germaniam & Galliam passim defertur, ac per centum etiam annos incorrupta perseverat, in origine calidissimam fuisse & ignem perfectissimam hanc & parè indissolubilem mixturam fecisse.

Fontes qui auri aut argenti venas lavant, ramenta & scobem metalli sui fluminibus etiam sæpè invehunt. Sic auriferi olim Pactolus in Lycia, Hermus in minori Asia, Tagus in Lusitania. In Tago tamen nihil hodie auri reperiri intelligo: sed corollorum ibi tantum esse piscationem. In Indiis Occidentalibus, ut in Hispaniola, Balloventa, Cuba, in Regno Chilli, Quito, Granatz, &c. sincerissimi auri arenulæ in pluribus fluminibus inveniuntur, sed propter difficultatem separationis parum inde rectè ad Hispaniarum Regem.

Fontium etiam & fluminum color, à metallo & minera quam lavant, aut terra venit, quam admordent. Sic in Umbria.

*Sulphurea Nar albus aqua.*

Tt

Alibi

Alibi à creta, lactei quidam fluunt : quandoque etiam non aqua, sed fundi est iste color. Talis non uno loco apparet Danubius : & Andreas Corsalus Florentinus narrat, Oceanum inter Mozambicum & Indiam Orientalem lactescere, quia cretacei fundi rapit speciem : sic quoque Peneus in alveo virorem simulat, cum exhaustus splendorem habeat argenteum. Quidam etiam atramento se infuscant, ut Ganges in India, Galesus in Italia; sed Allera in Germania, & quidam in Hispania Nova, omnium atramentosissimi & nigerrimi sunt. Est in Regno Peruano tam ruber & miniatus, ut mero sanguine dicas profluere. Rhenus subviridis, Moenus & Tiberis ab arenis flavi, Mosa meus argenteas undas declinat paulisper in caeruleum.

### CAPUT III.

#### *De Fluminibus.*

#### ARTICULUS I.

##### *De Fluminum alveis.*

**F**lumina è fontibus & rivis unum alveum capaciorem influentibus oriri, antè diximus. & essentiam eorum in aqua, & jugi illo per alveum defluxu consistere.

De hoc ergo fluxu, tanquam ipsorum forma, & alveis, per quos incedit, aut præcipitat, item de quibusdam aliis proprietatibus, aliquid paulò explicatius enarrandum. Alveos fluminum tertio Mundi die excavavit, & ad fluxum in mare inclinavit eorum devexitatem Omnipotens manus; quod certissimum est in alveis quaruor illorum fluminum Paradisi. Sed plurimi etiam alii in reliqua parte Orbis ejusdem Artificis sunt, præsertim qui inter montes & lapideas ripas decurrunt. Montes enim ab initio statim creationis rerum excitatos, duratosque, ut essent veluti ossa magnæ matris Telluris, satis innuit sapientia Prov. 8. *Nec dum montes gravi mole consisterant; ante colles ego parturiebar: adhuc terram non secebat, & flumina, & cardines Orbis terra. Ridiculum enim est quod asseverant nostri Athei, universos montes fortuito hic aut ibi à spiritu subterraneo in auras subvectos esse: rarissimi enim alicujus molis colles sunt, quos*

quos spiritus ille terræ motor excutit; & stultum id credere de Atho, Olympo, Atlante, Alpibus, & duplici illa catenâ montium Peruanorum, cœlo pænè minantium, quæ per 500. leucarum spatium à Septentrione in Austrum, perpetuis jugis decurrit. Verissimè igitur ad Dominum suum Psaltes divinus: *Ascendunt montes, & descendunt campi in locum quem fundasti eis:* & minimè fabulosè ille fabulosus;

*Psa. 103*

*Addidit & fontes, & stagna immensa, lacusque,*

*Ovid. I*

*Fluminaque obliquis cinxit declivia ripis.*

*Met.*

*Iussit & extendi campos, subsidere vallis.*

*Fronde regi silvas, lapidosos surgere montes.*

In mare autem maxima fluviorum pars se refundit, ut irrigatis per longos & ambitiosos errores, quas lavant, Regionibus, quod superest aquarum, mari, ceu, fonti suo reponant; ut pro tot emulgentibus sub terra venis, & nubibus deinde, abundantia semper ei suppetat.

Licet autem plurimos alveos Deus initio cocinnaverit; aquæ tamen etiam, in molli præsertim terreno, multos sibi ipsæ narraverunt, non paucos denique humana industria fecit: & Aristoteles lib. 1. c. 14. Meteor. septem ostia Nili manu facta videri, excepto solo Canopico affirmat. Drusus Cæsar contra incursiones Hollandorum, Rhenum in Iselam (quo hodie suam tutantur Velaniam) deduxit. Corbulo Romanorum in Germania sub Claudio Dux, ne miles otium exueret, inter Mosam Rhenumque, trium & viginti millium spatio, *Tacit. I lib. 11. Annal* fossam produxit, qua incerta Oceani vetarentur.

Cæterùm plurimorum fluminum alvei in Aquilonem aut Austrum undas suas exonerant; in Orientem tam pauci, ut dicere auserit Poeta iste Hispavius;

*Quæ colitur Gangas, toto qui solus in orbe*

*Lucan.*

*Ostia nascenti contraria solvere Phæbo*

*Lib. 2.*

*Audet, & adversum fluctus impellit in Eurum.*

Verùm Danubius etiam & Padus in Ortum se detorquent: Tagus in Lusitania, & Africæ Niger in Occasum: imò Ganges magis defluit in Meridiem, quàm Solem ortivum.

Certamen autem est de principatu inter alveos fluviorum: Aristoteles noster Indo videtur dare palmam, quia alicubi amplitudine 50. stadiorum sive 6. amplius mill. Italicorum se dilatat. Arrianus tamen Gangem ei præfert. Virgilius Eridanum seu Padum fluviorum regem nominat. Diodo-

rus Siculus Nilum potius coronat. Sed controversiam fluvius Amazonum sive Maragnon in America diremit, qui latitudinem ad 70. etiam leucas diffundit, mare verius, quam fluvius. Suppar deinde ei fluvius argenteus, vulgò *Rio de la plata*, quem non adæquent Nilus, Euphrates, Ganges, confusis in unum alveum & communicatis aquis. Proximus est in eadem America fluvius S. Magdalenzæ, qui tanto impetu Oceanum invehitur, ut intra decimam leucam, sale victo & undis, dulcedinem & fluxum servet, durarum leucarum aquæ latitudine.

Rapiditas fluviorum ex alvei devexitate præcipue oritur: quanto verò fontes oporteat esse altiores ostius, video non convenire in Geometras, Cardanus lib. 1. Variet. cap. 6. dicit antiquos in aquæ ductibus sesquipedem in centenos pedes constituisse; *sed nostra, inquit, ætate, subtiliori ratione, sed ad irrigandum solam opportuna, in singula spatia pedum 600. solam pollicem unum declinamus*: ut ergo aqua rapidius decurrat, & naves, facile deducere valeat, majorem inclinationem alveus habebit.

Si ad Mathesin res ista vocetur, incile aquæ ductus (ita Jurisperiti vocant locum, unde incipit incidi capalis) in millenos passus, uno pede altius emissario esse oportet. Atque ita consequenter, fluminum alvei post millenos quotque passus, ut aqua molliiter diffuat, devergere ad unum pedem debebunt. Ratio hujus mensuræ est; quia linea recta Orbem terræ contingens, post 1000. passus ab illo puncto contactus, dodrante pedis, sive 9 uncis, id est, tribus quartis, à subjecta terræ circumferentia distat, si totum ambitum terrestrem 5400. milliariibus Germanicis circumscribas. Aquam igitur, aut pilam, in fine istius lineæ si statuamus, decurret per eam usque ad punctum quo terram contingit, idque paulò pronius faciet, si in fine ad totum pedem à terra elevaveris. Hinc sequitur, finem alvei in longissimis illis fluminibus longè centro terræ propinquorem, quam fontes eorum esse, etiam si per singulum milliare alveus, ad unicum solum pedem descendat. Ut licet Nilus lineâ rectissimâ per circulum terræ maximum à Tropico Capricorni ad ostium Canopicum, id est, per 54 gradus, sive 3440. milliaria Italica, in Mediterraneum molliissimo lapsu aquas suas deduceret; initium tamen al-

vei, quod circa Tropicum Capricorni, non procul Pro-  
montorio Bonæ Spei est, 3440. (quis credat?) pedibus-  
elevatus à centro terræ, quàm fundus ostii Canopici juxta  
Alexandriam, foret. Fluvii autem rapidiores ad 3. 4. 5.  
aut plures pedes ad centrum terræ per singula milliaria de-  
clinant. Si verò ad 6. pedes, cursus tam rapidus & torrens  
erit, ut regendis ab eo navibus fiat incommodus, inquit  
ad cap. 6. lib. 8. Vitruvii, Daniel Bàrbarus.

Ridiculum etiam est, quod lib. 1. cap. 6. Variet. docere  
videtur Cardanus; Imò fluviorum superficiem quæ  
fundum tangit, inclinationem tantum habere, non verò  
summam, quæ aerem stringit. Sic enim perpetuò, quò  
longius à scaturigine recederent, fluminum profunditas  
intumesceret, & altitudo brevi spatio elevationem fontis  
superaret.

Sed verumne est illud, quò altius est flumen, eò rapidi-  
us esse? Experientiâ id constat, si devexitas alvei eadem  
sit, aut par. Nam hibernis torrentibus inflata incitant  
magis naves, & velocius deferunt quidquid natat in super-  
ficie. Causa est in abundantia aquarum, quæ magis se  
premunt & invicem præcipitant. Ita etiam liquor è pleno  
vase, detracto epistomio, emicat longius, & majori impetu.

Quò magis etiam flumina à centro terræ distant, hoc  
celerius, pari impulsu, circa terram gyrauntur; quia circulum  
majorem circumcurrunt: ut circumferentia rotæ rapidius  
in orbem se agit quàm modiolus, qui excipit axem.

Ex dictis jam patet, causam efficientem defluxus flumi-  
num esse propriam aquæ gravitatem, quæ per alvei devex-  
itatem centrum quærit, & ad propinquissima, quàm potest,  
loca defluit; unda etiam succedanea antecedentem sæpè  
urget; & hæc deinde illam, ratione & jure continuitatis,  
blanditer trahit & vellicat.

## ARTICULUS II.

*Qua de causa Nilus, Niger, Melas, Argentens, aliique fluvii  
sic exundant?*

**Q**uestio de Nili inundatione omnium antiquorum in-  
genia exèrcuit. Sesostris & Philadelphus Ægypti  
Reges, Cambyfes Persarum, Alexander Macedonum,  
quosdam



quosdam in ultimam Æthiopiam miserunt, ut Nili fontes, & incrementi illius quotannis statim causas, vestigarent, qui omnes incerti redierunt. Novissimè *Nero Caesar*, ait lib. Nat. 6. c. 2. Seneca, ut *aliorum virtutum* (ô si scias, qualis brevis futurus!) ita *venisatis in primis amantissimus, Centurionem duos misit*; qui, ut idem se ab iis audivisse narrat, ad immensas tandem paludes pervenerunt, quarum nec incolæ exitum sciebant. Jul. Cæsar etiam apud Lucanum lib. 10. super cœna illa Cleopatraz post cœsum Pompeium, ex Achæo, sacerdote Ægyptio, de Nili incrementis, tam ab aliis curis securus est, in illo rerum æstu, ut multa quæreret. Sed scire legem exundationis antè oportet, quam causam investigemus.

Primo: ut narrat Leo Afer, & qui hodie colunt Ægyptum, circa 17. Junii diem, id est, 27. nostro jam stilo, incipit intumescere, statim scilicet post solstitium, durat verò incrementum ad quadagesimum diem, secundum Strabonem, toridemque decrementum: totaque periodus ambit dies octoginta; etsi Herodotus extendat ad centum. Legem verò aliquando non servasse constat, ut decimo & undecimo Regni Cleopatraz anno, alveo se continuit: quo interpretati, nec vanè significatam Imperii Antonis & Cleopatraz defectionem. Sub Theodosio etiam aliquandiu stetit: quod idcirco factum calumniati sunt Gentiles, quia Imperator ei vetuisset amplius sacrificari. Sed ecce statim abundissimè se superfudit, & fertilitate insigni egregiè pensavit antecedentium annorum sterilitatem, verum ne sic quidem compressa calumnia: & publicitè in theatris cum risu clamabant, *senem Nilum quidquid jam æquum habuisset emuisse*.

Porro tam spatiosa est inundatio, ut valles & campi lateant, oppidaque cum collibus quibus inædificantur, more Cycladum insularum extent; nec ullum in Ægypti mediterraneis, nisi per navigia, sit commercium.

Ad modum autem incrementi, anni sequentis fertilitas responderet. In 12. cubitis, ait lib. 5. cap. 9. Plinius, famem sensit, in 13. etiamnum esuriis, 14. cubita hilaritatem afferunt, 15. securitatem, 16. delicias. Maximum incrementum, ad hoc ævi sui cubitorum 18. Claudio Principe, minimum Pharsalico bello, veluti necem Magni, prodigio quodam, flumine aversante.

Nec

Nec longè abludunt quæ scribit Leo Afer, qui Ægyptum oculis, & habitatione Africam usurpavit; conversusque à Mahumete ad Christum, à Leone X. Pont. Max. nomen in Baptismo accepit; Scriptor, ut mihi videtur, non infidus.

His præstruâ, Thales, Plinius, & Alexander, in Etesis causam inundationis ponunt; qui à Septentrione restantes contra cursum fluminis, aquas sustinent, quæ ab aliis à tergo affluentibus pressæ, ripis se superfundunt.

Sed non magnæ operæ est refellere. Etesis enim venti lenes sunt, qui aquæ cursum sic frænare non valent: nec isdem & tam statis anni temporibus, ut Libro 4. vidimus, semper spirant.

Senecio etiam ille Achoreus lib. 10. apud Lucanum perperam docet Cæsarem, Nilum influentiâ Mercurii intumescere, ut Lunæ Oceanum. Nec enim Nili periodus Mercurium adspicit, ut æstus Marini Lunam.

Fracastorius rem istam in Epist. ad Jo. Bapt. Rhamnusi-um cum cura tractavit, & credit à torrentibus pluviarum, quæ Sol circa Tropicum Cancræ levat, Nilo infusus fieri hoc incrementum. Verùm imbres isti in Æthiopiam recidunt, 600. miliaribus à Cairo Ægypti, ut faceret ipse Fracastorius; cum tamen eodem tempore ad Caurum Nilus sentire incipiat inflationem, nec aqua per tantum intervalli, in momento, quasi trajici possit in Ægyptum. Vidit hoc Fracastorius, & respondet, octo aut decem diebus, torrenti alveo, facile eousque defluere. Sed est incredibile. Nam sic miliaria 60. quolibet die transvolaret, etiam si rectissima linea decurreret. Alteram igitur responsionem tentat; scilicet, ut lapis in aquam dejectus, eam in circulos impellit, & intumescere facit; ita torrentes Æthiopici Nilum in Ægyptum usque propellunt, antequam ipsi eo pervenerint. Sed in vanum. Non enim idèò flumen se sic inflabit, sed impulsus celerius tantum alveo se evolvit. Deinde, aqua Nili turbida satis indicat, incrementum esse torrentibus & aquis adventitiis se illi permiscitibus.

Dico Primò; Magna pars incrementi Nili ex tabe nivis Atlantis montis venit, quam Sol ab Equatore ad Cancrum rediens, & vires suas canis illis montium, qui Tropico, aut circâ, subjacent, verticibus admovent, fundit. Hoc mihi Poeta significare visus;

Sens.

Theb. 4

*Sic ubi se magnis restans 'suppresis in antris**Nilus, & Eoæ liquentia pabula brumæ**Ore premis, fumant deserta gurgite valles;**Et patris undosi sonitus expectat hiulca**Ægyptos, donec Phariis alimenta rogatus**Donec agris, magnumque inducat messibus annum.*

Liquentia enim pabula brumæ sunt tabes nivium. Fallitur enim vehementer Fracastorius, qui Atlantem nivalem esse negat. Nam Leo Afer tantum nivium unâ etiam trionte circa sæpè defluere, ut arbores & domos tantum non sepe-  
liat, seque propemodum, cum iter illac faceret, ab iis suffocatum affirmat. Unde lib 75. Dion dicere aude, sibi pro comperto esse, Nilum hæc aquâ nivali auctum super-  
fundi, quod inquit, veteribus Græcis ignarum fuit. Juba etiam utriusque Mauritanix Rex, litteris tamen, quàm Regnis, non paulo clarior, ut ait Plinius, asserit, prout in Mauritaniam nives imbresque ceciderint, ita Nilum incre-  
scere. Niger etiam Africæ itidem fluvius, Hispanis hodie *Rio grande*, qui medio inter Tropicum Cancræ & Equato-  
rem intervallo in Oceanum Atlanticum se evomit, eodem tempore & lege, quâ Nilus, exundat; tantâ verò rapidi-  
tate mare tunc incurrit, ut intra quadragesimum milliare ruborem aquarum, & limum retineat. Fontes autem in radicibus nivalium istorum Africæ montium habet, quan-  
quam, non nemo sit, qui Nili ramum esse conjectet, quia Crocodilos, & Hippopotamos; cæteraque quæ in Nilo, videant in ipso præternavigantes. Verùm nuperrimæ Orbis delineationes manifestum discerniculum interpo-  
nunt inter alveum Nili, & Nigri fontes.

Dico secundò; Non solæ nives Atlanticæ, sed pluv.æ etiam, quæ circa Tropicum Capricorni & Nili fontes, Martio, Aprili, Maio, recidunt, instant Nilum. Hæc Aristotelis sententia est; indicatque Homerus, cui Odyss. 4. Nilus *Διὸς ὕδατος, μεταπὸς, fluens à Jove*, id est, aqua cælesti, fluvius. Prob. quia Franciscus Alvarez, olim per Abyssorum Regna peregrinus, scribit lacus quosdam in ultima pæne Æthiopia vidisse pluviis vernalibus tumidos, solitos superfundi; Nilumque illis in locis, longè ultra Atlantem, istis aquis inturgescere. Josephus Acosta lib. 2, cap. 4. Hist. Indicæ, circa Tropicum Capricorni, & ultra usque ad Pro-  
montorium

montorium Bonæ Spei, affirmat, ubi Sol Arietem intravit, imbres largiter depluere: prout etiam in Regno Ohilla Americano, quod eandem latitudinem & Positionem cum Promontorio Bonæ Spei habet, usu venit. Ratio est, quia tunc apud eos Autumnus, & imbrium tempus incipit, quando Ver nobis. Omnia enim contraria ipsis eveniunt, quia ultra Capricornum colunt, & Hiemem habent, quando nos Æstatem, & Sol Cancro se admovit; autumnusque ibi, cum vernat Europæis. Etiam si autem pluvie per Martium aut Aprilem ibi cadunt, tardè tamen, & Junio solum mense, tot circuitibus fessum, & insulis hebetatum, agmen aquarum in Ægyptum pervenit. Ex his patet, paludes illas, quas sub quarto parallelo, Antidiames, inter Æquatore & Tropicum Capricorni statuit Ptolomæus, non esse (quod putat) primos Nili fontes, quos novissimæ Hollandorum Tabulæ, extra Capricorni circulum, cum Lunæ montibus, in ipsam præcè Africæ cuspidem rejiciunt.

Cæterum, undecunque irruant, certum est ex limo quem vehit torrentibus incitari, ut cætera flumina, & intumescere Nilum: idèd enim oblinatione istâ campos quibus aliquamdiu & altus insedit, fecundat. Et in Scriptura Sacra, turbidus aliquoties appellatur. Jos. 11. *A fluvio turbido, qui irrigat Ægyptum*: Et Jerem. 2. *Quid tibi vis in via Ægypti, ut biberis aquam turbidam?* Ubi tamen arenæ & limus in sedimentum defluxit, limpida & suavissima est, quia percocta Zonæ torridæ caloribus, inquit Diodorus Siculus, ideoque Ægyptii usitantur in potu; & in convivio Cæsaris & Cleopatræ lego lib. 10. apud Lucanum;

manibusque ministras

*Niliacas crystallus aquas.*

Tam magnæ autem & delicatæ manus limpidissima aqua solent abluere. Imò in tanta gratiâ & dignatione apud eos erant Nili aquæ, ut Ptolomæus Philadelphus, Polybio teste, ad filiam Berenicen, Antiocho Regi Syriæ collocatam, ut solam eam biberet, solitus sit ministrare. Melas etiam Ægyptiæ fluvius, teste in Sylla Plutarcho annuo cremento Nilum imitatur, haud dubiè ex causis similibus.

Argenteus deinde, vulgò *Rio de la plata*, in America, aqua etiam cœlesti, & montium Peruanorum tabescentibus rivibus inflatu, semel quotannis tribus mensibus ripas in-

dignatus.

dignatus, mediterranea submergit: quo tempore accolæ scaphis, & partim natati, quo, ritu piscium reme, valent, vitam tolerant.

### ARTICULUS III.

*Quenam aquarum in usu laudatissima.*

Lib. 3.  
cap. 3.

**S**aluberrimam aquam breviter & scitè definit Plinius, *que aeri similissima est*, id est, pellucida, levis, insipida, inodora: talis enim maximè sincera & impermixta erit: exhalationum quippè & cæterorum opacorum mixtura claritatem illam interpellat, levitas autem ex raritate nascitur, & cum turbida opacitate consistere etiam potest; aqua enim cœlestis, levis est, quia ex vapore nubium levi & paulò ante in aere pendulo, subito & perfunctoriè condensata, & tamen unà ab exhalationibus quas vapor, implicat, & secum devolvit, se turbat, & lucem suam confundit. Hinc fiet aquæ pluviales levitate & tenuitate suâ multum laudentur, exque magis, quæ inter fulmen & tonitru ceciderunt, quas in dulcedinem aliquam percoctas, bruta avidissimè bibunt; celeriter tamen, ob exhalationum permutationem putrescunt, & aliquantam inde noxam trahunt.

Unde etiam grandinum, quæ ex guttis pluvialibus coagulantur, aquam ab eadem exhalationum miscela, pestilentissimam Plinius vocat. Spiritus enim illi qui humori nubium se confundunt, non solum ex terra, sed variis etiam mixtis & plantis aliquando venenatis, in altum extrahuntur, ut Lib. 2. diximus, circa materiam fulminum.

Hinc errant etiam quidam apud Athenarum lib. 2. qui nivalem aquam saluberrimam contendunt. Hippocrates enim, Aristoteles, & Plinius, ut inquinatissimam damnant: & reverà terrestre illud, quod in ea subsidit, satis indicat in sinceritatem. Nec verum est, quod aiunt, frigore, quo gelatur vapor nubis in nivem, exprimi halitum; sed meliditur potius, & in eisdem floccos cum vapore alligatus. Unde Agellius lib. 19. cap. 3. cum in illa plurimorum heresi esset, bibendi nivalem, scribit se ad meliorem sententiam reductum à Peripatetico quodam, & auctoritate Ar-



*aque in nives & glacie vitiosas esse.* Non malè igitur Nero Principi, cetera ferè pessimus, invenit artem decoquendi, vi troque in nives demissam refrigerandi aquam, ut sic voluptas frigoris, sine vitiiis nivium, contingeret: coctura enim halitus expellit, & rarefactione aquam laxat ac resatur ut citius & penetrabilius externum nivis frigus accipiat.

De noxa aquæ glacialis, non videtur perinde certum. Nam glacies ex summa & levissima parte aquæ coagulatur; purissima etiam, ut apparet, quia terrestre quodcunque & incutitum succumbit in fundum. Fortè tamen idè Aristoteles condemnat, quia exhalationes perpetuè ex aere in terram & aquam subsidentes circa supremam aquarum cutem hærent, sequè ei confundunt. Hinc etiam intelligitur, fontium illos esse deteriores, qui labris suis, & rivorum quos influunt alveolis aliquid allinunt aut musco investiant; hæc enim alicujus impuritatis, etiamsi oculis statim non sentiantur, indicia sunt.

Porro raritas & tenuitas aquæ non unâ ratione exploratur. Hippocrates eam quæ igni promptè obedit, celeriterque postea deponit fervorem, tenuem & laudabilem dicit. Quæ enim corpulentiores sunt, frigus pertinacius retinent; sed ubi semel etiam incaluerunt, segnius ad naturalem rigorem, calore contumaciter in densitate illa hærente, redeunt. Palladius ad incolarum adspicit valetudinem. Si sanis pulmonibus & thorace, renibus & vesica sunt, salubrem indicat aquam, quæ per illa corpora transigitur. Talis igitur nostra Spadana; nam in eo pago multifecundones integrâ valetudine decrepiti, sicci etiam & adstricti, & castigatissimâ corpulentia plantæ lignei visuntur.

Si viscera etiam & hypochondria citò deserat, tenuitatis est signum. Nam tenue penetrabilius est; & Aristoteles affirmat idè in mare demersos tardius, quàm in flumine, suffocari; quia fluminalis tenuior est marinâ, ocyusque in omnes corporis sinus & angulos se insinuat.

Quæ etiam valdè rara est, speciem corporis submersi, ut lapidis, aut baculi, minimè inflat & refringit; sed eadem molis & figuræ apparet, quâ in aere. Talem aquam vidit Paduam & Vincentiam, in loco, qui Cubalus dicitur, vidisse asserit Vitellius lib. 10. theor. 47. Fluyii deinde

qui onera navium non ferunt, ut Silas in India, insigni sine dubio, raritate sunt. Illi etiam Borysthenes, cuius aqua keri fluvio Hypani supernatant.

Pondere denique densitatis & tenuitatis discrimen deprehenditur. Sic Pirene, fons ille Musis sacer, omnium qui in Gracia levissimus & tenuissimus repertus ab Atheno. Coryle Attica Eulei fluminis drachmam unam minus olim, quam aqua Tygris aut Euphrasis, pendebat: & ob hanc doctorem, Parthorum Reges Euleum & Chosroem bibebant, eosque, quamvis in longinqua, plaustris commutabatur. Snellius hoxter lib. 2. cap. 9. Eratostheni asserit, aquam pluvialem graviolem esse distillata in rubro pedali, duabus uncias & granis sexcentis duodecim: putealem vero propensiolem pluvia, uncias septem & granis trecentis septuaginta. Aqua etiam post brumam, graviora diligentioribus reperta est: ubi scilicet spiritus illos subterraneos in se extinxit, & inde crassamentum sibi fecit. Unde per clepsydras olim diffuens, hiemales horas paulo longiores reddebat aestivis, exitu tunc ob crassitiem tardiore.

Ceterum, flumina rapidiora, & scopulis multis, aut insulis assilientia, magis frangunt & laudabiliores reddunt suas aquas: idcirco Avicenna praefert civitates & loca quae tabulis alluvuntur: imo Plato libro de Legib. vocat civem suum in urbe pernoctare, in qua aut leges exulant, aut nullus fluvius currens: illud enim animum, inquit, hoc corrumpit valetudinem. Renuat fortassis igitur insulis Flandiarum, hospitari, ubi fluvius, qui Cotracum non sinit, sed repit restudine gradu, pigerrimus est, ac ob minimam, alvei inclinationem, pene stagnans: qualisque omnino Ticinus in Italia apud Poetam Consularem.

Sil. lib.

3.

*Vix credas, sibi, ripis tam misis, opacis,*

*Argenti inter voluerum certamina canens,*

*Somniferam ducis ludens gurgite lympham.*

Alveus igitur magis princeps fodiendus, ut torrentior sit unda, & exercitio tenuetur.

## ARTICULUS IV.

*Quid confitemur de variis miraculis aquarum, quæ à Scripserunt, & passim aut sparsim jactantur?*

**A**ntrum amnem irusare, Cratini & Cesisphum fontes candorem; Penium nigritiam pectori facere, affirmant multi: & de Cliturno, in agro Falisco, Propertius;

*qua formosa suo Cliturnus flumina luto*

*Integris; & nivos abluunt unda bevos.*

Quidni autem cum Theophrasto accredamus? qualitas quæ aquæ per corpus nostrum infusa movere temperiem valet: nonne etiam senectus, nonne ingens unius etiam nostris sollicitudo & animi anxietas, multis canitiem temporalem fecit?

Sic quoque fons unus in Bœotia memoriam, alter oblivionem, violato cerebri temperamento, adducere potest. Nam & quendam aquâ melissæ vino albo infusa, & per distillationem iterum extracta, memoriam correxisse, lib. Subtil. Cardanus est auctor. In Cilicia esse fontem, qui sensum bibentibus acuat, in Cea insula, qui hebetet, doctissimus Romanorum M. Varro dicit; nec habeo, cur refellam; tantundem enim facit, vinum modice aut largius sumptum. Nec hoc magis mirum; Clitorium in Arcadia, vini creare fastidium; audi illum ingeniosum

*Clitorio quicumque solum de fonte lavavit,*

*Vina fugis gaudesque meris abstemius undis.*

*Ovid. l. 9*

*Metam.*

Ova etiam nocturnarum eodem valere narrant. A visco quodam Romachi parietibus aut orificio adherente credo hanc nauseam; sic etiam qui multis ovibus se semel aut iterum inferiunt, eorum in posterum amittunt appetentiam.

Sed quid de quinta essentia Cardani, sive aqua illa distillatitia, quam ætherem vocat, viresque corporis, & vitam in longissimum tempus producit, existimamus? In Bonica etiam insula, non procul ab Hispaniola novi Orbis fons, è vertice montis salit, qui senes ad juventutem revocat, etsi canitiem non aboleat, nec impleat rugas. Cujus vi, inquit Cardanus, præter perseverantem sanam, lippus sessis *Petrus Martyr Angerius Mediolanensis, Regis Hispaniarum, olim a* *secressis*

secretis, in suis orbis nuper inventi Decadibus. Et confirmari potest, succo fructus arboris vite Paradisi, qui ex sententia D. Thomæ, & magis accepta, vim naturalem habuit corrigendi vergentem jam in senium ætatem, & humidam, ut vocant, radicale instaurandi. Quidni igitur humor aliquis sit à terra, naturali fonte scaturiens, aut Chymicæ & distillariæ arte præparatus, qui partibus fortè quibusdam heterogeneis confectus, quarum aliqua vi purgandi & recrementi humorum quæ partibus singulis animalium allinuntur, & calorem naturalem suffocant, abstergerendi, polleant; alia verò optimo succo prædita, in substantiam viventis sine ferè pugna, facessant, humidumque radicale largitè instaurant.

Verum, etsi non facilis sit refutatio naturalistæ succi, non credo tamen adhuc repertum; nam cur aliàs Carduus, tam cito finitus est, si æthereum illum succum habuit, qui ad nostram hanc cum ætatem, & per tot annorum circulos circumducere potuit? succi ergo hætenus cogniti excellentia solum quædam medicamenta, aut alimenta sunt, quæ lapsantem, aut delapsam valerudinem restitunt aliquoties, non in perpetuum (etiamsi sæpè repetantur) valent; senectutem etiam tardant, & aliquandiu sustinent, nunquam ad carceres juventutis, ut iterum decurrat, revocant. Illud etiam satis credibile, Lyncesti fluminis Macedoniæ aquam remulentos facere. Nalo lib. 13. Metamor.

*Hinc fluit effluuio dispar Lyncestis amnis,*

*Quem quicunque parum moderata gurgitis traxit,*

*Non aliter tinbat, quam si vera vine bibisset.*

Plin.

lib. 2.

c. 103.

Hanc autem abacore quodam, acidulam vocari asserit Plinius. Unde in parte acidulæ nostræ Spadaneæ est similis: quam etiam expertus sum largius potam cerebrum paulisper tentare, & invitare somnos. Minus tamen longè, quam Lyncestus, qui spiritalior, & halitu aliquo minerali plenius sumat.

Fontes plurisariam esse, quorum aqua in rivum effusa restatim & lapidescat, compertum etiam est. In Peru, calidum quendam vidit Jos. Acosta, qui brevi in rupem se durat; unde ferro, exciduntur lapides idonei etiam ædificiis, & simillimi, quantum conjicio, flaventibus illis & mollioribus nostris Mosæ-Trajectinis. Aquam etiam Sygus

in lapidem coagulari multi tradunt, & mortiferam esse, *Sen. lib. 1. c. 23:* quia alligat viscera. Plinius tamen frigidissimam, & omnia vasa perrodere, præter muli ungulam, idque ab Aristotele nostro repetitum, & sic venenum illud ab Antipatro datum Alexandro affirmat, magnâ, inquit, Philosophi infamiâ. Ah igitur alumni sui necem machinatus cum Antipatro Aristoteles? Non credo Plinio. Curtius ceterè de Antipatro tantum, & filio Jolla sanctam sparsam fatetur, de Aristotele silentium. Credidit tamen Cæsar Caracalla: quis quod Alexander videri vellet, Aristotelis libros abolere statuerat; quia is propinæti Alexandro veneni videretur auctor. Plutarchus etiam in Alexandro scribit, à quibusdâ suspectatum Aristotelem: sed magis in eos inclinat, qui negant toxico interiisse, quia corpus exanimum multis diebus, nullo balsamo aut odoribus conditum, fervido & torrenti cœlo, sine tæbe, livore, & ullis veneni indicijis permansit.

Ullam autem vitæ Strygiam omnia vasa perrodentem, non in valdè miris Agricola ponit; & aquam metallicorum, quâ argentum ab auro secernunt, parum aut nihil acrimoniam abesse dicit. Ad conciliandum verò aquæ, frigus intolerans, plurimum confert profunditas venæ, deinde Mercurij sive hydrargyri, aut etiam natri mixtura. Nitrum enim ex utroque contrario spiritu, calido & frigido, sed mœuberius, contextum docet Bartholinus. Unde si aquæ hic admisceas, promptissimè totam refrigerat; idem ergo fieri credendum etiam in subterraneis.

Fontes autem qui lapidescunt, plurimum gypsi ac tenacis Iuri veliere certum est, unde lapidibus materia.

Sunt quoque qui injecta in lapides mutant. Talis vis Anteni, Italiæ fluvio, in quo, cadaver à latrone demersum, & radicibus arboris implicatum, lapideum repertum ferunt; item nûces & amygdala in eum decidua, lapidescere vulgò notum est: appellatque à propinquo Tibure, bellaria Tiburtina. Nec opus plura exempla aggerare, quæ à Plinio & aliis satis celebrata; hoc tamen etiam addam. Albertus Magnus ætate sua prope Lubecam extraxit à mari ramum, cum intexto nido pullisque purpuri coloris scribit, quæ omnia in lapidem dirigerant. Aquæ hujus aut reverà saxificæ sunt, & injectorum temperiem



pellent mutant, aut gypso solummodo incrustant.

Hoc etiam jam nimis est vulgare. Asphaltum, siue mare mortuum in Iudæa, onera pleraque immersa respuit. Periculum in hominibus Vespasianus & Traianus Cæsares fecere; qui pedibus manibusque colligatis injecti fluitabant innoxii, miraculi causa, ut alibi diximus, est in densitate permixti bituminis.

Cyzici etiam fons quidam Cupidinis appellatur, à quo amantes (ò salutarem Meridionalibus, & omni genti amantibus fontem:) frigerari & amorem ponere, credidit Mutinas; & quid ni etiam faciamus? certe frigore, aut aliter consumendo genituras, id fortasse potuit. Hoc tamen merum fabulamentum est; in Andro insula, fontem Liberi patris Nonis Januariis semper vini sapore fluere, nisi tamen Genii cuiuspiam mali artificium id fuit. Istud autem naturales causas propius accedit; in Dodone fontem Jovis esse gelidum, qui cum faces immerfas extinguat, extinctas tamen accendat, si statim admoveantur. Nam spiritus sulphurei, quos exhalat, in facem recens extinctam & adhuc fumantem incidentes, flammari facile valent, & rursum facem animare. Alia præterpropter innumera congeri possunt: sed abstineo, ne paritas ista Philosophis nostris, & quicunque morosioris palati, fastidium faciat. Tales enim ferè in amœnitates illas historiarum despuere solent; sed hæc, si placet, saltuatim, aut omnino non attingant; & ignoscant, quia non ipsis solis & unice scribo.

Onerabo etiam nauseabundos istos hoc auctario. Scriptura Sacra sæpissime gratiam illam quæ animas sanctificat, appellat aquam. *Qui sitit, veniat; & qui vult, accipias aquam vitæ gratis:* Apoc. 22. Hinc S. Petrus Epist. 2, cap. 2, impios vocat *fontes sine aqua*; quia gratia carent; cujus capacitatem naturam habent. Sed super omnia pulchrè & disertissime Christus Dominus Joan. 4. ad Samaritanam: *Qui biberit ex aqua quam ego dabo ei, non sitiet in æternum: sed aqua quam ego dabo ei, fiet in eo fons aquæ salientis in vitam æternam.* Fons enim gratiæ salit in vitam æternam; quia per actus quos aut effundit, aut quibus dignitatem suam affundit, visionem Dei, & vitam æternam promeremur. In multis autem analogia est inter gratiam divinam, & aquam; hæc sordes corporis, illa animi eluit; hæc æstum ventriculi,

Illa ite, libidinis & ceterarum perturbationum mitigat  
 aut extinguit; hæc arentes fauces illa sitientia animæ desi-  
 deria humectat, & mollit. Ista vero ista, & totidem aquæ  
 qualitatibus proveniunt: abluit enim, quia cum densitate  
 fluida est; frigerat, quia algida; humectat, quia humecta.  
 In substantia etiam aquæ, gratia analogiam invenit: illa  
 enim terræ infusa & permixta, saturare hunc in om-  
 nium plantarum venas & fructus transfundit; gratia ani-  
 mæ infusa, & in eodem subjecto habitibus supernaturalibus  
 confusa, per eos in actus supernaturales, seu quosdam spi-  
 rituales fructus, influit. Merito igitur S. Theresia, ut in li-  
 bello quodam ejus legere nuper memini, aquam omnibus  
 elementis in amore prætulit, & omnes divinos in animam  
 illapsus, per fontes, rivulos, & tubulos semper explicavit.  
 Petamus nos, & cum Samaritana dicamus: Domine, da nobis  
 hanc aquam, ut non sitiamus. Omnis enim Philosophia nostra, &  
 universæ scientiæ humanæ, imò diviniæ flaccidæ, marcidæ,  
 exsiccæ, & arentes sunt, nisi in hunc gratiæ & charitatis  
 humorem radices demittant; aut si viride in quibusdam &  
 florere videantur, plenitudinem illam & decorem instantis  
 varietatis vento mentiuntur, scientia namque, divini amoris  
 & gratiæ succo vacua, turgida, & inflata est, nosque  
 similes sibi facit. Procurasti, clamat D. Augustinus ad De-  
 tum, mihi per quendam hominem immanissimo typho turgidum, quo-  
 dam Platoniorum libros ex lingua Græca in Latinam versos. Tales  
 plerique omnes Platonici, Peripatetici, & cujusvis farinæ  
 ac sectæ Philosophi, veræ Religionis & gratiæ exortes,  
 in oculis suis vasti, grandes, & cothurnati. Felices nos,  
 qui in tempora ista postuma incidimus, & habemus Chri-  
 stum, qui tot verbis & factis tumorem nostrum premit,  
 exprimitque ventos, & cogitationes, in quibus majores  
 nostri evanuerunt in altum, unde relapsi præcipites in in-  
 ferbum; quos ne sequamur, miscenda Philosophiæ no-  
 stræ, & sæpe inculcanda hæc Magistri lectio est, *Discite a me*,  
*quia mitis sum, & humilis corde.* Cordo ait, non externo solum  
 cultu; quomodo olim Cynici per summam superbiam,  
 summisionem animi, & rerum humanarum contemptum  
 præferebantur. Audiamus etiam discipulum istum Magistro  
 consonantem: *Non judicavi me scire aliquid inter vos, nisi Iesum*  
*Christum, & hanc crucifixum.*

Ioan. 41

Lib. 7.  
Confess.  
cap. 9.

Mat. 11

1 Cor. 2

Cui non etiam nos tanto, illo nescentiores, idem ad-  
judicamus? Sed mirum, quàm difficulter superba nostra  
ignorantia in hoc iudicium & confessionem adduci possit,

## CAPUT IV.

*De Rore, Pruina, Melle, Manna:*

**F**inita aquarum, unde Meteora aquea materiam sumunt,  
tractatione, ipsa jam ingredimur. Initium à rore, &c  
facimus, quia in infima regione, & loco generationis,  
propinquissima sunt terris. Servabimus enim hic, quod  
ante in igneis: ab imâ aeris regione scansim ad superiores  
perveniemus.

## ARTICULUS I.

*Qua causa Roris.*

**M**ateria Roris, vapor est; Forma, mollis ille ex vi-  
cino aere in terram relapsus. Causa efficiens à mul-  
tis nocturna astra putantur. Poeta vetus, & amœnissimus  
in pervigilio Venenis;

*Humorilla, quem serenâ astra torant noctibus;*

*Mane virgines papillas solvit humensi poplo.*

Sic Luna, roris mater, & roscida, à Poeta Georg. 3. appel-  
latur. Verùm licet Luna, tepore molli vapores educendo,  
aut aerem laxando, ut guttula facilius in unum confluant,  
& se degravent, rorationem adjuvare possit: causa tamen  
efficiens præcipua, est nocturnum frigus, & forma sub-  
stantialis vaporis, quæ ad frigus & densitatem, ac postremo  
ad gravitatem, materiam suam reducit.

Relabi autem rorem ex propinquo, inde liquet; quia  
compertum altiores montes parcissime irrorari, & humiles  
plantas, quàm altissimarum arborum folia, plenius inebri-  
ari. Causa est, quod humilibus major aeris profunditas  
superstet, unde ros decedit, & hinc etiam calcei ambulân-  
tium in sicco, roscidâ nocte, amplius quàm caput, hume-  
stantur. Resuunt tamen etiam rores in colles, & montes  
qui non excelsissimi, ut in montem Gelboe, 2. Regum c. 1.  
& in montem Sion, Psal. 132. Ex toto igitur à terra ad  
nubes

nubes intervallo relabuntur rores in altitudine viginti graduum ab horizonte, ut lib. de Cometa Anni 1585. credit Rothmannus; quia per tantam elevationem sidera nocte surgentia, aut cadentia, evidentem refractionem patiuntur, multiplicatis intra totum illud spatium infinitis rorationum guttularum vaporibus.

Tempus ergo rorationis est nocturnum, quando scilicet vapor à Sole eductus, & ab ipso occaso destitutus, refrigerat se ac redensat, sitque jam aere illo gravior, in quo antea levior natabat. Hinc sub auroram, cum plurimum noctis exivit, plures generantur, & magis frigent rores; & in Zona torrida, ubi noctes toto anno duodecim circiter horarum sunt, nocturnus aer à longa & gelidissima roratione frigidissimus est, ut de Africa, Francis Alvarez, de America, Jos. Acolta, experti testantur. Et hæc causa est, præter cæteras, quæ Zonam illam temperat, & præsentiam diurni Solis lenit.

Non abstineo etiam, quin bellatulam aliam rationem Jo. Bapt. Benedicti, Epistola ad Adr. Panetium, huc addam, quâ ostendit, cur aer sub auroram gelidior & densior, quàm reliquâ parte noctis. Hoc enim frigus & densatio extremam partem noctis magis rorissuam efficiet. Duo autem supponit, quæ vera sunt. Primum, umbram terræ, sive noctem, jaci semper in partem Soli adversam. Deinde, aerem inumbratum condensari: & eò arctius, quod Sol vicinum umbræ aerem magis calefacit & renuat: nisi radii millei & conferti reflectantur in umbram. Ita flagrantissima æstate, umbras arborum gelidiores experimur, nec ex-istimo id solum ita videri, ex comparisone ardentioris circumstantis æstus: sed reverà plus frigoris (undecumque veniat) in aere umbræ perfuso tunc esse. Ratio est, quia ob rarefactionem vicini aeris quem Sol illustrat, ait Benedictus, aer alter in umbra se contrahit; quia aliqua aeris illustrati partes, rarefactione in umbram propelluntur, & una cum cæteris ibi colliguntur in unum nodum, quo autem major & diffusior est rarefactio, eò plures partes incurrunte in umbram, & à reliquis ibi refrigeratæ constringuntur.

Sed à qua causa, aer inumbratus, subito sic refrigeratur? inquit Benedictus, naturaliter calor sequitur tatum, ratiom

calorem, & frigus densum, ac densum frigus, ut unicuique sano mentis  
paret. Sed nullus Philosophus, qui paulo altius, introspicit,  
hic acquiescit. Alibi profundius nos in hanc rem demer-  
temus. Dico iam in transcurso; aut aerem natura esse  
frigidum, aut hunc terræ circumfusum, vaporibus plurimis  
mixtum & intextum esse, qui a radio calefaciente & dis-  
fundente liberati, ad frigus & nonnullam densitatem, per  
antiperistaltin se reducant.

Hoc constituto, probat Benedictus, aerem ante auroram  
magis densari & frigescere, quia à media nocte, pyramis  
umbræ terræ, perpetuo recedit ab Oriente, & retorquet  
se versus Occalum; sic ut radius Solis mane radat & di-  
stringat aeris nostri umbram, quia igitur tunc infima regio  
quæ nobis impendit, & unde in nos resiliunt rores, propin-  
quior est radio surgentis Solis, quàm mediâ & concubiti  
noctis, ideo densius cogitur, & se, ac una vapores ad rora-  
tionem magis refrigerat. Vespertino verò crepusculo,  
quia umbra terræ Solem versus Occidentem sequitur, aer  
nostre, perpetuo à margine umbræ, versus axem seu medi-  
um eius, elongatur.

Omni tempore anni gigni possunt rores; sed facilius  
& affluentius Autumno & Vere: quia & vapores, in ma-  
riam tunc superant, & Sol nimio ardore non consumit.  
In nubibus etiam & flatu, aut ex Aristotele nostro, ut pleraque  
solet Plinius, non cadunt rores. Venus enim paulo vio-  
lentior materiam, ne coeat, dispergit: in nubibus autem,  
vel non attrahitur vapor rorisilius, vel certe non rorat, sed  
pluit.

Interventos, mollis Auster rores provocat: quia aerem  
ad guttularum confluentiam laxat, & tepore insuper vapores  
elicit. Contrà tamen evenit in Ponto, Asia minoris Re-  
gione, inquit Aristoteles, quia Auster eo lassus, & excubito  
longo volatu, tepore pervenit. Unde nec calore vapores  
provocat, nec antiperistaltin insignis frigoris. Aquilo verò  
ibi cum Regio Septentrionalis sit, gelidissimus per antipe-  
ristaltin, exhalationes diurno Sole calefactas sic in unum  
compellit, ut vapores circa terram, aut in ejus poris haren-  
tes, intepescant, & ascendant in materiam roris. Quod  
non solum in Ponto, sed omni Aquilonari Regione, ubi  
par Aquilonis & Austri qualitas, verum esse debet. Ex



supra enarratis definitis rorem; vaporem tenuem, in infima  
aeris regione, vi nocturni frigoris densatum, minutissimis  
guttulis in terram relapsum.

## ARTICULUS II.

*Effectus Roris.*

**M**el, & Manna, effectus Roris sunt, ut causa materia-  
lis, ut statim dicemus, eruca etiam, ac aranea, &  
infusa insecta, à rore materiam sumere putantur, cum  
enim hic multas siccas exhalationes permixtas habeat,  
reore Solis materiam utramque percoquente facile dispo-  
sitiones concipit ad generationem imperfecti animalis.

Conchas etiam marinas, oscitatione rorem sorbere, &  
ex concipi gignique in ipsas margaritas, multi docent post  
Plinium. Sed egregie confutat Anselmus Boetius lib. 2.  
cap. 37. de Gemmis, qui apertis plurimis gemmantibus  
conchis, deprehendisse se scribit, uniones eodem quo  
talla animalis succo, concretere. Cujus rei magnum indi-  
cium est, quod ubi margaritæ fuscae sunt, aut alio colore  
tinctæ, interior concha testa su concolor.

Ros etiam ovibus & capris aliquam noxam affert, alvum  
enim is citat, & auget bilem, aufertque aliquando vitam;  
unde prudentes opiliones non summo mane per roseida  
educunt gregem, sed diem adustum expectant, donec Sol  
rorem resorbuerit.

Ambulatione quoque sub arboribus rovis suis quandoque  
contrahitur scabies aut lepra: ut ex Plutarcho docet Mer-  
curialis, quia scilicet ros morficat & scarificat cutem, tam  
propter exhalationes admixtas, quam quod superficiebus  
foliorum arborum, quas colliquat, deradit. Nimis tamen  
superstitiosè delicati sunt, qui statim occidente Sole,

*Virgil.**Geor. 3.*

sub rosa occurrunt, clauduntque curiosè fenestras; quas  
etiam mane non nisi serò aperiunt, domique se continent;  
metuentes rosis relapsum, minimis enim istis, duranda cu-  
tis & valetudo est; ut respicere majora pericula valeat, quam  
passim totâ vitâ incurrunt.

Ros etiam corpulentiam consumunt. Hinc alicubi foe-

mina

minæ crassulæ rore se lavant, aut etiam bibunt ad gratili-  
tatem. Unde Theocritus in Thyrside, de vitula macra;

Μὲν γὰρ οὐκ οὐκ ὁρᾷ τὸν ὄψιν τὸν ὄψιν :

Rorans vixit, more cicadæ ?

Observant deinde venatores, odorem ferarum obtundi-  
nimia oratione, unde plenilunio, cum maximè rores mul-  
tiplicantur, difficulter canes olfactu feras affectantur.

Species quædam rubiginis, & vitium morbus, roratio  
appellatur, quæ acini, priusquam crescant, in callum deco-  
quuntur. Id autem accidit, cum deflorescentibus vitibus  
ros impluerit, non aqueus & fecundus, sed aridus, & per-  
mixtus noxia multa exhalatione. Hæc etiam, siccato va-  
pore, instar farinæ, arborum folia respergit, adurit &  
necat. Mannam rustici nostri vocant, lupulumque sali-  
dariū maximè hæc lues infestat, & ab hæc causa, proven-  
tus ejus incertissimus est, maximè variante pretio.

Rubigo verò, sive robigo in frugibus, & præsertim fru-  
mentaceis (legumina enim minùs eam sentiunt) est pu-  
trifactio quædam : cum exceptus spica ros aut pluvia non  
defluit, sed Sole ibi calefactus putrescit. Propter robiginem  
Robigalia sacra, ad eam avertendam, Numa olim Romæ  
instituit ; celebrabanturque tempore Plinii v. 1. Kal. Maii,  
quando seges maximè obnoxia robigini. Floralia verò de-  
inde instituta ex oraculis Sybillinis, 15. Kal. Maii, ut feli-  
citer omnia deflorescerent. In locum autem Robigalium  
& Floraliū, Ecclesiā Catholica dies Rogationum & Sup-  
plicationes illas amburbias & ambarvales die 6. Marci, &  
tubus ante Ascensionem Domini diebus, substituit.

### ARTICULUS III.

*Præcipua Causæ, & Effectus.*

**P**RUINA fit, inquit eleganter & scitè Apuleius ; si mollitia  
roris matutini frigoribus incanuit. Aut potius sic finiri  
debet : Vapor in infima regione priusquam in rorem con-  
vertatur, congelatus. Ita ergò ad rorem, ut nix ad pluviam,  
se habet. Causa materialis, est vapor ; formalis, conge-  
tio ; per quem à rore differt. Efficiens, est hibernum aut  
autumnale frigus. Duobus enim illis solūm anni tempo-  
ribus, & celo gelante provenit. Aliquando tamen etiam

Verè,

# METEOROLOGICORUM Lib. V.

Vere, imò Æstate; certâ segetum lactescentium aut florantium perniciem. Ita Anno 1607. & nuper 1625. pruina solstitialis, natantes in lacte suo spicas plurimarum in Belgio adussit.

Respergitur autem pruina per herbas instar ratæ cuiusdam nivis, filatim etiam arboribus dependet; quia multæ vaporis & exhalationis siccioris mixtim guttulæ, in longum & catenatim succenturiatæ ac nexæ, frigore sic concresecunt, ut pyramides illæ glaciales dependulæ è sugrutidiis testortum.

*Stiridgæ impexis induruis horrida barbis.*

*Virg.*

Pruina verò hæc capillata, nebulam frequentissimè comitem habet; quia exhalatione multa tenebrosa & nebulosa opus ad ejus generationem.

Finis & Effectus principales (nam semper effectus aliquis, est causa finalis Meteororum) pruinæ, est contractio spiramentorum terræ, ut circa plantarum radices, & in visceribus ejus contineatur spiritus, caloris vehiculum.

## ARTICULUS IV.

*De Filis illis quæ D. Virginis appellantur.*

Pruinæ capellari affinitia quodammodò sunt fila, quæ Autumno maximè per agros, instar telarum araneorum, volant; multique in Belgio fila Divæ Virginis vocant. De quibus nil unquam me legisse memini.

Falluntur autem, qui retia araneorum vento abrupta & arrepta credunt. Non enim tot hîc sunt agrestes aranei, nec eorum fila tantæ longitudinis & crassitie sunt; &, quod caput est, vix valido vento araneorum retia (in agris enim retiarii ferè, non textores, quales in domibus habemus, aranei sunt) tenuitate filorum impetum fallente, & per intervalla transcribente, diffari valent. Fila tamen illa Virginea, tranquillo tantùm nascuntur & volant, sine valente ullo flauo. Itaque ex vapore percocto, & terrestribus ac viscosis exhalationibus contemperato, concresecunt. Temperatura autem similis est humori illi & excrementi visco, quod aranei filatim è visceribus, aut, ut Aristoteles credit, è superficie corporis, in retia aut telam perpetuam deducunt,

Vere

Vere etiam tantum & Autumno gignuntur, quia calorem temperatum & siccitatem postulant. Autumno tamen maxime, quia aer tunc exhalationes siccas æstatis reliquas adhuc habet, quæ necessariæ ad huius Meteorum temperiem.

## ARTICULUS V.

*De Melle.*

Plinius lib. 11. cap. 12. inclinât, ut affirmet, mel cœli sudorem, aut quandam Siderum salivam esse, queriturque ac dolet, plurimum sordium contrahere, & taminari, tam longo, à cœlo ad terram, delapsu. Sed si hoc esset, non æstate magis quam hieme decideret, multo etiam annos in via consumeret, tam lento in terram defluxu. Denique Sidera non salivant, nec vaporibus aluntur, quod credit Plinius.

Nascitur ergo apud nos mel, & instar rotis è vicino aere delabitur. Dubitat tamen Seneca Epist. 84. inveniriæ ipsum in floribus apes, an succum tantum quendam, quem spiritus sui proprietate, ut loquitur, & adhibito quodam veluti fermento, in melleam substantiam densent & coagulent, quod postremum placuisse videtur Erasmo in Dialogo, Ciceronianus. *Non statim mel est quod adferunt, inquit, singulis ore visceribusque suis liquorem, ac in ipsâ, transformatum, rursus sese gignunt.* Sed tamen liquorem, & succum illum dulcem, siue specie à melle apum jam elaborato differat, (quod satis probabile est) siue non, mel in Meteorologicis appellamus.

Materia ejus, vulgò exhalatio terrestris putatur a quo vapor permixta, & unâ fermentata: Sed magis probem, exhalationes siccas, plantarum simul admisceri; & ab istis esse præcipuam dulcedinem. Nam certum est, halitum florum & plantarum, in quas humor ille decubuit, incitare aut hebetare suavitatem mellis. Nec de nihilo Poeta;

*Eclog. 5*

*Mulsi fer electis exercitus obstravit herbis.*

Herbas enim reverà eligunt; quia non omnes parem dorem affundunt melli, ex floribus autem odoriferis, & iucundi spiritus, qualis thymus, mel laudatissimum: ideoque talibus delectantur apes,

*Ovid.*

*— & olentia nacta*

*Pasanti*

*Pascua: per flores, & thyma summa volant.*

Contra herba venenata spiritu pestilenti mel inficiunt, ut auctor Plinius, & Dioscorides, & praesertim flos aconiti, & napelli cucullatus, ut affirmat Amatus in Dioscoridem; apes etiam Sardiniae amarum colligunt ex absinthio. Signa mellis venenati sunt; si non densetur, & protinus moveat stercutamenta, tale etiam ponderosius est innoxio. Ex his facile intelligitur, cur non ubique mel sit ejusdem dotis; quia scilicet non ubique flores sunt unius halitus, vapor etiam in Regionibus calidioribus melius digeritur, & ideo Hispanicum praestat Belgico. In Russia tamen, Regione Aquilonari, excellentissimum nascitur; quia aestivi dies longiores sunt, & radii Solares, etsi obliqui, spatio tamen ad percoquendum valent. Aliquam etiam laudis partem ferre oportet qualitati herbarum; apibus deinde, Nam ideo in Peruana Regione mel pravum & dilutum gignitur, inquit Cardanus, quia apiculae tantum sunt melleis simillimae: Tali fortasse victitavit S. Jo. Baptista in eremo. Inter mella, Dioscorides, Cardanus, & Medici passim rutilum praeferrunt: sed Amatus asserit, candidum hodie palmam habere, si a calore nactum sit istum colorem, quale Olysiptonenſe & Aethiopicum, quod nivibus nihil coedit de candore. In tota Italia praestat, quod ex Cephalenia, maris Jonii insula, advehitur, quod dulcius saccharo expertum se, Cardanus dicit. Triplex autem est genus mellis: Anthinum, sive vernum, quod legitur e primis floribus; Horaeum, sive aestivum, sic dictum a tempestitate praecipua; colligitur enim post Solstitium, per dies fere 30. Syrio ardente. Tertium, vocatur Ericaeum, sive autumnale, erica floreſcente, omnium minimae laudis.

Mel vim exsiccandi, & caloricam in secundo gradu (id Plin. ar. 11. lib. 4. in quarto, apud nos Philosophos) obtinet; & pituit. Symp. 3. totis putatur perquam utile, a calida vero complexione lib. 3. vertitur in bilem, a putredine etiam praeservat. Graeci 10. Medici dabant olim ebriis panem melle illitum contra ebrietatem, dum tenebatur ebrium, quia frangit vini vires: quod mirum, cum mulsum, sive hydromeli nostrum, tam potenter inebriet. Veteres hydromeli ex melle & aqua pluvia, aut nivali pura, temperabant. Aristaeum primum omnium apud Thraeces docuisse artem miscendi mel vino.



ad cœnomeli, auctor mihi Plinius.

Cantipratanus Belga ait, circa Solstitium tantum in Belgio, & modicâ quantitatē mel defluere: noxiumque ovibus ac capris; ideoque opiliones tunc cavere, ne citò manē, antequam Sol roscida & mella vaporaverit, educant greges. Plenilunio plurimum mellis gignitur, sed ubertas roris ipsum facit dilutius.

Lib. II  
cap. 3.

Quousque ad mellificationem avolent ex alveari apertum incertum videtur. *Operantur*, ait Plinius, *intra sexaginta passus*, addit tamen, *subinde consumptis in proximo floribus, speculatores ad pabula ulteriora mittunt.* Bodinus verò ad 14. etiam milliaria evagari credit, id est, ejus sententia, ad longitudinem semidiametri horizonis visibilis, sive quousque oculus noster videre valet in superficie terræ.

Hoc etiam à multis celebratum, vinum optimum esse in medio, oleum in summo, mel in imo. Ratio est, inquit lib. 17. Subtil. ex Macrobio & Plutarcho Cardanus; quia vinum summum ab aere circumfluo, infimum à facie patitur, supremum autem in oleo pinguisimum, quia levissimum est, mel verò imum, quia gravissimum & densissimum, præcipuam dulcedinem habet. Hinc non immerito Alexion apud Plutar. lib. 7. q. 3. Sympos. ridet Hesiodum, qui suadet strenuè è vino bibendum, dum vas aut plenum aut ferè vacuum est; parcendum verò, cum ad dimidium decrevit: quid enim stultius, inquit, quàm optimo abstinere, donec expiret & evanescat.

Ladanum non diversum à melle Meteorum, sed species ejus est. In Cypro præcipuè nascitur, villisque ac barbis caprarum, pastibus matutinis, adhæret, dum corulesta est Cyprus. Sed tandem adverte, hæc, & id genus alia quæ in Meteoris habentur, reverà tamen non esse: si mel, manna, &c. formam substantialem corporis mixti (quod est verosimile) non elementi habent, conerescent tamen ex vapore, ut ros, & legitima alia Meteororum aquorum.

## ARTICULUS VI

*De Manna.*

**M**anna apud Græcos & Latinos vetères, micæ quædam thuris sunt. Plinius lib. 12. cap. 14. *Micæ concussæ (in vindemia thuris) elisas mannam vocamus.* Hinc merito ubiq.

Galeatus

Galenus de Manna, ut medicamento adstringere, mentioem facit: cum Meteorologica nostra Manna, inter laxantia sit. An verò Galeno cognita fuerit, dubitationem habet. Affirmat Amatus: & esse quod, non Mannam, sed *μελιαι δροσινδι*, mel aereum & roscidum, appellat; atque in monte Libano copiosum nasci, ac pellibus per terram expansis, arboribus decussum excipi. Vix autem differt manna à melle, nisi corpulentia & concretione, unde etiam quandoque in granula quædam se colligit: quæ si minora sint, granata; si majora, mastichina manna appellatur. Est ergo manna succus dulcis, pinguior & densior melle, ex rore & exhalatione percoctus, & in infima aeris regione, nocturno frigore concretus. Meurerus existimat, specie à melle, non solo accidente, distingui; quia manna purgat bilem, mel auget. Sed mel crudum, ut Amatus docet, tantumdem valet, alvumque subducit; licet calida corpora id vertant in bilem. In Syria & Indiis uberrimus mannæ roventus. Cardanus tamen in Calabria laudatissimam nasci affirmat; Amatus etiam in Lusitania. Meurerus in Germania; imò Lemnius in lib. de S. Scripturæ plantis, narrat se tranquillo manè hinc Lovanii invenisse circa exitum Veris, in mœnibus.

Dubitant S. Scripturæ Interpretes, An manna, quæ 40. annis Israelitis in deserto pluit, ejusdem speciei fuerit cum vulgari Meteorologia, Francisc. Valesius lib. de Sacra Philol. cap. 57. affirmat. Repugnant tamen alii; quia corpora, inquiunt, nimis laxa & fluxa fuissent, tam longo velut pharmaci laxantis usu. Deinde, Num. c. 11. faciebant ex manna tortulas saporis quasi panis oleati; quod in manna nostram non competit. Sed alia pro Valesio reponi æque & probabilius possunt, quod sapor ordinarius fuerit quasi similæ permixtæ melli, quod albi coloris, quod evanesceret incalescente die, quod figurâ seminis coriandri. Nam hæc universa mannæ nostræ, præsertim Polonicæ, suis assident. *Vidi ego grana* (mannæ, quæ serenis Junii & Julii noctibus in Polonia cadit) inquit Cornel. à Lapide Comment. in Exod. *suntque instar millii, sed longiora & rubicundiora; pulvisque inde confectus gustari: sapor est, qualis est pulvis ovæ.* Nec valdè movere debent, quæ alii contrà rejiciunt; non certum est, multa accidisse sui generis licet manna; Hebræe

Hebræorum, quæ assumi non possunt ad arguendam speciei diversitatem: ut quot 40. annis depluerit abundissime, quod non amplius in sportula sua inveniret qui plus quam qui minus collegisset, quod saporem ad arbitrium fumentis verteret, ut Sapientia 16. legimus; carnes enim in ea gustabat, qui veller; aut si mallet, pisces, &c. Sic igitur potuit & esse ejusdem speciei cum nostra, & solidam tam en non fluxam & marcentem alituram præbere. Vocatur autem Psal. 77. panis Angelorum; quia matutinum rorem & halitus colligebant Angeli, & inde mannam pinsebant, ac fermentabant, activa passivis componendo.

Figura etiam Eucharistia nostra fuit, quæ verè panis Angelorum, & omne delectamentum in se continet. Non pluit amplius, sterili hoc sæculo, apud Sacramentarios nostros, cœlestis hæc manna: nec cæci & miseri intelligunt, quanto & quàm inenarrabili bopo careant. *Quàm mira dulcedo*, inquit D. Laurent. Justinianus, *& stupenda jucunditas, ut quem non meremur nominare, possumus masticare!* Sed manna absconditum est, nec omnes voluptatem illam exsugere sciunt, etiam qui sumunt. Sacramentarii blandiantur sibi quantum velint; nullum sub cœlo eos majus infortunium incidere potuit, quàm non agnoscere tantum benignissimi Creatori beneficium. *Venite, Fratres mei Catholici, exultemus cum Domino, jubilemus Deo salutori nostro.* Effundamus in altaria nostra, & coram illo corda nostra. Res ab initio Ecclesiæ disputatissima, certissima est: in hanc Fidem intellectum sine hæsitacione præcipitemus; in amorem, quàm possumus profusissimum, voluntatem abiciamus. Miraculum sine dubio, omni stupore dignum est, quomodo divinum illud corpus, sub tenui superficie sic delirescat, & tam altè, ut sic dicam, defossum sit, ut nullius oculi, nullius intellectus acies ad ipsum penetrare valeat. Sed alia opera Dei, quæso, mecum considera: dispeream, si ullius etiam minime rei fundum reperiās. Certè dum cogito hunc totum mundum nusquam antea fuisse, & tamen jam esse factum; dum in plantis & animalibus, conformationis artificium; dum arenulæ unius & partibus infinitis compositionem; & uno verbo, dum omnia universim circumspicio, nescio quò præcipite defigere debeam admirationem. Sed compimo calamum, plura in partem istam tam beatam blandamque scripturientem.

*xi. 3. de  
incen-  
dio a-  
moris.*

Sed non tento tamen, quin enim hoc adjiciat, quod Te, Illustr. & Reverend. Tornacensium Præsul Maximiliane Villane, magno animi sensu, nuper audiui narrantem. Sacramentari rideant aut ringantur, silentio perire res tanta non debet.

Redibas olim, ante Episcopales istas Insulas, ex Italia: & dum Divioni, quæ urbs est Ducatus Burgundici capitalis, aliquantulum hæsitas, inaudisti forte, Sacramentum ibi postmodum populo ostendendum, in quo visibili se specie quorundam oculis Christus Dominus ingereret. Et dum dubitas poceane etiam visere, an D. Ludovici Francorum Regis exemplum qui oculos olim à simili spectaculo avertit, ne experientia, Fidei carperet meritum: jussi tamen, sed alia mente: Ut hinc aliorum infirmitati peteres & subjiceres aliquod fulcimentum. Et ecce dum oculos acrius paulisper in sacram Hostiam defigis, cæteris se quidquam, præter orbiculum illum candoris, cernere negantibus, Tu puerorum omnium, quotquot unquam cælum tulit, formosissimum, purpureâ & talari tunica decoriter amictum, roseâ & renidenti facie hilarem, defluentibus per lacteam cervicem sufflaventium crinium globis amabilem, ætate & magnitudine duodecim circiter annorum, vides. Et dum istas subito oculorum & animo raptu aliquamdiu attonitus, & inenarrabili simul voluptatis effusione ecstasticus, puerilis illa species in imaginem Dominicæ Resurrectionis, & virum sepulchrali spelunca emicantem repente se figuravit: & sensim deinde evanuit.

Similitudo memoriæ mihi suscitât divini illius Viri, Thomæ Cantipratensis, qui Lewis. S. Petri prope Bruxellarum nostram ortus, primum Canonicus Regularis S. Augustini in Illustri Cantipratensi juxta Cameracum Abbatia, deinde ordinis S. dominici, Lovanii Supprior, & Sacrarum litterarum Lector, denique Cameracensis Suffraganeus, in toto Belgio circa annum Christi 1260. eruditior & sanctitate clarus fuit. Is Libro Apum 2. cap. 40. interfuisse se Duaci in Templo S. Amati, simili spectaculo scribit. Historia longiuscula est: sed cui rei melius atramentum & chartam impendemus?

Videant nobiscum hæretici nostri, & rideant, si ita perniciæ collibitum: nos infirmi illius Numinis bonitatem admi-

admiremur, cui deliciae sunt, esse cum filiis hominum.  
 Postquam Auctor narravit Miraculi exordium, *Pro-*  
*phetis* inquit, cum audissem fama vulgante, veni in oppidum Duacense: ac-  
 cessi ad Decanum *Autofae* S. Amati, cui optimè, natus eram: potui  
 videre Miraculum: annuens ille, praecepit ut fieres, aperta est ecclesia,  
 concurrerunt populi: marquo ubi pyria revolvitur, clamant omnes: Ecce  
 jam video, ecce conspicio Salvatorem. Stabam ego astitis, nihil vi-  
 dens, nisi tandem speciem panis albisimam, nihil quidem conspicio mihi,  
 quare sacra-sanctum Corpus cum ceteris non viderem. Nec diu moram  
 ista tuldebam, cum ecce vidi faciem, in mensuram aetatis plenitudinis  
 Christi, spicant habentem in capite coronam: & duas guttas sangui-  
 nis defuente ex utraque parte nasi per faciem descendentes. Mox igitur  
 guttibus flexis, cum lacrymis adora vi. Surgens autem, nec coronam  
 in capite, nec sanguinem vidi: sed faciem hominis super omnem effu-  
 gentem, convertens ad dexteram, ita ut vix dexter oculus videri  
 posset. Nasus erat admodum longus, directus valde, supercilia ar-  
 que, oculos simplicissimos & demissos habebat, caesariem longam super  
 humeros descendentem, barbam innotam, & sub mento curvatam, ex-  
 terminatamque sub visu jocondissimi oris: ex utraque parte menti, or-  
 das prope à pilis habebas vaticulas, in juvenibus apparere solas, qui à  
 puera barbam nutrierunt: frontem latam, macilentas genas, & cin-  
 tum longum, cum capite parum inflexum. Hoc schema, hic decor benigni-  
 ssimae faciei. Eam autem diversi diversimode sub unius horae spatio vi-  
 dere solebant. Alii in omnes extensum, alii quasi ad judicium venientem,  
 glarique: & hoc ex magnâ parte, sub forma viderunt.

Dicent alii quod volent; ego impudentes eos, qui tam  
 sincero narratori non credent.

## ARTICULUS VII:

De Saccharo.

**S**accharum vox Arabica est: res Veteribus etiam cog-  
 nita, receperuntque Dioscorides inter species mellis: sed ne-  
 sciverunt coquere, ut hodie faciemur. Est autem succum  
 quidam dulcis, quem Indi, & alibi experimuntur ex arun-  
 dinibus.

*Lucan.*  
*lib. 3.*

*Quique bibunt tenerâ dalees ad arundinis succos.*  
 Cocturam tamen etiam non ignaram iis fuisse, censet  
 noster Lipsius Epistol. Senecæ 84. diciturque Papinii versu:  
*Et quas perloquit Ebula canna.*

R.H.



Radicamentum tamen hodiernæ coctionis fuisse credo, quoniam satis nuperam, docet Amatus. Quidam Antiquorum, saccharum saleem Indictum appellant: quia pars succi, calore Solis evocata, concrevit in superficie arundinum, specie resina & splendentis salis.

Materia sacchari hodie copiosissima Antuerpiam, & in Belgium, ex insula S. Thomæ, Canariis, & maderâ advehitur. In insula S. Thomæ, sub ipso Equatore, molunt cannam, & quod superat expresso succo, obijciunt porcis, qui inde in tam miram teneritudinem pinguescunt, ut carnes de bonitate cum capris Hispanicis certent, denturque vulgo ægis & ventriculis invalidis, ad facilem concocturam.

Saccharum gignit scilicet spiritusque calidos ac lucentes continet: unde si eultrum ei affrices (quod sæpè sum expertus in tenebris, lucem velut igneam excuties, istu nullo se irritum & frustrante. Albius minus calorificum esse, censet Amatus. Saccharum autem reverà meteorum non est, quia corpus perfectè mixtum: imò verius est, non è vapore aut rore in cannas deciduo gigni: sed esse humorem alimentarium: radice è terra attractum, ac veluti arundinum sanguinem.

## CAPUT V.

*De nubis, & nivis.*

**M**ateria nubis est vapor, multâ exhalatione contaminatus, ut ex aqua pluvia, & nivalis impuritate liquet. Forma, est concretio & densatio in medio, aut circiter aeris regione.

Materia verò nivis est nubes; Forma, congelatio. Refrigerat autem vapor & exhalatio à formâ istorum halitus substantialis, vel frigore aeris à vapore aliquo præcedente refrigeratis: vel denique, quia ipse fortasse aer nascitur frigidus & frigorificus est. Congelatio verò nivis, à gelidâ & siccâ ventrali ejus nubem perstringentis, exhalatione est. Libro enim tertio docuimus, omnem congelationem & gelu à talibus ventis alligari & concrevere.

De altitudine nubium à terra, respice ad cap. 1. Libri primi ubi quantitatem regionum aeris definimus. Libro etiam 2. cap. 3. & 11. ostendimus, ex distantia more inrer

men visum & tonitru, colligi posse intervallum nubis sol-  
minatrici à terræ superficië. Nubem sic defines: Vapor  
exhalationi mixtus circiter mediam aeris regionem, frigo-  
re citrà congelationem densatus, & hærens.

## ARTICULUS I.

*Quæ causa nubes in media aeris regione suspendat.*

**A** Sole, vi quâdam magneticâ suspendi, Antonius Berga-  
& Scaliger, Exercit. 79. credunt. Sed perperam: quia  
sic nocte universæ nubes reciderent in terram, deserta à  
Sole occidente. Sol enim apud Antipodes lucens, nequit  
hemisphærii nostri nubes in aere sustentare. Muretus non  
dissolvit, sed unico ictu abscindit difficultatem, dicitque à  
Deo sustineri. Sed Deus tales effectus non solet sine causis  
secundis producere. Secundam autem inquirimus, quæ  
Job 26. cum ipso ligat aquas in nubibus.

Dico primò: Non aliter nubes suspenduntur à Sole, quàm  
quia ab ipso rarefit humor, & levitatem ad scandendum,  
& in sublimi consistendum, accipit. Pater ex dictis, & jam  
dicendis.

Dico secundò: Equilibrîi leges, quibus graviora in  
medio liquido succumbunt levioribus, tenent nubes in  
aere. Probatur exemplo omnium quæ aquâ vehuntur.  
Lignum enim, & universa quæ natant, idèd non mergun-  
tur, quia æquale, aut minus ponderis obtinent, quàm hu-  
midum paris extensionis, in quo sustentantur. Nam hinc  
est, ut calculus exiguis defuat in aquæ fundum, non trabs  
ingens, infinito pæne illo præpensior: quia calculus, in-  
quam gravior est aqua illa cuius præcise locum occupat,  
trabs non item: si enim aquæ molem trabi parem, cum ipsa  
in trutina appendas, aqua sine dubio præponderabit. I-  
dem eveniet, si humores inæqualis ponderis, ut v. g. vi-  
num & aquam, in unum confundas: gravior enim semper  
subsider. Si alibi ubique natura servat hanc legem, nubes  
& aer ab ea exlex non erit.

Sed nubes densiores aere sunt, ut docent Plinius, Thi-  
mon, Scaliger, & plerique serè, ut video, omnes: igitur  
& graviores ipso eodem erunt: cum gravitas respondeat  
& sequatur densitatis modum. Probat Plinius lib. 2. cap. 41.  
quia

quia Solem nobis obnubunt, conspicuum tamen urinanti-  
bus per quamlibet aquarum altitudinem.

Verum eodem argumento conficeret, esse pondosiores  
ora etiā profunditate maris quod palā à verò longè dissidet.  
Igitur in re qualitate opacitas à densitate valde distinquen-  
da est, ut Jo. Bapt. Benedictus Epist. ad Venerum scitè do-  
cet. Vitra enim, crystalli, margaritæ, adamantes, densissi-  
mi sunt; nec tamen opaci, contrā pumices, suber, & plu-  
rima genera lignorū rariora sunt, cū opacitate: gravitas autē  
non opacitatē sequitur, sed densitatem. Nubes ergo plus opa-  
citatē & caliginis, quā aer infimæ regionis, habent. minus  
densitatis & gravitatis. Ratio est, quia aer inferior vaporibus  
densioribus, sed pellucidis, pinguescit, sive, ut eleganter  
Aristoteles, *διὰ τὸ ἀραιῶν τῶν καὶ ἀσάβυλων ἔχει τὰς ῥῆς*  
*propter evaporationem, & quia exhalationes terræ accipit.* Quid-  
quid enim in nubibus rorulentum est, mollior redensatum,  
aut continuum, aut guttatim divisum, in aerem subiectum,  
victum æquilibrio, leniter defluit; alia verò vaporum pars  
rarior, & tenuiori quodammodo filo contexta caliginosis  
terre & corporum mixtorum fumis permixta, stat in sub-  
limi pendula. Unde opacitas nubium præcipua non in  
puro aquæ vaporē, sed exhalationibus corporum gravium  
opacorum consistit: quod ex nebula intelligi potest, quæ  
est sterilis & fumosa nubis portio: hæc enim ad nos  
usq; delapsa, etiam à vicino insignem opacitatem & caligi-  
nem ostendit. Nubes autem quò longius ab oculo abli-  
sca, eò opacior & tenebrosior apparet.

Tota hæc doctrina per refractiones siderum confirmari  
potest. Nam idè orientium & occidentium astrorum re-  
fractiones ampliores & insigniores sunt; quia radii, cū si-  
dem juxta horizontem est, per longiorem infimæ regionis  
astractum, qui aere mediæ regionis densior est, transit.  
Unde Tycho, aerem superficiem terræ ambientem, sexuplo  
densiorem esse colligit illo, qui 60. gradibus à terra eleva-  
tur: ubi siderum omnium refractiones evanescere solent.  
Sicuti ergo recte colligimus aquam densiorem aere, quia  
re ex fundo aquæ conspecta, speciem sui dilatat, & ut Op-  
telloquuntur frangit: ita idem argumentum ad aerem in-  
fimæ & mediæ regionis transferre possumus. Cū enim  
summus solaris disci limbus horizontem stringit, in aere e-

tiam quam potest defæcatissimo refractionem esse 34. scrupulorum, Tycho animadvertit: id est, limbus ille tot scrupulis apparet eminere supra horizontis lineam. Diversis etiam anni temporibus refractiones ampliantur, aut restringuntur; hieme enim majores sunt. & quodcumque; aer inferior torulentus magis est; æstate, & sereno ac sicco minores.

Iidem etiam vapores infimæ regioni intertexti, & eam degravantes, faciunt ut nullum, præter Solem & Lunam, sidus ferè unquam à perspicacissimis etiam cernatur ad ipsum horizontis limbum; Sed demum post aliquantam elevationem.

Finio igitur ac iterum inculco, nubes opaciores, sed rariiores tamen & leviores esse nostrate in quo respiramus aere: ideoque in sublimi natæ & suspendi, ceu lignum in aqua se graviore. Hinc quo tenuior & rarior est nubium vapor, eo altius in cælum scandit, & quousque aerem pariter secum ponderis invenit: Et inde etiam est, ut plures sæpe nubium ordines & suggestus cernamus: leviores enim stationem sublimiorem quam alia pigriores obtinent. Unde etiam manè citius ab aurora afflantur, & vesperi serius retinent crepusculum.

In hanc denique meam sententiam deduco pedibus manibus, ut jam video nostrum Aristotelem. Nam lib. 2. cap. ult. Meteor. dicit contra Empedoclem (aliud tamen agens) a. surdum esse, pluviam, nivem, grandinem, in nube consistere, antequam excidant: quia scilicet nihil gravius & propensius stare valet & quiescere in medio rariore. Igitur nec nubes illi penderent, si densiores & ponderosiores forent aere qui infra est. Hæc audiens, minuer fortasse admirationem suam Plin. l. 31. cap. 1. *Quid esse, inquit mirabilius potest aquis in celo stantibus? At illæ, cum parum firmam tantam pervenire altitudinem, rapiunt eo secum piscium, examina sæpe etiam lapides subverunt portantes aliena pondera.* Posterioribus verbis alludit, nisi fallor, ad lapides & pisces pluvios, quos nimis, ut puto, simpliciter, è mari aut fluminibus cum vapore in altum subire existimat.

## ARTICULUS II.

*Figura nubium circularis est : adversus Cardanum.*

CARDANUS lib. 17. Subtil. nubes in utraque superficie planas esse contendit. Imprimis, quia earum dorsum complanatum cernitur ex altissimis montibus. Secundò, eadem inferior superficies æquali semper à terra intervallo abesse videtur in terræ superficie ambulanti- bus. Tertiò, quia nubium agmen linea recta agitur, & exhibetur ventorum flabris.

Certum tamèn videtur, nubes æqualis ponderis in eodem circulo componi circa terram, si tamen aer, in quo una & altera pendet, sic uniformis densitatis : Ratio est; quia nisi densitate dispares sunt, per medium uniforme, aequè altè scandunt à terræ superficie; hæc autem circularis & rotunda est; igitur & nubium circa eam catena debet esse talis. Sæpè tamen nubibus interlucet aer, stantque utrimque veluti alti quidam nubium montes, nec in hiatus illum inter eas medium desquunt, ut rimam sarciant, & impleant circulum; quia haud dubiè aer qui rimam replet, æquæ densitatis & gravitatis est cum adstantibus utrimque æquali à terra distantia nubibus.

Ad primum Cardani respondeo, Convexam nubium superficiem è monte videri planam, ob curvaturæ amplitudinem; sic enim etiam terræ aut maris dorsum planum & sine gibbo apparet, licet reverà gibberum sit, & affurgat in titulum.

Secundum à nobis pugnat & nescio quid Cardano veni- rim in mentem. Si enim orbiculari motu, terræ globo in- ambulanti- bus ubique nubes æquali altitudine, capitebus laminent; igitur in orbem etiam dispositæ sunt. Nam si transversim in rectum decurrerent, altæ sine dubio aliis excelsiores forent; nisi terræ superficies, in qua ambula- tio insinuitur, simili schemate complanetur.

Tertium etiam, falsum sumit. Venti enim non in rectum, sed in orbem nubes agunt. Si enim linea, per quam spi- rant, esset recta & parallela horizontis plano; quò longius à vortice nostro abducerentur nubes; eò altius perperuo af-



cenderent: cum tamen devergere potius & ad horizon-  
tem inclinare appareant: quando verò ab horizonte ad  
verticem expelluntur, scandere quidem videntur; sed reve-  
ra non faciunt: sic enim etiam sidera atolli dicimus, & dein-  
de deprimi in Occasum, licet pari semper à terra distantia  
circumagantur. Ratio est, quòd coelum stringere terram,  
mare, in circulo terrestri infra quem nihil propter globi  
curvaturam a picere possumus, videatur.

Et inde est, ut Poetæ Auroram & Solem fingant è mari  
surgere.

*Oceanum intrepida surgens Aurora reliquit.*

Et alius:

*Æneid.* Jam præmis astra dies; humilisque ex æquora Titan

*Rorantes evoluit equos, ———*

4. *Stat.* Pari modo recidere vesperi in pelagus videtur.

*Achil.* Præcipitem Oceani rubro lavit æquore currum.

1. Et ille adhuc magis mendax, de Solis equis;

*Georg.* Flammiferum condunt fumanti gurgitis currum.

3. Hic etiam ex Anaxagoræ disciplina; qui Solem, ferri  
*Sil. lib.* candens exiguavit, fridorem extincti in aqua addit.

1. *Consideras jam Solis equos Taxiesia Calpe,*

*Auson.* Stridebargua fracto Titan insignis Ibero.

Nubes autem ultima quam veluti tangentem terræ circu-  
lum, in quo visus noster deficit, cernimus, non impendit  
illi circulo, sed longè satis ultra est. Cardanus enim lib.  
17. Subtil. docet, lineam, quæ ab oculo per punctum con-  
tactus humoris terræ ad nubem quæ puncto illi attingua ap-  
paret, protenditur, sexagies longiorem esse distantia nubis  
visæ à terra. Undè, si nubes duobus passuum millibus à ter-  
ræ superficie absit, oculus 120. millibus passuum distantiam  
nubem, quasi horizonti terrestri tamen incubantem, aspici-  
et. Quia verò nubes humore gravis & pluens, plerumque  
non ultra 500 passus à terra dividitur, eam, stillicidique  
ipsius, non nisi intervallo triginta millium passuum, sive  
decem leucarum Belgicarum, videre possumus; quod e-  
nim ultra est, infra terræ curvaturam (nisi à subiecto terræ  
puncto sit elevatus 500. passibus) cadit.

Hinc quia alibi experimento & narratione nostrorum  
nauarum, diximus, punctum terræ aut maris ultimum  
quod à nobis videri potest, sex circiter Belgicis leucis aut  
sic aut

sum esse ab oculo aspicientis, quatuor leucis ultra illud punctum nubem depluentem cernere valebimus. Id est, hiccolliculi omnes, & terræ veruæ interjectæ deplanentur, & in circulum telluris redigantur; Lovanio nubem, in verticem Regiæ urbium, formosissimæ nostræ Antuerpiæ, & ultra, se exonerantem videbimus.

Ista tamen Cardani doctrina aliquantum à vero deli-  
rat. Rem enim 300. passibus supra superficiem tranquillæ & strati maris in aere suspensam, ex distantia ferè 60. millia-  
rium Itallicorum, sive 20. Belgicorum, spectabilem ab oculo nante & mari contiguo. ex regulis tangentium docemur. Nubes ergo pluviosas & humore turgidas quæ 300. passibus à tellure avelluntur, ultra vigesimum milliare Belgicum, & in vicinos Hollandos reliquas, veluti horizon-  
tus nostri limbum coronantes, oculo in pede hominis elevato, Lovanii cernere vellemus.

Quomodo igitur, inquires, Libro 4. visibilem horizon-  
tem intra sextum milliare Belgicum finiri decrevimus, si  
nubes illas horizontales etiam ultra vigesimum jam rejici-  
mus.

Sed de horizonte in superficie telluris, non in nubibus  
circumscripto, sermo ibi fuit; cujus semidiameter sex  
solum milliarium Belgicorum nobis facta, major etiam  
justo videre potest. Nam oculus sex pedibus (quanta est  
teræ altitudo justî hominis) à superficie terræ elevatus, &  
nihil extrinsecus refractione medii adjutus, non ultra tria  
milliaria Itallica, sive singulare Belgicum, per glaberrimam  
etiam telluris curvaturam, mittere aspectum valet.  
Linea enim recta convexam terræ superficiem tangens, in  
tertio milliaria Itallica aut puncto contactus circiter pedi-  
bus à superficie terreni globi discedit. Sed hac præcisione  
Mathematica Libro 4. in definienda semidiametro hori-  
zontis visibilis, uti non sumus; sed Physica potius, nautica  
& rudî Minerva, quæ docet, oculum supra staturam homi-  
nis in navem sublatum, vel à navium extra undas emicula,  
& refractione in super, infini & vapidi aeris elevata, ab octa-  
vo decimo Itallico milliari, sive Belgico sexto, cernere.

ARTI-

## ARTICULUS III.

*De nive & causis ejus.*

**A**uctor libri de Mundo, & Plinius lib. 17. cap. 2. *Nivem, aquarum celestium spumam esse credunt.* Nubes enim mutua collisione spumare aiunt, & subito deinde rigore spumam istam in nivium floccos gelari. Sed falluntur: Sine etenim ullo flatu, & nubium conflictu sæpe nives generantur. Non est igitur necesse, spumam fieri antè nivem, sed sola nubis congelatio facit illum candorem.

Brevissimè ergo & scitissimè ab Aristotele nix definitur, Nubes congelata, Unde materia nivistransiens uest, nubes: forma, gelu, quo stat & stringitur; Efficiens, aer frigus; finis, stirpium salubritas. Nam *qui dixit hiemes festinas optandas, non pro arboribus vota fecit*, ait lib. 17. cap. 1. Plinius unde experientes agricolæ hiemes potiùs gelidas & nivales habent in votis; exinaniuntur etenim plantæ nimio tepore hiemis, languoremque in posterum sibi pariunt festinata geminatione. Et si autem communia arborum frugumque vota sint, nives diutinas sedere; si nimis tamen pertinaces sunt, nimio frigore nocent, & ex matribus ubertatis, novercæ fiunt, ut loquuntur nostri Germani.

Dubitatio hæc, cur ex nube, priusquam in nivem rigeat, non generetur semper pluvia, Vicomercatum exagitat. Magis enim frigus ad stringendam nivem, quàm molliter coeundam pluviam, est necessarium. Cum igitur non congeletur nubes in momento, oportet antè per gradum frigoris transire, qui sufficit ad pluviae generationem, quam ad ulteriorem & intensiorem perveniantur, quo nubes obrigescit in nivem. Respondet, fortasse non eandem esse nubem, nivium & pluviae facundum: nubes enim, ait, siccior est materia nivis, humectior pluviae. Sed tam perfunctorio conatu evadere non potest. Nam omnis nubes humorem pluviam continet; alias enim mera esset exhalatio. Deinde, nix ipsa in aquam tabescit. Denique expectum est, ex eadem nube, in montibus ningere, pluere in

vallibus: quod accidit, quia nix longiori per tepentem in  
finae regionis aera delapsu, liquefcit in pluviam, antequam  
ad terram veniat.

Nondum itaque aliter & fic diffolvo. Exhalationes ficæ  
per omnes vaporis nubiloſi venas ſparſæ, à ſubito & impro-  
bo frigore corripuntur & extinguuntur (& hinc nulla, aut  
parciſſima fulmina, per antiperiſtaſin frigoris, in nube  
nivali gignuntur) & cum vapore aqueo in eandem nivis,  
ut ſic loquar, telam & contextum alligantur: Cauſa hujus  
ulterior, ac magis intima eſt; quod idem vaporis minutif-  
ſimi pulveres & atomi, interjectis exhalationis particulis  
ubique interpolari, in guttis grandiuſcula ſe colligere ſta-  
tim nequeant, ut pluvia ante nivem proveniat. Ad hæc,  
aer etiam ipſe mediæ regionis denſus ac veluti rigens, gut-  
tularum confluxum diſtinet & impedit: oportet autem  
ſtillidiam ad certam plenitudinem pervenire, ut in formam  
pluviz refluere valeant. Eadem ſerè cauſa eſt, cur vapor,  
rigente hieme, ore humano exſpiratus in nivem illam bar-  
barum citius, quam in pluviam concreſcat; idque ſi frigus  
majus & improbius fuerit; ſi enim pauld' mollius tunc  
ante vapor in rorem vertitur, & deinde in pruina duri-  
orem aut ſtiriam glacialeſcem obrigeſcit, qualem non raro in  
barbis ruſſicorum noſtrorum hieme ad forum confluenti-  
um, cernimus.

Dubitationem etiam habet, cur nix, quam pruina mol-  
lior fit, cum frigore aſperiori concreſcat. Nix enim in me-  
dia regione algentiſſima, pruina infima, & quidem vapore  
moliſſimo, qui materia roſis, coagulatur. Vi comercatus  
cenſet, materiam pruinae plus ſiccarum exhalationum con-  
tinere, quàm nubem, materiam nivis; ideoque aridiorem  
& aſperiores eſſe, licet tenuior ſit. Verùm licet id non om-  
nino abjiciam; inſpiciet tamen pruina, multas periculis  
vaporis jam ante concretionem, ad naturam aquæ rediſſe,  
& poſtea glaciatas judicabis; indeque eſſe præcipuam ejus  
duritiem: pruina quippe ex minutiſſima & farinulenta gla-  
ciæ componitur, infinitaque minima ſpecula continet, qui-  
bus Solem & lucem refleſcit. Cujus rei etiam hoc indi-  
cium accedit, quod in pruina ſæpè viæ perpetua glaciæ la-  
mina loricate & gypſatæ viſantur ut calcari niſi lapſabando  
reſiſſio, non poſſint. Et hæc etiam videtur cauſa cur pru-  
ina

ina novellas germinationes, magis quàm nix, adurat, glaciés enim pertinaciùs nivè adhæret; ut nec Sole statim tabescere nec ventis dissilari queat.

Tempus nivale, hiems est: & licet aliis anni tempestatibus nubes vento aliquo gelante concreescere valeant, dissolvunt tamen facillimè in pluviam antequam terram tangat, minimo infimæ regionis tempore.

Decidit autem per floccas, sive particulas lanarum floccis similes; quia cæsi tota & continua nubes frigori dissipatur, frangit se tamen in lapsu, quia floccatim ut pluviant totum, faciliùs aerem dividit. Alludit Psaltes; *Qui de nivis sicut lanam*

*Psal.*  
147.

Venti nivales sunt, qui etiam in gelu frigore & siccitate valent; Aquilonares, & qui ad Ortum vergunt. Flocculi tamen his flatibus, minores & magis farinulentifunt pleniores verò Austro, Favonio, & quicunque plus humoris vehunt.

Montes, & omnia loca altiora nivosa magis sunt; ut in Aedvenna nostra, & toto Limburgensi Ducatu experimur. Ratio non penes nivalem influentiam aliquam coelestem ibi dominantem, quæri debet, sed quia mediæ regionis aeris propinquiora magis frigent, & nives, quæ longiori lapsu in aquam dissolvunt, integras adhuc excipiunt, & retinent diutius.

#### ARTICULUS. IV.

##### *Effectus nivis.*

**P**Principalis, est incolumitas frugum; spiritum enim præterea plantis vitalem, nix continet & suppressit, ut circa radices hæreat, & ipsa etiam multo halitu salutari curreat, quem cum humore blando & tenui, terræ venis inspirat. Existimo etiam, nives nucum avellanarum favere proventus, & hinc copiam nucum, signum minimè mendacis esse fertilitatis arborum; ut hoc anno 1636, & alias sæpe experti sumus. Virgilius l. Georg.

*Contemplator isum, cum se nux plurima silvis  
Induet in florem, & ramos curvabit olentes;*



*Si superant scatur, pariter frumentis quiescunt.*

*Magnaque cum magno veniet frigora calore.*

*At si luxuriis soliorum exuberat umbra.*

*Ne quidquam pinguis palea seros areat culmos.*

Tempestas igitur quæ Cæteri, eadem avellanis est amica. Nix, quia mirificè algida, adhibita olim ad frigeranda vina à delicatis. Invenimus quomodo stiparemur nivem, conqueritur, lib. 4. Nat. cap. 13. Romanus Sapiens, ut ea assatum vinum, & contra anni fervorem defenderetur loci frigore. Servabant autem, uti & glaciem, inter paleas in subterraneis. Chares Mytilenæus, qui res Alexandri scripsit, narrat, Alexandrum in India triginta fossas iussisse excavari, repleri que nive superjectis quercuum ramis, nivemque ita diutissime integram & sine tabe perdurasse. Romæ autem olim, rerum poriente luxuria, nivis, & glaciei erant officina. Pergit in querelis ille Sapiens: Ardentes boletos, & ipsim condimento suo insatos demittunt pena fumantes, quos deinde restringunt nivis pallentibus. Videbis, inquam, quosdam graciles, & palliolo fœcalique circumdatos, pallentes & agros non sorbere solum nivem, sed etiam esse, & frustra ejus in Scyphos suos deficere, ne inter ipsam bibendi moram suspicant. Sisim istam esse putat? febris est.

Esu etiam nivis, candidos Alpium lepores credidit Plinius. Non solum autem lepores, sed & perdices albas se in Alpibus comedis, Scaliger scripsit, imò & hirundinem, quæ tamen hic aut in Italia non hibernat, vidisse candidissimam. Denique in Scythia, Norwegia, & nivosis Septentrionis locis, aquilæ, falcones, accipitrès, milvi, vulpes, ursi, corvi, candidi inveniuntur, ut Aristoteles & Scaliger testantur. Sed ex citatione nivis esse illum colorem non existimo, sed phantasia & imaginatione matrum. Nam sic etiam pavones generari albos, multi tradunt: si inquam, locus ubi ovis incubat, albo totus inducatur: jugis enim illa albi imaginatio simili colore aspergit foetum.

Conimbricenses alique credunt, crystallum montanum nive liquata, & deinde glaciatum, constare: quia nullibi, ait Plinius, nisi ubi maxime hibernæ nives rigent, reperitur. Negat tamen Agricola, & nosse Boetius: quibus, magis accedo, quæ enim frigore concresecunt, igne liquefcere solent, crystallus verò cremata, calcem solum ac salem ostendit, humore nullo effluente, ut etiam advertit Fallopius.

Imminente nive, rigor aeris remollefcit; quia fpiritus aliquis adhuc repens, constrictum nubes deorsum exprimitur: post lapfam etiam nivem, frigus hebetari, manifesto experimento discimus: causa etiam est in fpiritu illo, qui inflat, & præcipue in albat nivem, hic enim nivali tempestate diffuit & spargitur per totum aerem. Lux etiam for- rasse illa nivis affundere valet aliquid languidi saltem & fracti teporis. Et ab hoc etiam est, ut jacente nive velligia ferarum odèrationa sint, ut Theophrastus & venatores nostri adfatentur.

Hoc quoque effectus nivis accenseri potest, defluxu ejus sic sonos obfufcescere, ut vix è proximo colloquentes se intelligant. Ratio est, quia species soni non longè per floccorum decidentium intervalla potest meare: cum alii statim flocci occurrant, qui interpellant, & quocunque deflexerit, semper offendat, & impingat in alios: Sic nuper in bellis nostris, quidam palorum contextus inventi contra moschetorum ictus: ita enim compositi & catenari sum, ut si glans per primorum intervalla transeat, in alium offendet; & si declinet, etiam alter se illi objiciat: sicque impetus totius hebetatus, tandem frangitur, & ante vulnus exspirat.

Denique mirum est, & tamen etiam in me aliquando expertum; bulimia non raro corripit, qui diutulè ambulat in nive: Ita olim M. Bruto evenit, cum à Dura Apolloni- am iter faceret nivali die: sic enim subito defecit, ut missio quopiam milite, panem ab iis coactus sit petere (nam panis unicum bulimia laborantibus remedium est) ab iis, qui contra eum in portis excubabant: & humanitatem istam, capta postea Apollonia, egregie rependit clementia in cives insigni.

Agellius lib. 16. cap. 3. bulimiam, seu bulimum, cum fame canina, confundit: secutusque Theod. Gaza, versione septimi Problematis Aristotelis Sectionis Octavæ. Verum apud Hippocratem, Galenum, Avicennam, aliud esse *bulimia* à fame canina, quæ *ὀρεξὶς voracitas* appellatur, egregie demonstrat Jul. Guastavinius in illo Aristote- lis Problemate: Est enim bulimia potius deliquium quod- dam virium, quàm canina illa voracitas, quæ ex atrabile vel acida pituita os ventriculi occupante nascitur, ut docet Ant. Mus. Plutarchus lib. 6. q. 1. Symposi. credit, halitus

nivium

nivium per poros agitatione itineris & calore debiantes, in corpus se penetrare, meatutque largius aperire, sic ut calor naturalis multus & confertum exspiret, viresque corporis destituat: unde sudor tenuis & torans toto corpore oborire solet: & confirmatur, quodd equi ac asini, ficus & poma diu cum fatigatione portantes, huic malo sint obnoxii: spiritu scilicet etiam itorum fructuum, quem plurimum exhalant, in poros se sufficiente.

Hæc non prorsus contemno, præcipua tamen deliquit causa viderur esse in ventriculo, & reliqua membra per sympathiam cum eo male affici: hic enim, meo proprio experimento, convellitur, contorquetur, & irritatur ad vomitum: unde præsentissima medela est in acui & profunda tussi, qua ventriculus & pulmo spiritus nivales, respiratione attractos, vel aliter se insinuantes, excutiat. Inque halitus ventriculum inflantes & morificantes, mihi nunc videntur princeps causa bulimie: panis vero spiritu contrario, benefico & salutari, laborantem ventriculum solatur & recreat. Non aliter capiendum existimo, quod aiunt quidam, Democritum triduo, solo panis recentis odore pastum, & vitam tolerasse. Non enim ex illo halitu alimentum, quod toti corpori sufficeret, rapere potuit; sed solatio tantum inani ferè ventriculum fallebat.

De albedine, an candore nivis, multa hic altercari animus fuit, magna enim revera dubitatio est, an alba sit, albore scilicet illo, quem vulgò à candore lucis distinguimus: sed totam hanc rem in Libros de Anima differre placuit. Hoc certum est, spiritum quo turgescit, causam imprimis esse illius candoris: nam vetustate, & halitu evanescente, infesceit.

De locis nivosis, Bodinus negat sub Æquatore ningere, Erastorius in Æthiopia, dum sol est in Cancro, ideoque à tæbe nivium contendit non insari in principio æstatis Nilum. Sed uterque manifesta experientia refellitur, nam iuga montium, à vicinia mediæ regionis argentia, per omnem Torridam toto anno capitiem retinent. Plinius tamen, nives in alto mari nunquam decidere affirmat. An quæ halitus marinus tepens ante delapsum eas liquat?

## CAPUT VI.

*De pluvia.*

## ARTICULUS I.

*Quid pluvia, & quosimplex.*

**D**escribitur à Philosopho, nubes in aquam conversa, & guttatim decidens. Materia igitur ejus transeuntis nubes est: forma lapsus per guttas & stillicidia. Conversio autem à illa nubis, non est substantialis: vapor enim nubis formati aquæ habet, & eam pluviam tradit. Mutatio igitur accidentaria est, à calore vaporis ad frigus: ex quo alia consequitur mutatio, à raritate ad densitatem; ac deinde resultat gravitas, qua aer in quo vapor pendet, preponderat, & denique delapsus, isque in stillicidia idcirco dispersus, quia pronius sic & mobilis aer dividit. Celerius autem per æstatem, quam hiemem, defluunt guttæ, quia aer tunc fluxior & dissolutior, nec hiberna illa densitate cadentibus resistens. Recta etiam, nisi ventus aut alia causa à linea expellat, centrum terræ petunt. Si enim linee pluviales parallelæ essent, multæ guttæ non in terram, sed in oppositum hemisphærium reciderent, contra pluviarum finem, qui irrigat terram. Quod ergo guttæ, terræ magis propinquanti, eo propius, invicem admoventur, & densius cadunt. Sed quomodo verum, quod Wessenbeckius noster lib. 8. Digest. de servit. urban. præd. ait. Si jus æverendi stillicidii in aream vicinam habes, licere stillicidium aliud tollere, quod aliquid ex alio cadit levius; & vivit ad id, & in illud nec divellit per totum ad locum ferventem? quo pacto levius cadit, quod vires acquirit cadendo? Vere tamen dixit. Nam aqua canali defluens, in exitu densior & continua est: spargiturque deinde & comminuitur longiori lapsu minorique impetu & dissipato terram plaudit, si tamen per proximam altitudinem cadendum esset, redieret ad se & jungerentur guttæ.

Guttæ rotundantur, inquit Albertus, ut tutius contra ambientem aerem se protegant: vel quia angelos, si qui sint extantes, detergit ac defricat aer, oblongiores tamen paulò, credo, sursumque fastigiatæ sunt: qui pars vaporis gravior in guttæ basim defluit, spiritu in superiora se

recipiente. Nimis ergo ridiculus est apud Aristoph. Strepsiades Socratis ille discipulus, qui credidit guttis rotundis pluere; quia Jupiter *diu uacans ipse per cribum*

Necesse autem est, ut superficies nubis latior sit, quam defluens guttarum agmen; contrahitur enim vapor nubis in pluviam; quæ ubi cadere incipit, latissima est, & paulatim, restringitur, quo propius accedit ad terram. Hinc intelliges, cæteris paribus, pluviam illam densiorem esse, quæ venit ex nube excelsiori; quod etiam verum de grandine.

Pluviz tres accidentaria species sunt, stillicidium, imber, & nimbus. Stillicidium non sumo pro loco in quem guttæ de cælo destillant; sed (quod multi faciunt) pro pluvia minutissima, quam alii vocant pulverulentam, diciturque Græcis *ψυγας* sic Poeta vetustus:

*stillicidi casus lapidem caret.*...

quidam etiam simpliciter appellant guttam; imber, est pluvia plenioribus guttis decident; Græcis *βροχός*. Nimbus vero grandibus & decumanis guttis proruit.

Stillicidia sæpe hieme, imbres autumnis & vere, nimbi æstate maximè degrossantur. Frigus quippe inedia regionis hieme improbum alligat aerem, ne guttulæ vaporis plures faciliè confluant in unam grandiores, quod per ver & autumnum lenius est, finitque magis diduci & laxari aera ad guttularum concursus; æstate, quia dissolvit calore inferior aer, vaporesque & exhalationes plus fervoris nubibus inferunt, idè plenissimè in omnes guttas confluunt undique reges stillicidiorum. Nimbi, ex nigerrimis & propinquissimis nubibus depluunt; quia humore tam largo & densò gravatæ, altè in aerem etiam sæpe infimæ regionis decumbunt; ubi ejus deinde antiperistasi in aquam & pluviam constringuntur.

Ceterum, dies quidam, apud Belgas, pluviarum anni & infantes sunt; & præcipuè quartus julii, quem S. Martini stillicentis aut pluvii appellant. Si enim eo pluat, sex septemque sequentes, inquit, imbres tenent. Sed annus hic totus, & alii plures ostenderunt vanitatem. Fabula tantum mirram aliquam habet veri. Sic enim venti Occiden-



dentales, Belgis maximè humidi & embricisores, initio Canicularum aut Julii flare occipiant, satis pertinaces (quod duobus proximis annis nimium experti sumus) esse solent, & pluvias in medium sæpè Augusti extendunt. Similis ferè causa, diem sancti Marci fecit vitibus calamitosum: non quasi ipse singularis ac peculiaris sit in nota, sed quia circa finem Aprilis, intempestivæ quædam pruinz, velut ultimæ hiemis reliquiaz, quandoque concresecunt, quæ tenera vitium germina adurunt. Nec denique caret omnino ratione vulgaris verus de Virginis Purificatione:

*Si Sol splenderis Maria purificans,*

*Majus eris frigus post Festum, quam fuit ante.*

Splendescit enim, & maximè serenatur apud nos dies, Borea aut Cæcia stante: qui si longiusculè Februarium incurrant, acerrimo gelu omnia incrustant: cùm gelidi & sicci sint (præsertim Cæcias, & qui à Borea devergunt ad Solem ortivum) & æstatis præteritæ repentes omnes reliquias, hiberno & longo frigore extinctas inveniant. Hinc extrema nobis hiems, hiemantissima & rigidissima sæpè est: solemusque vulgari adagio jactare, Februarium in Bar scorpion, extrema cauda acerrimè pungere.

## ARTICULUS II.

*Quævis alia liquor pluvius penetrat in terram.*

**R**esolvit statim & intrepide Seneca lib. 3. cap. 7. Nat. Ego tibi *Stamatium* diligens faber affirmo, nullam pluviam esse tam magnam, quæ terram ultra decem pedes in altitudinem madefaciat. Et video auctores passim magno assensu in experientiam ejus ire. Id verò capiendum de terra, quæ nec ventis nimis raritate hiante, nec nimis obliquate conniventes & clausas habet. Per rimas etiam & commissuras montium, longè altius, & in ipso terra abyssum decidere pluviaz possunt. De terra igitur continua, & præsertim arabilis intelligendum. Nec amplius, aut fallor, voluit Cardanus lib. 2. cap. 11. Variet. tibi pro decem Senecæ pedibus, respondet eoridem passus. Nam Typographi aut memoris ejus est error, respexit enim haud dubie ad Senecam, decem autem pedes, duo tantum Geometrici passus sunt.

Hoc etiam bellum est, & meretur scientiam: arborum procerarum radices, vim caloris Solis, aquæ pluvialis descensum in terram, ferè congruere; & omnes extendi diffusum ad denum pedem sive duotum passuum profunditatem. Unde autem hæc congruentia, difficilis fortasse est explicatio. Accipe tamen quod venit in mentem, Prima mensuræ hujus origo videtur J esse ab aqua cælesti: hæc enim pondere suo primum terræ poros ac venas aperuit ad tantam altitudinem, ut ex proprio experimento sensu sit ante eneca, & alii consentiunt: exhalationes præterea & spiritus quos pluvia in nubibus concepit, tenuitate sua juvant, suntque humori pro vehiculo ad penetrandum, & diducendos terræ meatus; hinc enim aqua vitalis, quia spiritu multo turgida, tam lubrico & penetrabili lapsu eo se insinuat, quod aqua vulgaris sequi non potest.

Pluviam deinde secutæ sunt arborum altissimarum passim radices. Nam ut trunci sui & tot ramorum pondus aptè librarent firmarentque, satis altè oportuit ingi; nec tamen infra limites descensus pluvialis: quia aliàs (nisi casu aliquo humor alius profundior subsit) extremi radicum mucrones non reperirent succum quem trahant. Igitur radices se potius undique in orbem spargunt, nec longè à terræ superficie recedunt, quæ rentes aquæ cælestis alimentum. Arbores namque *mittere radices ad humorem* dicuntur Jerem. 17. Deinde, cum medulla & axis trunci plerumque in centrum terræ recta despiciant, tam profundis radicibus non indigent, ut se ibi stabiliant. Unde etiam maximarum arborum radices quæ media illa trunci base enascuntur, sunt ferè valde exiles; è lateribus autem crassissimæ obliquis, ut plurimum, & perplexis cuniculis effunduntur: nempe istæ, quæ contra statum, & ramorum hæc illac dependentium onus, arboris statum tueri & retinere debent. Ad quem finem, descensus earum infra decem pedes à superficie terræ, plerumque necessarius non est. Pambolosa igitur, aut hyperbolica Virgiliana illa quercus est, quæ

En. 6

*quantum vertice ad auras*

*Ætherias tantum radice in tartara tendis.*

Ego certè ante villam paternam, ingentem & ramosissimam quercum, ab abavo meo plantatam, ventis illis antea nos, qui omnia præ in Belgio straverunt, radicibus

cyclosa

everfam aspexi: & demiratus sum, exilibus & paucis terræ obrutis radicibus, tam immanem molem potuisse tot annos sustineri; terti enim viri expansis brachiis vix truncum fuissent amplexi.

Verum quid platano ista facimus; quæ, Theophrasto teste lib. 1. cap. 11. de Plantis, Athenis olim in Lyceo reperta ad 33. cubitos radices demisse: Nam Fallopius lib. de Thermis cap. 4. de descensu radicis per lineam rectam intelligit, quia, inquit, pro miraculo non fuisset (quod tamen affirmat Theophrastus) radicem effusam in obliquum ad 33. pedes. Sed Theophrastus non 33. pedes, sed cubitos, id est pedes 49. scripsit, quæ longitudo etiam obliqua admirationem habet, in novella præsertim platano; qualem fuisse dicit. Et sic tacite Theophrastum mihi interpretari videtur Marcus Varro lib. 1. cap. 37. Rusticæ. *Alia, inquit, radices magna flos diffundunt, ut cupressus: alia latius; ut platanus: & affert platanum illam Lycæi, quam dicit radices vtrumque & triginta cubitorum egisse: egit ergo, sed in latum, non in profundum. Scio tamen etiam, quid de lote illa, quæ Romæ in Vulcanali, dicat Plinius radices ejus in forum usque Caesaris per stationes municipiorum pertraxisse. Sed miraculum id fuit, & cogita urbi Romæ arborem illam fuisse coævam, ut idem testatur, id est 820. annorum; tot enim circiter ad urbem condita ad Vespasianum effluxerunt, sub quo Plinius. Calor etiam Solis non aliud decem pedibus in terræ tergum & quousque aqua pluvialis, & arborum radices penetrat; quia eousque terræ pori ferè laxius dehiscunt, ut aer ibi illatebatur, aut lumen Solis, aut saltem calorem ejus in summo terræ tergo hærentis, facilius accipiat, & circumjacentium venarum in quibus continetur, parietibus communicet. Laxantur autem pori in illa altitudine, ab aqua cœlesti, quæ usque eo se transcribat. Sed refellit nos, ut jam video, lib. 16. cap. 31. Plinius; Quidam, ait, non aliud descendere radices, quam Solis calor tepesciat, idque natura loci tenuioris crassiorisve, dixere, quod falsum arbitror. Apud auctores certa invenitur abietis (pinum Theophrastus lib. 2. cap. 7. de Plantis, ex quo sine dubio Plinius sumpsit, pro abiete habet) planta, transversarum cubitorum in altitudine; nec totam resossum, sed abruptam. Verum adferemus etiam, alius quandoque aliquarum arborum*

Lib. 16.  
cap. 34.

radices agi præsertim, quæ aprico & humenti solo gaudet, qualis abies. Excipi etiam specialiter abies debet, quæ unica ad ima descendente radice firmatur, quam ideo profundiorē esse oportuit. Nec Plinii ratiocinium huius amplius vincit.

ARTICULUS III.

*De pluvii prodigiis.*

Præter species pluviz illas ordinarias, aliæ quædam prodigiöse vocantur: non quia semper aliquid portentant & significant, à Deo præter rerum ordinem celo præcipitæ; sed quia aliquando sic est, aut quia vulgus ita existimat. Ex his aliæ sunt sanguineæ, aliæ lacteæ, quæ carneæ, aliæ laneæ, ferreæ, lateritiæ, lapideæ, &c. Sanguineæ vocabuntur, si aqua subricata decadat, quæ tinctura aminio, vel rubrica, quæ cum vapore elevari, esse possit, sic etiam in Armenia, ab halitu minni permixto, rubras nives aliquando decidere narrat Iliad. Eustathius. Sanguinei imbres, omnium prodigiorum frequentissimi sunt, ut apud Livium & Jul. Obsequentem videre soles. Sic pluit Romæ, Dionis etiam fide, ante necem Neronis, in Westphalia anno 1343. Lovanii anno 1568. idè Pentecostes die, si Gemma nostro cedimus. Sed ad annum 1571, eum audiamus. In disione Eukdant, quæ denique vocatur in Folsis Opientibus, nocte sanguinem pluit, copia tanta, ut exiret familiarum spem herba et vestes expositæ in apricum, ex albo colore penitus in purpureum sint mutatae multi ad rei memoriam plenos cyathos aservarunt; frustra quibusdam ad eadem bonum, aliisque causas physicas, referte volentibus.

Lib. c. 11  
Cosmo.  
cy.

In Suevia anno 1534. pluvia vestes rubris crucibus inficiebat: quod factum, quia sibi vestium decussantur in crucis formam, inquit Cardanus. Sed hoc nimisquam frigeret. Non enim sola aliqua particula vestis, sed tota est sic contexta. Deindè, si sanguinem in vestimentum effundamus, non illico diffunderetur in figuram crucis. Aliquid ergo divinius, & majoris monstri fuit: quod ex crucibus illis Germanicis, & Belgicis, quæ anno 1501. passim depluerunt in

volles etiam cistis inclusas: imò corpora etiam ipsa, & eorum hominum signabant: duravitque toto triennio hoc prodigium, secuta verò anno statim 1502, dirissima lues. Pepla verò seminarum maximè obnoxia erant huic sanguineæ picturæ.

Rem diligenter & cum cura examinavit Serenissimus Leodiensium tunc Princeps Joannes Horneus: qui de quadam Leodiensi puella, annorum 22. cujus pepla perpetuo mutata statim tamen iterum sanguinabant, ita scripsit ad Maximilianum I. Cæsarem: *Ad Divum Servatium*, (iverat enim Mosæ-Trajectum ad Jubilæum) *confesse est magistro Theologo. Jussa post hæc iussu in chorum, & propter caliginem diffusa est in calvariam, allato vi ibidem pleno nitido: rogata est illud capiti implicare, necum tanto horrore per plebes incederet: quod ut capiti admovent, erupit mox ex ipsius pepli parte anteriori sanguis tanta copia, ut confestim in exterrum usque simbram, ad usum digiti longitudinem, & prope duorum latitudinem deflueret. Unde conspicientes adeo sunt attoniti, ut à Canonicis natus proximus cadere. Et ita inde discedente, visa est publice in peple recenti ad caput præteritæ, magna vis sanguinis, in figuram quasi crucis se porrigit, amplificans. Hæc Antistes Horneus apud Suffridum Petri*

Quæ circa Passionis Dominicæ & Paschæ tempus peracta, ut opinor, ad crucis suæ, & sanguinis pro nobis effusi, respectum & cogitationem moveret, quem tam comitem habemus, & toties per scelera nostra quodammodò iterum effundimus.

Antè magnæ etiam exdes olim quoque non inusitatus, præmitti è celo pluviam sanguinis. Indicat Homer. *Ilia*, 2. ubi de Jove:

κατὰ δ' ἐνθάδ' ἔκιν' ἕλκον  
ἄιματι μυδαλίας ἔξ' αἰθ' ὅρ', ἔνθα ἔμπεδον  
Πολλὰ ἰφθίμους κίρναλ' αἰὲν ἔρπον, —  
— ab alto dimissis rores

Sanguine madentes ex æthere, quia erat  
Multa generosa capite Orco dimissurus.

Plutarchus verò in Mario affirmat, à magnis præliis, & effuso largiter sanguine, aliquanto post tempore solius præcipitari cælo profusos imbres, factumque post præteritam illam Cimbricam, in qua Marius tot millium Cimbro-



nam in campis Massiliensium stragem fecit. de sanguineis  
 tamen stillicidiis nihil asserit vapores enim sanguine &  
 omnia corporum humanorum tabe resoluti, humore nu-  
 tum diluti, ruborem suum, vanescente temperamento &  
 siccitate, admittere possunt.

Lacteus pluviae color, à cretacea exhalatione est.

Carnes decidere cum imbre, frangere etiam perfecte con-  
 formatae, quidni possunt? De ranis autem statim. Carni-  
 bus pluisse L. Volumnio & Servio Sulpitio Cass. narrat  
 Plinius; nec carnes eas diu postea, perputuisse, siccitate  
 fortasse nimia, & aspersione falsae aut nitrosae exhalatio-  
 nis.

Lana si pluit, vento forte excussa montibus, ubi inter  
 vepres solitae oves pasci. Ferrum in Persia cecidisse, auctor  
 mihi Avicenna, & prope Lurgeam massam etiam 90. libra-  
 rum. Sed hoc ridiculum: *Arabes nostri, inquit, ferunt enses  
 Almonnices, qui optimi sunt, ex isto ferro caelesti fieri, quasi totos  
 hic dies ferro, ad torarmandos exercitus, pluat. A Pluto-  
 ne non à Jove. bone vir ferrum Belgae & Germani peti-  
 unt. Argenteam etiam pluviam sub Imp. Severo, Romae  
 in forum Augusti defluxisse Dion scribit. O pluviam saluta-  
 rem, & supparem illi, qua Jupiter ad Danaen suam pene-  
 travit, sed nimis hic infrequentem! inquit. Sed avaritiam  
 nam effervescentem infusa hac frigida conturbabo. Raro  
 illi argentei, addit Dion, nunquam aliquis artem oblivis manet. ceterum  
 mihi dies, quarto, quidquid oblitum fuerat, evanescit.*

Lapidatum de caelo Romae, ut in Italia, singulis pene an-  
 nis Livius ad fastidium. Anno etiam 1510. in Lombardia  
 lapides durissimos, colore ferrugineos, odore sulphureos  
 precipitasse, unumque 120. Librarum Regi Galliae osten-  
 dit, narrat Cardanus. Ergo credamus, & posse in nubium  
 formacibus tam citò ejusmodi corpora mixta, ex vapore, &  
 exhalatione cum fermentante, concoqui, quam asparagi,  
 dicebat Augustus. Unde inter fulminandum praesertim  
 improba, subtilis & penetrans flamma, ignes illi con-  
 sci solent & sulphurei lapides. Statim tamen ac materia  
 consumpta incipit, necesse est delabi & celerrimo naturae ope  
 dissolvi in ipso casu. Nam quod Cardanus laxa sua Lom-  
 bardia, duas totas horas in nubibus pendula, donec de-  
 comarentur, adhaxisse miratur & clamar, foras, canit,

Lib. 14.  
 cap. 72.  
 Variet.



Quid contra tam perfectos testes facimus? malo credulus, quam rixosus esse. Imò dum ego conscientiam meam excutib, propè sum, ut idem anno elapso 1625. ad portas Tornacenses expertum me affirmem: rem autem tunc amicus, qui aderant, ostendi, ut mirarentur mecum. Decidit enim in aridissimum pulverem repentino imbre, tantum subito ranunculorum, per sicum saltantium, exercitus effudit, ut undique nihil panè aliud cerneretur: omnes enim uniusmodi magnitudinis, & coloris erant, nec profectò apparebat, è quibus latibulis, tot myriades tam repente in arentem, qualem oderunt, terram emicuisse. Dicamus igitur, ut ex luto Nili mures ita effigiantur, ut absoluta primore corporis parte, novissima effigies etiam terræ visatur, sic ex spiritu & more aquæ celestis pulvis alicui, non omni sine delectu, sed certo, contemperatis, gyrimulos, imò ranunculos perfecti operis, posse exemplo conformari. Sic enim etiam greges murium in Belgio quandoque procreari docet piissimus & eruditissimus Vir, Thomas Cantipratanus, lib. 10. de Natura rerum, qui nequedum publicam vidit; lucem.

ARTICULUS V.

De Diluviis.

Tria ab origine Mundi diluvia famosissima sunt. Generale Noachi, circa annum Mundi 1656. Genes. 7. duo Provincialia. Primum Ogygis, quæ Achæia inundata est sub illo Rege, cum apud Argivos imperitaret Inachus, accidit autem circiter annum 1400 ante Urbem conditam, si Oroño credimus: annis vèto post Noetum 146. & anno nonagesimo vixit Jacob, si cum Paterfamilias ponimus. Alterum Deucalionis in Thessalia, annis, ut putant, 1300. Ogygis posterioris. Hoc lib. 1. Metamorph. graphice describit Naso: sic tamen, ut pleraque competant in genere Noetico, videaturque è libris Sacris sumptis hystoria. De causa diluvii universalis asserti Moyses Genes. 7. Myths testes, & eruptionem aquarum subterranearum

in superficiem. *Rupis sunt, inquit, omnes fontes abyssi magnæ & deinde: Cataractæ cæli apertæ sunt.* P. Lessius tamen lib. 1. c. 6. de Moribus divinis, has duas causas in unam confundit & per *abyssum magnam*, aquam etiam nubium, quas cataractæ cæli suspendunt, non subterraneam intelligit. Ratio ejus est, quia pleno diluvio, & omnibus submersis, dicuntur *clausi fontes abyssi*; quod de abyssu subterranea caperequit: quia solum initio diluvii, aquæ subterraneæ erumpere valuerunt; non postea, quando nullus aer in earum locum, per rotam superjacentem ipsarum molem succedere poterat. Verum, abyssum ab aquis pluviiis manifestè distinguere videtur Jacob Gen. 49. in benedictione Joseph. *Omnipotens benedicat tibi benedictionibus cæli desuper, benedictionibus abyssi jacentis deorsum.* Id est, fertilitate aquarum irriguarum supernè ex cælo, & infernè ex subterranea abyssu, in fontes & flumina se infundente. Ad argumentum igitur respondeo. Vel partem aquæ subterraneæ vi Angelicæ, aut Divina rarefactam esse, & genitum inde vaporem aut etiam aerem, ingruente vacui periculo: quin imo laxatio illa & rarefactio aquæ residuæ in terræ cavernis, ex violenta cæterarum in superficiem terræ expulsionem, connaturaliter sequebatur, si nullus esset aer qui in spatia derelicta posset assuere. Denique aer, qui per omnes terræ meatus & venas se insinuat, rarefcere fortassis in tantum valuit, ut universas abyssi repleret cavitates; quod non difficulter intelligitur, si continuum partes infinitas contineat.

Sed aliud etiam est, quod nos turbat: quomodo aquæ cælestis & subterraneæ in unum confusa, tantam aeris circumferentiam potuerint implere, ut omnes montes excelsi summi tris calceos condiderint, altiores quindecim cubitis. Nam licet quædam, tantum aquæ abyssu celari, & terræ venis, quantum maris & omnium lacuum ac fluminum simul alveum habet: tamen nondum satis habes, ut terræ & aquæ globum, altitudine dimidii Italici miliaris superfundat. Non profunditas marina, in raris solum quibusdam gurgitibus altitudinem illam excedit.

Unde igitur cætera materia, quæ ampliore multo amittitur, & ad verticem altissimorum montium, qui ultra 4 miliaria habent perpendiculi: orbem terræ exambiat, suppleri certè enim posse ex cælo non apparet cum ibi sit

an aut quatuor marium abundantia suspensa non sit.

Secundò, unde pluvia illa 40. dierum cecidit? certe enim non è statione nubium & media regione aeris; cum illa citra excelsissimorum montium cacumina finem habeat, quæ tamen unda quindecim cubitis superior obmerat.

Tertiò, unde hausti tot vapores, qui in tam pertinaces & profusos imbres sufficerent? Sol enim nubilo, & pluvie celo, tam avidè & largiter resorbere non solet. Eubinus, Oleaster, Bodinus, Lydiatus, ponderi succumbunt, negantque tantum aquarum posse reperiri, nisi apertis Firmamenti siderei catarractis & emissariis, vis ingens in Mundum elementarem exciderit. Sed quo deinde suppresso diluvio, evanuit? Item statim in terram depluit (Scriptura indicat) apertis cœli catarractis: centum tamen annorum circumactu, aquæ Firmamento sidereo præcipitata, nondum pervenient; sine miraculo divino, ad terram.

Alio igitur ungue nodus hic extricandus est.

Ad Primum dico, immensam panè aquarum abundantiam in abditis venis & abyssis jacere; falsumque quod contendit Benedictus, cavitates subterraneas esse parvis libramenti solum & profunditatis cum fundo maris: altiores sunt; & probabile, tam uberes ibi latices à natura reconditis, quam ostendat in mari. Hinc æstimabis. Aqua initio Mundi terram undique profunda altitudine, ut pluribus placet, obruebat, quo tota illa tertio die (quando iussa extollere faciem arida) diffugit? In mare partim, scio; sed aqua, aut melior, terræ venis, & abyssi alveo fuit combibita. Deinde, post dies 40. clausi dicuntur fontes abyssi, Genes. cap. 8. Igitur toto illo tempore subterraneæ venæ fluxerant, ac proinde gurgites ibi immanes esse oportet, qui necdum siccati fuerint. Aqua etiam tota aliquantulum fortasse laxata per rarefactionem, ut in ampliorem se diffunderet locum: non iratamen, ut onus Arce sustinendo non esset. Angeli verò aquarii, qui terræ venas exhauriebant, etiam aquarum molem retinebat, ne eodem revolveretur. Imbres etiam plurimum amplificasse diluvionem, statim intelliges.

Ad Secundum ergo Petrus lib. 12. Genes. disput. 9. negat



negat ideo ullius montis verticem ad mediam regionem pertinere, quia scilicet non fuisset, unde super omnium montium cacumina, in fine 40. dierum, pluvia decidisset. Nec constant, aut sibi Mathematici, dum affirmant, montes (qui habent, ut summum. 4 milliaria perpendiculari) ultra mediam regionem caput extollere, & tamen summos nubium vapores, qui intra mediam regionem coercentur, ad 52. milliaria scandere. Sed Mathematicos non intellexit eruditissimus vir: Non enim de nubium & pluviosis vaporibus medix regionis; sed de altissimis exhalationum sumis, qui in circumferentia supremæ regionis versantur, quique auroram mane primi sorbent, crepusculum vesperti ultimi respiciunt, accipiendi sunt, ut videbitur lib. 10. th. 77. apud Vitellonem. Stet igitur excelsissimorum montium iuga, ut Lib. 1. diximus, attolli supra stationes nubium; depluere tamen in ipsas, etiam cum aquæ diluvii superassent, potuit; quia infimæ & medix regionis aer, intumescendo unda, submoveri paulatim in altum, & cedere locum debuit: & hinc compulso intra elementum ignis (si tale aliquod ibi est) supremæ regionis aer, huius spatium & spheram infima ac media regio occuparet: id est, montium etiam altissimorum cacumina jam satis profunde ceperunt despicere, & in ipsa repluere. Sed qui vapores tam diu ab universis undique cœli punctis recidere potuerunt? Certè enim ubi nubes se semel exoneraverint (quod citò fit, nisi aliunde alias succedant flatus adducant) redire serenitas solet, & cœlum digerit. Nec Sol etiam alium statim humorem ex aquis vaporabat: quia talibus pluviis crescere non poterat diluvium, cum tantum in ipsum refunderetur humor ille, quem et vaporazione detraxerat Solis calor. Cum S. Augustinus itaque lib. 3. cap. 2. Genes. ad literam, dicito, infimæ & medix regionis aerem, à divina, si aliter non potuit, manu, in aquam pluviam condensatum, & istos probabiter cœlos esse, quos St. Petrus Epist. 2. cap. ult. diluvio dixit periisse. Hinc supremæ regionis aera iterum oportuit in locum pristinum rarefcere, & redire unde desinebat aqua. Finito diluvio autem Sol partem aquarum rursus tenuavit in tantum, qui infimæ & medix regionis spatium replendo satis esset, aerem. Denique, cum tota ista in-

ratio à Deo fuerit; nil vetendum tot admittere misfacula  
et necessaria ad historiam veritatem.

Tertio argumento supra satis est factum.

De diluvio Ogygis & Deucalionis; divinam etiam vi-  
ram, causam efficientem habuerunt; aut certe rupeis  
impetate aggeribus, insatisque aqua coelesti, & repen-  
ta divum liquatione fluminibus; unda se mediteri ante  
superfudit. Ita huius anni 1620. mense Februario Be-  
ta in Hispania à similibus causis, & praesertim sex aut septem  
dierum perpetua nive in immensum auctus, innotuit; in  
quam iam audivimus, in Hispania & vicinis regionibus  
causa.

CAPUT VII.

De nebula.

ARTICULUS I.

Quid nebula.

Aristoteles nubes seu excrementum vo-  
cat. Nubes enim vapor torido & humecto, at  
parum exhalatione arida constat. vapor in pluviam,  
exhalatio in nebulam saepe cadit. Lapsus & à gravitate  
materie est, & ab agmine guttarum pluvialium, quod  
non implicitam exhalationem detrahit. Hinc loca  
excelsiora & propinquiora nubibus, in omni pene imbre,  
nebula infuscantur, quia aliquousque semper cum stilli-  
bus descendit. Huius causae ignari auriga, qui Leodio,  
Vico, Mosae-Trajecto merces in Rheno Palatinatum,  
per ericetum illud vastum Ducatus Limburgensis, vulgo  
fere vestant, existimant beneficio quodam & arte magi-  
caliginem in omni pluvia ericeto illi affundi. Tantas  
enim oboriri tenebras, ipso etiam meridie, minime affirma-  
re, ut ultra distantiam 15. passuum nihil. Aliquando  
in quos suos videant, quo argumento, praeter alia quae  
ibi praesum dixi, probare soleo, Ducatum Limburgen-  
sem, & praesertim illud ericetum, locum esse totius Belgii  
caliginosissimum.

Definiri ergo nebula, siue caligo (hoc enim etiam  
nomen habet) sic potest: Superflua, aridior, & catigi-  
nosa.

posita pars nubis, terra incubans. Materia igitur eius, est exhalatio opaca & tenebrosa, forma, situs in infimo aere, si enim ascendat altius, in nomen & rationem nubis credibile.

Hinc nebula, ut multa alia meteororum immobile est, qui situs iste transferri incolumis, & loco demoveri nequit. Densitas nebulae & pondos indubie majus est quam aeris infimae regionis, in quem decedit. Tenebrae Egypticae, quae inter Pharaonis plagas, tam densa & palpabilis nebula fuisse, a nonnullis creduntur, ut instar aquae elementari tardarent motum localem.

Sed aliud praeterea genus nebulae, & ex alia materia est vaporale scilicet, quae propter nimium crassamentum, in imo aere haesit, & obnubilat terram. Talem saepe vesperti aut mane praesertim vidimus, apparetque instar aquae perpetuae, vicina Lovanio praeita, & humentia, unde vapor surgit, inundasse. Si ex oriente Sole ascendat, expectanda pluvia, quia materia ejus nubibus insertis si cadat, serenitas erit, nisi coelam grave nubibus fuerit, aut ventum aliunde adychant. Si enim Sol non valeat humorem tam tenuem vaporare, imbecillis est, nec poterit aquas maris aut fluminum vicinas, quae magis descenduntur a naturali sua densitate.

## ARTICULUS II.

### *Proprietates quaedam nebulae*

**P**rimo, fugere ante inambulantiem, & ponere sequi nebula videtur. Ratio est, quia ex distantia v. g. 20. aut 30. passuum opacitas nebulae demum incipit sensibilem lucis refractionem habere, circa nos vero serenitas apparet. (Testis alii aliquantulum distiti; in media caligine nos aspiciant) quia lumen exhalationi incorporatum, speciem vicino fortiolem mittit, quae pupillam oculi, & parietem foveum ita perfundit, ut nulla ab eodem objecto sensibilis umbra cum specie lucis in fundum oculi veniat, et distanti vero species imbecillior, & transiit per nebulae hebetat, foramen ureae tunica tenebris permixta, quas in retina depingit, illabitur. Quae omnia, & alia

hinc, Deo dante, in Liberis de Anima explicabimus.

Sed unde fieri potest, ut res per nebulam visa, longius retraxisse se, quam revera fecerit, appareat? Nebula enim ut antè à me dictum, crassior & propensior est aere inferiori: cur igitur speciem non refringit, ut vapor solet & aqua? refractionem autem, objectum oculo admoveat, non trahit. Verum aridae & caliginosae exhalationes, ubi praesertim in minimas atomos dissolutae, & decinerae sunt, nihil in refractionem valent: hinc enim videmus etiam illi nubium fumi, qui materia nebularum sunt, in media regione, nihil siderum refractiones adjuvant, nec Solis & Lunae discum insigniter ampliant, ut molles illi & humentes ac pellucidi vaporum rores, qui insunt aërem & horizontem obsident. Imò verò quia opacitate sua speciem retundunt & debilitant, causa sunt, quare phantasia nostra rem abesse longius dijudicet; quam oculus tam debili ac remissa, & veluti longiori intervallo lassata specie, cognovit. Ita etiam nocturnis tenebris omnia magis ab oculo distare putantur. Sed ego tamen à mea experientia adjuvante hoc possunt: Vidisse aliquando, cum nebulae radices & imam partem rursus ambires, extrante in sereno vespice, summam partem retortum reflexam, & caput à me longius abduxisse, protuberante, & manifestè propinquantè parte inferiori, quae erat in nebula.

Itaque distinguenda videtur nebulae materia. Si arida & fumosa, qualis illa, de qua Aristoteles, & nos primo loco diximus; non refringit, sic ut admoveat objectum visibile. Si humore multo & rorulento gravata sit, (de qua secundo loco egimus) refringere, diffundere, attrahere res speciem ad nos potest. Talem oportuit fuisse nebulam, apud Livium Dec. 5. lib. 1. quae Histriorum aciem Romanis multo maiorem, quam erat, ostendit.

Sic etiam extricare posse videor quod de exercitu Caetoli VIII. Gallorum Regis per Romam sub Alexandro Sexto, inter noctem, & Romanorum stuporem, Neapolim tendente. Jovius lib. 2. scribit: *Id, inquit, quoque meo suspensibus addebat, quod viri, equi, vexilla, arma, ut passim sonantibus in aequali splendore incertam praebentibus lucem, ampliora se admoveo videbantur.* Pingues etenim vapores, non solum atrata & atrata illa fuligines, facibus ac funeralibus exhalant,

lant, qui milicium & agmina speciem diffundere valent.

## CAPUT VIII.

De Grandine.

## ARTICULUS UNICUS

Quid grando, &amp; eius causa.

**G**randor, inquit, Seneca, lib. 4. cap. 3. Nat. **G**lacies suspensa. Sed definitio rudis est, & nimis laza. Scimus Aristoteles: Est pluvia congelata. Materia ergo proxima trahent, est pluvia. Forma rigor ille glacialis qui discriminat à pluvia. Finis: rigatio plantarum, ubi se res solverit, nisi non rard à divina vindicta assumatur ad lapidandam fruges. Fallitur ergo ille ingeniosus, cum creditur, si pluvia non congelata, non potest fieri grando.

Ovi. 9.  
Alia.

**N**on enim à nivium flocculis, sed pluvia guttis, glomerantur grandinis globuli.

De causa efficiente Anaxagoras & Aristoteles litigant. Ille à frigore medie regionis, ut nivem, hic ab antiperistasi caloris infimæ regionis, concrefcere mavult. Primo, quia in montium, qui infimam regionem excedunt, nunquam ullam unquam grando cadit: nec satis fortasse pro Philosopho ille canit.

Ovi. in  
Ibin.

Quid multa fieri grandine canit. Salsus.

Secundò, Grando illa angulosa propè terram, coagulum inter casum capitosi namque ex tam alto ruina effert, motu & longa gyratione angulos detexisset.

Tertio, Sape nullo præeunte sonitu maxima grando ad terram venit, sonuissent verò ante collisi inter se globuli, si induruisent in sublimi.

Quartò, Antiperistasi imitæris sola causa est, cur aliter frequentius grandina quàm hiems, lapidetur.

Dico primò: Quandoque grando frigore medie regionis congelascit. Talis plerumque est minuta illa & fuscosa, hiberna grando. Probat, quia nullus tantus in aere tunc calor est, cuius antiperistasi possit gelari grando. Quia verò guttulæ vix dum ante glaciacionem perfectæ



et densitatem aquae redierant, multoque exhalationum  
curvis turgidulae sunt, ideo orbiculi leves & fungosi, mi-  
nimumque à materiæ nivis aut pruinae distant.

Dico secundo: Quando lapidosa & consummata di-  
nitri, antiperistasi caloris infimæ aeris, ut plurimum coa-  
glatur. Id egregiè adferunt Aristotelis rationes. Sic an-  
tem expedire potest, imò, vel fallor, debet, isthac antipe-  
ristasi Guttae spiritu nubium tumetites, ubi aerem, repi-  
dum inciderint, diducuntur paulisper, & se laxando, effu-  
sum spiritibus calenribus aperiunt: quibus magna parte  
liberatur humor. subied, quantum valet, ad frigus se re-  
vertit. Sed quare congelat? nam forma substantialis  
aqua, materiam suam fluere, quam obrigescere in glaci-  
em, mavult. Credo id fieri propter siccitatem reliquo-  
rum spirituum, qui non exspirantur illa antiperistasi, sed  
remanent, à frigore extincti & deprehensi in grandine.  
Nam certum est, multam exhalationem una cum humo-  
ri in grandinem stringi: ideo enim ita albet, & fungosior  
quorūque est, ac opacior quàm glacies alligata ex aqua  
vulgari. Porro inter sidera Arcturus maximè grandino-  
sus creditur. Plinius 1, 2, c. 39. *Arcturi sidus non semel  
sed procellosa grandine mergis, oritur autem, ut ait, c. 47. penda-  
re diebus ante æquinoctium autumnum.* An verò id per influ-  
entiam sideris, an quia exortus in illam anni tempestatem  
incidit, quæ ob temperiem, quàm a Sole præcipuè  
accipit, eveniat, in Libris de Cælo, si Deus vitam super-  
stitem fecerit, dicemus. Grandinis magnitudo incerta est  
& pro modo guttatum, quibus coaluit. Anno 1564. die  
14. Julii, Lovanii ceciderunt crassitudine ovali, narrat  
noster Gemma, Rotunda ferè est, quia labendo, in orbem  
severit, vel quia gutta etiam est talis: triangularem tamen  
etiam, & pyramidalem (quæ fortè figura est eaden-  
tis gutta, quia spiritus eius sursum in conum se recipit)  
non raro vidi. Portentosa etiam quandoque in ea formæ  
sumunt, ut capita humana, porcina calamistra, etiam &  
instrumenta varii luxus seminata, aut effeminatorum.  
Hæc nobis admonitione aurem vellicat benignus Pater,  
ut teras omnes creaturas vertit in nostrum bonum, &  
salutem. Paleæ & quisquiliæ grandinibus aliquando de-  
prehensæ & intertexæ videntur, quas ventus levavit, & in  
guttas

Sittas pluviales impegit, differendo per laerem. Quidam quoque literas in iis, legunt; sed frequentes, puto, ut Pueri figuras quasdam manes in parietibus, aut castella in nubibus sibi fingunt. Ego quandoque grandines omnes glacialibus veluti loculamentis inclusas aspexi; globuli centrales albentes & fungosierant; ut plane conjectarem frigore medice regionis diriguisset; orbis vero satis densus eos ambiens, diaphanus & durior erat; ut materiam perfecte aqueam & pluvialem in casu grandini primæ circumglomeratam, & infimæ regionis antiperistasi ei adstrictam, facile divinasset. Sic fere tenues quidam calculi primò concrescunt in renibus, & per ureteres delapsi in vesicam, novò ibi se loricant; tunicasque plures circumvolvunt; & hinc plerique omnes, ut notavit Fernelius, vesicæ calculi, contracti nucleum aliquem in centro ostendunt.

Mirum etiam est, quomodo grando, tanto durior nive longè tamen celerius, & statim ut in terram cecidit, liquetur. Sed una opera mirare, nam plumbi libram celticis, quàm buryri, calore dissuere. Ratio in plumbo fortassis est, quod ubi pars una fervorem ignis concepit, alteram attrigam statim acerrimè adurit; quia calor in ea, ut materia densa, est maxime actuosus: unde experimur, ubi plumbum cœpit liquefcere, cæteras ordine partes festinare statim ad resolutionem. Glaciès grandinis etiam densior est nive. Deinde plures particule sicæ & terrenæ exhalationis, vaporì nivis ubique interjectæ, reditum ejus ad liquorem magis impediunt. Cùm autem ignis aut calor grandinem vel aliud corpus gelatum regelet, & in liquorem dissolvit frigus quod partes, ne diffuerent, continebat, tantum expellit; temperiemque certam, ex qua liquiditas, cœu qualitas quædam secunda, resultat, inducit. Quid enim aliud philosophemur?

Grando plerumque die, raro nocte, nisi repente decedit; quia præsentia solis, calor in infimo aere antiperistasi potentiorè interdù facit.

Cæterum calamitatis præcipuus timor est à grandine, ubi in calamos jam seges stetit. Hoc tamen unum in malo solatiolum est, quod vix unquam latè grassetur, sed quosdam solum feriat tractus; longiorque semper, quam latior



## LIBERTI FROMONDI

## Meteorologicorum

## LIBER SEXTUS.

## De Meteoris Apparentibus.

**M**eteoris apparentia vere meteoza non sunt, nec in partem obiecti horum Librorum proprie veniunt. Non enim corpora imparia sunt, sed accidentia tantum sunt, adiectaque legimus meteoris ab Aristotele, quia eorum more, in exhalatione aut vapore in sublimi vitam habet.

Scientia eorum futunda, sed in difficili & ardua est, in quoniam hactenus solum arigis omnes regent, principes tamen diffinitores Iris amplectitur, & ea re Euclidem in Opticis & Caropis in, Prolonxum in Speculis, manum ab ea abstinuiffe censet Maurolycus; & ipsa viralias in omni genere Matheseos eminentissimus. Aliquis, ait, experimento consonum vestigando, divinabo, Et alibi, De Irade sicut multi scribunt, ita nemo satis demonstrat. Merito igitur Sirachides; *Vide Arcum, & benedic eum qui fecit illum, valde speciosus est in splendore suo; Gravis calum in circuitu gloria sua, manus Excelsi aperuerunt illum.* Opus enim singulare & eximium est divinæ manus, ut mirum non sit, humanum oculus non atque in causas ejus cernere. Solem tamen aut Lunam, ut peniculorum instrumenta in digitos ad hujus arcus picturam sumit, quia nisi in siderum istorum luce, nunquam apparet Iris. Cæterorum enim radii satis roboris non habent, ut oppositam nubem terebrent, & evidenti luce perfundant; idque non ex inopia luminis quod uberius pleraque lunari habent; sed ab nimiam à terra distantiam: hinc enim fit, ut radius spatio lassatus, languidus & expirans ad nubem perveniat. Iris itaque duplex solum est, Solaris, ac Lunar. Illa tamen maxime insignis, vocaturque per antonomasium, & simpliciter, Iris.

Ab ea igitur exordium sumemus, cum præsertim omnia  
ferè, præter causam efficientem, in Lunarem etiam com-  
petant, quæ de Solari enarraturi sumus.

## CAPUT I.

*De Iride Solari.*

### ARTICULUS I.

*Varie Iridum historia.*

**H**istoriolas aliquot in cæteræ doctrinæ fundamen-  
tum mittere, pro bono duxi: nam lato experi-  
mentorum dissensu rem hanc tractare solent Auctores.

Omnes inprimis passim Irides cornibus in terram de-  
jectis conspicimus, negantque universi panè aliter un-  
quam evenire. Sed ecce tamen Cardanus lib. 14, cap. 70 *Cardan.*  
Variet. ait se Venetiis anno 1532. die undecima Aprilis  
vidisse binas Irides, non cum capisibus descendens, sed Soli op-  
positis: quarum prima cito desit, altera in medio calis parva confitis  
lunæ duarum & plus spatio: altera velut corona, altera ut semicir-  
culari plano terre æquidistans, præter aliarum morem. Unde ap-  
paret, non universè verum esse, quod omnes jactant, Iri-  
dem nunquam toto circulo claudi, nec semicirculari posse  
cerni ampliorem.

Audietiam nostram Gemmam lib. cap. 1. Cosmocr. Sep- *Gemma.*  
tembris anni 1560. die 25. manè arcus cælestis insignem speciem vidi,  
coloris, fulgoris, ac positionis insuetæ. Stabat enim convexa pars So-  
lem versus, concava vero versus cujusdam parietis, sub obscuram typum,  
qui quasi ad Circium annuebat. Color puniceus ea parte qua Solem  
intuebatur, sed viridis, qua spectabat Occasum. Cornua igitur  
non in terram spectabant, sed averfa ab exoriente Sole  
directa in Occidentem intendebantur.

Scio etiam hic virum quendam eruditum Jovem la-  
pidem paratum mihi jurare; aspexisse se Iridem supinam,  
& cornibus infestis in cælum. Hæc tamen inquit, non è  
regione, inter oculum & Solem erat, (ecce alterum &  
novum planè miraculum) sed in eadem cum Sole Mun-  
di parte, summota aliquantulum ad ejus latus.

Imò Scaliger Exercit. 18. num 10. Dnas inquit, separa- *Scalig.*  
te vidimus Irides in nubibus diversis, alteram ex obliquo ad latus.

D d d

Lir



Licet.

Licetus etiam Lib. 6. cap. 2. de Novis astris, *Ris jam*, inquit, vidimus Irides in Meridiano ad *Austrum*, vel prope, cum Sol esset in Occasu; & linea recta, qua à centro Solis per oculum nostrum extendebatur, non ad centrum Iridis ad *Austrum*, sed longè ab *Australi* plaga terminabatur ad cœli partem Orientalem.

Vitello lib. 10. th. 69. affirmat, se Paduæ quatuor simul Irides circumactos perfectè gyro circulares, non è regione, sed ad latus Solis, distantia decem ab eo graduum, olim conspexisse.

Hollandi quoque ex illa ad Zemblam novam navigatione, inter cætera admiranda retulerunt, tres Soles viros ad *Austrum*, sex Iridum discerniculo à se invicem abjunctos. Hæc & id genus exempla probabilitatem fortè reddent Scaligero, hæcenus ab Opticis tantopere, improbatum, quod Exercit. 80. num. 7. Cardano affirmasset, se in Vasconia quondam admodum ex obliquo Iridem ad *Scalig.* spexisse. Ita, inquit, dico, ut radius oculi mei ad alteram coronidem propiorem esset de cælo, exempli gratia, brevior, quam is qui ad remotiorem tendebitur. Sed non credit Maurolicus: Bene dixis, inquit, Hieronimus Cardanus, centra Solis, visus, & Iridis esse in eadem recta linea; & injustè reprehenditur à Julio quodam Scaligero. Ad *Maurolicus* facile labuntur in hac Philosophiæ parte omnes qui diversa profertur. *Proble.* Olim etiam fuit, cum Maurolyco magis accedere; sed *Perspe.* longè elapso anno me repulit rara quædam insignitissima.

Iris, in oculos, non meos unius, sed Clarissimorum testium, cœlo velut demissa, ut plurima me de natura admirabilis istius in quovis doceret. Rem factam, non fabulam, accipe: & quam oculis nostris nunquam Maurolycus extorquebit; excæcet Scaligerum quantum lubet.

Anno 1625. die Aprilis 9 hora circiter sexta vespertina, Lovanii in amœnis illis inter Thenensem & Diestensem portas mœnibus, cum fama, scriptis, & eruditione Clarissimis Viris, Medicinæ Professoribus, Thoma Fieno, & Petro Castellano, molliter & pro more inambulamus, cum subitus imber, Sole interim in Occasu acriter radiante, nos ibi oppressit; secutaque statim ingentis curvaturæ, & coloratissima omnium quas unquam meminimus, Iris, in qua dum defixi admiramur, ecce dextram ejus cornu, quod medio fermè Belgico millitari à nobis aberat, silvosisque illis extra portam Diestensem collibus infixum

infixum erat, in subjectam camporum planitiem descen-  
dit, & nube densioribus jam paulò ac plenioribus gut-  
tis per interlucentes solis radios exonerare se properan-  
te, brevi tempore, per medium ibi fortè quendam ara-  
torem & equos ejus (Iude enim involutum & illustrem  
cernebamus) ad ipsas oppidi fossas, citra 30 passuum distan-  
tiam, in nos linea pene recta venit: cornu interim altero  
longissimè à nobis, post celebre illud & illustre Cano-  
nicorum Premonstratensium Monasterium Parsense, per-  
tinaciter adhærente. Res, quamdiu pluvia, sic mansit:  
rarescentibus verò deinde paulisper stillicidiis, vicinum  
cornu per eandem qua descenderat lineam, trajectory iterum  
camporum latitudine, pedesentim in suum se collem re-  
cepit. Dum omnia etiam avidissimo & hianti oculo cir-  
cumspecto, hoc quoque cum admiratione vidi. Secunda  
Iris (nam gemina erat) inversis ut solet coloribus, prima-  
riam comitabatur, magisque & magis perpetuò se ad-  
stringebat, seque ei admovebat, quo propior nobis fieret  
primaria: similiter in recessu, spatium inter utramque  
sensim laxabatur, donec in collem suum se restituit. Cum  
proxima oculo nostro esset, vix decem inter utramque  
intererant passus: cum remotissima, distantia facile qua-  
drantis Belgici milliariis apparebat. Ex hac igitur histo-  
ria confici videtur. Solis, oculi, & Iridis centra non in e-  
andem rectam lineam incidisse.

## ARTICULUS II.

*An Iris reflexione radiorum Solis, an refractione fiat.*

**R**adius luminosus nil est aliud, quàm lineare lumen à  
corpore luminante in longum emicans. Triplex verò  
ab Aristotèse & Opticis vulgò statuitur: directus, reflexus,  
& refractus. Directus est, qui linea recta per medium uni-  
tissimi densitatis effunditur. Reflexus, qui occursum opa-  
ci in partem oppositam reverberatur. Refractus, qui per  
media diversæ densitatis trajicitur. Radius quem Sol per  
liberum & uniformem aëra jaculatúr, rectus est: qui spe-  
culo exceptus, in cælum resiliit, reflexus: qui aërem &  
aquam terebrat, refractus. Rectus, simplex est: reflexus  
ex parte quæ opacum incidit, & altera quæ in oppositum  
terro abit, concinnatur: refractus etiam duas habet par-  
tes, quæ in geniculum quoddam, & veluti poplitis flexu-

ram coeunt: penetrat enim hic radius è medio uno in aliud, sed linea paulisper deflexa & exerrante à recto tramite. Non etiam indifferens est, ex utro medio in alterum deinde perveniat. Si è rariori densius, ut ex aere aquam intret, fractio versus radium perpendicularem fiet; id est, radii undique se addensant circa illum, qui omnium medius est; hic autem, veluti ceterorum Princeps, inclinantibus mutua inflexione non respondet, quia in partes oppositas simul (quod fieri nequit) deberet annuere; rigidus itaque & directus perseverat. Si verò radius à medio densiori in rarius, ut ex aqua in aerem, emicet; franguntur omnes circumstantes à perpendiculari, & ab eo se avertunt: id est, radii in medio densiori aggregati, & veluti in fascem collecti, per rarius extenuati disperguntur. His utcumque intellectis.

Dico primo; Radius solaris in vapore torido, in quo solo apparet Iris, necessario versus perpendicularem frangitur. Ita Vitello lib. 10. theor. 65. & sequitur evidenter ex jam præmissis. Radius enim ex aere rariori in densiores vaporis rores se insinuat; unde omnes, præter perpendicularem qui centra guttarum directè perterebrat, ad ipsum se perpendicularem incurvant. Et hinc quia non unus tantum, qui in prima nubis superficie occurrit, guttarum est ordo; sed alii innumeri sunt per totam nubis profunditatem dispositi: idèd non una solam, primo statim nubis ingressu accedit, refraçtio: sed sine numero frequentantur aliæ & aliæ. Ut cogita seriem quandam & catenam stillicidiorum a fronte nubis, per profundam, usque ad ultimum ejus dorsum: deinde in prima gutta radios oblique incidentes aggregari ad perpendicularem; hinc vero in breve illud aeris inter primam & secundam guttam fretum illapsos dissipari & refugere à perpendiculari: postea in secundam guttam impingere, ac denud ad perpendicularem reconciliari. unde iterum expediri, sparguntur in aere consequenti; donec tertia gutta etiam disfluens colligat in nodum; & ita deinceps usque ad finem nubis & ultimam guttarum. Si tamen brevissimum fuerit inter utramque guttam aeris intervallum, nulli fiet à perpendiculari radiorum dispersio; quia aliquanto post primam guttam in ipso aere in unum punctum & nodum

concurrunt; ut in vitris sphaericis patet quæ stuppam post se incendunt.

Dico secundò; Radius etiam vaporem illapsus in oculum videntis reflectitur. Ratio est, quia sine specie lucis, splendor ille Iridis cerni non potest; species autem lucis est ipse radius luminosus, ut in libris de Anima cum Scotto & Opticis demonstraturi sumus; vel potius, quia non ex quolibet situ, sed determinato, ut res in speculis solent, videtur. Sed quid igitur in Iride videmus? Lumenne Solis incorporatum nubi, ut in aurora vespertinis crepusculis usu venit, an ipsum Solem tanquam in speculo? Aristoteles hoc affirmare videtur, quia semper *κατὰ ἀνάκλασιν* per reflectionem, non *κατὰ ἀνάκλασιν* per refractionem, explicat Iridis generationem; & ita exponit, & acriter *Vicom* propugnat Vicomeicatus. Seneca etiam lib. 1. cap. 4. *Seneca* Non dubium, ait, cuiquam relinquitur, quin arcus imago Solis sit male expressi, ob visum figuramque speculi. Et cap. 1. egregie sententiam Aristoteles enarrat. Ubi singula pluviae cadentis stillicidia totidem specula esse inquit, reddique à singulis imaginem Solis; nec aliud Iridem esse, quam innumerarum ejus modi imaginum confusione; quæ adeò perturbatæ appareant, quia intervalla guttarum, spatia consumantur & evanescent, ne hinc valeant discerni. *Seneca* Et denique affirmatissimè cap. 5. In eadem, inquit, sententia sum, quæ Posidonius, ut arcum judicem fieri nube formata in modum concavi speculi & rotundi, cui forma sit partis è *pila secta*; aitque deinde; Solis illam esse effigiem, non similem; conaturque detrahere admirationem faciei illius tam abnormis & procul abiudentes à verò Solis filo & schemate, in quo nihil ferè simile ejus, quod cernimus in Iride; culpam enim conjicit *Seneca* speculi enormitatem. Non omnia, inquit, specula ad verum respondent. Sunt, quæ videre extimescas: tanta deformitate corruptionem faciem visentium reddunt, servata similitudine in pejus. Sunt, quæ cum videris, placere tibi viris tuæ possint; in tantum lacerti crescunt; & totius corporis supra humanam magnitudinem habitus augetur. *Cardani* Consentienter his etiam Cardanus lib. 4 Subtil. loquitur; imò Maurolicus in Problem. Perspect. disertissimè; sicut *Mauro* imago rei non colorat speculum, ita colores Irides non imprimuntur stillicidiis; & sicut imago absque jactura speculi, ita & colores absque inflectione stillantis aquæ reflectuntur ad oculum. Veluti ergo in speculo

culonon picturam aliquam humanæ faciei, sed ipsam videmus: ita in nube non imago solaris vaporis impressa & inhaerens, sed Sol ipse ille.

*Qui celsa liquidis spacia decurris poli.*

radio obiectu nubis in oculos percussio aspicitur.

Demonstrari etiam ex Aristotele Posidonio, Seneca, & aliis sic potest. Primum quia Iris situm cum Sole mutat, sublimis aut humilis, prout ille se submisit aut subulip, inquit Seneca, contrario motu. Secundò, oculus etiam suo motu transferre videtur Iridis sedem. Inambula enim versus alterum cornu, fugiet ante te, consequeturque, ponè alterum à tergo, inveniesque te semper medium inter utrumque.

Addit Posidonius: Si color aut lumen in vapore defixum cerneretur, evidentius è propinquo, ut alibi solet, in oculos se ingereret; secus tamen est, nam si in vallem accurras, in quam brachium ejus dependere vides, nil nisi roscidum, sine pictura aut luce ulla insigni, aerem circa te circumspicias. Hæc autem omnia signa sunt specularis inspectionis; & oculis nostris, non tincturam vaporis, sed rem quæ extra est, imagine à speculo illo repulsa, occurrere.

Sed vix possum induci ut accedam. Primum, quia quod in speculo aspicimus, tantum intra profunditatem recessisse, quantum à superficie ejus distat, apparet: unde si speculo faciem admoveas, imago tibi obviam videtur procedere. Quod ingeniosè Poeta lib. 3. Metamorph. in puero Narcisso, amore sui in fonte conspecti pteunte, expressit.

*Ovid.*

*Exigua prohibemur aqua; cupit ipse teneri.*

*Nam quoties liquidus porreximus oscula lymphis;*

*Hic toties ad me resupino nititur oro,*

*Posse putes tangi; minimum est quod amantibus obstat.*

*Quisquis es, huc exi: quid me puer unice fallis?*

Contra tamen omnino in Iride evenit: nam instar umbræ, sequentem fugit, sequiturque fugientem. Secundo, illa colorum varietas satis arguit, lumen Solis est guttularum umbris mixtum, & in colorem medium temperatum. Sic enim etiam in aurora, in prismatibus, sive triangularibus vicris, in urinalibus aqua plenis, in columbarum



umbrarum cervicibus, varios, umbrarum & lucis misce-  
 ta, concinnari colores videmus. Scio quid reponat Vico-  
 mercatus, *Falsum est, ait, Solis colorem in arcu non apparere, appa-  
 rentem, nisi non purus: quippe qui in speculo colore infecto, hoc est,  
 in albo nigriori exprimitur.* Sed nimis leve & perfunctorium  
 hoc est, ut statim acquiescam, Nam si vultum aut lucem in  
 arramento aut nigro marmore inspiciam, tenebre se it qui-  
 dem & infuscatur species, nunquam tamen in purpuram  
 aut colorem alium medium facecit.

Videor tamen jam Aristotelem, aliosque ante laudatos  
 in partes nostras pæne posse traducere. Nam propè aut-  
 em verum est, & lumen ubi incorporatum, & una So-  
 lem in Iride cerni. De lumine nubis, mihi fixum jam &  
 certum. De Sole ostendi potest: quia radius Solis prima-  
 rius reflexus est, qui Iridem nobis deformat, non aliquis  
 secundarius, ut postea dicam, ubi causas anquiram figuræ  
 illius circularis: radius autem primarius, qui quæ à spe-  
 culo per angulum incidentiæ parem resilit, objectum re-  
 presentare, & ad visionem ejus excitare potentiam solet.  
 Verum tamen metuo, ne visus ita totus in speculando  
 lumine vaporis (quod apud me equidem, est species ipsissi-  
 ma lucis solaris) occupatus sit, ut actionem suam ad So-  
 lem usque, cuius tamen speciem habet, non extendat. Ubi  
 enim species visibilis in aliqua parte mediæ sic conglome-  
 ratur, aut miscetur opaco, ut ipsa objectum sensu com-  
 prehensibile concinnet, tunc ei fortasse sic adhæret visus,  
 ut ad primum objectum, quod speciem illam sparsit, exire  
 non possit: quod in libris de Anima magis & enucleatius  
 diducemus.

Ex discursu igitur præcedenti patet, Iridem tam refra-  
 ctione radii intra profunditatem vaporis, quàm reflexio-  
 ne ad oculum generari: omniaque in lucem longius ex-  
 trahentur à dicendis: ubi etiam causas, cur Iris attollente  
 se Sole succumbat, & succumbente se attollat, cur à se-  
 quente deprehendi metuat, abeuntem ultrò sequi amet, &  
 aliud genus prodemus.

## ARTICULUS III.

*Cur Iris circularis adversus Posidonium, Senecam, Plinium, Scaligerum, Bodinum, & alios.*

*Cardan.*

**H**omnes, alique plures, quorum Philosophia minimam cum Opticis mixturam fecit, in cavitatem nubis figuram istam conjiciunt: imò Cardanus etiam, quod impense mirum, lib. 4. Subtil. idem facit: Auctorque libri de Mundo: quem ne Aristotelem existimes: nihil enim genii & ingenii ejus habet.

Verum, non magno opere refelluntur. Primò, quia non semper extremus nubis limbus, in rotundum compositus est, quoties apparet Iris: ventorum enim flatibus, item vaporis & aeris perpetuo fluctu, in omnem se formam transfigurat. Deinde, cum à cornu uno Iridis versus alteram incedimus, quandoquidem nobiscum transferri videantur, exciderent statim limbo isto circularis nubis. Secundò, nulla causa erit, cur non etiam triangulares, quadrangulares, & millesimo alio schemate depingantur Irides; si illa est fortuita figura vaporis; nam vapor instar Protei in omnes formas detorqueri potest. Terriò, Iris artificialis (cui Aristoteles alteram, similitudine indolis, componere solet) nata aspersione aquæ in radios Solis, semper in circulum se gyrat, cujusvis schematis sit humor quem ore exspargimus.

*Aristot.*

*Alex.*

*Vicom.*

*Scalig.*

Hinc liquet, Alexandrum, Vicomercatum, Scaligerum, & alios, verò in aberrasse, cum inter cornua Iridis inanem concavitatem fingunt, ideoque rotum illud spatium vacare, nec impleri imagine Solis, quia nullum ibi sit ejus speculum. Revera enim tantum luminis per totam illam semicirculi aream sparsum & inculatum est, quantum in ipsa Iridis circumferentia cernimus. Unde id rescire potes? inquires. Ex motu quo alterum cornu, per spatium illud quod inter brachia apparet vacuum, me sequetur, si ad oppositum cornu gradum faciam.

*Ammon.*

Ammonius, & alii quidam, Iridem circulo circumscribi credunt; quia talis est figura Solis. sed perperam, quia

*Sole*

Sole eclipsi in media parte defecto, item Luna semiple-  
na, aliquando apparet arcus; nec minus, quam pleno  
utriusque sideris orbe, circularis. Nihil ergo refert, cu-  
mque illum illuminans sit figura.

Itaque gyrus ille circularis Iridis, nascitur ex æquali-  
tate & similitudine angulorum; quibus radii sideris à nu-  
be torante ad oculum respicientis undique perveniunt.  
Hoc enim tecum perpende. Ut radius qui in nubem pe-  
netravir, coloratus & evidenter conspicuus in oculum res-  
tat, debet certo angulo reflecti: id est inter radium Solis  
qui directè in nubium jacitur, & illum qui versus terram  
erorquetur, certam quandam distantiam & divaricatio-  
nem esse oportet: hoc est, anguli semirecti, ut existimat  
Maurolicus: ut autem reflexio tali præcisè angulo ad oca-  
lum fiat, non à quavis parte roseidæ nubis venire potest,  
non à iusto superiori, non ab inferiori, sed aliqua quæ  
terminatum ab oculo intervallum habeat: unde ut mul-  
te partes illo sive pari angulo lumen versus oculum rever-  
berent, debent æquè ab oculo distare, id est, in circulum  
disponi, cujus centrum sit in oculo, à quo omnes lineæ ad  
circumferentiameductæ sint æquales.

Sed aliquot hic satis perplexæ difficiles trice nobis ex-  
ticandæ sunt.

Primo, Stillicidia vaporis, corpora gravia sunt: cur er-  
go ex illo Iridis arcu non statim excidunt, cum nihil so-  
let sit, quod ipsa infernè sustineat? Dico excidere, dis-  
solvendumq; Iridis contextum, nisi (quod plerumque  
aliquamdiu fit) superne alii rores in spatium decidentium  
confluant, ut in eodem situ, quo præcedentes gutta, exci-  
perent radium. Hinc sequitur, perpetuò mutari Iridem,  
etiamsi Solem daremus in eodem gradu immotum per-  
manere. Nam ubi diversa specula, & aliud aliudque lu-  
minis subiectum est, necesse etiam formam illam toties  
variari. Visus tamen id non intelligat: quia gutta  
quæ tam promptè supervenit, ut non agmen diverso-  
rum, sed eadem & constans acies appareat stantium stil-  
licidiorum. Sequitur quoque, Irides pertinaciores esse,  
quæ humilem curvaturam habent, quales depingi solent  
sublimi Sole. Tales enim majorem nubis rotidæ partem  
longè habent, & utriusque circumferentiam illam terræ

propriorem depluere ex alto vapore possunt. Ubi etiam intelligis, cur summa Iridis ablis facilius rumpatur & evanescat, quam ima cornua: superior enim nubes rorem sæpe & humorem totum effudit, cum per aerem terræ vicinum, qui brachia arcus sustinet, adhuc defluunt stillicidia. Vides deinde causam, cur Sole pariter lucente frangatur hic arcus, cetera summis; quia scilicet una pars nubis citius quam altera exonerare se & siccare deperat, colorique sustentaculum subtrahit.

Secundo, difficile est enarratio, cur Sole horizontem tangente, radii nubem incidentes non reflectantur potius versus cælum. Ex Euclide enim & experientia constat, reflexionem in speculis semper fieri versus angulum obtusorem. Facile id intelliges, si loco summae nubis in qua supremum Iridis gibbum vides, speculum ingens imaginem, quod orientis aut occidentis Solis imaginem excipiat. Cum enim Sole illuminante & oculo aspicientia alius futurum sit, haud dubio radium sursum, non deorsum ad oculum retorquetur: quia angulus, quem radius oblique incidens, cum superficie speculi facit, acutior & angustior versus terram est, qua vero spectat cælum, obtunditur & se laxat.

Respondeo, Manifestè hinc evinci, Iridem non generari reflexione imaginis Solis à continuo & perpetuo aliquo speculo; sed ante reflexionem, in infinitis partibus, sive speculis, ut docet Aristoteles, lumen refringi, & veluti in totidem nodos colligi, ac deinde hac illac, ut in globis crystallinis aut vitreis aqua plenis cernimus, per varia superficialia puncta expergi. Ex his autem guttularum radiis quidam cælo reperiuntur, alii ad terram & oculum perveniunt: gutta enim illa lumine turgentes, undique, ut dixi, exonerant & radiant in orbem. Sed ecce jam tertiam, & maximam difficultatem. Cur igitur omnis area Iridis, & universi qui in tota undique rorida nube guttarum globum, non fulgent simili luce, si omnes pleni sunt, & undique eam spargunt?

Vicom.

Franciscus Vicomercatus, non minus Aristoteles interpret, conatur persuadere, radios à tota media circum area non reflecti, quia fortiores cæteris sunt, tanquam propius distantes à perpendiculari, quem per centrum oculi imaginamur & centrum Iridis trajici. Sed ad suspectum

vanitatis, imò, nisi fallor, satis compertum, infra inter tractandos Iridis colores ostendemus. Suppone igitur, quod verum: omnes intra extra ambitum arcus guttas persusas esse & tumentes sideris luce. Hac credo difficultas Caldanum, Scaligerum, & alios in eas angustias compulsa, ut inter brachia Iridis nullam esse nubem, aut nimis, reductum & à nobis distantiam crederent. Sed fac aliquando ita esse: quandoque tamen, & sæpius aliter eveniet. an ergo quisquam fando acceperit, aream unquam Iridis simili luce variam usque ad terram apperuisse? scio nunquam factum.

Iraque aliter, & ingeniosè Maufolicus rem hanc componit, et si tamen etiam in fluctu me relinquit. In qualibet gutta ait refractiones multiplicari, & se invicem adjuvare, ac deinde lumen conglomeratum undique dispergit verum radium qui angulo semirecto reflectitur, solum idoneum esse qui repræsentet aliquem colorem. Qui enim acutissimo angulo repercutitur, quia ferè contra radium directum redit, ab eo obtunditur, & permixtam umbram exiit, ne appareat in eo color: qui verò obtusissimo angulo à gutta, etiam propter talis radii debilitatem, non coloratur. Igitur, qui per mediam distantiam inter radium directum & superficiem nubis ad terram redit aptissimus est, qui rapiat colorem, satis enim fortis est, & sat longè abjunctus à radio recto incidente, ne ab eo offusceatur, maxime cum, ut notat, ab octo punctis in superficie concava cujusvis guttæ aequali intervallo dispositis, radius directus octies in radium qui angulo illo semirecto reflectitur, repercutiatur, ut necesse sit tot radii in unum confluentibus, eademque via emicantibus, insigniter roborari.

Sed hæc fortasse, nisi arbitrio oculorum, & proposito Machiæi schemate, non facile intelliges. Rem igitur paulo familiaris è Vitellione tractemus.

Ex unaquaque vaporis guttula tres, cogita, radii ad terram dejectantur. Unus per superiorem aerem trans caput tuum cadit, nec demittit se usque ad oculum spectantis Iridem. Secundus, antepedes tuos in terram deponit. Tertius, inter utrumque medius, oculum incidit. Hic verò, ut sit satis plenus & robustus, debet non quovis,



sine discrimine, angulo, sed certo & determinata magnitudinis reflecti. Nec tamen adeò validum esse oportet, ut guttularum & vaporis opacitatem vincat: sic enim nullo se colore tingeret. Huc ergo usque valere debet, ut per obstantem nubis opacitatem regredi, denso satis ad oculum excitandum lumine, possit; ita tamen ut stillicidiorum implexas sibi & intricatas quasdam umbras secum trahat: umbrarum enim ista mixtura necessaria est, ut lucis candor in ruborem, virorem, aut purpuram declinet. Alii verò radii, qui à guttis mediam circuli aream intextentibus ad oculum repelluntur, non habent istam mediocritatem; ut paulò post enarratiùs explicabo.

Sed estne angulus reflexionis istius perpetuò semirectus, ut contendit Maurolycus? Vix existimo. Nam in illa Iride Lovanienli, quam annò 1625. cum Clarissimis & Eruditissimis Viris, Thoma Fieno & Petro Castellano, ut Articulo primo retuli, conspeximus, à corau illo nobis propinquiori, acutiori angulo quàm semirecto quàmque ab altero cornu, tantò longius abjuncto, ad oculum nostrum radius redibat. Itaque hoc magis censeo: Radius qui colorat nubem; primarium reflexum esse, qui à corpore illuminante actione reflexa producitur, resiliat quo angulo pari, aut circiter, angulo incidentiæ. Ex hunc est, ut variata Solis altitudine, & consequenter radio directo per aliud superficiæ punctum in profunditatem guttarum se mergente, varietur quoque angulus reflexionis & Iridis altitudo. Cùm enim Sol demissus est, per superficiem partem inferiorem quæ terram gutta despicit, radius intrare debet, ut radii primarii reflexio tangere oculum possit: unde non nisi ab altissimis, & vertici nostro vicinioribus guttis, talis reflexio esse valet: id est, summa curvatura Iridis maxima supra terræ superficiem elevari debet. Meridiano autem, aut saltem excelso supra horizontem Sole, radius guttis supernè quodammodo supervenit, & proinde non nisi à valde humilibus & horizonti propinquis radius repercuti ad nos potest: & inde minima illa arcuum segmenta, quæ apparent adulto, sive dudum ante occasum, aut dudum post ortum, die.

Quod autem de primario reflexionis radio dixi, faciam te, spero, ut intelligas.

Chor in superficiem speculi, vel lacus v. g. radius Solis oblique cadit, si à Sole aversus in lacum prospicias, ita scilicet ut oculus inter Solem & lacum medius sit, imaginem sideris in illo speculo non vides; & tamen lumen aliquod secundarium à luce per totam lacus superficiem dispersa in oculum recipis: sed non radium Solis primum, qui versus oppositam lacus ripam reflectitur ad angulum angulo incidentiæ parens, hic autem primarius est quia à Sole ipso (non solum à lumine per lacus superficiem disseminato, & undique etiam tenuiter & subobscurè radiante, ut secundarius) sursum reproducitur: ideoque uberior est, & visum deducit (quod alius non facit) in Solis visionem.

Igitur rem totam in clausulam istam colligo. Iridem in vapore isto cernimus, unde repercuti ad oculum radius Solis primarius potest: ille vero certo aspectu sideri opponi debet. A guttis quæ extra gyrum arcus & vertici propinquiore sunt, radii primarii post tergum nostrum rejiciuntur, à guttis intra arcus ambitum conclusis, ante pedes nostros recidunt in terræ superficiem. Ab universis tamen, intra extra arcum stillicidiis, radium aliquem secundarium excipimus; sed iste debilis, & à prima solum vaporis superficie, non ex valde profundo venit, ac proinde sine coloratione. Cætera quæ tibi hic occurrere & impedire possunt, sequentes Articuli, nisi fallor, expedient.

## ARTICULUS IV.

*Ad centrum Solis, oculi, Iridis, oportet semper in eandem lineam rectam incidere.*

Vitellio, Maurolycus, Cardanus, Vicomercatus, Thimon, & plerique omnes facto agmine in eam sententiam currunt. Infelix etiam ille Spalatensis, M. Antonius de Dominis, etæ non summus, melior tamen non paulo Opticus quàm Theologus, in libello de Radiis visus & lucis, ante apostasiam edito, Immo, ait, Cardanum reprehendit & aliter quod lineam unam esse dixerit, in qua sit Sol, oculus, & centrum Iridis. Hoc enim & Aristoteles, & gravissimi alii

M. Ant.

Phi.

Philosophi admittunt, & vasio suades, & experientia manifestissime convincit. Non quod ipse afferi se vidisse proprium sibi alcerum coloridem Iridis, deceptum puto; non enim spatium illud mensuravit: aut illa non fuit Iris, sed alia quaecumque impressio.

Verum ex verissimis Articuli primi historiis protegi, fortasse potest Scaliger. Sed ante omnia video, opus esse aliqua Iridum distinctione, quas Auctores passim in unam confundunt, cum natura & modo generationis, toto caelo diffideant. Elicio verò hanc differentiam ex dupli genere Iridum artificialium.

Primæ oriuntur per *ἀνάλυσις* reflexionem, pereunte tamen, ut Articulo secundo diximus, aliqua *διακρίσις* refractione, qua radius inter humorem cumuletur & densius inculcetur. Tales apparent, inquit Aristoteles, in aqua remis in guttas dispersa, item si quis occipite obverso Soli aquam in radios ante se exspuat. Idem videbis accidere, inquit lib. 2. cap. 3. Nat. Seneca, si quando volueris observare fulgonem cum os aqua implevis, & vestimenta ridiculis (palis fissilibus) dilecta leviter aspergit, apparet varios edi colores in illa detersa asperso, qualis in archa fulgere solent. Vitellio etiam in præcipitio quodam aquarum juxta Viterbium in Hetruria, perpetuam Iridem certo ad Solem aspectu, in aspergine aquæ in altum salientis, videri dicit, seque in ea multa quæ ad Iridem fuisse meditatam, & Jovianus de quadam alia simili.

*Ac memini, dum castra sequor, Mævortiaque arma,  
Qua præcepit Tyburna rupe volutus  
Fert Anio, multiæque cadens aspergine sudas;  
Fumosa fulgere super conspergine claram  
Irin, & auro jacentem spicula cornu.*

Hujusmodi Irides, famosæ & solemnis istius quæ nubilo Sol depingit nubes, germanæ & sorores sunt.

Sed alterum Iridis artificialis genus est, meræ *διακρίσις* refractionis filia. Talem prismata, & vitra Triangularia efficiunt, item urinale, aut vitrum etiam vulgare vinarium, simile in subjecto pavimento affabrè suis coloribus deformabunt, si obscurato nonnihil cubiculo, radium solis per foramen, aut sub apertam fenestræ rimam admissum, vitreo humore ita excipias, ut non per totam ejus profunditatem, sed tenuem & summam ejus partem se traiciat. Ita enim radius nimia opacitate humoris victus non ob-

transbrefcit, sed aureo, viridi, purpureo colore hilarescet. Radius, qui tenuissimam & supremam humoris portionem transcurrit, minimum nigri & opaci secum deferit, appareque in puniceum aut flavum digestus, qui vero longius per humorem eunt, densitatem illam egré perfrumpunt, & majori opacitate in virorem aut purpuram adstringuntur.

Hæ autem Irides pura puta radii intra humorem refractione sunt, pingunturque admodum veri coloris in superficie quam post vitium incident, unde etiam ex quolibet situ & distantia eodem modo oculis se ingerunt. Hanc posteriorem Iridem, ut discrimen aliquod contra confusionem interjiciamus, refractam, priorem reflexam appellabimus. Exemplo refractæ multi viri docti utuntur, inter quos doctissimus Wendelinus noster, & Keplerus cap. 4. Paralip. in Vitellionem, *Materia aquea*: inquit, *que inter spectatorem & Solem est, seu pluvia sit, seu pellucida nubes, seu nebula, (vidi enim Irides & in nebula) formas & figuras refractæ radiorum Solis, quæ vero post spectatorem est, ea excipit hos radios Solis refractos. Nubes autem superflans obumbras locum, & radios directos avertit: ut colorati radii cerni queant. Itaque non est verum, radius seu Solis, seu visus reperiri vel frangi in ipsoloco nubi, ubi apparet Iris. Affert tamen, centra Solis visus, & Iridis in eadem linea recta extendi. Quod non esse constanter dictum, parebit statim.*

Wendel.  
Kepl-  
rus

Dico primo: In Iride reflexa, quales solemnes illæ pleræque nubiginæ sunt, centra Solis, visus, & arcus in eandem fere semper omnino, aut pæne lineam rectam cadunt: quæ Iridis axis appellatur. Infinitæ experientiæ, & Aristoteles id satis probant. Estque eadem hujus ratio, quæ figura illius circularis, resultantis ex æqualibus angulis reflexionum. Si enim oculis directe medius non esset inter Solis & Iridis centrum, sed propior alteri brachio, imparibus angulis reflecterentur ad eum radii: ceteri enim angulo repelluntur a brachii vicini, & quod prope ad faciem spectatur, vapore, quam ab altero, longo se inde intervallo divaricante, unde necesse esset circulum detorquari, & in aliam propinquam figuram detorqueri. Quod tamen aliquando etiam evenire docet Iris illa Væopica Scaligeri, & nostra Lovaniensis: nec unquam a

Aristot.

que Vitellio, Maurolycus, M. Antonius impetrabit, ut non viderim, quod sub tam magnis sensibus, & tam comperat ac palam vidi. Radii igitur, qui mihi spectanti sinistram latius serè radebant, & in mediam serè Iridis aream cadebant invisibiles cum utrumque cornu aberat procul, multiplicatis in vicino pluviae stillicidiis, manifestè jam inde in oculos repellebantur, colorati umbris & guttarum per quas transibant & refringebantur opacitate. Ubi vero sine pluvia aer ille est, liberè transiunt sine sensibili reflexione radii aut si rati tantum & dispersæ guttæ, per intervallorum laxitatem se satis expediunt. Reflexio etiam ista, ad angulum angulo incidentiæ parem fieri potest: quod in Iride quoque artificiali usu venit, quæ tantò tamen oculo adspicientis est propinquior: colores autem ejus non sunt tam ardentes & insigniti, quàm aliarum Iridum, etiamsi hæ longinquiores sint: quia à paucis guttis ore sparsis radii retroaguntur, ubi in majore Iride è magna vaporis profunditate, & per multos guttarum ordines reunduntur versus adspicientem. Hoc etiam non insuper habendum. Non paucos esse radios, qui ad oculos non redirent, quia non illo quo oportet angulo primum reflectuntur, postea tamen in aliarum guttarum superficiem sic incidunt, ut inde jam aliis radiis mixti & confusæ ad nos resiliant.

Ex dictis colligi etiam potest, Iridem reflexam, figura ecliptica & ovali posse quandoque depingi. Probat, quia nostra illa Lovaniensis fuisset talis, si interlucensibus Solis radiis imber similis inter sinistram cornu & oculum nostrum decidisse, qualis se objicit dextro. Pati enim ratione ab ea parte stillicidia radios interceptissent, adstrinxissent in colorem, & denique adduxissent ad spectantem. Cur enim quod in uno cornu factum, non valuit etiam in altero? suprema tamen arcus curvatura in eadem nube & stillicidiorum altitudine potuit interea permanere, sicuti revera permansit admoto altero tantum cornu; compressis autem duobus brachiis, nec descendente superiori gyro, necesse non circuli, sed eclipsis aut figuræ ovalis segmentum videri. Rarissimæ tamen sunt tales Iridæ, & citò se recipiunt ad figuram circularem, vapore deciduos nec altero patis densitatis in locum ejus supervallentes.



Deinde, quod caput est, cœlo satis dense plente, haud ita est, Solem tam uberes radiorum falces per longam stillicidiorum aciem transverberare, qui sufficiens ad colorandam tam propinquam oculo spectantis iridem. Idem enim hic, quod in nebula ambulantibus fieri evenit. Spatium circa decem aut quindecim passuum, quasi sereno pellucet, sed paulum ultra omnia caliginepelit; id est, etsi tanta in vicino, caligo sit oculus tamen id non sentit; quia opacitas quæ sustineat & terminet visum non statim ex minima distantia occurrat, cum lumen à proxima caliginis exhalatione in oculos refusum, se diluat quæ una reflectuntur umbras, ut non valeant distinguere & quantum necesse est ad sensum, in fundo oculi depingi; ex disito verò malignè & tenuiter lux redit, & tenebrarum siue opacitates claram mixturam in oculos perfert. Ita ego similiter, in valde propinquo non satis invenio opacitatis & simul luminis est, ut ubi incensur Iris. Nam (quod frequentius, & ferè solet) aut minus sufficientem illic ante oculos nostros opacitatem non invenit, aut si est, ipsa lumen suffocat, & extinguit ut iam vires aut inaurandum arcum non habeat. Rem ita habere, mentior, nisi Iris artificialis manifestè adfirmet. Non enim dicitur artificialis, quasi non à causa naturali, & Sole generetur; sed quia vomitu & roratione oris, aut alio artificio humor Soli Iride depingendus, exponitur. Hæc autem Iris, quia in ardentis Solis radios opacus humor guttatim dispergitur, ob oculos nostros, unius aut alterius pedis intervallo nascitur. Id autem etiam posset, etiam si e nubibus in radios distillarent, non ore guttæ vomerentur. Quid enim in illum effectum refert, unde veniant?

Dico Secundo: In Iride refracta nulla omnino necessaria statuendi centrum Solis, oculi, Iridis in eodem axe, sive linea recta. Id veritatis in Iridibus refractis artificialibus compertissimum est; ex omni enim situ, superno, infero, opposito, transversali, & ab oculo extra utrumque cornu constituto cernuntur; nec mirum; quia visio talis catoptrica & specularis non est, sed directæ, quali spectantur imagines in tabula depictæ. Omnes igitur illæ Irides, Aræ primo memoratæ, quæ ad latus Solis, aut alibi ab

oculo longè extra lineam à centro Solis in centrum arcus eductam collocato, aut cornibus sursum inversis, visæ sunt; refractæ planissimè, non ordinariæ, reflexæ. & Aristotelicæ fuerunt. Ad harum autem generationem duæ nubes necessariae sunt: una prior, in cuius vapore continuo, aut guttatim sparso (utrolibet enim modo contexta sit, est indifferens) radii incidentes refringantur, & colorem arripiant; altera posterior, & nigrior, quæ sit veluti paries, in quo radii priori nube elapsi pingantur: Utilis etiam fuerit tertia nubes, quæ parietem illum inumbret, quod monuit Keplerus: nam nimius circumcirca Solis splendor picturam, consumpra umbrarum nigredine, facile digereret in sincerum candorem. Prima deinde nubes, alior, aut ad latus esse debet, sive non interponi inter picturam & adspectum nostrum; sic enim iniepellaret oculi aciem. Rotundam denique, aut propè, esse oportet, quia alias, radius per eam tractus, in pariete posteriori non circularetur, sed tenderetur rectus, aut (quod solemnius est) in alia quædam maculosa schemata torqueretur. Sæpe etiam quod hic aut ibi circulo exerrat, è longinquo tamen apparet circulari, spatio errores corrigente. Hoc denique adiciendum, Irides refractas aliquando integrum circumlum supra horizontem ostendere. Patet id ex Iridibus Cardana & Vitellonis, Articulo primo narratis.

## ARTICULUS V.

*An Iris videri possit maior semicirculari.*

**D**E Iride reflexa & vulgari, quæ per antonomasiam Iris, est hæc dubitatio. Aristoteles & Optici consensu demonstrant, Iridem talem maximam formari Sole Finitorem ortivum aut occiduum contingente: tunc etiam esse semicircularem: quia axis Iridis, sive linea recta à centro Solis per centrum Iridis ducta, in plano horizontis iacet & tam Iridis quam Solis illa centra supra horizontem conspicui sunt, apparente verò circuli centro, & Finitorem tangente, necesse est totum semicirculum unum emicere, altero suppresso infra Finitorem. Tunc igitur semi-

*circulus Iridis videtur, inquit Vitello: nisi forte tanto  
minus quantum est differentia propter hoc, quod centrum visus  
non est verum centrum universi. In hoc autem non est  
sensibilis differentia; & si sit, non est in generatione Iridis sed  
in visione ipsius.* Quæ mihi non videntur satis cir-  
cumspectè asserta: Nam & oculus circumferentiam  
Iridis & altitudinem finit ac determinat (à vapore enim  
superiori, Iridis absidi circumfuso, & altiori quam sic se-  
midiameter arcus, sit etiam, sed quæ post spectatorem  
cadat: reflectio) & si Iridis quam semicircularem adspici-  
mus, circulus infernè clauderetur, longè abest ut inter-  
ciperet in media sua area, terræ & universi centrum. Semi-  
diameter enim, quam terræ superficiem demersam  
imaginamur, nequit esse major altera nobis conspicua,  
hæc tamen ultra nubes non tenditur, imò in aterrimis  
illis & humore multo gravidis, quæ vix ultra 500. passus  
à terra distant, plerumque fissitur. Totidem ergo solum  
passibus occulta altera semidiameter in terram condecitur;  
cum hinc tamen ad universi centrum non sit brevius quàm  
100. miliarium German. intervallum.

Undè jam faciliè intelliguntur extra oleas nimis longè  
abire, qui docet, Iridem cujus semicirculum videmus,  
perfectè circulandam esse, si apud Antipodas nubes rorida  
contra eam quàm Iride fulgentem cernimus, disponatur.  
Supponunt enim in imaginationis suæ fundo, centrum  
Iridis terræ centro respondere, ac totum terrestrem glo-  
bum Iride sic circumligari, ut ille transire valeat per hujus  
aream & circulum. In qua tamen etiam allucinatione,  
Opticorum non pauci esse videntur. Sed errorem depre-  
hendes, si cogitas tanto majorem esse globi terreni quam  
Iridis diametrum; faciliusque fore, camelum per foramen  
acus extrahere, quam terram per Iridis unius, etiam am-  
plissimæ, circulum.

Verum tamen est, centro Solis ad Finitoris limbum  
depressio Iridem semicircularem apparere (nisi montes,  
arealia in superficie telluris protuberantia in his cornibus  
aliquid demordeant;) sed non mediam unquam est cir-  
culi majoris, qui terræ globum fecit in duo hæmisphæra  
æqualia. Ratio autem cur semicirculum totum adspicia-  
mus, optima ab Aristotele asserta: quia axis qui per cen-

*Aristot.*

tra Solis & Iridis transsit utrimque incumbit horizonti: ergo etiam centrum Iridis est in ipso horizonte, at consequenter horizon semicirculum abscondit à circulo Cardan. per ejus centrum.

*Scalig.* Sed potestne quandoque semicirculo major apparere?

*Averr.* Affirmat Cardanus. Scaliger os ei habuit suo more, sed injuria, ut sepe. Averroes enim lib. 3. Meteor. audivisse se à fido teste, Iridem pene circuli formam aliquando visam, narrat: nisi tamen refracta illa, non vulgaris & reflexa fuit. Ex monte tamen altissimo talem apparituram, Thimon (quo nullus inter veteres illos & siccos Parisienses Nominales in re naturæ consultior) Maurolycus aliique præter Cardinum asseverant. Possibile est, ait Mauro-

*Thimon* Iridem integram apparere, si quis supra horizontem tantum  
*Mauro* exaltaretur ut aliter semicirculus supra horizontem existeret. Si quis  
*vol.* ergo in cacumine montis aut turris excelsæ aut arboris existeret, ex Iri-

de plusquam semicirculum videret: Mons tamen majoris crassitudinis esse non debet, quam sit Iridis diameter, sive linea intensa ab uno cornu ad alterum: nam alias obstaret radius circumstantibus Iridis gyrum. Turris igitur, aut scopulus altus, cujus basis Iridis brachia non impleat, ad id experimentum maximè idoneus. Bellè Thimon: Si oculi hominum possent elevari sicut oculi avium (ut gruum, ardearum,

*Thimon* aut à laudarum (viderent secundum circumferentiam Iridem com-  
*lib. 3.* plenam & rotundam. Id ergo fiet, si avis volatu superet Iri-  
*Meteor* dis semidiameterum, & aliquis superior in media regione  
*g. 19.* nubium ordo sit, qui excipiat supremum Iridis semicirculum; inferior enim in infima regione, & in toto spatio ubi è plano nostras Irides cernimus, in-

verso tamen situ, & gibbo terræ innitentes depingetur. Cui enim non fiat? Nam tota vaporum sphaera, quæ hinc, ut Libro primo finivimus, ad quartum à terra miliare statim sursum tenditur, æquat aut superat profunditate integram Iridis diametrum. Statue igitur medio hoc intervallo defixum oculum, in centro Iridis esse poterit, cujus una semidiameter ad duo sursum miliaria, & altera rotundè deorsum poterit extendi, sed nulla credo ferè unquam semidiameter Iridis tam alta à quoquam est conspecta. Igitur Iris illa circulus in aere pendulus erit, terræ nondum contiguo infimo arcu.

Tota autem in hoc consumi videtur difficultas. An à

vapore

vapore inferiori, radii ad oculum & centrum circuli per-  
tinet & æqualibus angulis, ac à superiori, reflecti valeant.  
Quod possunt. Nam id Iride artificiali egregie proba-  
tur, quæ toto circulo se circumducit, nisi corporis umbra  
alicubi frangat ejus ambitum. Tota enim ratio, cur  
Irides illæ nubium gyrum non impleant, videtur in mag-  
nitudine esse. Nam quia conus sub quo videtur, ingens  
est, & circumferentia spatiosissime se decircinat, non po-  
tuit tota supra horizontem eminere, sed superficies terræ  
occurrrens partem necessario defringit, aut (uti magis con-  
cipere solemus) haurit & absorbet. Ex certa quippe alti-  
tudine vaporis à pari ferè in orbem angulo, reflecti ad  
oculum in centro circuli adspicientem radius debet: un-  
de ad cernendum plenum circulum, tantum vaporis infra  
oculum esse oporteat, quanta est Iridis superior illa, & in  
superficie terræ erecta semidiameter. Unde quia Iris ar-  
tificialis modicæ diametri est, sat infra oculum humoris  
apprehendere potest, ut in eo pro altero semicirculo spa-  
tium inveniat.

Sed ecce, quid jam etiam in mentem venit: Iridem ali-  
quam propinquam etiam à plano posse segmentum semi-  
circulo magis ostendere. Id intelliges, si imagineris Iri-  
dem artificialem perpetuò ampliari & ab oculo tuo rece-  
dere. Post aliquantulam enim distantiam, inferioris ar-  
ces, gibbus ad terræ contactum descendet: ubi scilicet se-  
midiameter altitudinem elevationis oculi à superficie ter-  
ræ adquaverit. Postea verò si undique laxare circulum,  
& longius aufugere pergat, particulam circuli infimam  
terra deteret, exstabitque interim supra horizontem am-  
bitus circularis paulominus integer. Sed insolentes sunt  
ejusmodi Irides tam vicinæ, quid insigni coloratione con-  
vertant visum. Nam & densissimam guttarum adspersionem,  
& fortissimam unâ (quæ raro concurrunt) Solis requi-  
runt irradiationem.

Cum igitur Aristoteles negat Iridem adspici amplio-  
rum semicirculari, ad minutias istas non circumspexit: sed  
Iridem duntaxat, quæ à plano, & plena ac vulgari distan-  
tia conspicitur, habuit in oculis. Hanc etiam excusatio-  
nem Vixello recipere potest. Quanquam, ut de Aristotele  
suspicionem meam nudem, nescio an ejus sint, quæ tam  
profusè & mathematicè nobis admetitur de Iride Pro-  
lixitas



lixitas enim illa, præsertim in figuris illis mathematicis, non ei solennis: & inclino, imò. pænè (nec solus) labor, ut è Mathematico aliquo veteri, verbatim etiam fortè, hæc transcripta existimem, & cumulat suspicionem, quod difficillimam & impeditissimam viam ingressus, omnia per radios ab oculis in nubem emicantes, & sæpè frustra, coñatur expedire: cùm sententia ejus de radiis lucis & colorum, quæ etiam tunc plurium aliorum erat, per plura & proclive potuerit eum ducere. Scio tamen quid reponi possit & soleat; sed me non implet.

## ARTICULUS VI

*De Iridis altitudine,*

**C**ardanus lib. 4. Subtil. docet, Irides, virgas, parelios, intra 772. passuum millia à terra posse generari: hac ratione, quod summi vaporis tam altè in cælum subeant, imbres tamen affirmat è propinquiore decidere. Sed neque hypothesis vera est (nam supremi terræ fumi vix, nisi fortasse raro aliquo eventu, ultra 52. passuum millia, stantunt; & Nonius etiam ad 43. minuit) & ex eadem dosè Iridis altitudinem colligit. Nam excelsissimi illi vapores, qui crepusculo primi manè, ultimo vesperi purpurantur, aquei non sunt, nec guttati, in quibus tinctura Iridum possit hædere, sed terrestres quædam & reorride exhalationes. Itaque summa flexura arcus non ultra proximæ & imbrium fecundas nubes,

*Horat.  
Od. 3.*

*Qua parte debacchantur ignes,*

*Qua nubila pluviisque rores,*

*Keple-  
rus  
Mau-  
rol.*

exit in torido enim, non arido, vult depingi. Itaque maximæ Iridis, quales ortivo aut occiduo Solis radio deformantur, semidiameter, veteri Opticorum sententia, est 40. graduum, id est totidem cæli gradibus videtur subterendi; Keplerus tamen & Maurolycus ad 45. paulominus extendunt; ut scilicet reflexio sit anguli semirecti, & ex medio inter horizontem & Meridianus intervallo. quarta enim pars cæli, quæ à culmine ad horizontem decurrit amplectitur 90. gradus; igitur octava, quæ est altitudo semidiametri Iridis, capiet 45. gradus, aut aliquantulo minus, ut instrumentis repertum asserit Maurolycus: quem

quem defectum longitudini guttarum imputat; alias si circulares orbiculares forent, non dubitat quin angulus reflexionis, semirectus omnino esset, & Iridis semidiameter ad quintum & quadragesimum altitudinis gradum perveniret. Hæc verò de primaria Iride, quæ proxima radiis Solis à fundo nubis reciprocantibus efflorescit, non de secundaria, quæ reflexione primæ, inversis coloribus, in vapore superiori resultat, accipienda; hæc enim, cum interiorem concentricam, nec minimo intervallo, ambiat, semidiameter longioremnecessariò habet.

Sed quid est, quod Aristoteles inculcat, Iridem semicircularem, partem & segmentum esse circuli minoris, minoris verò semicircularis, segmentum majoris circuli? Nempe quod Vitello lib. 10. ch. 78. affirmat: Si Iridis, quam semicircularem humili ad horizontem Sole videmus, arcus ille maximus, in circulum totum circumscribatur, hic minor est futurus, quam circulus ex segmento parvæ & summissæ Iridis, quæ apparet alto supra horizontem Sole circumductus. Ratio est, quia manè exorientè, aut vespèri cadenti Sole, sit Iris illa amplissima & semicircularis, cum scilicet aer & vapores nocturno frigore adhuc densati, vel relabente primò sub noctem rore, quos dies laxaverat, comprimi denuò & redire ad coagulum incipiunt. Igitur tunc pyramis illuminationis est brevior, sive radii à Sole in aerem & vaporem ultra visum nostrum coniecti: citius densitate medii hebetati deficiunt, & è viciniori ad oculum reflectuntur, elevato autem supra horizontem Sole, fufis calore vaporibus, & extenuato aere, pyramis illuminationis est longior, seriusque in aere & humore rariori offendunt radii, & à magis disito vapore recurrunt ad spectantem. Quæ doctrina Vitellonis impressè adfirmat, quæ Articulo proximo diserebamus de Iridis magnitudine. Frustraque Thimon brachia contra suum Vitellonem (ita enim passim barbari illius aversiores appellant Vitellonem) jactat, contendens in medio densiori diduci & latius diffundi Iridis circulum. Sed fallitur, nam quanto in propinquiori hærent colores, tanto ambitus cernitur angustior: ideo enim Irides artificiales tam breves diametros habent.

Hinc etiam facile colligis. Sole etiam ex eadem altitudine

Aristo

Kis ch.

Thimon

l. 3. q.

24.

tudine aut humilitate vaporem irradiante, non omnes necessario Irides esse portiones æqualis circuli. Nam plurimæ causæ sunt, quæ vapores densare aut relaxare valent, Iridisque ab oculo distantiam variare evidenti Iridis illius nostræ Lovaniensis argumento. Isto etiam, quod aliquando duæ simul, non permutato colorum ordine, Irides visæ, ut infra referemus ex Vitellone. Igitur utraque primaria fuit: ac ita superior esse sola potuit; & contra, inferior sine comite superiore. Non ergo una semper & constans est amplitudo Iridis, Sole eundem cæli gradum transvolante.

Hoc deinde non negligendum; Irides minores & ad horizontem depressas, aliquantula refractione per vapores densiores & superficiem terræ circumfusus dilatari, ideoque segmentum circuli majoris apparere: sic enim duo sidera v. g. Geminos cum primum supra horizontem emergerent, sextuplo longius à se distita, quam ubi Meridianum attigissent, sæpè adspexi. Verum, parvum inter iridem & oculum nostrum aeris rorulenti interval- lum, vix, opinor, refractionem effici sensibilem. Aliam etiam causam muginatus nobis est Cardanus l. 4. Subtil. Cur, inquit, dum Iris modica est, & parum à Finitore elevatur, et majoris circuli pars esse videtur? Causa est, quod oculus magis distare Iridem, quo humilior est, judicat, quoniam distantiam intelligit unde latiore etiam existimat: velut etiam dixi de Sole & Luna visibilibus. Sed non hæc princeps causa, cur Sol & Luna discos suos ita diffundant in ortu: sed quia revera sub angulo majori refractè adspiciuntur. Fieri tamen potest, ut intellectus imaginatus supremum iridis gibbum longius abesse, quando humilis est, & penè terram tangit, arguat per mentis discursum, majorem & latius crura divanicare, etiamsi fortè oculus non cernat angulo ampliori. Quod enim æquale alteri apparet, si tamen distare magis existimetur, intellectus statim illo majus esse facile conjectabit. Curvaruram autem arcus longinquiores esse juxta horizontem oculus dijudicat; quia plura in superficie terræ, inter se & supremum illum flexum ad terram ferè depressum, interjecta videt, quam ubi arduus valde est, & altè elevatus supra horizontem. Cum enim aer totus inter ipsum & oculum medius pelluceat, nihil per integrum

Illud spatium visus cernit, unde metiri distantiam intellectus possit,

Sed hic etiam scrupulus, ante abitum, debet eximi. (Diximus initio, semidiametrum & altitudinem semicircularis & laxissimæ Iridis, in primis illis & imbre tumentibus nubibus plerumque finiri. Sed ecce diameter, quæ inter utrumque cornu in superficieterræ intenditur, id procul refellit: distant enim sæpè cornua toto milliari Belgico five trecentis passuum Geometricorum millibus: ergo semidiameter 1500. passuum est: & tamen spatium hinc ad proximam nubium stationem Libro primo quingentis passibus desinivimus:

Respondeo, diametrum Iridis rard videri Belgici horarii milliariis. Par enim circiter plerumque, aut paulò major est, quàm oculi & Iridis intervallum: hoc autem, plurimum, non longè excurrit ultra dimidium milliare Belgicum: imò Thimone, *parvi mediæ milliariis*, asserere satis fuit: & Gallicum, credo (scripsi enim Parisiis,) *Thimoni* quod aliquando Belgico brevius, intelligit. Cur autem distantiam ab oculo & diametrum Iridis, seu spatium cui crura ejus varicus insistent, congruere ferè putem, facile cupies, imaginando Iridem artificialem continuò recessu cornua sua, seu crura vocari mavis, diducere, & in naturalem (sic jam appello vulgarem & famosam, quàm distinguimus ab artificiali) abire. Nam pro modo elongationis ab oculo, diameter & crurum varicatio crescet. Igitur Iridis amplissimæ & semicircularis semidiameter in nubes surrecta, quadrantem milliariis id est 750. passus implebit: unde si tantus arcus perpendiculari statu horizonis platio insideat, caput intra primam nubem (si 500. solum passibus à terra dispergitur) ad 250. passus abscondet. Et sine dubio potest, quia media regio, in qua tota coalescunt, & in pluvios rores densatur vapores, vix finitur intra 4000. passuum altitudinis. Verùm necesse non est, Iridem alrè in mediam regionem penetrare: quia semidiameter ejus non est plerumque directè, & li-  
neari ad centrum terræ perpendiculari, erecta in cælum: sed summa ejus pars oculo annuit, & in spectatorem inclinat, ne summus arcus multò longius à nobis recedat, quàm infima crura: quod haud dubiè evenires, si recto

Ggg

angulo

angulo semidiameter staret in plano horizontis: veluti apex turris, quæ antè nos est, longius se ab oculo nostro quàm infima ejus basis, avertit. Itaque Iridis culmen in aerem etiam infimæ regionis sæpè se submittit, & atra illa nubes in qua hæere putamus, retò est: pars enim illa Iridis, tam ibi sustineri ab aere rorifluo, quàm brachia quæ ad terram ipsam per infimam regionem demittuntur, potest.

## ARTICULUS VII.

*Causa musculosæ colorationis Iridis. Adversus Albertum, Scaligerum, Candanum, Maurolycum, Vicomercatum, & alios.*

*Virgil.  
Aristot.*

**T**Res aut summum quatuor, principales colores videri solemne est in Iride, & hyperbole usus hic Poeta: *Nilla trahit varios adverso Sole colores.*

Primus in suprema abside arcus Aristoteli est *punicus*, secundus in media *portaceus* seu *viridis*, tertius *purpureus*. Inter puniceum tamen & viridem *flavus*, quasi utriusque commissura intercurrit.

*Albert.  
Lau-  
rons.  
Scalig.*

Albertus, & antiqui Laurentiani Colonienses Alberti, lib. 3. Met. Scaliger Exercit. 80. num 4. varietatem colorum discrimini vaporum tribuunt, in quibus pinguntur diversi arcus Iridis. Non ab oculo, inquit Scaliger, sed a luce ac materia fiunt in Iride colores. Primus ex luce, & terrestri idcirco *catulæ* (aut *purpureus*) nigritæ propior secundus leviori materia, quippe aqua; atque ideo *viridis*: tertius *flavus*, aeris lucidi vesere similitudinem, ignem quatuor, rutilantior. Hoc igitur vult: vaporem quò humilior & propius terram dependet, hoc terrestrem magis & fæculentiorē esse, ideoque, rutilum malignius, in eo, ut crasso & turbido lucere. Nunquam aliis vidi clarius, quàm in præcipiti & prope lapsum Physica sit, nisi rudi saltem aliqua Mathematicarum cognitione sustentetur. Non enim valde sudandum, ut refellatur.

Primo: quia brachia terræ attigua, nulla colorum diversitate maculosa, sed unitate purpurea apparent: vapor



parem in quo puniceus arcus figuratur, non est elatior à terra, quàm interior qui bibit purpuram.

Secundò: incredibile est, tam angusto intervallo, in tantum semper vaporis crassamentum & opacitatem variari; & quidem æquali, in omni ferè iride, spatio. Cum enim humor, nunc ad 20. nunc ad 30. aut 40. passus parem crassitudinem habeat, quare in tota hac intercapedine coloris similitudinem toties evariat? dispositio enim materiz eadem, tincturæ etiam efficere debet unitatem.

Tertio: in Iride etiam artificiali, quæ remorum aut oris adspersione nascitur, varietas colorum perinde visitur; vapore tamen toto aqueo, & huiusmodi quaquaversum densitate.

Cardanus lib. 4. Subtil. Thimon. lib. 3. q. 15. Meteor. putant, puniceum à radio solari fortissimo, quia pars illa nubis altissima & vicinissima cœlo est, colorari; deinde paulatim per viridem, in purpureum languescere. Sed non difficili iterum refutatione. Nam cum Sol ad limitem horizonis est, non est propinquior uni parti arcus quàm alteri. Deinde, Solus Iridis gibbus, qui cœlo magis admotus, puniceo tingetur, cornibus purpurascens; aut nigrore tantum infectis. Hi tamen Auctores in veram sententiam deduci possunt, si ex diversa nubis profunditate radios censeant redire in superficiem, quod parebit in fine.

Cardan  
Thimon

Tertio loco exeat doctissimus Mathematicus Franciscus Maurolycus, in erudito libello de Lumine & umbra, theor. 29. qui ingeniosè fingit, radios à parte inferiori Solis emicantes, in nubem superiorem, à parte verò superiori, in inferiorem impingere; ita videlicet ut ante nubis superficiem radii illi se decussent, & uni in arcu superiori, alii in inferiori depingantur. Sic hominis foris stantem, si per angustum foramen, in cubiculum obscuratum species admittatur, imagines capitis & pedis in foramine decussatz, diversa, caput deorsum, pes sursum abibunt; & tali situ inverso, opposito parieti se allineant. Radii autem qui à cœtero Solis & circa, inquit Maurolycus, exeunt in mediam nubis superficiem evibrantur. Ex quo deducit, plures in superiorem & inferiorem Iridis arcum à Sole radios jacere, quàm in medium. Nam à media &

centrali parte Solis radii quidam in arcus etiam illos extremos diriguntur (puncta enim omnia faciei Solis undique lincia rectis in orbem; ubi non offundunt in opacum radiant, & in super, quia superficies Solis rotunda est & protuberat aliqui à summo & imo gibbo globi in nubem inferiorem ubi purpureus est arcus, & in superiorem, ubi puniceus, promicant; qui tamen ad medium arcum pervenire nequeunt, tumore sphaerica illius faciei prohibiti & inde averti. Hinc igitur, inquit, supremus arcus puniceo fulget, quia plures radii partem illam vaporis incidunt, & inde ad oculum reflectuntur; medius magis sobrie lucem bibit, ideoque declinat in virorem; infimus, etsi tot radios quot supremus absorbeat, tamen quia angustior est, arctius eos densat, & astringit in quandam nigredinem: & hinc purpurefcit, non puniceat limbus iste inferior.

Verum etiam si priores duo colores tolerari utcumque fortasse possint, ultimus tamen à me non potest. Si enim tam densus radiorum fascis in infimum arcum, atque in supremum jactitur, nulla est causa, cur non parem etiam lucis ardorem ostendant. Nec refert, inferiorem, angustiorum gyrum habere; quin imò hoc potius afferet, ut puniceo magis & miniator appareat. In angustis namque ac densius flagrant, & se invicem incendunt radii.

Quartus in proscenium veniat Franciscus Vicomercatus, quem libenter Lovanienses plerique cum Etudicissimo suo Bevero sectantur. Is radios solares quadruplici ordine disponit. Aliqui perpendicularem qui centro Solis in centrum nubis directe exit, proxime circumstant. Hi validissimi sunt, & nubem sine reflexione penetrant alter ordo, & corona radiorum, longius paulo recessit à perpendiculari, ideoque viribus infra priores est, superat tamen; & licet redeat ad oculum, alio tamen nubem ante penetrat, unde purpureus revertitur, & onustus multitudine umbrarum. Hic ergo vides infimum Iridis arcum. Tertius ordo; secundo utrumque debilior, quia minus profunde se insinuat, viridis reflectitur: hic etenim color parcius nigro, & mixtura tenebrarum, quam purpureus, se infuscat. Quartus ordo in supremam & puniceam abidem cadit, omnium invalidissimus, quia longissime à perpendiculari & axe illuminationis se avertit, & hinc in summa

quodammodò vaporis cut edeficit, ibique hæret, & eam allambit, ac faciem tantùm non penetralia illustrat. Sed id semper mihi creditu difficile visum.

Primò: quia in tantula distantia purpurei coloris à puniceo non video, quid ita statim ordines illos radiorum debilitet.

Secundò: singulæ guttæ in tota area nubis, quia totidem specula à se divisa sunt, radium suum perpendiculariter, non integra nubes unicum habent.

Tertio: Totum spatium inter brachia Iridis, ubi nullum cernis colorem, omnibus tamen arcuum coloribus est plenum. Si enim ad alterum brachium accedas, alterum per mediam illam aream te sequetur à tergo, id est, novum perpetuò brachium aspicias in alia & alia spatii illius parte, quod antea videbatur tibi coloribus vacuum, signa igitur quodcumque voles in nube mihi punctum, quæ penetrat radius ille quem vocas perpendicularem, neque repercuti ad oculum, ostendam ibi ab aliquo, qui tota semidiametro Iridis à latere meo aberit (id est qui directè contra brachium Iridis aspiciet) in illo medio & centrali intervallo universos colores videri. Iris enim ejus meam interfecabit, brachiumque alterum per mediam aream & centrum meæ dependebit. Aut nihil hic intelligo, aut hæc experientia sententiam istam Vicomercati funditus evertit.

Itaque omnino, vel propius verum est; colores omnes ab eodem radiorum ordine, sed ex diversa nubis profunditate redeuntium, generari. Ubi ergo radii nubem primam ingrediuntur, color ardentissimus & puniceus est: & simili junctura tota nubis & vaporis superficies, quo radii pyramidis illuminationis (sive longius sive propius absint à perpendiculari) veniunt, perfunditur; sed non ex quavis distantia, ut satis antè inculcatum, reflexio pervenire potest ad spectantis oculum. Ubi radius idem paulò altius penetravit, debilitatur, & per inferiorem (sic enim angulus reflexionis flagitat) nubis superficiem multa opacitate & umbris guttarum implicitus redit versus oculum. Tertio, longius iterum adactus in vaporis profundum, tenuiori adhuc & fusca luce, purpureus sive violaceus emergit, per inferiorem & infimam arcus curvaturam.

ram. A longinquiori vaporis parte fit etiam reflexio (insd, quod mireris, si accedes, puniceum ibi videre poteris colorem : ) sed ante pedes nostros in terræ superficiem cadit, non attollitur usque in oculum. Si tamen progrediare, radium illum jam excipies, & inde spectabis novam Iridem. Et hæc videtur etiam fuisse sententia Vitellonis lib. 10. th. 67. ( etsi sæpè evariet, & hanc aut illam viam pro usu demonstrationis ineat : ) quam per longas meditationes se formasse ait.

Hinc etiam concludes, non solum primam nubis superficiem & vaporis, à summo usque ad terram, sed totam etiam profunditatem, universos omnium arcuum Iridis colores habere. Nam aut incedendo, aut recedendo, aut in latus abscedendo, omnes in qualibet vaporis parte ac gutta cernere ex certa distantia valebis. Si universum ubique confusi sint, inquires, quomodo tam distincte videmus? quia inquam, quidam è viciniori reflectuntur, & per minus opaci incedentes, rubicundi solum & puniceantes revertuntur ad spectantem; alii in longius penetrantes, ut antè à nobis explicatum, magis impediti & umbris adstricti, virides aut purpurei egrediuntur. Colores enim omnes illi non veri ( quod credidit Albertus ) sed apparentes solum ) si vulgares & fixos colores specie à luce distinguimus, quod in libros de Anima reservamus, ) luminis & umbrarum miscela progeniti. Non insuper hic habeo tamen Eruditissimi Wendelini nostri suspicionem; Colores scilicet Iridis, esse tales in ipso Sole. Verum, Lunam, faces, & candelas simili colore maculosas esse oporteret, quarum aliquando Irides ad modum Solarium colorantur. Astra etiam Borbonia subvertunt Solem. Iridum colores perturbarent,

## ARTICULUS VII.

*Qui numerus colorum in Irida.*

*Mauro* **M** Autolycus quatuor principales appingit: Croceum sive puniceum, viridem, ceruleum, & purpureum: tres deinde alios secundarios, qui veluti foraminant & committunt inter se principales. Omnes enim quæ se proxi-

ne contingunt, limbo quodam magis florido, saltem ab ocularissimis; cernuntur.

*Transiens ipsa etenim spectantia lumina fallit.*

*Usque adeo quod tangis idem est, tamen ultima distant:*

ut Poeta vetus. Sic Olympiodorus refert à Ptolemaeo Iridem coloram Iridem aliquando visam. Verùm limbi illi & commissuræ, præter flavam, tanquam angustæ nec valde insignes, ab Aristotele neglectæ fuerunt: facitque Iridem, & cum ipso alii passim, quadricoloram tantum; præter puniceum, viridem, & purpureum, immisso inter puniceum & viridem flavo. Putant verò puniceum comparatione vicini viridis tanquam nigrioris in flavum quâ parte cum contingit, expalescere; id est, flavum ibi vera nullum esse, sed tantum apparere; ea ratione quæ vulgare axioma habet, Opposita juxta se posita magis elucescere; flavus autem uberiores aliquanto lucis mixturam, quàm puniceus, aut certè opaci minus habet. Ex ista etiam nigri compositione docet Aristoteles, aterrima nube Iridem coloratissimam effulgere, Iridis Lunariorum colores tenebris nocturnis candescere, Phrygiones, qui gemmas intexunt, splendidas, ut acrius radient, oblimioribus committere. Hæc non refuto; possunt tamen in rixam trahi. Nam si oculum ita componas, ut occultato viridi, solum puniceum adspicias, videbis tantam inferiorem ejus limbum in flavum dissolvi; nec tantam comparatione nigrioris viridis, quem non vides. Igitur de alia causa paulisper muginatus, hoc tantum reperi? Radios puniceos videntibus in confinio commiscere; sive à puniceis illis, & multo veluti minio saturatis guttis, aliquid in proximam & radiis viridibus perviam viam aspergi, flavus enim color ex albo & viridi est mixtus, ut apud Agel. lib. 2. cap. 26. differunt Fronto & Phavorinus. Et difficulter, credo equidem, probabilior causa afferetur, cur in iridibus artificialibus urinali vitro aqua pleno, refractis, viridem etiam & puniceum intercurrat flavum; quàm quia inquam, flammei illius vicinitas proximum virorem diluit. Nec tantum, quod sic appareat, sed quia vera facit.

Hoc etiam notavit Aristoteles; totum aliquando puniceum, etiam in summa abside, lætante se nubis e pacitate,

&



& rarefcentibus in sublimi guttis, in deciduo omni ferè imbre, in pallorem quandam flavescere: opacitas enim dissoluta, aut diducta, nigrum quodammodo evanescere finit, quod adstringebat in puniceo. Quæres, an colobres, viridis & purpureus, revera sint in aliquo gyro nubis inferiori, & viciniori centro terræ, quàm puniceus. Existimo, ptingipium reflexionis virentium & purpurascantium radiorum (dixi Articulo præcedenti) non esse infra absidem puniceam, sed profundiori solum emergere: apparet tamen summissior, ut nubes circa horizontem; quæ æquali tamen à terra spatio distant, cum iis quæ vertici nostro impendent; sicutiam longi tabulati extremum, propinquius pavimento videtur, etiamsi totum sit ei parallelum. Credo tamen, radios virides & purpureos non solum in remotissimo illo reflexionis loco aspici, sed etiam in toto spatio medio, quæ per obstantes guttarum umbras eluctantur, & directè in oculum veniunt, nam ibi precipue colorantur; & idè plus nigri contrahitur à purpureo, quàm viridi, quia per longiores tenebras, & sapientius stillicidiis occurrentibus, hebetatus enititur.

Sed quare tres soli colores principales sunt? Quia res alibi maximæ, numero ferè ternario clauduntur, inquit Aristoteles: Thimon, omnem aliam causam frustra queri, præter rei naturam. Cur, ait, equus equum generat, & non elephantem? Puniceus, inquam, aliquanta nigredine intemperata statim transit in nigrorem, hic illico in purpuram.

## ARTICULUS IX.

*Modus generationis secundæ Iridis, Alberti, Scaligeri, Vicomercetasi rejicitur.*

*Snell.*

*Bodin.*

**I**RIS sæpè duplex, rarè triplex. Snellius tamen in Cometa anni 1618. quinque, imò sex continuo ordine paratissimè, ait aliquando se vidisse; Bodinus septemplex apparere, nec ultra posse, affirmat; quia reflecti idem radius, nisi à septem speculis, non valet; idque arcano quodam numeri illius septenarii mysterio. Sed fundamentum imbecille est, & valde mirabor, nisi radios soli-

inbenēsatur & robustus, à decem etiam speculis resili-  
tatem evanescat, sit satis validus. Facto tamen, tam  
insistatam esse tertiæ Iridis reflexionem, ut Aristoteles  
negasse videatur unquam evenisse. Nubes enim instar  
speculi chalybei non est, quod à superficie statim radium  
integrum repercutit: sed lumen primò admittit, & in pro-  
fundum sorbet, ac deinde parte veluti extincta, reliquum  
erigit: ut aqua etiam apud nos solet: in qua idē So-  
lem quam in se, aut alio duciori speculo, innocentius ad-  
spicimus.

Notandum præterea, duas (etsi rarentur) Irides con-  
centricas, sive quarum una alteram undique exambit pari  
intervallo & spatiosiori gyro, visas fuisse, non variato co-  
lorum ordine. Idem Vitello & Thimon narrant. Quod  
quandoque plures Irides ejusdem fons, ait Vitello lib. 10. ch. 71.  
in coloribus videntur, una sub alia; ut primo rubrum, deinde vi-  
ridem, & deinde alvum; & iterum rubrum, & iterum viride, & de-  
inde alvum; hoc accidit propter diversitatem materiae in diversis  
speciebus, quarum una est ante aliam, & omnes accidunt sub uno an-  
gulo videri, unde videntur quasi contiguae. Addit tamen  
intervallum quandoque manifestum inter utramque  
interjici, si contingat eas sub diverso angulo spectari:  
has tota breviter ex principiis antè datis sic potest expe-  
diri.

Non omnis Iris formatur in vapore perinde alto; sed  
aliqua oculo propinquior & ambitus angustioris est, alia  
longinquior, & brachia latius pandit; quidam ergo ali-  
quando talis vaporis dispositio esse, ut & in humili ob  
majorem densitatem aut opacitatem, & in excelsio simul,  
representari, arcus possit? Certè enim artificialem in ad-  
spersione, quando aliam in nubibus eodem colorum ordi-  
ne, à diverso radiorum ordine, sed eodem Sole depictam,  
videmus. Sed de secunda illa & satis solempni superiori  
Iride, quæ inferioris concentricæ colores pervertit, gran-  
de inter Opticos & Philosophos discidium:

Alberus pingui satis Minerva, rem hac imagine des-  
ignat. Sume, ait, tria vitra semicircularia, & ita inter  
se conjunga ac ferrumina, ut supremum puniceo, medium  
viridi, infimum purpureo tinctum sit: expone jam Soli:  
triplices radii simili tinctura infecti, totidem arcus, sed

dilatioribus coloribus, in opposito pariete depingent. Sic ipse existimat, radios per primariam Iridem transeuntes figurare secundariam in superficie postpositæ atræ nubis, creditque se hoc, ut ait, infallibili argumento conficere: quod secundis arcus subito quandoque evanescat, nulla manifesta, in nube illa postica, mutatione, sed ideo solum, quia crassescente primæ Iridis vapore, comprimuntur radii, ne ad alteram nubem valeant effluere.

Sed non difficile est errorem nudare. Imprimis enim falsum ei supponit, Colores iridis veros esse, & vitreis illis similes. Deinde, si id esset, secundariæ Iridis colores non forent inversi: quod exemplum etiam vitrorum illorum ostendit, radii quippe multicoloria vitra penetrantes, simili serie parietem obvium depingunt. Denique, secundaria Iris, quia in profundiori & remotiori versus horizontem descripta, infra primariam apparebit. Contra tamen, est, & secunda laxiori ambitu primam claudit. Loquere jam Juli Scaliger. Iridem secundam in eadem nube minime fieri arbitror, sed in loco superiore sepeata: quamquam id oculo dignosci nequit, tum ob longinquitatem, tum ob corporum similitudinem. Duas item vidimus Irides in nubibus diversis, alteram altera majorem, quo ex judicio solvitur difficillima quaestio, qua tam diu torse Alexandrum, cur media nubes quæ inter utramque Iridem inserjaces, non assequitica, sed nullius coloris inter punctum circulos duos vario est, propterea quod ære ibi non nubes est. Sic ergo iste cum cæteris quos sequenti Articulo examinaemus, Iridem secundam perinde ac primam, immediato radiorum solarium resultu effici putat: ac ne continetur, hiatus aliquem inter utriusque Iridis nubes interfodit. Non fero jam qui tam alte supra Cardanum efferre solent Scaligerum. Plus eloquentiæ, & variæ doctæque suppellestilis, fateor sortasse habuit, sed in Mathematicis & aliis quibusdam, quanto eum intervallo reliquit Cardanus! Sed ad diverticulum. Superioris nubis gutta, doctissime Scaliger, in inferiorem perperam depluentes utramque jungent; clarum enim non uno loco Aristoteles, ne quidem momento stultitia suspendi sine lapsu posse in aëre aqua leviori. Non æqualis etiam indigne secundariæ Iridis à primaria intercapedo esset: sed laxior hic

Scalig.  
Exerc.  
80.

Scaliger

Ibi compressior, pro latitudine & modo fossæ quæ utramque nubem intercurrit. Dum etiam in summam curvatur oculum defixum tenet, cornua juxta terram non adspicit; hic enim vapor utraque iride pictus, æquè propinquus est, & superficiem ejus tangit. Et alia deinde in Sciligerum cadent, quæ statim cæteris obijciemus. Sed quomodo secundæ Iridis colores transponat, videmus. Illi inquit, Solis duas inter nubes evadunt validiores; quare propinquiores partes attenuantur; ex de causa proportio ibi est ignis. Jovæ nam, aeris; inde aquæ: omnia secundum rationem densitatis. In hoc tamen suo, ut ipse vocat, figmento, non valdè sibi placet; nec mihi certè valdè potest. Simile tamen aliquid Ammonius & O'lympiodorus olim confinxerunt. Radium inquam, perpendicularem inter utramque nubem jacti, & intervallum istud ideo rarefcere ac tenuari, summamque colorem infimæ iridis & infimum summæ, tanquam ardentissimo radio proximos, maximè flagrant. Verùm, præter jam dictum in Sciligerum, quæ etiam hoc satis refellunt loco non suo radium perpendicularem constituat, is enim potius in utriusque iridis centro, quod ipsum Vicomercatus & alii passim deprimunt. Ac, ut semel dicam, Iris nostra Lovanien- tibus Articulo primo narrata, omnia hæc frangit & diffinit figmenta. Seuindaria enim pari cum primaria passu ad nos incedebat; laterique se ejus apprimebat, cum vicinasset; diducebatque deinde, laxato pedetentim intervallo, cum recederet à nobis. Continuus igitur inter utramque vapor, non puri aeris hiatus, fuit, qui accedentem aut abeuntem à principali, secundarum Iridem excipiet; resque tota ad specularem rationem, & variam inter oculum, speculum, & rem objectam, distantiam & sumum deduci debet.

Vicomercatus dubitat ferè tantum, ut sæpè solet, & in utramque partem Problemata solum & interrogatio- nes jacit. Nisi quod hoc illi sedeat, Iridem secundam non generari reflexione primæ à superiori nube, sed reverberatione radiorum solarium magis distantiam à perpendiculari. Utriusque igitur similis est ortus, nisi quod à latiusculiori radio superior depingatur. Sed singulæ guttæ, etiam in altissimi nube suos habent radios perpendicula-

Scaliger.  
Exercit.  
eadem.

res; nec tantulo inter utramque nubem intervallo, tam manifeste radiorum illa viva inferiori nube acrimonia, & plenitudo colorum decrescere valet. Deinde cur puniceus in imo secundæ Iridis arcu, qui summum primæ gyrum obtrinet? Nunquam hanc profecto colorum permutationem sententia ista explicabit, ut jam ostendam paulo diffusius.

## ARTICULUS X.

*Nec Maurolycus, aut Ad. Antonius in secundariæ Iridis  
explicatione satis placent.*

**H**i etiam ex reflexione radiorum proximè ab excelsiori vapore secundam Iridem formari acriter defendunt; probantque, quàm alii, enixius.

Contendit in primis Maurolycus, reflexionem secundæ Iridis esse ad quinque partes octavas unius anguli recti, id est, ad semirectum cum una octava parte; unde angulus reflexionis ejus est octava parte obtusior angulo reflexionis Iridis primariæ; hic enim juxta Maurolycum est anguli semirecta. Unde colligit, cum semidiameter seu altitudo primæ Iridis erit graduum 45. altitudinem secundæ futuram graduum 56  $\frac{1}{2}$  & hinc Sole tantam altitudinem adepto, nihil de secundariæ posse apparent. Eligit autem reflexionem circa angulum semirectum & octavam unius recti partem, quia talis valida est, acceditque ad validissimam illam anguli semirecti, quæ primariam & coloratissimam Iridem nobis concinnat. Assumit etiam est, inquit, quod secundariæ colores debilitat; magnitudo scilicet ipsius arcus. Radii enim intra majorem illum gyrum disperguntur, & malignius nubem saturant; in minores, pleniore & magis consipati. Et hanc etiam putat causam inversionis colorum. Nam quia ait, secundariæ Irides inferior ambitus est arctior, lux ibi compressa puniceo cum colore inflammat, quæ per superiores in viridem & purpureum se discingit.

Ingeniose hæc, ut multa, Maurolycus; sed nimio fortè acuminè a veritate decerrat. In primis enim hæc ratio, etiam in primariæ infimus ambitus, quia brevissimus,



laboret esse puniceus. Et respondet, talem futurum, nisi multitudo stillicidiorum quæ ibi conglomerantur, cum in purpuram declinaret. Sed ecce jam, secundæ etiam Iridis eveniet. Cum enim guttæ cadentes quod magis centro terræ propinquæ, propius invicem accedant, & compellantur in arcu (nam perpendiculo ad centrum ruunt nisi ventus, aut alia vis interpellet) etiam in imo superioris Iridis arcu plures erunt & densiores, quàm in viridi & purpureo qui sunt altiores, & longius secundum Maurolycum distantes à terræ centro. Quod tamen frequentia major guttarum non ita colores evariet (licet admoveere autem oculo insigniter, ut de nostra Iride Lovaniensi patet, valeat) ex cornibus intelligi potest: ad quæ pauci respicere mihi videntur, dum summæ tantum curvaturæ quæ inhaerent. In illis enim etiam si trium colorum vapor, terræ adæquè propinqui sint, & eam attingant, tanta atque in summo Iridis gibbo colorum diversitas est.

Quod etiam opere tanto & scrupuloso, de secundariæ Iridis reflexione ad angulum semirectum, cum una octavæ recti parte, uno hoc argumento satis videtur vanescere: quod secundaria distantiam à primaria non semper unam habeat: igitur angulum reflexionis majorem aut minorem obtinere potest. In nostra etiam Lovaniensi, à proximo cornu secundariæ, quæ unâ cum primaria ad oculum nostrum parè accessit, acutioris anguli reflexio fuit, quam ab altero longissimè abstante à nobis.

Quid tandem M. Antonius? Aliquid hic propius veri speciem, quàm in suis de Republ. Christiana libris dixit, sed tamen ipsum non tetigit. Ex concava superficie cujusque guttæ tres radios ad oculum redire sibi fingit: qui per globuli centrum aut vicinas centro partes transit, superior est: & in secundariæ Iride ideo purpureus, quia per majorem guttæ profunditate trajicit, magisque se opaco ejus permiscet: alter radius demissior est, nec ut prior, per diametrum & centrum guttam transfodit, sed ita eam quasi dividit, ut pars major sursum, minor deorsum sit: & hic, quia per minus opaci penetrat, est viridissimus, qui infimus, minimam apertè ima guttæ particulam abscindit: & hinc puniceus est, ac paucissimè omnium, nigredine aut opacitate tinctus. Fatetur autem se

et maximè

maximè sudavisse in hac colorum secundariæ Iridis inversione M. Antonius: sed parcere labori potuit; revera enim si quid video, ne hilum profecit. Nam ut totum ei, quod obtinere pugnat, demus, nunquam efficiet, quin etiam, eadem de causa, in primaria Iride similia colorum ordo sit. Infimus, inquam, puniceus, viridis deinde, & postremò purpureus. Adde quod omnia sic explicet, quasi ex unico guttarum ordine rota Iridis reflexio fiat. Nam alias radius qui per minimum opaci ex gutta aliqua quæ in profundo nubis est, exit, in aliam & infinitas ferè, antequam totum vaporem evaserit, impingi, quas medius & per centrum penetrare oportebit. Unde perinde atque cæteri tinctus, & confusa umbris guttarum luce, in oculos redibit.

## ARTICULUS XI.

*Secundariam Iridem reflexione primaria confirmari.*

*Maurol.  
Aristot.*

**I**Ta sententiæ huic replaudo, quam non ut falsam, sed falsissimam, tanto clamore Maurolycus explosit. Imò assero hanc esse Aristotelis, quidquid repugnent Alexander & Vicomercatus. Nam ideo probat tertiam Iridem non solere cerni, quia tertia reflexio nimis imbecilla est, & insensibilis: satis innuens, tertiam Iridem pingendam ex reflexione secundæ, ut hanc reflexu primæ. Probatum autem hac ratione. Quia sententia illa probabilior est, cui experientia faventior, faciliusque universis se difficultatibus expedit: talem verò hanc, aut fallor, ostendamus.

Primò enim nunquam Iris secundaria, quæ inversos colores, & puniceum in imo, purpureum in summo arcu habet, sine primaria visa fuit, igitur ab ea dependet; imò curiose quandoque notavi, nunquam segmentum primariæ deficere, quin pars proxima secundariæ una evanescat. Si autem conjectu & reflexu immediato radiorum Solis, ut primaria, enascatur, cur non aliquando sola etiam apparet? Reponit Maurolycus; quia Iridis secundariæ nunquam, aut rarissimè (ita scilicet, ut nemo hætenus adverterit) causæ concurrunt, nisi cum primariæ

primaria causis: et si retrò sæpè evenire possit. Et sic demonstrò. Statim atque guttæ rorantes in secundaria sive superioris Iridis spatio concreverint, momento quasi in inferiorem aera, & locum primariæ deformandæ defluunt. Unde illico pro utraque habes paratam materiam. Contrà ramen, humilis sæpè numero vapor pro primaria sive inferiori disponi potest, nullo altero supra impendente, qui secundariam exerpia. Sed hoc et si prima tronspecificiosum, inspectum tamen è proximo, revilescit. Quid enim si (quod non raro potest) nubecula Solem & nubem inferiorem interjecta, ab Iride primaria radios defendat, superior interim radiorum ordine illustra, & summam nubem directè feriente? Certè enim tunc superior sine inferiori Iris apparebit. Quod ramen à vero tam abest, ut si id eveniat, illicd cum inferiori superior se extinguat. Quid si deinde nullum opacum post inferiorem & primariæ Iridis nubem positum sit (opacitatem enim à tergo esse oportet, ut, nubes colores arcus rapiat,) superior retrò, quæ secundariæ est sedes, retrò opacata sit? ecce iterum iris illa altior solitaria, & sine altera humiliori erit. Tertiò, nunquam ferè Iridis primariæ segmentum, nisi circulo minus juxta terram, quale Sole elevato solet, atque secundaria apparebit. Utriusque enim tunc Iridis vapor demississimus est, & in infima aeris regione totus. Denique, nullam unquam pænè primariam sine cornibus sicut secundariæ terræ contiguis videmus. Nam infimus aer extra primariæ cornua totus aliquousque est torulens, quod inde liquet: quia si ad alterum primariæ cornu inambulabis, ipsum in aerem ulteriorem ante te propelles.

Secundò; Nulla solida causa debilitatis colorum secundariæ Iridis, præter reflexionem à prima, afferri potest: Quod enim vulgo majorem ab oculo distantiam accusant, nè attines, tantum quippe inter utramque intervallum non est, ut superior longè sic semper dilutior appareat. Deinde, cornu Iridis illius Lovaniensis secundarium ram propinquum ferè oculo nostio ac primarium fuit; triplo tamen languidius fulgebat.

Tertiò; Inversionem colorum altera sententia nulla via unquam expediet, ego verò sic; Radii qui circa perpendi-

cula;

cularem obliquè in singulas primariæ Iridis guttas cadunt, refracti prius, certo angulo rebulliunt, & resiliunt in orbem; eorum aliqui ad oculum Iridem illam spectantis veniunt, alii sursum, aut in latera diffunduntur. Qui sursum à supremo primariæ gibbo sparguntur, tam altè per vaporem nituntur, donec angulum idoneum reperiant (quem Maurolycus quinque octavas partes recti habere, ergo incertum, & pro vicinitate aut distantia primariæ ab oculo, variari existimo) quo ad spectatorem redire possit; radii etiam brachiorum refusi extra complexum Iridis in latus, eousque penetrans, donec angulum parem inveniant, unde una cum superioribus ad oculum revertantur. Id enim planè me arcus ille noster anni 1625. Lovaniensis docuit. Nam ubi propinquior esset principalis, comprimebat se secundarius, & ex viciniore vapore in oculum resilliebat: in recessu autem primarii, abibat ipse etiam una cessum, laxando perpetuo distantiam, id est, à vapore magis ab arcu principali diffuso reflexio ad nos erat. Non quod etiam tunc radii nulli guttis colori summo & puniceo arcus inferioris proxime circumfuso, & à toto inter utramque Iridem spatio, reflecterentur; sed illi ad oculum nostrum non perveniebant: quia ante faciem obliquè versus alterum comitraciciebantur.

Hinc pulchra ratio se mihi objicit, cur intervallum illud utriusque Iridis tinctum non appareat; quod Alexandrum & alios tantopere torfit. Quia, inquam, etsi inde etiam radii à primaria Iride sparsi reflectantur, angulum tamen ibi non habent talem, quo repellantur ad oculum; alias, si mutes locum, inde accipere eos jam poteris, sed primaria Iris etiam transata erit in alium situm.

His præsertim positis, aio colores inverti; quia puniceus qui in prima Iride est summus, cæterique junctis viribus robustiores in vicinum vaporem radios, quam à remotum iaculantur: hinc ergo in imo secundariæ arcus puniceus, sive plenior quam cæterorum, color est: licet non tam splendide puniceus, ut aliquando notavi, quam languide ardeat atra quadam rubidine. Hoc jam me etiam inchoavit. Colores viridem & purpureum secundæ Iridis, longius puniceo ejusdem, ab oculo recedere, ita

etiam in Iride prima accidit, Adde, totam secundariam in profundiori parte vaporis, quam primariam depingi. Radii ergo è circumferentiâ primariæ emicantes profunditatem nubis obliquè penetrant, quousque primum occurrat angulus quo reflexi recidant in oculum; hæc reflexio punicea est. Pergendo deinde linea recta per profundum nubis, & recedendo undique sursum à puniceo gubbo inferioris Iridis, in virorem, ac denique in purpureum deficiunt iidem illi radii. Igitur superior illa nubes, primaria Iride speculum non est, inquires. Non magis dico, quam inferior nubes, est Solis. Si ergo Solem in primaria Iride, non lumen tantum vaporis inhærens vides; in secunda etiam primariam, imò ipsum Solem, ut in secundo speculo videbis. Verum jam ante docui, magis esse, ut radium sideris nubi intricatum, quam ipsum sidus in primaria cernamus: unde & in secunda; non Solem, aut Iridem inferiorem, sed lumen novum ab hac undique in arcum superiorem effusum, ibique adhærens videre nos existimabimus.

Ex his etiam manifestum est, cur extra primæ consortium secunda nunquam se ostendat. Nam sine causa necessaria, effectus esse non potest.

Sed cur non magis frequentatur secunda Iris? Difficiliter alii huic nodo cuneum reperient; ego istum: Quia primaria medio milliari Belgico, aut ultra, plerumque absit ab oculo; itaque ut alteram Iridem gignat, quæ ad aspicientem ex tanto intervallo reflectatur, per multum vaporis & quadrantem faciliè milliariis, radius à circumferentiâ primariæ emicans transire debet, donec iustæ magnitudinis angulum reperiat. Antequam verò huc eluctando perveniat, extinguitur sæpè, aut extenuatur præ nimis, nisi Iris principalis egregiè saturata sit, & plenissimis coloribus. Tunc enim secunda nunquam defuit, modò sat vaporis circumstet, nec ita dense ut radium, alias à se satis debilem, contumaciter respuat. Unde si contingat primariam tam uberem & propinquam esse, quam cornu illud nostræ Lovaniensis, semper geminabit, nisi circumfusum vapor, qui alteram excipiat, defuit. Quia verò aer inferior tempore Iridis, infinitis supernè stillantibus guttulis totus est rorulentus, nec facile ibi



deficit materia secundæ Iridis; ideo brachia, ut sæpe notavimus, frequentiùs geminantur, quàm summa curvatura arcus.

*Mau.*  
*Vol.*  
*Vicom.* Non magno etiam opere nos premunt, etsi maxime putent, Maurolytus & Vicomercatus, cum inculcant secundariam Iridem cornibus in cœlum conversis apparituram, si fiat reflexione radiorum primariæ à nube altiori. Nam id evenire, non magis necesse, quàm capite prono & pedibus in cœlum erectis me cernere, cum versor ante speculum. Supponere igitur falsum hoc debent; supra solum primariæ gibbum, non circa etiam brachia, dependere illud speculum, ut scilicet gibbus ille, quia superficiæ speculi proximus, vicinissimus nobis, cornua verò, tanquam ab ea superficie remotissima, maxime etiam ab oculo diceßisse, appareant, ideoque esse sursum. Sed non ita res habet, brachia enim non supra mediz curvaturæ gibbum, sed juxta se ad latus speculum suum habent. Denique (& hoc caput est) quod in secundo arcu cernimus, non sunt colores ipsi primi & principales, sed alii quidam, ut jam antè docui, in orbem & vicinam undique nubem ab ipsis sparsi. Unde visio ista non est absolutè specularis & reflexa, sed directæ luminis illius superiori vapori inculcati, ex loco tamen, in quem certo angulo, & radio uberiori, ac in oculi tunicis se manifestè pingente, repercutitur.

Verum ex hac doctrina difficultatem provideo in ordinandis coloribus tertiz Iridis, putant enim in hanc redituros colores primæ, futurumque puniceum in summa, purpureum in ima abside. Sed res ista in altiore indaginem & longiorem paulò mitti debet.

## ARTICULUS XII.

*An Iris ultra geminam; & quo colorum ordine apparere possit.*

*Aristot.* **N**egat impressè Aristoteles; Οὐδὲ, inquit, δύο ἰριδες γίνονται ἀμφοτέρωθεν. Neque plures duabus Iridis sunt summe. Et alteram deinde jungit; Διὰ τὴν καὶ τὴν δευτέραν γίνονται ἰριδες, ὡς τὴν καὶ τὴν δευτέραν ἀπὸ τοῦ αἵματος καὶ τοῦ χυμοῦ.

*Secunda hebesior est, ita ut tertia reflexio plane reddatur imbe.* Cardan.  
 Accessit Cardanus lib. 4. Subtil. & (mirum in illa Man-  
 tus de secundæ Iridis generatione sententia) ubique rot.  
 affirmat aut supponit Maurolycus: Vicomercatus tamen a Vicom.  
 quibusdam tres, Snellius sex à se, simul visas narrat. Vi- Snell.  
 tello etiam lib. 10. th. 69. quatuor se Paduæ quondam spe- Vitell.  
 ctasse dicit, sed mera refractione concinnatas, ut in urina-  
 libus aqua plenis solent, fuisse existimo, nam & per-  
 fecte circulares, & ad latus Solis; non ex adverso  
 erant.

Dico primò: Duæ, tresve, aut plures, primariæ Irides concentricæ, ex diversa radiorum reflexione immediate, eadem colorum serie, apparere, etiam si rærenter simul possunt. Id enim Articulo 9. ex Vitellone & Thimone & nobis probatum. Fiet autem eo eventu, quo vapor circa terram longè, quàm in superiori nubis circumferentia, densior, ac compressior, radiique tamen per eum terebrantes, satis validi erunt ad colorationem. Tunc namque cum superiori Iride justæ ac solemnæ altitudinis, inferior in densiori & opaciori figurari poterit. Rarum tamen hoc est; quia vapor totus à nube ad terram uniusmodi fermè densitatis & opacitatis est, & proinde unicam sensibilem, & speculi singularis, reflexionem habet. Ubi verò ultra solum infimus vapor se comprimit, plerumque opacitate sua radium respuat, aut non satis ubertim ad arcus colorationem admittit.

Dico Secundò; Non acutè video cur altera secundaria Iris, eodem colorum, quo primaria, ordine, infra eam & ab ipsa deformari nequeat. Sic enim ostendi potest. Aliqui radii è primariæ guttis in subjectum vaporem, non tantùm sursum & in latera, jaciuntur: quidni igitur, ob insignem vaporis inter primariæ cornua aggregatione, reflecti inde & redire ad oculum nostrum illi possint? Difficilis tamen est eventus; quia fere semper ut procul ante pedes nostros in tertiam cadunt. Deinde, puniceus, in quo maximæ vis geminandi Iridem, longissime à vapore illo brachiis comprehenso abest.

Dico Tertio, Possunt absolute etiam quatuor, quinque, & plures Irides apparere, quæ perpetua serie colorum inverteant. In est, ut prima puniceum in summo, secunda

in imo, tertia iterum in summo habeat: & ita deinceps alternando puniceum cum purpureo, viridi semper in medio, & utrumque dividente. Hoc autem eveniet, si omnes quæ supremum arcum puniceum habent, à Sole proximè formentur, singulæque aliam secundariam supra se generent, quæ in proximo limbo puniceæ, purpurascens remotissimo. Sic enim inter duas quasque primarias secundaria, permutatis extremis coloribus, interjicietur. quod fieri posse, dicet qui superiora utcumque intellexit. Sed id jam notandum: Tertiam, quæ puniceum in supremum gyrum restituit, non futuram plerumque remissionem secundæ, hæc enim à primaria inferiori, & causa debili, illa à radiis immediate Sole emicantibus, & satis validis, figurata fuit. Propter distantiam tamen, aut quia ex profundiori vel malè temperata nube reflexio venit, aliquando malignius quàm secunda fulgere poterit.

Dico Quarto: Secundaria Iris quæ puniceum in ima abside habet, vix unquam tertiam quæ superiorem limbum punicantem ostendat, generare valet. Probatur: quia si primæ radius in colorem purpureum supremi arcus secundæ Iridis deficiat, quomodo ultra sic propagari potest, ut post aliquod intervallum, tertiam Iridem, & quidem à calore purpureo paulatim ad puniceum, uberimum in distantia, ascendendo, conformet? Hoc plane est, quod Aristoteles unquam evenisse negat. Rarissimo tamen casu id fortasse accidet, si supra secundam Iridem vapor ita rarefeat, ut imbecilli ejus radio colorari, & supremus arcus, quia humor ibi forte tenuissimus, pallore tantum quod punicante adspersi possit.

Cæterum, secundariæ Iridis colores non solum languidiores, sed zonæ etiam ipsæ angustiores sunt, quàm in primaria: quia à causa debiliore, & radio jam ante in conformationem primariæ fracto, nec longe penetrante, progenerantur. Latissimus, etiam primariæ, limbus, puniceus: restrictissimus, purpureus est. Maurolycus credit, latitudinem totius Iridis æqualem esse diametro apparenti disci solaris. Verùm supponit, Irides continuari ex radiis superioribus & inferioribus faciei solaris, invicem se ante nubem decussantibus, eamque per diversas superficies

quarum

quarum una altior, altera humilior, intrantibus: quod  
superplacere nobis, negabamus. Hoc igitur magis iam  
alabescit: Radium tenui & angusto satis gyro vaporem  
illum puniceum ingredi, sed longius pari ferè robore, &  
robore quo opacum discingit, penetrare; unde partes pu-  
nicæ zonæ inferiores, & viridi admotas, ex profundiori,  
quàm superiores, spectari. Nec tamen necesse est, linea-  
rem solum radiorum coronam, statim ex ipso limine &  
intra primo nubis, ad nos reflecti. Ex aliquantula enim  
latitudine id fieri potest: quia aliquot radiorum vicinæ  
ordines, eodem angulo (nullo certè tamen discerniculo  
sensibili) ad oculum repellantur: guttæ etiam sibi invi-  
cem ultra citroque lucem reperiunt, & idoneo an-  
gulo in adspicientem rejicientes, latitudinem zonæ for-  
tassis augere, uti & colores incendere, valent.

### ARTICULUS XIII.

#### *De variis Iridis motibus.*

**M**otus Iridis multi, sed solum apparentes sunt.

Primus, quo Iris occidentalis, Sole manè adscen-  
dente, perpetuè videtur deprimi: quia minor minorque  
circuli portio se ostendit, crescente Solis altitudine.

Secundus, quo Iris orientalis magis magisque assur-  
git, Sole delabente in Occasum, amplissime enim à  
fidere horizonti contiguo figurantur. Nequit tamen ul-  
lus arcus usque ad zenith nostrum, gibbum attollere:  
quia sic semidiametrum oporteret esse 90. graduum;  
cum hætenus altissima non excesserit 45. Igitur medio  
inter zenith & horizontem intervallo stabit ejus incre-  
mentum.

Tertius est, circa horizontem, ut v. g. in Zonis frigi-  
dæ, Sole 24. horarum horizontem circulante, Iris ex  
adverso; pari ferè altitudine apparere potest circuire: no-  
bis etiam ferè semicirculum horizontis exambire, ut  
si hieme, cum Sol in Capricorno, manè occidentalis  
appareat, paulatimque levante se in Meridiem Sole, in  
Septentrionem, & deinde versus Ortum se gyret, Omni  
tempore, ut statim dicam, hora diurna videri tunc à nobis  
possit.

Quartus

Quartus accessus aut recessus est, per condensationem aut refractionem vaporis, ut patet ex historia Iridis Lovaniensis, quam è primo Articulo, si libet, petes. Rarescente etiam vapore brachia diducit, sitque segmentum circuli majoris, inquit Vitello: reclamante Thymone, qui in denso dilatari potius contendit; sed nequidquam.

Quintus est fuga, vel sequela, per oculi propinquationem, aut recessum, eodem enim ferme modo, quo nebula, ante sequentem fugere, & sequi fugientem videtur. In causa est, radii reflexio, qui ex determinato spatio, & certo angulo reverti debet ad oculum. Si ergo accedas apparet effugere; non quod eadem locum mutet; sed quia aliam perpetuam & aliam vides è profundiori reflexam & remotiori vaporis parte. Nam radii qui prius in oculos incurrebant, jam retro sunt, & alios excipis qui ante te, facti ad oculum non perveniente, terram impingebant. Sic etiam, cum fugis, affectari videtur; quia cum pari semper intervallo ab oculo distet, ubi pedem refers, attrahis eam una tecum: id est, in vapore citiore novam adspicias, ubi ante ad propinquitatem videbas nihil. Hinc liquet, oculum priorem & posteriorem, etiam si in eodem Iridis axe sint, non cernere unam eandemque Iridem; item, non oppido longe distitus aliquis videre puniceam zonam, ubi alius purpuream, potest.

Sextus motus est iterum, circa horizontem, si ab uno brachio incedas versus alterum; sic enim arcum circumferes, dum unum brachium te fugitat, alio à tergo sequente. Unde si quis alteri rux Iridis brachio propior est, aliam videt, tuam interfecantem. Hinc nec duobus ejusdem hominis oculis suspicari potes; non cerni eundem omnino arcum. Id enim multi credunt, sed nescio, an velim accredere. Utar hoc discrimine. Si vera est sententia Maurolyci & plurium, Solem, non lumen aliquod impressum vaporis, cerni in Iride, omnes ubique in toto terrarum Orbe oculi eandem semper vident Iridem. Nam veluti eundem in cæteris speculis, ita in isto, Solem adspiciunt. Iris autem nil apud ipsos aliud est, quam Sol sic in vaporis reflexe conspectus. Si verò Iris lumen est nubi implicitum, & ipsum ibi, non Sol in celo cernatur; partim saltem



eandem duo ejusdem hominis oculi vident Iridem; aliter enim lucis partes radiant in utrumque oculum. Ubi unum oculum in axe Iridis, & ex adverso plane centri, de oportet, aliqua luminis puncta ab uno conspiciuntur, quæ speciem vibrare nequeunt in alterum. Quia cum duo oculi, totidem etiam axes & Iridum contra hinc: etsi inter utrumque nullum appareat, ob oculorum propinquitatem, adspectabile discerniculum. Itaque cernunt unam eandemque adæquate & circumcisæ Iridem.

Similis contemplatio etiam in Halonem sive Coronam cadit. Oculus enim in axe circuli etiam est: geminosque axes & centra, & circulos esse, necesse est, ubi oculi gemelli ex adverso constiterunt. Stilo etiam (etsi alieno loco) jam excipiam, nè forte excidat, quod extemplo occidit mihi in mentem: Cur Iris tubo Belgico nostro illapsa amittat colorationem. Experire enim: confusane tantum aliquod lumen inspicies, nulla colorum varietate maculosum. Existimo, priorem illam tibi chrystallum & convexam lentem, radios nimis diducere, & distingere colorantem illam umbrarum mixturam, & largiter etiam adjuvat clara & digesta chrystalli aut vitri perlicitas.

#### ARTICULUS XIV.

##### *Locus & tempus Iridis.*

Iridis vulgaris sive reflexæ locus in nube contra Solem est: oportet enim spectatorem oculum, inter Solem & nubilum, statutum esse, ut omnes experientia probant. Et hinc est, ut nulla nobis ad Austrum pingantur Irides, quia inquam, Sol nunquam trans zenith nostrum in Septentrionem digreditur, ut oculus Meridiem adspiciat Solem à tergo habeat.

Sed rem non tantum post tergum, sed etiam inter me & speculum collocatam, in speculo, inquires, cernere possum: quidni & Solum in nube quæ ad Austrum & trans sum? Verum interrogatio venit à falsa imaginatione; quod videre hinc nubes valeamus, quæ in zona torrida sunt.

sunt, quod longissime à vero abest. Alibi enim ex Cardano docuimus, vix ultra decem milliaria Belgica, nubes infimas & pluentes quæ horizontem tangunt, à nobis aspici, à Tropico autem Cancræ, sive initio Torridæ, Lovanium gradibus 27<sup>1</sup> paulominus abjunctum est: quorum quisque, secundum Ptolemaeum, 20. circiter Belgicis leucis, sive 60. millibus passuum constat. Deinde, Iris nulla in vapore, qui ad limbum visibilis horizontis summotus est, unquam videtur. Nam maxima distantia Iridis ab oculo, trium milliarium est; ut inquit Conimbricenses, ex communi Opticorum sententia, imò aio ego, vix ullam ultra dimidium milliare Belgicum, sive 300. passus, à nobis removeri. Ex quod patet, nimis simpliciter à Vitcomercato, & aliis quibusdam asseri: Iridem plerumque circulo integro claudi, sed alterum ejus segmentum intra horizontem supprimi. Cornua enim quæ videmus, non infra horizontem (etiam visibilem, qui sex ferme Belgicis milliariis oculo fortassis abest) dependent; sed prope nos in terram defixa sunt. Irides verò refractæ, non solum in regione, sed ad latere etiam utrumlibet Solis, ut non uno Articuli primi experimento constat, formari possunt. Ad earum quippe generationem duas ordine nubes sic disponi sufficit, ut refractum in priori, & opacitate colorante maculosum radium, excipiat posterior.

Tempus quod maxime frequentat reflexam Iridem, autumnus est, aut ver: Vere tamen præcipue, & Aprili ac Maio præsertim, cerni in Belgio, non uno anno notavi. Causa est, quod & nebulosum vaporem, & una interluentem facis acriter sideris radium Irides desiderant; hiems ergo nubilo, ut solet, gravis, & invalido Sole; æstus nimis valido, & sæpe in nubis, minus sunt idonei. Ver, quia serenius, raro interlabente imbri, aptius est autumnus. Ante etiam, aut post pluviam sæpius arcuantur nubes: quæ pluvii rores molliter, priusquam degresserur totus & lapidatus imber qui excludit Solem, defluentes, aut exonerata jam nube, residui & distillantes, rapiunt hunc colorem. Hinc liquet, cur quibusdam in locis Iris usitator.

In Italia Locri, ait Plinius, & in lacu Velino, nullo modo apparet arcus, id est, quantum existimo, valde frequentat, quo etiam simili moderamine accipio quod addit. R. cap. 62.

*transfert hancquam tanta nubila obduci, ut non aliqua hora Sol cerneretur.* Ibi ergo solentissimæ Irides, ubi facilis in ascensum aeris quidam & forans vapor, qui totam non pellat serenitatem, sed accipiat, & reddat; non extinguat Solis radium. Hinc fluminibus, aut vdis vallibus incumbentia Iridum brachia, sæpissimè videmus.

De terræ climatibus & Regionibus, certæ etiam quædam leges sunt.

Primò; Ubique in toto Orbe manè & vesperi, apparere Iris potest. Manè, cum Sol nondum secundum & quadragesimum, aut quadragesimum quintum (si tantam esse maximæ Iridis semidiametrum, Maurolyco creditus) gradum elevationis attingit: vesperi, cum ad illum etiam altitudinis limitem à culmine cœli defluxit. Causa est in promptu, quia altissimi arcus semidiameter tot ferè cœli subtenitur gradibus, hæc autem ortivo, aut occiduo tantum Sole, tota supra horizontem est, deprimiturque paulatim, quò altius se in opposita cœli regione levat fides; unde ubi altitudo ad æqualitatem semidiametri illius, id est, ad 45. gradum venit, totum arcum necesse est infra horizontem suppressum esse. Aut potius, semota imaginatione hac mathematica, qua Aristoteles utitur, tunc Iris nulla est, quia in tanta Solis elevatione radii à filicidiis reflexi, procul ante oculos nostros in terram reverberantur, quo si subito transferremur, exciperemus jam quidem, Iridisque videremus aliquod segmentum, sed eo motu mutassemus etiam sine dubio sideris elevationem, essetque 45. gradibus humilior. Hæc tamen de Iride primaria, & iis quæ magnitudinis ordinariæ & maxime solentis sunt; intelligenda esse, facile conjectabit, qui legerit præcedentium Articulorum doctrinam.

Secundò; Sub polis, omni hora longæ illius medii anni diei, cerni aliquod Iridis segmentum potest. Cum enim Equatorem pro horizonte habeant, maxima Solis elevatio non est major 23. gradibus, quanta scilicet est distantia Equatoris ab altero Tropicorum.

Tertio; Sub Equatore degentibus, tribus ab ortu Solis & eodem ante occasum horis, cerni Iris valet. Ratio est quia æquis ibi horis, gradus 45. pæne consistit, singulis enim horis adscendunt 15. gradus Equinoctialis, eodem.

totidemque Sol percurrit, nisi quantillum abest, ob in-  
nifum proprii motus.

Quartò; Nobis, qui in zona temperata Lovanii ha-  
bitamus, omnibus diei hibernæ horis videri arcus potest,  
æstivæ non potest. Causa prioris est, quia Sol in circulo  
brumali circitans, non ultra 15. gradus & paucula minora,  
etiam meridiæ nobis est elevatus, æstate tamen, cum  
in Cancro est Solstitialis. 62. gradus & aliquot minuta  
habet elevationis. Itaque Meridianam illo tempore tri-  
dem nemo hætenus hic adspexit, neque causam hujus rei  
intimam lib. 1. cap. 8. Nat. Seneca; Aristoteles ait, inquit,  
post autumnale æquinoctium, qualibet hora diei arcum fieri, æstate  
non fieri, nisi aut incipiente, aut inclinato jam die. — Cujus rei causa  
manifesta est; quia Sol medio die calidissimus nubes evincit; nec potest  
ab his imaginem suam recipere, quas scindit. At maximo tempore,  
& vergens ad occasum, minus viris habet, & ideo à nubibus & suscipitur,  
& raperi potest. Verùm ipso sæpe Solstitio meridianum ce-  
lum nubilo obduci, & imbres, resistente & intercedente  
nequidquam radio solari, cogi, & depluere videmus; nec  
tamen arcum tunc circa diei umbilicum à quoquam con-  
spectum fando quis accepit. Aliam tamen præter propter  
causam Seneca adducit, quæ reduci in veram potest. Tem-  
poribus, ait, æstivis supra nostrum verticem fertur, itaque medio die  
excelsissimus serras rectiore adspicit lineam, quam ut ullis nubibus pos-  
set occurrere, omnes enim tunc sub se habet. Ratio unica igitur est,  
quod reflexio à nubibus quas sic ex alto despicit, nimis  
præceps, sit, & ante nos in terram cadat, non ad oculos  
perveniat.

Seneca.

Aristot.

## ARTICULUS XV.

*Eff. flus, & significans Iridis.*

**I**N effectibus Iridis non memoro jam procreationem  
sui similis, de qua ante circafigurationem secundi ar-  
cus. Alii quidam ei passim tribuuntur, qui tamen non  
tam ejus, quam causarum quarundam ipsi coherentium  
sunt: alias enim cum Iris lumen arcuatum sit, nil nisi sibi  
simili, & colorem efficere valet.

Aristot.

Plin.

Plu-

tarch.

Aristoteles, Plinius. Plutarchus, & agricola nostri

vivo ad calvum omnes, aiunt silvas, arbores, frutices,  
 plantas odoratiores reddi, quibus arcus incubuerit. Tra-  
 dit, inquit lib. 12. cap. 24. Plin. in quocumque frutice cur-  
 vatur arcus celestis, eandem quæ sit aspalatho suavitatem odoris exi-  
 sere, sed in aspalatho inenarrabilem quendam. Aspalathus verò est  
 lignum aloes Rhodiorum, ut hodiè officinæ vocant,  
 ac Amatus in Dioscoridem, ex quo Coronæ ad fun- Amatus  
 dendas Deo & Virgini præculas concinnantur. Plutarchus Plutar.  
 lib. 4. q. 2. Sympol. narrat, ligna in quæ cornua dejece-  
 rit Iris, ~~ignem~~ à Græcis agricolis appellari: quasi in  
 earcus coelestis ceciderit. Terram etiam ipsam suavius  
 huiare docet Plinius. Hæc tamen, & id genus lib. 4. Sub- Plinius  
 til. videt Cardanus. Quis enim, inquit, unquam Iridem vidit Cardan.  
 arbori incumbentem? cum sola visui imaginatione consistat. Ego vi-  
 di Cardane, ac licet visus circumferentiæ limites quo-  
 dammodo figat, & figuram illam circulet (ex certo enim  
 intervallo, & angulo ut appareat, reflecti ad oculum lumen  
 debet:) color tamen ille nubilo permixtus, revera aliquid,  
 & splendor quidam est, non de genere Chimærarum, aut  
 rationis: ut proinde arboribus & plantis vere inniti  
 valeat. Theophrastus tamen lib. 6. c. 25. de Causis plant: Theoph.  
 ut, loca adusta, Iride decumbente, odoratiores fieri. Ad o-  
 dorem enim spargendum, media quædam sicci & humentis  
 temperies exigitur, unde cap. ult. ejusdem libri narrat, ve-  
 stigia leporum ac ferarum mediis anni temporibus, vere  
 scilicet & autumno, magis odora esse, & isto maximè,  
 quia ver florum & plantarum omnigenæ exhalationis  
 suffitu, satis alias à se odorata hebetat, hiems autem  
 nimio frigore odoriferos spiritus adstringit, æstas colore  
 discingit, & hinc æstivo meridie difficulter vestigant ca-  
 pes, prudensque venator nascentem, aut præcipitem in  
 occasum diem præponit. Siccitas tamen præcipue odores  
 auvit, hebescentisque manifestè, aut supprimuntur afflu-  
 entia humoris, unde in Ægypto, quia cælum pleroque  
 anni caliginosum & roscidum, negantur ulli panem esse  
 odores.

Plantis tamen odorem suapte vi Iris non adspersit, sed  
 quæbes rorans in qua fulget, deciduis in eas guttis, siccita-  
 tem ad fragrantiam juvat & excitat. Unde post longas  
 siccitates, modico inpluente imbri, fragrantiora omnia,



violaria manè rorulenta, gratius & latius spirantia, etiam sine ulla Iride, experimur.

**Aristot.** Significatus Iridis, alii naturales sunt, alii ex Dei instituto. De prioribus, post Aristotelem omnes pluviae signum faciunt, aut deciduae, inquam, aut casurae brevi. Nam sequi aut ante ire imbrem solet Plin. tamen lib. 18. c. 47.

**Plin.** Arcus, cum sunt duplices, pluvias nuntiant: & pluvius serenitatem non perinde certam. Nam vapor unus alteri jam delapso succedaneus esse potest, quia Sol inter Iridem, radians, aut humorem mature resorbet, sicut flatus alicunde adducunt, aut guttae ipsae in quibus post pluviam

**Plin. l. 2. cap. 59.** splendor arcus, sufficiunt instaurandis imbribus.

Alibi idem: Arcus frequens, ne pluvius quidem, aut serenus dies cum fide portendunt. Portendere tamen humorem, nivem,

**Tecll.** grandinem, fulmina, aliaque id genus, quae caelum nubo jacet missilia, graphice enarrat Scriptura sacra Ecclesi.

**48.** Imperio suo acceleravit nivem, & accelerat coruscationes emittere judicii sui. & post multa: Pulchritudinem candoris ejus admirabilis oculus, & super imbrem ejus expavesces cor. Olim ideo & hodie creditur vulgo Iris bibere aquas, & materiam pluviarum in nubes attrahere.

— Et bibis ingens

Arcus —

**Virgil.** ut ait Virgilius noster, inquit Seneca, cum adveniat imber, sed non easdem, undecumque; apparatus, minas affert. A Meridie ortus magna vim aquarum vehet. Et ratione probabili firmat: Incienim non potuerunt valentissimo Sole, tantum est illis virum. Si circa occasum refulsit, rorabis, & leviter implues. Si ab ortu circue surrexist, serena promissis. Quia fortasse spes est, vincendum adulto jam & validiore Sole, tenuem istam vaporem, qui exoriente diducillare, & brachia arcus ad terram deducere incipit. Lepide ad arcum, humorem pluvialem sorbentem

**Plaut.** allusit Palinurus apud Plautum, cum anum quamdam incurvam, bibentem largius cemeret;

— Ecce autem bibis arcus plues

Credo, hercle, hodie. —

Eodem adspexit ille ingeniosus:

Nuntia Junonis varios, induta colores,

**Ovid. l. 1.** Concipit Ivis aquas, alimenta quo nubibus affert.

**Metam.** Nuntia Junonis, id est mediae illius & humentis aeris regionis, unde decidunt imbres. Hanc enim Poetae Ili thebriones in Junone figurant, uti Jovem in aethere, Thaumantiam

namque etiam appellatur Iris, quia revera *in pueris* admittibilis: in qua tot ingenia stupore defixa adherent, ne haecenus satis expediunt.

Divina etiam Iridis hæc significatio est: Non futurum amplius generale totius Orbis diluvium. Cum obduzere nubibus caelum apparebat arcus meus in nubibus, & recordabor sedendi vobiscum, & cum omni anima vivente quæ carnem vegetat, & Gen. 9. qui erant ultra aquæ diluvii ad delendam universam carnem. Alias quoque Iridis significationes mysticas in cap. 4 Apoc. & 1. Ezechielis Interpretes excogitant, ut in purpureo Christi carnem intelligi, in viridi animam, in puniceo Divinitatem: & id genus plura pie commentantur. Falluntur deinde, qui ante diluvium Noe, negant visam in nubibus Iridem. Si enim nubes & Sol per 1656. à Mundi exordio annos fuerunt, necesse fuit aliquando Irides, (nisi Deo avertere cura fuerit) generari. Fuerunt igitur ante diluvium arcus, sed nondum assumpti erant ad significationem pacti inter Deum & terram.

Naturaliter tamen etiam signum id esse potest, non secutura mox ab aquis pluvialibus magnæ eluviones: quia cælo undique nubibus intento & gravi, suppresso *S. Thom.* Sole, fingi nequit Iris; ut ex S. Thoma rectè demon- *Conimbr.* strant Conimbricenses.

## ARTICULUS XVI.

### *De Iride Lunari.*

PLeraque hujus Iridis cum Solari conveniunt. Figuratur enim à radio Lunæ adversam nubem incidente, suntque cæteri simillimis de causis. Altitudinem quoque semidiametri parem Solari, instrumentis repertam, Thimon asserit. In duobus tamen maximè hic arcus ab altero discedit. Primum, quia rarior; deinde ferè unicolor. Raritatis causam Aristoteles in Lunam conjicit, quæ nisi plena, & lumine multo tumens, vires ad penetrandam paulisper, & colorandam nubem, non habet. Plenilunio autem, occidente Sole, Luna surgit: nec statim etiam si quæ fortasse roscida, ei opposita nubes sit, formare consuetam in ea Iridem potest, durantibus una aut altera hora;

*Aristo*

hora, & lucem ejus debilem infusantibus crepusculis  
**Libert.** vespertinis. Alibertus tamen narrat, Luna nondum im-  
 pleta & meridiana, à se multisque visum Lunarem arcum  
 in Septentrione. *Nis erat Luna plena, inquit, sed amphitruo*  
*(anpizvto) dicere voluit) hoc est, satis plusquam dimidia,*  
*aliquantulum deficiens à plenitudine, & erat Luna in Meridie ultra*  
*Zodiacum in signo Capricorni, in principio illius signi, Sol autem in*  
*sine Tauri, circa initium Geminorum.*

**Americ.** Americus autem Vespucius, ille qui ingenti & invi-  
 denda felicitate alteri Orbi nomen dedit, inter admiran-  
 da, Iridem, Lunæ candicantem, in ipso noctis meridie, à  
 se visam ponit. Aristoteles tamen centè, quinquaginta  
**Arist.** & amplius annorum spatio, bis tantum in eam se incidit.  
**l. 3.** se scribit. Ubi obiter insignitum quorundam errorem  
**Mes. c.** noto, qui Aristotelem admodum adolescentem hæc scrip-  
**2.** sisse asseverant. Thimon nihilominus intra tertium an-  
 num bis, Snellius lib. de Cometa 1618. biennio toties  
 adspexam narrat. Iridem, inquit, Lunarem hæc continui bi-  
**Thimon**ennio visam memini. Anno 1617. mense Decembri circa plenissi-  
**Snell.**um, & 1618. pro pridie Cal. Januariæ à 5. ad 6. vespertinum  
 cum Hagamiis facerem, Iridem consimilem magna cum voluptate  
 spectavi. Et Gemma noster c. 2. lib. 2. Cosmoctr. ad an-  
 num 1569. Iris expressa noctis hora 12. visa est Martii 12. celo  
**Gem.**sereno ac temperato, spirantibus Cauris. Stabat hæc diu suis per-  
 fectè coloribus insignita. Mirum tamen id, cum Aristoteles  
 ei coloris lactescentis unitatem tribuat: idque & quia ra-  
 dii Lunaris languor non alitè nubis opacitatem penetrat  
 sed in superficie solum ejus albente quadam & fracta luce  
 splendet, & quia color in ea purpureus & viridis candere  
 apparet adspectu & comparatione tenebrarum. Minime  
 enim lucule cinctæ horrore noctis, acriter adspectum feri-  
 unt, & candorem mentiuntur largiter supra verum. Men-  
 tior etiam ipse, etsi huc adspexit Poeta Hispanus, cum ni-  
 gram sepulto tenebris die describens tempestatem, Iridem  
 pænè unicolorem fuisse fingit.

**Lucan.** Hinc imperfecto completitur æra gyro  
**l. 4.** Arcus vix ulla variatus luce colorem.

Oceanumque bibis, raptosque ad nubila fluctus  
 Pertulisti, & celo diffusum reddidisti aquor.

Densitatem tamen etiam & opacitatem nubium, radio-

respuentem, una habuisse in mente, quæ in stylo non  
latis apparet, potuit.

Verum ne Gemmam nostrum altero colorata Iridis  
exemplo destitutum existimetis, Daniel Sennertus, Wit-<sup>Sennertus</sup>  
tembergensis & famosus Medicus, anno 1599 media æsta-<sup>in Epi-</sup>  
te, post dira fulmina & pluvias, deserviente jam nocturna<sup>tom.</sup>  
tempestate, inter Septentrionem & Ortum insignem om-  
nibus coloribus & Solari planè æmulam, Lunæ Iridem vi-  
disse, memorat. Credo: quin enim talis coloratio, etsi  
raro fortasse spectaculo, evenire possit, nihil equidem ad-  
dubito.

Est igitur Lunaris Iris, ut semel fiam: Arcus plerum-  
que unicolor, ortus in roscido vapore Lunæ opposi-  
to, ex refractione radiorum, & deinde reflexione ad in-  
termedium spectatoris oculum. Quæ omnia in Solarem  
cadunt, si pro unicolore, tricolorem repones.

## C A P. II.

### De Halo sive Corona.

Splendorem illum qui coronare aliquando sidera ma-<sup>Apul.</sup>  
juscula cernitur. Multi Halo aut Halyfin, Apuleius<sup>Sen. lib.</sup>  
Catenam, aliqui Armillam; alii Coronam, aut Aream<sup>1. c. 2.</sup>  
vocant: quia sors inquit Seneca, servendis frugibus loca destinata, <sup>Nat.</sup>  
sors rotunda. Causa materialis in qua, eadem quæ Iridis,  
nubes rorulenta. Ex qua, lumen astri vapori inculca-  
tum; nisi, ut in speculo cerni astrum mavis. Forma.  
Hæc figura illa circularis, qua astrum cingit. Finis  
deus Universi, ventorum & imbrium significatio, laus <sup>Apul.</sup>  
Creatoris. Efficiens, Luminare alterutrum, aut quan-  
doque astrum aliud è grandiusculis. Apuleius de Mundo  
sic eam finit: *Halyfis est catena quedam luminis clarioris, per si-*  
*deris ambitum in se revertens.* Sed modus generationis ejus in-  
finita grandi est, & pari cum ea qua Iridem jam statim dis-  
putavimus.

## ARTICULUS I.

Quis modus generationis Coronæ. Seneca, <sup>Albertus, M. Anto-</sup>  
nius, rejelli.

Seneca Philosophia nimis paulisper palpabili docet, ut Seneca<sup>1</sup>  
lapis in tranquillum lacum injectus circulos quosdam <sup>Ab. 1. c. 2.</sup>  
facit; <sup>Nat.</sup>

facit; ita Solis, Lunæ, aut alius sideris radium nubem incurrit ere, eamque in orbes quosdam à centro in circumferentiam repellere: Sed hoc est, radium corpoream substantiam facere: ac deinde, primo radii coniectu, angustior esset Corona, laxaretque se paulatim ille ambitus, ut in circulis aquatis usu venit.

*Albess.*

Albertum miror tam propè à Seneca abesse. Putat, radium astri perpendicularem, qui omnium fortissimus; in medio tenuare & refundere circulatim in circumferentiam nubem; ubi acervata, in materia densiori plenius bibat & retineat lumen. Verùm, sic etiam paulatim ducti, rarefcente vapore, cerneremus Coronam. Secundo, radius Lunæ, quia imbecillus, tardè admodum vaporem sic aperire & dissolvere valet. Tèrtio, Corona Solaris, lunari semper longè amplior foret. Quarto, & fortissime, quia alius aliquanto à te intervallo distitus, coronam circa idem sidus, quæ tuam interfecat, sæpè videt: ergo non unum utriusque centrum, non unus est radius perpendicularis: quæ ad utrumque spectantem oculum venit; sed circa omnia areæ tuæ puncta infinitæ Coronæ circuli scribi possunt pro diversis spectatoribus. Unde patet, totum circuli ambitum luce sideris persusum esse, etsi in solum extremum ejus limbum candicantem adspicias: prorsus, ut in Iride diximus, spatium quod brachia amplectuntur, colores etiam, etsi eos te celet, non secus ac ipsum arcus gyrum, rapuisse.

*M. Anton.*

M. Antonius de dominis l. de radiis c. 18. contendit, Coronam per meram sideris à vapore seu speculo reflexionem circinari; unde non lumen nubi inritum, sed ipsum quod in cælo est sidus, in ea cerni: existimatque à se Aristotelem esse, qui Halo suum non per *ἀνάκλινσιν* *refractionem*, sed per *ἀνὰκλινσιν* *reflectionem* maluit expedire. Admittit tamen aliquam in Iride refractionem; quod non oporteret, si constans esset, nam Aristoteles per unam emissionem radii ab oculo in nubem, & deinde reflexionem ad sidus, utramque *ὑπόκλινσιν* explicat.

Probat M. Antonius, quia refraçtio non nisi parva admodum, ad vaporis tenuitatem, in Corona esse potest, & radii ab oppositis circuli gurgitibus refracti versus perpendi-

cula



ularem, in tanta ferè post vaporem distantia, quanta est  
 sideris à vapore, concurrerent. Cum igitur spatium aëris &  
 nubis intervallare infinito pænè superet modicum illud  
 quod inter nubem & oculum est, clarum est, radios ab  
 extremis diametri Coronæ punctis, tam cito non posse in  
 oculum concurrere. Itaque censet, radios à summa tan-  
 tum interni lateris guttarum superficie reflecti, & inde  
 angulo incidentiæ pari in oculos cecidere.

Dico tamen Primo, radius aëris in vapore subiecto, ne-  
 cessario ad perpendicularem refringitur. Ratio est ma-  
 nifesta, quia è medio rariori humorem densiorem incidit,  
 igitur prorsus, ut in Iride. oportet in singulis guttulis re-  
 fractionem evenire; unde sicut in siccis illis exhalatio-  
 num fumis non colorantur Iridis, quia radios non fran-  
 gunt, nec satis aggregant ad perpendicularem; ita etiam si-  
 vera nisi in circumfuso rorulento vapore, non coronantur.  
 Refractionem vero istam ad oculum etiam pervenire, sic  
 ostendi videtur; quia Coronæ, maxime Solares, non ra-  
 ro iridum coloribus maculosæ cernuntur; igitur refractione  
 aliqua, & confusio radii cum opaco núbis se misceat; si  
 enim à summa solum guttarum cute, non è profundo,  
 rediret ille radius, non esset unde colorem istum duceret.  
 Dico ergo secundo: Halo, quemadmodum Iris, fit per  
 refractionem simul & reflexionem: unde non tam sidus  
 ipsum reflexè videmus quàm lumen ejus in vapore fra-  
 ctum ac multiplicatum, & deinde repercussum ad ocu-  
 lum. Id veri similitudinem, vel ex sola quàm cum Iride  
 habet analogia capere potest. Itaque pars una radii, in pri-  
 mis, à superficie extrema guttarum statim reflectitur; al-  
 tera verò quæ profunditatem earum intrat, post fractio-  
 nem demum & aucto lumine revertitur. Sic enim evenire  
 solet, ubi radius in corpus partim opacum, & partim dia-  
 phanum, qualis humor est, jacitur; aliquid inquam lucis  
 à superficie resilit, aliquid in profundum conditur. Et li-  
 cet fortasse pars illa, quæ per punctum superfici ei intrat,  
 à quo altera ad oculum reflectitur, quia versus centrum  
 guttæ ad perpendicularem se inclinat, non redeat cum ip-  
 sa ineundem oculum; alii tamen radii per puncta super-  
 iora in guttas penetrantes, reverti possunt. Deinde ra-  
 dii, qui non tam cito ad axem Coronæ ex quo oculus spe-  
 ctat, reflecterentur, sed ad partem longè remotiorem con-  
 cur-

currerent, in alias guttas sæpè offendent, tandem in aliquem angulum incidunt, quo cum aliis mixtim in oculum compelli valeant.

*Thimon.* Quidquid sit, negandum sine dubio, sola refractione, & aggregatione luminis, ut in Luna aut candenti aliqua nube videmus rem istam peragis, alias enim ex quolibet situ nec figura necessario orbiculari, & nubem totam, mediamque ipsam Coronæ, aream, luce perfusam licet cernere. Erravit ergo hic, ut mihi videtur Eruditus Thimon, qui reflexionem à Corona repellit, quam tamen non spernit ab Iride.

Rem igitur totam sic mihi in mente deformat. Radi per omnem Coronæ aream, versus axem, sive lineam quæ à centro sideris per centrum Coronæ in oculum venit, in guttis antè molliter fracti, reflectuntur; hoc tamen discrimine; qui vicini centro Coronæ sunt, statim in axem concurrunt, ideoque eos non excipis, quia ibi non habes oculum; qui vero à centro longinquoiores sunt, altius descendunt, & in punctum axis oculo tuo viciniorum, non tamen adhuc in ipsum cadunt; atque ita deinde dilatando perpetuo circulum, donec ad cingulum illud radiorum venias, qui nec citra, nec ultra, sed in te decident. Facilius tamen hanc refractionem & reflexionem ad axem Coronæ intelliges, si à guttis longiusculè satis à centro distitis, & sideri, quodammodo contra positis fieri imagineris: si enim ad axem repellentur eadem ferè quam in accuratione. Et ita planè iam censeo accidere, & mecum cogita, radium v, g. à centro sideris per profundum vaporis obliquè iactum, tandem eousque declivi illo descensu pervenire, ut guttas illas in latus feriat, à quibus angulo tali repercutiatur, ut in oculum tam profundè nubi suppositum valeat resilire.

## ARTICULUS II.

### *Coronæ proprietates.*

**P**rima est, figura circularis; eo quod aequalibus undique angulis radii vaporis occurrentes reflectantur ad visum; ut diximus circa arcum Integer vero circulus est, quia vaporem undique sparsum, in quo ambitum totum impleat, habere potest: non ita Iris, cui obstat inferna terra. Hoc autem in valde miris, & magno naturæ ar-

non ponere solem: diametrum Coronæ æqualem esse Iridis semidiametro. Id enim Thimon experimento confirmat, asseritque Keplerus in Paralipi ad Vitellonem: cum ait, sidus 2, gradibus à circumferentia Coronæ abesse: ista enim ejus semidiameter: ergo solidi diameter, erit graduum 4. quantam antè ex Mauryco fecimus Iridis semidiametrum. Ego etiam anno 1611. die 24 Martii, Coronæ Lunaris, ex sola cum vicinis fixis comparatione tantam diametrum inveni crassities verò latitudinem circiter obtinebat 5, graduum. Causam quæ proportionis istius redderet, nondum reperi. An, quia nubes in qua pingitur Iris, longius à sidere quam altera distat, in qua circulatur halo? Quispiam id putet, quia vapor coronatus inter sidus est & oculum, cum alter Iride cinctus è regione sit, oculo interposito inter ipsum & Solem aut Lunam. Videtur ergo Iris, quam halo, longius removeri à sidere; & proinde ab hac causa conus illuminationis Iridis major & latior esse, quam Coronæ. Sed hoc inde falsitati potest argui, quod in eadem nube Australes cernunt quandoque Iridem, in qua nos Coronam, qui post vaporem illum sumus, & habitamus ad Septentrionem. Id enim aliquando fieri, lib. 10. th 69. docet Vitellus, ergo Iris talis & halo æqua ad Solem propinquitate sunt, cum in nube una appareant.

Adverto tamen in primis, & mecum facit Thimon, non omnium Coronarum diametros, sicuti nec indum, esse pares. Nam quæ oculo viciniores, angustiores sunt: quod etiam intelligi potest è coronis lucernarum, quæ quæ propinquiores spectanti, eò breviori circello flammam circumligant: hinc igitur liquet, non omnium universè Coronarum diametros, quarumcunque Iridum semidiametris esse æquales, in plerisque tamen justæ amplitudinis Iridibus, & coronis, fortassis est prope verum; quis radii nubem penetrantes, citius post eam ad axem Coronæ concurrunt, quam ii qui ex adverso in Iride recipiuntur: ideo forte solum, quia Coronæ vapor, etsi lata excelsus per errorem videatur, submissior tamen longe sit, quam sit distantia Iridis vulgaris ab oculo. Nam projecto demissima illæ nubium quæ coronis cinguntur, 100. solum passus, & sæpè citra à terris absunt: cum tamen iusta Iridis distantia ad 1500. & ultra passus ten-

datur. Confessum autem est, Coronam eam strictionis ambitus esse, cuius vapor propius impendet spectanti. Inde etiam colligi satis potest, Coronam saepenumero dependere in infimam aeris regionem, & satis alte infra nubium stationem; quod Iris etiam ad terram brachia demittat, & eousque sat vaporis inveniat, à quo sustentetur: igitur & Corona succumbere satis profunde in aerem infimum valet, & vaporem cui inhaereat apprehendere. Deinde cum sidus coronatum, horizonti admotum est, necesse infimum Coronae arcum in aerem proximum altissime demitti. Cur ergo, inquires, non ex propinquissimo, ut coronae lucernarum, apparent alstra coronata? Quia credo, ceteri altiorum radii directe per Coronae centrum & aream in oculum dejecti, repellunt quodammodo & diffundunt Coronae ambitum: id est non patiuntur tam angustum circa se Coronae circellum, sed dilutunt, ac insulfant, sinuntque tantum ex longinquo adspici. Ita Coronas & Irides lucernarum, oculo proximas non ceramus.

Coronas etiam quasdam non circumcise circulares esse, facile suggerunt quae de Iride diximus. Ubi enim vapor non paris usquequaque densitatis est, non est necesse ex pari in orbem intervallo radios in oculum resiliere.

Altera etiam Coronae proprietas est, candor ille & unitas coloris: quod praeter circuli incolumitatem, discernitur à solari Iride. Causam hujus candoris istam molitus est Vitello lib. 10. th. 68, quod lumen refractum, non firmiter praeclarum nigredini permixtum: quia radii deorsum refractione refugit umbram projectam à corpore cui incidebat; quae tamen est modica, quia ut plurimum corona videtur in vapore raro, leviter condensata. Iridem autem colorati inquit, quia sit per reflectionem radiorum, umbras projectas penetrantium.

Verum non dubium, quin per multarum guttarum umbras. Coronarum etiam radii transeant, nec solidum est, intersectum istud discrimen; quod Irides reflectione, Coronae refractione fiant; Nam utrobique mixtam refractioni reflectionem ostendimus. Radius ergo Coronarius à loco refractionis deorsum reflexus, in stillicidia plurima vaporum offendit, quorum umbras deorsum secum detulit.

Itaque existimo (& mecum lib. Paralip. in Vitell. affirmat)

fermat Keplerus) Coronas omnes discoloris, ut irides so-  
lent, esse. Lunares tamen & nocturnorum siderum can-  
dide apparent, quia & imbecilli radio factæ, & in tene-  
bristantum, ut de Iride Lunari antè dicebamus, se osten-  
dunt. Solares verò semper rubidæ aut universis Iridum  
coloribus (nisi quantum diurna & affluenti luce, de nigre-  
dine in palliorem diluuntur) florere solent.

Talem se anno 1528 item cùm Carolus Cæsar coro-  
natus, vidisse circa Solem narrat. Cardanus lib. 14. c. 70. Cardan.  
Variet. Et Plin. lib. 2. cap. 28. Cernuntur, ait, plerumque Plin.  
circa Solis orbem, seu specie coronæ versicolores circuli: qualiter Au-  
gustus Cæsare in prima juvenia Urbem intrante post obitum patris, ad  
nomen ingens capescendum. De quo eodem Seneca lib. 1. c. 2.  
Nat. Memoria prodigium est, quo die divus Augustus Urbem, ex Seneca,  
Apollonia reversus, intravit, circa Solem visum colori varii circum-  
tum, qualis esse in arcu soles; hunc Græci Halo vocant, nos dicere  
Coronam aptissime possumus.

Ad hanc alludit Arcus triumphalis, inaugurationi Sere-  
nissimorum Principum Alberti & Isabellæ à Lovaniensi-  
bus nostris anno 1599. dicatus. De quo hæc Lud. Alca-  
zar ad cap. 4. Apocal. Juvat hic, inquit, obiter referre, quod in Alca-  
Ducum Brabantia Cronico legitur, Alberto & Isabella Principibus  
Lovanii ante portam Bruxellensem scriptum in hanc speciem.

Octaviani Augusti In Urbem Adventu  
Corona Iridis Specie Circa Solem Apparuit,

Novæ Potentiæ } Auspicium  
Novæ Pacis }

Hanc Vobis O Principes Nostri

S. P. Q. Lovaniensis

In Ipso Ingressu Dedicat

Novæ Potentiæ } Auspicium  
Novæ Pacis }

Sol Vobis Ab Hesperia Fulsit,

Circum Eum Et Ab Eo Corona

Provinciis Variiegata, Iridis Specie Refulsit

O Fausta Firmaque Ista Sint!

Et Tu Ille Utrumque Orbem,

Vos Isti Nostram Belgicam,

Salutari Lucē Perfundite,

Vitam Et Vigorem Reddite,



Hen Bellis Civilibus Amissum

Deus ET Superi Vota Nostra Audite,

Vos Principes Obsequia Admittite,

Quæ Fideliter Et Æternum Defert

M. S. P. Q. Vester. Lovaniensis.

In quo Lypsis nostri videor agnoscere ingenium & manum.

Coronæ etiam Lunares quandoque colorum varietate maculantur: & Collegam hic in Philosophia nuper habuimus: qui sanctè adjurare paratus erat, visam à se talem, rarenter tamen id; veluti insolens etiam Lunæ Iridem multicoloram esse. Hoc quoque curiosum, & meretur attentionem; Coronas inverso, nec eo quo primaria irides ordine colorum depingi. Interior enim & astro vicinissimus puniceus & ardentissimus est, fugitque deinde, declinat, per viridem in purpureum, Ratio tota est in radio, qui proximum vaporem robustior & uberior penetrat, languescitque paulatim, & pluribus intricatus umbris, in virorem, & emoritur statim in purpuram. Quod vehementer affirmat, quæcunque nuper asseruimus circa Iridis generationem.

**Dion.** Geminat etiam quandoque Halo. Nam & nos duplicem Lunarem vidimus; & Dion, lib. 45. narrat, ante Augusti, Antonii Lepidi Triumviratum, Corona triplici circumcinctum aperuisse Solem. Unde liquet, non omnium parem esse diametrum. Modus geminandifacile ex Iride intelligitur, nisi quod à sidere proximè verosimilius, certè tamen sæpius, veniat hujus congregatio. Cum enim exterior primæ Coronæ Circulus, purpureus, & maxime imbecillus sit, haud faciles in eo vires altera Corona vaporem magis diffusum adspargendi.

In Coronæ proprietatibus motus etiam ejus apparentes possunt recenseri.

Primum, ab Ortus ad Occasum incedere videtur, in comitatu ipsius astri. Non quia idem Coronæ lumen, locum migret; sed alia & alia catena germana priori in occidentaliore vaporis parte perpetuo concinnatur. Vero tamen etiam motu abire versus occasum potest, si nubes & oculus in illam quoque cum astro partem se promoveant proportionali passu. Quod etiam Iridi evenire potest, si ad ascensum, verbi gratia, Solis opposita ad

Occi-

Occidentem nubes, paulatim succumbat & demittatur.

Motu deinde oculi, in Ortum, Austrum & Septentrionem, Halo potest transferri. Aufugiet denique sursum, si attollat se oculus; sequeturque deorsum, si descendat ad humiliora.

### ARTICULUS III.

*Tempus, & præsagia Coronarum.*

**C**ORONA Lunaribus, Iris Solaris frequentior est. Multum enim & assatim luminis, in densa & Opaca nube, Iridis generatio flagitat: modicum vero tenui vaporis inspersum, qui non statim dissipet; aut nimis diducat, magis pro Coronis est. Non omnium tamen siderum, et si Seneca id affirmet, Coronæ sunt, sed Planetarum duntaxat, & fixarum insignitæ magnitudinis, ut Vitello lib. I. c. 10. post Aristotelem, conspectius. Sæpè etiam Halo Solaris est, quando non apparet, quia non oculo averso, ut Iris, sed in flagrantissimum sidus intento, & ideo in maiori luce, caligante adspici debet. Vere autem & autumno, ut Irides, & oppanso sideribus tenui & quod radii facillè terebrent, velo, solentiores Coronæ.

Imbrem aut humorem præfagiunt, infida tamen magis, quàm Iridum, fide: Insigniter, sed Aristoteli nostro consentienter Seneca. Cum ab una parte cesserunt, illinc ventus est, unde finduntur; si ruptæ pluribus locis sunt, tempestas fit. Nam si ab una parte intercisa est, apparet inde æra incumbere, & ideo illa regio ventum dabit; cum undique concepta & lacerata est, manifestum est, à pluribus partibus in illam impetum fieri, & inquietum æra hinc atque illinc assilire. Si vero facies universa subsedit, & equaliter dilapsa sit, significatur aeris quies, orium, & tranquillitas. Et hinc etiam, non nisi tranquillo ferè, integra aut diu apparet. Nube tamen una transcurrente, altera paris sili & contextu vaporis succedanea, præcedentis Coronam aliquando rapit,

## ARTICULUS IV.

*De lucernarum Coronis.*

**C**Ognatæ sideralium, aut tenue quoddam earum rudimentum sunt; ideoque, ut laciniam, cæteris attextemus. In balneis autem maximè, inquit Seneca & vapido aere, Euro (id est, Vulturno humenti) spirante, ait Aristoteles, apparent llicernariæ istæ Coronæ.

Ambigunt tamen quidam, an revera candelarum flammulas cingant an oculos ludificent, & in ipsis tantum non in aere circumfuso sint. Nam Thimon Iride in oculi, sive extremo limbo foraminis uveæ tunicæ hæere solum, multis contendit.

Prob. primò: Quia lippi, & quisquís recens à somno, expressius eas vident: igitur nascuntur potius ex refractione luminis lucernam in oculis lipporum unctis & rorantibus, aut vigilantium statim à somno.

Secundò. Non pyramidales, qualis est flamma quæ coronatur, sed circulares apparent; id est, figuræ foraminis uveæ.

Tertiò: Non fugiunt propinquantem, nec sequuntur abeuntem, ut Irides, & siderum Coronæ solent.

Quarto: In aere etiam rarissimo quandoque fingi possunt.

Deniquè: Tales in Sole versicolores Coronæ videbuntur, si quis radium foraminis obscurati conclavis illapsum, oculo excipiat.

**Aristos.** Hæc tamen Aristotèlem mihi non excutient, qui hæc corollas Iridibus & Coronis sideralibus pariat aut componit. Igitur ut istæ in nube, sic illæ in aere circa lucernas vapido adherent. Abhinc enim est, ut balnearum præcipuè, & Austro, sive alio humecto spiritu flante, aer quem flamma allambit, promptissimè se in ista coronamenta induat. Si vero aliqua, vel à flammæ fuligine, vel aliunde, veluti nebula lucem opacans accesserit, tunc etiam colorari lux illa coronaria incipit. Id enim experimenta & Aristotèles adfirmant. Et si purpurea, inquit, sæpius tota appareat. Viror tamen, addit Vicomecarus, quam-

quandoque etiam purpuram variat. Ex quo intelligitur, leviter lapsum Lud. Alcasar Apocal. cap. 4. ubi negat, ignea luce colores Iridis posse representari.

Sed ab argumentis Thimonis, aliquid amplioris lucis hac affundemus.

De primo; adfateor in humore lippentium oculorum, aut patentium statim à somno, fractionem radios aliquam subire; sed aliam tamen ante ab aere candelam cingente, qui & fuligine flammæ, & aura humente, ut docet Aristoteles, non in raro in tantum pinguescit.

Secundum plus aliquanto molestiæ habet; hoc tamen, ne solatur, quod eadem una opéra conficias, Coronam Lunæ casæ, aut corniculantis, non oportere videri orbicularem. Regeri hoc etiam potest: nullam Thimoni causam esse, cur Halo candelæ in summo fractus sit, ubi flamma se in fuligines erogat; si totus in oculi iride; non in aere fulgeat, Apparet ergo pænè circularis, quia flammæ utrinque venter in medio extuberat, & æquali hinc & hinc longitudine procurrit & radiat. Supremus verò flammæ conus & apex, in alium Coronam non protrudit & turbinat; quia multa, quæ per verticem se exonerat, sicca, opaca, turbulenta fuligine, cingulum potius ibi sumpit.

Ad tertium; Verum est, non fugit, si accedas; sed evanesce quia non ab aere longè ultra candelam sed, circa reflexio sit; deinde ex propinquo directum flammæ lumen pupillam finis in albat & Coronæ colorem & sensum distitit. Aliud in Iride & Corona siderum est, ubi tota profunditas nubis infinitas reflexiones habet, & innumeris, quarum aliquæ propiores, alia remotiores sunt, pingitur Coronis & Iridibus.

De quarto, nego in aere tenuissimo posse apparere; non enim satis habet opacitatis; alias semper omnes omnino flammulas coronantes, aut comantes cerneremus.

Ultimo, do quandoque lumen Solis in oculorum tunicis & humoribus refractum, & tuez limbo, coronæ modo, circumfusum, apparere in aere. Ut fortasse cum post adspectum diu Solem, atiem ad locum obscurum veris; circum enim quendam in tenebris illis fulgentem cornis; qui paulatim in virorem relanguescit, purpurascit

dein vincentibus oculi tenebris, & denique evanescit, fugitivo omni lumine: ut lib. de insomniis egregie docet Themistius. Non nego igitur lumen oculi aliquando videri; nam id etiam accidit, quoties pugno in oculum impacto, scintillæ quædam exsiliunt. Spiritus enim animales impetu diffilientes, tunicas & humores oculorum tenuiter saltem illustrent. Ita etiam Tiberius Cæsar Plinio & Tranquillo teste, sine ulla etiam oculorum frictione, cum primum à somno parauissent, omnia, ut in luce, cernebat, hebescebantque deinde paulatim. Ac ne Tiberius putaretur in hoc miraculo singularis, sibi quoque iuveni id fore lenne fuisse, scribit lib. 8. cap. 43. Variet, Cardanus, & in cerebri calorem, spirituumque tenuitatem refert; id ipsum etiam de se Cælius Rhodiginus, & multis alijs evenisse scio, cum vesperi bene madentes cubitum ivissent, præsertim largiori fervidi Hispanici potu.

## C A P. III.

*De Parelis, Paraselenis, & Virgæ.*

**P**arelius, sive, ut mavult Seneca, Parelum, tale dicitur quia *παρὰ τὴν σελήνην* juxta Solem apparet. Ridicula enim est, & ex ignorantia linguæ Græcæ nata etymologia Thimonis & Vitellonis. Parelus, inquiunt, quasi *παρὰ* sive æqualis Soli. Die solum cornitur: noctu vero, Paraselene, juxta lunam: vocantque aliqui nocturnum Solem, Plinio teste. Juxta cætera, quia minus illustra & brevis apparentis disci, sidera nulla unquam videntur Parelia. Res enim parva à longinquo speculo videri non potest, spatio magnitudinem ejus facile consumente: nec certè si appareant, quandoque, puncta tantum luminum sunt, ab aliis cœli luminibus, nisi à periculis, non distinguenda.

Parelum finiri potest. Imago Solis juxta eum in nube visa. Simili exemplo, Paraselene, imago Lunæ est, in nube juxta ipsam apparens. Virgæ, sive bacilli, lumen Solis sunt per nubem sparsum; & radiorum divisione figuram exprimens virgarum. Sed de singulis compressius aliquid & attentius cogitandum.



## ARTICULUS I.

*An. Parelum lumen Solis nubi impressum sis, an  
Sol ipse visus in speculo.*

Suppono, quod in lib. de Anima ostendemus verum,  
non idolum aliquod rei, speculo inhærens, sed ipsam,  
quæ extra est, adspici reflexè cum quidpiam videmus in  
speculo.

Keplerus c. 4. Paralip. in Vitellonem, refractione radii  
Solis in vapore nubis conformari credit; colores etiam  
suos habere, etiam si non cernantur. Quod ergo cernimus,  
lumen erit, Solis, nubi infusum, & velut in nodum ibi col-  
lectum. Id tamen nulla demonstratione aut ratione pro-  
bat. Videtur tamen his posse.

Primum; diximus apud Iridem & Coronam, lumen  
esse fideris nubi adhæsum, non ipsum, reflexè conspectum  
Nas. Cur ergo Parelia jam excepiamus? Hinc fortasse  
apud Senecam quidam non pessimè Parelum definierit,  
nubem rotundam, & splendidam, similemque Soli: sicque eveniet  
planè, quod Guiduccijs cum suo Gallilæo affirmat, eadem  
omnino Parelia à diversis oculis per multa interjecta mil-  
laria divisim adspici.

Secundo; Parelum nihil habet ardoris, ait Seneca, sed  
lebes & languidum est, non ergò Sol est, fragrantis & a-  
cuminæ lucis, sed lumen ejus fractum & enervatum in  
profunditate nubis.

Tertio; Speculum, præsertim magnum & continuum,  
nullum est in nubibus; cum hæc aerè nostro leviores & ra-  
tiores sint, ut lib. 1. docuimus, Frustra igitur lib. 1. c. 11.  
Nas. sic argutatur Seneca; Num quis nostrum miratur, si Solis  
speculum aliquo fonte, aut placido lacu vidit? Non, ut puto. Atqui  
in sublimi facies ejus potest, quam inser nos, reddi si modo idonea  
materia, quæ reddat: Clausula salubriter & conspectè adje-  
ta. Verum idoneam istam materiam, circumjectis in or-  
bem oculis querimus, neque dum reperimus. Nam den-  
tas & levor fontis aut placidi lacus, à raritate & inæqua-  
litate nubis longè ablu dit.

Quarto; Radius Solis nubis dorso illisus, in coelum non in oculum infernè spectantem reflit.

Velleſſem ſententiam iſtam retinere poſſem. Sed multa ſunt, quæ mihi ferè eam extorquere videntur.

Inprimis non eſſe nubem rotundam, lucè infuſa cœli colore proprio albicantem, quod putaiſſe, videtur Guiducius, cognoſci ex motu, quo pari paſſu, ab Ortù ad Occidum, ad latus Solis incedit, poteſt. Nam nubes non ſolent ſic certa lege ſidus aliquod comitari. Si dicās, radios prius frangi, deinde refleſſi, ut in Corona & Iride, figura ipſa Parelii rotunda & planè Solaris te, ut videtur, refleſſit. Non enim figura luminantis, in lumine ſparſo expreſſa apparere ſolet. figuram ſubjecti potiùs induit; ut floſcos nubium ea forma colorari cernimus, qua fortè materia ibi ſuſpenſa fuit.

*Cardan.*

Deinde, Cardanus lib. 4. Subtil. tres Soles à ſe viſos, tam flammantes, narrat, ut verum à Pareliis diſcernere non valeret. Denique hæc eſſe videtur ſententia Ariſtotelis; quam vero propiorem exiſtimare oportet, ſi utcumque repellam, aut declinare poſſim ea quæ antè objecimus.

*Ariſt.*

Ad primum, Longè aliud in Iride & Corona eſt, ubi figuram ſideris non cernis, ſed rotunditatem ſolùm, conſinnatam ex radiis undique in orbem pari angulo redeuntibus. Et verte oculos quocunque voles, nunquam, aut valde fallar, luſinoſum reperiēs, quod in ulla materia tam graphicè, & ut dicitur, ad vivum, imaginem ſuam depingat: ſed cum ita videtur, ſemper eſt res ipſa, non ſimulachrum ejus, quæ in ſpeculo & alieno ſitu inſpicitur: ſi unicùm exemplum excipias, ubi radius anguſto foramine in locum tenebris infulcatum accipitur. Qui modus Parelio tamen congruere non apparet; quia minimi & circumciſiſſimi orbis eſſe oporteret, ſi ſaltem picture locus don longè à foramine diſtet (ita enim, cum Solem in conclave admittimus, experimur,) aut quacumque magnitudine ſit, non juxta Solem, tanquam latero & comes, incedet, ſed in partem ſemper oppoſitam regredi parebit. Radius quippe in domum foramine aut fenestra illapſus, Sole à Meridiano, y. g. ſcendendo, ad partes pavimenti Orientales pedetentim recedit. *Stipant tamen*

nomen Solem Parelia, & Aristoteles in Bosphoro quondam visum eum ab Ortum ad Occasum inter duo incessisse, scribit. Causam igitur vides cur discrimen aliquod inter Irides & Parelia interponamus.

Pro Secundo, Cardanum jam audisti, cuius experientia Senecam confutat. Sed stilo proprio loquentem adhuc audire juvat. *Vidi, inquit, anno 1532. die undecima Aprilis, huius diei secunda, tres Soles tam conspicuos ac splendidos Venetiis, Cardan. ut inueneri nequaquam possent, qui ad Solis levam habebatur, valde 14. c. lucidior maiorque ac splendidior visus est, versus Austrum, qui vero 70. ad dextram Boream versus spectabat, minor, nec tam splendoris, hunc Variet. tamen in fine magis perseverantem autumque enim advertimus, sic tamen ut ambo simul desisse visi sint. Uterque maximos radios per caelum & ad terram extendebat, colore omnium ad rubedinem declinante. Hac me visa plusquam 2000. testibus spectantibus, nam Adie 3. Marti aream compleverant cives. Credit autem ipse, hoc Trium viratus Caroli V. Imp. Henrici II. Gallorum Regis & Solymanni Turcarum Sultani, præfagium fuisse. Ex hac igitur historia, præter alia, istud nacti sumus, Parelia non semper adeo esse infracta & hebeti luce.*

Tertium me præcipue urit, Nego tamen, vaporem nubium continuum (qualem huc Aristoteles exigit) non Aristos. posse sic radios sustinere, ut instar magni speculi, imaginem Solis in oculos rejiciat. Potest enim revera (et si res ista prima fronte incredibilis occurrat) si opacitas aliqua ætergo se speculo objiciat: quam etiam valde speculi ab oculo distantia adjuvat; tenebræ enim majores & atriores apparent è remoto. Sic sæpe mane aut vespere, Lovasinsia præta, coprinua veluti aqua inundata, ut exundasse Dilia credi possit, adspicimus, vapor tamen tenuis & quem è proximo nihil cernas, in aere infimo pendulus est, qui, obtendente se tergo ejus, terræ opacitate lumen Solis, specie candentis marmoris molliter reflectit. In aere etiam vicino famosus ille Aristotelis Antipheron, ut speculo, imaginem perpetuo adspiciebat; et si melancholiz ejus Aristos. & hypochondriis id reddat Thimon. Vitello tamen certe Thimon lib. 10. th. 61. de quodam familiari suo narrat, cum nocte Viset. quadam, post aliquot præcedentium vigilias, paludi adquiret, vidisse alium quendam, uti putabat, in aere illo vaporulento equitem, qui cum ipso, tanquam ad nutum omnem

omnem compositus, moveretur aut staret; evanuisse vero statim, ac in aerem puriorem venit. Ego etiam profectò in vitris fenestrarum pellucidissimis nocte, candela in cubiculo accensa, faciliè me conspicio; quia prætenduntur solum ab averfa parte tenebræ externi & nocturni aeris.

Quartum etiam me satis intricatum tener. Nam reflexio ista specularis, ad angulos incidentiæ pares fieri debet. Expedire me tamen utcumque possum, si non à nube quam perforat perpendicularis, sed à summiore aliquantum ad latus, ut Coronæ accidit, radius in oculum resulter. Et satis procul quandoque à legitimo Sole Parelum abesse, sumo à Dione, qui ante necem Vitellii Principis, duos simul Sole, unum in Ortu clariorem, alterum Occasu hebetiorem (id est, meo interpretamento, Parelum) conspectos scribit. Sed tamen, cum vero Soli assidet, quid facimus? hoc tamen fortasse sæpius usu venit. Nec me teneo, quin illustre experimentum Rothmanni huc protraham. Lucem enim huic rei, & toti Parelorum materiæ aliquam infunder. Anno 1586. inquit, Januarii conspeximus hic Castellis Parelia. Apparebat primum, antequam Sol oriretur, in aurora (erat enim cælum circa horizontem clarum) columna erecta ad amussim in circulo virticali, latitudine ubique tanta, apparebat diameter Solis. Incendium alicujus pagi ultra mentes dixisses, si vidisses; erat enim prorsus specie ignea, tanquam flamma: nisi quod ubique ejusdem esset spissitudinis. Paulo post oriebatur in ea columna idolum Solis, non aliter, atque si esset Sol verus. Vix digitus de hoc idolo adhuc sub horizonte latebat, cum in eadem columna oriretur Sol verus: quem eodem modo subsequabatur aliud idolum, permanebatque columna hæc, cum tribus suis consinuè sese contingentibus Solibus, semper erecta in circulo virticali, ut quadrans ostendebat. Erantque Soles hi ejusdem formæ, nisi quod intermedius & verus reliquos fulgore antecelleret: durabantque cum ea columna ad quadrantem ferè hora, donec nubes nigra à virrice superveniret, cui obiret. Proximè igitur cingere valent Solis latus: & ex valde diffuso radius ad oculum reflexus rarè satis virium habet ait Vitello, & Aristoteles, ut Solem perfectè in oculo imaginet. Propè jam abest, quin expungam & exculem, quidquid jamjam antè de reflectione speculari inculcavi. Certè tamen, quin alia longè ratione Parelia sæpius deformari existimem. Si enim lateribus veri Solis ita

nullo manifesto aut insigni intervallo se apprimunt, à qua  
nube radii ad nos redeunt? oportet profectò, ut à proxi-  
ma centrali, & ea quæ radio perpendiculari pæne confodi-  
tur: atqui id non potest, nisi quis fortasse naso & oculo  
infernè contingeret ipsum vaporem. Cum enim Sol sit  
vapor illo superior, nequit à tam propinqua centro ejus  
nube, tali angulo imago, ut ad oculum aliquanto inter-  
vallo distitum pertingat, reflecti. Huc ergo tandem, cum  
eripide, quia non video ducem, me abjicio.

Parelia longiusculè avulsa à vero Sole, ut quanta est  
semidiamter Coronæ, aut quæ in nube contraria, ut Iri-  
des, fulgent (quale fortasse illud, quod sub extrema Vi-  
telli Cæsaris illuxisse diximus) per reflexionem fortitan  
apparere possunt: tam propinqua vero, quam illa Roth-  
manni, mentior jam, aut non possunt. Quomodo igitur?  
Per refractionem, inquam; & venit jam in mentem len-  
tum, sive vitrorum convexorum in Belgicis nostris diop-  
tris, quæ non tantum colorem, sed figuras etiam rerum  
egregiè imaginant.

Itaque veluti res quæ speciem sui per lentem conve-  
xam, foramini obscurati conclavis inferram, in opposita  
opaco aut candido pariete imaginem suam coloribus uni-  
versis & figura expressam depingit: ita suspicor jam So-  
lem, per convexam satis magnæ curvaturæ nubem, radi-  
um in fundum tenebricosi vaporis dejicere, sibi que ob re-  
fractionem ad perpendicularem, quam & densitas con-  
tinui humoris, & figuræ illa convexitas efficit, idolum  
quoddam orbiculare sideris appingi. Dux igitur nubes,  
aut dux ejusdem partes, necessariae sunt ad hanc pictu-  
ram. Superior, quæ sit vapor continuus (non, inquam,  
putatim divisus, sicut enim in singulis Atlicidiis totius si-  
deris fieret refractione, nec in una aliqua ampla imagine fi-  
guram suam explicaret) & ad juvandam refractionem  
verius perpendicularem, incurvus. Deinde alia inferior,  
quæ instar parietis sit, qui imaginem excipiat. Infernè au-  
tem ex terra Parelia ista, per vaporem & æra transparen-  
tem, ut imagines in cubiculo tenebrato, à tergo chartæ  
obscuræ & translucetis, adspicimus. Columna ergo illa in  
summo, sive circulo verticali qui ab horizonte per ze-  
nith nostrum transit, erecta, in qua unum, supra verum  
Solem



Solem, alterum infra, impressum Parelium videt Rothmannus, velut illarum imaginum paries aut tabula fuit, in quam à priori vapore fracti radii, rotundo illo schemate impeerant. Incendium etiam columnæ, partim à verò Sole, partim à Pareliis erat. Non apparent attem tam angusti orbis, quam Sol per lentem convexam in cubiculum exceptus; quia & convexitas vaporis est major five amplioris circuli portio, quam lentis, & secunda nubes longius distat à loco fractionis quam paries cubiculi à principio foraminis. Non est deinde, ut Parelius ad ortum semper redire necessariò debeat: quod evenire radio ante diximus, qui per foramen in cubiculum incidit. Nam idem Parelius non disrnat, nec (nisi nubes ad Occasum, Solè comitetur) locum mutat; sed alius perpetuò generatur à radiis per diversam subjecti vaporis partē ad nubem inferiorem & inumbratā penetrantibus. Unde non est necesse, ut per angustias alicujus, circumscire opaci, foraminis in profundum nubis se insituent; veluti cum cubiculo illabuntur, quæ causa est, cur in pavimento versus Ortum, & averſa Sole, discedere videantur.

Ex toto hoc Articulo jam liquet, duplicis generis à nobis Parelios, ut Irides, reflexos scilicet, & refractos, asseri.

## ARTICULUS II.

*Tempus, locus, Numerus, proprietates Pareliorum.*

**T**empus quo magis frequentantur, nubilo gravidum est, valido tamen, & perfringente Solè, unde verè autumnus magis idonei. Sole etiam ortivo, aut occiduo plures, meridiano rarissimi, sub finem enim & initium noctis roscidus & humectus aer, reflectiones adjuvat & refractiones. Sed nullum frequentius, quam orientem Solem comitantur.

In omni Climate videntur; sed in Zonis frigidis maximè, si credimus Olao. Causa est in aere ibi vapore nivali rorulento, & quia Sol non altè scandit, sed perpetuò fere circumcurrit horizontem. Ad latus Solis Australis aut Septentrionalis, & fere in eodem cum Sole azimutho (ut illi vult à Rothmanno) dispositos adspici magis, est sol  
latus;

lance, quia vaporem qui ante ad Occasum est, adventu suo sidus sæpè dissipat, aut nimis ad speculum vel refractionem diducit: orientalem verò qui retro est, statim deserit, inquit Aristoteles.

Aristot.

Parelli non raro Coronis cincti apparent. Numerus hæc binarius est, unde sæpè tres Soles visos legimus in prodigiis, id est, Solem, cum binis Parellis, tot ante pugnam Philippensem, tot M. Antonii & Dolabellæ Consulatum, ut narrat lib. c. 32. Plinius, & alia exempla ibidem habet. Tres itidem Cardanus, tres Rothmannus, tres nos Lovanii anno 1619. mense Maio cum ipso Solis exortu vidimus.

Plinius.

*Plures simul quam tres visæ*, ait Plinius, *ad hoc ævi nunquam produntur.* Alias tamen, *quid impedit*, inquit Seneca,

Sen. lib

*quod minus tot sint, quod nubes suæzunt aptæ ad exhibendam effigiem*

1. c. 11.

Sic: & sanè anno 1525. cum apud Papiam à Gallis male

Nat.

peractum, & Franciscus Rex in manus venit Hispanorum

Polonix Regem sex vidisse Soles, Vicomercatus mihi au-

Gen. l. 1.

dit, & audire etiam nostrum Gemmam. Rex Polonia, in-

c. 8. Cos-

quit, vidit sex Soles. Is autem qui ad Occidentem stabat, atra fall-

met.

ax squalidus apparebat, neque multo, post Gallie Rex Franciscus

in hæc captus est. Addit etiam prælagia & significationes.

Hæc usquam spectari solent ejusmodi, quin nova seditiones conficiantur,

conspiraciones clandestinæ, ut quemquam fastigio suo desiciant, vel

interficiant, vel vi, & malis artibus comprehendant. Multum in illis præ-

numerum, & figuram, ipsa positiō ad prædictionis certitudinem sa-

piens ad faciem, an sub legitimo Sole locentur, an Orium, an Occasum

Solis, an Septentrionem, Austrum, &c. Sed hæc vanitatis

insecta, aut Deus quandoque effectuum naturalium occa-

sioneuntur ad aliquem significatum. Potest etiam Genii

boni an mali in talibus manus intervenire. Certè tamen

Parelli id non significant naturaliter, magis tempestates,

et pluvias, ut etiam Paraselenæ ac Virgæ. Magnæ enim

avigantibus formidini sunt, & eos Aratus, Aristoteles,

Arat.

etique in signis satis evidentibus turbationum aeris

Aristot.

testant. Australis autem certiorum imbris, ait Aristo-

telus (quia nubes ab ea parte, humoris pleniores for-

midiores) habet significationem. Sæpè etiam rutili, aut

virginei, pro opacitate, & qualitate vaporis refringen-

ti, lunt.

## ARTICULUS III.

De Parasele, &amp; Virgis.

**P**araselene figuratur juxta Lunam, uti juxta Solem Parelii, ideoque jam dicta huc non retraho. *Luna Plin. l. 2. c. 32.* *vinna, Cn. Domitius C. Fannio Coss. apparere, inquit Plinius, quos plerique appellaverunt Soles nocturnos.* Vix extra Lunæ plenitudinem visuntur; alias mutilo, & invalido ad imaginandum, lidenis lumine. Pertinacius aliquanto, quam Parelii, durant: quia nubes languidius radio Lunari icta non tam cito dispergitur. Perdere tamen & alio modo imaginem potest, si continuitatem discindat, & guttatim dissolvatur. In tali enim jam vapore, nec reflexionem, nec refractionem, ut ante docuimus, imago incolumis & tota potest apparere. Sed quomodo hæret, iniquies, humor ibi continuus, cum propensior sit infimo nostro aere? Non est fortasse; etsi sit paulo opacior. Nam Lib. 5. diximus, nubes nondum deciduas, esse leviores in maæris regione. Deinde, ubi vapor incipit plus penitus gravitatis habere, succumbit molliter, Paraselelemque aut Parelium aliquantum una deducit, aut alius e superiori loco vapor succedit, qui imaginem excipiat a præcedente destitutam.

De Virgis M. Antonius de Dominis negat scire se quid sint. *Hanc profecto impressionem, inquit, si ego aliquando viderem, tam aliquo pacto conarer explicare. Cum autem mihi ignotum sit, quod sint Virgæ, ipsarum Propier quid non possum indagare. Audent tamen per reflexionem non apparere: quia non possunt ad unum punctum in quo est oculus: coire plures radii reflexi, nisi circulerentur dispositi, cujusmodi figuram non habent Virgæ: sunt enim oblongæ, & linearis formæ.* Aristoteles tamen reflexionis filias esse docet, & figuram; nam in speculorum longitudines & angustias confert. Et Seneca: *Virgæ nihil aliud quam imperfecti arcus sunt, nam facit quidem illis est picta, sed nihil curvæ habent, in rectum jacens.* Plinius autem juxta Solem fore in nubibus humida & jam se spargente. Itaque tamen est in illa qui in arcu colunt, tantum figura mutatur: quia nobilior quoque, in quibus extenduntur, alia est.

Igitur

Igitur M. Antonio reponi potest, à partibus speculi propinquioribus & longinquis, nec in circulum compositionis reflexiones in eundem oculum quandoque redire, ut in Iridis & Coronæ latitudine patet. Linea enim quædam recta est, quæ crassitudinem metitur totius arcus. Deinde duæ Irides concentricæ à diverso radiorum Solarium ordine, & eadem, ut ostendimus, colorum serie, formari solent: nec arcus tamen superior cum inferiore in unum oculum coalescit, licet uterque simul in oculum cadat.

Fateor tamen alium modum generationis Virgarum magis solentem esse. De hoc Seneca: *Allud quoque Virga- Sen. lib. 1. c. 1 & 2*  
*genus apparet, cum radii per angusta foramina nubium tenues, in- Nas-*  
*ter dispersæque inter se diviguntur: & ipsi signa imbrum sunt. Ta-*  
*lia sunt illæ Virgæ, quas sapientissime Sole surgente, aut suc-*  
*cumbente, per rariora quædam nubium intervalla in ter-*  
*ram usque trajici, & perpetuo dilatari, ac dispergi cerni-*  
*mus: cum agricola nostri à Sole aquam & alimenta*  
*nubium trahi. Hæ etiam nisi fallor, Virgæ sive Bacilli*  
*sunt, quos Vitello lib. 10. th. 31. vulgò funes tensoris appel-*  
*lari dicet. Inæqualitas autem vaporis, cujus partes aliqua-*  
*riores, aliæ densiores sunt, eas laciniatim sic dispergit:*  
*veluti etiam à varia opacitate maxima varietate & ma-*  
*culosissime colorantur. Colores verò isti gratius in aqua*  
*reflexe, quam in cælo directe, inquit Aristoteles, spect-*  
*antur, reflexio enim omnis debilitat radium, coloresque ni-*  
*hil alias incitatos paulisper comprimit, aut frangit in vi-*  
*orem vel purpuram. Hinc etiam nubes omnes in aqua a-*  
*liores apparent.*

Hoc denique addo: Radios illos & parvas, quæ Sole cælo, imò extincta omni crepusculorum luce, & alta quandoque nocte, in hemisphærium revibrantur, posse virgis (et si plerique Trabes vocent) belle accenseri. Imaginem enim revera potius virgarum, linearum divisione, mentiuntur, videnturque esse radii in vapore circa horizon-tem fracti, & deinde in hemisphærium nostrum repulsi: ut in altissimo æthere, & inter ipsos Planetas eleventur Rothmanno.

## CAPUT. IV.

## De Spectris &amp; Phasmatibus.

**M**ultæ præter iam dictas in nubibus tincturæ, tam interdiu quam internoctu visuntur, quas Aristoteles *phantasmata*, seu spectra appellat. Ex varia autem radii astrorum, Solis præsertim ac Lunæ, aut exhalationum etiam incensarum, cum opaco nubium mixtura nascuntur. Umbra etenim, veluti nigredo quædam, candori luminis contraria, medios infinita varietate colores representant. Hic etiam in cervicibus columbarum, & penus pavonum, ex irradiatione Solis & miscela umbrarum quæ inflexione colli & certarum plumarum obiectu resultant, aurum, crocum, purpuram, smaragdum, & omnium colorum amonitates est cernere, quo adspexit Nero Cæsar. *Ph. 1. far.* versu illo quem disertissimum laudat Præceptor ejus c. 5. *Nat Seneca.*

*Colla Cytheriaca splendens agitur a columba.*

**M. An.** Hos tamen colores plumis infixos esse censet M. Antonius. Ego inquit, *permanentes esse, & puro, & sua experiri, videntur tamen emphatici, id est apparentes, quia non sunt in tota pluma, sed in eque particula: quæ interdum apparent, interdum ex mutatione suis & postea occultantur, exhibita versus oculum alia particula non colorata. Sed frustra.* Non enim sparsim tantum & guttatim per plumarum discreta quædam puncta, purpureæ, aut virides, sed totis etiam cervicibus tales apparent. Undæ etiam maris, nunc virent, nunc flavent, aut purpurascunt (nullo tamen haud dubie vero colore innascente) prout Solem & à vicino fluctu umbram exciperint. Hinc Poeta vetus:

*Spiritus Euroæ virides cum purpuræ undæ.*

Item alter:

*Errunt exemplo placide mare marmore flavo  
Carnæum spumas sale conferta rate pulum*

**Agel. L.** UBI cum flavus color viridi & albo mixtus sit, pulcherrimum prout *Agel. 16.* spumas virentis mari, flavo marmore appellavis, inquit Favorinus apud Agellium.

Hoc igitur lucis & opaci temperamento, *phantasmata* sive hiatus, puteos, sepulchra.

*Spe.*



*Spontaneasque volute facie pendensibus struflas*

*Lucret.*

*l. 6.*

*Cernimus*

videmus etiam brutorum, aut hominum formas, in media  
certa regione. Pars nubis quæ plurimum nigri sive opa-  
ci habet, profundior & recessisse apparet: quæ vero abun-  
danti lumine hilarescit, propinquior: nisi intellectus sen-  
sus corrigat. Si profunditas ingens cum longitudine ap-  
penderit, vocabitur chasma sive hiatus: si rotunda pro-  
funditas, erit puteus; & ita in cæteris. Unde omnia ad  
hanc imaginem definies: Puteus Phantasticus, est me-  
teorum in nube apparens: quod ob variam mixturam lu-  
minis cum vaporis opaco, veri putei habet similitudinem.

Verum, ut jam primum animadverto, Eruditissimus  
Franc. Aguiloniis, in pulcherrimo juxta ac doctissi-  
mo Optico opere, colores istos nubium non phantasticos,  
sed veros, & à lumine separatos affirmat, & probat: quia  
proprio corpori insunt, nempe exhalationi quæ permixta vaporis una  
cum lumine transparet. In Iridæ tamen, Halone, Parelis, similibus-  
que luminis infractionibus, inquit postea, omnino phantasticos seu  
opacitates esse oportere cum nulli propria subjecto insint, neque enim  
nubi aut aeri connaturales sunt: sed penduli in medio diaphano ober-  
rantes extemporaneæ quædam, uti verè sunt lucis affectiones, ex cer-  
tis quædam radiorum infractione prognata. Sed profecto rubedo  
flava purpura nubium, non est exhalationi naturalis:  
cuius enim maculosissimam, & diversissimis coloribus im-  
butam esse oporteret, cum innumeros valeat ostendere.  
Igitur lumen infusum exhalationum & vaporum mixtum  
opaco sunt: nec Sol eos ostendit tantum, sed facit. Irides  
etiam vaporis revera inharrent, etiamsi non à natura, sed  
mente externo resurgent.

Discerniculum tamen aliquod inter Irides & crepuscu-  
lorum phasmatumque lumen, ante à me etiam confes-  
sum. Nam Iridis & Coronæ ex certo situ cerni possu-  
nt, phasmata ex quovis possunt. Ratio est, quod illæ  
determinata ad oculum reflexione, hæc luminis sideris  
nubilo impluente, & totum instar legitimi & fixi coloris  
pendente, fiunt: Unde veteres quidam radium nubi si c-  
confusum non reflexum, aut refractum, sed incorpora-  
tum appellant. Talis etiam est radius Solis exceptus Lu-

*82.*

na. Ut autem lux aëtri, aut color in corpore suo delixus, quaquaversum, ubi non se obicit opacum, radiat: ita ejusmodi lumen cum vapore mixtum, & quasi maceratum. Quomodo vero id accidat, an quia partes mutua reflectione se roborent & adjuvent, an quia lux simpliciter insu-  
sa vim sufficientem habet ad spargendum radios undique in orbem, in Libris de Anima erit enarrandum. Ubi etiam ambigemus, an colores, qui vulgo veri, revera à luce distinguantur: quod proximi jam sumus ad negandum, cum Platone.

*Aguilo.*

*Isidem.*

Non placet etiam in Aguilone, quod jam statim displicebat in M. Antonio; colores illos cervicum columbinarum, genitivos esse & naturales istarum plumarum. Uel nec, aerem natura esse caeruleum, nam quod in sublimi & innubi æthere cernimus, non natus aeris color, sed lumen molle sublustri & semidigesto permixtum spacio est.

## ARTICULUS I.

*An equites discurrere, & acies in nubibus belli simplachra-  
cipre naturaliter valeant.*

**I**nter aëria phasmata recenseri solet Eques discurrens, & in peculiari difficultate est hoc meteorum, ob motumque sæpe non vage tantum hac illac palætur. sed composito passu aggredi aut impetu videtur assilire hostem, interdum etiam acies totæ concurrunt,

*Et sæpe ingenti bello cum longa cohors*

*Virg.*

*Geor. 2.*

*Explicuit legio, & campo stetit agmen aperto.*

*Dirigitque acies, ac late sustinet omnia*

*Aëre volitanti saluta*

Nec raro etiam adduntur clamores, ac morantes,

*Geor. 4.*

*Martius, illi æva ræci canor incipad, & vox*

*Audiuisset ræci sonitus militum, & taurorum*

Innumera talium spectrorum exempla sunt, ut ante bellum civile Marii & Syllæ, ante excidium Jerosolymorum, sed plurima in Germania ab ætate ad ætatem, vixisse

*Me-*

*lanch.*

inquit Philippus Melanchthon lib. 2. Meteor. cap. 10.

Sed audi ex Snellio, quid non in eadem vidit in Hol-

landi.

ludi. Tormenta, tubae, sclopetorum dissipationes, castrorum meta Snell.  
 tum, atque alia id genus quam plurima. Id Amorisortii, inquit, de Co-  
 & alibi visum: & quidem haud alta supra ipsa vulmina sclopetorum. Quin mesa  
 adeo, addit, priusquam c. lassis Hispanica nostra & Britannica Oceano auni  
 iustar Xerxis cujusdam, vincla & virgas injectura videre: anno 1618.  
 1191. memini me admodum puerum à nobis & familiaribus qui etiam  
 cum in pisa sunt, audivisse, vias Amstelodami in ipso aere, pado  
 Solis occasum, navium conflictus marisimas, impressione, hastiluy,  
 viros, illos virores abire tanquam in puerile naumachia, idque a-  
 ui aut alterius horae spatio, multis hominum millibus inspectantibus.  
 Denique Sacra Historia lib. 2. cap. 5. Machabæorum. Con-  
 qu, inquit, per universam Jerosolymorum civitatem videri diebus  
 quadraginta, per aera, equis discurrentes, auratas folae habentes Macha-  
 & hastas, quasi cohortes armatas, & cursus equorum per ordines di-  
 & digressiones fieri omnino, & scutorum motus, & galeato-  
 rum multitudinem gladiis districtis, & sclopetorum jactus, & aurorum  
 armorum splendorem, omnique generis loricatorum. Historiae ve-  
 nitae sic constituta.

Dico, Nubes in formas equorum aut hominum natu-  
 ali casu posse componi; ventos etiam adversis & reban-  
 nous, speciem concurrentium acierum præbere; vel inter-  
 micantibus fulgetris & fulminibus, tormentorum nostro-  
 rum coruscationes & tonitrua imitari: multa tamen in  
 historiis illis jam narrata sunt quæ nullus, nisi cerebri &  
 mentis egens, casui tribuat cum intelligentiæ alicuius  
 directionem & matrem nemo homo sanus non videat.  
 Quod etiam significatio ipsa satis asserit. Nam prælia &  
 certæ certo & respondente semper pæne eventu præsagi-  
 unt. Igitur ex destinato, & à clementissimo Patre nostro  
 veniunt, qui pericula ad terrorem & cœli respectum, o-  
 bent, antequam nos involvant.

Sed videte, quæ ibi Arceorum nostrorum hic ingeni-  
 o, quibus una Philosophia & cura est, Deum & om-  
 niam creaturam & intelligentiam jugulare. Viderunt, acies  
 & acrias, compolitos & repetitos assultus, telorum ja-  
 ctus, & id genus sexcenta, non posse sine stupore in ca-  
 referri, quid ergo faciant? homines pennatorum Pe-  
 natorum equitatu ibi pendulos & certantes adstruent?  
 Posticum nimis est. Tamen, negare Deum & Ge-  
 nitorum qui nos iustus exercent, jam ipse olim certum & in-  
 sum

num est. Voluptatis enim & scelerum interest, non esse quod videlicet, Numen.

*Es mens ille seraspraeceps Achironis agendus*

*Lacr. 1. Funditus, humanam qui vitam turbas ab imo,*

*3. Omnia suffundens mori nigrorē; neque ullam*

*Esse voluptatem liquillam, putantque relinquē.*

aiunt, cum illo Epicureo. Ergo nubilosas illas acies veras, & in superficie terrae alicubi & assultare existimant, vident autem in vapore nubium ceu speculo. Quousque humanam mentem a ratione alienat impietas?

Primo: Militem, nisi planē, Polyphemum, & qualis illi

*Aetnei fratres caelo capita alia ferentes.*

*Virg. in nube directus hinc, nemo tum Lynceus est, ut aspiciere*

*Aneid. valeat; quanto minus reflexe, & debilitata specie tam*

*3. speculi intervallo?*

Secundo: Vento, ut solet cum acies illae concurrunt, spirante, nubes turbant & confundunt suas superficies, ne speculi officium valeant obire.

Tertio: Non imagines aliquas, sed ipsae nubes manifestae in se arietant & mutant locum.

Quarto: Saepe haec simulachra visuntur, nullo centenis aliquot circum milliariis, quod inaudierimus, commisso praelio, nam futuri, non praesentis, significationem habent. Ut tamen species à terra in nubes rorsitas illae & speculares iactae ad nos redirent, obiectum non longe ultra vigesimum milliare Belgicum, oporteret in superficie telluris à nobis distare. Nam ut alibi è Cardano retulimus, infimae ad horizontem nubes, non multo longius decem horariis leucis ab oculo distare sunt. Fac eas species in eas jaci, & totidem milliariis in alterum proximum horizontem inde reflecti, si possunt: intra viginti igitur milliaria horaria & nostrata habet tota reflexio. Et licet (quod fortasse verum) nubes horizonti attingant aliquanto longinquiores sunt, certissimum tamen est, ibi centesimum abhinc milliare confictus omnes tam in nubes, nuntiis differentibus, statim spargi, & tamen longe citra hoc spatium, confictum mirum necesse esset, ut magis quia à nubibus resiliere ad nostrum oculum. Si à vapore enim horizonti proximo referretur pugnae species, numquam

nam circa verticem nostrum, phantastica illarum acies præ-  
sunt, apparent enim ubi est speculum. Sed, quid in  
affinis istis expungendis, quasi in re seria, consumo stultici.

## ARTICULUS II.

## De Aurora, &amp; Crepusculo.

Phasmatibus nubium adnumerari & crepuscula debent.  
Crepusculum autem generaliter est lux illa crepera  
(in dubia) (unde enim crepusculo nomen) quæ manè  
ante Solis ortum nubes circa horizontem colorat & ve-  
spere post occasum; Crepusculum tamen matutinum  
nomen propius Auroræ invenit, generale crepusculi  
nomen est vespertinum. De quo eleganter Poeta Meta-  
morph.

*Junque dies exactus erat, tempusque subibat;*

*Quod tu, nec tenebras, nec possis dicere lucem:*

*Sed cum inter tamen flubæ confinia noctis.*

Operum vero valuisse Antiquis, quod dubium, patet vel  
ex isto Lucretii versu:

*Ex aquasque sunt creperi certamina bellæ*

Porro subjectum Auroræ & crepusculi, non solæ nu-  
bes, sed omnes etiam halitus supremæ regionis, paulo opa-  
tores, sunt, imò altissimi illi halitus, primi manè indu-  
unt Auroram, & ultimi vesperi exiunt crepusculum. Quod  
magis aliis à terra elevantur, eo citius manè radius terra  
diffundens eos attingit, & sub noctem tardius,  
cum nubes inferiores, deserit. Et hinc Optici & cre-  
pusculis, excelissimorum qui terra exhalantur spirituum  
modum mensurant. Huic autem finem describunt cir-  
cum quandam, infra horizontem, ei parallelum sive  
indique aequidistantem, quem crepuscularem vocant;  
quæ, cum manè Sol ad ipsum pervenit, prima Aurora in-  
abscere incipit; cum vesperi eoque decubuit, novissi-  
ma crepusculi lampas, & universa diei antecedentis reli-  
quæ exiguntur. Ptolemaeus, Gemma noster, & plures  
in gradibus. Alhazen 12. Tycho 17. Rothmannus 24.  
infra horizontem, circulum istum deprimunt. Diversitas  
in eo venit, quod aliqui citius, defecisse crepuscula, alii

Ovid.

Lucr.

6. 7.

Ptolem.

Gemma.

Alhaz.

Tycho.

Rothm.

per: m. n. 2

O'o



perinactis manifestis quandoque animadvertunt, quod  
 imputari vaporibus circa horizontem adhaerentibus, &  
 radiis, seu etiam aliquando nocte in hemisphaerium  
 firmum refringentibus potest, aut halitibus in insolentem  
 aetheris excellantem, non omni exuta opacitate, scanden-  
 tibus, ut Lib. 3. diximus circa materiam Cometarum.  
 Unde variant etiam paulisper in finem maxima Auro-  
 ra & crepusculorum altitudine Auctores. Possidonius &  
 millianibus, Alhazen, Vitello, & fere passim, & Nomen,  
 quem Clavius sequitur, 41. Stevinus noster 41. Bod-  
 nus, nimis de pace, 3. Cardanus prodige 77. & terra  
 superficie elewant. Qui excefferunt, circulum in terra  
 maximum, sive terrae ambitum, nimis amplum, in sua  
 demonstrationem assumpserunt, quod Alhazenum & Vi-  
 tellonem fecisse, non Gloriosus lib. 2. cap. 21. de Come-  
 tis, ideoque potius se applicat Stevinio. Gemma  
 tem noster in Supplemento Astrolabii parisi, sic terminos  
 ponit. Aurora & crepusculi Levantensis Solstitio æquo,  
 hora prima noctis & 15. minuto Aurora emergere inci-  
 pit, hora decima vespertina & 14. minut. crepusculum  
 componit. Solstitium Brumale hora 6. mane & 4. min.  
 primam lucem fundit, hora 3. vesperti & 16. minut. no-  
 villam supprimit. Utroque æquinoctio hora 4. & 10.  
 dem minut. Aurora foret pandit, vesperti hora 7. & 10.  
 minut. 30. crepusculum claudit. Aurora & crepusculorum  
 varius & arcentissimus color, sed mirabilior & jucundior  
 Aurora, tum comparatione noctis jam fugientis, tum  
 quia plures vapores nocte coacti, non noctem & insensum  
 aera dissident, qui radio Solis primam icti, fluctuare  
 laxati, & dispergi incipiunt; & nunc purpureos, nunc  
 virides, puniceos, aut eroces colores, prout opacitas  
 compressior fuerit, aut solutior, representant. Hinc au-  
 roram alii purpuram nominant.

Ovi. 5.  
 Musa

Ecce digni nido parsetis ab Oris  
 Purpureas Aurora fores, & plenior aërum  
 Aëria

Virgill.

Typhoni spectant linguas Aurora cubile.

A similitudine etiam flagrantium & puniceantium in pu-  
 dore genarum, Navius pudiciorum dixit,  
 Sed quare vapores & halitus nubium, inquit, non in-  
 terdicit

interdiu & meridiano Sole, ut Aurora & crepusculo coloratur. Causa una est, quod Sol hæmisphærio nostro jam illius, pluribus radiis & ampliori lumine, nubium opacitatem dissolvat: unde albæ magis apparent, quam purpureæ. Altera, quod, etsi radius nubes totas non perterebrat, reliquum tamen dici circumfusi lumen, tenuem vaporis purpuream suppressit & offuscat, sic enim etiam tincturas aliorum in candorem & reliquam cœli faciem, digerit.

*Et jam Plaias habes, flexi jam plaustra Boreæ* Lucan. l. 2.  
*In faciem puri redeunt languentia cœli.*

Quod inde potest probari, qui ubi Sol jam primum super horizontem totus emerit, Aurora statim purpuream & pudorem abjicit; & si nubilo purgata, sit dies, omnia eandem ab horizonte ad Meridianum; & tamen Occidentibus. v. g. Gandensibus aut Burgensibus, adhuc Aurora est & vapores aliquantulum elevatos, quos nos albentes, ipsi purpureos vident; quia radii, quibus Sol cælum anticipat, ut cum Lucretio loquar, suppresso adhuc ipsis infra horizontem sidere, non tam uberrim oculos perstringunt, umbras eluant, cum quibus lumen Auroræ ad eos venit.

Tertia causa est, quia lux Auroræ per majorem longitudinem vaporum rorulentorum circa terram hæsitantium, ab horizonte ad nos trajicitur; unde magnam colorationis partem à medio rapit. Hæc etiam ratio est, cur Sol in ortu suo rubicundior, quam meridie appareat. etsi hic per mediam nubem adspiciatur; quia, inquam, radios terræ superficiem deradens, longam rorantium guttularum aciem pererrat, in quibus sæpiculè offensus & refractus umbris etiam innumeris implicitus, tandem coloratus emicat ad oculum. E Meridie autem, nec per tot aut tam densos vapores in nos dejicitur; ut proinde pauciores umbras colligat, nec tam sæpè refringatur; quæ vero reliquæ, & pertinacius inhæserunt, plena illa & abundante diei luce consumuntur. Et hic etiam libelli nostri labor. In quo si quid à recto abivit, à me detortum; vera & concinna ab eo sunt, qui docet hominem scientiam. Totum igitur istud ei red-

Lucres. l. 5.

Psal. 91

lora & coelestibus ac æternis propiora ducendam; perdidimus. Quid enim putatis! Angelos & beatas illas mentes, in bonis tantum supernaturalibus, & summis, laudare Creatorem? etiam in naturalibus istis, & infimis faciunt Imitemur. Ubique enim magnus & Sapientissimus Opifex sui posuit admirationem, & retia terendit, quibus nos ad se rapiat, & in cælum. Per istos etiam oculos, clamat D. Eucherius, in futurum cupiditate magna, ex parte vaptamur, si admirationem ex Mundi contemplatione capimus, retorqueamus in ipsum sanctam machinam Auctorem; aut si cogitemus quantum in posterum splendor lucis possit luminibus occurrere, cum se nunc tantum insinuat; quam magnifica fulgebis perpetua forma rebus, cum sit nunc tam speciosa per

FINIS.

# INDEX CAPITUM ET ARTICULORUM.

## LIBRI I.

### De Meteoris in generâ.

Cap. 1. Quid, & quotuplex meteorum pag. 1

Cap. 2. De loco generationis meteorum 3

Art. 1. De suprema regionis aeris quantitate ib.

Art. 2. De quantitate medio & infima regionis 7

Art. 3. De figura regionum aeris 9

Art. 4. Qualitates regionum aeris 11

Art. 5. Quomodo radius Solis directus non impediatur nubium in media regione concretionem 14

Art. 6. An superior aeris regio vaptu calis circumducatur 18

Cap. 3. De causa materiali meteororum 10

Art. 1. An ex terra substantia etiam resolvi possunt exhalationes 21

Art. 2. An vapor & exhalatio speciei differant ab elementis gravibus, quibus extrahuntur 24

Cap. 4. De causa efficiente meteororum 16

Art. 1. Georgius Agricola & Lydiatus nuntiant ignem subteraneum facere principem autem vaporum & exhalationum ib

Art. 2. Defenditur Aristoteles, Agricola & Lydiatus rejiciuntur 19

## LIBRI II.

### De meteoris ignitis.

Cap. 1. Materia & forma ignitorum 33

Cap. 2. De meteoris ignitis infimae regionis 39

Art. 1. De igne fatuo ibid

Art. 2. De Castore, Palluce, Helena 42

Art. 3. De igne lambente 43

Cap. 3. De meteoris ignitis mediae regionis 46

Art. 1. De Dracone stella cadente ib

Art. 2. Qui modus generationis fulminis 50

Art. 3. Dæmones non esse, ut plurimum causam fulminum: adversus Jo. Bodinum 52

Art. 4. De fulgore & cornuscatione 56

Art. 5. Fulminum divisio 58

Art. 6. De admirandis effectibus fulminum 59

Art. 7. De lapide fulmineo 62

Art. 8. Qua res fulminis obnoxia, aut ab eo tuta 63

Art. 9. Causa tonitruum. Anaxagora, Seneca, Taracelsi, Bodini, rejecta 66

Art. 10. Peripatetica & vera causa efficiens tonitruum 68

Art. 11. Cur demum post cornuscationis fulminis, tonitruum audiamus 70

Art. 12. De effectibus tonitruum 72

Art. 13. Tempus & signa fulminum, ac tonitruum 74

Art. 14. Tormentorum nostrorum, & fulminum comparatio 76

Cap. 4. De Procellis 82

Art. 1. Qua causa procellarum ib.

Art. 2. Procellarum effectus 87

Art. 3. Praesagia procellarum & tempestatum ib.

Cap. 5. De meteoris supremæ regionis aeris 87

Art. 1. De Capra, Trabe, Pyramide, &c. 88

Art. 2. De Galaxia 91

## LIBRI III.

### De Cometis.

Cap. 1. De loco generationis Cometa-  
rum

Art. 1. Cometa quidam calidus fuit, eximi-  
us quorundam parallaxi ib

Art. 2. Argumentum parallaxeos frustra elu-  
dunt Scaliger, Claramontius, Galilaeus 101

Art. 3. Cometa quidam caelestes etiam esse cog-  
noscuntur, ex motu, propria sub eodem circulo  
maximo 104

Art. 4. Ex ortu & occasu Cometarum col-  
ligi quosdam saltem supremam aeris regio-  
ne excedere 104

Art. 5. An Aristoteles Cometas caelestes, &  
noviss in caelo astra quandoque gegit ex-  
istimaverit 109

Art. 6. Cometas aliquos, sublunares esse 113

Cap. 2. De materia Cometarum 116

Art. 1. Materiam sublunarium Cometarum  
aerem & aqua balneum ibid

Art. 2. Cometa caelestes sidera non sunt, et si  
in mundi coavis. Adversus Chaldaeos, So-  
cratem, Cardanum, Erastostenum 120

Art. 3. Nec Cometas esse privum stellarum se-  
nsu anam conglomerantium coevis 122

Art. 4. Non omnium caelestium Cometarum  
materiam esse terrestres halitus 126

Art. 5. Neque caelestium Cometarum materiam  
esse partem fluidi aetheris in nodum  
contractam & addensatam 129

Art. 6. Cometarum caelestium materiam esse si-  
deribus forte exhalari 132

Art. 7. Quomodo è halitibus caelestibus com-  
pugnandi aetheri Cometa 137

Cap. 3. De causa formali, efficiente, fi-  
nali Cometarum 139

Art. 1. An Cometa aliquid praefigant, & quo-  
modo ibid

Cap. 4. De proprietatibus Cometarum 143

Art. 1. Causa barbarum & villorum in Co-  
metis 144

Art. 2. In qua materia lux illa cauda Com-  
etarum sustentatur 148

Art. 3. Causa curvatura cauda in Cometis 150

Art. 4. De motu Cometarum 153

Art. 5. De magnitudine, & duratione Com-  
etarum 157

Art. 6. Quo tempore anni plures cometa 159

Cap. 1. De causa materiali ventorum 164

Art. 1. Materiam venti non esse aerem ib

Art. 2. Halitus, venti materiam esse 164

Cap. 2. De causa efficiente ventorum 165

Art. 1. Rarefactionem, aut condensationem,  
causam efficientem ventorum omnium esse.  
Adversus Beryvium, & Jo Zap.  
Bened. Emp. 165

Art. 2. Motum venti non propria fieri repul-  
sione, & nubibus, sed plerique ex  
motu 167

Art. 3. Angeli non sunt ventorum ordinatores  
Et li, Adversus Bodinum, & quosdam al-  
ios 170

Art. 4. Causam efficientem motus ventorum,  
non esse terrae pulchritudinem. Adversus Ro-  
rum 174

Art. 5. Ventus gravitate sua in terram desu-  
mit torrentes & fluxus per alveos 175

Cap. 3. De causa formali ventorum 178

Cap. 4. De causa finali ventorum 180

Cap. 5. De numero ventorum 181

Art. 1. Quot, & quibus nominibus recognos-  
centur venti ib

Art. 2. Qui modo Indices ventorum descri-  
bendi 184

Art. 3. A quo horizonte sumendum initium  
ventorum 185

Art. 4. An eodem vento navis terram orbem  
circumnavigare possit 189

Cap. 6. De ventis annivetsariis 190

Art. 1. Tempus Etesiarum ibid

Art. 2. Causa efficiens Etesiarum 195

Cap. 7. De ventis provincialibus, Apo-  
gais, & Ausis 198

Cap. 8. De proprietatibus ventorum 199

Art. 1. Ventorum Septentrionalium qualitates 209

Art. 2. Ventorum Meridionalium qualitates 205

Art. 3. Ventorum Orientalium qualitates 211

Art. 4. Ventorum Occidentalium proprietates 215

Cap. 9. De tertio motu 215



# INDEX CAPITUM.

Art. 1. Quae causa efficiens terra motus	221
Art. 2. Quae tota obiecta in terra motibus	222
Art. 3. De magnitudine, & duratione terra motus	225
Art. 4. Quae anni tempora maxima sentiens terra motus	228
Art. 5. Quae signa antecedentia terra motus	230
Art. 6. Effectus terra motus	232
Art. 7. Timor Numinis causa finalis terra motus	237
Art. 8. Comparatio Conculorum nostrorum Philistinum cum terra motu	239

## LIB. V.

### De Meteoris aquis.

Cap. 1. De Mari	244
Art. 1. Quae origo, & quantitas magnitudo maris	245
Art. 2. An terra & mari idem sis centrum	248
Art. 3. De salitudine maris	251
Art. 4. Caetera aqua marina qualitates, & effectus	259
Art. 5. De motu aquationis maris	264
Art. 6. De libratione, & raptu maris	266
Art. 7. Historia marini aestus	272
Art. 8. Sententia aliquot belliores, de causa efficiens marini aestus rejecta	276
Art. 9. Lunae princeps causa marini aestus. Sol tamen etiam in partem aliquam venit	283
Art. 10. Quae virtus Luna aestus moveat	287
Art. 11. Quae virtus occidente Luna aestus augere faciat	292
Cap. 2. De fontibus	297
Art. 1. De materia fontium	298
Art. 2. Quae causa aquam fontium in scaturigines pellat. Male à Bodino, Conimbricensi, Scaligero, Valesio assignatum	301
Art. 3. Vera causa quae aquam fontanam deducit ad scaturigines	306
Art. 4. Unde calidi fontes qualitatem illam habent	309
Art. 5. Unde frigidi medicati qualitatem illam traxerunt	312
Cap. 3. De fluminibus	314
Art. 1. De fluminum alveis	ibid
Art. 2. Quae de causa Nilus, Niger, Melas,	

Argentens, aliquae fluvii sic exundant	317
Art. 3. Quanam aquarum in usu laudatissima	322
Art. 4. Quid censemus de variis miraculis aquarum, quae à Scriptaribus passim aut sparsim jactantur	325
Cap. 4. De Rore, Pruina, Melle, Manna	320
Art. 1. Quae causa roris	ibid
Art. 2. Effectus roris	333
Art. 3. Pruinae causa, & effectus	334
Art. 4. De fide illis quae de D. Virginis appellatione jactantur	335
Art. 5. De melle	336
Art. 6. De manna	338
Art. 7. De Saccharo	343
Cap. 5. De Nube & Nive	344
Art. 1. Quae causa nubes in ethera aeris generatione suspendat	346
Art. 2. Figura nubium circularis est. Adversus Cordanum	347
Art. 3. De nive & causis ejus	350
Art. 4. Effectus nivis	353
Cap. 6. De pluvia	356
Art. 1. Quid pluvia & quotuplex	ibid
Art. 2. Quam alte aqua pluviae penetrat in terram	358
Art. 3. De pluvii prodigiosis	361
Art. 4. De ranarum pluvia	364
Art. 5. De Diluvio	365
Cap. 7. De nebula	369
Art. 1. Quid nebula	ib
Art. 2. Proprietate quadam nebula	370
Cap. 8. De Grandine	372
Art. 1. Quid grando, & ejus causa	ibid

## LIB. VI.

### De Meteoris apparentibus.

Cap. 1. De Iride Solari	377
Art. 1. Varia Iridum historiae	ibid
Art. 2. An Iris reflectione radiorum Solis, aut refractione fiat	379
Art. 3. An Iris Circularis. Adversus Posidonium, Senecam, Plinium, Bodinum, & alios	384
Art. 4. An centrum Solis oculi, Iridis operatur semper in eandem lineam rectam incidere	385
Art.	

# INDEX CAPITULI.

Art. 5. An Iris videri possit maior semicirculari	394
Art. 6. De Iridis altitudine	399
Art. 7. Causa maculosa colorationis Iridis. Adversus Albertum, Scaligerum, Cardanum, Maurelicum Vicomecatum, & alios	402
Art. 8. Quis numerus colorum in Iride	406
Art. 9. Modus generationis secunda Iridis, Alberti, Scaligeri, Vicomecati rejectur	408
Art. 10. Nec Maurelicus, aut M. Antonius in secundaria Iridis explicatione satis placens	412
Art. 11. Secundariam Iridem reflectione primaria confirmari	414
Art. 12. An Iris ultra geminam, & quo colorum ordine apparere possit	418
Art. 13. De variis Iridis motibus	421
Art. 14. Locus & tempus Iridis	423
Art. 15. Effectus & significatio Iridis	426
Art. 16. De Iride Lunare.	429

CAP. 2. De Halo, five Corona	431
Art. 1. Quis modus generationis Coronae, & nota, Albertus, M. Antonius, rejecti	434
Art. 2. Corona proprietates	439
Art. 3. Tempus & praesagia coronatum	440
Art. 4. De lucernarum Coronis	442
CAP. 3. De parellis, Paraselenis, & Virgis	444
Art. 1. An Parasipsum lumen Solis nubium sum sit, an Solipse visus in speculo	448
Art. 2. Tempus, locus, numerus, proprietates Parellorum	451
Art. 3. De Paraselenis, & Virgis	454
CAP. 4. De Spectris & Phasmatibus	456
Art. 1. An equites, discurrere, & acies in nubibus belli simulacra cedere naturae valeant	459
Art. 2. De Aurora & Crepusculo	461

F I N I S.

D E  
C O M E T A

ANNI CIO. IOC. XVIII.

DISSERTATIONES

THOMÆ FIENI

I N

Academia Lovaniensi Medicinæ,

E T

LIBERTI FROMONDI

Philosophiæ, Professorum.

*In quibus tum istius motus, tum aliorum omnium  
essentia, effectus, & præsagiendi facultas decla-  
rantur.*

---

*Ejusdem THOMÆ FIENI Epistolica quæstio,  
An verum sit, Cælum moveri, & Terram qui-  
escere?*

---

L O N D I N I,

Typis & Impensis J. Redmayne, pro Georgio West,  
apud quem præstant Oxonii. 1670.

COMPTON

ANNO DOMINI 1784

DISSERTATIONES

THOMAE FLEMY

Academiae Lovanienfis Medicinæ

LIBERTI FROMONDI

Philosophiæ, Professoris

In quibus sunt: I. de ratione, II. de sensibus, III. de voluntate, IV. de intellectu, V. de memoria, VI. de imaginatione, VII. de ratione, VIII. de sensibus, IX. de voluntate, X. de intellectu, XI. de memoria, XII. de imaginatione.

Imprimi curavit: J. B. M. FLEMY, Bibliopola

Anvervæ, apud J. B. M. FLEMY, Bibliopola

1784

1784

Typis et Impensis J. B. M. FLEMY, Bibliopoli

Excellentif. & Amplif. Viro Domino

FRANCISCO PAZ

Regiæ Catholicæ Majestatis,

E T

Sereniffimorum Principum Belgarum Medico

L. M. D. C.

Libertus Fromondus.

**S**I Te toto Belgio eruditorem, si arcanorum Naturæ curiosiorem reperissem, *Excellentissime Domine*, non haberes hoc è cœlo munus; *Cometam* nostrum dico, quem, consentiente, imò præeunte Clar. Viro Thoma Fieno Academiæ nostræ Archiatro, naturæ cœlestis, & in æthere summo inter sidera Errantia palantem constituo. Vides non meliorem muneris partem, à me esse, & nihilominus tamen, Domino non renuente, imò invitante, interesse gratiæ putavi, etiam alieno tibi placere. Si mea enim spernes; tanti Viri, & cujus alibi ingenium mirificè probasti, non poteris: qui te etiam sine fine eruditionemque tuam extollit ac differt. Maçti hac virtute Hispani, & non armis solum, sed ingenio implete Terrarum Orbem: sic enim est, Martem vestrum utrique Orbi terribilem ingenioso Mercurio æquatis; & in incerto est, cedâtne Eruditæ Armata Pallas. Si enim Theologiam, si Jurisprudentiam, si Medicinam, si Philosophiam adspicio, ubique video penes vos Principatum. Septentrionem corpore, Meridiem ingenio validum fama olim, & res habebat: rara fœlicitas, Natura utrumque in vos addensavit, & dotes, quas alibi spargere solet, hîc cumulavit. Tu à gente tua non abis *Ex-*

A

*cellen-*



*Epistola Dedicatoria.*

*cellentissime Domine* : imò illa à te videri potest; ita inter  
doctissimos tu plane *Excellentissimus* emicas. Eà re Mo-  
narcha Catholicus Medicorum suorum Concilio te mis-  
cuit, *Serenissimus* Belgarum Princeps etiam præfecit : id  
est, Patriæ felicitatem unà credidit, quæ in illo tota niti-  
tur, cujus regis valetudinem. Huc artes, huc vitalia om-  
nia pharmaca ( quod facis ) congere, ut labentes venas  
corrigas ( utinam nobis etiam recoquas, instar *Æsonis* ! )  
unde nos sanguinem trahimus & vitam. Brevia enim,  
*Syrtes*, naufragia metuimus amisso hoc *Nauarcho*. Deus  
illum per Te nobis sospitet, Teque ut illum possis, *Ex-  
cellentissime Domine* : & tot *Annalium* testibus, imò *Orbis*  
*Terrarum* præjudicio infami *Cometa*, aliquid melioris  
famæ adspira, & tua.

*Lovanii pridie Calendæ*

*Februar. M. DC. XLX.*

# Libertus Fromondus


Clarissimo Viro

THOMÆ FIENO

In

Academia Lovaniensi Archiatro

S. D.



*Peregrinum nuper istud in aethere sidus, an ignem vidisti, Clarissime Vir; & magnitudinem, motum, semitam, quæ erepsit in Septentriones, non dubito, notasti; & cætera, quæ ad ejus ingenium. Si bene, Te enim novi, non dormisti ad tam illustre spectaculum. Vetera quippe illa medicina columina, hoc etiam Natura, & Astro-  
rum amore amularis, nec intra humani corporis, aut elementorum ambientium angustias curam contines, sed longius in cælum mittis. Hoc est, quod Te potissimum è rotâ hâc studiorum Universitate delegerim, ad quem scriberem; & pariter invitabat benignus ille affectus, quem largitus in me fundis. Doce nos ergo, Magne Ma-  
gister,*

Unde rubescens ferali crine Cometæ.

*Quâ materiâ, & ubi flagrent: quis eos incitet motus, quid lugubre ferant. Detrahe aut adange eis infamiam. Gratiam Galli, Itali, Hispani, & vicini nostri Germani  
Astro-*

*Astronomie hodie Principes debebunt : & considerationi-  
bus suis component, si similitudine forte, aut diversitate  
certam eliciant parallaxin, altitudinisque deinde conse-  
cturam, & cœlestine Mundo miscere debeamus, an  
Elementari. Philosophia etiam veritatis aliquis hinc ra-  
dius affluet, & gloria Tiki magnus. Vale magnum  
Academia nostra decus, & ama qui te reveretur, &  
à virtute, & eruditione aeternum suspiciet.*

Lovanii ex Falcone nostro

3. Idus Januarias

M DC. XIX.

THOMAS

THOMAS FIENUS

D. Liberto Fromondo

PHILOSOPHIÆ

*Professori Eruditissimo,*

S. D.



Alde vecors, & parum curiosus rerum naturalium sim; *Eruditissime D. Professor*, si eximium illud mundi miraculum, Cometem, qui hisce postremis mensibus, Novembri scilicet, ac Decembri anni præcedentis, & hoc Januario anni M.DC.XIX. præsentis nobis illuxit, & etiamnum adhuc, etsi admodum tenuiter illucet, non aliquando intueri, admirari, observareque stâruißem. Itaque aspexi & consideravi frequenter, & ferè toties, quoties per auræ serenitatem licuit: plerumque ter una nocte, hora sexta vespertina, duodecima noctis, & sexta matutina. Quid autem circa eum animadverterim, & quod meum sit de ejus motu, essentia, loco, ac præfagiendi potestate iudicium; libenter, ut petis, perscribo. Rogans, ut cum meum videris, arque examinaveris, tuum quoque communicare non graveris, & quid de meo sentias, declarare. Scribo autem hæc præpropere, levi rudique Minerva, ac stylo plane philosophico; tum quia questio Philosophica est, & Tu Philosophiæ Professor: tum etiam, quia praxis mea, & quotidiana Professio, & studia medica magis secta, me multum operæ hisce impendere non permittunt: minusque ornari ac phaleris adhibendis.

Quo tempore nobis primum Cometa iste illuxerit, non satis constat. Ferunt ruri habitantibus, atque Agricolis, etiam à Septembri, atque Octobri visum esse; quod à veritate est alienum. Etenim si Cometa hic tamdiu apparuisset, à Dodecamorio Scorpii, decimoquarto scilicet vel 15. gradu ejus, proculdubio processisset: hoc enim reliquus ejus cursus demonstrat. At Octobri Sol in illo signo fuit; quare radiis Solis occultatus, & cum Sole de die super Hemispherium nostrum decurrens, dubio procul videri nulla ratione potest.

Ad nostram hæc Lovanii notitiam non venit ejus apparitio nisi circa

circa principium Decembris. Quo præcisè die ego eum primò aspexi, aut observaverim, non equidem recordor. Cum hoc sciret, scio ipsum infra Arcturum fuisse. Quo itinere ed venerit, ignoro. Cum reliquum ejus motum considero, & quâ rectitudine, ex qua eum diligentius observavi, semper ad Septentrionem perrexerit, verisimile mihi sit, eum, uti dixi, à Scorpione per Bootis dextrum genu venisse. Inde paulatim adscendit quam proximè ad illas stellas quæ sunt in lumbis Bootis: Inde non longè à stella quæ est in humero sinistro Bootis: Inde valde prope illam, quæ est in sinistro cubito Bootis: Inde medio loco inter ultimam stellam caudæ Ursæ Majoris, & stellas quæ sunt in sinistra manu Bootis: Tandem per caudam Draconis, loco præcisè medio inter penultimam, & antepenultimam stellas caudæ ejus, ad locum qui ferè medius est in rectâ linea inter stellam polarem, & majorem in anterioribus cruribus Ursæ, quæ vocatur Dubbe, iterque ad stellam polarem demonstrat, pervenit. Ubi cum fuit, non amplius sui parvitate, luminisque tenuitate visibilis fuit, sed plane ex oculis evanuit.

Die undecima Decembris, quæ erat dies Martis, manè hora sexta stetit inter Arcturum, & stellam quæ est in dextro cubito Bootis. Cum ad meridianum nostrum venit, fuerit in altitudine supra Horizontem sexaginta quatuor graduum, remotus versus Austrum à nostro Zenith gradibus viginti sex.

Die decima quarta Decembris manè, quæ erat dies Veneris, fuit paululum supra eas stellas, quæ sunt in lumbis Bootis, in recta fere linea inter Arcturum, & stellam quæ est in sinistro humero Bootis. Cum venit ad meridianum, fuit in altitudine graduum septuaginta circiter cum dimidio.

Die decima septima Decembris, quæ erat dies Lunæ, distabat à stella, quæ est in sinistro cubito Bootis, quatuor circiter gradibus. Veniens ad superiorem meridiani partem fuit in altitudine octoginta duorum circiter graduum, distans à Zenith nostro gradibus octo. Ex quo computando spatium quod confecit quotidie, liquet eum à die decima sexta non amplius occidisse; sed semper supra Horizontem mansisse, totaque nocte, ac vespere visibilem fuisse.

Vigesima secunda Decembris, quæ erat dies Sabbathi, vespere hora sexta, visus fuit tenui lumine, & parva cauda præditus, in recta linea inter ultimam stellam caudæ Ursæ Majoris, & proximam ac infimam stellarum illarum, quæ sunt in sinistra manu Bootis; distans ab ultima stella Ursæ Majoris tribus circiter cum dimidio gradibus. Veniens ad superiorem meridiani partem, fuit in altitudine octoginta graduum: proindequæ à Zenith nostro distans non nisi uno gradu,



Ascendit autem inter penultimam, & antepenultimam, ut  
stellas cauda Draconis.

Vicesima quarta Decembris fuit in extremitate parvi (ut pingi so-  
let) digiti sinistri manus Booris, in recta linea cum duabus antere-  
bus stellis cauda Ursae Majoris. Veniens ad meridiani superio-  
rem partem, fuit in altitudine octoginta sex graduum, cum dicta die  
serens, distans à Zenith capitis nostri gradibus quatuor. Exinde  
non fuit amplius pro luminis sui tenuitate, ut dixi, visibilis; nisi  
missimo visu perdisis, & locum, ad quem fere debuisset perve-  
nire, transmittitur ejus callentibus, ad minus, quod usque ad un-  
decimam Januarii, caelum perpetuo nubibus testum fuerit.

Undecima ergo Januarii fuit natum à me visus; & apparuit in  
recta linea inter stellam polarem, & superiorem stellam quae est in na-  
tus Ursae Majoris. Sic ut, cum ad meridiani superiorem venerit  
noctem, debuerit fuisse fere in altitudine sexaginta sex graduum; di-  
stans à polo gradibus quindecim.

Adhuc fuit à me observatus decima octava Januarii, fere jam invi-  
sibilis; tuncque fuit in recta linea inter stellam polarem, & stellam  
Dubbe, fere medio loco, propinquiore tamen ipsi stellae Dubbe;  
in loco, quod veniens ad superiorem meridiani partem facit in alti-  
tudine sexaginta & unius circiter graduum; proinde à polo distans  
septem gradibus. Ex eo tempore ne quidem fatigatissimis oculis cum  
magis potui comprehendere: sed visum omnem excessit. Quapro-  
pter valedixi: promitteos, quod proximo, vel ipsius, vel conser-  
vati suorum, reditu, omnem ejus motum exactius esse observatu-  
rus. Nunc enim, quia radin Astronomico carui, ejus principu-  
m in coelestium siderum dimensionibus est usus: neque ejus altitu-  
dinem supra Horizontem singulis inspectionis horis, neque exactam  
aliquis stellis distantiam, neque certum modum irregularitatis  
motus ejus, ita parvis potui observare.

Cum primum nobis apparuit, cauda fuit horrendae magnitudinis,  
cum adhuc circa Arcturum esset, tunc fuit magna, ut sadè  
concedatur, fere spatium 41. vel 50. graduum videretur occupare.  
Itaque ut ad Polum ascendit, atque à Sole remotior factus est, si-  
cut ipse minus lucidus, ita quoque & cauda ejus brevior, & tenuior. Pro-  
prie enim caelum fuit serenum, et tunc quoque modo brevior, modo  
longior apparuit.

Quia proportione defecerit, ideo animadvertimus potius, quod  
in diebus sequentibus, tres quatuorve, imò etiam quindecim, aut  
decem intercurrentibus, quibus ejus aspectus nobis fuisse potuit. A  
decima Decembris paullum luminis, caudaque fuit, ut non nisi acutis-  
simo visu, longo intuitu, & non nisi aëre, qui totum ejus motum  
motum.

motumque quoddam inspectione fuerat profectus; potueritque apprehendi. Motus ejus absque dubio fuit irregularis. Primis temporibus, tres aut duos cum dimidio gradus quotidie confecit: ut scilicet coepit, & languens, pauciores. Adde ut sub finem, vixit num confectus potuerit.

Augustus tunc, *Eruditissime D. Professor*, cum ego circa motum hujus sideris potui observare. Qui si bene perscrutatus, experientia quod à telescopio, quo cum observavi, facile confecerit iter 70. graduum: quodque recto tramite motus fuerit, nec deflexerit, motusque suo descripserit portiones circuli magni, id est, circuli tantis tantis per centrum mundi, & sphaeram in duas partes aequales scinditis; quodque serò ab usque Tropici ad Polam ascendens, & ab Austro in Septentrionem motum suum direxerit.

Porro quod ad ejus actiones effecim, & naturam, utique non definire, cum propter varias doctorum virorum opiniones, neque experientias; tum propter gravissimas rationes in contrarium pugnantissimas, difficilissimum est.

Varii varii senserunt; quorum opiniones partim recedunt, partim resistunt. Plurarchus libro 3. de placitis Philosophorum capite 2. Aristoteles 1. Meteor. capite 6. & 7. Seneca toto libro 7. nihil aliud quam quidam, Aliqui dixerunt esse corpus celeste, & sidus, quod est, ut Pythagorici, Hippocrates Chrus, Alchylus, Apollonius Myndius: qui tamen adhuc in sua opinione in diversa abierunt. Alii communem lucem ex concursu Planetarum, in longum prodeciunt, ut Anaxagoras, & Democritus: alii esse globum quendam materiae celestis, qui aliquando à Sole illuminetur, & fit visibilis, ut Cardanus libro 1. de varietate rerum capite 7. alii exhalationem quandam calidam, subtilis, pinguem, in suprema aeris regione accensam, ut Aristoteles 1. Meteor. capite 7. & qui cum secuti sunt Peripatetici plerique omnes: alii esse exhalationem quandam, non quidem igneam, aut accensam, sed Solis lumine perfusam, & sic lucere, ut Sestiger in Cardanum exercitatione LXXI. dixerunt. Alii omnium opiniones evulgare propositum non est: sed hoc solum, An Cometa sit corpus celeste, & sidus aliquod; an vero meteorum, & exhalatio ignea; & quid in idem recidit, an sit in caelo, an in aere? haec enim sequenda sequuntur, & convertire dicuntur. Nam si est sidus, & corpus aliquod celeste; ergo est in caelo, & contra: si est meteorum, & exhalatio ignea; ergo est in aere, & e contra: item cum dicet corpora celestia, vel terra, vel caelum, vel aërem ascendere; vel exhalationes elementares in caelum ascendere, non in aere, & contra.

Difficultatibusque accessit, prout Apud eos, sentiantur Cometae.

Cometas & Epigenes, ut testatur Plutarchus loco citato; Almoder, Albertus, Averroes, D. Thomas, Nih. huius, aliique plurimi. Regiomontanus magus Mathematicus agens de Cometa anni 1475. voluit demonstrare illum in aëre, atque infra Lunam fuisse: ex quo sequitur fuisse meteorum, ac ejusmodi exhalationem accensam. Idem legimus demonstrasse quidam Joannes Voghelianus de Cometa, qui fuit anno 1532. Positum ipsum esse exhalationem in aëre accensam hoc argumento videtur probari. Vel Cometa est talis exhalatio accensa, & Meteorum; vel est corpus coeleste: non est corpus coeleste: ergo. Major est vera; sequela est bona. Minor videtur non probari variis rationibus.

Primo, Si Cometa est corpus coeleste, quale est? estne aliquod corpus distinctum a natura stellarum, & siderum, an vero etiam stella? Si corpus aliquod distinctum, quale est, & unde provenit? si stella, qualis est? Non enim est stella fixa; quia movetur: non est enim, quae planetarum appellantur; quia tales ab omni ævo notatae sunt tantum septem: Cometa non est unus ex illis. Insuper Planetarum omnes feruntur per Zodiacum, & ab Occidente in Orientem: Cometa non; sed movetur in omnem situm, ad Austrom, Septentrionem, Orientem, & Occasum; ut ex historiis, & descriptionibus Cometarum variis est manifestum: & nominatim noster hujus anni Cometa ab Austro præcisè in Septentrionem perrexit.

Secundo, Si Cometæ sunt stellæ; vel sunt stellæ, quæ semper fuerunt in cælo, & cum mundo sunt creatæ; vel nunc primum generantur cum apparent. Non fuerunt semper in cælo ab orbe condito; quia si fuissent, semper quoque, & omni die, sicut aliæ stellæ, apparuissent. Nulla enim ratio esse videtur, quare uno tempore magis apparerent, quam alio; & cur minus quotidie apparerent, quam aliæ stellæ. Non enim potest dici, quod ut plurimum lateant sub velo Solis, & ideo non videantur; sed solum tunc, cum ex radiis Solis emergunt, ut Pythagorici asseruerunt. Neque potest dici, quod lateant in profunda cæli altitudine, & ideo propter distantiam non videantur; sed solum tunc, cum motu suo ad intuitum cœli hescunt, ut dixit Apollonius Myndius: quia hæc opiniones cum ab Aristotele, tum a Seneca, locis citatis sunt efficaciter refutatae. Non poterant etiam de novo: quia in cælo non sunt generationes, aut corruptiones; neque unquam in cælo ulla percipitur mutatio. Cœlum enim, ut inquit Aristoteles 1. de Cælo, capite 3. textu 20. est ingenerabile, & incorruptibile. Denique aliæ stellæ non generantur, neque corrumpuntur, sed in eodem semper statu permanent, & ab orbe condito huc usque perseveraverunt. Quare & Cometæ perseverare deberent, si ejusdem cum aliis stellis naturæ essent. Videtur

detur enim quod eadem communis aliarum omnium stellarum natura, & conditio, eis quoque competere deberet.

Tertio, Cometae augentur, & minuantur: hoc non competit & debetur, quia illa in eadem semper permanens magnitudine, eorum Quinimo libet videtur esse evidens argumentum, Cometae esse exhalationes accensas, & ignem quendam, qui ut primum accenditur, minor est; & prout fomes capit incrementum magisque accenditur, ita paulatim maior apparet: & cum iterum fomes incipit deficere, ad marem est plane exusta, paulatim iterum minuitur, quousque tandem in totum evanescat.

Quarto, Cometae differunt figura ab aliis stellis, ergo. Etiam aliae stellae omnes sunt rotundae: Cometa est longus. Longitudo non est figura competens caelestibus corporibus, sed rotunditas. Imò illa longitudo videtur esse argumentum, quod Cometa sit exhalatione accensa. Nam ut exhalatio à terra in longum ascendit: ita cum descenditur, igne motu suo alimentum prolequente, videtur quod necesse sit debeat figuram longi ignis acquirere.

Quinto, Siderum motus est regularis, & eodem scilicet tenore semper feruntur. At Cometarum motus est irregularis: quia supràmissis ad diversa est diversis diebus ipsum inaequalia spacia cernitur, alijs, promoveri ad unum tantum gradum; alijs, ad duos recte, etiam ad quinque, sicut de Cometa anni septuagesimi septimi, scribit celeberrimus Tycho Brahe: Uraniae sup.

Sexto, Stellae non sunt pellucidae, ut per eas possit videri: sed per Cometas potest videri: nam per caudam Cometae videtur stella fixa, quae sunt supra ipsam: etiam in hoc cometae frequentes locis videre stellas per caudam eius translucentes, ergo.

Septimo, Videtur dicendum omnes Cometas esse ejusdem speciei, nam singulos à se mutuo specie differe gratis, & sine ratione diceretur. Omnes enim sunt longi, eadem figura, & lumine praediti: cum tali capite, cum tali cauda: quae identitatem accidentium additur indicare identitatem specificam. At si essent ejusdem speciei, non possent habere motus tam diversos. Constat enim unumquemque propriis ac peculati motu, ab aliorum motu diverso, semper visum esse moveri. At nullum corpus simplex tam diverso motu, & quidem proprio, ac per se praeditum esse potest. Quod propter hoc potius indicium est, Cometam esse exhalationem accensam, quae in quam partem vergit, aut in quam partem ab aliquo Planeta trahitur, eò igne alimentum suum sequente fertur.

Octavo, Si Cometae essent in Coelo, cum unus Cometa huc, alius illuc, & unusquisque in diversum situm moveatur, sequeretur, quod coelum esset liquidum, & quod Cometa deferretur per coelum, si-

quod pices per aquam. Tales enim Comete non possunt dici moveri nisi alienius orbis, cui insint, sed solum seipsum. Tam diversos orbibus, tam contrariis, ac diversos immò etiam irregulares motus habentes statuere omnino absurdum ac ridiculum foret. Atqui liquet esse cœlum esse liquidum; nam in sacris literis cap. 37. Job. dicitur quod cœli sint solidi, sicut ære fusi. Denique sequeretur, quod etiam eodem modo Planetæ per cœlum moverentur, & consequenter quod nulli essent cœli; sed quod esset unum continuum liquidum corpus, à terrâ usque ad inania spacia, per quod sidera vagarentur. Quod doctrinæ Aristotelicæ, & communi Philosophiæ, quod etiam sacris literis, quæ frequenter celos in plurali numero nominant, videtur repugnare.

Secundò, principaliter probatur hæc opinio. Multi ignes nobis apparent similitudinem cum Cometâ habentes, quos visus noster judicat esse in cœlo, & tamen sunt in aëre; & cœdunt meteora, atque exhalationes accensæ, ut Lanceæ, Trabes, fulgura, & ellæ calantes; ergo idem de Cometâ est judicandum.

Hicce tamen non obstantibus, opinio mea est, Cometæ esse in cœlo, & esse corpora cœlestia, & minimè meteora aut exhalationes in aëre accensæ. Hanc opinionem tenuerunt plurimi magni viri, Anaxagoras, Democritus, Pythagoras, Diogenes, Apollonius Myndus, Hipparchus, Hippocrates Chius, Æschylus, alique; ut Plutarchus, Aristoteles, Seneca locis supra citatis testantur. Quæ ipse quoque Seneca eam tenuit, & fortiter probavit. Præter hos inter Arabes fuerunt Messahala, Haly super secundum quadripartiti Problemæ, & Albumazar, qui anno Domini 344. Cometam à se supra Veneris orbem visum esse testatur. Inter recentiores sunt Tycho Brahe, Mathematicorum Princeps & acerrimus observator, qui libro 11. suæ Uraniæ, tenuit & probavit Cometam anni 77. supra regionem elementarem, atque in cœlo fuisse. Idem ostendit Cornelius Gemma, in suâ Physicâ, & Mathematicâ de Cometâ anni 77. tradidit. Idem Michael Mæstlinus in suis de Cometâ anni 20. observationibus in lucem editis. Idem tenuerunt Cardanus libro 19. de subtilitate, Marcellus Squarcialupus Regis Poloniæ, & Hagecius ab Hayek Imperatoris Medicus in suis de Cometis libellis, ac dialo- gis. Probatum porò ratione. Cometa non est in aëre, neque est exhalatio ignita, ergo est corpus cœleste. Sequela est bona. Antecedens probatur variis argumentis.

Primo, Cometa qui nobis nunc affulsit, affecurus est perfecte motum primi mobilis: ut ex eo patet, quod ab Austro, rectò tramite ascenderit versus Septentrionem. Etenim si à motu primi mobilis multum, rectò fuisse relictus, non potuisset tam rectò tramite ad

Sep-



Septentrionem vergere, sed plurimum ad latus, & ad Orientem debuisse deflectere. Itaque concessio quod non fuisset in celo, saltem ex eo sequitur, quod fuerit valde propè celum. Nam quæ in celo multum distant, non possunt vi capius tam efficaces & celestes circumduci: Atqui ad locum tam altum non possunt pertingere exhalationes, ergo. Minor probatur: Nubes ac vapores, ut doctores Mathematici, cum ex vaporum in crepusculis elevatione, tum ex duratione colorum in cæli nubibus post occasum Solis, ostendunt, non ultra duodecim aut tredecim millia Germanica in altum ascendunt; ergo neque exhalationes. Et ut concedatur quod exhalationes ob suum calorem paulò altius ascenderent, tamen illa differentia non potest esse ullius momenti, & non nisi duorum, aut trium, quatuorve milliarum; quod nihil facere potest ad illam immensam altitudinem, in qua absque dubio hic Cometa, & multi alii, qui motum diurnum exactè sunt affecti, fuerunt constituti. Poterit dici ascendere exhalationes tam altè, non virtute propria, sed tractas per vim ab aliquo Planetâ, aut efficacissimo sidere. Sed hoc verum non est: Etenim non à Planetâ, quia in hoc Cometa manifestum est, eum à nullo Planetâ fuisse attractum: quia à loco Planetarum sive Zodiaco planè recessit versus Septentrionem. Non ab alio sidere: quia si ab alio tractus fuisset, quando ad illius locum pervenisset, ibi permanisset. At hic Cometa recta usque ad Polum omnium Stellarum pertransiit. Ibi autem nullæ magnæ stellæ sunt à quibus trahi poterit; præterquam quod stellæ quæ apud Polum sunt, tam sint remotæ à loco in quo primum Cometa exarsit, ut earum virtus usque ad illum locum pertingere non potuisset. Porro quod sidera non possint tam altè exhalationes trahere, inde manifestum est, quod nunquam videamus tam altè nubes, aut vapores trahi. Si enim exhalationes ab aliquibus sideribus tam altè traherentur, nubes & vapores, & nubes eadem ratione ab alijs tam altè aliquando trahi possent. Accedit quod non videatur, quomodo exhalationes calide transire possint mediâ ac frigidâ regionem aeris, sine eo quod illic alioquin destruantur, includantur, & in fulmina tonitruoque convertantur.

Secundo, Cum Cometa hic nosset fuerit loco tam alto, ut ostensum est, absque dubio ejus cauda debet fuisse immensa magnitudinis: Nam cum occupaverit in cælo bene xlv. aut plures gradus debet fuisse multorum millium; imò plus quam centum mille milliariorum. At non videtur possibile, tantam exhalationis quantitatem, è terra in altum potuisse tolli, quæ non solum vastum illud corpus constitueret, sed etiam ei tanto tempore pabulum suppeditaret: ne quidem esset tota terra in exhalationes conversa fuisset, ergo.

Porro tanta quantitas fumidarum, ac terrestrium, & viscosarum exhalationum loco illo supremo constituta deberet ibi esse visibilibus; & deberet apparere in modum nigrae, & opacae nubis, & deberet si-  
 militer quibus subicitur, & ipsum etiam Cometae frequenter obscu-  
 rare, & offuscare, sic ut à nobis videri non possent: maxime, cum  
 videtur, exhalatio illa primum supernâ sui parte accendatur. Ete-  
 nim inferna pars nondum accensa, quando intercurreret, inter visum  
 nostrum, & partem accensam, frequentissime ipsam partem accen-  
 sam adeoque Cometae deberet eclipsare: At hoc nunquam factum  
 est, neque à quovis factum proditur, ergo. Quin è contra ma-  
 ximum est, quotiescunque dies est serenus, & cœlum nubibus mi-  
 nime repletum, semper Cometas perspicuum apparere, & loca omnia  
 circa Cometae clara, & perspicua, nullisque exhalationibus im-  
 pediri videri; & vicinas omnes, ac circumjacentes stellas perfectissime  
 apparere.

Tertio. Si Cometa esset exhalatio, cum exhalatio sit substantia  
 mobilis, facile divisibilis; illa pernecitate morus diurni, quo 24. ho-  
 rum spacio circa totum terrarum orbem vertitur, deberet separari,  
 scindi, dissipari: hoc non apparet, ergo. Cometa enim totus ma-  
 gis semper unitus, eodem modo servans omnes suas partes simul,  
 & eadem figurâ; sine eo quod aliquæ hac, aliquæ illac disgregen-  
 tur.

Quarto. Si esset exhalatio, non haberet figuram rectam, sed po-  
 tius globosam; quia exhalationum, & vaporum est conglobari, ut  
 patet in fumo ignis, candelæ vaporibus, nubibusque. At cauda  
 Cometae protenditur in longum per rectos radios, & nunquam con-  
 globatur, ergo. Denique, si esset exhalatio accensa, non semper  
 servaret eandem figuram: sed prout ignis modo hac, modo illac  
 currit ad suum alimentum, deberet exhalatio illa interdum magis  
 tendere ad dextram, interdum magis ad sinistram; interdum magis  
 in hoc extremo, interdum magis in opposito. Interdum deberet  
 cauda attenuari in hoc extremo, in altero augeri, interdum è con-  
 trario. Et interdum lumen esset majus in hac parte, & hoc extremo  
 caudæ, interdum magis in opposito. At ita non est, sed semper  
 Cometa sese habet eodem modo, & eadem figurâ: semper in uno  
 extremo est globus ignis, & nunquam in alio. Semper ab  
 illo globo exit cauda, primo angustior, inde in progressu paulo la-  
 tius.

Prope globum Cometae semper lumen est intensius, paulatim verò  
 caudam extenuatur, & accessit; ita ut paulatim in orbem eva-  
 dat. Immo hoc est evidentissimum signum, quod cauda Co-  
 metæ

meteo non sit aliquis ignis; sed sit splendor quidam & radii luminis  
Comete ptodeuntes, sicut infra latius ostendetur.

Quintò, Exhalationes, cum sint valde leves ac mobiles, in liqui-  
do, & inquieto, ac naturâ suâ mobili aëre, huc, illuc, temerario  
admodum motu moventur, ac fluctuant; nunquam quiescunt in co-  
dem loco; modò in hanc, modo in aliam partem deferuntur. At  
Cometa hic noster certo motu semper delatus fuit, ergo.

Sextò, Ignita meteoora non diu durant, sed statim tota simul ac-  
cenduntur, ut inquit Seneca; & brevissimo tempore extinguuntur.  
Exhalationes enim ob sui tenuitatem ab igne statim tota simul in-  
flammanur; ut patet in fulmine, trabibus, virgis, facibus, stellas  
cadentibus, &c. At Cometa diu durat, Nam, ut inquit Ariston-  
lex, ad minimum durat septem aut octo diebus; interdum tribus  
mensibus, medio anno, vel etiam anno uno; ut ex variis Cometa-  
rum descriptionibus ab Auctoribus traditis est manifestum. Item  
Cometa, qui supra Hierosolymam apparuit, ante excidium ejus, an-  
no integro duravit; ut auctor est Iosephus libro septimo, de bello  
Judaico. Refert Seneca libro septimo questionum naturalium ca-  
pite vigesimo nono, de Cometa alio, qui medio anno perduravit.

Septimò, Omnis ignis flamma scintilla; quod sit propter partium  
ejus inaequalem motum, ac distractionem, & inaequalem quoque  
accensionem, ac inaequalem splendorem; At Cometa non scintilla;  
ergo non est ignis.

Octavò, ignis motu proprio movetur per lineam rectam. Cometa,  
motu proprio (nam de diurno, cum non sit motus Cometae pui-  
se, sed tantum per accident, non loquor) movetur circulariter.  
Hic enim noster jam cœli quadrantem confecit: & ille de quo loco  
jam citato scribit Seneca, sex mensium spacio, cœli medietatem de-  
curerat: adeoque in orbem uterque ivit. Assent hoc argumentum  
Seneca libro 7. naturalium questionum capite 23. & quidquid de alio  
sit, duo saltem, inquit, tempore nostro sic motum suum in orbem  
duxerunt.

Nonò, Exhalationes debent prius accendi parte supernâ, quam  
infernâ; eò quod illâ parte sint viciniore cœlo, aut elemento ignis,  
à quo secundum Peripateticos accenduntur; unde, si Cometa esset  
ignis, deberet semper descendere deorsum, ac versus terram; pro-  
sequendo pabulum suum quod est ab infra; & ita cum durante ad  
multos annos Cometa debeant continuè e terrâ surgere exhalationes,  
quæ Cometae pabulum præstent; deberet Cometa, ut inquit Se-  
neca, aliquando ad terram usque descendere. Immo videtur, quod  
prope terram semper deberet extingui; eò quod ibi sit finis pabuli  
sui. At hoc non fit; quip potius cum pereunt, omnes videntur

malum fieri, ergo, Denique, Cometæ deberent aliquando generari prope terram ac in mediâ aëris regione. Nam cum ibi frequenter plurimæ exhalationes congregentur, & accendantur, ut patet in fulmine, atque aliis meteoris ignitis; sequitur quod ibi accensæ exhalationes deberent tam bene Cometæ figuram, ac naturam referre, quam accensæ in suprema aëris regione. Quæ enim ratio esset, cur accensæ in suprema aëris regione magis fierent Cometæ, magisque Cometæ figuram ducerent, quam in infima? At hoc nunquam fit. Nam si hoc fieret, talis Cometa nunquam occideret: quia propter distantiam à primo mobili, raptu diurno non moveretur; & sic nunquam moveretur nisi motu ventis. & quando serenus, ac tranquillus esset aër, deberet stare immobilis, & non moveri alio motu, quam temerario motu ignis pabulum suum semper. Tales Cometæ nunquam sunt visi, ergo.

Decimo, Si Cometæ constarent talibus exhalationibus, per intervalla dierum, ac Septimanarum, deberent esse modo minores, modo majores: prout uno die, aut septimanâ plus, alia minus pabuli atque exhalationum cetera efferretur. Hoc non fit, sed parillimore capiunt incrementum, cum exoriuntur; & decrementum, cum intereunt: nulla alterna dierum, aut Septimanarum mutatione, ergo.

Undecimo Si Cometæ constarent exhalationibus, non possent habere longinquum motum; nec possent recedere ab illo loco, seu à illa regione, super qua habuerunt originem: quia quando recedunt ab illa, deberent statim extinguï; at hoc non fit, quia Cometæ decurrunt super vertice variorum, ac distantissimarum regionum. Etenim hic noster Cometa decurrit super medietate orbis terræ: Decurrit à regionibus quæ sunt sub Æquinoctiali, usque ad regiones quæ sunt sub Polo; proindeque ad regiones bene bis mille minus, milliaribus inter se mutuo distantes. Cometa de quo scribit Seneca libro 7. capite 29. sex mensium spacio totam terræ medietatem circumvixit. Major probatur, quia quando ab illa regione recederent, & decurrerent super vertice aliarum regionum, longe distantium, non reperirent ibi neque præcisè in illa altitudine, unde decurrunt, paratas exhalationes, à quibus possent foveri, & sustentari; proinde deberent extinguï atque interire. Nam etsi, ubi primum fuerunt exorti: fuerit congregata magna quantitas exhalationum, à qua ipsi potuerint generari, ac produci: tamen in alia regione ad quam veniunt, & super qua decurrunt, non erit illa, vel non erit tanta, ut ab ea possint sustentari, & conquirari. Et ut esset adhuc tanta, non esset tamen præcisè ad eam aëris altitudinem certam, per quam Cometa decurrit, & in qua posset à Cometa attingi,

ringi, & absorberi. Nam pone casum, quod orrus, & accensus esset Cometa, super Angola, Congo, Mamecogo, &c. ex exhalationibus in illis regionibus in aërem elevatis; quando talis Cometa cursu suo perveniret in Hispaniam, regionem nostram, aut regiones sub Polo constitutas; non reperiret præcisè eo tempore, quo eò adventaret, paratas exhalationes, à quibus posset sustentari, quasi disposita ibi esset in adventum ejus annona, qua nutriretur, ne miser alimento destitutus, fame moreretur. Non enim eodem tempore, in omni regione, ejusmodi exhalationes semper attolluntur; & quamvis attollerentur, ad æquè determinatam altitudinem attolluntur. Evenire in una regione ad quam perveniret, esset frigus, in alia calor, in una æstas, in alia hyems: una humida, alia sicca. Que omnes non sunt æquè producendis exhalationibus idoneæ. Immo videtur, quod Cometa non posset, super Oceano decurrere, sed ibi deberet interire: quia exhalationes generandis Cometis idoneæ non ex mari, sed ex terra elevantur. Hic Cometa decurrit super regionibus verisimiliter, primò sub Æquinoctiali, inde sub Tropico, inde sub circulo Antarctico & tandem sub Polo constitutis; calidissimis, temperatis ac frigidissimis; in quarum aliis fuit hyems, in aliis æstas; super Guinæa, Lybia, Barbaria, Hispania, Germania, Moscovia, Tartaria, Russia, Islandia, aliisque sub Polo constitutis. Quis credat omnibus illis locis, semper & eo præcisè tempore, quo super vertice earum decurrit, paratas fuisse exhalationes, quibus aleretur, ac sustentaretur. Dices forte, exhalationes per modum viatici, ex loco in quo primam habuit generationem, cum ipso rapi, itque nutrirì, & sustentari; neque necessum esse, ut in singulis ad quas pervenit, regionibus, eas sic paratas, ac quasi prædispositas inveniat. Sed responsio non valet: quia non potest sustentari Cometa exhalationibus istis, à quibus primò est productus: quia illa quàm simul & semel inflammantur, & consumuntur, ut in fulguribus, & aliis meteoris ignitis, quæ uno ictu inflammantur, & statim extinguuntur, est manifestum: sed ad sui sustentationem debet habere novas exhalationes quotidie de novo excitatas ac quotidie de novo à terra adscendentes.

Acque h' argumentis videtur evidenter probarum Cometam non esse exhalationem accensam, aut meteorum; proinde sequitur esse corpus coeleste, atque esse in cælo. Quod etiam propriis argumentis sic potest probari.

Primò, motus rectus est proprius corporum sublunarium; circularis coelestium: at Cometa movetur motu circulari, ut supra est ostensum, c. 90.

Secundò, Cometa hic noster motu suo descripsit in cælo portio-



non circuli magni, id est, circuli transeuntis per centrum mundi, & secantis quodam in duas partes æquales: talem circulum describere videtur esse proprium corporum cælestium, ergo. Etenim si animadvertatur, quomodo hic Cometa ascenderit a dextro genu Bootis, per stellas quæ sunt in lumbis Bootis ad usque locum medium inter stellas sinistræ manus Bootis, & ultimam stellam caudæ Ursæ majoris; & inde usque medium lineæ, quæ ducitur à stella Polari, ad stellam Dubbe; invenietur quod confecerit portionem circuli perfecte magni. Idem fecit Cometa anni 79. eoque argumento Tycho Brahe 11. Uranie probavit eum quoque cælestem fuisse.

Tertiò, Hic Cometa exactè assecutus est motum primi mobilis; ergo est in cælo. Sequela probatur; quia si esset in regione elementari, non potuisset tam celeriter ferri, atque ipsum cælum. Quia, quod per raptum fertur, propter viciniam, & per vim; non potest tam celeriter ferri, sicut illud quod fertur primò & per se, & ex proprietate naturali: quod autem tam celeriter latus fuerit, supra est ostensum. Etenim si non tam celeriter latus fuisset, retro relictus fuisset, & contendisset quotidie motu proprio versus Orientem. Quod si factum fuisset, non potuisset hic rectam lineam ferri ab Austro ad Septentrionem; sed semper ad latus & versus Orientem abreptus fuisset. Immo hoc argumento videtur convinci posse, fuisse supra Lunam. Etenim quod perfectius assequitur motum primi mobilis, quàm Luna; hoc est supra Lunam; nam si esset infra, sequeretur, quod virtus raptus primi mobilis, moveret celerius distans, quàm propinquum; quod fieri non potest. At Cometa hic nosse celerius assecutus fuit raptum primi mobilis quàm Luna: Etenim Luna quotidie retrocedit ad Orientem, seu post relinquitur à primo mobili ad tredecim gradus. Cometa verò nosse ad Orientem non terendit, sed rectà ad Septentrionem; & sic ne uno quidem gradu post relictus fuit. Immo quotidie proprio motu non promovit, nisi ad duos, tresve gradus, ut supra est ostensum. Quare etiamsi rectà in Orientem latus fuisset, non potuisset ad summum nisi illis duobus tribusve gradibus retro relictus fuisse; quod longè minus est, quàm quotidie tredecim retro relinqui; sicut Lunæ contingit. Scribit Seneca libro 7. capite 29. de Cometâ qui sex mensium spacio medium orbem circumivit. Ille Cometa, esto quod rectà in orientem delatus fuisset, non nisi uno gradu quotidie retrocessisset. Cardanus libro 4. de subtilitate scribit de Cometâ anni 1512. quod in septuaginta, & uno diebus non retrocessisset ad 71. gradus: proindeque quod quotidie non retrocessisset nisi ad unum gradum.

gradum, cum Luna quotidie retrocedat ad quindecim, ex eoque colligit eum Cometam supra Lunam fuisse.

Quarò, Vidi hunc Cometam una eademque nocte non raro bis vel ter, ut dixi, nimirum vesperi hora septima, nocte media, & mane hora quinta vel sexta: adeoque existentem demissum ac Horizonti propinquum, & valde sublimem atque ab Horizonte remotum, & tamen nullam in eo potui percipere parallaxim aut distantiam usque ad stellas fixas sibi vicinas varietatem: nisi solum illam, quam ejus proprius versus Septentrionem motus, (qui à parallaxis ratione est excludendus) inducit. Hoc autem signum est eum in cælo fuisse. Quia cum visus noster non sit in centro terræ, sed in ejus circumferentia, si Cometa in aere ac loco terræ propinquo consistens fuisset, utique manifestam aliquam parallaxim ac aspectus ad alias stellas differentiam habere debuisset.

Verum non sufficit variis argumentis hanc sententiam comprobasse, nisi contrariæ quoque opinionis argumenta solvantur. Ad ea ergo sic respondeo.

Ad primum, negando minorem. Ad primam, & secundam ejus probationem, dico: rationibus jam in medium allatis, satis manifestum esse Cometam esse in cælo, & esse corpus cœleste. Quale autem sit, ego quidem dicere non possum, non magis, quam tot magni viri, qui ante me fuerunt. Quia autem dici non potest quid sit, ex eo non sequitur, quod præcisè sit hoc vel illud, vel quod sit talis exhalatio: multa cognoscuntur negativè, quæ non cognoscuntur affirmativè. De Deo, de animâ, de sideribus omnibus, scitur quid non sint, sed non scitur quid sint. Miraculum verè est naturæ, idoneum ingeniis nostris torquendis, quod admirari debemus, cognoscere nunquam poterimus. Quis scit, quid in cælo agatur, quæ ibi corpora, quæ substantiæ nobis invisibiles adhuc sint, & quæ ibi quotidie forte fiant permutationes? Omnis notitia nostra de siderum cœlorumque substantiâ & virtutibus, ac permutationibus, excepto motu & Solis, Lunæque effectibus, qui sub sensum cadunt, non est nisi conjectura. Quis scit, an de novo Deus sidus illud creet miraculosè in terrorem hominum & majestatis suæ declarationem? An ibi naturaliter per intervalla temporum, ex materiâ, & efficiente nobis incognitis generetur? An sit stella aliqua fixarum ex altioribus, illique quæ minus sub visum nostrum atque observationem cadunt, quæ aliquando propter causas nobis ignotas è suis sedibus ejiciantur, migrantes per cælum, donec iterum vel propriam suam sedem, vel aliam naturæ suæ convenientem reperiunt: tali substantiæ modo prædictæ, ut per eas magis quam per alias Solis lumen transeat, quæ ratione tandem trahant? An verò sit aliud peculiare genus planetarum,

num, distinctum à septem illis majoribus, qui per altissima cœli loca, circulo orbi nostro excentrico delati, cum ad imum motus, ac prope terram descendunt, fiant visibiles: cum vero iterum in altum ascendunt, caprum oculorum evadant, sicque extingui nobis videntur, ut Apollonius Myndius, referente Seneca, ex Chaldæorum doctrinâ asseruit; quique numero plures cum sint, singuli propriis motibus prædicti per intervalla temporis nobis incognita, modò hic, modò alius, ad orbem nostrum descendant? Equidem opinio ista non est adeo absurda, ut prima fronte videtur, ac Seneca eam judicat. Plures enim quàm septem Planetas in cœlo reperiri, nihil miri est. Non constituti sunt nisi septem, quia non plurium motum oculos noster advertere hactenus potuit. Sed quid impedit adhuc multò plures eosque parvos esse, qui videri à nobis, quorumque motus observari minimè potuerit. Ita esse tandem quoque sæculo nostro docuit Galilæus Galileius, qui beneficio dioptræ Batavicæ, isthuc tres parvos, ac novos planetas adinvenit, perpetuo circa Jovem decurrentes; quos sidera Medicæ ac Jovis satellites appellavit. Motus irregularis, seu inæqualis Cometarum aliquam fidem huic opinioni adstruere videtur. Nam cum Cometa noster maximus apparuit, ejus motus fuit celerissimus: ut minor evasit, factus quoque fuit valde lentus. An hoc est, quod quando terræ propinquus fuit, motum habuit transversum; quando verò in altum rediit, magis rectum? Etenim quæ in transversum moventur, celeriter moveri, & magnum spacium conficere; quæ verò in rectum à nobis recedunt, vel ad nos accedunt vix moveri, exiguumque spacium pertransire; immò quodammodo stare videntur. Quod Seneca libro 7. naturalium questionum cap. 18. huic opinioni objicit quod sic sequeretur, quod quando Cometæ incipiunt apparere, primum parvi esse deberent, & prout ad nos descendendo accedunt, paulatim majores, majoresque fieri; cujus contrarium experientia docet; & eo quod plerumque cum primum nobis apparent, statim maximæ fiat, paulatim minuantur, nullius est momenti. Potest enim hoc ex aliis causis contingere. Vel quia cum inceperunt crescere, solis Solis, vel cœli nebulositate tecti fuerint; vel supra nostrum horizontem non adscenderint; solum adscenderint de die, cum videri non potuerunt; sic ut non prius videri potuerint, quàm magnitudinis omne incrementum essent adepti. Sed & frequenter paulatim sicut decrementum, ita & incrementum capere visi sunt; ipse Seneca 7. naturalium, cap. 15. scribit Cometam qui regnante Attalo in Macedonia conspectus fuit initio modicum fuisse, sed postea ita adauctum, ut se quàm latissimè diffunderit, totamque viam nostram compleverit. Et Jovianus Pontanus super Centiloquio Ptole-

Prolemæi, scribit se vidisse Cometam admodum brevi capite, & t-  
mâ, sub initium, qui postea in tantam excrevit magnitudinem, ut  
30. graduum spacium in cœlo occuparet. Interim tamen quid res  
Cometa sit, fateamur libere nos ignorare; hac solum scientiâ con-  
tenti, quod non sit Meteorum aut *atmosphæricis* ignita, sed cœlestis  
corpus, & de naturâ siderum. Cœlum esse ingenerabile, & incor-  
ruptibile non est articulus fidei; sed axioma valde incertum, quod  
ea facilitate potest negari, quâ ab Aristotele est assertum; cò quod  
nulla valida ratione possit demonstrari. Neque quidquam est dice-  
re, quod nulla unquam in cœlo permutatio animadvertatur, quia  
hoc in primis falsum est, & ut verum esset, parum efficaciter cœli  
ingenerabilitatem, aut incorruptibilitatem probaret. Possunt enim  
maximæ generationes, & corruptiones, maximæque permutationes  
in cœlo fieri, etiam si à nobis non conspiciantur. Hoc visus nostri  
debilitas, & immensa cœli distantia faciunt; nec magis permutati-  
ones, aut generationes ullas in hoc mundo inferiore videremus, si  
in cœlo Lunæ constitui essemus (in quo tamen nunc propter vicini-  
am, & propinquitatem admirabiles quotidie fieri animadvertimus)  
quàm modò in cœlo videmus. Quod autem falsum sit nullam in  
cœlo fieri permutati- nem, docent Cometæ, de quibus quæstio est  
quos jam tot efficacibus argumentis in cœlo esse ostendimus. Do-  
cent insuper & novæ stellæ, quæ in cœlo apparuerunt. Tempo-  
ribus Hipparchi novam stellam in cœlo apparuisse scribit Pl. l. 11. c. 21.  
scribit Haly super 11. quadripartiti Prolemæi c. 9. suo tempore  
novam stellam apparuisse in 15. gradu Scorpii supra orbem Veneris  
quam ipse cum alijs viris sapientibus conspexerit; quæ tantæ eni-  
claritatis, ut tantum super universum Horizontem effunderet lumi-  
nis, quantum quatuor pars Lunæ effundere posuisset, quæque in  
cœlo quatuor mensibus perseveravit. Anno 1572. in signo Cassio-  
pæ, quatuordecim integris mensibus apparuit nova stella tantæ  
claritatis, ut omnes alias stellæ luminis sui splendore superaret. De  
quâ Cornelius Gemma Prædecessor noster, aliique liberos in lucem  
ediderunt. Sed transen ad alia argumenta.

Ad tertium ergo respondeo; forte augeri, & minui: forte non  
peraugeri, & minui; sed ita solum oculis nostris propter eorum  
accessum, vel recessum apparere. Ut ut sit, fateor in Cometis mul-  
tas reperiri conditiones, ac proprietates alijs sideribus non cumu-  
nes; sed ex quibus tamen non conficitur, ipsos cœlestia corpora  
esse, aut esse Meteora: sed hoc solum, esse cœli miracula, quæ  
& interris non pauca reperiuntur.

Ad quartum respondeo; Cometam non esse longum, sed com-

com, sicut aliz stellæ. Longitudinis apparentiam facit cauda, quæ  
est pars Cometæ; nec est substantia, aut *corpus*, sed solum  
lumen, & splendor quidam luminis Solis per Cometam diffusi.  
Propter inveni potest argumentum: & quia alias stellæ figura,  
lumen, & situ refert, colligi ejusdem cum illis naturæ esse. Quod  
cauda nihil aliud sit quam radius ac splendor luminis asserit Seneca  
lib. 7. cap. 26. & probari potest variis modis. Primum sensu: quia  
oculus noster in hoc Cometa valde evidenter potuit judicare caudam  
illam, non ignem; sed splendorem quendam luminis esse, qualis  
animadvertitur radiis Solis per fenestram cubiculum subintrantibus.  
Secundò, quia stellæ fixæ transpauerunt per caudam ejus: nam si  
cauda fuisset exhalatio accensa, videretur quod non potuissent trans-  
pauere: quia tanta moles fumidarum, ac terrestrium exhalationum  
accensa necessitas debuisset habere aliquam opacitatem conjunctam,  
quæ specierum visibilium ipsorum siderum transitum impedire de-  
buisset. Tertiò, quod illud lumen caudæ producatur per lineam  
rectam: quo modo exhalatio se continuè per aërem extendere mi-  
nime posset. Quartò, quod in caudâ, & nominatim in caudâ hu-  
jus nostri Cometæ diversi, & distincti radii luminum, alij aliis lu-  
minosiores, per longitudinem caudæ rectâ decurrentes potuerint  
animadverti; eodem modo, quo & in lumine Solis per fenestram  
subintrante, ejusmodi radiorum diversitas animadvertitur.

Quintò, quod hoc lumen apud caput Cometæ fuerit angustius,  
æquans Cometæ magnitudinem: in progressu verò magis, ma-  
gisque fuerit dilatatum; sicuti videmus in lumine Solis aut candelæ  
per angustum foramen transeuntis, hoc enim apud foramen per quod  
ingreditur, æquale est magnitudini foraminis, in progressu disper-  
gitur, ac dilatatur.

Sextò, quod illud lumen caudæ apud Cometæ fuerit intensius,  
paulatim vero in progressu ita fuerit attenuatum, ut tandem suaviter  
in nihilum evanescit. Hoc enim proprium luminis est ut apud ip-  
sum luminosum sit intensus, in progressu verò paulatim magis, ma-  
gisque staccescat. Quod ita fieri non posset, si cauda Cometæ esset  
exhalatio. Prout enim illa inæqualiter arderet, modo magis ab  
hoc parte, modo magis ab aliâ: prout uno loco plus, densiusque  
esset pabulum, quam alio. necessario lumen inæqualiter intensum,  
modo intensius in hoc extremo, modo in alio, modo in medio, mo-  
do in hoc latere, modo in alio esse deberet.

Probatum Septimò, & quidem caudam esse splendorem luminis  
Solis; ex eo, quod cauda semper Soli sit aversa: quod ut Cardanus  
lib. 4. de subtilitate, & Appianus, & Gemma Frisius animadvertit-  
mus; ita in hoc nostro Cometa semper suis animadvertimus. Nam  
cauda



cum Sol erat in Oriente, cauda Cometæ vergebat versus Occidentem; cum in Occidente, versus Orientem, ac prout Sol motu suo gyra-  
bat, ita quoque caudam suam in alium, atque alium mundi-  
sum dirigebat.

Poterit forte dici caudam Cometæ esse quandam flammam tenui-  
orem ex ipso corpore seu capite Cometæ tanquam igne quodam den-  
siori ac solidiori evolitantem; eo modo, quæ videmus à ligno ac-  
censo seu carbonibus flammam evolare, quæ iis per modum caudæ  
adhæret & in altum assurgit. Sed doctrina non valet. Quia flamma  
omnis ex natura sua sursum vergit: Cometæ autem cauda sursum  
non vergit: quia, si sursum vergeret, deberet semper in directum  
obijci oculis nostris, & semper secundum sui longitudinem consiste-  
re in rectâ lineâ ab oculo nostro tanquam terræ centro per Cometæ  
corpus ad cœli circumferentiam ductâ. Per talem enim lineam,  
tanquam per circuli radium protendi, est rectâ sursum ferri. At sic  
cauda non protenditur: quia si sic protenderetur, nunquam in trans-  
versum videretur; sed semper in directum oculis opposita foret.  
Ita sic nunquam esset visibilis: quia tali modo ipsum corpus Comæ-  
tæ semper deberet esse in rectâ lineâ interjectum inter visum nostrum  
& suam caudam. Proindeque sua opacitate semper deberet caudam  
suam nobis occultare ac eclipsare; taliter, quod nunquam nisi cri-  
niti aliqui circum Cometam sparsi ac extra orbitam ejus eminentes,  
& nunquam ullus caudatus, sed semper omnes criniti Cometæ de-  
berent apparere. Hoc ita non est, ergo. Sed obijciat forte aliquis  
huic responsioni nonnulla argumenta. Primo, quia si cauda Comæ-  
tæ esset lumen Solis transmissum, videtur quod & aliæ omnis, aut  
plurimæ stellæ talem caudam habere deberent. Secundo, quia sic  
videtur, quod cauda Cometæ deberet esse acuta, & abire in conum;  
nam cum sol absque dubio sit major Cometâ, necessario ejus radii  
extra Cometam deberent uniri, & non dispergi. Tertio, quia sic  
sequeretur quod caudæ omnium Cometarum deberent esse ejusdem  
figuræ; ac ita non est; quis alii Cometæ sunt criniti; alii barbati;  
alii instar gladii; alii instar cornu; quorum plures differentias posuit  
Plinius, lib. 11. cap. 25. Quarto, quia ita sequeretur, quod aliquan-  
do tota Cometæ cauda posset eclipsari, nimirum, quando terra in-  
ter Solem & Cometam interposita esset; ac hoc nunquam factum  
est, ergo.

Sed respondeo, Ad primum, hoc non sequi: diversitas autem ex  
eo necessario esse debet, quod Cometæ habeant alium modum sub-  
stantiæ, quam aliæ stellæ, & mediam dispositionem inter raritatem,  
& densitatem, sic ut & lumen Solis recipere, & etiam transmittere  
possint, quod aliis stellis propter majorem densitatem non contingit.

Ad secundum dico, hoc necessario contingere debere, propter aliquam radiorum Solis in ipso Cometa refractionem, quæ fieri potest, quando Solis in ipso corpore Cometæ uniantur, & in transitu per medium dilantur, ac dispergantur, sicut in multis convexis, & lumen Solis, & species visibiles primum uniti, & postea divergi, disgreganturque videmus.

Ad tertium respondeo, differentias illas Cometarum, quas Pli-  
nus ponit non esse differentias veras Cometarum, sed ignotorum  
meteororum; quæ male Cometis adscribuntur. Etenim Aristote-  
les Meteor. cap. 7. duas solum Cometarum species facit; crini-  
tum, & caudatum: reliquorum non meminit. De crinitis quia  
non sunt, non multum dicere possumus; credo equidem nullos re-  
peri. Sed qui criniti Cometæ ab hominibus appellantur, vel ad  
lucem, vel ad ignes elementares esse referendos. Sic quia  
hæc diebus nubilo existente aëre circa Veneris stellam corona, seu  
halo apparuit, vulgo sparsum fuit, præter caudatum, etiam crini-  
tum alium Cometam apparere: quod si criniti ulli Cometæ repere-  
ntur, verisimile est eum solum eos fieri, quando Sol directe Cometa  
est oppositus. Tum enim cauda ejus in altum spargitur & neces-  
sario caput Cometæ in medio suæ caudæ apparet: ex quo crinitus  
non debet. Tum enim cauda brevissima debet apparere, ex eo  
quod non in transversum, sed in longum oculis nostris obijciatur,  
ut si baculus vel fiala sit transversam ante oculos ponatur, longa; si  
directum, brevissima; & omnis longitudinis expert, ac instar ro-  
tæ corporis appareret.

Ad quartum respondeo, idem hoc non fieri, quod Cometa alio-  
quando ut umbra terræ ad eum pertingere possit. Potest etiam  
causa ad nunquam factum esse, quod scilicet nunquam contri-  
tus Solem ita ex diametro Cometæ opponi. Equidem si Cometæ  
per Zodiacum decurrerent, frequenter talis diametralis oppositio  
videri posset: ac cum nunc huc, nunc illuc extra Zodiacum de-  
currant, non est mirum, talem directam oppositionem, atque re-  
versam nunquam accidisse.

Ad quintum respondeo; verum esse, & hæc, & similia nos ra-  
tione in admirationem naturæ Cometarum, sed minime probare eos  
causa cæli non esse. Jam ante in responsione ad 1. & 2. diximus  
motum & rationem, quæ fieri forte potest, ut cum Cometa maxi-  
me nobis apparet, magnum spacium conficere videatur, cum de-  
cessit, paulatim minus.

Ad sextum dico; neque per Cometæ etiam posse videri, sed so-  
lum per caudam ejus, quæ non est pars Cometæ, sed splendor lu-  
minis.

minis. Possibile autem est lumen magnum per radios minoris luminis videri.

Ad septimum, quodcumque dicatur; nihil inde contra nostram opinionem inferatur. Si sint ejusdem speciei, possunt diversos motus habere. Venus enim, Mars, Saturnus, cum non sint diversae speciei, diversos tamen motus habent. Homines omnes sunt ejusdem speciei, & tamen unus potest abire ad dextram, alter ad sinistram. Sufficit quod convenient in genere motus; & motu circulari, qui coelestium corporum proprius est, moveantur.

Ad octavum, concedo Majorem; sed nego Minorem. Etiam coelum esse liquidum, & pertransibile vel soli hi tam diversi Cometae motus, quos tam variis argumentis, atque efficacibus, coelestes esse, ac per coelum veli probatum est, evidentissime ostendunt; praeter varias alias rationes efficacissimas, quas hic in medium afferre longum foret; eo quod ipsae non breviorum, quam si hoc de Coelestium natura, tractationem requirent. Ad probationem Minoris ex facili licetis desumptam, & primo ad locum sub Respondens: non eorum posse dici, quid ibi per verbum (solidissimi) intelligatur, & quae sit propriae vocabuli Hebraici, quod in verbum (solidissimi) est translatum. Possunt enim caeli dici esse solidi, non quod sint duri & impervi, sed quod sint corporei; constant enim dimensione, sicut alia corpora, & sicut quavis corporum tangibilia; ita sicut quod ipsum quod maxime est cereum & corpulentum; quodque non sint spacia imaginaria, omni corporum vacua. Vel potest dici quod dicantur solidi; quod esse liquidi sint, sicut rivi suo loco firmiter librati, solo nutu, & impetio Dei; vel potest etiam dici, quod ibi nomine coelorum veniat intelligendum solidum firmamentum, quod quia stellas fixas firmiter continet, firmamentum ac solidum potest vel appellari, ut se vera est. Sic Homerus quoque Hidos. 5. & Odyssae 11. *Ἰσθμὸν ὡς ἀπὸ χαλκοῦ*, & alibi, *οὐρανὸν ὡς ἀπὸ χαλκοῦ*, hoc est, coelum aereum, & ferreum appellavit; non quis durum, sed quia splendens instat aëri, aut ferri. Porro quod non sit necessario tenendum, esse solidum, ex aliis tum sacrae scripturae, tum sanctorum Patrum locis, & auctoritatibus colligi potest. Esaiæ 4. versiculo 32. habetur: *Qui extendit coelum, sicut tenebrae*, & versu 5. habetur, *quod coeli sunt fumus, liquefcent*, ubi videtur coelum aëri tenui & fluxili comparari. Accedit, quod ex sacris literis videtur asserendum motum ascribit stellis, & non orbibus. Sic, 1. Ecclesiastici ver 5. habetur: *Oritur Sol, & occidit, iterumque ad locum suum revertitur*, & cap. 10. Jobae vers. 5. habetur, *quod Sol & Luna fluerint*, & Abacuc cap. 3. vers. 11. dicitur Deus educere re-

quibus sidera, quodque tempore suo. Auctum cum filia ejus.  
 & cap. 13. Job vers. 3. & Elia cap. 10. vers. 13. & possum varia locis  
 apparet, quod sacra scriptura apertis verbis, motum non cœlis, aut  
 orbibus, sed ipsis astris adscribat. Si ipsa astra moventur & non or-  
 bes; ergo cœlum liquidum esse necessario consequitur. Id porro  
 non pauci Sancti Patres clarè docent. Justinus Martyr respondens  
 ad 90. quæstionem Orthodoxorum, dicit stellas non esse affixas  
 cœlo, sed propriis motibus moveri. Origenes lib. 5. contra Celsum,  
 & lib. 1. *de principiis* cap. 7. ait sidera propriis motibus agi; nec  
 esse partes cœli, nec secus in cœlo esse quam sunt in terra animan-  
 tia; pisces in aqua, volucres in aère. Idem prodiderunt Eusebius  
 Emisenus, & Diodorus Thasensis in exponendo locum Genes. cap.  
 1. vers. 16. & 17. Et Chrysostomus id clarè dicit homilia 6. & 17. in  
 Genesin his verbis: *Abste, inquit, ut cogitemus Deum affixisse cœlo*  
*astra. Cernimus namque ea moveri, & de uno loco in alium transire.*  
 In homilia ad Populum Antiochenum idem confirmavit, nempe,  
 cœlum esse fixum & immobile; Solem autem cum cæteris astris in ipsa quo-  
 dā circumferri. Philastrius Brixienfis in Catalogo Hæresion as-  
 scribit, dicere cœlum per se moveri, & ejus motu unā cieri astra, hæ-  
 reticum esse, & alienum à fide Catholica, ejusque assertores paga-  
 ni vanitatis magis, quam Christianæ doctrinæ consortium habere.  
 Et D. Augustinus 11. de Genesi ad literam dicit; cœlos stat, astra  
 moveri; etiam teneri posse.

Porro, & D. Basilii naturam cœlorum dixit esse *ἀσώτῳ*  
*ἢ ὑγρῷ* id est tenuem sicuti fumum. Rupertus 1. de trinitate  
 cap. 22. dixit, *firmamentum non solidum quid, aut durum, ut vulgo*  
*putatur, sed aerem esse extensum.* Ad secundam minoris probatio-  
 nem, quā dicitur, quod inde sequeretur, quod sic non esset nisi u-  
 num cœlum continuum usque ad spacia inania, quod sacris literis  
 repugnat: Respondeo, hoc inde non sequi, sed solum quod usque  
 ad firmamentum, seu usque ad locum stellarum fixarum non sit nisi  
 unicum continuum cœlum idque liquidum, per quod Planetæ de-  
 currunt. Quod teneo verum esse. Firmamentum verò credibile  
 est esse solidum, ex eo quod per ipsum nullus motus fieri debeat,  
 cum sit sedes stellarum fixarum; & aliquam videatur requirere soli-  
 ditatem, ad tam infinitas fixas stellas continendas, & figendas. Quod  
 cœli in sacris literis frequentissime in plurali numero appellantur,  
 nihil est: quia dicit Chrysost. hom. 1. in Genesin, id solum esse ex  
 eo quod nomen Hebraicum quo cœlum appellatur, ex proprietate  
 illius linguae sit solum pluralis, non singularis numeri; unde in La-  
 tinam linguam transfertur nomine cœlorum in plurali numero.

Praeterquam quod eo tempore adhuc plures cœli essent, etiam totum spacium Planetarum liquidum & continuum quid esse asseritur.

Porro quod 2 Corinth. 12. D. Paulus in tertium cœlum dicatur raptus, non probat multitudinem cœlorum. Locus enim ille sic est intelligendus; quod pro primo cœlo quod tunc caperetur regio elementaris, quæ in sacra scripturâ, sæpe nomine cœli appellatur, ut eum dicitur, *Nubes cœli, Volucres cœli, &c.* pro secundo cœlo, cœlum astriferum; seu spacium illud totum in quo sunt astre: pro tertio vero cœlo Empyreum, in quod putandum est D. Paulum raptum fuisse. Nisi forte verba illa sensu mystico, sive intelligenda; quod scire excedit orbitam scientiæ nostræ, cum Medicinæ, tum Philosophiæ.

Porro declarata Cometæ essentiâ, restat ut quid præfagiat examinetur. Communis hominum opinio est, Cometam multa mala, ventos, tempestates, res & motus, aëris æstum, siccitatem, annonæ caritatem, pestes, bella, mortes Regum ac Principum, regnorum religionisque mutationes præfagire. Aristoteles 1 Meteororum c. 7. dicit Cometæ præfagire ventos, & aëris siccitatem, eò quod generentur ex siccis exhalationibus, quæ pertranscundo ærém in quo sunt, necessario debent ei suas qualitates communicare. Ptolemæus quoque quadripartiti, sic inquit, *Observandæ sunt crinitæ stellæ, sive stellæ Eclipsium tempore, sive quandocunque conspectæ fuerint: quorum maxima est cascare; quæ Martis, & Mercurii propria sunt, bella, æstus, turbulætiæ, quæque hæc ipsa comitantur.* Plinius lib. 11. cap. 21. vocat Cometam sidus magna ex parte terrificum, acævum. Sancti Patres, Damascenus, Eusebius, ac multi alii de Cometâ loquuntur, ut de signo significante iram Dei, & minante hominibus plura mala in correctionem peccatorum ipsorum. Poetæ ubique ut dictum sidus; & tristia omnia portendens decantant. Lib. 3. Oraculorum Sibyllinorum sic habetur:

*Sole sub occiduo verbò vocitata Cometa  
Stella velucebis gladii mortalibus index,  
Es famis, & mortis præclarorumque virorum  
Atque Ducum interitus; magnorum, Nobiliumque.*

Virgilius 1. Georgicorum loquens de bellis quæ post Cæsarem interfecit fuerunt, sic ait:

*Non alias calo ceciderunt plura sereno  
Fulgura, nec diri toties arserit Cometa.*

Et Lucanus libro 1.

*Ignota obscura viderunt sidera noctes,  
Ardebatque Polus flammis, cælogue volantes*



*Obliquas per inane facies, crinemque timendi  
Statera, & servis mutassem regna Cometa.*

Et Claudianus ait:

*Nunquam celo spectatum impune Cometam.*

Manilius libro 11. *Astrologicus*, cap. 9. siue in fine sic enumerat es-  
sentia Cometarum:

*Nunquam suslibus excanduis ignibus aether,*

*Squalidæque elusi deplorant arva Coloni:*

*Et steriles inter sulcos desessus Arator.*

*Ad juga marcentes cogit frustrata iuvenco,*

*Nunc gravibus morbis, & lenta corpora sabs.*

*Corripis exustis lethalis flamma medullæ,*

*Labentesque rapis populos, totasque per urbes*

*Publica succensis peraguntur sacra sepulchris.*

Et deinde:

*Quin & bella canunt, ignes, subitisque impulsus,*

*Et clandestinis surgens fraudibus arma.*

Et paulo post:

*Civiles etiam motus, cognataque bella*

*Significant.*

Præterea historiae plenæ sunt tristibus eventibus, maximis cladi-  
bus, quæ Cometarum apparitionibus successerunt: adeo ut fere  
nullus videatur mundo illuxisse Cometa, quin aliquid magni semper  
insecutum. Quin & sacra scriptura variis locis videtur indicare,  
huiusmodi cœli signa semper Dei iram, & futuram humani generis  
condemnationem indicare, ut 21. Joelis, & Matth. 24. ubi habetur di-  
vini iudicii iudicatum iri ejusmodi, in cœlo, ac stellis, portentis præ-  
fessis.

Hæc tamen omnibus non obstantibus, opinio mea est, Cometæ  
nil præfagire naturaliter, seu virtute naturali. An aliquid præsa-  
giant supernaturaliter, & ex instituto Dei, non est meæ Professionis  
disputare, sed id relinquo Theologis disputandum, & auctoritate  
Doctorum Patrum, quam tamen in hac materia magni etiam puto  
momenti, confirmandam.

Quod autem nihil indicent virtute naturali, probō. Primò, Si Co-  
metæ ejusmodi futura mala indicarent, vel indicarent ea ut causæ  
eorum, vel ut coeffectus: nam ut effectus non possunt indicare.  
Quia quod indicat in ratione effectus, indicat suam causam; & in-  
dicat præsens vel præteritum. Cometa non indicat mala ut suam  
causam: quia mala subsequētia non sunt causa Cometarum: sed  
potius Cometa debere esse ipsorum malorum causæ, Et Come-

es non indicant præsens, vel præteritum, sed futurum. Præter hæc signi rationes ferè nullæ sunt aliæ; quia nihil ferè est signum alterius Physicè, nisi vel ut effectus ejus, vel ut coeffectus, vel causa. Dicunt ferè: quia adhuc sunt aliæ rationes signorum; sic pars visa est signum sui totius ibidem præsentis, &c. Sed similes rationes signorum non comperunt Cometis. Atqui Cometa neque signum est futurorum ut causa; neque ut coeffectus; ergo non est signum eorum. Non ut causa, quia Cometa non est causa futurorum eventuum. Non ut coeffectus; quia quod significat, vel indicat ut coeffectus; illud indicat alium effectum procedentem ab eadem causâ, à quâ ipsum proficiscitur. Sic gracillatio gallinæ est signum ovi ponendi quia gracillatio & ovum, sunt duo effectus procedentes ab eadem gallinâ: quia gallina est causa utriusque; & quando unum effectum efficit, tum statim etiam efficit & alterum; & sic unus effectus est signum alterius effectus, vel præsentis, vel statim secuturi. Sic magna claritas nocte in aliquo loco, est signum, quod in illo loco, ubi illa est, sit magna calor: quia calor, & claritas sunt coeffectus, sive duo effectus ejusdem causæ, nempe ignis. At Cometa, & futuri tristes eventus non sunt effectus, ab unâ, & eadem causâ procedentes; ergo non possunt se mutuo indicare, vel unum non potest indicare alterum in ratione coeffectus. Si ergo Cometa in nullâ ratione signi Physici indicat futura mala, id est, neque ut causa, neque ut effectus, neque ut coeffectus; ergo non indicat.

Quod Cometa non sit causa futurorum eventuum, probò: Quia, quicumque asserunt Cometam esse causam futurorum eventuum, nituntur eo fundamento, quod Cometa sit exhalatio fumida, pinguis, calida, sicca, sulphurea in aëre accensa; & quatenus est talis exhalatio, catenus dicunt ipsum tales producere in aëre, ac corporibus animalium dispositiones, ex quibus ejusmodi mala postea proveniant. Adeo ut tota vis prælagendi Cometis adscripta nitatur eo fundamento, quod Cometa sit exhalatio accensa: at hæc doctrina est falsa, ut super est probatum: ergo falsa est quoque omnis vis prælagendi, quæ Cometis ex eo capite adscribitur; existente enim fundamento falso, concidunt omnia, quæ ab illo fundamento leguntur, & dependent.

Porro quod Cometæ, & futura mala etiam non sint coeffectus, probò: Quia non possunt in aliâ ratione Physicè esse coeffectus, quam quod Cometæ sint effectus exhalationum in genere causæ materialis; & futura mala sint effectus eorum in genere causæ efficientis; adeoque in diverso genere causæ. At futura mala non sunt effectus talium exhalationum ex quibus fit Cometa: quia Cometa non fit ex talibus exhalationibus; sed est corpus coeleste, ut ad-

est: ergo futura mala & Cometæ non sunt coeffectus, seu effectus ab eadem causa procedentes. Porro qui de prælagendi ratione Cometarum scribunt, dicunt Cometæ futura mala indicare hæc ratione. Exhalatio illa, ex qua fit Cometa, inquit, est sicca: si sicca, ergo aërem, per quem transit, exsiccavit. Denique est incensa. Si est sicca, & incensa; ergo tam vaporis flamma aërem excalescit, & exsiccavit, & impressit ei calidam, & siccam intemperiem; & vapores aëris consumpsit, & exsiccavit. Si ita consumpsit & exsiccavit; ergo non fient pluviae: si non fient pluviae, ergo fit sterilitas agrorum, & aër non depurabitur. Pluviae enim aërem multum depurant. Si fiat sterilitas agrorum, fiet annonæ caritas. Si annonæ caritas; ergo homines coacti necessitate comedent prævos cibos. Ex tali hominum diætâ, sequentur variæ morbi. Denique quia aër à flamma Cometæ erit excalescens, & exsiccatus, missabuntur febres ardentes, & morbi calidi; & quia illa exhalatio est fumida, viscida, sulphurea, ac præva naturæ, malignam quoque est imprimet qualitatem, à quâ simul cum annonæ caritate fient pestes, &c. Porro quia illa exhalatio fumida non potest in totum consumi; sed multæ ejus portiones in aëre, per quem transierunt, & præcipue in infernâ aëris regione, ad quam flamma Cometæ non peringit, debuerunt esse relictæ, eatenus fient venti, quia ventus est exhalatio calida & sicca. Tales enim portiones exhalationum relictæ à media aëris regione frigida deorsum protrusæ, & oppositâ terrâ in latum agitatæ faciunt ventum. Quatenus fient venti, eatenus sequentur in mari tempestates; & maris tempestatibus, regionum inundationes. Cum ejusmodi exhalationes generantur, non omnes in altum ascendunt; sed aliquæ etiam in viscibus, ac cavernis terræ relinquuntur; illæ autem exire nequeunt, terræ-motus excitabunt. Ulterius, quia corpora animalium alterantur à qualitatibus aëris, & aër, ut jam dictum est, à Cometâ excalescens, & exsiccatus: necessarium est ut in corporibus hominum multiplicentur humores calidi, & sicci, & consequenter multiplicetur bilis: & quia bilis facit homines iracundos; hinc homines fient iracundi, seditiosi; hinc in urbibus ac populo seditio. Et quia etiam Principes sunt iracundi; fient bella: & quia sunt bella, & Principum mortes, eatenus sequentur regnorum, religionisque mutationes.

Ex quibus omnibus patet totam vim prælagendi Cometarum, & sui fundamentum, quod Cometa sit exhalatio accensa in aëre. Quod cum sit falsum, nemini non sit manifestum, omnem vim prælagendi Cometarum, falsam quoque, frivolam, ac ridiculam esse. Quod si licet verum esset, quod Cometa esset talis exhalatio accensa,

accensa,

accensa, tamen nulla ratione posset praesagire pleraque eorum, quae ei adscribuntur. Quod probatur. Etenim talis exhalatio, necessario accendi deberet, loco altissimo, multis millibus milliariorum à nobis distante, uti supra ostensum est, ex eo quod Cometae mox primi mobilis rapiantur. At exhalationes tam remoto loco accensas, quomodo possunt aerem hunc infernum afficere? Si exhalationes pravae omnes adscenderint in suprema aeris loca; ergo aer infima sui parte est depuratus; ergo nullae male exhalationes hic amplius remanserunt, quae corpora nostra male afficere possint. Et si exhalationes omnes ibi supra sint accensae; ergo sunt exustae; ergo non amplius sunt, nec ullam malignam qualitatem reservarunt. Ignis enim omnem venenatam qualitatem delevit, & extinxit; ut patet in peste, in qua ignes exstinguuntur, ut venenata aeris qualitas exstinguatur. Si dicatur, quod saltem aer est exsiccat, & excalescit, atque ex eo saltem multa mala contingere possint. Primum videtur quod non possit esse calefactus, quia cum ignis ille fuerit tam multum millibus milliariorum à nobis remotus, non potest sic inferiorem aerem multum excalescere, vel exsiccare. Et quomodo potest aer ab eo calefieri? Plerumque enim asserunt scriptores, Cometae fieri in Autumno; Autumnum sequitur hyems; quantum in Autumno aer à Cometa esset excalesfactus, tantum videtur, quod iterum à subsequente hyeme deberet refrigerari. Et si aer excalesceret à Cometa, & exsiccaretur, magis calidus esset, cum adhuc ignis à Cometa duraret, quam cum exstinctus; sed quis in aere à Cometa sensit calorem, aut siccitatem? Non est dubium quin Cometae saepe quiesceret apparuerint, quando aer fuit maxime frigidus. Accedit, quod inter Cometam, & infimam hanc aeris regionem, intercedat media aeris regio frigidissima, quae omnes Cometae in eam adijtantes videtur necessarium debere impedire.

Porro omnis quae deducunt auctores communiter fieri à Cometae, per quandam sequelam causarum, & effectum sunt à suis causis tam remote, tam fortuito, & tam contingenter, ut nullam habeant fieri vel necessitatem, vel apparentiam. Non enim sequitur, quod si aer exsiccat, ergo nulli sint vapores; & consequenter nullae pluviae. Etenim aestate aer est exsiccat, & tamen nihilominus pluviae post in Autumno sunt pluviae maximae. Non sequitur, quod si forte sunt aliqua exhalationes in aere, quae sunt non absumptae, sicut magni venti; quis forte non sunt relictae, sed sursum omnes adscenderunt. Et ut aliqua relictae sint, non est necessarium quod inde sequantur magni venti.

Porro ut fiant magni venti, non sequuntur propterea necessarii aut frequentes, terrarum aut regionum inundationes. Nec aeris

est, quod ascendentibus & terrâ exhalationibus, aliquæ inter-  
remanserim, quæ terræ-motus faciant.

Cui enim multæ remansissent, & non exivissent cum aliis? & ut  
remansissent, non sequitur, quod illæ terræ-motus statim facere  
possent. Fugitum hoc nimis est & rarum. Frequentius, & singu-  
laris in terrâ, & de terrâ excitantur exhalationes, & tamen nulli  
sunt terræ-motus.

Dicunt, quia Principes habent corpora teneriora aliis, ideo præ-  
dictis, ab infecto exhalationibus aere magis afficiuntur, & à morbis,  
quæ tum grassantur, interimuntur. Ridiculum est. Quare enim  
Principum corpora sunt teneriora corporibus aliorum, aut magis  
pavis humoribus prædita? Si Principes sint obnoxii Cometis prop-  
ter corporis sui ténertudinem; ergo multo magis senes, mulieres,  
pueri; ergo illorum mors à Cometis esset prædicenda potius, quam  
Regum, aut Principum.

Dicunt, quia corpora sunt biliosiora, ideo & ad iram piona:  
hic subditi moliantur seditiones; Principes aliis vicinis Principibus  
bella inferunt. Longè petiti effectus, & longa series causarum. Aer  
non multum facit corpora biliosa, sed proprium temperamentum,  
vitas raro, &c. Billa aliquod adventitium incrementum non mul-  
tum facit ad hominum iram. Ab aliis causis iracundia procedit;  
biliosa complexionem naturali, non advenientia, prava educatione,  
impudentia, iniuriisque perceptis. Nec ira Principum facit bella;  
sed cupiditas dominandi, amor vindictæ, &c. Bella pendunt à Prin-  
cipum, & Consiliariorum, aliorumque Principum suadentium li-  
bera voluntate. Quæ autem à libera hominis pendunt voluntate,  
non sunt obnoxia actionibus neque ecelorum, neque Cometarum,  
neque aeris, nisi valde fortitudo, & valde remotè. Quorum fortu-  
nitudo, & rehororum eventuum nulla potest fieri prædictio, nisi  
valde temeraria, fortuita, stulta atque incerta. Quis Aulicorum  
animadvertit Principem suum post apparitionem Cometarum solito  
iracundior? Si Cometa tali ratione excitaret iracundiam in Prin-  
cipibus; eadem ratione, & in aliis hominibus præcipue iracundiori-  
bus, ut mulieribus, pueris excitare deberet: at quis unquam pa-  
trifamilias animadvertit vel uxorem suam, vel proles post Cometa-  
rum apparitionem fuisse iracundiores, quàm ante eam? Julius Cæ-  
sar exereitatione in Cardanum 79. cap. 11. asserit Cometæ  
non præagere, neque ut causas, neque ut signa: *Enim, inquit,  
cognoscere à Cometa Regem interfici ridicula dementia est; idcirco minime  
provinciam.* Audiamus tamen & nonnulla alia stulta præsa-  
gientia. Magnus Mathematicus Ptolemæus in cenuloquio, pronunti-  
andum sic inquit: *Cometæ quorum intervallum est undecim signorum*



ad Sole, si appaerint in cardinibus regni alienius, Regem aut Principem, aut ex Principibus regni aliquem moriturum prænunciants. Sin in loco succedente, bene se habitura, quæ Thesauri ejus sunt; summam administratorem moriturum: qui si in loco declinante, morbo, aut repentinæ mortis fore. At si ab occasu moveatur ad ortum, externum hostem regionem invasurum, sin non moveatur, Provincialem hostem futurum. Cardanus lib. 14. de varietate rerum cap. 70. sic inquit: Cometa Colosidicus, rubens ac splendidus, vel lividus, vel niger. Hæ enim omnes pessimæ; argentea, & candicans nimis formidabilis, diuturna quoque, & magna, & plures contrariis sunt deserviores, & quæ frequentans, & hyeme, quam æstate; & diurna, quo vatiore, eo majus exitium portendunt. Es juxta Saturnum, pestes, & prodisiones, & sterilitatem. Circa Jovem, legum mutationem, mortem Pontificum. Juxta Martem, bella. Juxta Solem, toti orbi magnam cladem. Juxta Lunam, magnas inundationes, aliquando siccitates. Juxta Venetem, Principum mortem & nobilium. Juxta Mercurium, varia mala, & multa. Juxta Lyram, deliciosas, & nobilibus. Juxta Coronam & in Tropici, Equinoctiisque, Regum interitum. Juxta Serpentem, & in Scorpione pestem, juxta Trigonum, perniciem ingeniorum. In fixis signis terræ motus juxta caput Gorgonis, & armatas figuras, bella. Juxta Andromedam, & Cassiopæam, servitutes, & desolationes. Juxta Eridanum, & Argos, tempestates, & inundationes. Cum deliquis horrendæ, & miserabiles, Mobiles valde, siccitates, & venti pariunt. Fixa diuturniora mala. Cassio etiam ostendit locum huic malo obnoxium. Quid stultius his prælagiis excogitari potest? quid stultius me foret, si tempus terere vellem tam stultis, & vanis pronuntiatis refellendis, desumptis ex stulta, vana, & superstitiosa divinatrice Astrologia? Aliam prælagiendi rationem habet Pth. lib. 11. cap. 25. Referre arbitrantur in quas partes sese jaceatur, aut cujus stellæ vires accipiat quasque similitudines reddat, & quibus locis emiceat. Tibiarum specie, Musca arti portendere. Obscuris autem moribus, in verendis partibus signorum. Ingeniis & eruditioni si triquetram figuram, quadratamve paribus angulis ad aliquos perennium stellarum situs edat. Venena fundere, in capite Septentrionalis Austrinæve serpentis. Qui longe stultiora adhuc Cometarum prælagia intelligere voluerit, consulat Haly c. 1. part. 3. de judiciiis astrorum. Item cap. 32. & 41. part. 4. ejusdem libri. Item Albumasarem lib. 5. de conjunctionibus magnis & in fine Florum & Cardanum lib. 2. 1. & 7. aphorismorum. Probo Cometas nihil mali vel efficere, vel prælagire huic mundo posse, adhuc variis aliorum rationibus potest probari.

Probo ergo secundo. Cauda Cometæ nihil agit; quia solum est splendor luminis, ut dictum est. Ergo si est aliqua vis agendi in Co-

erit in capite ejus: ac Cometæ caput est valde parvum, tam parvum autem sidus nullam potest magnam in hæc inferiora exercere activitatem. Nam si una alia stella sola ex iis quæ in cælo sunt, nihil potest notabile efficere in hoc mundo inferiore: immò si omnes stellæ cæli simul sumptæ parum efficiant, exceptis Sole, & Luna, à quibus ferè omnis, quæ in hæc inferiora exercetur actio, procedere percipitur; quid operabitur tam parvum sidus, transiens in illo loco consistens, & tam exiguo tempore durans?

Tertio, Ut ita esset, quod Cometa haberet aliquam in hæc inferiora activitatem; qualis ea foret, impossibile esset scire. Nam si scire non possumus, quid aliarum cæli stellarum operentur, ut ex falsitate, & incertitudine Astrologiæ judicariæ est manifestum: quæ tamen semper, & à condito orbe steterunt, & quarum virtus, jam quatuor mille penè annis potuit observari: quomodo poterimus cognoscere Cometarum vires, qui rardò apparent, statim prætervolant, & citò perunt?

Quarto, Vires siderum modificantur diversimodè propter contrarium activitatis tot aliorum siderum, quæ suas mutuo vires frangunt, mutant vel intendunt: & hæc est causa, cur eorum virtus cognosci nequeat: eadem ratione nec Cometarum poterit: multò minus, ex eo quod Cometæ moveantur, & singulis diebus cum novis sideribus conjungantur, à quibus eorum virtus variatur, modificatur, determinatur, incognoscibilis evadit. Dices, experièntiâ cognoscitur: sed illa cognitio nimis est incerta. Nam etsi multa mala & miseres eventus in mundo post Cometæ evenierint: non ideo eveniunt virtute Cometarum: sed vel etiam si nullus Cometa apparuisset, eodem modo provenissent. In hoc mundo tam inconstanti, & ex tam contrariis constante partibus, nihil potest permanere perpetuum: semper novi eventus, hic tristes, & hoc anno; alibi, & alio anno læti. Nunquam tres, quatuor, quinque anni (ad quos etiam multi Cometarum efficientiam extendunt) labuntur, quin aliqua parte mundi semper aliqua mirabilia, tristiaque eveniant; hic bella, illæ mortes Principum; alibi inundationes, terræ motus, annonæ carities, pestilentia, mortes Regum: etiam si nulli Cometæ apparerent. Quam multos vidimus tristes eventus hisce annis, quibus tamen nullus Cometa illuxit? cui, si illuxisset, omnes absque dubio adscripti fuissent. Sicut autem multa tristitia eveniunt, ita & læta; si ideo si quis ex historiis conferret omnia, quæ post apparitiones Cometarum in mundo contigerunt, absque dubio non minora læta, quam tristitia reperiret. Nunquam in aliquo loco post Cometam miseres eventus secuti sunt, quin in aliis mundi partibus, vel sæpe in eadem non pauciores læti eveniant, etsi non commemorentur. Ad

felicia minus aduerimus, quam ad tristia, & horrenda. Quando fuit, quod trium, quatuorve annorum spacium non Rex aliquis, magnus Dux, aut Princeps mortuus sit? obiit magnus Rex Philippus, obiit Imperator, Serenissima Hispaniarum Regina, proles eius, Galliarum Rex Serenissimus Maximilianus; à quo Cometa? nullus apparuit. Certe si apparuisset, miset Cometa homicidorum omnium reus fuisset. Multi & contrapparuerunt, post quos nihil notum dignum accidisse est animaduersum. Julius Caesar executione rapitur. iam ante citatis, sic inquit: *Multi itaque sunt à nobis visi Comete, quorum nulla uspiam tota in Europa, subsecuta est perniciis mortalium. Et multi clarissimi viri suo fato funeli sunt, multi eorum Principatus, possum dare familia illustrissima, sine ullo Cometa iudicio.*

Quinto, Si Cometa tantum mali prælagit; cui regioni prælagitur in regionibus à quibus videtur? Atqui 24. horarum spacio hic noster totum mundum circumuegit; & à toto fere mundo vilis fuit: an ergo toti mundo minatur? Virtus sidetum est universalis, nec ad ullam peculiarem determinatur regionem; sed quas partes illustrant, in eas omnes agunt, modo sine receptivæ actionis eorum; ergo etiam & Cometarum. Unde si tantum maleficerent, & prælagirent, non uni tantum regioni, sed toti mundo, & facere, & prælagire deberent, quod à nemine prodium est. An verò illis regionibus tantum minatur, supra quarum vertice ferrunt? nam in illis æquis radiis virtutem suam magis demittit. Sed hic Cometa delatus fuit super verticibus mediæ partis mundi; & super verticibus omnium mundi regionum, quæ sunt eis Æquinoctialem. (Nam ab Æquinoctiali ad minimum ejus ortum incepisse non est dubitandum.) proindeque super verticibus omnium fere præcipuarum mundi partium. Præcipuæ enim omnes mundi regiones sunt eis. Æquinoctialem; Austrinam mundi partem fere mare occupat. An ergo omnibus minatur? Decurrit hic Cometa super vertice totius Asiae, Europæ, Mexicanæ, & majoris partis Africae. Et ut citiores, magis notas mundi partes nominem; super tota Arabia, Persia, Turcia, Barbaria, Maroco, China, Japonia, Hispania, Francia, Italia, Germania, Polonia, Belgio, Tartaria, Caray, Moscovia, Russia, Norwegia, Islandia, Groenlandia, nova Sembla, &c. Super Maroco, & Fessa decurrit die decima quarta, & decima quinta Decembris. Super Hispania, quando fuit circa sinistrum humerum Bootis; nempe decima sexta circiter Decembris. Die decima septima super Italia: die vigesima, super Francia, Turcia; Die vigesima secunda super Germania, Belgio; Die 17. Ianuarii sequentis, super nova Sembla, Groenlandia, &c. Quibus ergo minatur? an iis super quorum capite di-

hæsit? an in super quorum capite, majus lumen, majoremque  
 candam habuit? Si his; timeant Indi, & quicunque inter Æqui-  
 noctialem, & Caneri Tropicum habitant. Si illis; timeant Russi,  
 Moschi, Groenlandi, Tartari; nam super eorum vertice existens  
 ardē processit, adeoque multo tempore hæsit. Simus nos saltem  
 securi, ad quos neutra ratio magnopere spectat; cum medio modo  
 habuerimus circa utrumque: sed nec illi timere debent, quia quibus  
 magno lumine magnaue cauda incubuit, eos citò pertransiit, super  
 quibus diu hæsit, eos exiguitate luminis sui, corporisque languore,  
 & debilitate non multum afficere potuit. An vero minatur iis, ad  
 quos cauda ejus tanquam virga dirigitur, ut Cardanus loco citato,  
 & Plinius lib. II. cap. 25. asseruerunt. Illud dici non potest: quia  
 cauda dirigitur ap omnes mundi partes. Cauda enim ejus semper  
 est aversa Soli. In qua parte est Sol, in oppositam dirigitur cauda  
 ejus. Prout Sol vertitur, ita & cauda ejus. Unde cum Sol quoti-  
 die totum circummeat orbem, necessum est, ut quoque cauda cum  
 ipso circumducatur, & sic 24. horarum spacio, ad omnia cœli pun-  
 cta semel dirigatur.

Sexto, Quo tempore effectus illi sunt à Cometa expectandi? si in  
 multos annos virtus ejus extendatur, quod multi faciunt, non mi-  
 nus si multi interea tristes eventus, in hoc instabili, & perverso mun-  
 do contigerint; non virtute ipsius Cometæ, sed ab aliis causis. Se-  
 neca libro 7. naturalium questionum capite vigesimo octavo, tradit  
 ad annum vim activitatis ejus extendi.

Sed & ad annum, & magis ad tres, quatuor, quinque extendi, om-  
 nino a ratione alienum est. Nam quomodo aget, si perit? videtur  
 quod ejus efficacia maxime deberet elucere interim quam durat.  
 Nam postquam perit, evanuit, vel excessit, effectus ejus ab aliorum  
 siderum continuâ, ac perseverante activitate, à ventorum interim  
 orientium diversitate, ab anni temporum alterna varietate, necessa-  
 rio destrui, & exstingui debuisse videtur.

Hæc sunt, eruditissime *D. Professor*, quæ de proposita mihi à Te  
 materia habui dicenda: quæ ut æqui bonique consulas, rogo: co-  
 gitans præproperè à me, spatio pauculorum dierum in magnis prax-  
 eos, ac quotidianæ Professionis occupationibus esse conscripta, quæ  
 non sunt passæ, me aliquid exactum, limatum, ingenioque tuo dig-  
 num exarare. Vale Lyanii, ex Museo nostro hac decima octava Iaj  
 narii, M. DC. XIX.

LIBERTI FROMONDI  
COMET.

ANNI CIO. IOC. XIX.

Ad Clarissimum Virum

THOMAM FIENXUM

In

Academia Lovaniensi Archiatrum.

**R**esponsum qua me dignatus non legi, *Vir Clarissime*, sed spatio aliquot minorum devoravi, ut non avidius crebrius lovis. Qui sapuerit rogas? quod doceam. Et Cometas nihil minari dicis? falsum est. Hic certe Aristoteli nostro, non minas solum, sed exitium tulit. Ut patrem nostrum jugulares te barba illa stimulavit; immo me ut arenam tibi & congressum persuaderem cum veterano isto Lanista, quem non putavisti miserè cervicem datum. Ite Peripatetici, & imaginariam supus facite vestro Principi.

Cardanum rides, ubi Cometen juxta Coronam, & in Tropici, Equinoctiiisque Regum inlarisum ait portendere? verissimum est. Nostrer hinc per aequum Tropicum, sub Coronam ac Colorem Equinoctiorum penetravit, & hoc Philosophici Regis fatum fuit.

Reis tamen etiam sensum meum. Utinam possem aliter; à te sum & sentio. Iraque condonet Aristoteles, malo manus, quàm jugulum dare, & desperatis partibus transfugio ad victorem.

Non pugnaciter tamen (ne nimis efferatis) aut mordicus se hic habuit, ut non succumberet: cap. enim 8. lib. 1. Meteor. avertit mihi lectus, opinionioni suae quasi diffidens, negotium hoc Cometarum difficile in primis ait, & abditum; & in quo sit satis docere quid fieri possit, non quid fiat. Libentissimè id ab ipso audiui: quia Peripateticis suis videbatur fecisse gratiam sedatim aliquid à Magistro opinandi.

Ibidem etiam pro ratione cui frequentior generatio Cometarum extra Tropicos, copiam exhalationum affert, quæ in supplementum viæ lacteæ abundantius extra Tropicos, ubi via longius latiusque patet, perpetuo affluunt; quæ etiam materia facilius ibi formantur Cometa.

Viden' ut doctrinam suam Cometarum struxerit in altera Galaxiæ?

Hæc



hoc tamen pridem à juratissimis etiam Peripateticorum subruta est: & confensa translata in firmamentum. Cur non & nos Peripatetici perleverate, & Cometas Planetis saltem miscere possimus? Non existimo Cometas suos præ Laetæ dilexisse nostrum Stagyritam: imò facilius illos, quam istud dimissurum è manibus.

Itaque veniæ securus, & quoniam ita vis; & ridiculam meam lætiam aliquid tuo meridiei afferre jubes, parebo. Præsertim ubi similitum nos etiam non incuriosi, quatenus Professio nostra flagrat: & longius etiam quandoque, ubi rei blandimento nos permittimus, & finimus evocari. Non enim studium meum dissimulabo; Theologia plurimum temporis nobis jam implet, sed Philosophiæ & Astronomicis aliquid etiam damus: & Theologo non indiguum existimo, à Deo lassam aciem molliter in sidera & coelestia quæ solium quandoque deponere.

Scriptio autem nostra contra confusionem capitata erit. Primum, quid propriis nuper oculis in cælo videtis, absolvam: reliqua lem-  
ma præfixum indicabit.

## CAPUT I.

*Apparitio & motus Cometa anni 1618.*

Cometa noster, quantum sciverim, Lovanii in altitudine Poli 30. graduum & totidem minorum, die 20. Novemb. anni 1618. est primum visus: sed non à me. 27. tamen Novemb. vidisse se dicunt vicini Hollandi, in majori licet elevatione Poli. Et poruerunt, homines aquatici, & quibus

*— sorsâ cannahe fulto  
Cana & nux est in transito.*

Nobis Mediterraneis arbores, ædificia, montes, & maxime omnium somnus, eripiunt cælum.

Die Novemb. 30. bene mane calide ad spectaculum evolavi: & inspeni per dioptricum etiam tubum satis curiosè. Circumferentia capitis maximas stellas primæ magnitudinis, ut I yram, Arcturum, Canem faciliè æquiparabat color planè dispar: non argenteus & fulgens, qualis in Comæ, sed hebes ac obscurè rubescens. Erat autem in signo Scorpionis. Stellas circum, quæ à se nec valde illius sunt, & nubeculæ insuper insuscarant, distinctè notare non valui.

Proportio tamen ad remotiora sidera, fere supra Australem Librum hancem mihi collocabat. Scis enim ut Libræ asterismus scorpionem antiquis sedibus expulerit; & omnia signa firmamenti ad prætere grad. à præseis temporibus promoverint in Orem.

Cauda, sive barba potius, præibat enim, non sequebatur, & quæ  
gencum

gonere eorum suis, quos Aristoteles Pogonias, id est, Barbatos appellat) à capite statim aut mento quæ effundebatur, strictior, densior, & densato crine; deinde paulatim se dispergebat, ut non male quidam Ludimagistrorum virgis comperaraverit, quæ in manibus adstrictæ diffundunt extremitates.

Longitudo barbae non ad amissim recta, sed quasi semiovahis. Media convexitas directè Coronam, concavitas ad Meridie in spectabat. Ultimi pilorum mucrones consumebantur in cuspide dextrae Virginis ad stellam illam quintæ magnitudinis.

Sequentibus aliquot diebus perpetua nubes cælum obscuravit.

Quinto tandem Decemb. cum metuerem ne morem Planetarum, ut quidam alii Cometae, noster imitatus, Soli reciprocando in Ortum se admovisset, occidissetque Heliace (ultimo enim die Novembris aliquot horis Solem ortu suo præverterat;) planè secus, & in media mea vota res recidit. Solem enim multis gradibus in Ortum fugerat; barbaque longè quàm antea directior; exibat ad insimam stellam sinistri cruris Bootis.

Dies Decemb. sextus antecedentes superavit. Tunc innubi & stellante coelo, horâ 4. matutinâ vidi Cometae caput infra insimam quartæ magnitudinis, in dextro crure Bootis. Intra adhuc Scorpionem, sed non procul ab egressu erat. Distabat verò ab illa in crure Bootis 5, sed grad. & quantum circiter Arcturus ab illa lucida tertie magnitudinis, quæ tenet sinistram genu Bootis. Inter unam etiam & Arcturum barba longissimè excurrerat, ad duas illas Boreales in crinibus Berenices, id est, 30. facillè Zodiaci gradus obtegebat.

Dies deinceps ad undecimum Decemb. inutiles & nebulosi.

Undecimo ergo Decemb. horâ quintâ mane, apparuit jam in libra, & ascendisse ultra Tropicum Cancræ. Erat autem supra clunes Bootis; inter scilicet Arcturum & illam tertie magnitudinis, in coxendice, sub brachio dextro Bootis.

Linea tamen recta ab Arcturo in coxendicem, non transiisset Cometae caput, sed reliquisset ad Orientis latus. Abeam verò à coxendice Cometa, quantum conijcere valui, gradu uno & 30. fortasse scrupulis.

Barba mollior falcata, non ut antè versus Meridiem, sed Boream erat; concavitateque concavo caudæ Ursæ Majoris obvertem, redderent simul figuram proximam ovali. Nunquam alias prolisior. Inter enim caudam Ursæ & informem illam secundæ magnitudinis per Colurum Equinoctiorum, sub Meridionalis. Plurimi totæ effundebatur ad sinistram ursæ genu, id est, ad 50. facillimè gradus. Urba barbarior longè hinc noster insigni illo Cometa anni 1577. fuit.

cometam longissimam mensis Tichonis Braheus 22. tantum gradum invenit.

Die 12. Decemb. alia & connubia nocte miratus sum conspicuo tonitruo, de barba ne pilum comparere. Tandem post medium primæ & Sole inferum Meridiani arcum elapso, deformari paulatim cepit, loco eodem quo pridie & pari longitudine; ut plane matutina crepuscula solent, cum Sol radios quot præmiserat, magis magisque implet & intendit, quo propius ad Horizontem scan-

Quantulum Cometæ caput promovisset, non acutè per nebula- rum tenebras videre fuit.

Decimo tertio die manè de barba parum vel nihil expilatum. Caput duabus illis quartæ magnit. in dorso Bootis se palam admovebat, distantia fortè 30. stupulorum paulo minus.

Decimo quarto, manè circiter medium sextæ reliquerat duas illas Bootis ad Orientem intervallo quasi grad. & dimidii, adscendebatque versus sinistrum brachium Bootis.

Dies insecutos intercurrentia nubila turbaverunt: nisi quod decimo sexto manè deprehensus elevasse barbam, & spargere inter quatuor rotas plaustrî majoris.

Vicesimo tandem primo horâ 3. matutinâ, in confinio Libræ & Virginis clarissimè visus; infra cubitum Bootis duos circiter gradus, ut Benenack in cuspide caudæ Ursæ Majoris, cubitus Bootis, & Cometa Meridionalior, tenebant angulos trianguli, cujus brevissimum latus, à Cometa in cubitum, longissimum, à Cometa in Benenack exiret. Caput Cometæ non longe discolor sideribus, græve favecebat, magnitudo aliquantum defecta & senescens. De barbam largiter accisum. Ea enim versus secundam stellâ caudæ Ursæ Majoris resupinata, & hanc ab ultima dividens, vix usque ad superiorem è duabus prioribus plaustrî totam pertinebat.

Vicesima secunda, nihil.

Vicesima tertia circa medium 12. transierat Benenack, & visus luminosus illas quæ manum sinistram Bootis stellant, duobus iterum inter gradibus, barba convexo secundam caudæ Ursæ distinguere.

Largiter senserat forficem. Die sequenti horâ 6. manè spectatum repetii nonnihil, sed quod vix oculis sentiret, crepusculæ. Unde satis certum videretur exiguam habuisse parallaxin. Color oris palam luridus, & velut expirantis; barbæ flagrantior, ut ignem sine divinare.

Noctes iterum aliquot quales ex destinato sidera condidit percurat. Donec 27. circiter medium undecimæ vespertinæ aspectus solus Cometa & clarum fere fuit. Caput, cauda min-

rum quiddam, informe, & confusaneum erat; nec videndum nisi bene ocularis.

14. Manè gelidissima & sideria nocte certius alividi. Supra fere secundam caudæ Ursæ erat, & penè in eandem lineam rectam incidit cum secunda illa, cum antepenultima caudæ Draconis, & cum inferiore tertiæ magnis, in pectore Ursæ Minoris.

Ab illa hora ad undecimum Januarii diem an. 1619. cœlum impervium fuit.

Undecimo vidisti, non ergo, *Vir Clarissime*. Sequenti die à te epistola excitatus, & locum, non facile alias mihi inveniendum, edoctus, ad satietatem spectavi, purissimo cœlo & universis sideribus illustri.

Itaque 12. Jan. 1619, hora sexta vespertina apparuerunt reliquæ Cometæ, non spectandæ nisi à perspicacissimis, 3. circiter grad. supra ultimam caudæ Draconis; & in eadem linea recta, cum ultima Draconis & illa quæ est in radice caudæ Ursæ Minoris. Penetraverat ergo Cometa circulum Arcticum, & Colum æquinoctiorum transierat.

Die 13. Janu. vesperi hora 11. jam linea recta ab ultimâ Draconis per Cometam in spatium inter radicem caudæ Ursæ Minoris, & sequentem in cauda medium exibat. Die insequenti vix quod sentiret se promoverat.

Die 15. Jan. hora 9. vespertina triangulum cum ultima lucida caudæ Draconis, & cum altera obscuriore in cauda (ante tamen longè et minutulas in cuspide caudæ) deformabat. Distabat verò ab utroque polo amplius 3. gradibus versus Polum.

In eadem verò linea dirigebatur cum duabus ultimis rotis majoris plaustris, quæ producta præteribat infra polarem. Linea item recta intendi poterat ab inferiori rota è duabus prioribus plaustris per ultimam lucidam caudæ Draconis, in Cometam. Unde planissime esse potuit, *Clarif. Domine*, ut die 18. quando postremum à te visus, rectam lineam incidere inter Alrucabam sive polarem & Dubbem. Ego verò à 15. Jan. nunquam amplius vidi: & vicesima, quando reddita serenitas, sideratissima nocte, nullum toto cœli fornice vestigium, nulla vola Cometæ.

Hac vita nostri Cometæ, non ab similibus longè illi, qui tempore Franc. Vicomercari sub Vindemiatrice in dextra Virginis ala exortus, celeriter in Septentrionem erepsit, & implicuit se voluminibus Draconis.

Duravit autem nostri à 27. Novem. anni 1618. quando primus in Hollandia conspectus. ad 18. Jan. anni 1619. id est, dies 52. Et sic tamèn indubie longior, quia parvas adhuc spirantis aliquando fugit

ferre oculos nostros potuit. Defecit autem in fine Cancrī, quo ex  
 scorpione per Libram, Virginem, Leonem, in præcedentia signo  
 transierat.

Motus ej in principio concitator, quem sensim remisit. Tale  
 esse Cometarum ingenium. In juvenia quasi vegeti & sciss  
 nantes; tardantur deinde & conflagrescunt. Noster 6. 7. 8. 9. 10.  
 Decem. confecit circiter 17. gradus: id est, singulis diebus tres gra  
 dus & 24. minuta. 11. & 12. junctim quatuor gradus 13. putavi se ad  
 4. aut. 5. gradus incitasse, sed errorem postea deprehendi, similem  
 imaginationi Thaddæi, qui bidui spatio Cometam anni 1577, salasse  
 putavit 12. grad. in longitudine & 6. in latitud. Itaque 13. Decemb.  
 noster non longe, puto, excessit 2. grad. A 28. autem Decemb. ad 18.  
 Jan. an. 1619. id est, 21. diebus confecit 20. circiter grad. id est, non  
 totum unum singulo quoque die. Non tamen æqualiter per omnes  
 dies spargendus graduum numerus est: dies priores quibus incita  
 tor fuit cumulandi; & aliquid detrahendum est posterioribus. Lon  
 gitudo verò ac latitudo ejus colligenda est ex locis, ubi cum singulis  
 diebus signavimus.

Tibi autem, *Vir Clarissime*, astorum consulto narratiuncula hæc  
 data sit: alias frustra legat, qui sideralem scientiam non attulerit.

Dispiciamus breviter jam de causis Cometarum univèrsim ex no  
 stro hoc, qui plurimum profectò in hanc Physiologiæ partem, si  
 quis unquam aliis, contulit.

Sequentia autem capita consumam in aliquot argumentorum tra  
 ctatione. Et primo, te secutus, contra ærios Cometas, deinde pug  
 nabo pro cœlestibus. Non omnia tua argumenta distincte, in ma  
 gnum relinam; quia id longum, & sæpe dixisti quicquid potest.

## CAPUT II.

## Argumentum I.

*Ab elevatione exhalationum.*

A Maxagoræ in primis & Democriti opinio de Cometis satis olim  
 ab Aristotele nostro explosa; ut neminem vir unum è posteris  
 inveniret qui replauderet. Cometas coiri & formari volebant, cum  
 plures Planetæ juncti radios communicassent: ut plures candelæ in  
 silem compositæ perdunt ex longinquo imaginem multitudinis, &  
 videntur facis unitatem.

Unde Joannes Dallacti Gandavensis, Scriptor elapsi sæculi non  
 indolens. Sine dubio, inquit 1. Meteor. quando sic congregantur ali  
 quæ Planetæ, judicares aliquis esse Cometam: quia tunc apparet  
 lumen



nam oblongum & continuum sicut comæ: & hac fuit causa deceptio-  
nis Philosophorum. Et alias aliqui & ego una cum iis propter ali-  
am causam credidimus apparere Cometas, diligenti tamen facta obser-  
vatione comperimus nos fuisse deceptos: aliqui tamen ex nobis persiste-  
bant in suis opinionibus, eo quod secusa est statim postea magis illustrifi-  
cibus ac Sencissimis Comitis Flandriae Philippi (is pater fuit Imp. Ca-  
sabri V) semper Augusti in suo regno Castella. Et etiam quia secun-  
dum bella in Ducatibus suis Brabantiæ & Gelria.

Sodales deinde suos Dullaer solide refellit. Planetæ enim (nisi  
sunt retrogradi) non adjuvant in Occasum motum primi mobilis;  
sed resistunt, nec desistant ab Ecliptica ultra 8. gradus. Noster  
Cometa, & secundo primo mobili; & 6. facile grad. ab Ecliptica  
abivit. Et ut verbo eos absolvam, vidi ego omnes Planetas diversi  
Signiferi partibus dispersos, excepto Mercurio, qui Soli erat vicin-  
issimus, vivente tamen & vigente alibi nostro Cometa. Opiniones ali-  
orum, qui Cometas cum Democrito in sidera regione locant, sed  
colorem aliam allinunt, quo se faciunt probabiliores in finem dispo-  
nunt; quando etiam alicui ex iis festo nos applicabimus. Itaque  
Aristoteles ante omnia inspiciendus.

Aristoteles spreto, uti solet, veteribus, Cometas fere inter pri-  
mos celo detraxit, & aërio Elemento miscuit. Affirmat enim  
pingui & resinosa terræ exhalatione globum aliquem cogi posse &  
convolvi in aere supra nubes, qui aut motu, aut vicino Elemen-  
to ignis, aut radiis solaribus inflammatus, faciat speciem novi si-  
deris.

Hic Cometa proprie erit, si comam in orbem spargat; alias juba-  
rum, caudatum, barbatum, cornatum sidus appellabitur: aut si quod  
aliud nomen materię figuratio postulabit; Plurimas enim eorum  
differentias apud Plinium & alios invenimus; licet Aristoteles co-  
matum saltem & barbati meminerit, irrobore jam tamen, ut omnes  
cujuscunque fidei, vocentur Cometæ.

Post Aristotelem universi fere etiam Astronomi Præfides, in  
quibus ipse Ptolemæus, quasi inventionis jam & veritatis securi ad-  
hærent; donec tandem sæculo nuper lapso occasio maximè Cassio-  
pæ stellæ plerisque ad respectum veteris opinionis permovit. Qu-  
ibus autem machinis petitur Aristoteles? Primo, Non elevari à  
terra vapores, aut exhalationes conspicuas tam alte quam est Com-  
etæ locus. Quinimo Jo. Bodinus l. 2. Theatri tribus, ut summum mil-  
liaribus à nobis summo vetus terræ halitus, dicitque valde  
largiter & liberaliter omnes veteres Philosophos intra duo eum mil-  
liaria resistinisse. Possidonium deinde apud Plin. ll. 2. c. 29. quod  
secum ad tria tantum miliaria spatium illud relaxantem, adductum

tamen Possidonius in vulgaris Plinii exemplarib. 40. stadia habet tota 5. milliaria. Sed fortasse milliare suum Bodinus extenderit mille passus. Vitium tamen in Plinio, & pro 40. rescribendum 400. monet Petrus Nonnius. Possidonius ergo 400. stadiis, id est, 30. milliariis. summos vapores à terra rejicit: consentienter satis Vrelloni li. 10. Theor. 60. qui 52. i. 12. circiter communibus Germanicis. Recentiores jam tamen quidam probabilius ad 15. milliaria Germanica numerum ampliant. Nimis ergo longe absuit Cardanus, cum distantiam illam ad 771. milliaria produxit, i. e. 193. Germanica. Itaque Bodinus juratus ubique Aristoteles nostri hostis, nec nihil in toto ipso forte justius, quam ignitos istos Cometas inoffensat, imbecillo tamen telo id jam facit, & vana hypothesei elevationis vaporum à terrâ nimis curæ.

Sol tamen 15. milliariis Germanicis in cœlum exeant terræ & aëris anhelitus. Cometae adhuc altius orbem suum ducunt. Nobis an. 1577. Cometam illi etiam qui Aristoteles nostro imbuti intra lunam depresserunt, unus Andreas Nolithus à mundi centro 3. amplius terræ semidiametris, (terræ vero semidiameter veriori calculo habet circiter 860. milliaria Germanica) Bartholomæus Sculterus à terræ superficie 7188. milliariis, & passibus 1400. reculerunt. Georgius Buschius adhuc liberalior 24. semidiametron in donat. Atqui accurrunt alii, nihil in tantam altitudinem aqua vel terra sursum exhalat: ergo Cometa non est terrestrium fumorum vortex ibi accensus. Hoc argumentum eludi, sed non longe potest. Si nimirum dicam leviores terræ spiritus quandoque profundius in cœlum scandere, quam est communis & frequentior eorum altitudo, quam è crepusculis mensuram perspicit. Posse itaque ultra spatium ab iis circumscriptum aliquando, etsi rarer, exhalationem pinguem & viscosam convolvendo in Elementare sidus tornari. Opacitas enim earum duntaxat exhalationum elevationem mentiantur, quæ rapere crepusculum possunt, & solari radio se colorant. Tales vero gravitatem, densitatem, opacitatem aliquantam habent, ut lumen sorbeant & reflectant ad speciem, ut etiam ea re non longe infra stipulam illam totam nubium molem relinquant. Spiritus vero sunt subtiliores & in consuetum Elementi ignis subiecti, crepusculi illius non sentiunt, transmittuntque per suam raritatem inextinctos. Minorum altitudinem nullis oculis videre possunt perspicui, quia non possunt plus. Ex talibus autem excellentissimi illi Cometae consistunt & densantur. Speciem hæc responsio habet, sed introspectum sit similis suæ fronti. Demus itaque spiritus ibi rariore, & longius fuge, quam sequi possit humana acies, & ex iis confectum ignis coram etiam Cometam. Materia tamen ista indubie multitudine

dine gravata & densitate compressa recipiet pondus, & recidet deorsum facile ad nubium circumferentiam : & hinc contra experientiam Elementaris Cometes nunquam longe apparebit ultra mediam aeris regionem. Veruntamen ut eum ibi sustineas, dicēs ignem esse qui levior aere, etiam illo qui rarissimus est in suprema regione. Si Cometarum ignis purus & sincerus, ac Elementari sub Luna similis esset, argumentum vires haberet : quæ flaccescunt jam ubi ignem qui terrestribus exhalationibus pascitur, magnam densitatem, & multum saepe proni habere scimus. Deinde habeat Cometa multum rari & spiritualis ignis, qui sit levior toto Elemento aeris : materia tamen quam depascitur nondum est ignis. Ista saltem ergo pondere suo desidet, flamma superiori licet rursus expirante. Si reponant, tenuem & igneum spiritum omnes materiae poros & venas intendere, & sustinere librata in summo aere. Respondebo prunam v.g. viventem & quæ omnibus fibris ignem bibit, recidere sursum abjectam per aerem, tamen apud terras longe densiorem. Et in materia etiam leviori, quæ venis & meandris intratum ignem conceperit, ex eodem valeret. Deinde facilius longe est summum Cometæ corticem a Sole inflammari priusquam in viscera ignis penetraret. Quo eventu flamma Cometam extrinsecus allambens, casum ejus sustentando non erit. Itaque ingentes Cometarum sphaeras & toti Belgio magnitudine pares cœlo præcipitari videbimus, quod invisum haecenus, quod inauditum, quod falsum. Nullum ergo in spirituali illo igne intra Cometæ venas spirante & lustante contra ruinam præsidium. Videamus an in Aëre hoc ignorantiam, cœlesti influentia, majus.

Qui aliterunt erraticam aliquam aut fixam à Cometa quandoque eriniri sic ut coma videtur, adhærere sideri, libenter uruntur beneficio hoc influentiae cœlestis, quæ Cometam veluti habena divinum gubernet, & sub eodem aliquandiu sideri perineat, ne huc illuc distuat. Influentia vero ista est vis attrahens ipsius astri, qualis est in magnete ad ferrum. Itaque hæc eadem vis quæ Cometam circumducit, potest etiam sursum attollere & suspendere in illo inani supremo aëre. Speciosum id, sed fictum & fucatum plane graviter. Cum enim cuilibet astri spargi possint crines, quodvis etiam habebit vim attrahendi quemlibet Cometarum ; cum omnes consentiant pari & unius temperiei materia ; sic enim magnes quodlibet ferrum sine delecta sollicitat & trahit.

Quid igitur accidet? Cometam statim viciniore saltem omnes stellæ ad se rapiens, diripientque certatim in infinitas partes. Ptolemæus opem hic Saturni contra mesorte implorabit, qui Cometarum materiam à Marte potissimum & Mercurio elici putat; de-

in vero frigore in alia influentia senis Saturni, continetque ne diffuset. Sed nihil iuvat bonus senex. Tota cœli quandoque diame-  
tro Cometa distat: & nuper in principio Geminorum erat, cum  
inter Cometa in Scorpione. Tunc ergo influentia ejus debilior  
esset, lassata intervallo, laxiusque materiam retineret; quod non  
capimus. Immo Cometa noster quo propius Saturnum per  
Scorpionem retro & Libram admovebatur, eo magis materia car-  
pebatur & deperibat. Deinde si à fidere suspenditur contra lapsum  
Cometes, cur non longius & ad fornitem ipsum cœli Lunæ abripit,  
cum influentia fortius & impressius trahat è propinquo? sed abiecit  
hoc telum, & alterum sumo in manum.

## CAPUT II.

## Argumentum 2.

*A natura ignis flaxa & dissolubili.*

Argumentum hoc validum est, ubi præsertim Cometa non solo  
motu diurno cum primo mobili in Occasum fluit, sed alio pro-  
prio in Ortum renititur, vel abit in Septentrionis aut meridiei latus:  
Scenim inter utrumque motum oritur rixa, quæ facile discordem à  
se bene coherentem ignis materiam dissipabit, aut diducet. Hinc  
Cometæ statim dissolutio, aut, ut minimum, mille materiæ vicissim  
separationes, & turbatio rotunditatis, quam perpetuo in capite,  
nisi jam plane expirantis, notamus. Responderi potest, variam  
quidem capitis formam de orbiculari in quadratam, triangularem,  
&c. sed à nobis ob distantiam non sentiri: Scenim quadrangularis  
terris è longinquo visa, rotunda apparet, & angulos suos celat. Sed  
hoc de nostro saltem Cometa falsum (si, ut volunt ipsi tam immani  
intervallo sit infra Lunam) quæm per dioptricam arundinem sæpe  
rotundi & circumcisi capitis aspexi: cum per eandem tamen Lunæ  
retrucas & asperitates facillime deprehendam.

Quid ergo hic dicent? Hoc forte, aut materiam adamantino pend-  
ulo, ut sic dicam, coherere, aut exhalationes novæ supervenire,  
quæ discidia hiantium rimarum sarciant, vel novum etiam aliquan-  
do fundamentis Cometam restituant in locum dissipati. Sed, ut  
tunc tibi *Vir Claris.* notatum, pari inferiori & fundo Cometæ im-  
mensa exhalationum viscosarum moles, imagine densæ nubis ob-  
tundi deberet, unde alimentum & supplementum Cometa trahat; &  
plurimum etiam sæpe Eclipsin.

Reponunt, ob raritatem à nobis nubem illam non aspici. Nugæ:  
quis vero exhalatio uno alteroye pede infra Cometam nunquam  
coeat

corat & densetur, sed solum præcisè ubi attingit & adhaerit Cometæ corpus.

Bene etiam, *Clar. Domine*, miraris, cur non latius Cometæ incendium, & in totam circumquaque materiam semel & simul se spargat, cur non etiam in aere potius inferiori incendantur Cometarum ignes. Hic enim certe materia terrestri & idonea ignibus suscepborat. Pro quo etiam ecce se mihi suggerit hoc argumentum. Exhalatio, quia corpus leve, volat à centro mundi versus circumferentiam directa linea quantum potest: ergo omnia puncta & atomi exhalationis à se distantia æquali longitudine à centro, diversa linea cœlum petent, & paulatim magis magisque se laxabunt & dispergent, sic enim duæ circuli lineæ à continuis etiam & proximè se adherentibus circa centrum punctiseductæ, latius in diversum abeunt, quo propius admoventur circumferentiæ. Itaque exhalatio etiam quod aliis scander, eo sensim magis relaxari necesse erit, & dissolvi in maiorem raritatem. Igitur in infima regione densius ascendunt exhalationes, & cœunt facilius tenaciusque. In suprema ratiore sunt, & calore insuper regionis magis exultæ. In inferiori quoque & pigro aère, ubi præsertim quies à ventis, nihil est quod cœtum & confluum prohibeat: ubi contra supra nubes æther in orbem & cœli sequelam incitatus, exhalationem inconsiliat & spargit, & quod etiam aliquid huc refert, exhalatio, nisi forte mole quandoque retardata, præcedens non expectat subsequenterem, ut possint iungi velut in rota radius prior posteriorem.

Expectabimus ergo posthac non supra nubium stationem, sed capiti nostro imminentes Cometarum formas.

## CAPUT IV.

Argumentum. 3.

*Scintillatione.*

**S**Cintillaret etiam, inquis, Cometæ, si esset ignea hypostasis, verissimè. Sic scintillantes videmus ignes fatuos, & universos fœt alios omnes, jactat enim se libenter flamma, res mobilis & inquina. Videtur etiam aliquando vibrari & excutere, quia pabulum sequitur, & vicina quæque allambit idoneis igni.

Scintillationem Cometæ vertigo supremi aeris ipsam & nubes interlabentes adjuvaret, & omnes illi exhalationum funi quos circumvestat & ducit in orbem. In genere ergo Planetarum Cometam ponemus; quia simili, id est, quieta & tranquilla luce, Stellæ utroque, tanquam cœlestes quidam ignes, scintillant & vibrantur, hoc



ingumento scintillationis, præter cætera validissima sidus Cal-  
 lebanum an. 1572. & nuperum Sagittarii an. 1604. affixerint  
 ingumento doctissimi Astronomorum. Acerrimam enim lucem  
 erant? ut etiam cum flagrantissimo omnium Cane contende-

Negorium verò hoc totum scintillationis siderum difficile est, *Clav.*  
*Dominæ*, si quid in tota Physiologia, & perplexum. Non Aristo-  
 tes, non Vitello, non Alhazen, nullus ex ingeniosa perspectivo-  
 rum cohorte hæcenus extricavit, mille tentavi vias, nulla satis ad-  
 rotum. Tycho Braheus, & nuperior Franc. Aguilonius veterum  
 quorundam opinionem revocare conati sunt. Fixas videlicet in to-  
 tando aliquo firmamenti acetabulo & lacuna perpetuo circum sua  
 centra gyrai: & inde crispum illud lumen torquere. Addit verò  
 Aguilonius maculosas sorte & lucis inæqualitate asperfas fixarum su-  
 perficies: ut rapidissime circa centra sua vertiginando, nunc aciem  
 plenæ lucis faciem, nunc plagosam & fractæ nobis obvertant: &  
 inde interruptio illa luminis, & species jactationis.

Planeta verò nullus se sic circa suum centrum rotat: ut de macu-  
 la patere potest, quam Luna eandem semper ostentat. Scis tamen  
 quam hoc sententiæ non faveat, qui gyrum talem Soli suum centrum  
 asseris, ex illa scilicet ejus macula quam circumfert, & videmus  
 migrare locum. Alii parvula quædam astia, & quantula sorte qua-  
 terna illa Galilæi Medicea circa Jovem, volunt circumvolvî Solem,  
 & sublabendo maculare mobili & palante Eclipsi. Tu nativa macu-  
 la & adhærente lividum Solem majoris, & cum astro subjecto eam cir-  
 cumagi. Ego si causa illa micationis fixarum non dupliceret, in  
 Mercurio, Venere, Marte, qui sæpe etiam crispicant suos crines,  
 parem circum sua centra vertiginem lubens admitterem: certè de-  
 cretio illa & accretio Veneris, nec Lunari plane ritu, non eam circa  
 Solem tantum, sed circa proprium etiam centrum volvi satis instat,  
 partesque perpetuo alias aliasque Soli obvertere, quæ non omnes ad  
 æque rapiant ejus radium. Si enim id non sit, nescio quo modo  
 Galilæus Venerem in maxima à Sole digressionem semicircularem vi-  
 dit, cum alias plenam debuisset: sic enim Luna impletur, cum  
 longissime à Sole discessit. Jupiter apparet tranquillior; etiam ali-  
 quies vidi Venerem vespertinam in Piscibus nictantem, Jove juxta  
 eam satis constante & quieto. Saturnus verò placidissimus est, rigi-  
 dum plane & immotæ lucis: ut singulis jam noctibus contemplari li-  
 cet ex comparatione scintillantis oculi Tauri, à quo non longe abest  
 in Geminis. Saturnus ergo non videtur gyrai circa suum centrum;  
 sed is lucem divaricat, & speciem tacit coruscæ nictationis, &  
 etiam argumentum habet immobilitatis Saturni: discretio illa  
 erium

trium in ipso orbiculorum ( de quibus in *Peregrinatione* posui-  
mus ) quos nunquam mutat & pervertit.

Itaque si audendum est, extremis Planetarum, Lunæ & Saturni  
adimam volumen circa centrum : & quietem hanc causam habebit  
placide illius & fixæ lucis. Cæteri vero in medio Planetæ commo-  
ne hoc habent cum fixis, perpetua vertigine circa sua centra rapi. &  
inde aliquando radium crispant & speciem præbent scintillantæ. Mi-  
nus tamen id faciunt quam fixæ, quia hæc forte rapidius circa sua  
centra citantur, & pluribus in orbem superficiæ locis sunt inæqualis  
& plagosæ lucis.

Tentavi sæpe an hæc prima fronte ita blandiens opinio experientia  
& cœlo responderet : & vidi difficulter posse. Inter omnia nil me  
sic alienavit, quam videre multis noctibus omnes fixas, ut Ardu-  
rum, Lyram, Canem, Spicam, oculum Tauri acerrime scintillantæ  
circa Horizontem, immò toto fere arcu ascensionis usque ad Meri-  
dianum, cum vero hæc, aut circa pertigerint, crinem incipere com-  
ponere, & molli solum nec frequenti nictu vibrare. Video tamen  
alias in tanto aliqua optica hic non delirescar. Veruntamen siue hæc  
actio, siue alia quæcunque fiat illa micatio & siderum lascivia,  
demur hoc nacti, Cometam non de genere firmamento affixarum,  
aut ignem fuisse, quia non lubricæ & petulantis lucis, sed tranquille  
& æmula quasi Planetarum.

## CAPUT V.

### Argumentum 4.

*et motus.*

**M**otum etiam nostri Cometæ advertisti, non pro igne sursum  
sed circulaem & cœlessem plane. Itaque non solo raptu primi  
mobilis ab ortu in occasum tractus & vexatus fuit, alias enim reno-  
versus Orientem singulis diebus relictus apparuisset. Iam vero om-  
nia sidera fixa versus Occasum prævertebat, adjutus scilicet motu  
proprio à Meridie in Septentriones. Hoc motu Eclipticam & Equi-  
noctialem transivit in Scorpione : & inde sub Serpentem & Colu-  
nam, per clupes, lumbos, brachium, sinistram manum Bootis, super  
Ursam Majorem, per Colurum Equinoctiorum, in circulum Ar-  
cticum satis alte se penetravit & ibi evanuit non procul à Polo.  
Vero tota hæc via mente relegatur, inveniemus quadrantem ampli-  
circuli majoris in Sphæra, & medium semper totius Sphære cœlestis  
nostram Cometam tenuisse. Similem motum habuit famosus  
Cometa anni 1577. de quo scripsit magister quondam tuus, vir

conditione immortalis, D. Cornelius Gemma. Visus enim primo fuit supra caput Sagittarii 13. Novemb. anni 1577. licet quidam affirmarent die 10.) & inde per manum sinistram Antiopei, & pedes Equulei, in dextrum Pegasi armum eraptavit, ibique juxta bellam Scheat consenuit.

Cujus semita etiam filum, qui diligentèr sequetur, segmentum circuli in Sphæra Majoris, & cælum in duas partes æquales dividere inveniet. In hoc tamén disparilitas fuit: quod ille anni 1577. ab Occidente in Orientem, more Planetarum, motum obliquabat; nos vero contra, ab Oriente in Occidentem. Qui etiam celerior & incitator fuit, quia diebus 52. quibus duravit, longius multo spatium confecit, quam alter diebus 74. Hic quoque anni 1577. Significari limites non transiit: sed natus citrà Tropicum Capricorni continebatur paulo citrà Tropicum Cancrì.

Si vero, quod verissimum est, Cometes noster, ut plures alii, à segmento circuli majoris ne vel latum unguem motu proprio exciderit: quis prudenter id existimet in pendulum aliquem, & instabilissimo acris Elemento fluctuantem ignis nodum posse cadere & incredibilis etiam est & nugatorius quorundam hìc sensus. Putant enim non eundem esse Cometam qui de hoc in consequentem locum migrat, sed alium aliumque cærenatim renasci, veris hanc aut illam cœli regionem materiâ invitante, priori Cometa continuo itergero denascente.

Quasi verò singulis momentis nova materia velut ex compacto sub eodem circuli magni filo perpetuo disponatur, eadem etiam quantitate & forma, ut Cometa eam inflammet, seque in filo per omnia simillimo centies millies amplius regeneret. Cur etiam semper eipse Cometæ anteriori materia præparatur? cur non rēto? cur non ad latus? quæ causa veterem Cometam præcisè sic interficit, ut non abortiatur & dispareat cum exoritur novus? cur non 2. 3. 100. permanent & videntur simul?

Itaque Cometa noster supra totum terræ quadrantem, ut verè dicatur asseris, ab Indijs ultra Æquatorem, per immensa marium spacia, per Gallias, Belgium, Daniam, Norvegiam, ad ultimam Thulen & gentes Polo subjectas, idem prorsus, & ipse non per intermedios vicarios pervenit. Hinc si per alia argumenta opinionem Aristotelis retinere liceret, equidem intelligenti alicui ex iis quæ Elementaribus præstunt, necessario hanc motui destinarem; sic enim omnia prona fuerint & facilia. Angelus enim occulto fine, vel ad salutem mortalium & penitentiam de peccatis, sub eodem arcu circuli majoris exhalationem agere potest, materiamque condicere & dirigere, aut aliam etiam & propinquius sufficere, si prior dissipata cõperit.

coeperit. Quia verò subitaneus hic ignis est, & in significationem ac finem non longum assumptus, sinit paulatim & minutatim carpe dilabique Angelus; donec more naturæ alibi usurpato, semio quasi contabescat. Veruatamen quæsitum hoc & violentis forte videatur, nec satis Physicum, & si intelligentiæ opera placet, probabilius profecto in eorum Cometam evchemus, ut ibi in siderum æternorum coetu à celesti intelligentia roteatur, solemniter nec tam miraculose. Non enim bene quispiam exemplum novi fidei huc trahat, quod olim Magos duxit ad locum natalem Christi. Licet enim Cometam Origines appelleret, ut etiam Poeta ille pius Mantuan.

*Hac quoque nocte Magi claram videre Cómetem.*

Tamen abiit a lege cæterorum : qui primum Astrologis illis in Oriente spectatus, deinde subito Hierosolymis, unde dux in Berthelem factus. Fuit autem is è materia forte subternari, aut, ut purius verius, cœlesti, & quali stella anni 1372. cuius etiam instar fulgurabat & lasciviebat flammis. Fuit autem, ut videtur, humilior nubibus, solisque detractus, (quod fieri posse cap. 7. patebit) & ab Angelo, divino nec ordinario iussu per aerem gubernatus : si namque in nubibus aut supra constitisset, non facile notari potuit, an stabulum ubi puer jacebat, an quamlibet aliam è toto Berthelemítico oppido domum designaret. Mirum ergo non est, si ab Angelo specialiter circumlatus fuit, quia ad rem tantam factus erat : quique terræ plane propinquus, loco cum nostris Cometis non consentiebat. Adde quosdam S. S. Patrum existimasse non stellam aut Cometem, sed Angelum imagine stellæ sapientibus illis apparuisse : quod forte tamen etiam eodem penè redibit. Quid enim aliud potuerunt velle, quam sphæricum aliquod è materia cœlesti an Elementari corpus ab Angelo deformatum, quod accensum radiis forte solaribus, subiret & veluti animaret Angelus ? nisi fortasse etiam, dum cogno, putarint intelligentiæ esse corporeæ, & aliquam divino imperio desasse aereum suum corpus, ut radios Solis plenius biberet revibraretque instar fixi sideris & cœlesantis. Quicquid tandem fuit, miraculum grande fuit, nec temere sedendum in præjudicium naturalis & quotidianæ Cometarum generationis.

CAPUT VI.

## Argumentum

Cometarum ciudes, five ex barba, subtiliores exhalationem  
 Cuncta haec cum Aristotele putavimus: satis simpliciter. quidem

quidem oculos jam satis apperio. Cur enim semper avertat à Sole, si  
est? Certe exhalatio illa Cometam ericiens adversus Solem eti-  
am quandoque erit. Cur enim non poterit? immò facilius id even-  
tum: quia latus Cometæ propinquius Sol intentius luminans,  
tiam rarefaciet, & disperget in crines, ac ita frequentius a parte So-  
lis Cometa caudam aut barbam promitter.

Aliter tamen populus videmus: & doctiss. Petrus Appianus in  
quinque Cometis ab anno 1531. ad annum 1539. à se visis notavit,  
caudas semper à Sole avertisse: Solemque caput & caudam Cometæ  
in eodem circulo maximo disposita fuisse. Idem in octo Cometis  
cruditiss. Gemma Frisius observavit, & Cornelius filius in Cometa  
anni 1555. & sequentibus. Idem Fracastorius, Cardanus, Jul. Sca-  
liger, & antiquior, Ioan. Regiomontanus. Deinde, si cauda sub-  
num exhalationum ignis quidam est: sursum potius rectâ lineâ ni-  
tis, quo levitas ducit: non vero exhibit per latus, sic enim subtilis  
flamma rogi directâ in cœlum exhalat.

Si dicant non parere flammæ exitum, nisi ubi materia spiraculum  
aperuit, ut videmus in fornacibus. Respondeo non habere id locum  
in materia Cometæ, spongiosa & ab igne rara, quæ qualibet se po-  
test expirare, secundo, spiraculum Cometæ non semper esset in la-  
tus. Terrio, non semper à Sole aversum. Quarto, extremitas caudæ  
semper jaçtaretur, & tandem sursum resurgeret.

Vidit hoc forte doctiss. Regiomontanus, ideoque caudam sursum  
semper elatam demonstrare est adnixus; & jacentem apparere fal-  
laciâ visionis. Sed fallitur profecto ipse, & ratione Optica abuti-  
tur: quod pluribus persequi longum, nec pro modo scriptiuncula  
hujus.

Aliter fortè dici potest, & caudam illam spargi immediatè sub con-  
cavo Elementi ignis, nec scandere altius: quia ignis alius levior lu-  
men est, qui locum illum jure suo defendat. Sed hoc etiam vanum.  
Nam Cometa per verticem se exonerat, & igneus illæ caudæ rivus  
à concavo Elementi ignis levioris reflexus, in longum refundatur,  
facile notabitur ille fluxus, motuque & agitatione continuâ sese pro-  
det.

Secundò, Cometæ caput, utpote ob gravitatem caudâ propen-  
sus, propinquius nubibus & mediæ Regioni erit; ac proinde  
portio illa caudæ & thyrsus à capite ad Elementum ignis directus in  
cœlum erit. Denique si quis unquam alius, hie noster Cometa ex-  
halationes illas caudæ refutavit. Non enim flagrantem in aliqua  
magna ignem referbar; sed radiorum per caput trajectorum classem  
imaginem; per quos etiam minimas stellulas facile sæpe vidimus: ut  
sub Benneck & caudâ Majoris Ursæ, sextæ magnitudinis.



Id etiam clarissime deprehendi, ubi nocte hora octava, nona, decima, & porro nullum barbæ vestigium circa Ursam ubi manet, videram, apparebat: quæ solum post mediam noctem & Sole in Hemisphærium nostrum resurgente, formari pallido quodam & tenui radiorum tractu incipiebat: qui magis tamen magisque ex vicinis Solis adventantis incendebantur. Hoc argumentum vix puto ulla specie posse eludi. Itaque barba illa planissime radii solares per caput Cometæ tranverberati erant, ibique ob materię densitatem refracti, & sparsi deinde in barbam. Quicunque ergo Cometæ post occasum Solem supra Horizontem relinquuntur, ut ille anni 1577. alique plures, caudati sunt, non barbari: quia crimen in Ortum aversum à Sole dirigunt, & cum rapto primi mobilis inde ad Occasum fluant, capillus est retro, ut solent caudæ. Qui vero manesurgendo Solem prævertunt, comati in Occasum, ut nos, avertunt, & habent in mento, nisi velit eos quispiam cauda antecedente surgere, ut olim in antrum Cacus tractabat vaccæ.

Norandum tamen, immò mirare potius quod eruditiss. Tycho deprehendit. In duobus anni 1577. & 1580. Cometis caudas non à Sole directè, sed à Venere fuisse averfas. Quod nescio satis, an idem statuere velim in nostro, sexto die Decemb. quando barbæ fundebat inter Aëstivum & sinistrum genu Bootis, Sol erat in 14. gradu Sagittarii, Venus autem circa finem Capricorni in 29. ejus gradu, ergo hæc amplius sesquisigno longius, à capite Cometæ distabat quam Sol, ut ne quidem sit affine verò, ipsam potius quam Solem, tam densum radiorum fascem per Cometæ caput trajecisset præsertim in tanta ejus apparenti parvitate: & utut etiam verum sit Lunam inter Solem & Venerem mediam, ab istâ evidenti luce persundi, in parte illuni & averfâ à Sole, nec valde etiam refert Venerem 6. die Decemb. circa Eccentrici perigæum, & terræ vicinam fuisse, quia in maxima depressione, & ubi visibilem disci diametrum valde laxat, decimam solum partem visibilis diametri solutis à læquat. Itaque dico, etiam si barba non directissime à Sole averfâ spargeretur, radios tamen Solis esse, non alterius cujusvis errantis aut fixi, qui per Cometæ occiput cuneati mento aut ore vomebantur. Quod autem aliquando non recta, ob variam in cerebro, ut sic dicam, Cometæ radiorum refractionem accidit.

Substantia enim capitis Cometæ non uniformis densitatis aut opacitatis est, nec per quamlibet circumferentiæ partem æque exposita possunt: velut enim rimis quibusdam alicubi dehiscit, quas replet materia rarior, hæc radii trahuntur facilius, quam ubi sese densior & inde est, ut diversæ quandoque radiorum lineæ appareant: quæ ita etiam forte in orbem hæc illæ à centro exiit & rebullit possunt.

circumferentiam capitis coronent. Licet tamen non immerito *Kis* dubites, an comantes undique quis unquam viderit Cometas, & inspicari sicis semper aliquod fuisse, quod radius propriis in subiecta nube refractis se coronaret.

Sic Aristoteles olim Caniculæ coxam, sic nos ipsi nuper Venerem comantem aspeximus. Erat enim hæc Perigæa & specie ampliori, nubes etiam tenuis suberat, in qua nonnihil inflaverat erines. Quia vero Cometæ nostris tempus, & omnium oculi in cælum erant, quidam qui vix unquam forte alias nocte suspexerant, Cometam alterum diffamant, adeo qui dicebatur vidisse hoc mirasulum, pergit ubi? quando? Ibi, inquit, abeo, & ideo Veneris etiam à me vixæ fuerunt. Possunt etiam simiæ & spadones generari Cometæ, id est, sine cauda, & imberbes.

Primo, quia materiam forte opacitas trajectory radiorum sustinet; sic enim in Planetis videmus, quos Sol altissimec illucens, nullas tamen eis caudas annectit.

Secundò, quia à Sole tota cæli diametro distant, ac ita caudas longum à nobis averiunt; sic enim fit ut caput Cometæ obiectum caudæ obster, ac partim ipsa etiam cauda elatior capite, altitudine oculum fallit. Ita Cometa anni 1585. è regione Solis rotunda facie, & præcisus undique sine cauda aut barba fuit: atque alii anni 1580. & 1582. quanto propius Solem accedebant; tanto prolixius caudas educebant. Aliter tamen longe noster, qui ubi Tropicum æstivum exivit, longius promisit barbam, quam ante, magis tamen amoris Soli. Et hoc vehementer firmat quod statim dicebam. Cometas esse fungosi capitis, nec densitatis uniusmodi. Fieri ergo potest, ut motu tam Cometæ quam Solis variam faciem obverret Soli. Itaque aliâ hoc tempore viâ radii penetrabunt, & faciliori quoque longius evibrentur; quod alio brevius tantum poterant & difficilior. Ex hac etiam doctrina forte patere potest, cur nunc totas, alias, & plerumque falcata sit barbarum longitudo; & cur non hoc principio convexitatem obverterit Septentrioni, postea vero mucronem: omni enim tali verè schemate fortassis exitu & inflectu aut dirigi radiorum lineæ possunt.

Quidam tamen rectas omnium universe Cometarum caudas scilicet, & oculum falli, cum iudicat detorqueri quod ideo accidit à quo caput & extremi barbæ mucrones non sunt in pari distantia à terra. Demonstratio apud Vitell. libro quarto, capite trigésimo primo, quæ longa est, & alias inspiciemus. Exinde etiam colligitur, non esse valde timendum caudæ ab Eclipsi, si contigerit Cometæ caput è diametro fere opponi Soli: caudatus enim, quod tamen videre liceat, non erit, aut valde accincte, frustumque illud caudæ

cauda altius ipso capite est futurum. Si ergo caput umbra terræ non exstingatur, quod est centro mundi propinquius, minus multo cauda Eclipsin inferre poterit. Ster itaque ratum fixumque barba Cometarum caudaque lumen Solis esse radiatum per caput.

## CAPUT VII.

*Distansia & magnitudo Comete.*

**Q**uid ergo Cometā jam faciemus? Si non ē materia sublunari est, ex qua igitur, & ubi? In primis tecum, *Clas. Vir.* materiam celestem facio, & pono tamen infra Solem. Illud probatur, quia materiatus erat non ab Elementari, ut tamdiu jam assertum; ergo à sidera materie. Illud etiam affirmare possum vel de rudi inspectione per Batavicam arundinem.

Barba enim valde ad orificium tubi se inclinabat, ut Luna sere solet, capite interim satis pertinaciter cælis adhærente, uti ferme Sol aut Venus. Hinc autem elicio barbam terris quam caput fuisse viciniorē; & hoc tamen infra Solem. Ne ergo barba promitteretur infra caput, Sol excellior fuisse debuit, ut à vertice ferme, per medium ei radium transiret; quod non sic fiat, si æquali à terra distansia fuisset, aut inferiori. Eodem argumento caput Lunam superavit, quia, dico, in tubum contumacius se demittebat.

De parallaxi, unde altitudo ejus tenuius inquiri potuit, inopia instrumentorum, non possum certi aliquid. non videtur fuisse valde magna, nec quanta in Luna apparet; & si in aëre longe etiam ultra nubes fluctuasset, sine ullo instrumento parallaxim aliquot indubie grad, apertissime oculis ingessisset. Itaque hic ergo certitudinem aliquam à nostris Germanis brevi expecto, quam in subitanea hæc scriptio non promissio. Libentissime tamen omnium doctiss. Joann. Keplerum audiam, Principem hodie in Germania Copernicanorum, qui Cometam etiam an. 1607, cum injuria curiosorum in seriatis suis tenet, cum jam dudum videre debuisset locum.

Sed de Copernicanis quid ex te nuper intellexi, *Vir. Clas.* Ab uno aut altero anno damnatos à sanctiss. D. N. Paulo V. Hærenus mihi inauditum, inauditum tot hodie per Germaniam & Italiam doctissimis & Catholicis, uti puto, viris qui terram cum Copernico volvant.

Tantum etiam temporis interlapsum nihil amplius rumoris sparsisse? vix credam, nisi certius quid nobis venerit ab Italia. Tales enim definitiones publicandas maxime per Academias, ubi vii

in quibus talis opinionis forte periculum, Nam vulgus non facile inducitur, ut se cum terra totam, firmamentum quiescere existimet: non etiam si fere Pontifex id constituat. Cum nuper similis mentio forte injecta esset, Rusticus aderat, & audiens à me, esse qui terram rapidissima vertigine spacio viginti quatuor horarum, cum omnibus in superficie habitantibus, circa centrum torqueri asserent. Ita, inquit, profectò: & nesciebam, cur mihi aliquando sic caput vertiginaret, maxime quando pingui cerevisia liberalius me invitavi. Simili etiam mente Magnus noster Lipsius libro 2. Physiol. c. 19. cum Pythagoram, Philolaum, Hicetam, Aristarchum, Leucum, Cleanthem, Samium, Leucippum, terram movisse dixisset: *Vides, inquit, delirium; quomodo aliter appellem? aut quia in ista inquiram? etsi (sanctus paradoxorum amor est) etiam patrum avo nobis Mathematicus (Nicol. Copernicum haud dubie intelligit) hanc heresim excitavit, sed cum ipso sepultam.* Falleris vir magnè: vivit & riget etiamnum apud multos. Si tamen Pontifex terram stare, orbem circumagi decrevit; & hoc ad spiritualem Reip. Christianæ gubernationem pertinere putarit, credo Scripturam sacram adspexisse, Josue præsertim 10 & Eccles. 1. Ibi enim Sol cursum primi mobilis abruptisse dicitur, hic oriri & occidere, & ad locum suum reverti; gyrate se per Meridiem & Rectere in Aquilonem. Quo nihil evidentius, si Scripturam in rigorosissimo sensu accipis. Quid ergo ad hæc possunt Copernicani? Dent manus, aut forte hoc Scripturam communibus quandoque hominum conceptionibus obsecundare. Dixisse terram stare, Solem gyri; quia sic plane videtur, hac loquendi formula dixit Virgilianus Æneas:

*Provehimur portum, terraque, urbesque recedunt.*

Spiritum Sanctum voluisse scriptori sacro naturæ hoc secretum revelare, & locutiones ei permisisse quibus tropus aliquis reddat veritatem. Sed talis ego interpretamenti non facile sum auctor; quæ enim necessitas? præsertim ubi Eccles. capite 1. sic de motu Solis loquitur, ut fluminum meatibus; qui veri sunt, nec solum apparentes. Hic itaque Scripturæ nodus acriter Philosophos illos Salmos stringit; & speciosius reliqua dissolvam, quæ contra necessitatis.

Sed ad Cometam. Dixi jam fuisse supra Lunam, sed quam longe, nec ego nec ullus mortalium facile affirmet, puto tamen ex exiguitate parallaxis semidiametrum terræ, quæ est circiter 860. milliarum Germanicorum, non fuisse valde sensibilem, si comparis ad ejus altitudinem. Cometa anni 1577. ab Astronomis tunc Principibus

pibus 210. forte terræ semidiametris ab oculo spectantis, in initio huius ortus quando terræ erat vicinissimus, dividi iudicatus fuit, id est, mill. German. communibus (quorum scilicet quodlibet 4000 pass. amplitudatur) 180600. Erat ergo triplo altior Lunari orbe, quam hic distet à centro terræ. Ex veriori enim Copeynici mensura remouetur foris Luna à centro telluris tantum 52. semidiametris, id est, mill. German. 4720. quid ergo si dicas cum Ptolemæo removeri solum triginta tribus semidiametris? deus immortalis quam infamam & insano intervallo Lunam deorsum reliquiri! Itaque ultra Venerem orbem suum duxerit, licet eruditissimus magister & prædecessor tuus Cornelius Gemma in cælum Mercurii deprefferit. Non difficulter tamen aliis conciliari poterit, si omnes Planetas circa Solem convertere suos motus, & respectere per modum centri asseramus: quod affirmant doctissimi plerique, & experientia vehementer consentit, sic enim fiet, ut quia Mercurius proxime Solem, deinde Venus; & denique cometa ille tertius ambiverit, cometa nunc Venere & Mercurio altior, nunc depresso utroque, aliquando fuerit. Sed horum intellectus à nova illà cœlestium orbium dispositione pender; de qua alias. Non existimo autem Cometam nostrum illo anni 1577. longe fuisse humiliorem. Caput tamen brevius, nec, ut ille, septem minuta in diametro visibili habuit, & milliaria Germanica in cœlo trecenta sexaginta octo. Detrahe ergo fortasse tertiam partem, relinques adhuc pro diametro nostri Cometæ ducenta quadraginta tria fere mill. Germanica.

Longitudo caudæ illius anni 1577. fuit in cœlo terræ semidiametro tum nonaginta sex, id est, triplo maior distantia Lunæ à centro terræ, si sequimur mensuram Ptolemæi. Cauda tamen nostri duplo prolixior erat, & adhuc sex gradus adjiciendi.

Quid ergo jam censebimus? Sphæræne Cometarum Planetarum orbibus interferemus, & cum Senecâ in æternis naturæ operibus, nec nasci aut deasci, sed ut reliqua sidera abire, redire ad suum diem Cometas putabimus? Ita plane, si cœli infra firmamentum solidum mihi concrerit.

Cenè enim id probabilius imaginatione Appiani, qui ex conspuratione radiorum Solis aliorumque aliquot astrorum se in aliquo deorsum sphæræ cœlestis nodo dissecantium vult formari Cometem; sapissime namque sipe Cometa accidunt tales intersectiones: nec hinc via Cometarum motus unquam expediet.

Plus aliquantulum coloris habet Cardanus (plenissimis buccis rideat Jul. Scaliger) qui pellucidos è materia cœlica globos per alia sidera spargit, ut radiorum Solarium transverberatione accendantur in Cometas, & ducant caudam.

Si tamen probabiliorẽ huic opinioni speciem quis dare velit, jungendo



legendum est prior; & auferendi quandoque in alium extra humum conspectum, alias inclinandi ad terram illi globi.

Fracastorii autem cœlum Cometarum infra Lunam nemo jam reputat, cum hodie & omni ævo Cometae & sidera alia nascantur supra Lunam. Itaque ego totum à terra ad firmamenti fornitem intervallare spacium tecum, *Vir Clari*, affirmo liquens & nullo modo orbe præter nudos & simplices Planetarum globos instructum. Hoc enim, ut recte à te monitum, vel solæ ipsæ hæ Cometarum generationes impressæ adierunt; præter errantium lascivos & ambigiosos in æthere illo lusus, quos duplici triplicique aliquando epicyclo vix satis expediunt.

Obicænis enim aliquis Cometa & Planetarum simius tanti non est, ut eos eistem sphaeram & cœlum totum narpra ei quo circumduceretur, machinaria fuerit. Non etiam videtur ad constitutum, ut sidera solent, reverti ullus Cometa; Nulla lege oritur, nulla conditio, nunc perceptui aliquot anni talibus monstris infames; alias multi interlabuntur, cœlo nihil minante.

Ab anno 1558. ad 1577. Cometa nullus visus: nam stella anni 1579. fixa fuit, nec de Cometarum classe, postea annis aliquot longè deple insecuti; & nos præter hunc, quod equidem sciam ab anno 1607. nullum adspeximus. Duratio incerta adæque. Nullus tamen citra 7. dies, nullus ultra 80. id est, dimidiatum annum, vitam traxit. Nam flamma illa quam Josephus supra urbem Hierosolymæ ante excidium annum totum pendisse narrat, non Cometa indubie sed prodigium majus fuit. Ut enim certo terræ loco immingere videretur, deprimi valde debuit, immobilis etiam erat: unde in supremo æthere non stetit securura aliqui raptum primi modii. Igitur circa nubes in materia terrestri, & exhalatione arsit, quam tantidem deficientem subministrato novo pabulo recreabat Angelus. Formam gladii etiam habuit, quod non solent Cometae; & ut appareat à Deo destinato figuratam, ut de exitio admoneret, & congeneret ad pœnitentiam.

Itaque de Cometarum ortu, parum adhuc explorati hætenus vidimus, & Astrologorum prædictiones in magna vanitate & sæpe fallaces. Habeo igitur quod de stella Sagittarii an. 1604. mense Octobris dubitem, an à conjunctione Jovis & Martis in illo signo fuerit; an altera Cassiopeæ an. 1572. à magna conjunctione, cui intra 800. annos similis coire non potest, quæ anno demum 1583. evenit. Paucis fortasse ratione, Cometam nostrum conjunctioni Veneris & Jovis 11. Januarii anni hujus 1619. quis referat acceptum, & colorem res videret, si immediatè prævenisset Cometae ortum, aut si rescisset finem, ut jam plane & defectum. Nihil autem horum fuit. Ve-

huc suum Iovem convenit, nec tenuiter spirantes adhuc Comete reliquias recreavit. Video effugium, in benignitate blandissimorum Planetarum, quibus invisa dicitur cometarum. Itaque conjunctio hæc perniciem potius Cometæ nostro festinavit, & impulsit diutius fortassis alias inclinarum. Sed hæc arbitraria sunt, & quanta plurima quisque pro ingenio non difficile et confingat.

Nihil ergo iterum dicam de Cometarum generationis tempore, nec, nihil comprehensi. Nascuntur subito, fortuitoque (nec tamen nego stellas huc aliquid adferre) ac deinde statim consciscunt, ut multa in his inferioribus. Sed ex qua materia? nam de causa efficiente, dictum antea potissimum esse Solem, qui radio Cometæ caput inflat & extendit in caudam. De materia præcipua, & immensa difficultas Copernicani, forte dant ex omnium Planetarum corporibus Spiritus exhalari virtute Solis, ut in terra experimur, quam cum Pythagoricis faciunt octavum Planetam. Itaque sicut Copernicus terram circa suum centrum, nubesque & exhalationes, & quicquid eum terræ & aquæ cognationem habet, motu circulari & eo naturali volvi seiscit, ita forte omnes Planetas (excepta tamen Luna) cum exhalationibus in circumfusum ætherem ex corporibus eorum licitis, rotari naturaliter circa Solem, ut suum centrum vellet. Imo hoc asserere potes, licet Copernicanam mundi ordinationem non totam probes.

Nam licet terram in centro universi stabilitas, est tamen valde verisimile, omnibus Planetis (excipio semper Lunam) circa Solem, motum proprium & naturalem ire.

Mercurio & Venere proxime (& hinc tam parum discedunt à Sole, nec eunt circa terram (ut vidit olim acutissimus Copernicus) remotius Marti, Jovi Saturno, qui etiam intra limites propriæ periodæ terram interceptiunt. Si igitur in Planetis corpora paribilia cogitemus, & quibus aliquid, uti terræ & aquæ, detrahi & exhalari possit, hinc forte materiam reperiemus pro Cometis. Nec enim detrimentum in tanta distantia oculis sentiremus; uti nec terram sub pedibus minui, quæ tot tamen ubique spiraculis, & totis Ætæ, Vesuvii, & alibi terrarum eamnis in aëras se expirat: & quis etiam scit, an paulo minores & breviores orbiculi, quidam Planetarum jam quam olim? quis è vicino arbitratus est, an nihil de spherica perfectione mutilatum? certe exasperaram verrucis, collibus & montibus totæ Lunæ superficiem deprehendimus. & de Venere etiam forte an probabile, quam heri 29. die Januar. tecum *Clar. Domini & Clarissimi ac Eruditissimi Fratris Sessii*, instar Lunæ evidenter corniculanti adpeximus. Cælestes ergo illæ exhalationes secutæ naturam Planetæ unde sunt extractæ, naturaliter currunt in orbem

cometæ circa Solem, donec radiis ejus in purum & liquidum æthera  
 dissolvantur. Sed hæc ægroti veteris somnia dicent, & Anticyras  
 sine capite mittant, qui una quæm à Præceptoribus olim acce-  
 perant, opinione pleni, nec ultra curiosi, rident tantum, si quis  
 aliquid audeat pro veritatis inventione. Et profecto tamen ip-  
 se plures difficultates, & remilignes in hac via provideo, quam  
 credam. Aliud ergo tentemus. Quid si dicas cum quibusdam  
 ætherem supra Lunam, liquidissimum licet & solutissimæ raritatis,  
 alligari tamen quandoque frigore aut alia influentia velut in nodum:  
 qui deinde radiis Solis excipiens nec tolerans diu, paulatim relaxetur,  
 sese refundat in ætheriam & liquidam qualitatem. Motus vero circu-  
 laris ei naturalis, quia æther, unde illa materia diversæ speciei est à  
 corporibus elementaribus, & cui proprium & naturale in orbem agi.  
 sed quid sibi vult, quod Aristoteles, quod alii plures, omnes Co-  
 metas, omnes novitias stellas in Galaxia, aut circa norant primum  
 exoriri? An inde materiam trahunt? Adeo quidam id adserunt, ut  
 lacunam instar semilunæ adverterint in margine viæ lacteæ, ubi  
 stella illa anni 1572. fulgebat in asterismo Cassiopæ; quasi  
 materia ibi abiisset in stellam; & vere cur non plures stellulæ qui-  
 bus tota stat & distinguitur tenuibus intervallis Galaxia, potuerunt  
 in unam ampliorem confluisse? cum vibrationem accerimam illius  
 sideris cogito, videtur ex alia materia non crevisse. Nostrium eti-  
 am Cometam non existimo natum, ubi primum vidi, sed longius,  
 & extra Tropicum hibernum in ipsa Galaxia juxta feram & sub cauda  
 Scorpii: inde enim recta ascendeat, & inde factum, ut in Meridie  
 citius adspici valuerit, quam in Belgio. Hac opinione ponenda est Ga-  
 laxia non firmamenti, pars sed velut annulus quidam plurimis stellis, ceu  
 gemmis distinctus, in æthere pendens inter Saturnum & firmamenti  
 cornicem. Hæc autem præcinctio solutili est, & pati alterariq; potest à  
 Sole & aliis astris. Pars ergo ejus densatur quandoq; & gravatur ut in  
 vicinū ætherem destuat, & cum Planctis ibi ducere chorum incipiat.

Corpus enim omne cœleste orbicū motum amat, & puto à propria  
 forma tam naturaliter gyron, quam lapis ad terram superne præcipi-  
 ta. Et sicuti lapis etiam ab hac aut illa circumferentia cœli parte  
 quacunque linea recta deorsum æque ruit: ita cœlestibus corpo-  
 ribus perinde & æque naturale ab Oriente in Occidentem fugere,  
 quam ab Occidente ad Ortum circulariter reverti.

Itaque illuc feruntur, qua primus imperus inclinavit. Quia ve-  
 ro Cometæ non bene compacti, nec satis coherentes, paulatim di-  
 geruntur radiis Solaribus ac rarefiunt; & tanquam à loco naturali  
 peregrini sursum resurgunt. Experientia enim docuit altiores fieri,  
 quo longius à die sui ortus recesserunt. Et hinc est, cur in initio  
 acce-

accelerare proprium motum, tanquam viciniorez terræ, ac deinde circa senium, quia recta fere sursum renituntur, tardari videntur. Unde qui solidos iis orbes queis, ut Planetæ cæteri, circumfæant, epiclylis dignati sunt: quia directi in principio & properantes, deinde stationarii & nil aut vix prom. ventres apparebant.

Favente ergo generatione Cometarum ego quicquid cœlorum intra firmamentum est natura corruptibile cenleo, & factio quandoque aliquid inde corrumpi. Ut tamen in his Elementaribus quædam metalla & lapides nullis ignibus violari possunt: sic Planetæ tanquam durissimi & excelsissimi à natura adamantes, injuriam omnem respuunt & dejectionem. Non ita liquidum illud in quo circumculantur ætheris æquor, non ita Galaxia materies, imbecilla nec satis cohesiva firmitudinis. Aut certe si ætherem substantialiter corrumpi displicet, da saltem rare aliquando fieri, & addensari; & nihil ultra pro Comeris postulo: quidni autem alteratio talis in incorruptilibus tolerari potest? in cœlo præsertim, ubi patrium etiam ejusdem speciei altera rari & tenuibris filii, altera densata in stellæ orbem? Gelatur ergo quandoque in Cometam æther, & pro materiæ alligatione ac densitate longius edurat, aut maturius dispergitur. Indidem capitis etiam ac barbæ tam varia coloratio; prout opacitas radium Solis adstrinxerit, aut resolverit transparentia.

Breviter ergo Cometa peregrinum in Regione Planetarum sidus est, cohesum de substantia ætheris, & circum in Sphæra, majorem, ut Planetæ à propria forma (vel alliga intelligentiam, si vis) describens.

Non ibo jam longius (videbo quid alias facturus:) & redeo ad alia studia quæ hoc labore dies aliquot intercalavi. Falce etiam longiore me levasti *Clarissime Domine*, probandi liquiditatem ætheris usque ad firmamenti camerationem; quod egregie profecto fecisti, immissa etiam satis alte in Theologicam nostram messem falce.

## CAPUT VIII.

### *Præfagia Cometarum.*

**D**E Cometarum præfagiis largiter à te dictum *Clarissime Vir*, ut nesciam quid fere possim adnectere, itaque breviter hic & accincte me habebō. Mira Germani, alique de antecedentium annorum Comeris vaticinati sunt, plerumque falso.

De stella illa anni 1572, quam timenda, quam paradoxa! alii, mundum ad metam certissimo venisse, & Antichristum jam jam e Moscovia advenantem, cui stella erat verticalis, alii generalem sal-

in Reipublicæ Christianæ conversionem, & scio id favori Lutheri  
 datum.) quam tamen soli visuri essent, qui annum Christi 1612. aliis  
 Chymetas alias, & nugas magis majores confinxerunt. Totidem  
 de altero novo fidere possumus, quod an. 1604. emicuit in Sagitta-  
 rio. Et ut habeant, quo sibi placeant tunc nati, doctissimi hodie  
 visi Jovem lapidem jurare audeant, gloriosissimum Monarcham &  
 Alexandro Mageo, Casari aut Hannibali parem, terra cælo con-  
 sentiente exortum simul.

Sed de Cometa hoc nosto quid dicimus? Video, ut re jam in-  
 clinant, majorem belli subitum insaniam, quam alterum qui an-  
 no 1607. civilium armorum inducias nobis tulit. Si fixæ etiam com-  
 sidero ubi noster diutissime hæsitavit: Urfa Major est, & postero-  
 res Draconis, malignæ omnes, & de crasi Saturni, ac Martis.

Et ut magis palleas, 29. Novemb. cum primum Lotharii Cometa  
 visus, Martem in 19. gradu Virginis notavi directum ac præcipientem,  
 & plane festinantem Cometæ occurrere, aut Colurum æquinoctia-  
 lem occupare.

Saturnus etiam in 4. gradu Gemini sanguinolentus & insolentis  
 rubens radiabat. Hoc tamen me recreavit, videre optimum senem  
 retrogradum, & totis quantum ætas ferebat, viribus à Cometa re-  
 fugientem. Et si quid ex aliis Planetis elicias. Sol in 7. Sagittarii,  
 Jupiter in 29. Aquarii, Venus in 23. Capricorni, Mercurius in 19.  
 Scorpionis erant. Vide etiam an nihil hoc ad rem faciat. Saturnus  
 Astrologis pater Agricolarum, tristium, voracium, mendicorum &  
 infelictum. Jupiter Magistratum, sacerdotum, divitum, & juris-  
 peritorum. Mars Ducum, militum, Sol regum, Principum, &  
 millicorum. Venus hominum otiosorum, Musicorum, equorum &  
 Poetarum. Mercurius Theaurariorum, Secretariorum, Medicorum,  
 Philosophorum, Rhetorum, & omnium Scriptorum. Luna Nuncio-  
 rum & nautarum. Quid ergo jam Saturnus à Cometa timidus & re-  
 grediens? An Agricolis, uti solet, mendicis, ac miseris omnibus  
 præcipue incumbet ista lucis? Quid nos etiam in Mercurio nostro  
 sub radiis Solis obscurati latebamus? dicturibam aliquid; premo-  
 vimen: tu *Clar. Vir*, unam unciam veritatis per calcinationem aut  
 sublimationem Chymicam nobis extrahe ex hoc Mercurio, & sicubi  
 tota hac celeri & festinata seriatione lapsus corrige.

Ex Museo nostro Falconensi 3. Calendæ, Februarias, C 17.  
 160, XIX.

*Claritudini tue devotissimus*  
 LIBERTUS FROMONDUS.

THOMÆ



# THOMÆ FIENI DISPUTATIO

*An cælum moveatur & terra quiescat.*

Ad

Generosos & Nobiles Viros D. D.

THOBIAM MATTHÆI  
ET  
GEORGIUM GAYS.

**C**œlum moveri, & terram quiescere probatur; primo auctoritate: nam præterquam quod illud asseruerint Aristoteles & Ptolemæus, eosque uponimi consensu fere omnes Philosophi & Mathematici sint secuti, excepto Copernico, Bernardo Parricio, aliisque pauculis, manifeste testatur sacra Scriptura, duobus saltem locis quos ego vidi. Primum capite 10. Josue habentur hæc verba. *Steteruntque Sol & Luna donec scilicet occideretur gens de inimicis suis.* Et mox subjicitur: *Stetit itaque Sol in medio cæli, & non festinavit occumbere spacio unius diei, & non fuit antea & postea tam longa dies.* Quibus verbis manifeste loquitur Scriptura de motu primi mobilis, quo feruntur Sol & Luna motu diurno, & quo describitur dies; & indicat cœlos, ac primum mobile moveri. Denique Ecclesiastæ 1. sic habetur: *Generatio perit, & generatio advenit, terra autem semper stat, prius Sol & cœli dies, & ad locum suum reversitur.*

Secundo, probatur ratione. Primum, cœli omnes, & sidera sunt facta propter hominem, & propter alia corpora terrestria homini in servitium; ut scilicet ea calefacerent, illuminarent, vivificarent, &c.

Hoc facere non possunt, nisi per motum diversis mundi partibus alternatim applicentur. Atqui verisimilius est illa se applicare per suum motum homini, & loco in quo homo degit, quam hominem se per motum suæ sedis, seu sui habitaculi applicare illis. Nam illi intersunt homini; homo vero non intersit illis; ergo verisimilius est cœlos moveri, & terram quiescere, quam è contra.

Tertio, nullum probabile argumentum ex Philosophia potest excogitari, per quod videatur probari terram moveri, cœlum quiescere.

Et Marthesi etiam non potest desumi. Nam siue cœlestia di-  
cuntur moveri, & terra quiescere, eodem modo omnia Phenomena  
dicitur corpora cœlestia salvari possunt. Nam sicut eodem modo om-  
nia Optica possunt salvari, siue dicantur species venire à rebus, ad  
oculos, siue radiis ab oculis ad res objectas. Sic & in Astronomia  
magis permanendum potius est in antiqua, & communi opinionel  
quam in nova causa nota recipienda.

Quoniam terra est centrum mundi; & omnia corpora cœlestia vi-  
dentur circa ipsam moveri; ergo debet ipsa esse immobilis. Nam  
quidquid movetur, videtur debere moveri circa aliquid, vel super  
aliquid, quod est immotum.

Quinto, si terra moveretur motu circulari, vel moveretur cō-  
tinuiter, vel violente; siue à seipsa & natura sua, vel ab alio;  
non à natura sua, neque à seipso. Nam motus rectus à seipso ad  
locum, est ei naturalis; ergo motus circularis non potest esse  
naturalis. Nam terra est corpus simplex. Uni autem corpori simi-  
li non possunt esse naturales duo motus specie vel genere distin-  
cti. Non etiam moveretur ab alio: Nam à quo moveretur? vel enim  
diceretur dici moveri à Sole, vel ab alio corpore cœlesti; atqui hoc  
non potest, quia vel Sol, aut illud corpus diceretur quiescere, vel  
moveri. Si diceretur quiescere; ergo non potest impetrari motum al-  
terum. Si dicatur moveri; nec sic potest iterum moveri. Quid  
autem movere vel motu simili motui suo, vel contrario.

Non si-  
cut, quia sic non videtur percipiatur moveri, sicut quando dua nave  
non simili moventur, non videntur moveri, sed quiescere; Non  
autem, quia alius potest dare motum contrarium motui suo. Et  
videtur Galileus dicere, quoniam ex D. D. V. V. intellectus  
est moveri à Sole. Probo saltem hoc non esse verum, quia mo-  
tus à Sole deberent esse super contrariis, & distinctis Polis.  
Quoniam non potest esse causa motus illius, quod moveretur super  
seiveris. Denique terra, neque alterius corporis cœlestis mo-  
tus sequitur; quia ipsa si moveretur, moveretur in xxiv. horis, alia  
omnia corpora cœlestia non moventur nisi spacio multorum dierum,  
mensuram & annorum; ergo. Tandem si terra moveretur ab alio;  
motus esset violentus; hoc autem est absurdum; nullum enim  
motum potest esse ordinatum, ac perpetuum.

Sexto; etiam si dicatur terra moveri; nihilominus tamen esset  
motus adhuc, quod vel ipsi Planetæ, vel eorum omnes moveren-  
tur. Nam alioquin non potest salvari diversitas aspectuum Planeta-  
rum inter se; non poterat dari ratio cur Sol ab Helipica non discedat;  
cur recedat; quomodo Planeta possit esse stationarius; retrogra-  
dus; demissus; & in altitudinem aliorum Phenomena. Etideo

qui dixerunt terram moveri, ut Bernardus Patricius, alique, dicunt primum mobile quidem quiescere, & ejus loco moveri rari; atamen ipsos Planetas moveri negare minime potuerunt, si falsi sunt. Et illa est ratio, cui antiqui, & moderni Mathematici præter motum primi mobilis, etiam peculiarem motum ipsorum Planetarum ponere, & admittere sint coacti. Si ergo factum est, & certum sit, illa sidera ac coelestia corpora moveri; ergo similis est omnem motum, qui in mundo percipitur, potius ad coelestium corporum quam terræ. Nam si reliquis omnibus ascribitur motus, cui non eadem ratione adscribitur motus divinus, potius primo mobili, quam terræ? maxime cum id quoque sensus noster videatur iudicare. Qui etsi in aliis similibus motibus aliquando quidem bene fallatur; non est tamen verisimile, æternam illi posse, ac debuisse circa motum sui principalissimi objecti, nempe coelestium luminum.

Septimo, probatur experientia. Nam si terras moveretur, quando sagitta orthogonaliter emitteretur in alium, non posset unquam incidere in eundem locum unde esset emissæ, sed deberet cadere in locum multis milliaribus temporum à loco emissionis: ac hoc non fit ergo.

Ad octavum, & solet responderi: hoc non sequi; propterea quod rapiatur cum terrâ, & sic, quis aer qui sagittam defert, eodem modo versitur quo terra, ideo sagitta quoque defertur pariter cum eo, si recidit in eundem locum. Verum hæc est mera evasio, & responsio, quæ nihil valet, propter multas rationes.

Primo, quia videtur falsum aerem sic moveri, & moveri eodem modo quo terra. Nam quid moveret eum? Equidem si movetur eodem modo quo terra, vel deberet moveri ab ipsa terra, vel ab eodem illo, quod terram movet, vel à seipso. Non à seipso, qui habet alium motum, nempe rectum sibi naturalens, cum etiam cum habeat naturam, & essentiam, & qualitates omnes à natura essentia terre diversas, non potest à natura sua habere eundem motum cum illa, sed necessario debet habere diversum.

Non ab alio illo, quod terram movet; quia illud quod eam moveret, non posset eodem omnino, & parvi motu movere eam. Nam cum aer & essentia, & qualitatibus tam actibus, quam motibus & modo substantia diversus sit à terrâ, non posset vim motivam alius agentis, seu illam vim impressam eodem modo recipere, sicut terra, & ita non posset eodem modo moveri sicut ipsa. Quia vires agentium & moventium diversimode recipiuntur in patientibus pro diversitate dispositionis eorum. Non potest etiam moveri à terra: Quia si moveretur à terrâ, dicendus esset motus per naturam

quod talis motus per raptum videtur impossibilis; ergo. Minor probatur. Quia, si aer sic per raptum moveretur à terrâ, deberet aer citius moveri quam terra: propterea quod aer sit major terra.

Nam quod est extra, est majus, quam quod est intra. Quando enim quod est majus, & quod est ab extra æquè cito circumagitur, ut eo quod est minus, & quod est ab intra; tunc illud multo velocius movetur: & sic pertum est cœlum Saturni, motu diurno, malè celerius moveri, quam cœlum Lunæ. Atqui est impossibile istud quod rapitur, celerius moveri illo, quod rapit; ergo aer non movetur raptu terræ. Tandem ut ita esset, quod aer moveretur cum terrâ, sive à se, sive per raptum; adhuc tamen remaneret vis argumenti primi: Quia saltem ejus motus non posset esse in eorum conformis motui terræ, sicuti ostendi; eo quod aer consistentia substantiæ, qualitatibus, & essentiâ à terrâ sit diversus: sed debet aer segnius saltem moveri quam terra: Quo posito sequeretur quod sagitta emissâ non posset in idem punctum recidere: quia terra mota sicut aerem, propter segniores motum post se relinqueret; ita & sagittam, quæ deveheretur ab eo.

Accedit, quod si aer non tam celeriter moveretur, sicut terra, homo existens in altissima turri deberet in quantacumque aeris tranquillitate, ibi semper sentire maximum ventum, & maximam aeris agitationem.

Nam quando montes, & turres moverentur cum terrâ, & aer non pari celeritate eos assequeretur, necessarium esset: quod illi præcipue aerem findendo, & penetrando, ac sulcando eum: in quâ præcipue, & penetratione deberet ventus maximus percipi.

Quod si quis staret in altissima turri unius, aut alterius milliaris, & collimaret ex illa turri in aliquod punctum terræ oculo perpendiculariter subiectum, & secundum illam lineam perpendiculari sineret cadere gravissimum lapidem; certissimum est, quod ille lapis decideret super punctum collimarum, & perpendiculari subiectum. At si terra moveretur, esset impossibile, quod ille lapis in illud punctum incideret.

Quod probô primo: Quia vel non æquè celeriter moveretur aer cum terrâ; vel æquè celeriter: si non æquè celeriter; ergo certum est, quod lapis in illud punctum non poterit cadere; quia motus aeris præveniet aerem lapidem deserentem. Si æquè celeriter, adhuc tamen non poterit lapis cadere in illud punctum: quia et si aer æquè cito in seipso moveretur; tamen non ideo posset tam celeriter secum rapere, & deferre lapidem cadentem per ipsum; quia lapis propria gravitate ad centrum tendens, resistet delationi aeris.

ut dices. p. sicut terra in vetur circulariter, ita & omnes partes ejus: quapropter ille lapis decidens non solum moveretur circulariter, per delationem aeris, sed etiam circulariter ex natura sua, tanquam ex illos pars terrae, & habens eundem motum cum ea.

Verum responsio non valet; quia etiam si ille lapis etiam ex natura sua venteretur in circuitum sicut terra, tamen ejus gravitas naturalis impediret saltem, quo minus tam celeriter ferretur, sicut aer, aut sicut terra, quae est in suo loco naturali; & quae consequenter sic non gravitas, sicut gravitas lapis cadens ex alto.

Denique; quis? etiam lapis moveretur in orbem ex natura sua, sicut tota terra, non tamen ferretur tam celeriter, sicut tota terra. Nam sicut lapis unius pondus decidit bene ex eo loco secundum suum motum rectum ad centrum tanquam pars terrae, sicut & ipsa terra decidit, & tamen non decidit tam celeriter sicut tota terra; sic etiam si quoque lapis in orbem ferretur sicut tota terra, tanquam pars ejus, non tamen ferretur tam celeriter sicut tota terra. Et ita quomodoque dicatur, semper motus terrae deberet perire lapidem, & cum multis parasangis post se relinquere; & sic nunquam posset decidere in punctum collinatum, aut punctum sibi perpendiculariter subiectum; hoc est falsum; ergo.

Non; si terra moveretur circulariter, deberet moveri ab Occidente per Meridiem in Orientem; & consequenter aer deberet moveri per eandem viam. At si hoc esset; tum si quis jacularetur versus Orientem, sagitta deberet multo longius volare; quam si jacularetur versus Occidentem: Quia quando jacularetur versus Orientem, sagitta volaret secundum motum naturalem aeris, & haberet motum aeris sibi suffragantem. At quando jacularetur versus Occidentem, haberet motum aeris sibi contrarium, & tum sagitta retardetur motus aeris. At centrum est celerius, & longius debet fieri illud, quod motum aeris habet proprium, quam quod lachrysum, ut patet in telis emissis secundo vento; ergo.

Possunt adhuc nonnulla alia argumenta excogitari; sed non sunt paria cum praedictis in demonstrando efficacia. Quae est à me volante calamo in lecto aegro corpore, fracto crure, procul à nobis dictata; tantum tamen mihi videntur habere efficacia; ut non solum quomodo ad ea quis recte possit respondere. Haec scripti Comiti D. D. in gratiam D. D. V. V. occasione confabulationis defuncti in convivio vestro nudius quartus habitus; quae ut equi bonique consularis, rogo.



## A P P R O B A T I O.

**D**iffertationes hæc Clariss. Virorum *Thoma Fieni* in Lovaniensi Academia Archiatri, & *Liberi Fromondi*, Philosophiæ ibidem Professoris, super apparitione nuperi *Sideris*, dignæ sunt, quæ & estimatione sua, & censuræ nostræ suffragio lucem adspiciant. Tum quod istius non modo *Sideris* motum, & essentiam; sed quorumvis etiam Cometarum naturam, & effectus considerent, tum quod plurimum animos portentosa novitate percussos, erudita rationum firmitate componant: Denique uti Christianis non esse metuendum à signis cæli quæ timent gentes, luculenter demonstrant: ita & signorum opificem Deum, quod *Eginardo* suo *Cæsar* verè *Magnus* Imperator respondisse memoratur: laudandum, deprecandumque, ut portentosa in bonum versantur, suadeant. Idem censeo de Epistolica Quæstione ejusdem *T. Fieni*, super firmitate & motu cæli & terræ. Actum Antwerp. In Seminario Episcopali, Cal. Februarii, M.D.C.XIX.

*Laurentius Beyslinck S. T. E.  
Canon. & Archipresbyter An-  
werp. Librorumque Censor,*



CAUSSIS NATURALIBUS

PLUVIÆ PURPURÆ

BRUXELLENSIS,

Clarorum Virorum Judicia.

---



L O N D I N I,

Typis & Impensis J. Redmayne, pro Georgio West,  
apud quem prostant Oxoniæ. 1670.

CAUSIS NATURALIBUS

Seneca in Praefatione libri primi natural.

quest.

*Virtus*, quam affectamus, magnifica est; non quia per se beatum est malo caruisse, sed quia animum laxat, ac praeprarat ad cognitionem coelestium, dignumque efficit, qui in consortium Dei veniat, Tunc consummatum habet, plenumque bonum sortis humanae, cum calcato omni malo, *Petitalum*, & in interiorum Naturae sinum venit.



L O N D O N

Typis & Impensis J. Knapton, pro Gualtero  
apud quem produnt Opera. 1650.

*Illustrissimo Reverendissimo*

# FABIO CHISIO

*Neritonensi Episcopo, Ordinario Extraordi-  
narioque ad Rhenum & Eirenica Nan-  
cio Apostolico.*

*Illustrissime Vlx, Reverendiss. Domine,*

**D**um explicandis rebus maximis, Maximum  
te implicat Orbis Christianus: quod ejus  
est affine, non nisi magnis nunciis pulsari  
aures tuas debere agnoscimus. Ut si quis  
sit, qui se quidquam ad te adferre posse existimat, re-  
rum leviorum; ne is parum sobrius sit, et intemperan-  
ter sibi met iratus. Inter quos me ipsum ego numerem  
libens; qui ad te nuper scribendo sic peccavi; quomo-  
do nunc, dum, hoc ipsum repeto, pecco. Forsan ta-  
men erit venia parabilior, si verso stylo argumentum  
te dignum, hoc est, Magnum quid & inexpectatum  
adferam, quod superiorem levitatem compenset: Argu-  
mentum id erit; quod adfero; sanè quàm memorabi-  
le; & sui argumento magno non nisi Magno inscri-  
bendum.

*Insolita Pluvia, quia Purpurea (quàm prodigiis  
jam olim adscripsit Miraculi aestimatio, & Sangui-  
nis inscriptione semper infama vit) quæ pridie Nonæ  
Octobris Bruxellam irrigavit admirationem omni-  
bus, consternationem plurimis, differendi copiam  
multis peperit; eosque in antennis hominum motus ex-  
citavit,*



citavit, qui ad posteritatem quodque valituri sunt, ut-  
cunque habendi: sive forsan pro fabulis ad Solis peccati-  
nes, & Empusæ epulas amandandi, sive pro veris a-  
stimandi, & nodis dignis vindice atque homine eru-  
diso.

Nolim ego quidam me hoc titulo inscribere; ubi  
tanta est aliorum frequentia, digniorum certè, & in  
publico præcellentium virorum, & cum quorum fa-  
cundia non contenderim. Quia tamen rogor ulterius  
rem totam, sicut Bruxella palam est omnibus; ita il-  
lam clam te, clam orbe reliquo non sinere: pareo illis  
lubens, quorum in me imperium agnosco volens. Hi  
sunt, quos infra subinde nomino, testes mecum ocula-  
ti, atque ipsi tam omni exceptione maiores, quam à cer-  
ritu superstitionibus defecatiores. Si quid ergo refero,  
sic habe, tanquam ab illis dictatum; sic lege, tan-  
quam ab illis dictatum; sic lege, tanquam à me scrip-  
tum: ut penes illos stet dictorum fides; penes me di-  
ctionis infantia: quam vel idèd profiteor, quia ad  
Te, Vir Illustriss. scribo; qui, quid scribere si-  
( præsciscine dico ) solus intelligis: simul, quia  
verborum simplicitas verorum est sinceritas, quam  
unicam apud te valere, persona quam sustines loqui-  
tar; de qua & ego apud te loquendi sumo confidentiam.

Gottfrédus Vendelinus

Canonici Condatis.

Bruxella, Id. Octob. 1646.

P L U

# PLUVIÆ PURPUREÆ

BRUXELLENSIS

ENARRATIO.

**A**nno Epochæ Christianæ M DC. XLVI. die VI. Octobris  
Gregorian, sabbato manè, statim ab ortu Soli, horâ  
circiter septimâ post mediam noctem, Bruxellæ, cum  
tunc Sol obtineret partem decimam tertiam Libræ, Lu-  
na Virginis 9. Mercurius Libræ 18. Venus Virginis 11.  
Mars Cancrî 21. 34. Jupiter Leonis 4. 47. Saturnus Tauri 17. 18.  
cælum, nubibus obductum, coepit eliquare se in pluviam, copio-  
sam quidem illam, sed repore ipso blandam; quæque frigoris nihil  
lenderet, quin imò calorem quoque foveret. Madore igitur omnia  
dissuere, & in plateis ac vicis rivi decurrere: testa ubique per cana-  
les suos, ac rubos, quas ejaculari.

Testa hujus urbis pleraque omnia, in ima ora de more canales  
habent plumbeos, stillicidio sistendo, & quod lubitum est, derivan-  
do, per tubos in eum usum compositos; cujusmodi etiam habent  
P. P. Capucini; qui de sui Templi testæ aquam deciduam inde exci-  
piunt, suppositâ cuppâ intra subdialem aerem peristylj destitutâ &  
collii magni capace.

Illo ergo jam commemorato die, quid alibi sit actum, aliis in  
edibus Sacris. Profanis (non tamen omnibus) non inquisito anxie:  
quod Capucinos, procedente pluvîâ, cum jam cuppa repleta, non  
mitteret plures aquas, coepit supereffluere, atque abinderivum  
per areolæ viam emittere: quem decurrentem præteriens fortè qui-  
dam Patrum, dum (ut fit) adspicit, videt aquam labi colore ali-  
quantum peregrino, sibi utique insolito, longè (quam alijs sem-  
per) obscuriore: itaque attentior paulò, defixisque oculis, adver-  
tunt illam, & Vini speciem æmulari, sive autem Sanguinis pro-  
fluentis imaginem, sando sibi aliquando audiram. Attonitus novi-  
tæ spectaculi, Patres ac socios alios advocat, rem narrando præ-  
sentem commonstrat. Illi non minùs stupentes, ad tinam unde  
equa ista manabat conversi; totam quanta quanta plena erat, rube-  
re vident pulcherrimo purpurisso; quem patella adhærente hauriunt,  
versant, diffundunt, explorant, contemplantur, demirantur, per-  
celluntur. Indiram deinde vitreis lagunculis, vini rubelli purissi-  
mum colorem, eumque saturum referre obstupescunt.

## DE CAUSSIS PLUVIÆ

Ramos inde Pluviæ *Rubensis* in viciniam, & ab hac in alios & fama *Sanguinea* per urbem; & discursatio populi; & ad Capucinos confluentus & multitudinis compressio, & laguncularum volitatio, & studium viscendo miraculo; & cum amicis ac necessariis cuique suis communicatio; & digna res visa, quæ nunciaretur adunato (tunc commodum) sanctissimi Consilio.

Ergo & ad aedes Amplissimi Viri Joannis Jacobi Chifletii, Archiepiscopi Regii, adcurrit post meridiem Ioannes Mommarjns, Typographus, deferens ampullam, liquore apud Capucinos accepto, plenam; narraturus velut in rem præsentem ea, quorum exhibere fidem. Sedebamus una de rebus aliis differentes in Bibliotheca: cum audita mentione *Sanguinis*, ad vocabulum propinquimus; narrantem, ampullamque exhibentem stupeamus; & cum dicto ad Capucinos procuramus: hoc tamen me prius meditato, ut de phala illius chartam madefacerem, colorem, si quem aqua ista relinqueret, exploraturus, postquam maior in sicum abiisset.

Delati ad Capucinos, ibique per consertissimam turbam æque moliti aditum, denique introiissi, contemplanur omnia: maxime autem omnium ego, qui ante xxxviii. annos, ac menses iii, dum egressem in provincia Massiliensi, Forcalarii, apud Protenesballum Andream Arnaudum, meminissem me videre simile argumentum *Sanguinis* Pluviæ, omnemque illis rationem plenissime tenerem exploratam: ut, an quid huic cum illa esset commune, simul autem an, seu natura, seu calus quidpiam imponeret, explorarem. Sed adversus fraudem omnem, jam quidem ante cautum fuerat: cum cuidam Patrum istorum venisset in mentem, ut (ne rubi vel canalium sordes, vel aliud quidpiam ludificaretur) ad ipsum usque testum ascenderet, exciperetque illinc aquas celo deciduas, antequam in siphonem (si forte suspectum) deferrentur: deprehendit enim & eundem colorem, fulgoremque purpuræ, utque nihil alteram altera mentiretur. Idem postea intelliximus & alibi factum, exceptamque lancibus aquam item rubuisse.

Addebant (quod ego æstimatione rudi facile certum auro) etiam, ex qua tot jam lagunculae fuerant depletae, plus quam septies potuisse exhauriri, aquæ supereffluentis copiam, quæ a nemine observata dilapsa esset: in quo mihi parumnimis dicere sunt visi: cum pluvia hæc per totas horas octo, à septima matutina in terram pomeridianam continens fuerit.

Cum primum adverti cepit, color fuit purpureus, rutilans, rose Alexandrinæ, aut vino purpureo rubello æmulus in splendorem, ipsissimumque jam (si accederet sapor) vinum. De qua tinctura paulatim cepit remittere post meridiem, factum abinde dilutius, sensimque

lingue flavescent : diceres manè expressum naturæ torcularibus vinum ; à meridie, loram.

De primis aquis, R. Pater Carolus Arenbergine, sui Ordinis decus ac columnen, ampullam imperitus est D. Philippo Chiffetio Abbati Balernensi, Archiatri fratri, undidem ego lagunculam mihi adservo, sed dilutioris, quantum oculi judicarent, ruboris ; tantumque non obsoleti : etsi hoc verum non est. Principalis enim ille color, etsi vegetus est ac satur, atque totus ; discrimen tamen oculis offert varium, partim pro vitrorum densitate, ac lætore, partim pro liquoris copia : ubi enim multum ejus inditur crystallino, aut vini purissimi cyatho, sive lagenæ majusculæ ; splendidissime rubet, & fulgorem admissum Solis jucundissimo spectaculo refundit, quovis pyropo rutilantiorem : ubi verò parcius sumitur ( utpote in exiguo aliquo vitrillo ) luteâ tantum flavedine, & ad Xerampelinum obsoleta ; languescit in Amethystum.

Et color quidem hic, suis in vitreis durat hætenus, nonum istum diem nihil mutatur, quod ego quidem quædam advertere, sed neque arduor immutandum, quamdiu asservabitur arctè obtutatus. Ad illum quod attinet, quem dixi me chartæ, illicè ut allatus est, illevisse ; tinxit eam ille flavedine, quæ in exsiccata charta comparet, ut ut exigua, non tamen nulla, & omnino quali se vestigio dilutissimum vinum signaret.

Cæterum dum apud Capucinos sumus, incescit me cupido gustandi liquoris tam pellacis : sumpsi nonnihil ad experimentum primi pallii ; sorpsi etiam plusculum. Sapor mihi visus subacidulus, & qui austerrum fugiens videretur consecrari : diceres Spadanam aquam jam effortam atque evanidam, aut qualis esset ea in quam fuligo dedidisset ex camino aliquo, sive ea in qua lignum putrescens natitasset, quod ego tunc illic rinæ vitio imputavi, nihil culpandæ tamen, sicut mox apparebit.

Satis spectatum, satis exploratum admissi, digredimur inde ; quodque officii erat, properamus ad Illm. D. Anton. Bichum, Abbatem S. Anastasie, Jurisdictionis Apostolicæ per Belgium & Burgundiæ Comitatum, cum Nuncii facultatibus Administratorem ; communæ cum illo facturi quidquid rescissemus. Illum verò invenimus jam horum gnarum : intelligimusque etiam aliis in ædibus per urbem tandem pluviam notatam, deque ea collectum atque adseratum, imus ad illatum quasdam, & vera comperimus, quæ ad illustrem vinum perlata, imò magis magisque increbescente nuncio, longè pluvias (non tamen universim omnes) domos intelligimus hæc eandem pluviam innotatas : nam & iisdem in tectis pars istam rubentem, pars alteram senserat pluviam.

Denique

Deoque cum postidie adirem amicum meum Langrenum, inveni ad fistulam compluvialem destitutam cuppam, quæ pride cum ante meridiem impleta fuisset aquâ rubente, & veller ancilla nescio quid eluere; de aspectu sordida iudicata, effusa fuerat tota; non sine puellæ stomacho, quod in canalibus testorum crederet nucum sive pyramina, sive cortices abiectionis, unde aqua vitium contraxisset. At horum nihil subsuit, & post meridiem eadem aqua, rubore eodem, sed dilutiore jam tincta, demanavit. Eandem ego juxta cum Capucinica exploraturus, libo, biboque largius, & cyathis aliquot me proluo; Spajanam interpreterar de acore pridiano, cui per omnia respondebat. Audio verò etiam alios idem iudicium fecisse; quod gaudet.

Illud verò gaudeo magis, quod cum diebus aliquot præcedentibus lumborum dolores arguerent suspicionem calculi; post haustam hanc, sicut dixi, aquam, & levatum me sensi doloribus, & facultatem diureticam expertus sum.

Et hætenus quidem intra Bruxellam consistit historia; extra quam unum atque alterum diem nihil audimus allatum: sed mox intellectum est, & in suburbiis eandem fuisse novitatem miraculi, & consternationem maximam percussisse oppidum Angiense (quod hinc leucis quinque distat) ubi largiter rivi per plateas rufatis undis defluerint, ipsaque pluvia vestes candidas puniceo colore infecerit: sive id ex vero, sive auctâ (ut sit) in majus fama, terroribus intendendis. De re non ambigitur: & qui modicè quoque narrant, plus aliquanto dant intelligi, quam nos hic vidimus, satis alioquin magnum.

Historia ergo rei transactæ sic se habet, quomodo eam oculus testis exposui: ubi oculus non sum, illic se suasque causas naturæ in abdito, finem, cui hæc fortè designantur, Deus in arcano procul nobis habet. Et in naturam quidem (cujus nos etiam bona partem sumus) si quid inquiremus familiariter ad veri viciniam, laudem merebimur; si quod verò est affine, ac proximum invenerimus, gloriam: sin autem exerraverimus, apud homines (ego valde homo) locum peccatorum cum venia.

*Discrimen hujus Pluvie ab alterâ, Anni*

*M.DC.VIII. falso credita.*

**M**alo me Galatea perire lasciva puella,

*Et fugis ad Salicos, & se cupis ante videri.*

Profecto sic mihi loquendum est cum Virgilio, dum venustissima Natura nos eventuum pulcherrimorum ostentatione ad se allicit.



nulle ludis nobiscum lascivit: arque in sui amorem rapit. Neque tamen sui complexu nos potiri finit protinus; sed jam jam prensantes, jamque adeò se tenentes eludit, fugitatque longissimè, & post virgulta se abdit opinionum; sic tamen, ut pulchritudinem suam non planè occultet, cum vultus anterioris, hoc est, causarum intelligendarum lineamenta patitur adspici; nosque ea vultu anse, hoc est, per rationes à Priori Physiognomicas contemplari; non tantum postergancas simbrias, sordidas cœno auctoritarum malè seriatarum, delutare.

Enimverò virgulta ista, seu Salices opinionum sunt rami, ac divortia, saligna, mollia, victa ( verbo uno ) ventorum ludibria, de similibus eventuum malè institutâ comparatione lubrica. Dico malè institutas comparationes rerum ( quæ putantur ) similibus, causam esse ferè unicam, quæ nos à veri fruitione abereet: hoc ut in aliis infinitis verum esse comperio, ita in hoc quod sub manu est argumento certissimum sic ecce demonstro.

Qui pluviam hanc aut viderit, aut leget; idemque leget Anno 1608. Sanguine pluvisse in Provinciâ Massiliensî; annisque retrò aliis jam inde ab antiquitate ultimâ, notabit consimilia prodigia literis consignata; non dubitate quin omnium una sit ratio: quare ubi se hujus causas cognovisse existimabit; omnium se aliarum item probe tenere confidet. Quod ego qui jam utrumque prodigium spectavi, ac perspectavi, dico, edico esse falsissimum: Historia enim illa superior sic se habuit, quomodo eam oculatus testis ( fors & primus spectator ) hic enarro.

Anno 1608. verno tempore; immensa vis Papilionum ex Oriente ( quantum intelleximus ) ultimo, pervolavit Græciam, Galliam Italiam Cisalpinam, superatisque Alpibus Provinciam utramque Narbonensem, ac denique trans Pyrenæos Hispaniam, donec esse desisterent, hausti ( reor ) Oceano. Color illorum erat purpureus pulcherrimus, nigellis maculis interstinctus, & cujusmodi non memini me videre pulchriorem. Exercitus tantus fuit, ut Solem nubis nigris obtegeret totum ferme unum diem: iidem retulerunt spectatum Augustæ Taurinorum, cum illic nuptiæ celebrarentur Principum Mantuani ac Mutinensis cum Filiabus Sabaudicis. Spectavi hæc ego Forcalearii oppido, supra Aquas Sextias ad septentrionem distante leucas decem, ubi tunc agebam in familia Clarissimi viri Andreae Arnaudi, nunquam satis laudandi; ut quo nemo impensius rara naturæ excoluerit.

Sequente Julio incunte, manè post horam tertiam, ego ( pro more meo ) progressus extra oppidum, ad amœnitatem auroræ & florum; dum pervincta atque agros nescio quid libri legens, inter

inter ambulandum, ad scrupos lapidesque ne offendam, subinde in viam despicio; video fore guttam unam atque alteram sanguineam in callibus: sed eo nihil ætirmato (quod crederem læsi alicujus jumenti fuisse idem iter) pergo legens: atque ubi paululum progressus sum, rursus mihi cavens à cespitando, despicio; video rursus guttas sanguineas: neque tamen vel hic animum reflectens, securus interim viæ, lectionem institutam prosequor: donec tertium jam despiciens, easdem guttas sanguineas mihi objacemes adverto. Et mecum; Profecto (inquam) jumentum istud, vel quidquid id fuit, vehementer fuisse oportet laesum; & complicato libro, totam viam relego. Video non tantum itinere medio, sed utrimque secus in omne latus ac latitudinem jacere guttas innumerabiles, & quæ non potuerint de ullo animali defluisse.

Progredior deinde longius, & leucæ quadrantem amplius, eadem ubique; guttarum sanguinearum frequentia, eadem facies ac magnitudo. Excedo viâ, & exspatior in medios agros; omnia video sanguineis eisdem guttis persparsa; non colore, non magnitudine inter se differentibus.

Hic supra modum arronitus, ac defixus stupore, ubi vix animos collegi, subit me videre quod audissem aliàs, quoddam legissem sapius apud auctores & scriptores prodigiorum, *Pluviam scilicet Sanguineam*. Jam ortus erat Sol; & cum perquam esset duum, libuit exspectare tantillum; ut scirem, anne ille fulgore suo maculas istas sanguineas esset deterfusus, atque ut rorem solet, haustus. Nihil ejus secutum est: imò istæ guttæ tam viscidè inhæserunt suis lapidibus, ut ne quidem affricu potuerim delere.

Nūciaturus hæc Arnaldo meo, sumo lapidem unum guttatam de insignioribus, tollo & alterum; cumque iis redeo in oppidum; enarro illi & exhibeo quidquid ejus possem. Ille, mecum advocatis aliis, prodit in suburbanum suum fundum (*Lausetum* vocant) amœnitate insignem: ibi omnia perlustrat, miratur, contemplatur. Norat guttas omnes ejusdem magnitudinis, ac rotundas, diametro pollicari, hoc est, solidum Francicum æquantes: observat etiam singulares, nusquam geminas, & quæ quot in lapidibus seu silicibus facerent, medium locum occupare, non item oram reveram.

Jam & occurrebant eadem in cavis murorum seu maceriarum, & foraminibus inter petras, itemque sub prominente rupe, quo certo certius erat nullâ pluvia delatas, nullo vento deferri potuisse, cum alioquin nulli tunc venti dudum spirarent. Nam si etiam à pluvia peteretur causa, illam refelleret, quod neque in cæcis domorum

illa macula comparerent, neque ulla loca paulo elatiora quidquam istiusmodi ostenderent.

Omnibus perspectis, & iudicio interim suspensio, confestim percipit Aquas Sextias, ad amicum Nobilissimum Peireskium, atque alios, qui & illic postmodum simile per omnia spectaculum oculis usurparunt: easdem guttas, eandem magnitudinem, colorem, singularitatem, viscum: ut jam non esset literis credendum, sed nuncius in majores fabulas omnia tollentibus: quod in istiusmodi fieri amat, & tunc factum.

Sed enim quid hic præstiterit Peireskium, etsi est cepiosissime in ejus vitâ perscriptum à V. C. Gassendo, non est tamen hic omitendum; cum propter felicitatem ingenii sagacis, causam tunc veram perscrutari; tum propter comparisonem cum hac nostrâ pluvîâ instituendam; alteriusque item felicitate ingenii alteram causam incredibili solertia nunc quoque confectati ac planè asscuti. Gassendum ergo prius audiamus, in vitâ Peireskii, nunquam de manibus deponenda.

Nihil magis (Peirerio) placuit hoc anno 1608. quàm quod observavit, ac philosophatus est circa pluviam sanguineam, quam decidisse rumor percrebuit sub Iulii mensis initium: conspicuis nempe maximis guttis, tam in ipsa urbe (Aquarum Sextiarum) ad parietes camerarii majoris Ecclesiæ, quod est prope muros, quàm ad muros ipsos, ac rursus ad parietes villarum, Pagorum Oppidorumque ad aliquot milliaria circumvicinorum. Nam primùm quidem accessit ipse ad inspectandum guttas illas, quibus lapides rubescibant; nihilque non egit, ut alloqui posset, quos agricolas memorabant ultra Lambi cum sic fuisse percussos et decidisse Pluviam, ut derelictis operis, in vicinas ædēs citi ansumissent. Deinde cùm fabulam esse quod de viris hujusmodi prodigium fuerat, comperisset; non placuit illi quod Physici referrent; hujusmodi pluviam ad vapores à rubra terra sublimè evehos, & post concretionem deciduos: quippe vi caloriseductum vaporem absque colore sursum ferri, ut vel constare potest ex eo, qui eductus ex ipsis rosis rubecit in tepidam aquam concreviscit. Minus etiam placuit, quod vulgus ac quicunque Theologi opinarentur facinus esse demonum frigidum, à quibus fuissent interfusi innocentes infantes, scilicet hoc esse meram conjuram, fortassisque cessare Dei bonitati providentiæque injuri-

Succurrit porro interea, casus ex quo subiret visus ad germanam causam detexisse. Quippe ante aliquot menses conluserat pyxida in-  
teream quandam Chrysalin, magnitudine formæque insignem. Ejus  
dam amplius non meminisset excitari bombam inauditis, intra pyxidem  
atque adaperiâ, deprehendit Chrysalin, deposito spolio, factam ex cru-

Lib. 2.

## DE CAUSSIIS PLUVIÆ

ca papilionem pulcherrimum, qui statim avolaverit, reliquerisque in fundo guttam rubeam, amplitudine Solidi vulgaris. Quoniam verò id contigit circiter idem mensis initium, ac per idem tempus observata est Papilionum conferim per aerem transvolantium incredibilis multitudo: idcirco opinatus est Papillones huiusmodi inter quiescentes, parietibus diffudisse illic, quasi excrementum guttas similes, magnitudinem videlicet paves. Quare iteasid accessis comprobavisseque, guttas illas non supra ædificia, non in devexis lapidum superficiebus exstare, ut debuerat contingere, si è calo sanguine pluisset: sed in subcavis positus, ac in foraminibus, ubi animalcula potuerant quasi vidulari. Accessis quod parietes iis tingebantur, non qui in mediis oppidis, sed qui agrorum vicini erant; neque secundum partes elatioras, sed ad mediocrem solum altitudinem, quantam volitare Papillones solent. Hac ratione proinde est interpretatus, quod Gregorius Turonensis refert de Pluvia sanguinea, Childericii tempore conspectâ Parisiis in diversis parvis, & in domo quadam terrorii Silvanestensis. Itemque quod memoratur temporibus Regis Roberti sanguine pluisse circiter finem Junii, addit sanguis qui cecidisset super carnem, vestem, lapidemque, non posse aquâ elui, posses verò qui super lignum. Quippe idem fuit Papilionum tempus, & recentis quoque has guttas elui non posse ullâ aquâ lapidibus comprobaturum est.

Et ad hunc quidem modum magnus ille vir verum pervidit, nôque quod Forcalcarii suspicabamur, plenissimè docuit, omnemque adeò dubitationem exemit, cum repòratemus iis in locis conferissimè à nobis observatas guttas, quæ essent inter mæcerias humilliores, & velut aspicientibus adversus noctis serenum animalculis miriora: in parulis enim edictisque minis guttarum jacuit. Hæc ergo illius anni 1408. Historia fuit, hæc caussarum indagatio atque inventio: quam cum ad omnes alias sanguine famosas pluvias voluit pèttinere Petreskins, fecisse illum quod potuit, non potuisse quod voluit hæc postrema luculenter testatur facit; que tunc decedit, cum neque Eucarum aut Papilionum est tempus, neque guttis singularibus sparsa fuit, sed imbre pleno, ac plenis siphonibus ructata; neque viscoso glutine adhæsit lignis aut lapidibus, sed fluentibus rivulis eucurrit more aquarum; denique colorem non prætulit sanguineum, sed planè purpureum: possumusque de utroque pronunciare ocularis utrobique testis, nihil alteram habere cum altera commune: idcircoque neque causam esse communem.

*De Causis Pluvie Purpureæ Bruxellensis  
Anni M DC. xlv.*

**A**dmirabilem hanc pluviam dum diu, multumque, & nihil non  
mente volvendo ac revolendo contemplanur; ut saltem qua-  
lem, qualem causam & colorem & saporis indicio excuteremus:  
hanc ego mecum ratiocinationem instituebam.

Telluris hoc magnum corpus, ex quo prodeunt omnia, sive ea  
sub terris Metallica sint, sive supra terras plantæ atque animalia,  
cum terrestria, cum aquatilia, æræ & ætææ: denique supra hæc  
omnia, exhalant summi, venti, vaporesque supernæ suo spiritu  
suspensi, densatique in nubes, atque abinde pluvias ac grandines  
cum horrendis fulminibus ac tonitribus; hoc inquebam, corpus  
& colores fundit & saporis certis rebus certos: unique autem &  
in hac pluvia utrunque tandem id evenit, colorem purpureum, &  
saporem bituricum eadem mater genuit. Non aliunde ergo quam  
ab ipsa terra utriusque origo reperenda est.

At enim (cogitabam) quomodo hæc tam variarum rerum gene-  
ratio procedat, cum infinita sit, infinitum fuerit dicere; nec hu-  
manarum virum vel cogitare, quæ solus Deus in numerato ha-  
bet. Ergo, quod unum restat, vastum hoc atque immensum  
contrahamus in se suumque centrum, quod unum est, ut ab unitate  
centro fiat pro nostro modulo initium, processusque disqui-  
sitiones.

Centrum hoc Telluris, dudum est, cum eruditi, atque inter  
hoc Kircherus primipilaris, advertebant ignibus circumseptum at-  
que intra vastam cavernam abitum; & quantam illam? Ego co-  
tor jam XLV annos Lunaris motus stupenda miracula scrutatus,  
audeo affirmare à centro Telluris ad hanc superficiem, quam incol-  
limus, esse Leucas Brabanticas, sive Australias 1000, rotundo  
numero, ac placcè definitas; de quibus à centro ad convexum  
istius cavernæ, æstuantis Leucæ sive 30. Reliquæ deinde 370 sunt  
à proximis ignibus ad nos: quanta est densitas crustæ, sive cor-  
pæ magnum hoc incendium velut cor atque animam suam com-  
plexi undique, sicut poma, nucsque suas volvulat. Ad intimum  
(hoc est, concavam) huius crustæ superficiem iam solidam, Lu-  
næ motus dum sese adtemperat (etenim centrum ipsum Telluris  
quia solidum non est, prensare non potest) admirabilem illam  
Librationem creat minutorum 37 30. quam Tycho in 40 30. ex-  
tendit, alii etiam ad 34, 30 contrahunt; proximè verum omnes,  
pro diversa Lunæ à terris distantia: prout hæc quæque inde pen-  
deat



dente alia, nos alibi propediem spero dabimus, ubi per malos licuerit.

Est ergo caverna hæc, totius globi terreæ pars quarta præcississimè: tantæque est ignium interterrancorum moles, & inferni barathri vastitas: cuius estis (sunt) Camini passim plurimi: *Ætna*, *Vesuvius*, *Strongyle*, *Hecle*, *Amara*, atque id genus per *Tartarium*, *Indias*, atque *Insulas* complures memorati alii: non tamen ita ignium suorum imperium emolliunt, quin sub omni cælo, in omni solo, adhuc multum efficaciz suæ propellant: efficiantque ea, quæ miramur ac stupemus *Metalla*, *Vegetalia*, *Meteora*: cuiusmodi est hoc, de quo agimus, in præsentiarum *Pluvie purpureæ Miraculum*. Quod quanquam satis per se dignum contemplatione: cedit tamen alteri longè biglori, quod iam vulgare est.

Perducta est jam *Chymia* in id usque fastigium, ut etiam aurum convertat in pulverem pyrium, tantò illo alterò efficaciorè, quanto aurum est nitro, sulphure, camphorâ, carbonibus omnibus præstantius. Denique *Aurum Fulminans* passim audit: quod ubi concepit ignem fragore immenso, & fulminis acutissimi, ad surditatis usque periculum, æmulo, palam quid agit, non sursum in auras abit, aut flammam evanidam, sicut communis ille alter solet, sed violenter terebratis ac perfractis quæ subter se sunt omnibus, immensa vicentrum *Telluris* rectâ petit, & sine morosis ambagibus in parentem suum ignem subterraneum homogenea pars in totum homogeneum settur concitatissimè, omni amonferventius, omni *Magnetismo* appetentius. Jam enim *Kircherus* nos in suo *Magnete* docuit, *Aurum Ignium* subterrancorum sobolem esse maximè genuinam: ut vel inde intelligamus, cur etiam ipso colore suam originem referat.

*Fulminantis* aurimentio fulminis ipsius me admonet, cuius à *Chymico* isto exemplo petita, eadem est ratio: ut nimirum interceptetur subterrancorum ignium vi excocta tot ustrinæ fossilia sursum mittere suos spiritus, qui coadupati, vel in fulgetra exhalant, vel intra nubes conclusi, magnâ vi ac fragoribus horrendis viam sibi faciant nunquam sanè sursum, semper autem in terras deorsum & quàm potè rectissimâ in suum parentem. Dico nunquam sursum, sive in apertum æthera trans nubes displodi fulmen: quod hoc asserere possum de experimento, *Arnaudo* illi meo, mihiq; Iuculenter comperto, hoc isto.

Supra *Folcalcarium* ad *Septentrionem* Mons est *Luerio*, optimus illic altissimus, & de cuius ego cacumine *Provinciam* ferme totam sæpe perspectavi; aliquando etiam obductam unâ perpetuâque nube, quam ego supremè ac tanto altior magna cum voluptate

vidi de Sole claro candicantem. Trans Lucionem, alterum est montium jam Delphinatē regionem terminantium jugum ita vallis, & in ea riuus est medius. Valli nomen est *Mirruallis* ex re ipsa indium, cuius Toparchia est pene Arnaudos illos meos. Ibi convallis quædam enostragola, seu potius barathrum, Solis radiis inaccessum sub altissimo Lucione monte jacet; quod infernariam dicunt. Ea interdum claro ac sudo cælo, repente expirat tenuē filamentum velut de camino confurgentis fumi; hunc ubi videris, nisi te illic in fugam præcipitas sub tecta, peristi: tanta mox tempestas desavit fulmine, tonitru, grandine, pluvia. Simile huic est quod circa littora Monopotapica in præ Natali observant nautæ: illi enim simul ac mari clarā vident parvā nebulam, quam appellant *Oculum bubulum*, tempestatis certi, salutis anxii, naufragiorum conscii, nihil in vota ac preces cessant. Contigit ergo aliquando ut Forcalcario illuc proficiscentibus, dum essemus in summo iugo, & descensus initio tota vallis unā nube à monte hoc, ad alterum esset obsecta: neque aliud illic in editis vel conspiceretur, vel audiretur, præter ipsum nubis æquor, claro supra Sole, cum tamen infra nubem interim horrenda tonitrua & dira fulmina; cum grandine effusissima, necarent hominem unum, neque alterum, cum jumentis & peditibus aliquot; everterent radicibus arbores, perumprent domos, & affarent odore retro sulphuris: omnia denique vel luctu vel consternatione implerent. Hinc apparuit Fulmina sursum non ferri, nisi quamdiu sunt adhuc in rudi materia suorū spirituum, ubi formam ignis concepere, statim deorsum tendere, atque (ut de auro fulminante jam dixi,) reperire suum parentem, Igniumque fontem, infernum, barathrum.

De horum ergo exemplorum similitudine permotus judicavi quidem subterraneos Ignes, qui auro suum colorem indigent, aliisque metallis suos adeoque etiam plantis ac floribus suos, quæcunque tandem id ratione fiat posse item in Meteora quæque colores habere, ac subinde pluviiis cum impetitu, quo vel Auri vel Sanguinis speciem emularentur. At enim cum in prodigiosis istiusmodi pluviiis, nunquam legamus alterius coloris fieri mentionem, præterquam rubei (neque enim vel viridis, vel atri, vel violacei, aut istiusmodi aliorum quidquam me legere memini,) non satisfacere mihi met ipsi, de causa, non tam illa universali, quam speciali hac sollicito.

Dum ergo hac de re dissero, versoque rationes attentius cum Chiffetio Archiatro: cogitabundus ille aliquantulum, erumpit mox assertionem, quā se putaret verā causā invenisse: atque

eam

eam ipsam scripto conceptam mihi traditurum promitteret, quod & postmodum fecit, his verbis.

## GOTTIFREDO VENDELINO

JOAN. JAC. CHIFLETIUS.

**L**esum Campariæ Brabantinæ solum, locis plerisque pingues & bituminosus igni parando cespites præbe. Agri Leodienfis contingit viscera, nec non & Hannaniensis carbone surgens lapides, qui & de bituminum genere est. Vterque quippe tractus, Sylva Carbonaria (antiquis historicis multisies memorata) pari non modica fuit. Sed Leodienfis præterea Chalcantio abundas, quod ad usus varios in vicinis provinciis distrahitur. Bruxella (quam Pius II. PP. vocat Oppidum Brabantiae nobilissimum) in terrarum, quas recensui, medio & atenoso colle sita est, in quam vi. die Octobris, huius anni M. DC. XLV. multo imbri implevit, sed coloris purpurascens seu violæ ex rubro dilui. Si quid autem turbatum est (inquît Seneca) aut præter consuetudinem emicuit, spectamus, interrogamus, ostendimus. Adde naturale est magis nova, quàm magna mirari. Sic de Comita: Nemo non ignatus est, utrum debeat mirari, an timere? Non enim desunt qui terreant, qui significationes ejus graves prædicent. Sciscitantur itaque, & cognoscere volunt, prodigium sit, an fidus.

*Ame ergo quæris, Doctiss. Vendeline, quid censem de Purpurata Bruxellenfis Pluvie causa. Ve plane satisfaciam, jubente Plinio, rerum naturalium scriptore diligentissimo, ad soli naturam, ad loci ingenium, ad cœli mores dirigenda solertia est.*

*Æstase præterea, sub calo, per plures hebdomadas, Solis radiorum ardor (præter solis in regione) intensissimus fuit: atque ita siderum Principi ex Terra penevalibz in superficiem transit saxon Asphalti, quàm Chalcantio tenuiores ac magis aereas partes, quæ subsacris imbribus madefacta & neriita, vaporibus, qui nubes constarant, materiam præbent. Insuper purpureus color soboles est caloris, unde Aristoteles, in Meteoris, illum componit ex mixtura Ignei & Candidi unde Purpuratam Iuvenalis Igneam, Kalerius Ardentem vocat. Hinc vi Sideris, apud Maronem, ducit.*

— apricis in collibus una colorem.

*Et apud Tibullum, calidior*

*Annus in apricis naturæ collibus avas.*

*Elincatiam ex Asphaltis, Gagato, Electo, aliisque bituminibus, per*

*P. M.*

*Lib. 1.  
comm.*

*Lib. 11.  
c. 4.*

*Eccl. 9.*

*Lib. 1.*

*Eccl. 4.*

Pyrotechniam oleum elicitor, obscuriore purpura splendens; ex præcipuis scilicet materia, ostrino illo succo prægnans est.

Idque bisuminosi vapores, qui in altum delati nobis corpus effinxerunt, intra se continebant recondita purpurei splendoris semina, Astris principis vi torrentis excitata. Permissiōne autem Chalcanthicorum spirituum, qui aliunde, sed eodem tempore in sublime fuerant elati suscitatum est lasens & abditum in Asphalticis vaporibus purpurea lumen, atque in nubem diffusum; qua collecta undequaque, in urbem medio loco constitutam maxime defluxit.

Ita porro vis admiranda spirituose Chalcanthi substantiæ, expeririā comprobatur: Si enim Rosas rubras, vel marcidas, vel plane secas, in aquam solas injeceris, nullo colore aquam tingent: si vero Chalcanthici spiritus arde Chymica parati guttas aliquot in aquam, in qua Rosæ materantur, infuderis, illico Rosarum purpura, quæ penitus videbatur extincta suscitabitur, & in aquam diffundetur, quæ purpureasens tota fiet, & eodem vini colore tinella evades, quo imber, qui Bruxellam depluit.

Hic si addas pluvialē aquam coloris purpurei saturationis quæ prius decidit, subausteri & arosi saporis (instar aquæ Spadensis, quæ Chalcanthi maxime participare est) multum habuisse, non eris quod dubites de Chalcanthi spirituum in ipso imbre permissiōne.

Sic igitur prodigiōse Pluvie materiam Asphalticam & Chalcanthicam, ex ipsius regionis solo; videor tibi subministrasse; purpureamque tinellam experimento comprobasse: ac fortasse felicius, quàm Papius Anstias antiquissimus Poeta, qui apud Agellium coloris mutationem in aquis, ad flantem Vulsurnum veniit isto carmine.

Lib. 18.

c. 11.

Spiritus Eurorum virides dum PURPURAT undas.

Purpura denique, quia Regum propria est, ea olim Regnis felicitatum portendi vulgo creditum. Unde Artemidorus de illa: Cum dignitati conveniat, prælagit honorem, & nominis claritatem. Quidni credamus & nos, piis fidelibusque populis purpureascentē aqua calidius irroratis, leta in posterum & prospera omnia significari sub optimo & benignissimo Rege, cui purpura in Tabaris decussatis, bellisq; fastis maxime propria est & peculiaris? Spem auge Seneca jam laudamus, ubi ait: In melius adversa; in deterius optata fluctant. Ita concipienda est animo varietas, non privatarum tantum profectum, quas levis casus impellit, sed etiam publicarum. Expando hæc paucula, si tibi, clarissime Vendeline; & nos, ut soles, gratia porgo. Rapiū scribebam Bruxella IX. Octobris, anni M. DC. XLVI.

Lib. 2.

c. 3.

Lib. 2.

c. 3.

Lib. 3.

n. 4.

Hæc ita ad me Archiaser præstantissimus; idemque prout Hispani quidem loquuntur, Nomine; prout verò Natura ipsa mecum agnoscit,

agrosit, Re, consummata subtilitatis, *Protophyseus* ut quo nemo illorum, quotquot Meteorologica de prodigiosa Pluvia, ac nominatim *Sanguinis* scribere conati sunt, pressus Naturæ (hic laborantis) vultum inspexerit, venas explorarit, statum judicavit.

Verissimum est enim, Taxandriam totam, à Scaldi ad Mosam, Asphalto substrato incubare, qui pinguem atque unctuosam illam materiam, jact inde ab orbe condito perennem, usili cespiti (*Turpham* vocant nostræ *Leges Salicæ*, Tit. xvi. §. vulgò *Turp*, & *Turbe*) subministrat, per venas suas, ac Lamas, veluti spiritamenta quædam ebullientem, scarurigine in exhausta.

Rursum verum est, ubi Taxandriam relinquis, & ad remota à mari loca, Leodium versus: Namurcum atque Hannoniæ ascendis jam te alius quidem solum, & unde flumina defluunt, non tamen aliam substratam materiam deprehendere. Nam & hic Asphaltus totum fundum occupat; neque tamen item hic in cespitem ebulliens, sed sub terris duratus in Lithanthraca, hoc est, Carbonem fossilem. Dicis hic in his locis superioribus restare quidquid ejus est solidum: quidquid vero fluidum, id omne subterraneis meatibus in inferiorem Taxandriam eliquari. Quod èd facilius credas, si observes Lithanthraca omnem, quantatis jacet Taxandriæ vicinior, tanto esse deteriorem, ceterum sicut profluvio siccior, magisque emacatum.

Itaque Lithanthrax, quem tegit Hannonia, (Leodino agro ceterè altior, & à Taxandriis remotior) multo quoque est unctuosior; succi quippe sui retinentior; & cui aliquando emillarium non habet; in tantum, ut igni adhibitus veluti in picem colliquescat. Namurcensis quidem bonitate cedit nonnihil Leodiensi; sed hoc èd fit, quod naphtham suam in fontes Iekeris fluminis, Tongros medios secantis didat: qui fluvius nullâ unquam hyeme, quantumvis rigente, concresecit in glaciem; æternumque hoc reposit, tunc maximè fumantis miraculum exhibet; mirum aut de hac ipsa bituminosa & percalida naphtha profluens.

Atque hinc indidem fit, ut ex illo tettarum tractu copiosiores exhalationes Asphalticæ & vitriolatæ sursum profectentur, vi trahentis Solis, frequentioresque illæ sint fulminum ac grandinum tempestates, quam locis etiam sanis propinquis: sicut & hoc antio, & superioribus aliquot patuit, cum ad Iekeris strages facta est segetum hominum, ac fumentorum, quam ad Iaceam & Tamaram non sensimus.

Quod addit Chiffetius, Chalcantitha materiâ, indidemque spiritu abundare Leodiensem agrum, nemo est qui ignoret: itaque



que non erit jam probandum operosius, ut per inrenfos atque im-  
mensos istos, qui Augusto à Septembri deflagraverunt Solis ado-  
res, magna visati sunt. adlubescens ignibus subterraneis, pri-  
mam quidem vapores atque halitus Asphaltici, quod est Ignis au-  
denique Soli solennè ac facillimum, deinde autem, ut visus sta-  
tissimè perseverante; (quo multi homines ac jumenta sunt  
profocati) halitus item Chalcanthici erumpere coacti, delatique  
in sublime; pepererint mixtura sua purpureum illum colorem,  
quem etiam de Chymico experimento manu tangendum mihi ex-  
hibuit *Vir Praestantiss.* Cui planè ac lubens subscribo: Ab ignibus,  
subterraneis (Solarem ignem amore quodam magnetico vche-  
mentius depereuntibus) proflatos spiritus Asphalticos aerem infe-  
dasse Belgicum, & narium vapores infecisse, quomodo Galla se-  
dit in Aquam. Eosdem spiritus Asphalticos, vaporibus incor-  
poratos, perseverante eorundem ignium subterraneorum aestu  
invenatos fuisse, cædius aliquantè progressa spiritibus Chal-  
canthicis iisq; purpureum in vaporibus latentem excitant sic emicu-  
isse, quomodo Galla reconditus color, momento in aqua se pro-  
bat, ubi illam Chalcanthum attigit.

Sic ergo Pluviam istam purpuream censeo, sentioque decidisse  
hinc Bruxellæ, qua sapient, atque annis ferme Diariis narratur  
per Germaniam atque Hungariam cadere, ubi scilicet ingens  
est Asphalti, Chalcanthique copia, miraculorum istorum Offici-  
um.

CASPERIUS GEVARTIUS

JOAN. JAC. CHIFLETIO:

Uldius cæniis sub meridiem, dum jam mensæ accubiturus es-  
sem, Tabellarius litteras tuas ad me attulit, quoque muscum  
bellum Clarissimi Vendelini nostri, de pluvia purpurea, non  
sine plurimorum stupore apud vos spectata. Equidem continere  
non potui, quam dilato prandio, (meliores nampe meritis  
tuis actus) avidè opusculum illud continud devorarem: ade-  
que cuius visio purpureo, & nectari aquam istam purpuream  
attulit. Nam antè dies aliquot, omnia in majus adaugens fama  
et nova derulebat, apud Bruxellenses visa fuisse mira prodigia:

Nimbòque minacem  
linguineo rubuisse levem, pulchros seniores  
dentatus,



Reverendi Clarissimo Vendelino, ac reliquæ Familiæ tuæ litterarum plurimam a me salutem dicas velim. Scribebam Antuerpiæ x. Kal. Nov. M. DC. XLVI.

## PETRUS GASSENDUS

*Gottsfredos Vendelinos.*

LECTO scribo, optime Vendeline; sed ferre nimitum diutius non possum, quin quas debeo rependam gratias pro præclarissimo libello. Is per doctas virum manus volitavit, nemoque perlegit, qui non sibi habere illius exemplum experirent. Ad me quod spectat, summo opere gaudeo rem observatam descriptamque a tuo amico & fidei pleno, qui ad eam accuratè explorandam nihil non contulerit studii. Itaque non hæreo, quin Purpurea Pluvia qualem describis, deciderit; alia scilicet à præsumpta illa, quam à me descriptam, in vita Peireskii commemorare dignatus es, nec sine vestigiis amoris adversum me tui.

De causa, fateor dici nihil posse, quod allaram illam à solertissimo Chiffetio (cui ipse subscribis non immerito) verisimilitudine vincat. Tamen enim, ne ille quidem (quo candore est, ac probe memor, quanta sit humanarum mentium circa hæc Naturæ arcana caligo) juraturus sit, Rem se haud dubie ita habere, ut se habere secus non valeat: attamen nemo alius, opinor, facile quidpiam proferat; quod cum ipsius ratiocinio videri possit comparandum.

Nam utcumque possit opponi, non rubere ut Rosæ folia, ita Asphalticam materiam, quæ macerata tota nubem, ex Chalcantidis effusione ruborem Pluviae perinde erdet, ac creant Rosæ illi aquæ, quæ macerata fuerint Chalcantidis oleo superfuso: Neque sufficere, quod ex Asphalto eliciatur oleum obscuriore purpura splendens, quo arguatur vis rubescendi intra Asphaltum contineri: quoniam idem Chalcantidis oleum nullum ruborem exprimit in aqua, quæ fuerint folia Senæ macerata; nec ruborem quoque latentem illuc videatur arguere, quod ex infuso Tartari oleo exprimitur; utcumque, inquam, siue istud, siue aliud quisquam opponit, nihilominus & aliquid semper deprehenderetur discriminis, & probabilitas semper sua, ratiocinio simul experimentoque constabit.

Mira tant præterea, quæ de Igne illo subterraneo ratiocinans: tanquam ego semper in x: tanquam persuaderi non possit,

## DE CAUSSIS PLUVIÆ

perit, posse flammam ullam in loco obtutaro aut excitari aut per-  
durare. Nam quod alioquin Ætiam, similiæque loca, quali ca-  
minos habeas; illa videntur sanè imparia tanto incendio spissamen-  
ta: credoque quas flammæ ea loca eructant, non ex imo pro-  
rumpere, sed quo momento materies inflammabilis in aërem e-  
rumpit, creari. Verum hæc longioris sunt disquisitionis.

Quod habes de pulvere Pyrio, qui ex auro paratur, vocari so-  
let *Aurum fulminans*, facit admonem, posse quoque ejusmodi  
pulverem ex *Ære* atque *Ferro*, de quibus quod dubites minus, con-  
cludam hinc ex utroque aliquantulum, ut experiri turemet pos-  
sis. Tu interim, mi Vendeline, bene, imò optime vale, Parisii  
v. Id. Nov. M.DC.XLVI.

## GOTTFRIDO VENDELINO

JOAN. JAC. CLIFLETIUS,

**L**ubens legi ac relegi Epistolam, quam ad te scripsit scientissi-  
mus Gassendus, qui etsi à sententia mea non est alie-  
nus; quædam tamen modestè proponit dubia, ob quæ florens  
ejus fama, apud eruditos nostros, non mediocriter crescit.

*In vita  
Peiruski* Cassiam Pluviam sanguineam (ut loqui solet imperitum vulgus) a  
vaporibus ex rubra terra in sublime erectis, quam Physici passim  
adferunt, jampridem ille merito explosit: Vapor enim qui ex co-  
loreatis rebus sursum fertur, in aquam coloris expertem resolvitur;  
nisi perspicuum illuminatum dicamus impropiè esse album.

*Anno  
1645.* Ex Rosella solum (singulari velut naturæ prodigio) fulvum ac  
verè aureum liquorem, fœculo stillario alias extrahi vidi; cujus  
ampullulâ Serenissimæ infanti sabellæ Dominae meæ tunc obtuli.  
Copiosa nascitur in bituminosis Campaniæ Brabantinæ Ericetis,  
foliolis rubentibus, cum radiatis solibus exiguis similia & instar  
auriscalpii cava purissimi rosis guttulam singula continent fervido  
quantumvis sole & sub ipsis Syrii ardoribus; unde herbulam Ro-  
sanici *Rosæ solis* nuncupant.

Præterea, si ex terra rubra aqua mixta vapore elati solerentur  
in rubes; guttas ex terra etiam nigra nigrae, ex alba albae, ex flava  
flava producerentur; & sic ubique variata coloribus pluvia quo-  
tidie decideret; quod minimè contingit; unde datur intelligi  
vapores claros in sublime, ex quibus coloratæ nubes confiam  
sunt, pigmentum in media æris plaga acquisisse, quod, attenta  
soli natura, & cœli statu, non aliter videtur contigisse, quam ex

Chal-

Chalcanthici spiritus cum halitu Asphaltico pingui & aëreo fortius permissione; ut ille innata virtute exesto, velut ex emarcida rosa, delitescentem muricam eliciuerit; nempe in quibusdam antaxat nimbi yorticibus & globis, qui oriente Sole, inter subcæpaleos, in cælo rubere conspecti sunt, prius quam rotus imber in cæta loca purpureus & subausterus, in alia coloris & saporis omni expers decideret.

Addo Electricis & Bituminosis corporibus inesse facultatem ( de *In caso: na mag-* qua fuit Kircherus ) attrahendi, & alijs se copulandi: per quam *netico.* ab Asphalticis halitibus etiam Chalcanthici potuerit trahi, & quædam velut fœderis societate utrique coalescere in purpurascensentem aquam: quales in Germania & Hungria, feracissimis horum mineralium regionibus, persæpè decidunt.

Ad hæc tamen opponi posse ait humanissimus Gassendus: *Non rubere, ut Rosa folia, Asphalticam materiam; nec sufficere, quod ex Asphalto eliciatur oleum obscuriore purpurâ splens, quo arguunt vis rubescendi in Asphalto contineri.*

Obiecto, quod vi Chalcanthi ex Galla Omphacite ærum, quod vi Tartari ex virescente Sena rubrum extrahitur; nunquid palam produnt, sementina alieni coloris rudimenta intra illas contineri? Quidni ergo de Gagare nigro, de flavo & albo Electro, alijsque Asphalticis, ex quibus oleum purpurascens extrahitur, idem sentiamus? Mens humana imbecillis ex sensibilibus omnia colligit, nec naturæ novit arcana, nisi ab effectis.

Sed addit, comiter more suo, Gassendus; opponi etiam posse, Chalcanthi oleum nullum ruborem exprimere in aqua, qua Sena folia macerata fuerint, nisi latens in Sena rubor infuso Tartari oleo exprimat.

Experimento constat Senam in aqua simplici, per plures horas infusam, vinoso rubore illam inficere: undè accuratum Gassendum de momentanea maceratione loqui existimo. At demus Chalcanthi oleum, illud subito non præstare; certum est res naturales habere sua odia, suas amicitias, suam activitatis spheram, intra quam amicis copulantur, respuunt inimica. Quidni ergo amico Asphalto sociari Chalcanthum possit, idemque cum Sena habere divortium? Hæc tamen ratio si animum non explet, ostendam ipsa etiam vi chalcanthi, sed non sola, ruborem ex Sena protinus extrahi.

Senzæ foliola, dilutione prasino infecta, ( qualia ex oriente ad nos advehuntur ) substantiæ sunt crassioris, siccatæ terrestris, partisque spirituosas in se paucas continens, undè vis eorum catartica



## DE CAUSSIS PLUVIÆ

a calore nativo tardiusculè in actum reducitur, nisi rosido melle, aut saccharata rosa adiuvetur.

Fex vini vel recens est, vel indurata: Illi *santa vis inest*, (inquit Plinius) *ut descendentes in cupas enecet. Experimentum demissa præbet lucerna, quamdiu extinguitur periculum denuncians.*

Vini fex indurata, vulgò *Tartarum* dicta, crusta est, quæ inter dolia, circa costas concrescit: constat illa partibus sulphureis, quarum in recenti face enecantem jam vidimus halitum. Constat etiam Chalcantidis: quas prodit perquam acidus cremoris tartaro sapor: Illa porò crusta in calcem cremata solvitur in liquore, quem *Oleum Tartari* vocant, cuius ad cutis vitia frequens usus. Sed & aliud quoque ex illa vini sicca face, per vas retortum, vi magna oleum extrahitur, eo longè potentius, quod paratur per deliquium!

Quòcirca Tartari oleum, quia duplici substantiâ constat, duplicem habet agendi & extrahendi facultatem; a Sulphure nempe & Chalcantho. Et quia *Sulphuris mira est natura, quo domantur plurima, neque alia res est, quæ facilius accendatur; quo apparet ignem vim maximam & inesse, non est mirum si ejus oleo, quod intra Tartarum Chalcantico junctum est, purpurea Senæ anima repente, quasi totmento, foras extrahatur: id quod solo Chalcantidis oleo non perficitur, licet vim suam ad idipsum conferat, Sulphur Tartareo permixtum.*

Cur verò Chalcantidis spiritus tenuissimi virtute solâ, Biruminosi halitus, qui ruboris semina in se habent, faciliè pervadi non possint, non video; utpote pingues, rari, facile permeabiles, & (ut jam dixi) amici; quemadmodum ex amica Rosâ, erit emortuâ, nativam purpuram ultro elicit: non verò sic è despecta Senâ, nisi a validiori harpactico, sulphure scilicet adactus, ad opus illud simul concurrat.

Cæterum halituosam Asphalti substantiam aquæ permixtam, pluvie purpureæ materiem præbuisse; palam facit ejus mixturæ actus, quam sponte facta resolutio. In primis enim infuso in infusam rubore aquam, recens ex nube demissam aceto (cujus etiam est, ut *margaritas in sabbem resolvat, & ipsa etiam saxa, quæ igni non domantur, rumpat*) aqua suum colorem statim amisit, peritque fundum visis pallefcens ex rubro crassamentum.

Deinde purpurascens eadem aqua, quæ bene obturata servabatur in phialis, post vicesimum diem, paulatim per se ipsam rubellum, colligere coepit, & in ima deponere albican-

Postic.

Plin.  
lib. 35.  
c. 15.

Plin.  
lib. 9.  
c. 31. &  
lib. 23.  
c. 1.

Postremo, liquor idem pluvialis insolito colore infectus, cor-  
 ducurbitulæ commissus, igne supposito, spiritum mere aquæum  
 reddidit, subausteri tamen & vere Spadani saporis; reliquique in  
 aqua igno fuliginem, quæ colore, sapore, & odore Turpham ip-  
 sius, sive bituminosum cespitem referebat.

Ex quibus experimentis, concludo pluvie coloratæ Bruxellensis  
 materiam tenuiorem rectius peti non posse, quam à Chalcantida  
 substantiâ, quâ contigua Eburonum & Hannoniæ terra dives  
 est: crassiorem verò quam ab intrinsece purpureo & pingui As-  
 phalto, quo telluris adipe circumjecti Bruxellæ tractus abundant:  
 utique vera non esset Pulchra hæc Philosophi de aquarum infectu  
 coniectura: *Non mirer si locus atque aer Aquas Inficit, Similesque*  
*reperibus reddit, per quas, & ex quibus veniant, Pabuli sapor ap-*  
*paret in lacte, & vini vis existit etiam in aceto. Nulla res est, quæ non*  
*hinc à vno nascitur, notus reddas.*

Lib. 3.  
 nat. q.  
 c. 21,

Hæc sub, Doctissime Vendeline, quæ, ut eximio Gassendo  
 satisficerem, breviter scribenda duxi, etsi de illis naturæ admiran-  
 diæ centrum esse sciam, nihil esse certi. Bruxellæ xxx. Nov. M. DC.  
 LXX.

## PETRO GASSENDO

Gottfriedus Vendelinus

Quanam rerum ac qualitarum sublunarium permixtio, quos co-  
 lores imprimat corporibus compositis, cum Elementaribus  
 cum Vegetalibus, quas partes hic agat Sol, quas ipsa Tellus, quas  
 utrumque istud corpus in commune conferant: æquâ scrutandæ  
 subinde cælum aquas mittat de purpuris rubentes, cuiusmodi  
 prodigium nuper a 7. Sept. Juliani 6. Octob. Gregor. Bruxellæ vi-  
 dimus, vidit Leodina ditio, vidit passim Hannonia, bis mille &  
 amplius jam annos; non ignoras, *Eruditiss. Gassendo*, quæ a suis  
 decessoribus. Ac tantum quidem jam sæculorum est, ex quo  
 summi potentum pulsi sunt aude turba Naturæ, ex quo nos videmus  
 antiqua obambulantibus adhuc Peripatericos, dominus in conspectu  
 eius in penetrantibus directæ vias ingressum Chimerium, recedente  
 rem armaria, promittente recondita, revelantem arcana, & reddito  
 spatio Deorum Penarum facit propalantem, in quantum tantum  
 dilige circum pectora mortales visus heberant, ea intuent penitus  
 insuper. Hæc ego jam inde ex quo ad me scriberet sic iudicavi. Me  
 cum vero indicium in quoque scripto restari voluisti, neque ulum  
 ab his de vno sentire, sed etiam in quoque scripto restari voluisti, neque ulum

Et

Et ille quidem, ad ea quæ objectari posse admonbas, respondendo, iudicetis idem te sibi delegit; ac quantum? Natura Consultarium. Quo sancto facto & me admonuit, ut super his quæ milites movere possunt ex litibus, ad eorum tribunal provocarem. Multæ sunt illæ & magnæ, sed post omnia *Incidentia* seductæ ad duo *Principalia*; quorum alterum est de Pulvere Pyrio, confectæ ex Auro, alterum de Igne subterraneo.

Ad pulverem illum Pyrium quod attinet, neque ego illum confeci unquam (nunquam Auri abundus, ac si essem, collocaturus in solida) neque spectavi confectum, nisi si quando profusum vidi non semel in sordes & cænum: & denique quidquid ejus scripsi ex aliorum commentationibus descripsi. Legebam in magnæ Kircheri *Œtæ* hæc verba: *Omittere non possum, quin lectori curioso admirandum quoddam Ex Auro Pyrium Pulverem conficiendi secretum pandam; cuius experimentum ego primo in Germania apud summum quandam Artificem vidi; postea idem apud doctissimum virum Petrum Castellum in inclysâ Messanensem Academiâ professorem comperi. Aurum in calcem redigatur Aquâ forti, Sale Ammoniaco, & Oleo Tartari præcipitati. Hæc calx quamprimum etiam ad odorem ignis (præsertim si instrumento quodam excitatur) sponte sua in Flammam cum Ingenti Fragore ac sonitu abis. Exigua enim hujus calcis portio incensa, omnes Pyrii pulveris ordinarii vires & efficacia & sonitus longe superat, in tantum ut auditivum organum vehementia ista obtundere videatur. Accedit, quod hujusmodi pulveris & nitrato pulvere discrepat, hoc superna, illo inferna petens, si enim aureum hunc pulverem alicui laminæ, impositum accenderis, illa non potest; sed Laminæ perforata inferna petet. Eadē sententiæ fugebat Polanicus scriptor, Gallice quidem, sed eradite dissentens, qui & operosiorē hujusdem pulveris conficiendi methodum tradebat per lixiviam, calcinationes, lotionēque varias, cum eadē pollicitatione fragoris, impetus, depressionis, aliorumque jam commemoratorum.*

Non potui non tam idoneis fide iussoribus fidere; etiam postquam tu ad me transdidisti similis pulveris ex Marte Venereque confecti plusculum, nolque de utroque sumimus experimentum. Nam etsi ad istorum flammam neque fragor increpuit, neque depressio memorabilis crederetur suppositam tabellam, ut proin neque *memorabilis* videatur plus multo præstiturus: dum tamen mecum reputo, ut de Mercurio memini audire excitatum aliquando fragorem: cui cum inascent omnia metalla, solum Aurum subsidat, (fieri apud me) saltem potest, ut *perpetuum* videatur

versum quid, & supra omnes alios obtineat. Interim autem & dubitare me docuisti, & fidei plus collocare in *αὐτοψία* quam in credulitate. Quo certe nomine grates gratias exhibere habeo, de quo tantum rores, tantum etiam hic meritis est; quantum ante annos pluseulos Doctissimus item *Πεταύιος*: ad quem (memini) cum scriberem, & nescio quid auctoritate Polybii fulcire vellem. Sed Perotto versi; rescribendo ille Polybium ipsum loquentem exhibebat suis verbis repræsentatum, cum hac castigatiunculâ: *Quem locum miror sic se versum*. Ita pauculis istis syllabis, me admonuit mei. Iterum ergo video mihi suffragandum impetum nimiam fiduciam.

Venio ad alterum caput, *De Igne Subterraneo*; cujus duo membra sunt expendenda: prius de magnâ illa caverna intra tellurem; posterius de corpore; quod immensum hoc cavum (si quid est) impleat. Et quidem cavum istud vastum atque ingens aliquod esse, frustra laborem adstruere solis auctoritatibus, sive sacris sive profanis, eò quod Sacra pagina erudiant prius componendam, quam earum testimonium ad hæc detortum temeretur vigilantium somniis: quoddam profanorum nemo plus istorum in ipso perviderit. Quidquid ergo seu de Abyssu sacra oracula commemorant, quidquid de Tartaro suo Plato extremo Phædone commentatur, in eam tantum partem accipio, ut saltem etiam indesciamus esse tale quid, quale sub manu est: at vero quanta illa sit, cujusque modi moles, aliunde sit, deque ratiocinatione colligendum; quam sic instruebam.

Demonstratum jam est, & laboriosissime à Kepplerò, & ingeniosissime à Boliardo, Planetarum orbitas, quas suo cursu permeant, non esse circulares, neque describi eorum motu perfectum Circulum super uno centro decircinatum, sed viam planè Ellipticam, super duobus centris seu umbilicis velut ovi formam. Hæc duo puncta sive Umbilici (quos in eadem diametro longiore Foros dicunt) sic sunt à naturâ collocati, ut alter sit defixus in centro ipsissimo corporis Solaris, alter extra illud libretur in æthere velut vacuo vacuus, quia etiam de causa ille quidem qui hæret solidè infixus centro solis solido, *Στῆνόν φησιν* ex hinc mihi dicitur: alter corpore vacuus *Κενόν φησιν*. Quantum quidem potui pro meo capto apponere, novis hominibus inditus, de quibus tu judicabis. Inter hos medium intervallum mensuram exhibet, qua summa Apelis sive Aphelium remotius est à centro Solis, quam Apelis ima seu Prothelium, istiusdemque intervalli dimidium est ipsa Excentricitas. Qua centrum Ellipticos

distat à centro Solis. Quæ non tui monendi causa, sed eorum qui multis Parasangis infra te forte hæc sunt lecturi dici existimus.

At verò Lunarem choream, ego à cæterorum Planetarum motu plurifariam comperior diversam. Primum enim (quod nuper ad te scribere memini) Orbitam suam neque Circularem decurrit, pro eo ac voluit omnis antiquitas, neque Ellipticam, quod Keplerus & Boliardus statuerunt, sed eam plane effigiat Ovalem, hoc est, Ellipsin facit circa Apogæum quidem acutiorem, circa Perigæum obtusiorē: ita ut ab Apogæo ad mediam longitudinem iter ejus ingrediatur Ellipsin, sique eatenus Ellipsis inter circulum & Ovalem, media post longitudinem verò mediam, jam Ellipsis ingrediatur Ovalem, curratque Ovalis ad Perigæum usque, media inter Circulum & Ellipsin. Idque iis legibus, ut prostaphæreses tam supra quàm infra medias longitudes, æquidistante numero graduum à Linea medii motus seu Apsidum, sint exquisitissime inter se æquales. Hoc est, ut in gradu Anomalix Lunaris 45. & 135. Prostaphæreses ejus sint 3. 32. non autem 3. 19. rursumque in gradu 135. vel 225. eadem prostaphæreses sint 3. 32. non autem 3. 45. quod tamen Geometrica ratio exigeret; quæ nos huc planè destruit, & ad Physicæ nos ablegat, hoc est, quæ ego introducebam, Oscillationes, in Lampade mea, intra hoc triennium revelatas. Quibus scilicet sic libretur Luna extra mediam suam lineam, sive centro sit propinqua, sive ab eodem remotior; quomodo in Oscillationibus omnia puncta totius chordæ (sive paucillò sint propiora, sive remotiora) sub eodem extra perpendiculari angulo jactantur. Interim autem hæc Ovalis figura seu Ellipsis alterâ sui parte obtusior non desinit habere duos item Umbilicos, sicut illæ aliorum Planetarum alteræ: quorum *Κέντρα* sicutum habeat in libero æthere, ut si corpori hærentem; alter *Συνέμαλλον* Telluris corpori sit illigatus; non tamen ejusdem centro infixus, sed inter centrum & superficiem medius; eo intervallo, ut si à centro ad nos sint Leucæ Austriacæ 1000. (pedes Romani ex postremâ Geodesiâ Snellii 19500000.) ab eodem Telluris centro ad *Συνέμαλλον* sint Leucæ 630. Atque hoc tanto intervallo continuo movetur, creâque Variationem illam Tychonicam minorum 40. circiter (mihi 37. 30.) in quadrantium semissibus, seu Octantibus Lunæ mensuris maximam, simulque Apogæi Lunarisi Prostaphæresin tunc item maximam gradu 114. 28. quæque alia locum alium unâ cum ooidis constructione Geometricâ sibi deposcunt: hoc est, *Te, Boliardum, Chris. Contum*. Trum interpellant.

Hæc ego cum jam olim mecum expendere, sic ratiocinabar, Luna



Luna motu suo terram observat, & in illam collineat, corpus in corpus, cum quo & sese communicat, ut æstium Maris cieat, & miram vim in vegetalibus imò & laxis (selenite) oculis subiciat. Rursus autem Tellus in Lunam Magneticum imperium exercere deprehenditur, vel ex eo, quòd eadem ejus facies semper in Tellurem propendeat, nunquam verò istam à nobis averrat, ut alterum hæmæsphærium patiarur adspici. Murua est ergo inter hæc duo corpora tractio.

Murua velut inter homogenea corpora collineatio, sicut inter Magnates & ferrum. Et quia Lunare Systema suum morum exercet circa terras quidem, nec tamen constanter circa ipsum centrum terræ, quin imò longe extra illud, & tamen intra Telluris finem profectò velut elatà voce clamat nihil se invenire in Centro ipso solidi aut densi satis, ad quod se componat, sicut Planeræ cæteri sese ad Centrum Solis dirigunt; sed id demùm invenire leucis abinde 630. idèoque inde tam insignes Anomalias, ac velut motuum inconstantias sibi esse subeundas: quod non faceret, scilicet, si centrum prensare posset densum aliquod ac solidum, ad quod suum curriculum moderaretur.

Hæc me perpulerunt, Doctissime *Gassende*, ut tot illis 630. leucis semidiametrum darem vastæ istius cavernæ; quam proin totius globi necesse sit partem esse quantam præcisè: & hanc, quia vacuum statuere non debemus, non dubitavi eam plenam subterraneis Ignibus asserere; non tamen etiam sic tumultuosas, aut in tantum effertis, ut illis sui camini aliquot non sufficiant, sed peninde illos habui ac in Cordis cellulis latentem obscure abdium ignem, cæcum ac vitalem, indidèmq; manantem calorem ac motum per totum corpus se dispensantem. Quæ est efficacissima est totius vitæ officina, sanguinis arteriosi, spirituumque scaturigo, sui que sibi pabuli ministra; nihil tamen tumultuosum habet: nihil compositum, aut impulsibus inordinatum, quamdiu constat valetudini sua ratio; inspirationi atque expirationi sui meatus, quæ Quæmadmodum (inquit *Plato*) in animalibus, quæ semper respirant, spiritus fluens & expirat & inspirat sic etiam, illic subiectus una cum liquore spiritus vehementes quosdam & ingentes ventos excitat, cum ingrediens, tum exiens. Quem & respiciens *Seneca*, juxrà eum illo affirmat: Naturà regi terram, & quidem ad nostrorum corporum exemplar, in quibus & Venæ sunt, & arteriæ illæ sanguinis, hæ spiritus receptaculum. In terra quoque sunt alia itinera per quæ aqua & aia per quæ spiritus currit. Et quænequam sunt sub Terrâ minis nota nobis jura naturæ, non sunt tamen minis citia. Crede infra, quidquid vides si præ. Sunt & illic specus vasti,

sunt ingentes recessus, & spacia, suspensis hinc & inde montibus latius sunt abrupti in infinitum hiatus: qui sæpe illapsas urbes receperunt & ingentem in alto ruinam condiderunt.

Quos hic Spiritus Plato ac Seneca loquuntur aquæ permixtos, Ignis isti mei sunt (velut in corpore humano Spiritus Vitales) tenuissimi, purissimi, efficacissimi, nec sub conspectum credentes, quæque Hippocrates vocaret *τὸ ὑποπύρρον*, Ignitæ velut substantiæ, animæ cum corpore vincula, instrumenta imperum facientia pro voluntate quantumvis subitum, quos cum doctissimo Meteorologo Fromondo Naturam vel ideo reor infernè subiecisse, ne illa stagna, imò etiam ita permicuisse, ut quantumquam Platoni multa quidem Aqua velut ex aliis in alios crateres fluat, sintque perpetuorum fluviorum immensa magnitudines sub terrâ, tam calidarum quàm frigidarum Aquarum: multus tamen sit etiam Ignis, & Ignium ingentia Flumina: quibus abyssus illæ Tarrarûsque omnis ita fervet, candeat, æstuet, ut inde tot locorum proprietates calidæ, tot scaturigines Thermarum (tantùm non Ignes ipsos Aquis mixtos, Aquas imò igneas vomentium) regionibus omnibus cum exundent; alibi quoque tanto cum fragore, ut Torquem adarescerat in Hispaniolâ insulâ montem quendam suum circumquaque inhabitabilem, quod in ejus cacumine (quæ vastâ est planities, & nulla prorsus arboribus) Lacus ingens Aquæ obscuræ, atque atramenti instar terræ, perinde bulliat, ac si omnes totius universi suppositi sint Ignēs: cujus strepitu continuo, etiam è longinquo surdescant homines, ideoque arceantur. Plura his similia legere est apud Acostam, atque alios Ignium infernorum indices.

Talibus ergo Ignibus inferna Abyssus plena est, & simul Aquis immanibus. Quid igitur? nam hæc tam pugnantia elementa in unum ceciderunt. Omnino sane, & coalescunt. Hic audiendus est Aristoteles, de Generat. Animal. 111. *Generantur* (inquit) *in terra humoreque Animalia & Plantæ: quoniam in terra Humor est; in Humore Spiritus, in Toto vere Universo Calor Animalis: ita ut anime quodammodo plena sint omnia.* Calorem ecce istum Ignis vocabulo alibi designatum per totam hanc molem universi vultesusam ac veluti mundi animam constituere. Ut Ignis seu Caloris vivifici plena sint omnia, tam Terra, quam Mare, cum suis Fluminibus & Abyssis, etsi iam Aquis multis permeari jam audivimus. Imò si sobrie Philosophamur, alibi nullus ignis esse potest, quàm ubi pabulum habet. Jam dudum enim quæ æternum elementorum fabula explosa est etiam Aristoteli, libris illis aureis, tam de magnibus doctorem nunquam deponendis, quàm magistellorum nequaquam attingendis, quos scripsit de Historia, partibus,

& Natura Animalium. Nam libro 11. de partibus cap. 11. assererat, *Naturam Ignis, tale quid esse, quale frigus est* (accidens nimirum in subiecto,) *eiusque subiectum esse carbonem vel sumum.* Rursum lib. 111. de Generatione Animalium cap. 11. postquam tribus Elementis terrena velut genera distribuit Animatorum; Terræ Plantas, Aquis Pisces, & aquatilia; denique Aëri Animalia, quæ incessu & volutatione moventur: quartum præter hæc Animatorum genus nullum agnoscit, ut nec Elementum intra quod degant. *Nam ignis* (inquit) *quarum quidem enumeratur corpus, verum is non videtur habere formam propriam, sed potius* (accidens esse) *in alio corpore: Aut enim Aer, aut Fumus, aut Terra videtur esse id quod Ignitum est.* Ac paucis ante versibus, *Mare* (ait) *omnium partium, seu* (quod intelligit) *elementorum, est particeps, Humoris videlicet, Aëris, & Terræ.* Itæ ecce Trium, nec plurimum Elementorum assertio vel ipsi Aristoteli probatur; quatuor alias vindicanti. Sed jam ævo scilicet & iudicio maturior à seipso juniore diversus abiit: ut agnoscas in opinionibus non sæculorum modò, verùm ætarum quoque suas esse sectas.

Ignis ergo qui sine pabulo esse non potest, alibi quam ubi alatur cogitandus non est. Et quoniam non nisi humore calor pascitur, profectò in humida substantia, ideòque in Abyssò illa, quam diximus Aquarum Infernarum inveniendus est: easque continua ustrina excoquere, ac spiritu cocturæ, in superna proflare cogitandus. Ut proin Aquæ istæ infernæ ignitæ, sint ipsissimæ illæ, quas ater ille lacus Hispaniolæ, quas fluvii quidam alii cum ipso Tartarei coloris argumento representant: indidem quodque profluant, quos Plato commemorat, *Fluvios multos luti liquidi, partim purioris, partim cænosioris.*

Hoc sybterrancorum Ignium Aquarumque coagulum, hanc dico Abyssum, Rupertus Platoni ac Senecæ verbatim sermè accedens hepatis animalis comparabat, unde per venas ac tribulos se sanguis intotum corpus dispergat: imò affirmat hunc esse fontem, ex quo profluant quatuor illa Paradisi flumina: *quæ etiam matrix sit & mamma* (ut loquitur) *cæterorum omnium.* Quatuor verò Fluminum præcipuorum ex Barathro seu Tartaro sese diffundentium Plato quoque meminit, indicato jam loco, quod est notandum.

Enimverò, quod Ignibus, istis Ætnam, Vesuvium, aliisque per totum orbem terrarum spiramenta censes nimis angusta, quasi majoribus caminis indigeant, tantundem mihi obijcere videris. Ac si dicas corporis nostri spiramenta videri spiribus proflandis imparia, quoniam videre est interdum corpus hominis capite præciso

cifo adhuc erectum ejaculari emicantem alitè sanguinem, vel de fistulis, quod certe spiritus faciunt, hic jam magno impetu erumpentes, qui tamen antè intra corpus placidè atq; amicè continebantur nihil illis arctari utpote in loco suo, Sic nimirum & Inferni spiritus atque Ignes, cum sint in proprio loco ac statione sua, caminis laxioribus non indigent, nisi si quando velut Febris quibusdam (cum voluit Deus) correpta Tellus exæstuat, & horrenda tunc Incendia cum Terræ motibus ac strage mortalium evibrat, maximè circa istos ipsos caminos : quod anni superiores in Italiâ nos docuerunt non semel.

Quæ dum reputo planè cum Seneca, existimo spiritus istos ignivomos non illic originem habuisse, sed viam, atque ex imis terræ visceribus adèdque altitudine, infima effusos quâ transierunt, cum suis ætibus traxisse materiam obviam, atque in auras inflammata exspersisse. Quod idem jam tecum loquor & subscribo, materiam inflammabilem non ex imo prorupisse, fortè autem neque centrum leucis infra superficiem delituisse : sed spiritus propellentes fontem quacunq; de causa ebullientem ultra solitum effecisse, ut Materia illa inflammabilis corripereur incendio, simulq; effunderetur. Ego quidem sic mecum ista jam olim meditatus, in tuum, Optime Gassende, sinum nunc effundo, qui te ipsum toties mihi tam effuse impendisti. Vale. Vir Summe, & idem esse perge qui fuisti hactenus, erga.

Tuum Tui plenum Gottefridum  
Vendelinum, Can. Condat

Scilicetam Bruxellæ,  
Calendis Dec.

## RENATOMOREAU

Robertus Feruagius. S. P.

SERius quàm debebam Purpuratæ nostræ Pluyiæ te certio-  
reddo, Eruditissime Morea, sed temporis intercapedinem & ingenua rei confirmatione, & solida causarum assertione rependere conabor. Mitto igitur iteratò editam accuratissimi Vendelip nostri narrationem una cum Clarorum Virorum censura, qui causas imbris illius vernaculas firmis rationum momentis ab Amplissimo Domino Chifletio deducas vehementer approbarunt; quibus & ego penitus assentior, abunde intelligens veritati multò magis esse consentaneas, quàm quæ à Physicis obiter huc usque  
nec

hec sitis dilucide fuerunt inductæ. Hæsitant illi pene omnes, & dubii oberrant in assignandis rubentis Pluviæ causis; fateatur ipse Scaliger, colorum causas atque essentias tam controversas atque obscuras esse intellectui, quam sunt ipsi visui manifesti. Primus facem prætulit Chiffesius, arcanioris naturæ omnis vates scientissimus, atque acerrimo, quo pollet, iudicio, Belgii nostri indolem, situmque persectatus, genuina ruboris in imbre principia nobis indicavit.

Exercit.  
325. in  
Cardan.

Gravissimum est à tellure ipsa sumptum argumentum. Decidit hæc Pluvia sub matutinum primò crepusculum Herkæ, (quod oppidum est in ora Taxandriæ cespitem bituminosorum feracissimæ) tardius paulò Bruxellis, ac circa Namurcum visa, Angicæ oppidum rigavit à meridie, nonnisi vero postridie. Condari ad Scaldim & adjacentibus fortè in vicis fuit observata; quam quidem loca omnia vel fuliginosos Asphalti haltus, vel tenuissimos Chal, cuncti spiritus radiis submittant solaribus. Vitrioli namque vitæ magnam Hannoniæ visceribus includi cuique manifestum erit, qui vel solos Mariæmontii fontes acorem Spadensium aquarum referentes, fundique arenosi ferrugineum ruborem perpenderit, Bituminis verò præsentiam non tantum ab indigenis fossilibus glebis igni somitem præbentibus, sed vel à solo reservatæ Pluviæ sedimento colligere licet, quod tenuiore parte vitreis organis eductâ crassescens, (uti experimento probavit Chiffesius, Vendelino, meque præsentibus) ipsissimum, nativumque Turpharum odorem,

*Fas vidisse suis, fas sit mihi visa referre.*

atque fuliginosam bituminis substantiam ingenue referebat. Adde quod in candidis forte è lanâ vestibus pluviæ expositis, variæ subtubentes maculæ intæserint; quæ nullatenus aquâ communi elui potuere, bitumi neo ac renaci succo altius infixio lotiones eludent. Neque opus est cætera repetam argumenta, in quorum confirmationem Græcus ille author de coloribus, quem Simon Portius commentatur: *Conspicimus, inquit, nigra ignita omnia mutari in puniceum: etenim fumosæ flammæ & carbonēs quando sunt accensi, cernuntur colorem habere puniceum.* Cur etiam Cardanus congenerem adfert experientiam: *Si lacti fuliginem miscueris, rubens sit color.* Ac paulò post: *Crocus seu aureus in duplâ ratione candidi ad nigrum consistit, puniceus verò seu Roseus in hemiolia.* Hinc apparet statutâ certa que proportionem naturalibus causis esse concurrendum, ut varii multumque dissimiles ex eorum miscellâ emergant colores: quod & in arte factis contingere videmus ad miraculum. Nōrunt Chymici certâ ratione stibium unâ cum nitro calcinare

Ovid.  
Lar.  
Hel.

Cap 14.  
lib. 3. de  
var.



caleinare, ut vitrum inde conficitur elegantissimo rubore pello-  
cens, quamvis album sit nitrum, stibium vero cum splendore ni-  
gricans. Ex aquâ item aluminosâ ac lythargii decocto permix-  
tis, insperato lac (quod vocant virgineum) exsurgit, neutro li-  
cet prius liquorum albicante. Sic & in tartari liquorem injecto  
Virioliacido, subsidet coagulum albiſſimum degener mixtorum  
colori. Quidni ergo & à principiis naturalibus variè tingi pluvia  
possit? & modò lactis; modò sanguinis colorem referre? dum  
nempe ex determinatâ mixti materiâ eleuantur vapores, qui pro-  
prietate innatâ rubrum candidumve cognato liquori imprimere va-  
leant pigmentum. Sic bituminci halitus, à nigro licet Asphalto  
oriundi, dum Chalcanthi Spiritui copulantur in nubibus, quidni  
& ostrinam excludere pluviam possint? quàm non facile à ruben-  
te terrâ miniove regionibus hisce peregrino provenisse censeas,  
cum rubentia etiam non nullâ album ex se, non purpureum liquo-  
rem suggerant; uti Cinnamomum, quod ignis vi lacteam aquam  
subministrat: purpureæ verò Irides, & fusce Rhamni Cathartici  
baccæ vitidem succum præbent, ut pictoribus notum est. Quod  
si quis arguat nunquam in Belgio visos imbres purpureos, atque  
odios in naturales ac necessarias causas rejici non posse; fateor  
libenter monstra illa pluviarum haud frequenter contingere, quia  
necessaria his in oris agentia rarissimè una cum intensissimo calore  
simul ad hunc effectum conspirant. Visum tamen id non semel  
præcedenti sæculo in hisce ac finitimis locis, speciatim anno 1543.

*Fromon-  
dus art.  
3. cap. 4.  
lib. 5.  
Met. or.  
Lib. 2.  
c. 2. Cos-  
mogr.* in Westphalia, tum & anno 1571. in Ditione Embdensi Belgio con-  
termina, ubi referente Cornelio Gemma, nocte sanguinem pluviæ  
copiâ tanta, ut ad quinque vel sex miliarium spatium herba, & ve-  
stes expositæ in apricum, ex albo colore penitus in Purpureum sint mu-  
tasæ. Idem & Lovanii anno 1568. ipso Pentecostes die accidisse  
memorat. Obscuriores sunt, dicam, an negligentiores fuerunt pri-  
orum sæculorum scriptores, qui cum sanguineæ lacteæque plu-  
viæ passim meminerint de sapore, consistentiâ & odore imbris al-  
tum silent, tanquam si rubeus candidusve nimbi color sufficeret,  
ut sanguine lacteque pluuisse diceretur, rudis & indoctæ vitio ple-  
beculæ, quæ non delectu aut sapientia ducitur ad judicandum, sed  
impetu nonnunquam & quadam temeritate. Inde factum arbitror,  
ut quoties colore ad rubrum accedente tingeretur imber, sangui-  
nem, quoties ad album vergente, lac è cœlo cecidisse crederent.

*Cicero  
pro  
Planc. 9.  
Virg. 8.  
Æneid.* Imò & hæc nostra lympha sanguinis commentum subiisser apud  
posteror. ni doctiorum opera ab hac fraude fuisset vindicata. Jam  
sciet posteritas omnis, non quem casum portenta ferant, sed quibus  
causis natura duco, & ordine certo conspirantibus, talem sibi  
asse-

seiverit pluvia colorem; unaque De bonitatem ac sapientia prædicabit, qui non terrorem, sed instructionem hominum naturalia sunt agentia mirandos edere effectus: quos tibi, Medicorum præstantissime, significandos duxi, quia nostrum interest temporum mutationes, ventos, pluvias, regiones considerare, & quia eximia polles rerum naturalium cognitione; græssima hæc tibi argumentis futura cogitavi. Bene vale, Parisiensis Academiae decus clarissimum, arque hæc nostra qualicunque, æqui bonique consule. Bruxellæ xv. Decembris, anni M. DC. XLVI.

*De Pluviâ purpureâ Bruxellensi.*

ANNO Cl. D. C. XLVI. VI. OCT.

*Q*æritur, An rubens qui nuper decidit imber,  
Sis Meteorum, vel mage Prodigium.  
Nemo negat variis naturam ludere formis,  
Verum, quid majus denotat istud opus?  
Credite portensum est; sed lætum, quodque futurum  
Pacis apud Belgas nuntiat Auspicium.  
Iam satis effusum terræque marique cruorem,  
ipse restantur, quæ pluis, Axu, æquæ.

P. L. W.

EPIGRAMMA.

*L*ætæa dum niveo fundemur Bathea nimbo,  
Portendans Gallis nuntia læta sua:  
Qui rubet Austriaco Pluvius modo Iupiter offso,  
Nobis Pacifici fœderis omen erit.

R. F. M. D.

JOAN. JAC. CHIFLETIO.

F. AMANDUS FABIVS,

Non hoc sine numinae divum, Vir Amplissime, eoque manifestum, ita tibi in mentem incidisse (quippe ex alto veniens, ex æloque delapsum, Jexistimo. Ut, inquam de pluvie sic nuper colorata causa disquirente doctissimo wendelino, tam eam & perspiceres subito (mortalium, nisi fallor, prius) & vox literis crudite expositam, aliis quoque exhiberes

per.

perspiciendam. Proinde quam mihi primum Literas eas legendæ facta copia, & legi sublimi gaudio animus & *Patri Luminum Condensæ Revelanti*, pro novi luminis beneficio gratias egi. Nam ille, ut videris, & quidem tam facile, tam acutè, tam apertè, commodeque explicares, dedit. Ut non minore nunc iure, quam olim silentiarii Magister ille Ludi, Sonorum proportionibus ab incude miro casu edoctus, tu quoque Vir Clarissime, exclamare possis ac debeas: *Supra supra* (monstrante nimirum Deo,) & vultum, ut Pythagoras ille, centenariâ gratitudinem contestari. Tanti (meo sanè sensu) inventio ista, & veritatis eatenus abstrusissima de imo Democritici putei caligantis fundo in aperta, lucemque protractio. Abnuant, ut lubet, nescio qui tæpæ lucifugi, malintque nocte suâ, quam adducto per alterum diem, frui: Solem ego, undecunque videro exorientem, saluto, & lætus adspicio, eò lætior, quò à propiore vel notiore plaga.

*Felix, qui potuit rerum cognoscere causas:*

Qui invenire primus, etiam gloriosus. Sed utique in *Domino* gloriâ: de qua uti nunc tibi gratulor veri tot sæculis abditæ ignotique Inventori, ita & ab eodem illo solidiorem istam, ac de *Summa Veritatis*, quæ ipse est, inventionem complexusque precor æternam Vale. Ninives Flandrorum, Anni Dominici c15, 15c xlvj, 1 die xx.

Præriunt animus mihi calamusque disertissimum *Vendelinum* alloqui: quem meritiò virum squalentibus Campaniæ Brabantiz cespitibus, invident urbes Belgæ principes, Bruxellæ, Lovanium. Ludere existimo, cui sic de ingentibus illis intra Terræ Cavum, circum umbilicum ipsius focus, tanquam à Natura structis illic accensisque, lubuit, Philosophari: (nam quos ibi, Fide magistra, ardere rogas, discimus, vindices iniquitatis, alii sunt.) Quantum scilicet habeamus jam, idque alterius Elementum ignis, qui contraria, quam supernus iste, tendentia & indole, deorsum ferri, & infra gravissimi ponderis molem subsidere, ibique habitare gaudeat: Quo proinde fulminum nubibus excusforum, aliæque congenères flammæ velut in gremium matris directæ ad Centrum universi impetû, redire festinent. Adeo, ceu ad perpendiculum, eat semper,

*Ardentis vis fulminis deorsum?*

Credat Iudæus Apella, aliud videmus: & vult Ratio;

Nec ad illud abuntò minùs: Fulmin: è nubibus nunquam sursum erumpere. Una hirundo non facit Verum nec una qua nititur ipse, experientia istud verum. Immo toties experimur, utputo, contrarium, quoties nobis hic infra positis tonat, nec tamen fulminat.

minat. Netnpe perrupto tum nubium dorso, & elisis in altum ignibus, Verum de his nihil ad præsens attinentibus, opportuniùs ac pluribus, ubi cum ipso. En hic interim à mutiente musa nostra Distichum, alterumve, quo ad ludimus inventioni.

*Vt inveniretur causa, pluit Purpurâ.*

Quæteret ut causam Godesfridus, redderet apud  
Christum, nuper Murice, credo pluit.

*In eas, qui dicunt pluisse Sanguine.*

Sanguine quod pluerit, vox & sententia vulgi

Clamant, cum propior sit liquor iste Meri.

Ille Meri color est omnino, suavè rubentis;

Si tantum videas, dixeris esse Merum.

Et cum non habeat quidquam sapor ipse cruentum,

Est aliquid, quo se fingeret esse Meri.

Vertite vos igitur, vox & sententia Vulgi:

Quo minus erratis, ferte pluisse Meri.

F. A. F.

F. AMANDO FABIO,

PRÆMONSTRATENSI CANONICO,

F. ODO. CAMBERIUS.

**A**Nno. MDCXLVI. die IX. Novembris, feriâ sexta (integro mense post Plaviam Bruxellensem) hora circiter secunda pomeridiana quum aura solitò tepidior esset, flante primùm lenius Cæcia, nubes Affligenio, vicinisque impendens locis, in imbrem torulentum resoluta est. Inde vento vehementius sprante, majores guttæ cecidere, & pluvia copiosior sesqui horam tenuit. Quum ita testis aquæ largiter defluerent, obsecravimus nostrum è cellula aliquis imbricem plumbeum, qui per tubum aquas superioris tecti recipit, quasi purpurascere. Admirans stupensque, pluviam sanguineam conclamar, Presbyteros duos forte obvios advocat, per se nostram prospicere velint, rogat, aliquid dignum spectaculo esse. Vident illi aquam pallidè rubentem per proximum decurrere imbricem: nec sat oculis credentes, propius rem videre ac tangere optant. In Peristyllii hortum se conferunt, ibi sub divo stillas cælo deciduas veste, manu excipientes, nihil purpurissi quidem notant, sed ad orientalem dormitorii suggrundam progressi, i. sum stillicidium colore russo, & ex albo purpurascente, ad aliquot passus tinctum conspiciunt. Erat forte in proximo fiber lignarius, qui adesse iussus & arbitrari, rubere quidem aquam, ait, sed vitio ipsius

ipſius forſitan ſoli, quod laterum fragmentis hinc inde ſtratum, aquas illas purpuraſſet. Rectè ita hæc a tali prolata, ſi non alius ſæpius obſervatum foret, pluviã eò loci delapſam, ſemper ſuiſimilem nihil peregrini coloris habere; ad hæc ſcrupos illos lateritios multo guttaſum caſu ſilicem more duratos & læves, ſi undis immergantur nihil illis rubei illinere. Interim dum oculos iſtic non unus Accetarum paſcit, nemini in mentem venit aliquid iſtius liquoris è ſuppyrunda deſſicentis vaſculo excipere. Unus Dominus Amandus, quum rarior jam nive commixta decideret pluvia, ad locum delatus, textarium ſerè ex ſtillicidio, quod tunc non imbiberat, collegit.

Sed ubi, & quid tu interea, petes, dum ita plueret? utinam ad fuiſſem! ut omnia ex amuſſim adnoraiſſem! Agebam enim tunc apud admodum Reverendum Dominum Præpoſitum, nec antea quidquam intellexi, quàm quum ad Veſperas ultimum ſonaret. Serius tum, Deo diviniſque nihil non poſſhabendum, Simul atque Officio finis impoſitus eſt, nihil à me factum eſt prius, quàm ut explorarem. Pergo ad Peristylii hoſtrum, nec dubia purpuræ iſtius indicia in ſtillicidio etiam tunc deprehendo; vitri pellucidi cyathopluſculum indo, acri oppono, aſpicio, nec fallit color ferrugine uſ rubeo dilutioni quaſi perſuſus, ſaporque ſubauſterus, acidularum aliquid referens.

Idque magis credere iſtitui, dum collectam altera die pluviã eum hæc coſerre juvat, quæ nilum dictu quantum ab eo colore & ſapore abiſſe mihi viſa.

Faceſſant igitur omnes, qui Pluviã purpureã (qualis etiam Bruxellæ pridie Nonas Octobris cecidit) aut elevant, aut, quod indignius, riſui habent. Illorum ego ſenſa & dicta vel nebulæ cyatho non emerim; certus magnus Naturæ myſtæ D Chiffetio accedete, & iſthuc totum accedete.



## NOPISCO FORTUN. PLEMPIO V. C.

*Gottfriedus Wendelinus S. P.*

CUM postremi Decembris die 17. discederem Bruxella, magno serio mihi commendaverat Nobilissim. Chistepius, uti salutem tibi abs se dicerem. Atque etiam ex te intelligerem quid de Pluvia illa purpurea censes, ejus ipse rationes explicasset, sed judicio quoque tuo vel firmandus vel improbandus. Cujus sententiam præsolaretur de scripto scilicet recitandam. Et ego quidem, pro eo ac voluerat Summus Virorum postridie, qui fuit 18. Decembris, statim à sacro ad ædes tuas advolavi, sed tu abeas, commodum (imò sanè perquam incommodum) egressus, cum interim me præsolaretur carrus Distium periturus omni mora denegata: Sic factum est, ut alloqui non liquerit. Quod unum ergo licet, per literas, ecce re alloquor, & quantum possum oro etiam, ut ad Virum præstantissimum velis aliquid perscribere, quod cum Clarorum capitum judiciis aliis possit prælo redire. Ac ne hoc ignores (quod ad rem facit quam maximè) frequentior est ista Pluvia in his oris, quam hætenus quisquam suspicatus sit. Memini ego me valde puerum, hoc est, sub annum 1590. circiter, audire quod publicè tunc memorabant, in ædibus cujusdam Nobilis Toperchæ collectam fuisse pluviam sanguineam in subdialibus cacabis, in quos noctu abunde depluerat; leuca una distat hinc illa domus. Sed & sæpius alias in Taxandria id ipsum visum narrarunt mihi mei illic avunculi & amitæ, nihil magnopere talia mirabundi.

Sed & anno 1638. biduo circiter aut triduo summum ante festum omnium Sanctorum, pluit sanguine isto (ut vulgus amat loqui) largiter Turnholti & Duissilvæ: rursumque anno 1645. die inter 23. & 24. Januar. Mollæ ram effusæ purpura de cælo ruit, ut fluvius ille totus ruberit, magna admiratione omnium etiam peregrinorum, qui ad mercatum hebdomarium (die tunc Martis) conveniant. Eodem die Martis mei cives Hercani Hasselæ item ad mercatum profecti; media via invico Kempt eandem aquam rubentem notarunt in glacie, lon-

gæ cujusdam fossæ secus viam publicam. Atque hæc intra paucos istos annos 1611, 1645, 1646. solum nostrum Belgium exhibuit; quam frequenter ac læpius retro idem contigerit relicto in medium argumento! Tu quid de his censeas, ad Nobilem Virum perscribas velim, & me in tuo ore numeres, cui sostrum hæcenus debeo.

VOPISCUS FORTVN. PLEMPIVS,

*Jean. Jacobo Chiflesio,*

**N**obilissime & Ampl. Vir,

Monuit me per literas ex Hercio suo Vendelinus noster, te poscere à me, quid de scripto tuo censeam, quo causam & ortum explicas *Pluvie Purpureæ* pridie nonas Octobris 8 CIO. IJC. XLVI. cœlo in nos delapsæ. Paren- dum est, quia possis. Utinam quod possis, rectè possim. Consilium certè erat de hoc argumento nihil dicere; si- dem hanc non impellere, quod alii clariore voce tinniant, ex eorum genere & ætate, cujus vel duo singularia capitula magis extimecebat irritare Carolus Maximus, quam mag- num quempiam Regem. Declamitant Medicos ad athe- ismum deflectere, pauca Deo tribuere; pleraque natu- ræ vel expensa ferre, vel referre accepta. Bellam Hercu- les, & efficacem à Deo desciscendi rationem! Quasi vero naturæ contemplatio ad Deum non potius nos deducat, quam ab eodem alioversum abducatur. Quod adeo verum est, ut ex pulchritudine operum naturæ & mirifica ejus vi nationem Dei etiam veteres sese habuisse fateantur: quo- quo enim se insinuabant, ubiq; scintillæ elucebant divini- tatis. Porro sic de Natura loquuntur Medici, ut ipsam Dei ministrant esse semper meminerint: quo sensu quan- to plura sublimioraque huic famulæ adscribunt, tanto ho- norificentius de Domino sentiunt. Quid enim volunt illi obstrigillatores, ut quicunque eventus raro incidenti soli Deo imputetur? Notum enim vero omnibus est, & vel ipsis etiam tunicatis in confesso, Deum O. M. cunctorum effectorem esse, nihilque sine ejus concursu peragi. Sed enim hoc sciunt docti, Deum illum eundem O. M. non agere ordinariè sine consortio causæ secundæ, quæ in Me- dica

dicta quidem nostra republica est Natura. Quandoquaque ergo opera aliqua sese offerunt in speciem mira, ea continuo vel portenta esse, vel miracula, ut vocant, pronuntiare; hoc ego quidem anilium fabulationum simile existimo, quas ingenium vegetum, doctrinæ nitore defæctum excultumque præcipue averfatur, atque hoc verè pium dixerim vereque religiosum, causis naturalibus ingenuam suam tribuere potestatem. Desinant igitur Medicomastiges, comprimant acculationem suam, hebetudinis indicem; neque imperitum popellum inanibustericulamentis percellant, sed Deum cum Medicis in natura venerari atque adorare vera pietate discant. Ego istam admirabilem Dei promam condam, quot diebus magis magisque adspicio & suspicio, nec perspicio. Video tamen multa portentæ loco à nobis haberi quæ quotidianis rebus minus sunt mirabilia; nempe frequentia sentiendæ elevat miracula fidem. Vt in hac ipsa nostra Pluvia: quod buccæ pæne crepuerunt; quot guttura ad ravim vociferata sunt, frustra laborare Physicòs, ut aquam illam cœlestem rubram in causas referant naturales? sed merù Dei indicium esse, quo nobis monstravit, non nisi sanguine largius fundendo crimina nostra esse pianda. Sane vero multa nobis assidue versantur ob oculos, multo istis rubicundis guttis admirabiliora; quorumque sunt causæ reconditiones. Vident motum maris; ferri vel tractionem vel cursum ad magnetem; sudi cœli vel aeris nullo colore præditi cæruleum colorē; sexcentarū rerū sympatheias & antepatheias; vident glaciē, quæ densata frigore aqua est, aquæ liquenti supernatare; fumum in camino, Solis radiis supra illustrato demitti, nec posse caminum evadere; aquam in pannum sibi immersum nullo impellente scandere; nec stupent, quia videlicet obvia sunt. Sed si terra trepidavit; si horrendius tonitru innuit; si alieno colore pluvia decidit, confestim Stentorea voce intonant, & territant plebeculam. Imperite; cum hæc multo minus mirari deceat, quam ista jam commemorata, & mille alia id genus, quorum causæ nos latent, horum autem rationes dare sit in proclivi. Quin aio mirandum magis esse rosam rubram, vel alium quempiam coloratum florem nasci, quam rubicundā ex cœlo cadere pluviam; illorū originem dicere non possumus hujus possumus; & omnino nobis dixisti, atque

in apertum protulisti. Vir Amplissimè, quod quia probat & tam efficaciter comprobat *divinus* ille Gottifredus, nescio quis audeat seorsum sentire. Ille quidquid à mortali sciri pòtest, unius complectitur; dæmonium hominis, non Taxandriæ solum suæ, sed Europæ, sed orbis totius Thaumata: qui fulminante ingentii sui auro non adyta solum terræ invadit & penetrat, verùm etiam trans cœlos. Hic censet saporum ac colorum in vaporibus & exhalationibus varietatē non aliundè quam ab ipsa terra esse quærendam.

Quod apud me tam est certum, quam in Natura quidpiam. Tu vero Principum Medice, & Medicorum Princeps, generale illud incomparabilis Vendelini effatum contrahis, & quæ speciatim terræ exhalatio hanc Pluviam coloravit, depromis. Nimirum *Bituminosi vapores, qui in al um de lati nubis corpus effinxere, intra se consinebant recondita Purpurei splendoris semina, astri Principis vi torrente excitata. Permissione autem chalcanthinorū spiritū qui aliunde sed eodē tempore in sublime fuerant elati, suscitatum est latens & abditum in asphaltinis vaporibus Purpuræ lumen, atque in nubem diffusum: quæ collecta undequaque in urbem medio loco constitutam maxime defluxit.* Quod ita est Natura duce feliciter inventum atque ita subtiliter exco- gitatum, ut vel hoc solo nomine Protophycticus audire mē- rereris. Sed alia sunt magis eximia, quæ Rex noster in te honorat, & quorum promulsi des aliquot jam propina- sti, ex quibus utique agnoscimus omnes velut Atlanticæ, sic tuis humeris ius gentis Austriacæ inniti. Sed re- deamus, unde tuæ dignationis admiratio nos non nihil di- vertit. Chalcanthinos spiritus rerum colores elicere, & si- quori impertire, omnibus potest constare, si rosas, si gallas, si alias res aquæ immacerent, & chalcanti spiritum assun- dant.

Hunc ergo, inquis, sursum à Sole elatum bituminosis vaporibus, atque adeo totis nubibus Purpuræ colorem in- duxisse. Chalcanthinum autem sive spiritum, sive vapo- rem admistum fuisse adserit nobis Vendelinus, qui hujus pluviæ vim talem percepit, qualis ab aqua Spadana, chal- canthinis spiritibus perfusa emanare solet: nam acidulū sapuit, urinas movit, lumborū dolores sustulit. Itaque iterum dico, ingeniosissima est hæc tua inventio. Et quia hæc

Naturæ specum tam perspicaciter pervidisti, velim, ut quæ super hac ipsa re mihi dubia restant, expedias. Paucula sunt, talia tamen quæ quæpiam in sententiam tuam eundem suffraginare queant.

Primum est, quod quidem chalcantum rerum integrorum liquoribus immersatum colores eliciat, & liquores eodem colore inficiat, sed si eadem illæ res sint arte distillatæ, nihil chalcantum adiectum in colore mutat. Atqui Solis calore in vapores, versæ & in sublime elatæ perinde se habent atque arte distillatæ: ergo spiritus chalcantini, in vaporibus bituminosis, Solis vi quasi distillatis, latentem & abditum purpuræ colorem suscitare nequeunt. Secunda majoris propositionis pars probatur. Nam aquam vel de rosis, vel quacunque bituminis specie distillatam nihil immutat affusum vel inditum chalcantum: etsi de rosis integris aqua infusa rosæum evocet colorem.

Alterum est: si de bitumine corpulento & integro aqua injecto, chalcantum admissum colorem educit, cur fontes, qui aliquoties in Taxandria seu Campania Belgica, non apparent Purpurei? cum & isti bituminosi sint, & chalcanti non sint expertes?

Tertium: cur Saltem Spadani fontes non purpurascunt, qui de terra scaturiunt lithanthracis, id est, bituminosi carbonis ferace & chalcanti foeta?

Quartum: Purpureum color, inquit, sobole est caloris: unde Aristoteles in meteoris illum componit ex mixtura ignei & candidi. Nec Purpureus, nec quisquam alius color à primis qualitatibus dependet; nam quilibet cum qualibet potest consistere. Atque ut, aliis omisis, de purpureo solo dicam, hic in violis se ostendit floribus frigidis. Itaque quando Naturæ aëriensis cum componit emixtura ignei & candidi: per igneum non intellexit, quod qualitate seu temperamento, sed quod colore seu fulgore igneum est.

Hos æstus meos explica præclaro tuo calamo, Amphissime Domine, & plures pulcherrimæ tuæ opinionis sectarios se profitebuntur. Vale. Scribebam Lovanii VII, Id Febr. Cl. 1637. XLVII.



Joan. Jac. Chiffetius.

Episcopo Fortunato Plempia.

**H**umanitati tuæ ac doctrinæ singulari multum debeo. Vir clarissime, quod ex primario Medicæ professionis pulgite, de naturali causa Pluviæ Purpureæ, iudicium ferre volueris, mihiq; plurimum gratulor, quod meæ sententiæ, etsi novæ, tam candidè accesseris, probè conscius Naturæ Arcana non promissæ, nec omnibus patere: reddita & in interiora sacraria clausa. *Id est, ex quibus aliud hæc eras, aliud quæ post hoc subibit, aspicias.* Cæterum ad dubia, quæ proposuisti, breviter & amice, sic respondeo.

Ad primum: Distillatione simplici, aqua pura & defæcata ex floribus, elicitur remanente, in imo cucurbitæ, crassa terrefactique substantia, in qua sunt recondita coloris semina. Vi autem potentiori masculi Syderis, vapores raptantur in sublime crassi, & impuri, in quibus pigmenti rudimenta delitescunt; unde est, quod accedente chalcantico spiritu, totas prodeant: non sic illo aqua simplici stillatitiæ affuso, in qua substantiam pinguem colorum imaginibus gravidam hæc panciscitur. Aqua autem pluvialis purpureæ impuritatem comprobavi experimentis, quæ ad Gassendi objectiones supra adduxi.

Ad secundum: *Bitumen alibi limus est, alibi terra,* inquit Plinius. In Taxandria plures sunt uliginosæ paludes, maxime circa *Mol & Balen* quæ gelu nunquam perstringuntur, propter limosum & sulphureum, quo infectæ sunt, Bitumen. Sed aquæ illæ sunt expertes Chalcanthi, quod in montosis & siccis locis nascitur, & plerunque ubi æris fodina subiacent. Itaque, ob illum terræ adipem, absente Chalcantho, fontes Taxandriæ purpurei esse non possunt.

Ad tertium: Spadensium aquarum quilibet

*Fons est ILLIMIS, nigridie argentei undæ.* ex quo aqua distillata sedimentum instar austeri saliste linquit. Non enim scaruntur illæ aquæ ex bituminosa terra; alioqui asphaltico limo infectæ prodirent, deponerentque nigrum ac splendens lutum, quale in agro Lingonensi Borboniæ Thermæ.

Quod si Asphalti vel tantillum Spadanis aquis admixtum esse velis; id admocto igne, & chalcantico spiritu susci-

fuscitatum, rubore tandem se prodit. Audi, si lubet. Pili-  
olum de Lymphis illis: *Tuneri, Civitas Gallia (Belgicæ)*  
*fontem habet insignem, pluribus tubulis stillantem; ferruginei saporis,*  
*quod ipsum non nisi in fine potus intelligitur. Purgat hic corpora;*  
*instantes febres discussit, calculorumque vias. Eadem aqua igni ad-*  
*mota, turbida fit, ac postremo RUBESCIT.*

Ad quartum. Sit ita verbis illis Aristoteles *ἐν τῷ πυρρῷ*  
*καὶ λευκῷ* intelligantur quæ colore florida & lumine  
igneasunt. At ista oriuntur à qualitate fervida; unde ig-  
nem & auroram ruberi & purpuræ omniscii Poetæ copu-  
lare solent. Virgilius de Lavinia:

*Flagrantes persusa genas, cui plurimus ignem*

*Subjecit Rubor, & Calescit per ora cucurrit.*

Ovidius de illa Solis ac terræ filia, & lucis præ-nuncia:

*Lib. 2.<sup>o</sup> |*  
*Mes.*

*Nisido passescit ab ære*

*Purpureas auro a Fores, & plena rosarum*

*Arvid.*

Ambigebat lepidè alter antiquus Vates:

*Rapere tunc Rosi Aurora Ruborem,*

*An daret, & Flores tingere ora dies.*

Ego certè (cæsi multa sunt, quæ oculos nostros & im-  
plent & effugiunt) omnia colorum semina; à sapiente  
Promethei igne; hoc est, à Sole, in terram adhuc virginem  
illata arbitrò; & in primis Purpurei, sive ignei, quo ma-  
turitatem significat Poetarum princeps, ubi segetem jam

concoctam à Sole, rubicundam Cerelem vocat; eandemque *1 Georg.*  
ob causam Purpureum colorem, pro omni alio, *4 Georg.*  
*Ecloga 9*

usurpat, dum scribit, apes, quæ flores variè pictos de-  
libant, *Purpureos metere flores*, quo etiam sensu, *Ver*, varie-  
garum floribus, absolute *Purpureum* nuncupat.

*Viola* flores, quos exempli causa proponis, quamvis  
frigidi sint, in se tamen partes habent igneas; ex quibus  
quippe (quemadmodum è rosis) arte chymica elicitur a-  
qua vitæ, sive spiritus ardens, quo violam tingi existimo  
obscuriore Purpura, quam in Amelli floris foliis observat  
laudatus Maro: quibus ait,

*Viola subluces Purpura nigra.*

*4 Georg.*

Ipsium quoque frigidum papaver, purpureis effulgens  
floribus, sulphureo nidore, quo prædictum est, capue-  
mer,

mentemque infestat, ut veterum inducit.  
Sed ecce, vir maxime, sensim ad ignes nos deduxerunt  
aqua, de quibus Naturæ Mythes ait, nulla in parte Naturæ  
majora esse miracula. Tu de illis frequenter statue, ut ego  
tibi semper applaudam. Interim bene vale. Bruxellæ,  
Febr. M DC XLVII.

F I N I S.

C E N S U R A.

**H**istoria prodigiosa Pluvia quæ Bruxellæ deci-  
dit. VI. Octobris M. DC. XLVI. Eru-  
ditiss. calamo Clariss. D. Gotifridi Vendetini ex-  
arata; Judicioque Amplissimi D. Chiffletii Ar-  
chiatræ Regiæ examinata atque illustrata, utiliter  
excudetur: ut homines videant Mirabilia opera  
Domini; & per veram penitentiam ad eum con-  
versi, orent in bonum monstra illa converti. A-  
ctum hac VII. Octobris M. DC. XLVI.

Henricus Calemus  
Archidiaconus Mechlin.  
Librorum Censor.

run  
sua  
ego  
a x.

ci-  
u-  
x-  
tr-  
ter  
ra  
m-  
A-